

**APPARATUS  
BIBLICUS, SIVE  
MANUDUCTIO AD  
SACRAM  
SCRIPTURAM, ...**

---

Bernard Lamy, Antonio incisore  
Luciani



BIBLIOTECA NAZ.  
Vittorio Emanuele III

XV

G

59

NAPOLI

XV

G

59







Ad simplicem Wm. P. Hiacinthi  
a Fratta

Pertinet ad Conuentus  
S. Anthymii

De licentia P. Petri a  
Fratta Petij  
anno 1739.

# APPARATUS BIBLICUS,

SIVE MANUDUCTIO  
AD SACRAM SCRIPTURAM,  
Tum clarius, tum facilius  
intelligendam.

AUCTORE  
R. P. BERNARDO LAMY,

Congregationis Oratorii Presbytero.

EDITIO SECUNDA VENETA

Juxta novissimam LUGDUNENSEM ceteris  
auctiorem addita: nunc primum AUCTORIS  
VITA in synopsis redacta.



CUM FIGURIS AENEIS.

*Pertinet  
Monk*



*con. v. m. de  
C. m. l. a. anni 1739*

*Apud Laurentium Basilium*

VENETIIS, MDCCXXXIII.

*Apud Laurentium Basilium.*

SUPERIORUM PERMISSU, AC PRIVILEGIO.



# V I T A A U C T O R I S I N C O M P E N D I U M redacta ,

E X A M P L I O R I ,

QUÆ OPERI DE TABERNACULO FOEDERIS  
Parisiis in fol. anno 1720. impresso præfigitur.



*Ernardus Lamy Cœnomanus anno salutis  
1640. mense Junio natus est. Parentes  
ejus Alanus Lamy Dominus de la Fon-  
taine, & Maria Masnier filium suum  
linguas addiscere, artesque liberaliores  
excolere impulerunt; quod illi studium  
primis quidem annis non multum arrisit, ut ipse testa-  
tur in primo circa scientias colloquio. Ast ubi primum  
littera ei sapere cœperant, in Collegio Cœnomanensi  
Patrum Congregationis Oratorii D. N. J. C. studiis  
operam dedit; quibus ducibus mirum quantum sive in  
pietate, sive in scientiis profecerit.*

*Annum agens XVIII. Congregationem Oratorii in-  
gressus totum se Deo, & Ecclesie mancipavit. Cœno-  
mano Parisios profectus domum Institutionis anno 1658.  
ingreditur, ubi religiosè acquirendis virantibus totus  
insubuit; quæ eas in ejus animo radices egerunt, ut mul-  
tiplices per diversa vite illius spatia fructus protule-  
rint.*

*Fuit ille apprime ingenuus, ac veritatis amans, ac*



*tam felici praeclitus ingenio, ut ad scientias singulas natus crederetur; eosque in singulis fecit proventus, ut de quacumque illum consuleres, omnem illi operam insumpsisse videretur, quod amplissimo testimonio confirmat D. Du Pin Biblioth. Scriptor. Eccles. tom. 5. p. 347.*

*Hec tamen studia illum à pii Sacerdotis officiis minime retardabant. Animum suum sacris meditationibus quotidie pascebat, singulis diebus incruentum offerebat Sacrificium, excipiendis confessionibus frequenter vacabat, divina legis lectioni & precibus certis diei noctisque horis incumberebat.*

*Ea fuit modestia, ut aliorum de libris suis judicia grato animo exciperet, eosque ex eorum opinione vel a navis levioribus perpurgaret. Contentionem tam in scriptis, quam in colloquiis fugiebat; & si quando quorundam opiniones reprehenderet, in eorum errores tantum, non in ipsos invehebatur. Neminem primus aggressus est, ac laceffitus intra modeste defensionis limites semper stetit; nihil magis veritus, quam tuenda veritatis titulo a caritate deflectere.*

*Paupertatis amans divitias semper sprexit. Tota illius supellex Bibliotheca, non tam librorum numero, quam delectu aestimanda. Laboris adeo patiens fuit, ut omnia fere itinera sua pedes confecerit. Modestiam, temperantiam, in dictis, in vestibus, in omni denique supellectili spirabat. Verum divitias licet nullas, aut perexiguas possederit, multa tamen tum ad inopes sublevandos, tum ad templa exornanda contulit; adeo ingeniosa est caritas, quam non in corpora modo, sed & in animos exercebat.*

*Quantum in alios misericors, tantum in seipsum austerus fuit. Corpus vigiliis, jejuniisque domabat, cubabat semper vestitus, variisque insuper modis in se pie saeviebat. Verum sicuti laborum studiosus fuit, ita eos assidue celare sat agebat.*

*Hac*

*Hec tanti viri indoles fuit, hi mores. Nunc vita illius cursum, ac studiorum partes strictim percurram.*

*Peracto Lutetia Institutionis anno, in Salmuriensi Collegio a P. Carolo de la Fontenelle Philosophiam biennio audiit; & inde Vindocinum ad humaniores litteras docendum est missus. Tum anno 1664. in Juliacensem Academiam commigravit, ibique Humanitatem, ac Rhetoricam docuit. Tandem ad sacrum Presbyteratus ordinem euectus est anno 1667. Paulo post in Cœnomannensi Collegio per duos annos juventutis educationi praefuit; hinc Salmurium petiit anno 1669. & sub PP. Andrea Martin, & Joanne le Porc S. Theologiae duobus annis vacavit, statimque ibidem Philosophiam biennio docuit; moxque Andegavi eandem palestram emensus est. Dum vero cursum alium aggreditur, ineunte anno 1676. Superiorum jussu ex Andegavo Gratianopolim advocatur.*

*Huic Ecclesiae praerat Eminentissimus Card. le Camus, qui Bernardum Lamy in curarum munerumque partem recepit, eoque in sua Diœcesis visitatione in primis est usus. Innumeros ille in hoc curriculo exanthlavit labores, ubique verbum Dei prædicans, Religionis elementa populos edocens, nulla non adiens per montes per nives pericula, vixque vel nocte quiescens. Gratianopolim reverso Clericorum instituendorum à sapientissimo Praefule provincia demandata est. Hanc impigre administravit, tuncque ad comparandam Scripturæ sacrae intelligentiam studium omne convertit, atque in Clericorum gratiam evulgavit Apparatum ad Biblia sacra, in quo de Hebræorum gente, legibus, ritibus, variisque ad Bibliorum intelligentiam spectantibus, tabulis XX. dispositum, in fol. Gratianopoli 1687. Hoc opus ab omnibus laudatum avidoque exceptum est. Hunc librum D. Franciscus Boyer, ut fidelibus omnibus prodesset, e Latino in Gallicum sermonem*

*transfudit. Prodiit Lugduni hoc titula Introduction  
à la lecture de l' Ecriture sainte, Lyon, 1689. in*  
12.

*Non primus hic fuit eruditionis sue fructus; sed  
plures jam ante libros emisera in vario scientiarum  
genere, ac primo quidem Rhetoricam gallice scriptam  
sub hoc titulo: L' Art de parler. Paris, 1679. in 12.  
Eruditorum omnium judicio hic liber probatus est, de  
eoque heic liceat amplissimum P. Nicolai Malebranche  
elogium adnottere, qui ad amicum quemdam scripsit  
his verbis; Si tibi deest ars dicendi, manca est tua  
bibliotheca, deest tibi liber exquisitissimus, omnibus  
que suis numeris absolutus. Attamen heic obiter fa-  
tendum est P. Lamy opera sua, ut plurimum antequam  
ea publici juris faceret, non satis elucrubasse; verum  
secundis curis forma meliore donata, perfectioraque pro-  
dierunt.*

*Tribus ab hoc opere annis, edidit Nouvelles Re-  
flexions sur l'art poétique, Paris, 1678. in 12. Hunc  
libellum magno judicio conscriptum dixit D. Elties Du  
Pin.*

*Anno altero edidit Traite de mechanique, de  
l'équilibre des solides & des liqueurs in 12. Paris,  
1679. & anno sequenti Traite de la grandeur en gene-  
ral, qui comprend l'Arithmetique, l'Algebre & l'Ana-  
lyse, in 12. Paris, 1680. quem Tractatum, dum pe-  
des e Gratianopoli Parisios peteret, confecit. Post  
quinquennium emisit Elemens de Geometrie, in 8. Pa-  
ris, 1685. Anno vero 1701. prodiit Parisiis Traite de  
Perspective, où sont contenus les fondemens de la  
Peinture; in 8. His operibus, qua methodo & perspi-  
cuitate maxime commendantur, magnum tibi apud eru-  
ditos nomen peperit.*

*Antequam Geometria elementa vulgaret, jam pro-  
dierant Entretiens sur les sciences, dans les quelles on  
apprend comment on se doit servir des sciences pour  
se fai-*

se faire l'esprit juste & le coeur droit, in 12. Lyon , 1684. *In eo libro dirigendorum studiorum methodum tradit, que maximo illius iudicium Lectoribus commendat.*

*Moralia deinde colloquia conseripsit, quorum hic titulus: Demonstration ou preuves evidentes de la verite & la saintete de la Morale Chretienne, premier & second entretien, 2. vol. Paris, 1688. in 12. quibus tria alia adiecit Rothomagi impressa annis 1706. 1709. & 1711. In eo opere totius moralis Christianae principia exponit, ac vera Religionis certitudinem adversus Atheos Epicureosque demonstrat.*

*Jam de illius ad sacram scripturam Manuductione verba fecimus. Dum hic liber in Gallicam linguam a D. Boyer translatus prelo subdebatur, primigenius illius Auctor Parisiis typis committebat Harmoniam seu concordiam quatuor Evangelistarum, in qua vera series actuum ac sermonum Domini nostri Jesu Christi, hoc est, vera vitæ ejus historia: adjecta locis novi ordinis ratione, 1689. in 12. In eo opere tres potissimum opiniones probandas suscepit, quæ lites illi plurimas peperere.*

1. Probare nititur his in carcerem missum fuisse S. Joannem Baptistam, primum quidem Hierosolymis jussu magni Synedrii, de novo Herodis jussu in arce Machæreuntis in Galilea.

2. Negat Christum in ultima cena agnum Paschalem cum discipulis manducasse, immo mortuum fuisse affirmat eo ipso die, quo Judæi Pascha ex lege manducaverunt. Hanc opinionem ultero amplexi sunt magna eruditionis viri, inter quos Illustriss. Bossuetus Meldensium Episcopus.

3. Stabilire nititur Mariam Magdalenam eandem esse ac Peccatricem & Mariam sororem Martha & Lazari.

*Has opiniones confirmare aggressus est Epistola ad*

*R. P. Fourrè Parisiis anno 1690. in 12. impressa hoc titulo: Lettre au R. P. F. P. de l'O. dans la quelle on eclaireit quelques points de la nouvelle harmonie des Evangiles. Aigumens pour les deux prisons de S. Jean. Argumens qui prouvent que J. C. dans la derniere Cene, dans la quelle il institua le Sacrement de l'Eucharistie, n'a pas mange l'Agneau Paschal, De la Magdelaine. At fuit hoc classicum canere.*

*Primus in illum signa movit D. Bultean, opinionem de duplici B. Joannis carcere nullatenus recipiendam esse conclamans. Verum ita P. Lamy censoris objectiones solvit, ut victor ex pralio redierit, judice D. Ellies Du Pin in Biblioth. Auct. Eccles. XVII. seculi.*

*Eodem anno 1690. Joannes Pienné duas dissertationes Gallico idiomate conscriptas edidit. Prima duplicem B. Joannis carcerem impugnabat; altera Christum pridie mortis sue Pascha manducasse contendebat. Sebastianus quoque le Nain D. de Tillemont utramque P. Lamy opinionem duabus notis tomo primo Commentariorum ad Historiam Ecclesiasticam impugnavit; nota nimirum 26. in vitam D. N. J. & in D. Joannis Bapt. historiam nota 9.*

*Cum vero tot adversariis vidit impeti suum de Paschate systema, questionem denuo tractare, ac penitus scrutari instituit; quod peregit libello Gallice scripto, cui titulus. Traite historique de l'ancienne Paque des Juifs, avec de nouvelles preuves des deux prisons de S. Jean Baptiste, &c. Rouen, & Paris, 1693. in 12.*

*D. Tillemontius Auctoris argumentis minime cessit; immo Epistolam scripsit, qua illa fluxo nixa fundamento ostendat. Extat hac Epistola ad calcem tomi secundi Commentar. in Historiam Ecclesiast. At R. P. Joannes Harduinus Soc. Jesu novum systema ex-*  
*cogi-*



cogitavit, Judeos nempe per duos dies Pascha immolasse: quod vulgavit Parisiis, anno 1693. sub hoc titulo: *Dissertatio de ultimo Christi Paschate*. Hoc tamen systema nullus e litigantibus amplexus est.

R. P. Michael Mauduit *Evangeliorum Analysim* anno 1693. Parisiis publicavit, inserta dissertatione, qua Patris Lamy de ultimo Christi Paschate sententiam elevare tentat; contenditque Christum luna XIV. die Jovis Pascha immolasse, Judeos vero luna XV. die Veneris.

Singulis his adversariis seorsim respondit P. Lamy, quas responsiones Gallice conscriptas anno 1693. vulgavit sub hoc titulo: *Suite du Traite historique de l'ancienne Paque des Juifs*.

Inter hac P. Harduinus emisit in lucem colloquium, in quo precipua capita sue Dissertationis gallice reduntur, ac novis ratiociniis confirmantur. Hoc colloquium in 40. diario eruditorum anni 1693. refellit P. Lamy. D. Pienud pariter in 4. diario anni 1695. responsionem edidit ad eam, quam adversus ejus Dissertationem P. Lamy vulgaverat. Huic aliam P. Lamy opposuit, quam in diario 12. ejusdem anni reperies.

P. Gabriel Daniel e Soc. Jesu dum Lodovici Leonis Mutinensis librum, De utriusque Agni typici & veri immolationis legitimo tempore, e latino in gallicum vertit, assutis ad Auctorem notis in Bernardi Lamy systema excurrit, qui novi hostis incursum nova Dissertatione repulit.

R. P. Paulus Tuo Pezron Cisterciensis Historiæ sue Evangelicæ Dissertationem attexuit, in qua dum ad Harduini opinionem accedit, Patris Lamy sententiam videtur impetere.

D. Carolus Vitasse in Tractatu de Eucharistia questionem de ultimo Christi Paschate agitans communem sententiam pro virili propugnat, adversaque Bernardi Lamy argumenta tentat elevare.

Doctif.

*Doctissimi hi viri licet Auctoris nostri sententiam aperte non impetissent, quintam tamen partem ille addidit Tractatui de antiquo Judaeorum Paschate, in qua eorum argumenta evertere nititur, suamque opinionem magis stabilire. Huic responsioni Epistolam opposuit D. Vitasse in diario erudit. anni 1696. cui P. Lamy in eodem diario duas alias Epistolas objecit: ac denuo in diario anni 1697. novam uterque Epistolam imprimi curavit, in qua varie agitur de Marcionis haeresi circa ultimam Christi Cœnam.*

*Post tot conflictus praelium redintegrat P. D. Gabriel Bessin Benedictinus, qui Rothomagi anno 1697. edidit Reflexions sur le nouveau Systeme du Pere Lamy. Huius adversarii ictus repulit ille duabus Epistolis in diariis 40. & 41. anno sequente vulgaris hocce titulo: Sixieme suite du Traite historique de la Pague,*

*Post tot exanthlatos labores pro Concordia sua Evangelica, eam rursus doctis auctam commentariis auctor noster vulgavit Parisiis duobus tomis in 4. anno 1699. Eodem anno D. Anquetin Rector Ecclesiae Lionensis Dissertationem emisit, qua contendit Mariam Magdalenam aliam esse ac Mariam sororem Marthe, & neutram fuisse Peccatricem. Hanc dissertationem confutare aggressus est, P. Lamy duabus epistolis quae eo ipso anno prodierunt sub hoc titulo: Defense de l'ancien sentiment de l'Eglise Latine touchant l'Office de Sainte Magdelaine, ou suite de la Dissertation latine sur le meme sujet imprimee dans le Commentaire sur la concorde Evangelique. His epistolis alias opposuit D. Anquetin sub hoc titulo. Lettres d'un Ecclesiastique de Rouen. Siluit quidem P. Lamy, verum sententiam haud mutavit.*

*Interea doctissimus Auctor inter ipsum tot hostium conflictum Apparatum Biblicum seu Manuductionem ad sacram Scripturam tum clarius, tum facilius intel-*

*ligen-*

ligendam, Lugduni publicavit, anno 1696. in 8. Hic liber ab Abbate de Bellegarde in Gallicum translatus, impressus est Parisiis, 1697. in 8. Sed cum hac versio eo inficio vulgata esset, aliam ab amico suo D. Boyer elaboratam approbavit, eamque multis in locis auxit, correxitque. Prodiit hac Lugduni, anno 1699. in 4. Addisamenta gallica in latinum Apparatum intulit, eumque rursus auxit, & correxit; qui vulgatus est Jena 1709. & Amstelodami anno sequente. Hanc editionem secutus est D. Boyer in nova editione Gallica, qua Lugduni anno 1709. prodiit. Denique anno 1713. Latinam editionem ceteris auctiorem in publicum emittere parabat P. Lamy, at morte praeventus eam absolvere non potuit; quod opus deinde D. Auctoris amicissimus perfecit, ediditque Lugduni anno 1723. in 4.

Præter hæc Historiam Theologia scholastica latine scripsit, in qua quo tempore queque opinio nata sit, quis eam invexerit, scrutatur. Huic Tractatui Bibliothecam Theologorum scholasticorum, seu indicem librorum ab eisdem de Theologia editorum ordine chronologico attexere volebat, sed aliis studiis ab eo opere impeditus est; siquidem Tractatum de J. C. homine Deo, cujus in suis scriptis meminit, eodem tempore meditabatur.

Tandem post ejus obitum Opus, cui triginta annos insudarat, Templi scilicet Salomonici descriptio, anno 1730. Parisiis prodiit. Hoc antea ter quaterve exscripsit, semperque in melius mutavit; aeneasque tabulas, qua ipse insunt, à doctissimis sculptura, picturae viris effingi curavit.

Tot librorum scribendorum inter Sacerdotalis vite labores copiam illi fecit firma cum mentis tum corporis valetudo, quam sat constantem expertus est ad annum vite 74. quo illius animum affectus mæror ingens, ex quo corporis quoque secuta est egritudo. Hujus mæroris causam paucis subijciam.

Qui-

Quidam juvenis perfectis aliquot P. Lamy opusculis falsa religionis errores ejurandi consilium iniit, eumque adire, ejusque monita exposcere cepit, quibus obsequens miros in pietate ac scientiis progressus fecit. At juvenis vix anno uno aut altero elapso ad errores pristinos rediit; quam ob rem tantus Patris Lamy animum mœror invasit, dum pereuntem juvenis animam miseratur, ut corpus quoque paulatim mœrore tabesceret.

Exeunte Januario anni 1715. ingravescente morbo de ejus salute desperandum fuit. Inter has corporis angustias, ut culcita uteretur, nam super paleas cubabat, & cilicium, quo semper induebatur, deponeret, vix tum Superiores obtinere. Die Januarii 29. cum e vena pulmonaris ruptione sanguinem plurimum excreasset, deficientibus viribus Ecclesia Sacramenta enixæ petiit, hisque pie susceptis eo ipso die ex hac vita commigravit. Bibliothecam suam tres in partes divisam Cœnomani, Parisiis, Rothomagi, Domibus Oratorii legavit. Liceat heic apponere, quod de tanto viro inquit D. Ellies Du Pin: Doctus erat, at simul modestus, magnoque judicio præditus. Linguas plurimas callebat, artes omnes ac scientias pervaserat, maxime vero Scripturæ sacræ intelligentiam fuerat adeptus. Mens illi prompta ad omnes artes, atque elocutio facilis. Puro sermone scribebat tum gallice, tum latine, & in suis scriptis conjecturas ac ratiocinia intendebat, sed non ultra metas. Huic felicitatem adprecare, Lector, ejusque elucubrationibus frui.

# PRÆFATIO.



*U*id est autem Scriptura, nisi quedam Epistola omnipotentis Dei ad creaturam suam. His verbis Gregorii Magni lib. 4. Ep. 39. & sequentibus, te pie Lector, compellabo. *Stude ergo, quaeso, & quotidie Creatoris tui verba meditare, discere cor Dei in Verbis Dei.* Fastidire enim tantum Dei munus non solum negligentia esset, sed maximum crimen. *Qui assidua meditatione coluit sanctas Scripturas, inquit Divus Bernardus, habet signum suæ predestinationis, quod & Dominus asseruit dicens, qui ex Deo est, verba Dei audit.* Quæ lectio majorem voluptatem parere posset? neque enim sanum gaudere possumus, ut utat verbis S. Augustini, nisi de spe, nempe regni cœlestis. Hujus autem regni mysterium nobis explicant Scripturæ, viam ad illud aperiunt, & donec hanc viam emensi fuerimus, prægustandas cœlestes delicias præbent: *ut per patientiam & consolationem Scripturarum spem habeamus.* Rom. cap. 15.

Sed cui alteri studio, quàm sacrorum Codicum vir Theologus utiliori opera incumbere potest? Multum falluntur, qui rerum inutilium studiis occupantur. Hoc errore non pauci laborant. Quis enim ex iis qui studio Theologico per tot annos distinentur, vana, ne dicam ineptas quæstiones non potius verset animo aut agitet in Scholis, quàm pascat



## P R A E F A T I O.

pascat mentem lectione Scripturarum; quibus sedulam operam impendisse videtur sibi; cum horis subcivis in unum aut alterum caput oculos parum attentos conjecerit. Veritatem omnes studendo inquirimus, sed nescio qua vertigine abrepti, aliis quam quibus eundem erat itineribus, ad eam currimus. Non insistimus vestigiis sanctorum Patrum, per quorum manus traditæ sunt nobis Scripturæ; & earum verus sensus ad nos pervenit. Illi spreto fontibus non sectabantur rivos. Ex Scripturis fortiora, quibus adversus Hæreticos pugnarent, petebant tela & pabulum pascendis fidelibus Christianis. Sumamus in manus Chrysostomum, Gregorios, Basilium, Ambrosium, Augustinum, advertemus hos Doctores plenos cibo cœlestis doctrinæ eructare verbum bonum

Magno itaque dolore afficitur animus, quod cum homines distringantur variis curis, quibus revocantur à studio veritatis, cui cognoscendæ, & colendæ facti sumus; attamen quod superest temporis tritici, & apinis impendant: disputant de lana caprina: unde tot Theologastri. Neque enim dixerim Theologum, qui in quacunque quæstione non scrutatus sit, ex quibus Scripturarum locis huic quæstioni lux affulgere possit, & quis circa illa loca sit unanimis Conciliorum & Patrum consensus. Indè, inquam, tot Sophistæ & Declamatores occupaverunt pulpita Sacra. Etenim nunquam eum virum æstimaverim Concionatorem Verbi Di-

## P R Æ F A T I O.

bi Divini, quod nunquam ore usurpat, exordio promittens expositionem Scripturarum, reliquâ autem oratione nugans, & vanis sermocinationibus studens Auditorem suum delectare. Sic populus inani cibo pascitur, fraudatus solido; & versatur in tenebris ignorantiae; nam aliundè quàm ex sacris Concionibus scientiam salutis non accipit, qui literis vacare non potest.

Eorum autem qui arti Concionatoriae animum adiungunt, & Scripturas Sacras negligunt, ideò pejor mihi videtur error; quòd ex ditiori penu non illis suppetere possit materies, quam nec singulos dies concionando exhaurirent, si bene percepissent animo & memoria complecterentur, tum sensum, tum verba sacrorum Codicum. Quot enim egregiis dictis, quot præclaris facinoribus, quot exemplis, similitudinibus, parabolis, quæ adminicula sunt & præsidia Oratorum, abundant illi Codices? Sed non solum veram doctrinam & omnem dicendi materiam suppeditant, verum etiam ornamenta, quibus pondus, vis, & decor adduntur orationi. Ubi enim major in docendo perspicuitas juncta cum brevitate, quàm in Evangelio? Quis Oratori in carpendis hominum vitiis vehementior, quàm Prophetæ? Quis ad movendum, & flectendum magis aptus quàm Paulus? Undè decor ille Poeticus qui efflorescere debet in Oratione, faciliùs conciliatur quàm ex Psalmis Davidicis? Ubi denique major copia sententiarum quàm in libris Salomonis?

Sed

## P R Æ F A T I O.

Sed frustrà necessitas & pretium studii sacrarum Litterarum nunc demonstrantur illi, quos voluptates emolliunt, deterret labor, nisi huic studio sternatur via compendiosa & facilis. Ideò ex multis voluminibus quæ cum labore evolvuntur, comparantur magno pretio, nec passim occurrunt, excerpseram quæ ad intelligendas Scripturas necessaria erant, & arte contraxeram in tabulis illa proponens, ut uno intuitu cognoscerentur quæ alioqui longo, & difficili studio quasi sparsa diversis locis pervestiganda essent. Verùm ob tabularum angustiam pleraque quæ alicujus utilitatis sunt, non complexus eram; aut quantum necessarium est, non potueram explicare.

Itaque quamquam prioribus hisce tabulis maneat suum pretium, nec usus spernendus sit, ut quæ præcipua sunt, contracta ponantur ob oculos, novum opus aggressus sum tunc temporis cùm otio magis abundarem, & librorum copiâ locupletior essem, quàm olim cùm edidi has Tabulas. Multa ergo quæ illis deerant adjunxi huicce novo Operi; & ut multa paucis dicam, omnibus locupletavi quæ advertebam in Apparatu Biblico desiderari.

*Salus ex Judæis est*, ait Dominus *Joan. c. 4.* quia scilicet repromissio facta erat ad Abraham, Isaac & Jacob Patres Judeorum de Domino nostro Jesu Christo, qui ex illis ortus, in Judæa natus est, & salutis quam per eum consecuti sumus, opus, perfecit. Igitur res Judeorum perspectas habere quamplurimum interest, ut intelligantur Scripturæ in quibus  
quæ

**P R Æ F A T I O.**

quæ Christi sunt, continentur, sive de eo præ-  
nuntiata à constitutione mundi, sive ab eo  
completa temporibus præordinatis. Etenim  
Scriptores sacri, quod ab omnibus fieri solet,  
cùm Hebræis primitus scriberent, mores  
eorum, ritus, consuetudines, & similia quæ  
omnibus nota erant, non satagebant explica-  
re. Hæc igitur aliundè petenda quàm ex sa-  
cris Codicibus. Ego verò nec labori, nec  
sumptui peperci in comparandis evolvendis-  
que libris, ex quibus rerum Judaicarum cer-  
tam cognitionem consequerer. Prima pars  
Operis singula explicat quæ quoquomodo  
spectant Judæos; Genus eorum, Origines,  
Historiam, Religionem, Sacrificia, Lo-  
câ sacra, Tabernaculum, Templum, Sy-  
nagogas, Festa, personas Sacras, Sacer-  
dotes, Levitas, Politiam, leges tum scri-  
ptas, tum ore traditas, Magistratus, Tri-  
bunalia, pœnas civiles & Ecclesiasticas,  
antiquos & hodiernos eorum ritus circa res  
tum Religiosas, tum domesticas, circa ve-  
stes, cibos, ades, ortum, matrimonium,  
funera, luctus. Etiam de variis Sectis sermo  
fit. De mensuris temporum, de Kalendario,  
de ponderibus, de mensuris cavis, & longis.

Pleraque, fateor, nonnisi breviter perstrin-  
go. Avidus autem doctrinæ Lector expeteret  
ut singula quæque excuterem, non illa nudè  
proponendo, sed demonstrando apertis testi-  
moniis, & ubique allegatis Auctoribus. Ve-  
rùm majoris molis volumen, ne dicam plura  
volumina compegissem; quæ procul dubio  
fastidirent quibus scribo, & manu ductione  
+ opus

## P R Æ F A T I O.

opus est. Oportant enim habere ducem præeuntem qui citra negotium, eos deducat in Lectionem Sacri Codicis, nec eos diù moretur in vestibulo. Hic tamen indigitabo fontes de quibus ipse potavi, undè qui sunt studiosi, & ipsi potare possunt & plenè sitim restinguere.

Post ipsum Codicem Sacrum nulli alii Auctores certioris utilitatis sunt ad res Judæorum cognoscendas quàm Philo, & Josèphus. Deinde *Misnàjot*, nimirum liber ille, quo continetur id omne quod Judæi traditione acceperant à majoribus suis, & ceperunt scriptis mandare postquam Templum eversum est, & patrio Solo ejecti, timebant ne memoria prorsus excideret. *Misnàjot*, variis Glossis & Commentariis, ut suo loco dicetur, fuere exposita: ex quibus crevere volumina, quibus constat illa collectio, quam Talmud appellant. Maimonides in Opere quod *Manum Fortem* inscripsit, dilucidè simul & breviter totam doctrinam Talmudis exposuit. Cui licitum est ipsum Talmud, aut illud opus Maimonidis adire sine interprete, potest cætere libris per quos res Judaicæ nuper innotuere Christianis; & quibus utor pro meis. Sed ne videar horum librorum Auctoribus suam laudem suffurari, indicabo qui illi sint Auctores per quos profecerim, ut & illis fruantur quibus otium suppetet & locupletes Bibliothecæ reſeratae sunt. Possem illos in diversas classes distribuere. Prima contineret qui Linguam Hebræam excoluere, & in Libros Judæorum viam patefecerunt antea præclusam. Altera classis esset eorum qui Inter-

ter-



# P R Æ F A T I O.

terpretati sunt Misnajot, & diversos Talmudis tractatus, tum & libros veterum & recentium Rabbinoꝝ, à quibus tota doctrina Talmudica vel ex parte elucidata est. Ad tertiam classem revocarem eos qui in genere res Judaicas exponendas susceperunt, vel aliquot peculiare Tractatus de illis ediderunt, Sed Bibliographiam edendam non suscipio, ideò prout memoriæ occurrent hosce Auctores recensabo.

Sebastianus Munsterus primus post Joannem Reuchlinum inter Christianos studium literarum Hebraicarum excitavit, aliquot Rabbinos Latine reddidit. Ante illum tamen non penitus res Judæoꝝ ignotæ erant, ut videre est in Pugione fidei Raymundi Martini, quod Opus Petrus Galatinus ferè totum exscripsit. Paulus Riccius initio superioris sæculi aliquot loca Talmudis interpretatus fuerat. Tunc coeperunt studia Hebraica vigere, & innumeri viri hisce studiis clari quos non vacat omnes recensere. Sed non prætermittam silentio Sanctem Pagninum qui Thesaurum Linguae sanctæ composuit, Franciscum Vatablum, Leonem Juda, Paulum Fagium, Franciscum Junium, Tremellium, Ariam Montanum Auctorem hujus Bibliici Apparatus qui editus est cum Bibliis Regiis Polyglottis Antuerpiensibus, Genebrardum, Andream Masium, Joannem Mercerum, Drusium, Hugonem Grotium, Ludovicum de Dieu, Sixtinum Amama, Simeonem de Muis & innumeros alios. Præter Commentarios quos illi ediderunt in sacrum Codicem, in quibus

## P R Æ F A T I O.

res Judaicas illustrant, plerique ex illis etiam nonnullos Rabbinos interpretati sunt.

Postquam patefactum est quot uberes fructus percipi possent ex Lectione Talmudis, mirum est quanto studio plerique incubuerint scrutandis Judæorum Libris. Magnam facem prætulere Buxtorfii Pater, & filius. Utriusque multa sunt Opera quæ omnia utilia sunt. Constantinus l'Empereur studia Hebraica maxime promovit. Tractatus Talmudicos integros inde habuimus Latina Lingua donatos à Coccio, à Sebastiano Schmidio, à Joanne Henrico Ottone, à Christophoro Vagenselio, à Seringhamio, à Peringero, & aliis jam nominatis Auctoribus, v. c. à Constantino l'Empereur,

Operis autem insignis Maimonidis quod inscriptum est *Manus fortis*, partes aliquas reddidere Latine Dionysius Vossius, Vorstius, Humphridus Prideaux, Georgius Gentius, Josephus Voisin, Ludovicus de Veil, Karpsovius. Alii alios Tractatus interpretati sunt. Pocockius prefationes Commentariorum quos Maimonides in Misnajot Arabicè scripserat, in Latinam Linguam reddidit.

Memoriæ occurrunt innumeri alii Scriptorum Rabbiorum Interpretes, Philippus d' Aquin, Gauminus, Uchtmanus, Rittangelius. Didici ex diversis Librorum Catalogis Taylerum, Ulmanum Hilpertum nonnullos Tractatus sive Talmudis, sive Maimonidis interpretatos esse.

Hi viri Hebraica Eruditione insignes quos nominavi speciales libros de rebus Judaicis scripse-

## P R Æ F A T I O.

scripserunt, aut in notis quibus Auctores Hebræos illustrarunt, multa quæ ad ritus & mores Gentis pertinent inseruere. Magnum Dictionarium Talmudicum Buxtorfii Thesaurus est antiquitatis Judaicæ. Libellum aureum de Synagoga Judaica edidit; ubi videre est omnes hodiernos ritus Judæorum, ex quibus veteres æstimari possunt. Filius ejus diversos Tractatus composuit utiles, de Arca, de Azymo, de Lotione Manuum, de Sponsalibus. Arias Montanus antiquitates Hebræicas exposuit qui tractatus continetur in Apparatu suo Biblico. Constantinus l'Empereur ubique in suis notis ad Auctores Hebræos quos plures Latina Lingua donavit, disserit de rebus Hebræicis. Sebastianus Schmidius Librum de Paschate publicavit refertum scientia. Notæ Pocokii in præfationes Maimonidis à se versas multam Eruditionem continent. Dignus laude Vagenseilius in notis suis ad versionem Sota & in confutatione librorum quos *Tela ignea Satanae* inscripsit.

Sigonius de Republica Hebræorum librum elegantem concinnavit nuper editum Helmstadii cum copiosis notis Joannis Nicolai. Cornelius Bertramus pariter de Republica Hebræorum scripsit; cujus librum Constantinus l'Empereur suis notis auxit.

Cunæus eandem materiam tractavit sicut & Menochius & Flavius Illyricus in *Clavi Scripturae*, Leusdenius in suo Hebræo. Hortingerus scripsit de legibus Hebræorum sicut & Spencerus qui cum originem rituum hujus Gentis accersere vellet ex Ægypto, nu-

## P R Æ F A T I O.

per egregiè confutatus est à Vvithio. De jure regio Hebræorum scripsit Vvilielmus Schikardus cujus Opus plurimi fit. Rebus Judaicis in lucem vindicandis præcipuam operam impendit Seldenus in Tractatibus diversis, de jure naturali, in libris de Synedriis, in uxore Hebraica & successionibus, in libro de anno Civili, in libro de Nummis. Duo volumina Ligfooti ferè integra occupantur in Talmude exponendo. Thomas Goduinus in suo Moise & Aaron suscepit omnes antiquitates Judaicas breviter explicandas; Pfeifferus selectas: Leo Mutinensis hodiernos ritus Judæorum explicat. Hunc Gallicè loquentem induxit Richardus Simon, & notis illustravit.

Innumeri sunt Scriptores qui aliquas partes rerum Judaicarum tractant, alii doctrinam ut Hoornebek libro de convincendis Judæis, & Hulsius in Theologia Judaica. Vitringa in suis observationibus sacris differit de Archisynagogo. Adversus hunc scripsit Rhenferdus librum Hebraica doctrina refertum. Braunius miræ eruditionis libros edidit de Vestitu Sacerdotum Hebræorum. Outramus scripsit de Sacrificiis. Gomarus de Poesi, Gejerus de luctu, Bynæus de Calceis. Legi quinque volumina Bibliothecæ Rabbinicæ Julii Bartolocci. Henricus Orho Lexicum Rabbinicum composuit in quo multa que res Judæorum spectant feliciter explicat. Ferè prætermiseram Josephum Voisin, cujus præter versiones habemus librum de Jubilæo, de Lege divina, & notas in Pugionem fidei sicut & Theologiam Judaicam.

Innumeri sunt alii Scriptores qui etiam si dedi-

P. R Æ F A T I O.

dedita opera non differant de rebus Hebræorum, aliud agendo illas non rarò explicant, ut Josephus Scaliger, Hugo Grotius, utrique Capelli, Clopenburgus, Altingius, & alii. Samuelis Bocharti Opus de Sacris animalibus, exhibeo contractum in tertia parte nostri Apparatus. Pleraque ad Judaicos ritus attinentia in hocce Opere tractat. Sacrae ejus Geographia mihi utilis fuit, Ribera scripsit de Tabernaculo & Templo, diligentius Villapandus, qui urbem Hierosolymam descripsit, & de mensuris Hebraicis disseruit; unde lux nobis affulsit sicut & ex libris Serrarii, Bonfrerii.

Ex tot, inquam, Auctorum floribus puta, Lector, Mellificium nostrum collectum. Pleraque autem, quæ hic delibamus, scito à nobis alibi diligentius & fusiùs pertractata. Etenim in libris de Templo Jerosolymitano, quibus ab annis pluribus insudavi, & qui nunc prælo committuntur, retego fundamenta quibus innixus definio valorem veterum Nummorum, longitudinem mensurarum, pondus & capacitatem vasorum quibus Hebræi utebantur. Tabernaculum Mosaicum cum suppellectili sua & omni suo cultu fusè descripsi sermone, & figuris. Ita de Urbe Jerosolyma, & Templo Salomonico, Pauca inserui huicce Apparatus, spem potiùs ut facerem, quàm ut implem desiderium hæc cognoscendi. In iisdem libris de Templo fusè disserui de Sacrificiis, de Festis, de Mensuris temporum, de Kalend. Judaico. Præterea in Tractatu de Paschate multa quæ spectarent Ritus Judaicos exposui & comprobavi non spernendis argu-

P R Æ F A T I O.

mentis. Denique in commentariis quos edidi in Harmoniam quatuor Evangelistarum, res Judaicas ubi occasio se dedit non sine certis suis probationibus elucidavi.

Constat tribus partibus præsens Opus. Prima pars rerum Judaicarum cognitionem indit; quæ necessaria est ut Biblia intelligantur. Pars autem secunda de ipsis Bibliis tota est. Ibi Historiam eorum quæ Bibliis contigerint prosequor. Inde discet curiosus Lector cum voluptate, quibus olim characteribus exarata sint; an illa puncta quæ nunc in textu Hebræo subjiciuntur consonantibus litteris, recens vel antiquum inventum sit; quando & à quibus in Græcam Linguam versus sit textus Hebræus, & quidquid circa Versiones Græcas memoratum est antiquis monumentis. Quæ sint illæ editiones celebres quarum Esdras, Origenes, Massoretæ feruntur Authores, & similia. Adjunximus explicationem idiotismorum seu proprietatum Linguae Hebraicæ; quas proprietates quantum intersit non ignorare nemo non videt.

Hæc uberius pertractata occurrunt in Apparatu Bibliorum Polyglottorum Londinensium; qui instar Bibliothecæ est, sed & compluribus aliis libris adjutus sum.

Paucis doceo quibus & quot Libris constent Biblia. Quale sit cujusque Libri argumentum; à quibus & qua Lingua scriptus; quæ sit ejus auctoritas.

Hæc Sixtus Senensis copiosè & erudite prosecutus est in Bibliotheca sua sancta. Similiter & Alphonfus Salmero, & complures alii.

## P R Æ F A T I O.

alii. Theologorum est de Libris canonicis differere. In hanc operam multi incubuerunt. Argumenta cujusque Libri habes in Biblia, quam vir pius, & eruditus procuravit elegantibus Typis Antonii Vitre. Nolui enumerare omnes Scripturæ sacræ interpretes, quod ante aliquot annos satis diligenter fecit Crovæus Anglus. Singulis diebus luculenta Opera in lucem prodeunt. Singulari studio Bibliothecarii pervolvendi unde boni libri cognoscantur.

Ne aliquid deesset nostro Apparatu ex iis quæ desiderari animadvertebam à studiosis, tertia parte eum auxi; de qua non opus est ut verba faciam; quæ enim scripta compilaui ingenuè declaravi suis locis. Experieris, Lector, opus nostrum perpetui Interpretis vires supplere. Nam etiam aliud agendo compluribus Scripturarum locis lucem interdum infero. Opus quidem haberes linguis originalibus, quas saltem ut delibare velles te hortarer. Sed si otium non tibi suppetit aut deterret labor, compara diversas Versiones, quarum varietas utcumque succurrit ignorantia Linguarum originalium. Etenim dum veritatis fontem plures Interpretes conantur eruere, & quisque eam exprimit pro sua facundia, faciunt ut ista veritas clariùs luceat.

Non decet hic pluribus differere de studio Sacrarum Litterarum, & huc afferre quæ infra occurrent. Utinam isto nostro labore sic subleveris qui illo non de dignaberis uti, ut Biblia cum voluptate perlegas, & verè & ex animo dicas Magni Augustini verbis Deum alloquentis: *sint castæ deliciae meæ Scripturæ tuæ.*

# LIBRORUM ET CAPITUM

I S T I U S

VOLUMINIS SERIES.

---

## LIBER PRIMUS.

- Caput I. **H**ebrais, ut dicit Apostolus, credita sunt eloquia Dei, id est scriptura; ad cuius ergo intelligentiam interest scire qui fuerint Hebraei: unde illis origo & nomen. Horum divisio in Tribus, & familias. Qui nati, qui facti Hebraei. Alienigenae ascisciebantur in eorum gentem circumcissione. pag. 1
- II. Res Hebraorum per aetates suas digesta 14
- Prima aetas mundi à creatione mundi ad diluvium. 16
- Secunda aetas à diluvio ad vocationem Abraha. 18
- Tertia aetas à vocatione Abraha ad Exodum ab Aegypto. 19
- Quarta aetas ab Exodo ad constructionem Templi. 26
- Quinta aetas à constructione Templi ad finem captivitatis Babylonicae. 32
- Sexta aetas à libertate donata per Cyrum ad Christum natum. 43
- Novissima mundi aetas, qua contemplata sunt de Christo edita vaticinia, à Christo nato usque ad eversionem Templi. 49
- III. Totius orbis terrarum descriptio brevis, Terra autem Israel paulò fusior, & Urbis sanctae & adificiorum ejus. Tum disseritur de loco paradisi, & ubi fuerit Ophir, unde tot opes Salomoni advehebantur. 54
- IV. De



## LIBRORUM ET CAPITUM,

- IV. *De locis sacris. Primum de Tabernaculo quod in deserto in medio castrorum Moyses erexit juxta exemplar quod ei in monte Sinai monstratum est. De Templo Hierosolymitano, tum & de Synagogis in quibus Judei vacabant precibus & lectioni Scripturarum,* 87
- V. *De temporis mensuris apud Hebraeos, de horis, diebus, hebdomadibus, mensibus, annis, jubileis.* 101
- Kalendarium Judaicum,* 112
- VI. *De Judeorum festis,* 129
- VII. *In festis diebus colebatur Deus potissimum sacrificiis, quorum finis erat annunciare mortem Christi. Natura, species, ritus eorum exponuntur. Simul differitur de oblationibus, donis, primitiis, decimis.* 144
- VIII. *De Templi ministris, de Levitis, de Sacerdotibus, de summo Sacerdote Dei, & vestibus ejus, de Ephod, & in eo Urim & Thumim. De aliis personis sacris, Nazaraeis, Rechabitis, Prophetis.* 166
- IX. *De Judeorum Doctoribus; de festis inter eos, nempe Phariseorum, Sadducaeorum, & aliorum; tum & de personis Schismaticis. De Samaritanis.* 186
- X. *Dogmata fidei Judeorum & praxes religiose.* 204
- XI. *Respublica Judeorum Theocratia erat; quippe Deus praeses ejus. Habuit tamen diversos diversis temporibus Magistratus & Principes, penes quos fuit ejus regimen.* 220
- XII. *De diversis Reipublicae Hebraeorum Tribunalibus. De magno Synedrio. Ejus locus erat in Templo; ubi judicatus est reus mortis; qui & more Romano crucifixus est. De poenis quae reis infligebantur, simul & excommunicationibus.* 229
- XIII. *De Hebraeorum legibus primariis, quae Noacho, Abrahae, Moysi datae sunt; tum de secundariis, quas ipsi Judei observant, ne peccent in primarias. De Mishchna & Talmude, quo illas complectuntur.* 250
- XIV. *Consuetudines, ritus, mores tum veterum, tum hodie-*

## S E R I E S

- hodiernorum Judaorum circa res civiles, ortum, vitam, matrimonia, vestes, cibos, potum, suppellectilia, artes, mortem, sepulturam.* 269
- XV. *De ponderibus & nummis, de quibus in sacra Scriptura fit mentio.* 285
- XVI. *De mensuris cavis & longis, de quibus in sacra Scriptura fit mentio.* 298

## L I B E R   S E C U N D U S.

- Cap. I. **D**E Scriptura sacra. Quibus nominibus insignitur *codex, quo illa continetur. Sermo est divinus quo nos Deus compellat. Non alius aque certus est; & qui magis omnis dubitationis causas praeclat.* 310
- II. *Enumerantur libri quibus constat sermo divinus, & cujusque libri brevis textitur historia.* 314
- III. *De divisione librorum Sacrorum. De distinctione sectionum majorum, capitulorum, versuum. De antiquis divisionibus veteris Testamenti, ut spatium annuum per omne sabbatum in Synagogis legeretur.* 332
- IV. *A quibus, quo tempore, & qua lingua singuli libri sacri scripti sunt.* 339
- V. *Quae cujusque libri sacri sit autoritas, sive qui canonici censeantur; qui Deuteronomici; qui Apocryphi.* 349
- VI. *De lingua Hebraea, in qua primum scripti sunt libri sacri. De antiquitate hujus linguae. Hebraeus codex olim scribebatur sine punctis vocalibus.* 360
- VII. *De alphabeto Hebraeo. Formam litterarum Hebraearum prodest non ignorare.* 371
- VIII. *De idiotismis sive proprietatibus linguae sanctae. Unde tanta diversitas inter eadem nomina, quibus Graeci & Latini interpretes expresserunt nomina propria Hebraeorum.* 374
- IV. *De integritate & auctoritate Hebraei codicis; de studio quo Judaei Massoreta eum incorruptum servare fate-*

## LIBRORUM ET CAPITUM.

- sategerunt. De Massora & cabala, qua id præstiterunt.* 381
- V. *De Hebræi codicis antiquis versionibus Græcis: de versione qua dicitur LXX. seniorum; & de cæteris.* 394
- XI. *De versionibus Latinis, ea præcipuè qua nunc Vulgata dicitur.* 406
- XII. *De pentateucho Samaritano; Paraphrasibus Chaldaicis; tum de cæteris sacri codicis versionibus, quoque tempore, & quaque lingua elaboratis.* 415
- XIII. *De editionibus Bibliorum præcipuis; de Hexaplis antiquis Origenis; & aliis novissimis Polyglottis.* 423
- XIV. *De variis Scriptura sacra exponenda modis; sive de diversis sensibus ejus.* 433
- XV. *De præcipuis regulis in exponenda sacra Scriptura servandis,* 439
- XVI. *De variis ad expositionem Scripturarum susceptis operibus, & de claris ejus exppositoribus.* 445
- XVII. *De scripturarum Chronologia, & Harmonia.* 451

## LIBER TERTIUS.

- Cap. I. **D**E exoticis, id est extraneis rebus, quarum cognitio sacris Scripturis intelligendis subservit. Primum de falsis Numinibus, quorum illa mentionem faciunt. De veri Dei & falsorum Deorum nominibus. 473
- II. *De animalibus sacris, quorum scilicet mentio fit in sacra Scriptura; & quorum proprietates notas habere interest ad eandem Scripturam intelligendam.* 507
- III. *De re herbaria, frumentis, leguminibus, arboribus, fructibus & plantis sacri Codicis.* 542
- IV. *De gemmis sive pretiosis lapidibus, de quibus loquitur Scriptura.* 509
- V. *De cæteris rebus naturalibus, qua cælo & terra continentur; de cælo, de metallis; de re vestiaria & ciba.*

## SERIES LIBRORUM ET CAPITUM.

- cibaria; de aromatibus; quorum omnium prenotionem aliquam habere utile est ad sacras Scripturas intelligendas. 586
- VI. De morbis quorum mentio fit in sacro Codice. 612
- VII. De Theatris, ludis Gentilium, de re Gymnastica, sive Athletica; Athletarum moribus, exercitiis, premiis; unde crebra comparationes petuntur in sacro Codice: Nonnulla etiam de veteri militia & de re navali. 627
- VIII. Exponuntur pleraque nomina quorum etymum, si-  
ve veram originem scrutari interest ad rerum sacra-  
rum veritatem cognosceudam. 644
- IX. De partitione Codicis sacri, qua integer ex ordine  
legi possit spatio annuo. 666

Finis series Librorum & Capitum.

# J U D I C I U M

*Magistri Pauli DE COHADE, Doctoris, Socii  
Sorbonici, Officialis Metropolitani, & Custodis  
Sanctæ Crucis in Ecclesia Lugdunensi.*

**Q**uamtu faciam, quantum amem Apparatum hunc Biblicum, ita notum esse arbitror, ut res non egeat argumentis; amoris autem mei causæ sunt Authoris excellens ingenium, præstantia in omni genere Litterarum, comprehensio Sacræ & profanæ vetustatis, deinde, valor ac pretium operis, in quod tria occutruut commendatione dignissima, necessitas, suavitas & dignitas; dignitatem ostendit argumenti majestas, suavitatem mira varietas, necessitatem explicatio rerum ad intelligentiam utriusque Testamenti attinentium, qua neglecta cæspitet aut magnis impedimentis lector detineatur prorsus oporteat; eam ob rem eruditam hanc Isagogem distributam melius, diligentius fusiufque pertractatam dignam puto nova luce, novo prælo, novo idioma te, novis præconiis. Datum Lugduni die vigesima sexta Septembris, anno millesimo feptingentesimo decimo quarto.

DE COHADE.

# NOI REFORMATORI

Dello Studio di Padova.

**A** Vendo veduto per la Fede di Revisione, ed Approbazione del *P. Fra Tommaso Maria Gennari Inquisitore*, nel Libro intitolato: *Apparatus Biblicus, sive Manuductio ad Sacram Scripturam. Auctore P. Bernardo Lamy*, non v'esser cos'alcuna contro la Santa Fede Cattolica, e parimente per Attestato del Segretario Nostro; niente contro Principi, e buoni costumi, concedemo Licenza a *Lorenzo Basoggio Stampatore*, che possi esser stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Data 10. Ottobre 1732.

(

( Alvise Pisani Kav. Proc. Reform.

( Pietro Grimani Kav. Proc. Reform.

*Agostino Gadaldini Segretario.*

Adi 26. Novembre 1732.

Registrato nel Magistrato degl' Illustrissimi ed Eccellentissimi Signori Esecutori contro la Bestemmia.

*Angelo Legrenzi Segretario.*

APPA-



A P P A R A T U S  
B I B L I C U S.  
S I V E M A N U D U C T I O  
A D S A C R A M S C R I P T U R A M.  
L I B E R P R I M U S.

---

C A P U T P R I M U M.

*Hebrais, ut dicit Apostolus, credita sunt eloquia Dei, id est Scriptura; ad cujus ergo intelligentiam interest scire qui fuerint Hebraei: Undè illis origo & nomen. Horum divisio in Tribus, & familias. Qui nati, qui facti Hebraei. Alienigenae ascisciebantur in eorum gentem circumcissione.*



N id incumbimus, hanc-ec ad Sacras Scripturas Manuductionem adornantes, ut rerum, quas voluit Deus esse apparatus Incarnationis J. C. D. N. veram & claram cognitionem subijciamus.

Ergo cùm Respublica, quæ ex posteris Abrahamæ, Isaac & Jacob, scilicet ex Hebræis conluit, typus sit christianæ Ecclesiæ, hoc est, pii illius cœtus, qui à Christo cogendus erat, propius ista res-

A                      publica

*Apparatus Biblicus.*

publica spectanda est. De ipsa autem gente protinus in genere differendum, ingerendo animis generalem notionem, quam perfectiorem sequentibus capitibus reddemus; omnes ejus, ut ita dicam, lineas ducendo; nempe exponendo regimen ejus, leges, Religionem, mores, consuetudinesque. Hæc omnia diligenter expendere operæ pretium est: ut enim in Republica Hebræa nihil temerè institutum est, sed omnia causa Christi; ita ipsis Hebræis omnia contigerunt, ut ait Apostolus (1. Cor. cap. 10.) in figuris ejusdem Christi. In Hebræorum autem gente alii nati erant Hebræi, alii facti, sive asciti genti Hebræicæ. In his qui nascebantur Hebræi, tria considerare licet, originem, nomen, & ordinem, seu gentis divisionem in certas Tribus, sive classes.

Hebræi originem ducebant à Sem, qui in Scriptura nominatur primus inter filios Noe. Arphaxad enim Sem natus genuit Sale, qui fuit pater Heber, ex quo genitus est Phaleg pater Ragau, à quo Sarug, qui fuit pater Nachor. Ille genuit Thare patrem Abrahæ (Gen. 11.) Abraham ex ancilla sua Agar habuit Ismaelem, quem circumcidit cum omni domo sua. In eo tamen non reputatum est illi semen (Gen. 16. & 17.) sed in Isaac, quem centenarius suscepit ex Sara nonaginta annos nata (Gen. 21.) Scilicet ex Isaac oriunda erat benedicta illa proles, multiplicanda tanquam arena maris. Propterea qui prius dicebatur *Abram*, id est, *pater excelsus*, ex duabus vocibus Hebræis *ab* pater, & *ram* excelsus, postea dictus est *Abraham*; quod nomen idem sonat ac *pater multi populi* AB-RAB-HAM (Gen. 17.)

Isaac genuit Esau & Jacob. Esau fuit primogenitus. Appellatus est *Edom*, id est, *rufus*, quod coctionem rufam pretio primogenituræ suæ emisisset à fratre suo minori Jacobo, qui sic illi benedictionem subripuit, ut infra dicitur, & evasit primogenitus & hæres.



hæres: Ab Esau sive Edom orti sunt Idumæi. Jacobi duodecimum filios genuit, quorum nomina sunt, Ruben, Simeon, Levi, Juda, Issachar, Zabulon, Dan, Joseph, Benjamin, Nephthali, Gad, & Aser. Hi fuere patres gentis illius, cui benedixit Deus, sua eloquia credidit, & promissiones de Messia venturo (*Gen. 29. & 30.*)

His tribus Abraham, Isaac, & Jacob definitur origo gentis. Neque enim sufficit dicere Judæorum caput esse Abraham; cum & Ismaelitarum sit parens; sicut Judæos habere patrem Isaacum, quoniam & ab Isaac sint Idumæi: ideo sæpè sæpius nominantur simul Abraham, Isaac, & Jacob, quando de Patribus Judæorum sermo fit.

Ab Heber, à quo originem ducebant, ut suprà dictum est, & cujus lingua utebantur, dicti sunt *Hebraei*; nisi forrè verisimilius sit sic nuncupatos à verbo Hebræo *Havar*, id est, *transivit*; quia Abraham à Deo vocatus ex terra Chaldæorum transivit flumen Euphratem, & venit in terram Chanæan (*Gen. 11 & 12.*) Hebræi verò *Israelitæ* dicti sunt à patre Jacob, qui appellabatur Israel; quod nomen significat *prevalentem Deo*. Sic cum ipse Deus dignatus est appellare, postquam cum eo fortiter luctatus est (*Gen. 32.*) Hoc nomine posterì Jacob distincti sunt à filiis Esau, qui de nomine ejus *Edom* nominati sunt *Idumæi*.

Tertiò illi de quibus sermonem instituimus, nomen acceperunt à Tribu Juda, nimirum dicti sunt *Judæi* tribus de causis. Primò, quia reges ex ea fuere. Secundò, quia ex ea Messias debuit nasci. Tertiò, quia illa Tribus omnium maxime florens & integra, duce Zorobabele ex captivitate Babylonica rediit (*1. Esdræ 8.*) Nam Tribus Benjamin ferè deleta fuerat in bello, quod adversus eam ceteræ Tribus Israel gesserunt (*Judic. 20.*) Decem verò Tribus, quæ schismate erant avulsæ à Tribu Juda, captivæ abductæ à

### *Apparatus Biblicus.*

**Salmanazar** (4. Reg. 17.) nunquam redierunt & quasi evanuerunt: soli verò Judæi ex gente Hebræa superfuere, qui populus censi possent: nam quidam de aliis Tribubus reversi sunt pauci numero, qui Tribui Juda sese adjungentes, de nomine ejus omnes appellati sunt *Judæi*.

Protinus ac lapsus est Adam, omnium hominum parens, promisit illi Deus futurum ejus lapsus Reparatorem. Selegit autem Judæos sibi in populum, in quo ostenderet & significaret quid esset gesturus per illum Reparatorem, qui Hebræis dictus est *Messias*, id est, *unctus*, idè à Græcis appellatus *Christus*, quod est nomen ejusdem significationis. Tanto operi, quo restauranda erat humana natura, voluit Deus quasi præcludere per quater mille annos, magno apparatu excitans hominum animos, ut essent idonei excipiendo Messie sive Christo. Quia ergo ad hoc selegit Judæos, quibus sua judicia, & quæ erat gesturus, manifestaret; idè per excellentiam vocati sunt *Populus Dei*. Cæteri homines vocantur *Goim* Græcè *Ethnici*, hoc est, *Gentiles*, qui & appellantur *incircumcisi*, per oppositionem Judæis qui mares suos omnes circumcidebant.

Necesse erat ut Populus ille Dei aliqua diversitate nosceretur, & præferret visibilibus signis alium populum, nempe Christianum, qui aliquando futurus erat Deo devinctior sincera cordis dilectione, & quem sibi cordi esse demonstraturus erat Deus perpetuis & conspicuis donis Spiritus sancti. Cum, inquam, populus Israeliticus populi Christiani esset quasi emblemata, congruebat ut consignaretur caro ejus. Pro tali signo præcepit Deus abscissionem præputii, nimirum pelliculæ, quæ tegit partem corporis, pudoris causa non nominandam. Nota illa indicabat aliquando Christianos rescissuros omnia carnis suæ inutilia & nociva desideria; præputium autem impunè rescindi po-

di potest octavo à nativitatis die. Prætestea ea pars carnis videbatur mortificanda, qua communicatur labes primi parentis ad posteros ejus omnes, qui via carnis nascuntur. Hac conditione circumcisionis pepigit Deus pactum cum Abraham; scilicet ut omnes posteri ejus circumciderentur. Placabatur autem Deus sanguine circumcisionis, quatenus figurabat sanguinem Christi. Permisit Deus ut septem dies à nativitate natus infans incircumciscus maneret; quia ante diem septimum propter infirmitatem maxime periculo obnoxius est. Verisimile est plures Israelitas fuisse incircumcisos usque ad tempus Paschatis primi, quod Moyses celebrandum curavit ipso die, quo ex Ægypto profectus est: neque enim licebat viro incircumciso edere Agnum Paschalem (*Exod. 12. 48.*) Ideò ante illud Pascha generalis circumcisio saltem maximæ partis Israelitarum peracta fuit; ut colligitur ex eo quod postea jussit Deus populum circumcidi, cum ingressus est terram Promissionis. Facta ergo erat antea generalis circumcisio, ut puto, per triduum tenebrarum quibus involuta est Ægyptus. Ex circumcissione enim æger futurus erat usque ad diem tertium, quo dolor est gravissimus (*Gen. 34. 25.*) Adultorum gravior circumcisio; ideò cum Moyses circumcidisset filium suum, sive Sephora uxor ejus, & sic multum dolorem procreasset proli suæ, succensens marito suo: *Sponsus sanguinum tu mihi es*, inquit illa (*Exod. 14. 15.*)

Quoniam umbram fugat veritas, æquum fuit ut, postquam Messiae vultus terrarum orbi affulisset, eæ imagines tollerentur, in quibus fuerat olim mysterii hujus occulta quædam significatio. Itaque post mortem Christi vim suam perdidit circumcisio; nec etiam iis qui ex prophanis gentibus illum venerati sunt, præputia ponere necesse fuit, ut ecclesiæ sacris initiarentur; nec Judæis officiebat, quod recutiti essent, ut Paulus docet ad Corinthios scribens capite septi-

mo primæ Epistolæ: *Circumcissus aliquis vocatus est? Non adducat præputium. In præputio aliquis vocatus est? Non circumcidatur. Circumcisio nihil est, & præputium nihil est, sed observatio mandatorum Dei.* Enimverò illo ævo quidam malè supersticiosi, ex Judaismo in Christianismum transeuntes, usque adeò nulla Judaici ritus superesse vestigia in corpore suo voluere, ut præputia quæ infantes amiserant, jam repararent viri, ad eam rem medicorum usi opera; quæ fuit profectò nimis anxia religio: jure igitur eam culpavit Apostolus. Videre est apud Josephum in Antiquitatibus (*Lib. 12. cap. 6.*) quomodo apostatae Judæi relictis moribus patriis obtinuerant ab Antiocho, ut gymnasium Hierosolymis, sive locum extruerent, in quo more Græcorum nudi luctarentur: ne autem nudi dissimiles Græcis viderentur, abscondebant, inquit Josephus, circumcisionem; quod aliter facere non poterant quàm adducendo præputia. B. Hieronymus illum locum Apostoli de cælibatu & de conjugio interpretatur. *Eo, inquit, tempore quo vocatus es & credidisti, si circumcissus, hoc est, cælebs eras, noli ducere uxorem, id est, noli adducere præputium, ne circumcisionis & pudicitie libertatem oneres sarcina nuptiarum. Rursum si in præputio quis vocatus est, ne circumcidatur. Habebas uxorem cum credidisti? Noli fidem putare causam dissidii. In pace enim vocati sumus.* Ibi Hieronymus, ut ostendat Pauli locum non esse verbo tenus, aut sine allegoria explicandum, disertè ait, haud esse potestatis nostræ præputium adducere post circumcisionem. Nos, inquit Cunaus, non opponemus Hieronymo illustrium medicorum consensum, qui fieri id posse affirmant, quod negat ille. Satis illum redarguit tot historiarum fides: Scripserunt Machabæorum (*Lib. 1. cap. 1. v. 16.*) & Flavius Josephus.

Circumcisio per quadraginta annos, dum in Arabum

bum desertis errabant Hebræi, omiſſa eſt, quia cùm ſæpiùs movenda caſtra eſſent, ægrorum imbecillitas ex recenti vulnere moram injeceſſet proſeſſioni. Nec tunc temporis illa in carne nota neceſſaria erat; quòd in vaſtiſſimis illis locis nullæ erant gentes, quibus miſceretur ſacer Populus. Attamen, quoniam circumciſos proſequebatur ſingularis quædam Numinis benignitas, utique valdè infelices videri poſſunt, quos in ſolitudine natos fati vis extinxit acerbo funere. Sed, inquit Cunaus, nobis Sacri Codicis contextum acriùs inſpectantibus, nulla adhuc reperta ratio eſt, cur in deſerto crederemus aliquos periſſe, qui nati ibidem eſſent. Illud conſtat eorum omnium, quos ex Ægypto Moſes eduxit, neminem, exceptis duobus, in Palæſtinam veniſſe. Itaque quod ſummus populi ductor Joſue, cùm Jordanem tranſiſſet, Iſraelitas denuò circumciſiſſe memoratur, id ad eos pertinet qui circumciſi nondum fuere; quia nati in deſerto erant. Repetita tamen circumciſio dicitur, quia revocabatur mos, qui uſurpatus olim in Ægypto, ac dein intermiſſus, poſtea penitùs abierat in deſuetudinem; neque enim circumciſionis ulla fit mentio in deſerto: quare priùs quàm paſcha populus comederet in terra Chanaan, neceſſe fuit ut circumcideretur; quod Joſue fecit, ut ipſe narrat capite quinto. Tunc cùm circumciſio adminiſtrata eſt in Galgala, dixit Dominus ad Joſue, *Hodie abſtuli opprobrium Ægypti à vobis, vocatumque eſt nomen loci illius Galgala*, id eſt, *revolutio*, quia revolutum eſt opprobrium ab Iſrael. Quo autem ſenſu præputium poterat dici opprobrium Ægypti, reſpondent qui putant hiſce diebus Ægyptios circumciſiſſe genitalia, præputium æquè hiſ populis ac Iſraeliticis viſum fuiſſe rem pudendam; ſed viri docti probant non ſtatim ab Ægyptiſ admittiſſam circumciſionem. Ergo ſic accipiendus ille locus, quaſi diceret: à vobis abſtuli malam notam,

qua similes eratis *Ægyptiis*, & ided mihi exosi; quare dicebant filii Jacob Sichimitis (*Gen. 34. 14.*) *Non possumus facere quod petistis, nec dare sororem nostram homini incircumciso: quod illicitum est & nefarium apud nos.* Josephus (*Antiquit. l. 5. cap. 1.*) vult circumcisionem in Galgalis fuisse signum recuperatæ libertatis, quod perfectè tunc exierint ex *Ægyptiaca* servitute.

Cunctæ animantes, cùm recens natæ sunt, quia incertum adhuc est, an vita illis vitalis sit, ante octavum diem vix in censu animantium æstimantur. Præterea nondum spurcicies diffluit, quæ ex utero illis, atque ex partu credita est adhærescere. Ea causa est cur ex hoc gehere mactari victimas sibi vetuerit Deus, cui ingratum est quicquid semiperfectum aut impurum est. Extat edictum Levitici (*Levit. cap. 22. versic. 27.*) *Bos, ovis, & capra cùm genita fuerint, septem diebus erunt sub ubere matris sue. Die autem octavo & deinceps offerri poterunt Domino.* Igitur quoniam etiam circumcisio velut quoddam solemne factum fuit, per quod puerorum surgentem spem consecrabant Numini, planè oportuit hic eandem opportuni temporis legem esse. Placuit autem octavus dies, non ob arcanam vim quæ in numero esset; sed quia nec ante peragi sacer ille ritus potuit, & ut diutius differretur, necesse haud fuit. Quod si dies post octavum quivis alius ex-patentum fuisset delectus libitum, jam metus erat ne supinitate hominum & socoroin quotidie res in deterius iret. Ita enim fit in vita. Primum prolatatio & ignavia quædam dulcedo allubescit: mox contemptio succedit atque neglectus. Ipse Sabbati dies, si octavus à natali esset, non exceptus fuit, quamvis ab omni alio opere continerent tunc manus suas Judæi; Deus enim, cùm legem dedit Abrahamo de circumcisione, mortem interminatus fuerat cuicumque viro Israelitæ, cujus caro non fuisset cir-

circumcisa octavo die, quam forsan tum incircumcissus, tum pater ejus subibat. Angelus enim Domini occurrens Moyſi, cūm reverteretur in Ægyptum, voluit tum prolem ejus, tum eum ipsum interficere: sed Sephora uxor ejus tulit illicō acutissimam petram, & circumcidit præputium filii sui (*Exod. 4.*)

Revertantur ad cœptum sermonem de divisione totius gentis in Tribus duodecim, quot erant filii Jacob, & singularum Tribuum in cognationes & familias. Etiamſi qui ortum ducebant ex Levi, quem genuerat Jacob, non numerarentur inter Tribus, non idē minū duodecim Tribus erant. Manasse enim & Ephraim, duo filii Joseph, qui filius erat Jacob, constituebant duas Tribus. Filii autem Levi soli Deo vocabantur, divisi in tres cognationes; Gersonitarum, à Gerson filio Levi primogenito; Caathitarum, à Caath altero filio Levi; Meraritarum, à Merari tertio filio Levi. Porro Caath secundus filius Levi genuit Amram, qui ipse suscepit Aaronem & Moysem. Moyſes fuit ductor populi Dei: Aaron verò Dei summus Sacerdos filios habuit Nadab & Abiu, Eleazarum & Ithamarum. Mortuis Nadab & Abiu, ad superstites duos filios Aaronis Eleazarum & Ithamarum sacerdotium pertinuit. Horum prolem David divisit in viginti quatuor familias sive classes, quæ suis vicibus à sabbato ad sabbatum obirent munera sacerdotalia per octo dies. Filii Eleazari constituerunt sexdecim classes sacerdotum: octo alias filii Ithamari (*Paralip. 24.*) Harum viginti quatuor classium subjiciuntur nomina ab eo accepta qui familiæ caput fuit.

E L E A Z A R I

1. Joiarib.
2. Jedei.
3. Harim.

4. Scorum.
5. Melchia.
6. Maiman.

7. Accos.



- |               |             |
|---------------|-------------|
| 7. Accos.     | 12. Jacim.  |
| 8. Abia.      | 13. Hoppa.  |
| 9. Jesua.     | 14. Isbaab. |
| 10. Sechenia. | 15. Belga.  |
| 11. Eliasib.  | 16. Emmer.  |

## I T H A M A R I

- |                |              |
|----------------|--------------|
| 17. Hefir.     | 21. Jachin.  |
| 18. Apheses.   | 22. Gamul.   |
| 19. Pheteia.   | 23. Dalaiau. |
| 20. Hezechiel. | 24. Maaziau. |

Ceteri filii Jacob dividebantur in hæc cognationes.  
Tribus Ruben in Henocitas, Phalluitas, Hestronitas, Charmitas.

Tribus Simeon in Namaelitas, Jaminitas, Jachinitas, Zareitas, Saulitas.

Tribus Gad in Sophonitas, Aggitas, Sunitas, Oznitas, Heritas, Aroditas, Arielitas.

Tribus Juda in Selaitas, Pharesitas, Zareitas, Hestronitas, Hamulitas.

Tribus Issachar in Tholaitas, Phuitas, Jasubitas, Semranitas.

Tribus Zabulon in Sareditas, Elonitas, Jalelitas,

Tribus Joseph primum, ut diximus, dividebatur in duas familias Manasse & Ephraim. Manasse verò familia subdividebatur in Machiritas, Galaaditas, Jazeritas, Helecitas, Asrielitas, Sechemitas; Ephraim autem in Suthalaitas, Becheritas, Thehenitas, Heranitas.

Tribus Benjamin in Belaitas, Asbelitas, Ahiramitas, Suphamitas, Hereditas, Noemitas.

Tribus Dan in Suhamitas.

Tribus Aser in Jemnaitas, Jessuitas, Bricitas, Heberitas, Melchielitas.

Tri-



Tribus Nephtali, in Jesielitas, Gunitas, Jeleritas, Sellenitas.

Hi omnes ortum suum ducebant ex Abrahamo; qui ergo nascebantur Hebræi. Jam de his agamus qui fiebant, scilicet amplectendo instituta Hebræorum. Hinc nata distinctio Hebræorum factorum, & Hebræorum ex Hebræis, sive Judæorum originatiorum, qui Abrahamidæ erant secundum carnem. Paulus scribens ad Philippenfes (cap. 3. v. 5.) ut se Judæis commendaret aiebat. *Circumcisis octavo die, ex genere Israel, de Tribu Benjamin, Hebræus ex Hebræis, secundum legem Phariseus.*

Non admittebantur in ecclesiam sive in cœtum Israelitarum eunuchi (Dent. 23.) Qui autem non excludebantur solebant dici *Profelyti*. Vox græca est, quæ *advenam* significat. Hebræis *gher* est *peregrinus*, *advena*. Chaldæis & Syris *gheiora*; undè LXX. Interpretes fecerunt *γῆνῶρας*: quo nomine hi & Justinus martyr appellant profelytos. Non omnes profelytos sive advenas Judæi adigebant ad circumcisionem. Duplex erat profelytorum genus. Alii dicebantur *Berith*, id est, *Fæderis*, qui se adigebant universæ legi *Mosaicae*. Alii appellabantur *Toschab*, id est, *habitationis*, *domicilii*, sive, ut loquuntur Judæi, *portæ*; qui nempe intra portas Judæorum commorabantur, sed non amplectebantur omnes leges eorum. Tenebantur tamen lege sabbati (Exod. 20. 10.) & his omnibus legibus quibus Thalmudici, id est, Judæorum doctores putant Noachum astrinxisse filios suos, verbi causa, non colere idola, abstinere à sanguine. Quæ faciant illa Noachidarum præcepta exponemus tuo loco. Sinere non poterant Judæi ut in eorum terris sine ullâ lege viverent advenæ: in consortium suum admittere non poterant eum qui his saltem præceptis non pareret. Nam, inquit Maimonides: (Tract. de profelyt. cap. 3.) *Tenemur interficere omnes gentiles, qui nolunt recte*

recipere precepta Noachidis data, si sint sub potestate nostra. Moses magister noster legem & precepta nullis tradidit nisi Israelitis (sicut dictum est legem precepit nobis Moses, hereditatem congregationi Jacobi) iisque omnibus qui vellent profelyti fieri & ceteris gentibus terra; nam dictum est, sicut vos, sic erit profelytus. Si quis verò noluerit legem & precepta in se suscipere, non cogent eum; at verò iussit Moses à Deo ipso edoctus ut cogeremus unumquemque, qui in mundum venerit, suscipere in se precepta Noachidis data, & quicumque ea in se non suscipiet, interficietur; qui verò ea in se suscepit, vocatur profelytus domicilii in quocumque loco. Obligatur autem ea in se suscipere coram tribus viris doctis.

Exponit Maimonides (Cap. 2.) quis propriè dicebatur profelytus domicilii, sive portæ. *Quis est, inquit, profelytus domicilii? Is gentilis est, qui in se suscipit à cultu idolorum abstinere, & cetera observare precepta, qua precipiuntur filiis Noe, nec circumciditur nec baptizatur. Quin ecce admittunt eum veluti unum ex piis è gentibus mundi. Quare autem vocatur profelytus domicilii? Quia licitum est nobis ei domicilium præbere inter nos in territorio Israelitico. Capite sequenti idem Judæus de piis Gentibus, de quibus toties fit sermo in sacro Codice, sic statuit. Quicumque in se suscepit septem precepta Noachidarum, & in iis observandis cautus est, ecce ille est, ex piis è Gentibus mundi, & portionem habet in seculo futuro, si modo ille suscipiat ea & observet. Ex illis profelytis portæ habentur Naaman Syrus, eunuchus Candacis Reginæ, Cornelius, & alii qui dicebantur Græcè *ῥησέως* viri pii, à Latino interprete *vir* religiosi (Act. 10. 2.)*

Profelyti *berith*, fœderis, sive justitiæ, ut loquuntur Judæi, amplectebantur totam legem Moysis, & habebantur veluti indigenæ, sive orti ex gente ipsa.

Sic

Sic Achior (*Judith. 44.*) appositus est ad populum Israel. *Justitiæ* appellabantur, quia justii erant, incedentes in omnibus Dei mandatis. Circuibant mare & aridam Judæi, ut facerent tales profelytos, augendæ gentis causa. Tribus autem rebus fiebant profelyti justitiæ. Sanguine circumcisionis, qui appellabatur sanguis fœderis; circumcideretur enim necesse erat juxta mandatum datum Abrahæ: quod omnis masculus non circumcissus periret de populo (*Gen. 17.*) Circumcisio autem erat veluti sigillum, qua quis ob signatus statim Judæus fiebat, & ideo adstrictus legibus, quibus omnes Judæi tenebantur. Ideò Paulus aiebat Galatis. (*c. 5. v. 3.*) *Testificor autem rursus omni homini circumcidenti se, quoniam debitor est universæ legis faciendæ.* Sic, inquam, quisquis se præbebat circumcidendum, mancipabatur Judaismo. *Et sic in perpetuum*, loquitur Maimonides (*Cap. 1. dicti tract.*) *quotiescumque aliquis Gentilis voluerit in fœdus intrare, & stationem habere sub alis divinæ majestatis, suscipereque in se jugum legis, opus est ei circumcissione.*

Post sanatum circumcisionis vulnus, qui ambibat profelytus justitiæ dici, baptizandus sive abluendus erat coram saltem tribus viris inter Judæos primariis; in quorum præsentia inter lavandum profitebatur se antea factam vitam abominari; non ambitione, non avaritia petere baptismum, sed amore legis Mosaicæ, cuius gravioribus mandatis prius imbuebatur. Etiam spondebat se deinceps piè castèque victurum, Deum veneraturum, ejusque mandatis futurum obedientem. His ritibus Gentes & ipsi Judæi admissi sunt in ecclesiam Christianam, quando voluerunt in ea fieri profelyti; quos ergo ritus operæ pretium est animadvertere, si quidem non prorsus diversis administrabant Apostoli baptismum Christianum. Denique profelytus, ubi circumcissus & baptizatus fuerat, sacrificium offerebat. Cùm mulier alienigena in ecclesiam Judæam  
admit-

admittebatur, circumcisio quidem mittebatur, cetera verò fiebant.

Veluti infans, qui ex matris alvo recens nascitur, profelytus habebatur. *Gentilis*, inquit. Maimonides, *quis profelytus sit, uti & servus qui manumittitur, habendus est tanquam infans recens natus, omnesque consanguinei quos habuit, dum Gentilis fuerat, vel dum adhuc servus fuerat, jam desinunt haberi pro sanguineis illius*. Indè Dominus mirabatur, quod Nicodemus, magister in Israel, non caperet quod dicebat: *Nisi quis renatus fuerit denuo, &c.* (Joan. 3. cap. 3. v. 3.) cum ex consuetudinibus Judæorum in iis quæ spectabant profelytos, debuisset cognoscere, quomodo quis denuo nasci & infans fieri posset. Non prætermittam quæ Maimonides insuper refert de ratione, qua admitterentur profelyti; neque enim injucundum esse potest lectori advertere originem apertam rituum antiquorum baptismi Christiani; quos præcessere Judaici ritus, certè à Christo & ab Apostolis non omnes pariter deleti, sed correcti. *Quomodo admittent profelytum*, inquit Maimonides, *hisce diebus*? Respondet, *cum venerit ut initiaretur, & inquisiverint de eo, & non invenerint aliquam causam iniquam conversionis illius, dicent illi: quid percepisti in nobis, quòd venis ut fias profelytus? Nonne cognoscis quòd Israelita hisce temporibus sint doloribus afflicti, & exagitati, & extorres, & dissipati, & quòd afflictiones continuo ingerantur iis? si respondeat, hæc cognosco, nec tamen dignus ego qui accipiar inter illos, statim illum admittent, & fundamenta Religionis ei nota facient, qualia sunt unitas Dei, & prohibitio idololatriæ, & de his prolixè agent*.

Præcepta tum graviora tum leviora declarabant, & jam indicabant pœnas præceptorum omissorum hisce verbis quæ sunt Maimonidis. *Scito tu quòd prius quàm accederes ad Religionem hanc; si comederes adipem,*

*pem, non puniendus eras pœna excisionis; nec, si prophanares Sabbatum, puniendus eras pœna lapidationis; sed jam, postquam Profelytus factus sis, si comedas adipem, puniendus es pœna excisionis, & si prophanes sabbatum, puniendus es pœna lapidationis. Sed non eum multis gravabunt, nec sollicitè ei incutient minutiora, ne forte in causa sint ut depellant eum, avertantque à via recta ad viam iniquam: nam in initio non trahunt hominem nisi mollibus benevolentia verbis, uti in Scriptura dicitur: funibus hominis traham eos, & postea, vinculis charitatis. Sicut notas ei faciunt preceptorum pœnas, sic etiam ei nota facient preceptorum premia, & declarabunt ei quod ex observatione horum preceptorum acquireret vitam eternam in mundo futuro. Et quod nemo sit perfectè justus, nisi vir sapiens qui observat hac precepta, etiam & cognoscit ea.*

*Dicent etiam ei: Scito tu quod mundus futurus non reservetur nisi justis, iique sunt Israelite, & quoad hoc quod observas Israelitas in afflictionibus esse in hoc mundo, ideo est quod felicitas mundi futuri reservetur iis; nam non possunt multa felicitate frui in hoc mundo sicut Gentes terræ, ne forte superbiat animus eorum, iique in errores abducantur, & perdant premium seculi futuri, juxta id quod dicitur: impinguatus est Jeshuron & recalcitravit. Deuter. cap. 32. 15. in Vulgata, in-crassatus est dilectus & recalcitravit. Judæi omnes & Græci per Jeshuron intelligunt Jacob, Israelem quem dilexit Deus. De origine hujus-ce vocis, tum & de propria ejus significatione non constat. Redeamus ad Maimonidem qui pergit loqui. Et prolixè agent de hac re, ut amorem in eo excitent. Si verò resiliat & non velit profelytismum in se suscipere, abeat in viam suam; sed si suscipiat, non morabuntur eum quin statim eum circumcidant; & si prius circumcisis fuisset, eliciunt ab eo sanguinem fœderis ex præeuntis scilicet circumcisionis cicatrice, & tum morabuntur eum donec*  
*sanetur*

sanetur vulnus illius, & deinde baptizabunt illum. Et Triumviri stabunt sursum juxta eum, notaque ei facient aliqua precepta leviora, & aliqua graviora secunda vice, dum ipse adhuc stat in aquis; sed si scemina sit que initiatur, scemine eam collocabunt in aquis collo tenus, & judices stabunt extra, & nota facient ei aliqua precepta leviora & aliqua graviora, dum ipsa adhuc est in aquis; postquam verò baptizata sit coram illis, avertent facies suas & egredientur, ne videant eam cum ascendit ex aquis. Inde ritibus antiquis baptismi Christiani multa lux accedit.

Apud Judæos erant servi, ex gentibus quas vicebant, vel ex illis qui se pretio ultrò mancipassent: propria servorum munera sunt, inquiunt Judæi, ut solvant Domino calceamentum suum, aut illud induant; ex quo more venit illa formula ad exprimendam magistri dignitatem: *Cujus ego non sum dignus ut solvam ejus corrigiam calceamenti* (Joan. c. i. vers. 27.) Qui luscum fecerat servum aut ancillam, pro oculo dimittebat liberos; similiter si iis dentem excussisset. Lex non sinebat tradi domino suo qui se recepisset in terram Israel & Israelitismum suscepisset (Exod. cap. 21. v. 26. & 27. Deut. 23. 15.) Postquam servi manumissi fuerant, *libertini* dicebantur. Ut ista generalis notio Gentis Hebræorum clarior fiat, protinus Gentis Historiam subjiciam, res omnes ejus digerendo per ætates suas.

## C A P U T II.

### *Res Hebræorum per ætates suas digesta.*

**T**Empus ab Adam primo hominum parente, sive spatium illud annorum qui effluerunt à creatione mundi ad ortum D. N. J. C. solet dividi in sex ætates, quæ simul collectæ efficiunt quater mille annos.

Deum

Deum esse tum innata interior ejus notio docet, tum exterior mundus, quem non nisi ab auctore potentissimo, infinito, æterno, nimirum à Deo (ea est enim significatio hujus vocis *Deus*) constat nec creari, nec servari potuisse creatum. Deum unum esse, mundus ille unus partium suarum concordia demonstrat. Sed non solitarius est Deus: in una enim ejus natura tres esse personas numero distinctas, Patrem, Verbum æterna generatione Patris Filium, & Spiritum, ipse cui de se credere dignum est, declarat in Scripturis, quas sacras dicimus, quia certò scimus ab illo nobis traditas. Filius autem Dei in illis Scripturis, quæ Græcis litteris exaratae sunt, appellatur λόγος, quod nomen *sermonem* quidem & *verbum*, sed præterea *rationem*, & *sapientiam* denotat; ut quoties Latina vox VERBUM occurrit in Scripturis, ubi de Filio Dei agitur, non deceat cogitare sermonem prolatitium, sed summam Dei rationem sive sapientiam. Tertia persona dicitur SPIRITUS, qui Patrem Verbumque conjungit.

Trinitatis divinæ mens humana non obscuram imaginem præfert. Una quidem est; sed non idèò minus multiplex sæcunditate sua, facultates habens distinctas. Neque enim voluntas cognitio est, nec cognitio voluntas; undè æstimare possumus unitati non obstare sæcunditatem. Quod si mens nostra tantum præstet corporibus, ut angusti corporis conclusa carcere, tamen, ut ita dicam, totum mundum complectatur, cujus innumeras partes claris, distinctis, diversisque cogitationibus intra se versare potest, non mirum si ipse Deus mente humana præstantior, simul unus sit natura, & personarum numero trinus; si, inquam, habeat sapientiam, quæ Verbum sit ejus, & Spiritum, qui Patris & Filii amor dici possit.

Hæc quidem non assequimur cognitione clara; altiora enim sunt. Nec etiam pleraque quæ sensibus

B

sub-



*Apparatus Biblicus.*

subjiciuntur, nostræ subduntur cognitioni. Non ergo dico nos ex rebus notis intelligere posse Deum esse trinum, sed ipsa quæ experimur, evincere quam fidem habemus de Trinitate, rationis quidem captrum superare, sed huic non adversari. Certum est eam perfectam felicitatem, qua Deus in hoc consortio Verbi sui & Spiritus, hoc est, cognitionis & amoris fruatur, nos utrumque habere compertam experimento: major enim voluptas esse non potest, quam quæ ex perfecta cognitione & summo amore percipitur; quæ voluptas cogitari non potest in Deo solitario. Quæ autem in creaturis finita & manca, in Deo summa & perfecta sunt: ut ex humanis liceat conjectare divina; sed non credere similia. Satiùs est fidem adhibere Scripturis, per quas ipse Deus declarat quæ de se esse sentienda voluit.

Sacra Scriptura enarrat originem mundi, quem & ipsi ethnici scriptores fatentur cœpisse, vetusta traditione edocti; Idque probant ex incrementis artium quas videbant nuperis sæculis adinventas, aut expolitas: undè constabat recens esse genus humanum.

A quo autem vel qua re impelli potuerit Deus, ut mundum conderet in tempore, ipse æternus, non deprehendimus; nulla enim re indiga est divina natura, & solus ipse se dignus est Deus: nisi putemus eum intuitum esse Verbum suum, humana carne induendum, & in mundano opere sacrificium hujus carnis oblaturum. Non alia res est digna Deo quam ipse Deus. Propter gloriam nominis sui mundum è nihilo eduxit, in quo coleretur sacrificiis; sed omnia sacrificia, quæcumque sint, pretium habere non potuerunt, nisi quatenus sacrificium quod de se Verbum oblaturum erat, adumbrarent. Ergo Deus per Verbum suum, qui sapientia ejus est, creavit in tempore mundum, restaurandum ab eodem Verbo, cùm perditus est. Nec minori sapientia hæc restauratio facta est, quam



quàm prima mundi creatio, de qua primùm sermo faciendus.

Deus, cælo & terra primùm creatis, Adamum & Evam formavit, quos in paradiso; nempe in loco voluptatis collocavit; undè eos expulit, cùm persuasione diaboli, qui formam serpentis induerat, ex arbore vetita fructum decerpissent. Continuo Adam & Eva obnoxii facti sunt morbis & morti, compulsi vesci pane in sudore vultus sui, qui creati fuerant immortales in omni bonorum copia. Attamen statim ac lapsi sunt, promisit illis Deus ex semine eorum nasciturum Redemptorem, quem Hebræi lingua sua appellaverunt MESSIAM, Græci CHRISTUM, quæ duo nomina idem sonant quod Latinis *unctus*. Olim qui obituri erant aliquod insigne munus, ad illud unctione consecrabantur. Ille Christus est ipsum Dei Verbum, Filius ejus: idcirco non mirum ab eo servatos homines quos fecerat; & cùm ab æterno Deus de Deo, futurus esset in tempore homo secundum carnem, non mirum est, inquam, si omnia quæ posterioribus sæculis contigerunt, inservierint ei tum prænunciando, tum significando ortui ejus. Qui Christum haberet pro homine mero, dotibus quidem prædito, sed non alterius naturæ quàm quæ nostra est; an crederet, quod tamen constat, hæc omnia quæ veteres Scripturæ referunt, Patriarcharum acta & dicta, omnem religionis Judaicæ cultum, ritus, sacrificia, omnia, inquam, Christo mero homini adumbrando ordinata & instituta fuisse à Deo? Itaque ad intelligentiam veterum Scripturarum consequendam, necessarium primò est intelligere Jesum, quem vita ejus & miracula demonstravere esse Christum Adamo promissum, hominem quidem esse, sed & pariter verè Deum.

Sex dierum spatio cùm opus mundanum Deus absolvisset, septimo die quievit, qui dies deinceps appellatur

### *Apparatus Biblicus.*

pellatus est *Sabbatum*, id est, *dies quietis*, omnibus serè gentibus antiquis sacer: idèd cum legem de huius diei quiete Deus poneret Israeli, præcipit tantum ut fieret memoria ejus ( *Exod. 20. 8.* ) *Memento ut diem sabbati sanctifices*; nempe quiescendo, sicut hactenus vidisti observatum.

Protinus patuit primi hominum parentis corruptam esse sobolem, & egere servatore, qui non solum paupertati, sed & moribus corruptis mederetur. Cum enim homo tam brevis sit ævi, dolores quos in terra patitur magnopere reformidare, aut gaudia quæ persentit magni facere non debet; omnia enim quæ finem habent, parvi facienda sunt. Verùm cum pravi mores æterna felicitate excludant; neque enim fieri potest sub Deo iusto, ut mali in æternum felices sint, egebant homines Christo, à quo non solum imbuerentur doctrina, sed cujus gratia sanaretur voluntas eorum, quam esse à Deo aversam, & idèd perversam, protinus compertum est. Etenim Cain filius Adam & Evæ, invidia motus, occidit Abelem fratrem suum, cujus sacrificium fuerat Deo acceptum magis: Deus enim igne cælitus misso illud incenderat. Hocce autem Abelis homicidium manibus fraternis patratum significabat futurum ut Christus aliquando occideretur ab ipsis suis fratribus Judæis, quibus se probaturus erat acceptissimum Deo. Scriptura non memorat rerum initio alios Adæ filios quàm Abelem & Cainum, id est, non plures nominat, sed relinquit cogitandos. Jam incolebatur terra, nec à paucis. Cainus terram arabat, Abel pascebat greges, & uterque indigebant ministris. Statim post cædem Abelis, dicebat Cainus ad Deum: *Omnis igitur qui invenerit me, occidet me*; hoc indicat Cainum & Abelem non fuisse solos terræ incolas. Statim Cain ædificavit urbem, quæ numerum incolarum supponit. Ergo quod dicit Scriptura post mortem Abelis cognovisse

novisse Adam uxorem suam, & ei semen Seth positum pro Abel, non sic intelligendum quasi non antea multos alios filios procreasset, quos Moyses silentio prætermisit, quia non omnium hominum, sed Patriarcharum seriem suscipiebat texendam.

Cain cognovit uxorem (*Genes. 4.*) quæ peperit Henoch, ille Irad, hic Maviael, à quo Mathusael, qui genuit Lamech, qui duas uxores accepit (ita introduxit polygamiam) quibus videtur fuisse exosus, & petitus insidiis, undè dicebat ad illas: *Auscultate sermonem meum: quoniam occidi virum, &c.* fors potest habere hunc sensum; *Num occidi virum:* nempe. An conscius sum cædis Abelis, propter quod scelus odio me habetis. Ut deterreret eas à malo facinore quod cogitabant, dicit: *Septuplum ultio dabitur de Cain, de Lamech verò septuagies septies.*

Tum Cain; tum Seth, quem Deus dederat Adæ pro Abele, multum excreverant posterì. Sethi progenies reputata est sancta, & filiorum Dei nomen meruit. Sed cum illi filii Dei malo exemplo Lamechi inire matrimonia cum filiabus hominum, sive stirpe Caini, carnales evaserunt. Itaque hominibus sceleratioribus factis, Deus coactus est mundum diluvio perdere; uno excepto Noë, cum familia sua, qui jussu Dei arcam ingentem fabricavit, qua servavit omnium animalium species, ne aquis perirent. Hæc arca typus sive imago fuit Ecclesiæ; quæ à Christo congreganda erat, servatura paucos homines, si cæterorum hominum perennium advertatur multitudo ingens; undè Christus sæpius dixit salutem esse paucorum. Sed & Ecclesia quamquam munda, complexura erat homines malos, paleam cum frumento ut in area, bonos & malos pisces ut in sagena; sicut in arcam intraverunt animalia munda & immunda. Ab Adamo ad diluvium transacta est prima ætas, quæ fuit annorum mille sexcentorum & quinquaginta sex.

A tribus filiis Noe, Sem, Cham & Japhet, orti sunt omnes populi. Qui ab eis proximè nati sunt, antequam in diversas abirent regiones, de turri excelsa ædificanda inierunt consilium, quod turbavit Deus, sic confundens linguas, ut unusquisque non audiret linguam proximi sui, cum prius terra esset labii unius. Tunc homines penitus Deum deseruere, & servierunt diis alienis.

Ars Dei infirmata fuisset, & malitia diaboli vicisset Dei sapientiam, si omnes homines, quos ut cohereretur fecerat, prorsus ad peccandum declinassent. Peccatum ergo permiserat, quia huic eluendo nasciturus erat Christus, asserturus divinæ Majestati decus multò majus quàm quod illi dedecus inferre diabolus voluerat, homines in peccatum inducens.

Tanta autem res est Deus factus homo, morte sua iram Dei Patris placans, & in homine imaginem Dei peccato deletam renovans, sive iterum hominem condens: tanta, inquam, res non sine prævio apparatu terris ostendenda erat. Hanc ergo voluit Deus à sæculorum initio, donec adventaret dies præstitutus, in figuris præmonstrare, & repræsentare quæ aliquando fierent. Ad hoc necesse erat ut dum omne genus hominum in vitium rueret, gentem eligeret numerosam, cui leges & ritus præscriberentur, quibus promissus Christus, dignitas ejus, opera, vita, mors, doctrina prænuntiarentur, & significarentur. Quæ gens dum expectaret promissum servatorem, impleret totum orbem eadem expectatione; ut huic excipiendo aliquando homines benè præparati essent.

2083 Igitur Deus vocavit Abraham ex Ur Chaldæorum gente idololatra, ut eum constitueret caput hujus gentis quam sepositurus erat sibi in populum fidelem & peculiarem. Duplex Abrahamæ vocatio distinguenda; prima cum patre suo Thare ex Ur Chaldæorum,

rum, ubi, juxta Josue cap. 24. Thare & Nachor, dum ibi habitabant servierant diis alienis. Laban ortus ex Nachor, qui remanserat in Mesopotamia adorabat idola, quæ Rachel filia ejus subfutrata est ( *Genes.* 31. )

Deus ex Ur Chaldaeorum regione idololatrica Thare eduxit, cum filio Abram, & Loth nepote, quem Aran frater Abram susceperat. Thare commotatus est in urbe Haran, quæ erat via in terram Chanaan, & ibi mortuus est. Indè Abram ( quæ est secunda ejus vocatio ) à Deo jussus est exire cum cognatione sua, & pergere iter in terram Chanaan.

Quando Deus secundò vocavit Abram, spem illi fecit secundæ prolis, & ex ejus semine nasciturum Messiam promisit, tum & terram Chanaan, in quam statim Deo obediens, relicta cognatione sua, venit cum Sara uxore, & Loth fratris sui Aran filio; sed & intelligens feracitate hujus terræ innui à Deo feliciorum in cœlis mansionem, ut peregrinus in ea sub tabernaculis habitavit, non aliam deligens fixam sedem, quàm locum sepulchro.

Cum regio multo pecori alendo non sufficeret, Loth se se recepit Sodomam, qua direpta à Codorlahomor, cum & ipse Loth abductus esset captivus, Abraham armatis suis servis, eum & populum liberavit. Redeunti Abrahæ à cæde Codorlahomor occurrit Melchisedech, juxta cujus ordinem Messias futurus erat sacerdos. Melchisedech typus Christi benedixit Abrahæ, & ab eo recepit decimas, quippe à Christo Judæi sacerdotes benedicendi.

Deus renovavit Abrahæ promissionem de numerosa prole; idèò vocavit eum *Abraham*, hoc est, *Patrem multorum populorum*, cum prius appellaretur *Abram*; id est, *pater excelsus*. J E H O V A, sive summus Deus, qui in Scriptura dicitur dignatus Abrahamum familiari colloquio suo, ipsum erat Dei Verbum,

qui ab hisce temporibus præludebat incarnationi suæ. Quamquam enim tunc carnem non sic assumebat, ut jam fieret homo, in imagine tamen carnis, sive veræ, sive apparentis conspicuum Patriarchis se præbebat, ut omnis antiquitas credidit. Verbum inquam, erat unus ex tribus Angelis qui apparuerunt Abraham, qui promisit illi de lumbis ejus carnem se sumpturum. Hunc verò ut Jehovam, id est, Deum summum Abraham adoravit, pro Deo habuit, & ejus colloquio gavisus est; ad quod alludens, ut opinor, Christus agebat in Evangelio Joannis (8. 56.) *Abraham pater vester exultavit ut videret diem meum; vidit, & gavisus est.*

Verbum Dei sic assumere carnem nostram, & familiari cum hominibus uti colloquio, non mirum videretur, si adverteremus illud intra nos semper esse, intimo nostro intimius. Etenim interius nobiscum loquitur, admonet, docet, arguit; quippe lux est omnem illuminans hominem, qua rectum in quo secernimus, qua pungimur concilii pravi facinoris, & recreamur cum sumus boni.

Deus edens exempla tremendorum suppliciorum, quibus scelera mundi aliquando igne æterno plecteret, Sodomam ob nefarias libidines suorum incolarum consumpsit igne cælesti; ex quo incendio solus Loth ereptus est cum uxore & utraque filia. Sic confirmabat Deus paucos multis pereuntibus servandos, qui aures præberent iis quos missurus erat, à quibus subducerentur è medio cœtu virorum corruptorum, quemadmodum ab Angelis ex peritura civitate Loth eductus est. Horum contra mandatum cum uxor ejus post se respexisset, in statuam salis versa est, æternum monumentum corruptum sæculum citò & procul fugiendum, nec moras necedendas, versùs illud oculos retorquendo, & repetendo desideriiis. Loth & duæ filiæ ejus se receperunt in speluncam juxta Segor:

gōt: Filiæ existimantes humanum genus interisse; inebriati patris appetierunt concubitum; undè duo populi Moab & Ammon nati sunt.

Abrahæ ex ancilla natus est Ismael, à quo Ismae-2094 litæ, gens effera, & quæ hæcenus Deo exosa fuit: undè constitit non prodesse cuiquam habere sanctam originem, nasci scilicet parentibus sanctis, quorum virtutem moribus non referat. Ismael primogenitus Abrahæ non ejus heres fuit; ut Judæi, prima Abrahæ proles benedictionum Dei, semini Abrahæ promissarum, non fuere heredes:

Præceptum de circumcisione accipit Abraham, & 2107 se ipse circumcidit & Ismaelem filium cum omnibus masculis vernaculis. Deinde ei licet feni centum annorum ex Sara etiam effata natus est, juxta promissiones divinas, Isaac, in quo benedicendæ erant omnes gentes; quia scilicet ex semine ejus oriturus erat Messias. Id omne quod fiebat in Abrahamo & in populo ex eo gignendo, typus erat, id est, rudis forma rerum, ut diximus, sub Christo peragendum. Idè Deus, ut omnia quæ Christum spectant ostenderet miraculum esse, etiam miraculis plenum esse voluit id quod præmittebat in typum Christi orituri. Voluit, inquam, ex viro sene & ex muliere effata enasci prolem, in qua erant gentes benedicendæ: simul ut significaret, quemadmodum cælum & terras è nihilo eduxerat, ita pariter ex non aptis hominibus efformaturum se esse gentem sanctam.

Ab illa lege de circumcisione quam dedit Deus Abrahamo, tempus quod Judæi appellant legis, & cùm de duratione mundi loquuntur, numerandum est. Dicunt priora duo annorum millia transacta sine lege; jam enim circumcirca abierant cùm Abraham jussus est se & familiam circumcidere. Post hanc legem circumcisionis præterire alii anni bis mille, ut nos

ut nos Christiani credimus, usque ad Christum, post  
cujus ortum current & alii bis mille, quibus exactis,  
nempe post sex annorum millia quibus mundus dura-  
bit, juxta opinionem Judæorum, omnia consumma-  
buntur.

- 2135 Ismaelem cum Agar matre jussu Dei domo sua  
expulit, post quàm ei natus est Isaac; neque enim  
heres futurus erat hic ancillæ filius, sed Isaac, qui  
cùm typus esset Christi præcipuus, Deus in eo præ-  
monstravit exemplum rei, qua non alia magis atto-  
nitos homines facere potest, mortis scilicet, cui ipse  
addicturus erat JESUM CHRISTUM filium suum  
unigenitum. Præcepit enim Abraham ut Isaac quem  
susceperat & diligebat, suis ipse manibus mactaret:  
sed quoniam Isaac imago tantum fuit, oblatus qui-  
dem est, sed non mactatus; Deus enim ipse, qui  
jusserat mactandum, patris fidem explorans, prohi-  
buit per angelum ne faceret.
- 2148 Postea Abraham accersivit ex Mesopotamia Re-  
beccam filiam Bathuel, qui ex Nachor fratre suo  
ortum ducebat, & hanc dedit uxorem filio suo Isaac.
- 2168 Ex Rebecca gemello partu nati sunt Esau & Ja-  
cob, qui cùm in utero matris colluctarentur non-  
dum nati, illa à Deo, quem consuluerat, responsum  
accepit duarum dissidentium gentium auctores ex ipsa  
prodituros. Hæc colluctatio præludium fuit belli quod  
futurum erat inter Judæos, qui ex Jacob orti sunt,  
& gentes, quarum pater dici potest Esau, ex quo  
orti Idumæi. Gentes protinus Evangelio aures præ-  
bendo præripuerunt benedictiones Judæis promissas;  
quos sic fraudaverunt alioquin sibi debita heredi-  
tate.
- 2183 Abraham 175. annos natus mortuus est.
- 2245 Esau fame pressus vendidit primogenita suo fratri  
Jacob, qui licet natus minor, inde habuit jus in bene-  
dictiones fratris sui; idcirco illi benedictionem patris  
Isaac



Isaac ob senium caligantis subripuit, matris consilio suas operiens manus hædini pellibus, ut pro fratre qui villosus erat haberetur. Ars illa iram Esau in Jacobum concitavit, quam ut declinaret fugit ad Laban fratrem Rebecæ. In itinere apparuit Jacobo Deus, à quo ex summitate scalæ quæ cœlos à terra attingebat, rursus certior factus est de Messia nascituro ex ipsius semine. A Laban postulavit filiam ejus Rachelem, 2252 pro qua noctu submissa est ei Lia, soror Rachelis major natu; sed & postea Rachelem in uxorem accepit. Ex utraque, tum ex utriusque ancilla duodecim mares filios suscepit. Filii Liæ: primogenitus Ruben, & Simeon, & Levi & Judas, & Issachar, & Zabulon. Filii Rachel: Joseph & Benjamin. Filii Balæ ancillæ Rachelis: Dan & Nephtali. Filii Zelfhæ ancillæ Liæ, Gad & Aser. Hi duodecim filii censentur gentis Patriarchæ; ab iis enim ortæ duodecim tribus, in quas gens Hebræorum divisa est.

Beneficia quibus Deus cumulavit Jacob moverunt 226; invidiam avunculo suo Laban; fugere ergo ab eo coactus est Jacob, cum uxoribus suis, & prole, & pecoribus. Huic fugienti ne malum inferret à Deo prohibitus est Laban. Iterum visus est ei Angelus, cum quo luctans prævaluit; & ideò dictus est *Israel*, hoc est, *vir Dei*, nempe *vir fortis*. Quem prius placaverat muneribus, Esau invenit benignum in patriam reversus.

Filii Jacob Josephum fratrem, quem ægrè ferebant 227; esse patri cariorem, vendiderunt mercatoribus. Quis in eo non advertat Jesum Christum ab ipsis Judæis fratribus traditum alienis gentibus, nempe Romanis: à quo tamen qui ad eum accedere voluerunt, servati sunt; ut fratres à Josepho ipso, quem sic malè exceperant. A mercatoribus, quibus illum venderant, ductus est in Ægyptum, ubi servivit Putipharæ, à cujus uxore de vi pudicitie illata falsò accusatus in carce-

carcerem conjectus est. Sagax postea habitus somniorum interpres, & carcere advocatus est in aulam Pharaonis Regis, ut interpretaretur somnium ejus, quod significavit famem portendi post septem annos fertiles, quæ per steriles annos totidem esset duratura.

- 1288 Paulò ante mortuus fuerat Isaac, annos natus centum & octoginta. A Josepho per fertiles annos collecta frumenti copiâ, ubi obtigerunt anni steriles, quoniam alibi non suppetebat frumentum, in Ægyptum descenderunt fratres ejus, quos habere se pro exploratoribus cum aliquandiu finxisset, his tandem se manifestum fecit, patremque suum Jacob cum tota familia accersivit in Ægyptum. Omnes animæ domus Jacob, quæ ingressæ sunt in Ægyptum, fuere septuaginta (*Genes.* 46. 27.) Hoc & adstruitur in Deuteronomio (*Deut.* 10. 22.) Græca versio in utroque loco addit quinque animas, quem numerum Lucas expressit in Actis (*Act.* 7. 14.)

- 2315 Post aliquot annos mortuus est Jacob, priùs edens vaticinium celebre de tempore quo oriturus esset Messias, nempe cum auferretur sceptrum de Juda si ve deficeret Respublica Judæorum, quam formaverat Deus ut in illa ederet apparatus, vaticinia, typos Christi sui venturi; quæ ideo debebat dissilire, post adventum Christi jam inutilis facta.

- 2369 Mòritur pariter Joseph. Sic autem crevere posterii Jacob, ut infra ducentos annos ex LXX. animabus, quibuscum in Ægyptum venit, plus quàm sexies centena millia animarum ex eis prognata numerarentur. Hoc invidiam in eos concitavit, eo præsertim, cui placebat Joseph, defuncto rege. Duram igitur servitutem experti sunt Hebræi; ex qua tandem per Moysem Deus eos liberavit, & in terram quam promiserat deduxit.

Jusserat Pharaeo ut omnis proles mascula Hebræorum statim encicaretur recens nata. Id mandatum fue-

rat obstetricibus, quibus, quòd non paruerint tam crudeli mandato, ideò Deus *edificavit domos*, id est, prolem dedit (*Exod. I. 21.*) Sunt qui credant permiffum eis ut conjugio cum Israelitis jungerentur. Postea omni populo præcepit Pharaò ut proles mascula Hebræorum projiceretur in flumen. Cùm per tres menses post partum occultassent Moysem parentes ejus, tandem metu Regis eum aquis exposuerunt, ex quibus educus ab ipsa filia Regis, cui parvulus placuit. Hunc illa educavit in ipsa aula Regia, quam aspernatus, statim ac adolevit, fugit in solitudinem. Ibi à Deo, qui eum ex rubo ardenti alloquebatur, jussus est populum liberare ex Ægypto, & uti adjutore fratre suo Aarone, qui sacerdotio postea præfectus est.

Mandatum Dei quod acceperat Moyses significavit in portentis Pharaoni, qui tandem post insignes plagas dimisit Hebræos ut irent quòd eos vocabat Deus. Sed tantam rem non decet sic paucis verbis perstringere. Modus quo ex Ægyptiaca servitute Hebræus populus liberatus est, vaticinium & figura fuit liberationis per Christum à Dæmonum jugo, quod servitus Ægyptiaca repræsentabat.

Præcepit Deus Moysi ut decima-quarta die mensis Nisan ad vesperam ab omnibus Israelitis immolaretur agnus, cujus sanguine quisque aspergeret postes domus suæ. Mandatum implevere Judæi. Proxima nocte transiit angelus Domini per domos Ægyptiorum, omnesque eorum primogenitos interfecit, solis abstinens ædibus quibus illitus erat agni sanguis. Agnus ille typus erat Christi, cujus sanguine quicumque non irroratur, à morte aterna immunis esse non potest. Rei quæ beneficium mortis Christi tam clarè prænuntiabat, præcepit Deus renovari memoriam, sive de ea festum solemne, quod *Pascha* dictum est, singulis annis celebrari, eo die, & ea hora, qua verus Agnus scilicet Jesus Christus postea in cruce immolatus est.

Cùm

Cùm Israëlita accincti more peregrinantium carnem Agni comedisent, jussu Pharaonis, cujus primogenito angelus non pepercerat, exierunt ex Ægypto. 2513 His mare Rubrum viam aperuit recedens, & reversum obruit Ægyptios, qui mutato consilio Hebræos revocare in servitutem volebant.

Ingressos eremum Israëlitas, cùm jam per triduum iter agerent, aquæ penuria urgebatur; neque enim quam repperant, ea ob amaritudinem usui esse poterat. Tunc impotentis populi contumacia apparuit, jamque in Moysem ferebatur, cùm ille edoctus à Deo lignum aquis intulit, cujus hæc vis fuit, ut dulcem saporem aquæ redderet: Sic ligni, cui Christus affixus est, recordatio leviores quas patimur æumnas facere potest. Postea idem populus famem conquerens Moysen increpabat, Ægypti servitium cùm saturitate ventris desiderans. Tum grex coturnicum supernè missus, castra opplevit. Postero die animadvertunt qui extra castra processerant, oppletum solum quapiam re, in modum coriandri seminis, glacialis albedinis, ut crebro hybernis mensibus superductis pruinis terram tegi videmus. De qua re cum Israëlita sciscitarentur *Manhu*? nempe *Quid est hoc*? inde illa, qua pro pane usi sunt per quadraginta annos, dicta est *Manna*. In libro tertio iterum de manna differemus, & de nominis ejus etymo. Singulis diebus manè quisque colligebat quantum in unum diem pro numero singulis satis esset: sexto tamen die, quia Sabbato id non liceret, duplum colligebant. Carteris verò diebus, qui in posterum diem consulentes, plus quam præceperat Deus, colligebant, videbant hæc reposita fatore diro in vermes effervescentia; cùm die sexto in fabbarum reservata integra permanerent. Manna de cælo defluens signabat illam cælestem alimoniam, qua pascuntur Christiani participes Corporis Christi.

Inde progressus populus cùm aquæ penuria tentaretur,

raretur, ægrè ab exitio ducis temperabat. Tum Moy-  
ses, mandante Domino apud locum, cui Oreb no-  
men est, virga petram percutiens, largam aquæ co-  
piam præbuit. Deus exemplo præmonstrans in hac  
mortalis vitæ peregrinatione quietem haud expectan-  
dam, sivit ut incurfionibus Amalechitarum populus  
perturbaretur. Adversus hos copias in prælium eduxit  
Moyfes, præcapiens Josue ministro suo, ut cum ele-  
ctis viris adversus eos pugnaret: ipse interim cum  
Aaron oravit in monte. Quoties manus levabat,  
vincebat Israel, qui statim cedebat victus, ubi præ-  
las-  
fitudine Moyfes manus remittebat.

Jetro sacerdos Madianites filiam suam nomine Se-  
phoram uxorem dederat Mosi, quando Regis Ægy-  
pti aulam deferens se in solitudinem recepit. Profici-  
scente in Ægyptum viro, Sephora domi resederat:  
cognitis verò rebus quæ per Moysem gerebantur, Je-  
tro cum illa ad eum venit. Hujus consilio Moyfes  
ordines populi distribuit. Tribunos, Centurionesque  
& Decuriones præficiens, necessarium disciplinæ ritum  
posteris tradidit. Jetro in patriam regressus est.

Tandem tertio mense postquam ex Ægypto egressi  
erant Israelitæ, ad montem Sinai pervenerunt. Ibi  
Dominus Moysem monuit ut populus sanctificarerur,  
auditurus Dei voces. Ubi Deus monti institit, tuba-  
rum clangoribus aer personuit, & crebra cœli fulgura  
emicuere. Moyfes & Aaron in montis cacumine soli  
erant; populus circa ima montis constitit, Moyfes  
interiorem nubem, quæ circa Dominum steterat, in-  
gressus, quadraginta diebus totidemque noctibus fuit  
cum Domino. Ergo morante diutius, & desperato  
ejus reditu, populus compulit Aaronem ut vitulum  
aureum conflaret. Interea Moyfes à colloquio Dei re-  
grediens cum duabus tabulis lapideis, quibus Deus  
manu sua exaraverat præcipua ex mandatis suis, ubi  
advertit populum Dei immemorem esse, & luxui &  
sacri-

sacrilegio deditum, tabulas confregit, indignam esse gentem existimans cui lex Domini traderetur. Insuper Levitas ad se aggregavit, eisdemque præcepit, ut gladiis districtis populum cæderent. Quo impetu viginti tria millia virorum perempta sunt. Alias verò similes tabulas pro his quas confregerat, paravit jussu Dei Moyses.

Ergo Israel legem accepit à Deo in monte Sinai, & formam religiosi cultus quo volebat coli. Siquidem legem à natura nobis inditam peccatum deleverat, si-ve à Deo averſi & converſi ad creaturas non ampliùs audiremus Deum, nos interiori sermone compellantem, ideo voluit in tabulis lapideis quæ carnis oculis legerentur, auribus audirentur, scribi summa & præcipua sua mandata. Hæc ut præſentia eſſent, & ea quiſque calleret tanquam decem digitos ſuos, ad denarium numerum revocavit. Cætera crimina quæ vetita non exprimuntur in Decalogo, nempe in illo denario numero mandatorum, ore prohibuit Deus, & ſcribenda curavit in Libris ſacris.

Præterea Deus in monte Sinai Moyſi monſtravit exemplar Tabernaculi, in quo cultus illi exhiberetur, donec ſolidum templum in quieta ſede figeretur. Juxta hoc exemplar Tabernaculum paravit Moyses, inſtruxitque neceſſaria ſupelleſtili. De hoc-ce tabernaculo ſermo fiet uberior.

Quadrageſima annis populus erravit in deſerto, duce Deo; quatenus nubes incubans Tabernaculo viam quæ illis tenenda eſſet monſtrabat. Nec ulla res vitæ neceſſaria deerat. Eos fluentes ex petra aquæ ſequabantur. Toto hoc-ce tempore veſtimenta eorum perſeveraverunt non detrita vetuſtate; quod qui fieret, novit Deus. Quærunť aliqui an puerorum veſtimenta cum ætate creſcerent. Circa hæc quæ quis homo noſcere non poteſt, fruſtra tempus teritur. Licet autem populus Iſrael tot excitaretur beneficiis ad obediendum

Deo,

-Ded; Manna cælesti cibo pasceretur; tamen sæpe in  
 Moysem & in Deum rebellis fuit. Ideo Deus iratus  
 immisit serpentes, quorum morsu multi periere. Sed  
 & admonuit Moysen ut æneum serpentem erigeret,  
 quem qui aspexere, protinus sanati sunt à vulnere  
 serpentum, quos æneus serpens forma sua referebat.  
 Sic Christus, ut Apostolus loquitur, de similitudine  
 damnavit peccatum, & in cruce exaltatum si quis  
 cum fide aspiciat, à lethifero morsu serpentis, nempe  
 Diaboli, qui sub forma serpentis Adamum deceperat,  
 protinus sanatur.

• Moyses intelligens vicinam esse terram quam sibi <sup>2514</sup>  
 promiserat Deus, exploratores in eam misit, qui re-  
 nuntiarent felicem omni copia regionem, in testimo-  
 nium referentes racemum miræ formæ. Sed simul si-  
 gnificabant gentibus fortissimis habitari, & oppida  
 muris munita validis. Quod ubi populo compertum,  
 magna mentes omnium incessit formido, eoque mali  
 ventum, ut, spreto Moysis imperio, ducem sibi con-  
 stituere pararent, cujus ductu Ægyptum reverteren-  
 tur.

• Tunc Josue & Caleb qui inter exploratores fuerant  
 vestibus conscissis, flentes populum obtestantur, ne  
 exploratoribus credant, formidolosa referentibus, se  
 quoque cum his fuisse, nihil autem metuendum in so-  
 lo illo reperisse: promissis Dei confidere oportere,  
 hostesque prædæ potius fore quam exitio. In ista ima-  
 gine Israelis videre est homines difficultatibus in adi-  
 piscendo regno cælorum subeundis absterri ab ipso  
 regno. Delectantur potius Ægypti servitute, videlicet  
 modicis & brevibus voluptatibus, quæ intra multos  
 dolores hic interdum occurrunt; unde fit ut pauci in  
 cælum perveniant. Soli Josue & Caleb ex omnibus  
 qui ex Ægypto exierant, ingressi sunt terram pro-  
 missam.

Aaron moritur in vertice montis Horeb: nec me- <sup>2552</sup>  
 ... C ruit



ruit ingredi terram promissam, quia conflasset vitulum aureum.

- 2553 Israelitæ tempore peregrinationis suæ lacessiti sunt à multis gentibus, præcipuè à Moabitis, à quorum rege advocatus Balaam Propheta ut Israelitis malediceret, loco maledictionis, de Messia, qui ut stella orientis esset ex Jacob, vaticinium protulit.

Moyse tot defatigatus laboribus, & longæ peregrinationis moras ægrè ferens, quasi incredulus, Deo displicuit; unde mortuus est in deserto, conspecta eminè terra promissa. Attamen Scriptura in Numeris cap. XII. causam aliam assignat, quæ & Aaronem complectitur. *Dixitque Dominus ad Moysen & Aaron: quia non credidistis mihi ut sanctificarem me coram filiis Israel, non introduces hos populos in terram quam dabo eis.* Quia scilicet quasi diffidentes bis percusserint rupem ex qua exituras aquas Deus promiserat.

- 2554 Israelitæ in terram promissam ducè Josue, quem ex mandato Dei elegerat Moyse sibi successorem, quadragesimo post Exodum anno ingressi sunt. Lacte & melle illa abundans figurabat cælum & cæli delicias, quarum fient participes quos verus Josue, nimirum Christus, Ægyptiaca servitute sive diaboli jugo liberatos in cælum deduxerit, postquam in hoc mundo, tanquam peregrini, sine rerum mundanarum affectu, omnibus suis desideriis cælum patriam quæsierint.

Jordanis autem flumen transitum cum prohiberet, neque navium copia pro tempore esset, neque vadari posset fluvijs, qui tunc pleno alveo ferebatur, Josue arcam præferri à Sacerdotibus, eisdemque flumine consistere jussit. Quo facto quasi incisus est Jordanis; ita per siccam copiam traductæ. Urbis Jericho, quæ ingredientibus terram occurrebat, & expugnationi haud facilis erat, muri ac turres sponte ceci-



Ecceiderunt, postquam septies Arca fœderis circumlata est. Quos exploratores Josue miserat Jericho excepit hospitio Rahab; & occultavit, cum eos advertisset rex Jericho; & occidere veller. Gabaonitæ, gens valida, ultro se Israelitis dederunt. Uno impetu urbes plurimas cepit Josue; & eorum reges interfecit. Diviso per Tribus duodecim Israelitarum captivo solo, pace summa Hebræi perfruebantur.

Josue mortuo, populus sine duce agebat. Sed cum <sup>256</sup> adversus Chananæos bellandum esset, dux belli Judas fuit, id est, Tribus Juda. Hujus ductu res prosperè gestæ sunt: domi militiæque summum otium. Populus aut subactis aut per deditionem acceptis gentibus imperitabat. Inde; ut semper fieri solet secundis rebus; morum disciplinæque immemor, matrimonia ex victis assumere, paulatimque externos mores trahere; ac mox profano ritu idolis sacrificare, occæpit (adeo cuncta cum externis societas perniciofa est) quæ Deus longè ante prospiciens; salubri Hebræos responso instruxerat devictas gentes ut internecioni darent: Sed plebs cupida dominandi imperare victis cum perniciè malebat.

Per hæc tempora, adversus Benjamitas bellum civile fuit, ad ulciscendam injuriam, quam illi intulerant uxori Levitæ, stupro eam opprimentes, ita ut ipsa animam efflaverit. Tribus Benjamin tunc ferro ferè absumpta, certè multum imminuta est.

Cum omnis Israel relicto Deo idola coleret, de <sup>259</sup> stirutus divino auxilio, à rege Mesopotamiæ victus, octo annorum captivitatem pertulit, donec Othoniel duce in libertatem restitutus, per annos quadraginta rerum potitus est. Hoc ce longo pacis intervallo corrupti rursus Israelitæ, idola coluere. Mox adfuit pœna peccantibus. Ab Eglone enim rege Moabitæ devicti duodeviginti annis servierunt, do-

- nec Aod instinctu Dei regem hostium dolo interemit, contractoque tumultuario exercitu libertatem armis vindicavit, quam possederunt per octoginta annos, numerandos à quiete sibi ab Othoniele restituta.
- 2680 Post Aod, Samgar defendit Israel, & adversus Allophylos congressus secundo eventu prælum fecit. Rursumque Hebræos sectantes idola rex Chananzorum Jabin nomine subjugavit, gravissimamque in eos per viginti annos dominationem exercuit, donec pristinum Debora mulier statum reddidit: adeo nil spei in eorum ducibus erat, ut muliebri auxilio defenderentur. Sub hac duce vel iudice quadraginta annis Hebræi fuerunt. Rursumque ob peccata Madianitis traditi, duro imperio habebantur, afflictique malo servitutis divinum auxilium imploraverunt. Ita semper in secundis rebus immemores cœlestium beneficiorum Idolis supplicabant, in adversis Deo.
- 2759 Igitur cum eis Madianitæ dominarentur, conversi ad Dominum, misericordiam solitam flagitaverunt, & impetraverunt. Gedeone duce vicerunt Madianitas, & jugum eorum excusserunt.
- Abimelec Gedeonis patris, fratribus septuaginta interemptis, imperium occupavit; sed post triennium saxo à muliere ictus periit. Huic successit Thola.
- 2772 Post hunc Jair, sub quo populus relicto domino idolis se mancipavit: ob idque subactus est ab Ammoniis, à quibus illum Jephthe liberavit. Votum ille nuncupaverat, quo devoverat quidquid sibi primum ex prospera pugna revertenti obvium esset. Cum reverteretur victor, obvia ei facta est filia ejus, quam ideo Deo consecravit morti addicens, vel, ut quidam opinantur, astringens perpetuæ virginitatis lege.
- Post Jephthe, iudices Israelis fuerunt Abesan: post hunc Ahialon; & deinde Abdon. Rursum Israelitæ ad idola conversi subjecti sunt Philistæis, à quibus vindicati sunt auxilio Samsonis, qui miro robore inclitus

clitus fuit. Cessit tamen illecebris mulierculæ, cujus amore captus, incidit in manus Philistæorum. Pro-  
tinus privatus est oculis; attamen, similiter ac Chri-  
stus, cujus fuit typus, moriendo ipsos hostes suos vi-  
cit; cum enim Philistæi omnes epularentur in tem-  
plo, quod duabus fulciebatur columnis, & adduci  
jussissent Samsonem, ut ludibrium daret, ille ductus  
inter columnas, has disjecit, & templi ruina se &  
Philistæos obruit, suo sepultus triumpho.

Post Samsonem, Eli judex fuit & Pontifex. Sunt viri docti, qui conjungunt viginti annos Samsonis  
cum viginti primis annis ex quadraginta per quos  
Eli judicavit Israel. Filii autem Eli, Ophni & Phi-  
nees, malis suis moribus cum iram Dei in se con-  
citassent & in Israelem, à Philistæis victi sunt & oc-  
cisi. Arca quam secum in castra portaverant, capta  
est; quod cum rescivisset Eli, decidens è solio suo,  
mortuus est, fracta cervice. Philistæi pressi malis que  
immiserat Deus, arcam remissere.

Post Eli Samuel, quem Anna Elcanæ uxor hæte-  
nus sterilis impetraverat, & consecraverat Deo, ju-  
dicavit Hebræos; qui cum regem sibi constitui po-  
stulassent, SAULEM in regem eorum inunxit. Ille  
cum Deo displicuisset, Samuel jussu Dei unxit DA-  
VIDEM, licet adhuc maxime juvenem; à quo ta-  
men gigas Goliath in singulari certamine interfectus  
est, & profligati sunt Philistæi, quibuscum perpe-  
tuum bellum Hebræi hætenus gesserant. Tantæ vi-  
ctoriæ moverunt invidiam Sauli in Davidem, cujus  
mortem cum sæpius Saul molitus esset, ille fugere  
coactus est, delitescens, & exilium mutans usque ad  
mortem Saulis, quo mortuo regnavit.

Sub Davide res Israelis florere; sed ille inter pro-  
spera adulterii crimine se reum fecit cum Bethsabec  
uxore Uriæ, quem interficiendum curavit, cum hoc  
adulterium aliter latere non posset. Tam grande pec-

catum cinere & lacrymis expiavit. Itaque Deus illi renovavit toties datam promissionem de futuro orbis Redemptore, qui de ejus semine nasciturus esset, Rebus summa pace compositis, obdormivit. 2990 SALOMON ejus filius regni habenas sumpsit in manus; & quod in mente habderat pater ejus, sed prohibitus fuerat à Deo, Templum extruxit in monte Moria; cum hætenus pro Templo fuisset illud Tabernaculum, quod ex pellibus consuevit Moyses. Absolutum est Templum tertio millennario à creatione Mundi.

3000 Salomonis regnum pacificum fuit; sed ille ab opibus in luxum & vitia delapsus, cum adversus interdictum Dei ex alienigenis conjugia sumpsisset, simul & falsas religiones mulierum quas duxerat amplexus est. Idè Dominus graviter increpito pœnam denuntiavit, nempe fore ut regnum ex parte majore ademptum filio, perveniret in manus servi illius; quod accidit. Successit enim ei ROBOAM filius ejus, sub quo scissum est regnum in duas partes à Jeroboam, qui decem tribus abductas à Juda & Benjamin rex, conflatis & erectis in Samaria aureis vitulis, qui pro diis haberentur. Hac re cavens ne Tribus sibi subditæ reverterentur Jerusalem, religionis causa. Sola ergo Tribus Juda paruit Roboam cum reliquis Tribus Benjamin; quæ occisione fuerat ferè deleta in bello quod adversus eam gesserant aliæ Tribus, ut dictum est. Idè regnum Roboam appellatum est *Juda*, aliud verò *Israelis*.

## REGES JUDA. REGES ISRAEL.

3029 I. Roboam regnavit annis 17.

I. Jeroboam regnavit annis 22.

3046 II. Abia patri Roboam succedit, anno Jeroboami

II. Na-

mi decimo octavo incun-  
te; regnavit annis tribus.

III. Aza filius Abia pa-  
tri succedit anno vigesimo  
Jeroboami completo : re-  
gnavit annis 41.

3049

II. Nadab regnat vivo adhuc  
patre suo Jeroboam, qui percussus à Deo præ-  
esse non poterat.

III. Baaza cecidit Nada-  
bam, & destruit domum  
Jeroboam, qui adhuc su-  
perstes vivebat.

3063

Hoc-ce anno Aza uni-  
versalem reformationem  
instituit ex consilio Aza-  
riae Prophetae.

IV. Ela patri succedit. 3074

V. Zamri regnum oc-  
cupat. 3075

VI. Amri à populo rex  
constituitur, parte modi-  
ca Thebnin sequente. 3079

Mortuo amulo Thebni,  
solus regnare incipit Amri.

VII. Achab filius Amri  
regnare incipit qui cultum  
Baalis idoli Sidoniorum in  
Israelem introducit, eoque  
cumulat idololatriam au-  
reorum vitulorum. Duxit  
Jezabelem uxorem, quæ im-  
pia fuit mulier, curans in-  
terficiendum Nabot, ut vi-  
nam ejus possideret.

C 4

Aza

Aza ex pedibus diu cum ex-  
grotasset tandem  
moritur.

3090 IV. Josaphat  
patri succedit, an-  
no quarto Acha-  
bi deficiente.

3092 Josaphat anno  
tertio regni sui  
mittit Sacerdo-  
tes, Principes,  
& Levitas, qui  
docerent in civi-  
tatibus Juda. (3.  
*Paral.* 17. 7.)

3106

3108

3112 V. Josaphat  
jam senior Joram  
regni consortem  
statuit, Jorami

Temporibus A-  
chab desperatissi-  
mis, & Ochosiæ,  
& Jorami claruit  
propheta Elias,  
qui claudit cœ-  
lum, ut nulla plu-  
via decidat spatio  
trium annorum  
& sex mensium,  
donec jugulentur  
sacerdotes Baal;  
& inde imbrium  
abundè est. Ali-  
tur à corvo. Vi-  
duam alit Sarep-  
tanam. Suscitatur  
puerum mor-  
tuum; cædit ali-  
quot propheta-  
rum greges: ig-  
nem cœlo dedu-  
cit. Primus Elias  
gentium prophe-  
ta jejuna-  
t quadraginta dies &  
noctes: videt Do-  
minum ubi illum

Moyse viderat.  
Vocatus est ad  
inungendum Ha-  
zael in regem Sy-

VIII. Achab  
Ochosiam filium  
constituit prore-  
gem.

IX. Joram A-  
chabi filius succe-  
dit Ochosiæ fra-  
tri.

Israeli.

Israelitici anno rix, afflicturum  
quinto. Israellem propter

idololatriam, &  
ad inungendum

Jehu in regem Is-  
raelis, destructu-

rum domum A-  
chab, & ad in-

ungendum Eliza-

um prophetie suc-  
cessorem.

VI. Ochofias,  
patre morbo gra-  
viter laborante,  
prorox constitui-  
tur, & anno se-  
quenti in regnum  
successit, anno

3118

12. Jorami filii  
Achab.

VII. Athalia re-  
gnum occupat, &  
ut sola regnaret  
regiam stirpem  
enecat. Furori  
ejus subducitur  
Joas filius, &  
clam educatur.

X. Jehu ab uno  
ex prophetis un-  
ctus regnat, &  
sequitur idolola-  
triam Jeroboami.

VIII. Joas sep-  
tennis puer à Jo-  
iada Sacerdote  
productus in Té-  
plo inungitur in  
regem anno Jehu  
septimo; & A-  
thalia mater oc-  
ciditur. Per om-  
ne tempus quo  
vixit Joiada sa-  
cerdos, fuit reli-  
giosus Joas, at-  
co è vivis subla-

3126

Moritur Jehu.

to

to Dei oblitus est.

- 3148 Zacharias Sa-  
cerdos & Prophe-  
ta inter Templum  
& altare occisus  
est.

3163

- 3165 IX. Amasias pa-  
tri succedit, an-  
no Joasi regis Is-  
rael secundo com-  
pleto.

3168

- 3195 X. Ozias sive  
Azarias, patre  
per conjuratio-  
nem interfecto,  
regnum accipit,  
anno vigesimo se-  
ptimo Jeroboami  
II.

3217

Jonas Prophe-  
ta prædicit re-  
gnum ab oppres-  
sione Syrorum  
per Jeroboamum  
II. vindicandum.  
(4. Reg. 14. 25.)

In diebus Oziæ,  
Joatham, Ahas,  
& Ezechie regum  
Juda, atque Jeroboami II. regis Is-  
rael Propheta O-  
see per integrum  
sæculum prophe-  
tavit.

Sub iisdem Re-  
gibus prophetavit  
Joel.

Amos anno O-  
ziæ XXIII. pro-  
phetare incepit.

Cæpit & pro-  
phetare Isaias res  
Messiæ, præcipue

XI. Joachas  
patri succedit.

XII. Joas à pa-  
tre regni parti-  
ceps admittitur.

XIII. Jeroboa-  
mus II. à patre ad  
bellum profectu-  
ro in regni con-  
sortium assumi-  
tur.

Mortuo Jero-  
boamo II. in præ-  
ceps ruere om-  
nia, & ad anar-  
chiam undecim  
annorum res de-  
ducta est.

XI. Jea-



mortem ejus var-  
riciniis descri-  
bens, ut non tam  
prophetam quàm  
historicum ejus  
agat. Abdias fuit  
Osee, Amoso &  
Isaia æqualis.

Jonas jussus à  
Domino prædica-  
re Ninivitis quod  
nisi resipiscerent  
& pœnitentiam  
agerent omnes ef-  
fent perituri, ut  
illud mandatum  
declinaret, na-  
vim conscendit,  
quam ne tempe-  
stas everteret, pro-  
jectus est in mare  
à nautis; patuit  
enim eum cau-  
sam esse tempe-  
statis, quæ illicò  
sedata est. Exce-  
ptus autem ven-  
tre ceti, post tres  
dies ejectus est in  
littus. Typus ma-  
nifestus Christi,  
qui tribus diebus  
jacuit in sepul-  
chro, cum tem-  
pestatem quam mû-  
dus omnis con-

XIV. Zacha-  
rias quartus &  
postremus è stir-  
pe Jchu regnavit  
anno 38. Oziæ  
sex mensibus.

XV. Sellhum,  
cùm interfecisset  
Zachariam, anno  
39, Oziæ, regna-  
vit mense unico.

XVI. Manahem  
Sellhum occidit,  
& per undecim  
ferè menses de  
regni possessione  
contendit, tan-  
demque auxilium  
ferente Phule re-  
ge Assyriorum  
regnare cœpit pa-  
cificè, ann. xxxix.  
completo Oziæ  
regis Juda.

XVII. Phaceia  
patri Manahemo  
succedit anno L.  
Oziæ.

XVIII. Phacee  
filius Romeliæ,  
interempto Pha-  
ceia, regnat, an-  
no LII. Oziæ.

cutiebatur , morte sua compescuisset.

3246 XI. Joatham , Sub Joatham mortuo patre Ozia , regnum suscipit , anno 2. Phacee . & duobus ejus successoribus Michæas Morastites prophetavit .

3251 Urbis Romæ jacta sunt fundamenta .

3262 XII. Ahas patri Joatham succedit , anno 17. Phacee completo .

3265

XIX. Ozea filius Elæ , interfecto Phacee , regnum invadit , anno 4. Ahas : turbis intervenientibus hoc ce potiri non potuit nisi anno 12. Ahasi desinente .

3273

3277 XIII. Ezechias ab Ahaso patre regni consors efficitur , qui inde ab anno 3. Osæ Regis Israel completo regnavit .

Salmanasar Rex  
Assyrius anno E-  
zechia 6. Osee  
9. obsedit Sama-  
riam, & post ob-  
sisionem trium  
annorum capit,  
& decem Tribus  
in captivitatem  
abducit, atque hic  
finis fuit regni Is-  
rael.

Post abductas decem  
Tribus Nahum prophetat,  
ut consolatio esset tam  
his qui jam captivi erant,  
quàm his qui obsidebantur  
ab hostibus.

Cum jugum Assyrio-  
rum excussisset Ezechias,  
anno ejus XIV. ad finem  
tendente, Sennacherib  
qui patri Salmanasaro suc-  
cesserat, regnum Judææ  
invadit; sed ab Angelo  
deletus est exercitus ejus,  
occisis nempe 185. milli-  
bus hominum una nocte.  
In Assyriam reversus à  
duobus filiis occiditur.

Ex lethali vulnere de-  
cumbenti Ezechia Isaias  
prorogationem regni in  
15. annos, & liberatio-  
nem è manu Assyriorum  
signo mirabili umbræ so-  
laris retrò actæ dato de-  
nuntiat.

XIV. Manasses morien-  
ti Ezechia, bono patri,  
impius succedit filius an-  
norum 12. tantum natus;  
annisque 55. Hierosoly-  
mis regnat.

3306

Prin-

3327 Principes exercitus regis Assyriæ à Samaria, quò novòs colonos induxerant, in viciniam Judæam progressi, Manassè in vepretis quibusdam lætantiem ceperunt, & compedibus vinctum Babylonem abduxerunt.

3361 XV. Amon impius patri Manassi succedit, & regnat biennio.

3363 XVI. Josias octennis puer Amoni patri per domesticorum prodicionem occiso succedit, regnat annis 31.

3375

Anno Josiæ regni 13. Jeremias adhuc puer ad propheticum munus à Deo vocatur.

Ei adjunguntur Sophonias, Baruch, & alii.

Holda quoque Prophetis sub Josia floruit. (4. Reg. 22. v. 14.

3378

Nabopolassar affinitatem cum Astyge Mediæ satrapa init, Amysa filia Nabuchodonosori filio Nabopolassari desponsata, uterque junctis viribus Ninivem & in ea Saracum regem oppugnant, quo sublato Chaldæorum regnum Nabopolassar annis 21. obtinuit.

XVII. Jo-

XVII. Josia à Nechaone rege Ægypti occiso, populus Joachasum juniorem ejus filium in regem unxit; sed post tres menses Nechaō regem constituit Eliakiri fratrem ejus seniore; quem Joakim appellavit.

Nabopolassar filium Nabuchodonosorem in societatem regni assumptum adversus rebellem Cœlesyriæ satrapam mittit, atque hoc primum initium imperii Nabuchodonosor. (Jerem. 23. 1.)

Habacuc hoc circiter tempore prophetavit, cum jam jam immissurus esset Deus Chaldaeos in Judæam.

Judæam invasit Nabuchodonosor, & Joakim eatenis vixit.

*Initium Captivitatis  
Babylonice  
LXX. Annorum.*

Jeremias prophetat fore ut Judæi per LXX. annos captivi degerent Babylonē, qui septuaginta anni captivitatis ab hoc anno numerandi sunt.

Daniel de filiis Juda cum cæteris captivis abducitur.

Mortuo Nabopolassaro patre Nabuchodonosor Babylonem redit, ibique solus imperat, inde secun-  
Joa-

dum initium imperii ejus  
*Daniel. 2. 1.*

3401 Joakim postquam tribus annis in fide Nabuchodonosoris permanfit, rebellavit.

3405 A Chaldæis captus, abjectus est insepultus.

XVIII. Ei successit filius ejus Joachin, sive Jechonias, qui cum menses 3. & dies 10. regnasset, captivus abductus est cum matre & proceribus.

XIX. In locum Jechoniæ substituitur Mattanias patruus ipsius, Josiæ filius, nomine ejus in Sedeciam mutato, qui undecim plenis annis regnavit.

3409

Anno quinto ab hac deportatione Ezechiel propheta incipit, usque ad annum 27.

3416 Nabuzardan princeps exercitus regis Babylonis succendit Templum & domum regis, postquam à Salomone conditum fuerat annis 424. mensibus 3. & diebus 8. mense quinto, ipsa die Sabbati, qua videbimus; postquam instauratum est, à Romanis eversum & incensum. Sedecias Rex ductus est captivus Babylonem cum omni populo; simul Nabuzardan asportavit reliqua vasa Templi.

3435 Nabuchodonosor rex Babylonis, cujus jussu incensum Templum, mente alienatus per septem annos bestiarum more vixit. Successit ei Evilmerodachus quem

3444 occidit Neriglissor, qui adversus Medos & Persas subditos

ditos sociosque suos sollicitat. Hac occasione Cyrus à 345  
patre Cambyse & avunculo Cyaxare totius exercitus  
imperator constituitur. Pugnat cum Neriglissore, qui  
in hoc prælio occiditur. Laborosa orchadus patri suc-  
cedens regnavit aliquot menses; quo interfecto, ei  
succedit Nabuchodonosor ex filio nepos Nabonydus,  
sive Labinytus, qui & Danieli Baltasar dicitur. Ille 349  
est Baltasar, cui Daniel sagacitate sua commendatus  
characteres in pariete inconspicua manu descriptos,  
quos non alius legere poterat, interpretatus est de  
proxima morte. Baltasar eadem nocte qua convivium  
celebrabat, bibens vinum in vasis sacris Templi, à  
militibus Cyri occisus est, qui Babylone expugnata  
regnum Babylonicum ad victores Medos & Persas  
transtulit.

Tunc Darius Medus Chaldæorum imperium à vi-3466  
ctore Cyro accepit, imperavitque annis duobus. Da-  
rius & Cyrus junctis viribus contra Babylonios bellum  
gesserant. Darii solius mentio fit apud sacros Scrip-  
tores, quia ætate præcedebat; apud Ethnicos verò  
solius Cyri, quia conditor fuit Persicæ Monarchiæ.

Cyrus ille est qui finem attulit regno Babylonio;  
ad id à Deo vocatus, ut pœnas à regibus Babyloniis  
repeteret de Templo suo incenso. Benignum ille se se  
præbuit Judæis. Hoc itaque anno impleti sunt septua-3468  
ginta anni, numerandi à quarto anno Nabuchodo-  
nosor, per quos duraturam servitutem Populi Dei  
prædixerat Jeremias; cujus servitutis finem cum ad-  
verteret Daniel, significavit post alios septies septua-  
ginta annos, sive septuaginta hebdomadas annorum  
solvendam duriorum servitutem per Christum, qui  
occidendus erat. Harum hebdomadarum initium de-  
signavit annus quo exiturum erat decretum de struen-  
dis muris Jerusalem, nempe annus vigesimus Artaxer-  
xis. Septies septuaginta anni efficiunt 490. qui inde  
numerari possunt usque ad mortem Christi.

Si mens Judæorum non fuisset obtusa, ejecti terra, cujus possessionem pacatam & felicem sibi à Deo promissam credebant, cæleste regnum terra feraci adumbratum intellexissent hisce designari promissionibus. In eadem enim terra, ferè statim ac illam ingressi sunt, servitutem & alia multa mala experti: interdum liberati, sed nunquam quiescere, subindè bellis lacessiti. Quin etiam media in pace sub propriis suis Regibus jugum grave pertulere. Intelligere ergo poterant promissiones Dei, quæ inanes esse non possunt, spectare aliam terram. Etenim viderunt incensam hanc urbem quam elegerat Deus, incensum Templum quod ipse inhabitabat; hæc everti, & possessione sua deturbari Judæos permisit Deus, ut alia majora cogitanda admonerentur. Quia verò nondum omnes typi præmissi fuerant, idèd necesse fuit, ut dum adveniret Christus, non omnino concideret Respublica Judæorum, & instauraretur Templum. Ergo soluti sunt captivitate, à Cyro impetrata venia in patriam redeundi, & instaurandi Urbem & Templum.

Profecti sunt Jerosolymam Judæi, duce Zorobabele Salathielis filio; & huc cum pervenerunt, altari structo juxta sacrificium obtulere. Anno sequenti, Templi quidem fundamenta jecerunt; sed adversariorum calumniis disturbatum est opus, donec Darii Hytaspis 348 anno secundo repetitum est. Circa hæc tempora prophetaverunt Aggæus, Zacharias, & Malachias.

Per ducentos annos Judæi vixere subditi Persis, qui totum orientem ditione sua premebant. Horum primus est Cyrus, qui Judæis redeundi potestatem fecit. Postea regnavit Cambyfes filius ejus, per septem annos & quinque menses, quem se simulans Magus sedem regiam occupavit. Fraus detecta est per Darium Hytaspem, qui loco ejus regnavit. Creditur ille esse Estheris Assuerus, nempe sub quo contigit quod narrat historia libri Esther. Xerxes fuit filius

Darii



Darii Hyſtaſpis. Xerxem excepit Artaxerxes Longimanus; cujus anno ſeptimo Eſdras diploma obtinuit ad Rempubicam Judaicam reformandam.

Anno ejuſdem vigefimo menſe Niſan reſtituenda Jeruſalem, nempe ædificandorum murorum ejus obtinet veniam Nehemias (*Eſdr. 2.*) à quo anno numeranda LXX. hebdomades, quibus impletis occidendus erat Chriſtus, juxta Danielis vaticinium, & re ipſa occiſus eſt Jeſus filius Mariæ, ideò verè Chriſtus agnoſcendus. Annus hic vigefimus Artaxerxis incidit in annum ante Æram chriſtianam 454.

Artaxerxi Longimano ſucceſſit Xerxes II. Secundianus fratre Xerxe interfecto, regnat. Ochus alter Artaxerxis filius, necato fratre Secundiano, occupat regiam ſedem, ipſe appellatus Darius nothus. Huic filius Artaxerxes Mnemon ſuccedit. Ochus regnum invaſit, & dici voluit Artaxerxes. Codomanus in regno collocatur, qui Darii nomen aſſumpſit.

Ab illo Sannabales miſſus in Samariam, ipſe Chutzus genere, unde Samaritanis origo eſt, filiam ſuam in matrimonium collocavit Manaſſi, Jaddi Pontificis fratri. Ob hoc conjugium cum extera muliere ſuis exoſus Manaſſes, ad ſocerum ſe recepit.

Alexander Macedo filius Philippi Macedonum Regis, Darium vicit in pugna ad Arbellum, & everſit regnum Perſarum à Cyro fundatum, & totius orientis imperio potitus eſt.

Sannabales impetravit veniam ab Alexandro ut in monte Garizim, qui montibus celſior imminet Samariæ, ſimile templum Jeruſolymitano conſtrueret.

Alexandro qui Magnus cognominatus eſt, mortuo, Duces ejus præcipui gentes ab eo devictas inter ſe partiti ſunt. Ceſſit Ptolemæis Ægyptus, Syria Seleucidis. Ab hiſce, quibus vicinioreſ erant, Judæi multa mala pertulere; nec ſolum Republicæ

D 2 corum

eorum labefactata, sed & Religio, maximè sub Antiocho ex hoc-ce Seleucidarum genere.

3836 Hoc Antiocho Syriæ Rege in Judaici nominis & Sacrorum perniciem impiè grassante, Mathathias, occiso regio satellite, qui ad prophanos ritus populum adigebat, ex Modin oppido profugit, & collecta Judæorum manu Regis minas contempsit. Moriens filios quos habebat quinque, fortissimos viros, ad tuendam libertatem & Religionem animavit. Horum principes erant Judas, cognomento Machabæus, Jonathas, & Simon: qui sigillatim populo præfuerunt. Primus Judas Machabæus, secundis aliquot præliis factis cum Antiochi ducibus, pollutum ab eo Templum repurgavit ac divinum cultum restituit.

Judas & fratres ejus dicti *Machabæi* putantur, quia præferrent in vexillis suis has litteras *M. C. B. I.* quæ sunt initia vocum Hebræarum, quibus constat hæc sententia, quæ legitur in Exodo (15. 11.) *Quis sicut Deus inter Deos?* vel: *Quis similis tui in fortibus Domine?* MI CAMOCA BAELIM JEHOVA. Dicti sunt insuper *Assamonæi*; quam vocem sunt qui repetant à voce Hebræa *Hasidim*, unde Græci fecere *ἁγιοὶ*, id est, *sancti*, *Pii*, *Religiosi*.

Penes hos fuit regimen Judæorum postquam excusserunt Syriæ jugum. Cùm ergo Assamonæi de gente Levitica essent, ablatum quidem fuit sceptrum à domo David, sed non à Tribu Juda, quatenus tunc temporis Judæi non aliis legibus quàm suis astringebantur. Non, inquam, ampliùs regnare viri de domo David, sed quoniam subsistebat adhuc Judaica respublica, nondum advenerat tempus, quo, juxta vaticinium Jacob (*Genes. 49. 10.*) oriturus erat Messias, nempe hac Respublica everfa.

3843 Interfecto Juda Machabæo, Jonathas loco ipsius dux electus est, cui successit Simon: huic Joannes Hircanus. Illi pariter Pontifices erant & ducēs,  
con-

continuis bellis laceffiti à Syriæ Regibus.

Dum horum regum res florebant, Onias Oniæ III. Pontificis filius videns summam Sacerdotium impio Aleimo datum, cum Reges Syriæ pessumdarent Judæos, in Ægyptum venerat. Postquam de recuperando Pontificatu nulla spes illi esset, à Ptolemæo Philometore obtinuit, ut in Heliopolitana præfectura Templum ad instar Jerosolymitani extrueret, cuius Pontifex constitutus est.

Joannes Hircanus Assamonæus Templum Cuthæo-<sup>3875</sup>rum sive Samaritanorum diruit post ducentos annos quàm à Sannabalete extructum fuerat. Idem subjugatos Idumæos circumcisionem accipere coegit: indèque inter Judæos censerì cæperunt Idumæi. Hircano mortuo, Judas Aristobulus dictus, diademate sibi imposito, Principatum in regni formam transtulit. Post eum regnavit Alexander Jannæus ejus frater, & deinde Hircanus, cui cum Aristobulus frater<sup>3898</sup> ejus invidisset coronam, discordiis utriusque utentes Romani Judæam sibi subjecerunt.<sup>3938</sup>

Pompeius Dux Romanorum, expugnata Urbe &<sup>3941</sup> capto Templo, Pontificatum & Principatum Hircano, quem Aristobulus expulerat, reddidit; sed diadema vetuit, Judæosque populo Romano fecit tributarios. Hinc in pejus res Judæorum ruere: scilicet appropinquante tempore quo oriturus erat Messias, in dies evanescibat eorum Respublica, juxta vaticinium Patriarchæ Jacob.

Crassus Romanorum Dux contra Parthos movens,<sup>3952</sup> Templum Jerosolymitanum spoliavit multo auro. Hisce verò temporibus & Romanorum Respublica laboravit discordiis. Pompeius Magnus & Julius Cæsar de summo in illa imperio decertarunt, victo Pompeio & occiso, Cæsar imperavit solus.

Jam in Judæam miserat Cæsar Antigonom Aristobuli filium ut contra Pompeium, à quo pulsus fue-

far pater ejus, aliquid moveret. Ubi Cæsar potitus est illo imperio, queri cepit Antigonus de Hircano avunculo suo, & de Antipatro, quo præcipuo ministro utebatur Hircanus. Verùm Antipater natione Idumæus & Herodis Magni pater, Cæsarem sibi & Hircano conciliavit. Confirmatus itaque est Hircanus princeps & pontifex. Antipater autem, aucta ejus potestate Galilæam filio suo Herodi, licet admodum juveni, curandam commisit.

3960 Cæsar Romæ in curia multis vulneribus confusus est. Octavianus nepos ejus statim in Italiam adveniens nomen Cæsaris assumpsit, se Caium-Julium-Cæsarem-Octavianum deinceps appellans. Continuum adversus Cæsaris parricidas bellum gessit, inita societate cum Marco-Antonio & Lepido. Hi tres Imperium Romanum quasi hereditatem inter se dividerunt, factique sunt Triumviri Reipublicæ constituendæ.

3963 Herodes, cujus pater Antipater fuerat veneno sublatus, gratiam iniit Marci-Antonii, & Mariamnem uxorem duxit filiam Alexandræ, cujus Hircanus pater. Pachorus autem Regis Parthorum filius, cum  
3964 hisce diebus Syriam invalisset, in Palæstinam profectus Hircanum deposuit, & præfecit Antigonus, qui Hircano avunculo suo amputavit aurículas, ut sic ineptus fieret ad recipiendum Pontificatum: Hircanus præterea abductus est captivus.

Herodes verò, qui Judæa cesserat metu vinculo-  
rum, Romam venit, ubi opera Antonii Rex Judæo-  
rum appellatus est, & Antigonus hostis declaratus,  
3967 quòd castra Parthorum secutus esset. In Judæam re-  
versus Herodes expugnavit post triennium Hieroso-  
lymam, & eo instigante percussus est Antigonus  
ex Antonii jussu. Ita sceptrum Judæorum versum  
est ad alienigenam, quippe Antipater pater Hero-  
dis erat Idumæus. Curavit insuper Herodes ut Pon-  
tifi-

eficatus non traderetur nisi viris obscuri generis. Proprium filium, quem ex Mariamne susceperat, & cui Pontificatum dare coactus fuerat precibus matris, cum vix per annum eo functus esset, in piscina dum nataret suffocari iussit. Hircanum qui pa- 3970  
trix restitutus fuerat morte damnavit.

Triumviris inter se dissidentibus, tandem pulso 3974  
Lepido, & Antonio victo, Octavianus Cæsar, qui postea & Augustus dictus est, solus evasit Monarcha. Finem bellis civilibus imposuit, & omnibus quæcumque cum cæteris nationibus gerebant Romani; itaque ubique bella sedata sunt, Deo volente, ut in pace nasceretur Christus.

Herodes quanquam prius cum Antonio amicitia junctus, devincire sibi potuit Augustum, qui ei regnum firmavit. Mariamnem uxorem sibi suspectam morti addixit. Tunc autem omni metu vacuus à Judæorum ritibus magis magisque discessit. Attamen 3987  
Templum Hierosolymitanum restauravit, sive restaurare incepit; ad quod restorationis opus alludebant Judæi in Evangelio Joannis (2. 20.) cum dicerent: *Quadragesa & sex annis edificatum templum hoc*, id est, per hunc annorum numerum ædificatur. Plurisque ex filiis suis morte damnatis, diem obiit He- 4000  
rodes; alios enim filios habuit superstites, ex quibus tres testamento designavit regni heredes. Confirmavit testamentum Cæsar Augustus. Judæa & Samaria cessit Archelao, cum nomine Ethnarchæ; Galilæa & Petæa Herodi Antipæ, Philippo Ituræa & Trachonitis, quarum regionum dicti sunt Tetrarchæ, quod nomen est dignitatis infra Regiam.

Instabat tempus quo Messias oriturus erat à Maria Virgine. Quanquam ex utero ejus virgineo proditurus, non ope hominis sed Spiritus sancti, ut partus celaretur diabolo, nempe ut lateret virgo & mater, jungenda fuit connubio. Igitur Josepho de-

sponsata est. Tunc ad eam missus Angelus annuntiavit electam in matrem Christi, & in signum dedit Elizabetham cognatam ejus, quæ licet effæta; conceperat ex Zacharia marito sene. Statim Maria properavit ad montana Judææ ut inviseret Elizabetham, quæ paulò post peperit filium, cujus in natiuitate Zacharias recuperavit vocem, quam amiserat incredulus, cum ab Angelo Gabriele audierat suscipiendum à se filium. Puer dictus est Joannes, & Christo præcucurrit. Cum partui Elizabeth interfuisset Maria, testis facta miraculorum, quibus insignitus est, reversa est Nazareth in urbem suam. Jam à tribus mensibus prægnabat; Josephus, cui desponsata erat, rem advertens noluit illam accipere in uxorem, donec, ab Angelo conscius factus est mysterii.

Omnia concurrebant ut Christus nasceretur, juxta prophetarum vaticinia, iis temporibus & locis quæ fuerant prænuntiata. Paulò ante mortem Herodis prodierat edictum à Cæsare Augusto, ut describeretur totus orbis, sive conficeretur libellus in quo opes publicæ & subditorum numerus contineretur. Hæc descriptio prima facta est Præside Syriæ Cyrino vel Quirino; Josephus ut edicto pareret, ascendit à Galilæa in Bethleem civitatem David, ut profiteretur sive describeretur cum Maria conjugē.

4000 Impletis autem diebus ut illa pareret, *PEPERIT FILIUM SUUM CHRISTUM*, quem ubi natum Herodes audivit à Magis, qui stella duce eum adoraturi venerant, occidit omnes pueros qui erant in Bethleem, cum paucis ante mortem diebus Antipatrum proprium filium interfici jussisset. Joseph autem & Maria de malo consilio Herodis admoniti, accipientes puerum fugerunt in Ægyptum. Defuncto Herode, Joseph in terram Israel reversus est, monitus ab Angelo. Cum autem audisset Archelaum filium

filium Herodis regnare in Judæa, secessit in partes Galilææ, & habitavit in urbe Nazareth.

Jesus-Christus ex Maria Virgine natus est eo tempore, quod fuerat indicatum plurimis vaticiniis, de quo Judæi tenentur consentire. Concludunt enim omnes mundi ætates intra sexies mille annos. Duo prima milliaria præcesserunt legem, quæ per duo altera milliaria viguit usque ad ætatem Christi, qui sic natus est post quartum milliariū. Regni autem ejus non erit finis; nisi quod juxta Judæos in terris regnaturus est per bis mille annos.

Dum Jesus lateret cum Maria & Josepho in urbe Nazareth, Archelaus anno decimo principatus sui Viennam Galliæ in exilium mittitur, & ejus ditio in provinciam redigitur, misso in Judæam Quirino, qui domum Archelai vendidit, censumque per Judæam & Syriam egit, ut jam Judæi nullo modo ampliùs sui juris fuerint, subditi alienis gentibus. Hujus descriptionis tempore, quæ secunda acta est à Quirino, Judas Galilæus exortus avertit populum multum post se, censum illum meram servitutem appellans, & addens solum Deum principem ac Dominum habendum.

Obiit Augustus. Tiberius Cæsar novum principatum iniit, sub quo Pontius Pilatus venit in Judæam, illam administraturus. Anno autem imperii Tiberii Cæsaris decimo quinto, Joannes Baptista cœpit prædicare. Populus omnis Israel præcucurrit Christo, ut dictum est, factis & verbis annuntians adventum ejus; quem, ubi institit, voluit Deus adhuc clariùs indicari. Hujus, qui Christi fuit præcursor cunas multis prodigiis illustravit.

Cum Joannes præparasset uno vel altero anno Judæos, aquis abluens in pœnitentiam, ipse JESUS ab eo baptizatus est, & declaratus Christus, verus Agnus Dei, non solum voce & digito Præ-

curso-



cursoris, sed & Spiritu Dei, qui descendit supra eum in specie columbæ, dum ipse ascenderet ex aqua ubi fuerat baptizatus.

Inde cœpit JESUS CHRISTUS, scilicet Verbum, æternus Dei Filius, & in tempore caro factum, hominibus se conspicuum præbere. Cœpit docere verbo & exemplo, qui à mundo condito & ubique terrarum, hominum cordi prædicabat non auditus, Auribus, inquam, cœpit insonare, hominum captui sese sic accommodans, ut qui ejus vitam intueatur, protinus etiam sine litterarum subsidio evadat quantum satis est, in instituendis moribus peritus. Ægris non licet cibos alioquin sanis utiles degustare. Ægri nascimur, non ergo mirum esse debet Jesum nobis ostendisse suo exemplo alias sequendas vitæ regulas, quam si perfecta uteremur valetudine. Docuit non defugiendam esse paupertatem, lugendum potius quam ridendum. Vixit pauper, jejunans, non habens ubi caput reclinaret, siti, fame pressus, fatigatus labore, repulsam ubique patiens, & cum per tres annos promulgasset evangelium suum, iniquo judicio condemnatus est; cruci affixus est; & mortuus definita die & hora, juxta antiqua vaticinia, expressa tum verbis Danielis, tum ritibus Paschatis, quod singulis annis hætenus fuerat à Judæis celebratum. Etenim hora nona in die Paschatis mortem Christi subiit, quando Judæi in Templo mactabant agnos Paschales. Mors Christi incidit in annum *Æræ*, qua nos Christiani utimur, trigesimum tertium.

33

Oportebat Christum pati, neque enim à Deo justo judice venia prorsus condonari sic poterat peccato, ut nulla elueretur poena. Sanguine, inquam, innocentis victimæ placandus erat Deus: sed, quod fieri non potuerat, ut quæ in sacrificium hætenus trucidata fuerant pecora resurgerent, vinculis mortis non detentus est JESUS, sed à mortuis surgens cœ-  
los in-



los ingressus est, nemini antea reſeratus, quò penetrare nobis ſpes facta eſt, ſi doctrinæ & vitæ communione, nempe fide & moribus ſimul cum eo conjuncti,

Statim ac Jeſus cœlum oſans repetiit, in terras Dei gratia, quaſi imber largè deſluxit. Spiritus Dei, quò olim omnia ſecundante, aqua, tellus viuentes animas produxerant, decima die poſt Aſcenſionem Chriſti in cœlum, feſto Pentecoſtes Judæorum, quò illi primitias triticeæ meſſis Deo offerebant, & qua die olim lex data fuerat, deſcendit in Apoſtoloſ. Tunc ergo Eccleſia Chriſti tanquam novus mundus apparuit. Nova rerum creatio facta eſt. Illuxit animis Apoſtolorum novus Sol. Petiores facti, & in alios viros mutati novum evangelium palam promulgaverunt. Ingens multitudo populorum ad eos acceſſit, & quò vis novæ gratiæ elucet, ita mutata ſunt corda, ut Saulus, qui poſtea Paulus dictus eſt, dum meditaretur perniciem Chriſtianorum, Chriſtianus ipſe & novæ legis Apoſtolus factus ſit.

Tiberius Romanorum Imperator, ſub quò bapti- 37  
zatus & mortuus eſt Chriſtus, & ipſe ſeptimum diem obiit. Paulò antè ad eum navigare juſſus fuerat Pilatus, accuſatus ab ipſis Judæis, quibus ut placeret, iniquo judicio Jeſum damnaverat; ipſe in exilio vitam finivit, Etiam Caiſphas ſummus Pontifex, qui Jeſum reum mortis dixerat, in ordinem reſtitutus eſt, motus ſummo Sacerdotio.

Caius Caligula ſucceſſit Tiberio, à quo Agrippa Herodis magni proles in vinculis tenebatur. Hiſ eum ſolvit Caligula, ac Philippi Tetrarchia, qui paulò ante Tiberium mortuus fuerat, eum donavit cum Regis appellatione. Tam repentinis & ſummis honoribus invidens Herodias, Herodem Antipam, à quo decollatus eſt Joannes, incitavit, ut Romam navigaret, ad regnum patitur impetrandum. Sed ipſe  
ſua

sua Tetrarchia excidit, quæ Agrippæ donata fuit, & in Gallias in exilium relegatus est. Ita similem sortem experti sunt percussor Præcursoris ac Pilatus.

- 41 Successit Caio Caligulæ Claudius, qui Herodi Agrippæ regnum confirmavit; & Judæam regno ejus  
44 adjunxit. Cùm Agrippa Jacobum interfecisset, & Petrum in carcerem conjecisset; mortuus est percussus ab Angelo, cùm in Theatrum prodians cantasset, acclamante populo (*Aëtior. 12.*) *Dei voces & non hominis. Confestim autem percussit eum Angelus Domini, eò quod non dedisset honorem Deo, & consumptus à vermibus expiravit.* Agrippa reliquit superstites tres filias & filium; qui junior Agrippa dictus est, cui Claudius regnum Herodis regis Chalcidis, qui ejus avunculus erat, dedit.

- 54 Claudium excepit Nero, sub quo Christiani multum exagitati sunt. Principes eorum Petrus & Paulus illustre subiere martyrium. Nero ob crimina omnibus exosus & pulsus se interemit. Post excessum  
68 Neronis Galba imperium suscepit. Mox Otho, Galba interfecto, summam rerum usurpavit. Hunc Vitellius vita & imperio exuit, qui cum imperasset octo mensibus, imperium delatum est Vespasiano, cujus & Titi filii ejus armis usus Deus Urbem Jerusalemam & Templum evertit ac delevit. Quan-  
70 quam enim Titus in id incumberet ut à militibus parceretur Templo, attamen, juxta vaticinium Domini, lapis super lapidem neque unus relictus est. Igitur ædificium illud, quod steterat ut in eo venturi Christi ederentur typi, & quo everso non poterat exerceri Mosaicæ legis ministerium, quasi evanuit ex oculis. Ipsa quoque Hebræorum respublica, pariter abiit in ventos. Nullus in ea vir princeps aliqua auctoritate conspicuus remansit.

Herodes magnus genti Judæorum insititius erat, sed cum Templo & Urbe omnis ejus progenies ever-  
sa est.



grat

CA

TAB. I.



ever-  
la est.

sa est. Agrippa, qui solus ex illa supererat, filius Drusillæ sororis hujus, qui junior Agrippa dicebatur, in incendio Vesuviano periit: & ne cujuscumque Templi Judaici vel vestigium alicubi extaret, circa tempus quo eversum est Hierosolymitanum, Lupus præfectus Ægypti templum Judæorum olim ab Onia ædificatum jussu Vespasiani demolitus est. Vespasianus autem in Templum Pacis, quod Romæ dedicavit, congeffit omnia spolia Judæorum, jussitque eos Capitolio pendere, quod prius Templo Dei pendebant semisicli tributum. Usque adeo Deus æversatus rebellem gentem, ut nec vectigalem habere voluerit. Ex illo tempore in nullo solo consistit, sed agitur vaga, & ubique extera, juxta minas quas ei per Moysen intentaverat (*Deuter. 12. 19.*) si non audiret Prophetam, scilicet Christum, quem ei missurus erat.

Omitto calamitates quas pertulere Judæi, & cedes eorum innumeras. In ipsa obsidione Jerosolymitana undecies centum millia periere. Ubique hisce temporibus cædi dabantur, ita ut summa eorum qui fame, exilio, miseriis consumpti sunt, plusquam unius millionis & ter centum mille hominum fuerit. Ut impleretur vaticinium Christi, quod de Templo non relinqueretur lapis super lapidem, fundamenta ejus eruta sunt, cum novi templi in odium Christianorum Julianus Apostata ponere voluisset: quod consilium ejus erumpentes è fundamentis ignei globi abruperunt.

Huic-ce capiti attexam egregium locum D. Thomæ (*Summ. p. 3. quest. 3. art. 5.*) *Magno Dei consilio factum est, ut post hominis casum non illico Dei Filius mitteretur. Reliquit enim Deus prius hominem in libertate arbitrii in lege naturali, ut sic vires nature sue cognosceret, ubi cum deficeret legem accepit, qua data invaluit morbus, non legis sed nature vitio: ut ita cognita sua infirmitate, clamaret ad medicum, & gratia quæreretur auxilium.*

CA-

C A P U T III.

*Totius orbis terrarum descriptio brevis; Terra autem Israel paulo fastior, & urbis sanctæ & ædificiorum ejus. Tum differitur de loco Paradisi, & ubi fuerit Ophir, undè tot opes Salomoni advehebantur.*

**N**emo res habeat clarè animo suo perspectas, cui fini hunc Apparatum Biblicum instruimus, nisi prius dispositas ratione temporum & locorum quibus contingere. Francorum historiam, qui Franciam lustraverit, facilius intelligit; ita & Scripturam sacram, qui saltem in imagine Terram Israel contemplatus sit. Si quidem verò scribimus vitis haud jam doctrina omni imbutis; sed quos novus amor Sacrarum literarum excitat, ne cupiam ignotum sit qua parte orbis terrarum sita fuerit terra Israel, & ignota hæc loca, ubi pars magna rerum; de quibus mentionem facit Scriptura, transacta est, summam totius orbis descriptionem præmittam, ipsam deinde terram Israel paulò fusiùs descripturus.

Terra hominum sedes rotunda est (*Tab. I.*) instat sphaeræ sive orbis; qualem tibi prima tabula exhibet, in angulo superiori versùs orientem, in duo hemisphaeria divisum. Hemisphaerium A. (quod inferius dicitur, quia oppositum est ex adverso his regionibus, quas pede calcamus) olim totum ignotum erat, antequam ad illud navigio pervenisset Americus Vesputius, à quo suum nomen accepit pars illa orbis terrarum, quæ non potuit nominari in Sacris & profanis codicibus.

Alterum hemisphaerium B. sive altera pars orbis divisa est in tres partes, Europam, Asiam, & Africam, quas certum est à tribus filiis Noe, nempe à Sem, Japhet & Cham primos incolæ suos accepisse, ut pro-

probavit Samuel Bochartus in opere quod *Phaleg* inscripsit, id est, *de divisione orbis*.

Europa, cujus pars non ignobilior Gallia quam incolimus, separatur versus Meridiem, ab Africa, mari quod Internum, sive Mediterraneum dicitur; ad Occidentem & ad Septentrionem habet Oceanum, mare diffusum & patens. Ab Oriente limites ejus est Asia. In Europa autem sunt, in Occidentali ejus plaga, Hispania, deinde Gallia, quæ alluuntur tum Oceano, tum mari interno. Versus Oceanum septentrionalem videre est Hollandiam, Norvegiam, Sueciam, Daniam, Germaniam, Poloniam, & partem Moscoviæ.

In ipso mari septentrionali claræ sunt insulæ, Britannia, sive Anglia, & Hibernia. Mare internum prætexit Hispaniam, Galliam, Italiam, Græciam juxta quam plures sunt insulæ nobiles, ut Creta & Sicilia, quæ vicina est Italiæ. A Sicilia non longè abest Melite, quod Paulus Apostolus naufragus delatus est. In Italia Roma condita est, olim caput totius Mundi, nunc Religionis. Germani olim dicebantur populi omnes qui Europam ab Italico tractu usque ad Septentrionem occupabant. Ultra erant Sarmatæ & Scythæ.

Græcia pars est Europæ. Græci autem & in Asiam penetrarunt, cujus non paucas regiones subdiderunt suæ dominationi. Græciæ quæ in Europa est, urbs præcipua fuit Athenæ. Lacedæmonii & Macedones claruere inter populos ejus. Præclaras inter urbes Græciæ fuit Corinthus, quam situs ejus commendat inter duo vicina maria, quæ illam alluunt; condita est in Isthmo Achaïæ, clarior autem fuit duabus Pauli ad eam Epistolis. Thessalonica metropolis est Macedoniæ, cujus nomine duæ inscriptæ sunt ejusdem Apostoli epistolæ. Galatæ, Ephesii, Philippenses, Colossenses, populi sunt Asiæ, noti Pauli etiam Epistolis.

Asia ab initio rerum nobilis fuit, etenim protulit mor-

mortalium genus, & in alias partes emisit. Primarius sacrificiorum, mores, rationemque vivendi alias gentes docuit. In ea, inquam, primus hominum parens conditus est in paradiso terrestri, aut saltem in in eo statim collocatus, nempe, in horto amœno, qui idcirco appellatur Hebraicè *Edem*, id est, *voluptatis*. Qua in parte Asiæ situs sit ille hortus scrutantur viri docti, & abeunt in diversas sententias, Secum me abduxerat clarissimus Huetius Abrincensium Episcopus, qui hortum Edenicum situm opinatur in ea parte Asiæ, in qua duo diversa flumina Tygris & Euphrates aquas jungunt, quas post aliquod terræ spatium dividunt, ita ut fluvijs qui illam irrigat regionem videatur quatuor capita habere. Hoc satis convenit paradiso, prout illum Scriptura describit in Genesi cap. 2. v. 8. *Plantaverat autem Dominus Deus paradysum voluptatis à principio*. Fons Hebræus sic verti potest: *plantaverat autem Dominus Deus hortum in Edem*, vox *Edem* idem sonat Hebræis quod *voluptas*, ideo Latinus interpres appellat *paradysum voluptatis*, & significat *antiquitus*, *primario*, *à principio*, etiam *Orientem*. Nomen itaque Hebræum reddi potest *principium* & *tempus antèrius*, simul & *Regio orientalis*. Itaque paradysus voluptatis positus in orientali regione censendus est.

Pergit autem loqui Scriptura de paradiso in quo posuit Deus hominem quem formaverat, & paulo post addit. *Et fluvijs egrediebatur de loco voluptatis, de Eden, ad irrigandum paradysum; qui inde dividitur in quatuor capita*. Hec non accipit Huetius pro quatuor fluminibus, quæ orirentur in Eden in terra illa voluptatis, sed quæ per illam transirent. Non accipit, inquam quatuor illa capita pro quatuor fontibus sed pro quatuor initiis. In Scriptura quidem caput viæ est initium viæ. De linteo quadrato dicitur in Actis Apostolorum illud habuisse



habuisse quatuor initia. Ita & illud flumen, quo irrigabatur paradísus, quatuor initia habebat, duo nempe cùm in Euphratis & Tygris distinctis alveis flueret, & duo alia cùm iterum Euphrates & Tygris conjuncti jam dividerentur, ut dictum est; quod repræsentamus in prima tabula, in angulo meridionali orientali, ubi subijcimus tabulam contractam terræ Eden, quam præfert prima pagina operis, cujus authorem laudavimus. Conatur ille probare vetustate & arte mutatos esse alveos dictorum fluviorum, dum ad irrigandos agros vicinos, aut ad coerendum eorum impetum, scissi sunt à principibus & populis in minores rivulos.

Anno hujus sæculi sexto Hadrianus Relandus elegantem & eruditam dissertationem de paradiso terrestri edidit. Putat ille in Armenia fuisse olim paradísus terrestrem; & eo loco, qui medius est inter fontes quatuor fluviorum, Phasidis, Araxis, Tygridis & Euphratis, quos opinatur descriptos Relandus à Mose nominibus Phisonis, Gihonis, Chiddekel, sive Tygridis, & Phrat, sive Euphratis; qui olim ex uno fluvio, postea cum omnibus quæ in paradiso erant deperdito, ortum traxerunt.

Dissidet Relandus ab Huetio, aliter interpretans quatuor flumina quibus Moses assignat quatuor capita *ἀρχάς*. Nomen *Naharim*, quod hic occurrit, usurpari solet pro fluviis integris & naturalibus. *Rosche* autem capita, græcè *ἀρχαί*, rectius sumuntur pro fontibus, ex quibus flumina scaturiunt; ita ut ubi sunt quatuor distincta flumina, & quatuor sint distincti fontes. Sic in Scriptura nominantur (*Genes. 2.*) *Nomen uni Phison, ipse est qui circuit omnem terram Hevilath, ubi nascitur aurum. Et aurum terræ illius optimum est: ibi invenitur Bdellium & lapis Onychinus.* Huetio videtur Phison alveus occidentalis ex duobus in quos fluvius paradisi dividebatur ab eo egrediens;

E

quem

*Apparatus Biblicus.*

quem Moyses, cum proximior ipsi esset scribenti Genesim, primum sermone attigit. Quæ sit terra *Hevila* sive *Chavila* (littera enim Hebræa prima hujus vocis pronuntiatur vel *heth* vel *cheth*) quærere operæ pretium est. Inter gentium primos parentes, qui enumerantur in decimo capite Geneseos, duo nominantur *Chavila*. Alius filius Chus, alius filius Iectanis. Ille postremus habitavit in regione Chusan, in littore orientali sinus Arabici, sive maris rubri.

De altera *Chavila*, quæ à *Chavila* primum habitata est, sermo est in loco quem tractamus. Hanc fuisse versùs sinum Persicum indicat Scriptura, cum definiens limites Arabiæ, quæ Terræ sanctæ vicina erat, nominat *Sar*, quæ regio erat in vicinia Ægypti & sinus Arabici & *Chavila*, quæ ideo opposita erat, nimirum juxta sinum Persicum. Regio Saba circa illa loca erat, quam & auri feracissimam fuisse omnis antiquitas testatur; & indè verisimile est Magos advenisse aurum & thus deferentes Domino. Bdellium quod in *Hevilath* inveniri Scriptura dicit, alii accipiunt pro lapide pretioso, alii pro genere myrrhæ, alii pro gemma candida; undè *manna*, quia tanquam guttæ roris cælo cadebat, similis bdellio dicitur in Scriptura. Myrrham, thus Sabæi mittebant in universum orbem. Antiqui & recentiores consentiunt sinum Persicum abundare candidis gemmis; quin & fertur reperiri in Arabia prædictos lapides. Vulgatus interpret vocem *schobam* reddidit lapidem Onychinum, quem non alibi quàm in Arabia effodi scribit Plinius l. xxxv. 7.

Hæc exscripsi ex libro Huetiano. Excerptam ex Relando quæ ad suam sententiam confirmandam ipse adducit. *Phisonem* habet pro *Phasi*, magno fluvio Chelchidos, qui juxta Strabonem oritur ex montibus Armeniæ. *Phison* habet terminationem Hebraicam *on*; *Phasis* Græcam *is*. Inter *cholocho* & *chavila*

non magna differentia est. *Chavila* in fonte Hebræo terminatur litera *he*, quæ ejusdem organi est ac *het* sive *chet*, ut levis sit mutatio; sive faciliè ex *Chavila* fiat *Colchis*. Scythiæ pars est Colchis: *Scythia* includitur *Phasis flumine*; inquit Justinus, lib. 2. Apud Scythas sive in Chelchide aurum provenit, quod dicit Scriptura de terra Chavila. Apud illos, inquit Strabo, lib. 10. dicuntur torrentes aurum deferre, quod barbari excipiunt tabulis perforatis & lanosis pellibus, unde ficta est aurei velleris fabula: Pleraque alia testimonia legenda sunt in Relando, qui notat de hoc auto Colchico loqui Jobum cap. 37. 22. cum dicit ab Aquilone venit aurum: Colchis locata est ad septentrionem Asiæ.

In illa terra quam alluebat Phison invenitur bdellium & lapis Onychinus; ut fons habet, *Bedolach* & *Schobam*. Sunt quidem nomina lapidum pretiosorum, rem incertam esse convenit inter peritos. *Bedolach* sive bdellium videtur Relando crystallus, quam in Colchide reperiri optimam & frequentem ostendit. Lapidem *schobam* Vulgatus interpretatur *Onychinum*: Plerique alii interpretes *Smaragdum*, quos optimos in Scythia reperiri Plinius & Solinus docent.

Alter fluvius paradisi *Gehon* est: nomen fluvii secundi; *Gehon*: ipse est qui circumit omnem terram *Æthiopia*: In fonte regionem *Chus*: Ut Huetio placeat, *Gehon* est alveus orientalis ex duobus illis per quos Euphrates & Tygris prius conjuncti effundunt aquas in sinum Persicum. Olim *Æthiopia* hoc dicebatur nomine, quod nondum proprium parti Africæ. Relando *Gihon* sive *Gehon* est *Araxes*; quem Arrianus, libro VII. de expeditione Alexandri, inter maximos Asiæ fluvios recenset. *Gehon* derivatur à *Gouch*, quod est erumpere & prodire: *Aras*, unde *Araxes*, nomen Persicum est ejusdem significationis. Oritur ex Armenia. Regio autem *Cirus*, quam circuibat *Gehon* non aliam putat Relandus quam *Cos-*

*Apparatus Biblicus.*

*seorum* sive *Cusaeorum*. Populi proximi sunt *Medis*. Etenim *supra Mediam*, inquit Strabo, est *Cossaeorum regio*, sive ut alii loquuntur, *Cusaeorum*.

*Nomen verò fluminis tertii Tygris: ipse vadit contra Assyrios. Fluvius autem quartus, ipse est Euphrates. Conveniunt inter se omnes de hoc tertio & quarto fluvio. In fonte Hebræo Tygris vocatur Chiddekel, undè formatur diglash, quo nomine nunc appellatur à populis orientis; non diverso à diglito, quo & notus fuit fluvius ille Plinio. Fluit autem contra Assyrios, id est tendere videtur versùs illam regionem, quæ tempore Moysis dicebatur Assyria ab Assur primo ejus incola. Ibi Ninive urbs; cujus principes cùm vicinas provincias subegissent, Assyriorum imperium pariter & nomen latè propagatum est. Fons verti poterat, qui labitur ad Orientem, Assyriam versùs. Quod dixit Moyses, ut significaret alveum Tygris, interprete Huetio, ante conjunctionem suam cum Euphrate esse orientalem respectu alvei Euphratis, qui illi occidentalis est. Sed addit Moyses *Assyriam*, quia ex Assyria, quæ respectu terræ Eden est septentrionalis, Tygris flueret. Euphrates nomen suum quo appellat eum Genesis servavit, saltem ex parte; dicitur enim *Frat*; cui nomini syllaba *eu* addita est, quæ Persicè aquam notat, Euphrates, inquit Relandus, est aqua *Frat*, sicut *Hindab* id est, aqua *Indi*, & *Nilab*, aqua *Nili*. Plinius (Lib. 6. 9.) ubi scripserat Armeniam fundere Euphratem & Tygrim, pergit: *Araxes eodem monte oritur quo Euphrates VI. mille passuum intervallo*.*

Non dissiti fontes Euphratis & Tygridis, immo cùm dicti quatuor fluvii oriantur ex montibus Armeniæ, ibi videtur potius collocandus paradisus, quàm in aliqua alia regione. Ad montes Armeniæ delata est Arca, cùm subsederunt aquæ diluvii; ut ibidem genus humanum per Noachum, quasi alterum

terum Adamum, fuerit restauratum. Merito ergo Justinus Scythis, cum Ægyptiis quondam de antiquitate contendentibus; palmam tribuit in illa disputatione quam fusè narrat initio libri II. Etenim illa regio prope Araxem, ubi Scythæ primò confederunt, priùs incolæ cœpta est; quæ vicinior fuerit descensui familiæ Noachicæ ex Arca.

Asiam fuisse sedem Patriarcharum demonstrat situs paradisi terrestris, habitatam fuisse à Noe inde probare est, quòd arca videtur in vicina Babylonis condita, ex lignis *Gopher*, ut notat Scriptura; *Gopher* autem, ut nomen ostendit, cupressus est; quæ arbor dicitur expers putredinis; quia, ut ait Vitruvius, *Habet amiarum saporem, qui propter acritudinem non patitur penetrare cariam, neque eas bestiolas quæ sunt nocentes. Idcoque quæ ex his generibus opera consti-  
tuntur, permanent ad æternam diuturnitatem.* Undè non mirum Arcæ reliquias superfuisse per plura annorum millia, ut Josephus testatur, & plerique alii vetusti Scriptores. In Babylonia autem est cupressorum magna copia, ex quibus, referente Ariano, lib. 7. Alexander Magnus classem construxit, exsis in Babylonia cupressis. Præterea dicitur Arca, ventorum & aquarum impulsa ad Borealiores montes Armeniæ, requievisse in monte Ararath, ubi terra *Sinbar*; undè primi homines, perturbato eorum consilio de perficienda exelsa turri, profecti sunt in diversas orbis regiones. *Sinbar* autem in Scripturis conjungitur cum Babylonia.

Fines Asiæ sunt à Septentrione, Oceanus Scythicus sive Septentrionalis, ab Oriente mare orientale, à Meridie mare Indicum, sive rubrum. Ea sola parte qua conjungitur cum Europa, & in isto angulo quo adhæret Africæ, mari non cingitur. In septentrionalibus oris ejus serant Scythæ Asiatici. Borchartus vult terram *Gog* esse Scythiæ Asiaticæ partem,

tem, circa Caucasum montem, ultra Armeniam & Colchidem, ibi ergo esse terram *Magog*.

Populi Asiatici magis orientales sunt Seres, Sinæ, Indi. In meditullio ejus, Persæ, Parthi, Medi, Iberi, Armeni, Versus Europam, sive regiones viciniores Europæ, erant Syria, Palæstina, Phœnice, Cilicia, Cappadocia, Lycia, & insula Cyprus. Pars illa Asiæ quæ magis protenditur ad Europam, dicebatur minor Asia, ubi Phrygia, Mysia, Lydia, Caria, Æolis, Jonia, Doris, insula Rhodus. Mesopotamia, Assyria, Babylonia celebrantur in Scriptura, circa Euphratem & Tygrim fluvios. Mesopotamia inter utrumque est, quasi μέση ἢ ποταμῶν, id est, media inter amnes. Judæi appellant *Syriam fluviorum*. Assyria erat ad orientalem partem fluminis, quod Tygrim diximus ubi Ninive urbs, ad quam inissus est Jonas propheta. Babylonia sive Chaldæa pars censetur Assyriæ, Mesopotamiæque. Ibi est Ur, unde vocatus Abraham venit in terram Chanaan, & alia urbs celebrior Babylon. Babylonem interfluebat Euphrates. Arabia contermina erat Africæ, ad Orientem & ad Meridiem terræ Israel. Dividitur Arabia in Petræam, Desertam, & Felicem. Felix erat inter utrumque sinum, Rubrum & Persicum; auri ferax & thuris, maxime ubi Sabæi populi, quos Plinius (*Lib. 6. cap. 28.*) *divissimos sylvarum fertilitate odorifera, auri metallis, agrorum riguis, mellis, ceraque proventu*. Horum populorum Reginam Christus appellat *Reginam Austri*; Australis enim sive meridionalis hæc Arabiæ pars erat respectu terræ Israelis. Dona quæ obtulit Salomoni ostendunt Sabæis imperasse, qui tunc temporis censebantur fines mundi, ultra quos nempe non esset nisi Oceanus. Alia Arabia dicebatur Deserta, quæ erat ad orientem Judææ, ad septentrionem Arabiæ felicitis. Hujus incolæ dicebantur *Arabes, Scenitæ*, quia habitabant in *scenis*, hoc est, in tentoriis,

toriiis, quæ erant cilicina, sive de pilis camelorum, ibi regio Cedar. His tentoriis se comparat sponsa in Canticis (Cap. I. 4.) *Nigra sum sed formosa, filia Jerusalem, sicut tabernacula Cedar; sicut pelles Salomonis.* Tertia denique Arabia, scilicet Petræa extendebatur ab Arabia Felici usque in Ægyptum. Populi Arabiæ Petrææ in sacro Codice memorati sunt Ammonitæ, Moabitæ, Idumæi, Amalekitæ, Madianitæ. Ituræi & Traconitæ erant & pars Arabici generis. Ammonitæ erant trans Jordanem in montibus Galaad. Caput gentis *Rabba*, quæ postea dicta est *Philadelphia*; partem Ammonitidis occupavit tribus *Gad*.

Moabitæ erant ad Austrum Ammonitarum, quorum præcipua urbs dicta *Moab*. Pars Madianitarum sedes conjunctas cum Moabitis habuere. Madianitis proximi Amalekitæ. Ismaelitæ, qui orti sunt ex Abraham, & ex Agar ancilla ejus, habitaverunt terras illas, quæ & pro Idumæa habentur; nempe pro terra, quam incoluerunt posterii Esau qui dictus est, *Edom*, id est, *rufus*. Idumææ urbes censentur *Theman*, *Bozra*, seu *Bosra*, *Basor*, *Dedan*, *Duma*. In hoc tractu erat desertum *Pharan*. Idumæa extendebatur juxta mare rubrum, quod videtur nomen accepisse ab *Edom*, nempe ab *Esau* qui vocabatur *Edom*, id est, *rufus*. Inter populos Arabiæ celebrantur, *Nabathæi*, *Sabæi*, *Panchæi*. *Ailatb* erat urbs in littore maris rubri; & non procul *Afongaber*, ibi Salomon ædificavit naves, quæ inde solvebant in regionem ditissimam *Ophir*.

Ubi situs fuerit locus ditissimus dictus *Ophir*, unde tanta Salomoni auri copia advehebatur, querere de instituto est. Josephus scribit *Ophir* situm in regione Indiæ, quæ suo tempore aurea dicebatur, nimirum in India extra Gangem, ubi est aurea Chersonesus, in vicinia Regni, quod nunc *Pegusum* ap-



pellatur. Gemmas cujuscumque generis pretiosissimas nulli Indorum præter *Pegusios* vendunt. Simias & pavones quamplurimos habent, elephantos, & ideo eboris ingentem copiam. Præterea sylvis lignorum pretiosorum abundant, ex quibus citharæ aliaque id genus musices instrumenta conficiuntur. Mittebat Salomon in mare Erithræum viros nauticæ artis peritos, nempe Tyrios servos regis Hiram, qui fecerunt ei classem in Asiongaber (3. Reg. cap. 9.) *que est juxta Ailath in littore maris Rubri in terra Idumææ*. Mare illud Rubrum quod Hebræi appellant *jam sus* non solum dicit sinum Arabicum, sive mare quod interjacet inter Arabiam & Ægyptum; sed & reliquum omne, ut ita dicam, mare Orientale; quod primis temporibus, quia ignotum, non definiebatur certis limitibus. Igitur classis nautica Salomonis ex Asiongaber solvens Ophir petebat; qui locus, ubicumque fuerit, auri ferax erat, & habebat pavos, & alias merces (3. Reg. 10. 22.) *Classis regis per mare cum classe Hiram semel per tres annos ibat in Tharsis, deferens inde aurum & argentum dentes elephantorum & simias & pavos*. Igitur notum cursus initium, nempe mare Rubrum, sive Erithræum, & Asiongaber. Notus est finis cursus, locus nempe unde adveherentur eæ merces, dictus *Ophir*.

Hunc locum quidam collocavere in Americæ regionibus, quæ dictarum mercium copiam habent. Sed præterquam illæ vastissimo pelago & periculossissimo à reliquo orbe sejunctæ sunt, nondum ars nautica satis nota erat, ut illæ regiones adiri possent: brevius ad illas patebat iter per mare Mediterraneum, & inde per fretum Herculis, quod Tyriis non erat intentatum. Nam verisimile est Herculem fuisse Tyrium mercatorem celebrem: *Harokel*, unde nomen illud Hercules, Hebraicè significat *mercatorem*.

Locus quidem Ophir non statuendus est nimum  
vici.



vicinus Judææ, triennium enim impendebatur huic Ophiriticæ navigationi; sed nec etiam nimium removendus est, quia propter imperitiam rei nauticæ, his diebus nautæ tantum littora legebant. Interdiu navigantes declinabant diligentius tempestates, quibus sufferendis eorum navigia, ut nostra, non erant idonea, idèd sæpius ad portus confugiendum; expectandi Etesis, sive venti qui certis anni temporibus vel obstant, vel favent.

Navigationis Ophiriticæ finem ponit Scriptura *Tharsis*. Sic mare appellat: undè de Jona dicitur (*Jon. 1. 3.*) descendisse in Joppem, portum maris Mediterranei, *ut fugeret in Tharsis*, hoc est mari fugeret, *à facie Domini*. Ophir maris insula erat, ibi mare diffusum. Pars ejus, quam quærimus, certè aurea terra erat, ut nomen indicat, *Chersonesus* sive aurea insula; quam Plinius & Solinus collocant extra fluminis Indi ostia. Josephus pro Ophir scribit *οφύρι*; quod nomen non multum differt à *σαύπαρα*, *Soupara*, vel *oupara*, vel *supara* urbs Indiæ intra Gangem, teste Ptolemæo. Non autem necesse est ut in ipsa *oupara* fuerint fodinæ auri & argenti; sufficit in vicinia ejus magnam utriusque copiam fuisse, nempe fuisse celebre emporium, quò deferrentur dictæ merces; quæ ergo ibi poterant comparari à classe Salomonica.

India elephantos, & ideo copiam eboris habere, & pavos, sive pavones & psittacos notum est; quin & ligna pretiosa, qualia codex sacer appellat *algu-min* vel *almugim* ex quibus instrumenta musica constabat Salomon. Eadem de India planè refert Quintus Curtius (*Lib. 8. cap. 9.*) quæ sacer Codex de Ophir. *Aves ad imitandum humane vocis sonum dociles sunt. Animalia inusitata ceteris gentibus nisi in-vecta. Eadem terra & rhinoceros alit, non generat. Elephantorum major est vis, quam quos in Africa*

*frica domitant. Et virilus magnitudo respondet. Aurum flumina vehunt, quæ levi modicoque lapsu segres aquas ducunt. Gemmas, margaritasque mare littoribus infundit. Videtur Job celebrasse illas terras aureas, cum dicit (Cap. 22. v. 24.) Dabit pro terra silicem, & pro silice torrentes aureos. Nahalim Ophir. Sic Ophir innotuerat diu ante Salomonem.*

Antequam Terram Israelis, quæ Asiæ pars est, ingrediamur, iuvat & Africam sermone attingere. Illa Asiæ exiguo isthmo annectitur; ita peninsula siue ferè insula est, undique mari circumfusa. In illa Ægyptus nobilior regio est. Ægyptum à septentrione terminat mare, quod Mediterranci pars est; ab ortu sinus Arabicus, vel mare dictum Rubrum, quod interfluit illam & Asiam; Arabia, quæ Petræa dicitur, occupat partem isthmi siue angusti tractus, quo Africa cum Asia conjungitur. Habet Ægyptus à meridie Æthiopiam, ab occidente Cyrenaicam, Ægyptus in superiorem & inferiorem dividebatur, unde dicebatur Hebraicè duali numero *Mitzraim*. Ægyptum secatur Nilus, qui pluribus ostiis sese effundit in mare Mediterraneum. Superior pars Ægypti erat supra sectionem Nili, ubi se scindit in plures alveos, Inferior Ægyptus infra stabat inclusa intra *delta*, quod nomen apud Græcos ex figura literæ *delta* sortita est, quia scilicet referret speciem huius literæ græcæ Δ:

*Tanis* in inferiore Ægypto posita erat, ad interiora regionis *delta*, haud procul à mari, ad secundum alveum Nili, versùs orientem. In *Tani* erat regia Pharaonis, juxta conjecturas Bocharti, qui probat temporibus Moysis nondum *Memphim* conditam; Ideò regius Psalter (Psal. 77. 43.) miracula quæ Moyses patravit in Ægypto, canit facta in campo *Taneos*. Præterea, ubi *Tanis* erat, nascebatur multa alga & planta, ex qua papyrus: ex qua ergo confici potuit

arca,



itine-

34



JUL  
et  
TE  
ISR  
Noua

33



ruit

area,

arca, in qua expositus est Moyses in vicinia regiae urbis. Terra *Gessen*, quæ & *Ramessè* dicebatur, ubi habitavit Jacob, erat ea in parte Ægypti quæ mari rubro vicinior est.

Suis aquis sic Ægyptum Nilus olim sæcundabat, ut nulla esset in toto orbe regio feracior. In illam cum descendisset Jacob cum filiis suis, experti sunt duram servitutem; ex qua tandem egressi venerunt in terram promissam Abraham, Isaac & Jacob, Moysè ductore. Mare Rubrum siccò vèstigio transierunt, aquis viam aperientibus. Protinus ergo pervenissent Israelitæ in terram patribus promissam; etenim Ægypto proxima est: sed placuit Deo ut Moyses primum eos deduceret ad montem Sinai in deserto, ubi antea illi sese conspicuum præbuerat, in quo legem suam esset promulgaturus. Hæc promulgata etiam circumduxit illos Moyses per deserta vicina Sinai, spatio annorum quadraginta. Causas conjectant primum quòd veteres incolæ è Terra promissa expellendi, ut locus cederet Israelitis, nondum impleverant mensuram iniquitatum, ob quas meritò postea sunt puniti. Secundò ut omnes Israelitæ qui non digni erant qui Terram promissam ingrederentur, prius mortem subirent. Insuper idoneum erat desertum ut in Israelitis peregrinantibus Deus ederet typos quorum gratia Israelitas elegerat. Hæc potissima causa propter quam voluit Deus ut tot annis peregrinarentur. Occurrebat illud in itinere Asiæ, in illam ab Africa tendentibus. Extendebatur secundum sinum Arabicum. Ibi nunc Arabes; olim regionem illam aut proximam occupabant Amalechitæ, Madianitæ, Moabitæ.

Apposuimus in prima tabula, ubi notus orbis describitur, in ea parte Africæ quæ tempore Apostolorum pro ignota haberi poterat, tabellam, quæ Ægyptum exhibet cum mari rubro & deserto, in quo peregrinati sunt Israelitæ. Ut illius peregrinationis  
itine-

itinerata clariora fierent, tinea ducta est à Rameſſe urbe Ægypti per ſtationum loca; ubi morati ſunt Iſraelitæ. Has ſtationes Moyses deſcribit in Numeris. (cap. 33.)

Menſe tertio egreſſionis ſuæ ex Ægypto venerunt Iſraelitæ ad montem Sinai, quo eis Lex data eſt. Mons ille non alius eſt, ut mihi videtur, quàm Horeb. In eo apparuit Deus in rubo ardenti, quod capite VII. Actuum adſtruitur. *Horeb* vox eſt Hebræa, ſignificans *deſertum*, & *Sinai* nomen deſerti eſt, à copia ruborum. *Sina* Hebræis *rubus* eſt. Vulgo tamen diſtinguntur, quaſi duo iuga fuiſſent Horeb & Sinai.

Aliquandiu hiſ-ce primis tabulis, Lector, paſce oculos tuos, ut quoties opus eſt, ſtatim imago earum animo occurrat. Primam convolve, revolve ſecundam, quæ exponit terram Iſrael, de qua nunc ſermo fiet; ſed antea animadverte terram *Utz* patriam Job non temerè collocari ad orientem, in Arabia Scenitide, infra Meſopotamiam, in vicinia Chaldæorum & Sabæorum, circa oſtia Euphratis. Ibi Geographi notant regionem, quæ *Auſitis* nominatur, quo nomine viri docti putant Græcos expreſſiſſe nomen *Utz*.

Ad orientem (*Tab. II.*) pars Arabiæ & populi quos recensuiſimus. Syri erant Iſraelitis ſeptentrionales. Syri autem multiplices erant. Scilicet Syria quæ ab Hebræis dicitur Aram, regio latiffima erat. Ejus incolæ dicuntur Aramæi. *Aramæos Aramæus tenuit*, quos *Græci Syros appellare malunt*, inquit Joſephus (*Lib. 1. Antiq.*) Aram autem diſtinguitur diverſis ſuis partibus; ita eſt *Aram Tzoba*, *Aram Rehob*, *Aram Damafech*, *Aram Naharin*, id eſt Syria duorum fluminum, nempe Euphratis & Tygridis, Græcis dicta *Meſopotamia*. Appellatur etiam *Aram Paddam*. In Meſopotamia erat Haran, quam Abrahamus incoluit quando egreſſus eſt ex Ur Chaldæorum. De Syria quatenus dictas regiones complectitur, ſic Plinius loquitur. *Quondam terrarum maxima & pluribus diſtincta no-*

*Et a nominibus. Namque Palestina vocabatur, quæ con-*  
*tingit Arabas; & Judea, & Coele: dein Phœnice; &*  
*quæ cedit intus, Damascena: & eadem Mesopotamia*  
*inter Euphratem & Tigrin: quaque transit Taurum,*  
*Comagene; & ultra Armeniam, Adiabene, Assyria*  
*ante dicta: & ubi Ciliciam attingit, Antiochia. Intel-*  
*ligit Plinius tractum qui Antiochenes dicebatur. Hæc*  
*Antiochia sita erat ad montem Taurum versùs fontes*  
*Euphratis in Comagene, cujus caput Samosata. Alia*  
*est Antiochia ad Orontem fluvium. Seleucis regio est*  
*Syriæ, ab urbe præcipua ejus Seleucia. Hæc regio*  
*idecirco animadvertenda, quia Græci Macedones prin-*  
*cipes ejus, imperium & tyrannidem diu exercuerunt*  
*in Judæos temporibus Machabæorum. Præcipuæ ejus*  
*urbes Seleucia, Antiochia juxta fluvium Orontem,*  
*alia quàm Comagenes: ibi fuit Asylum, & lauretum*  
*factum Apollini, quod dicebatur Græcè Δάφν, cu-*  
*jus mentio fit libro 11. Machab. cap. 4. Inter Seluciæ*  
*urbes nominantur Apamea & Laodicea. Antiochia*  
*celebris evasit, Fuit sedes Regum Macedonum, sive*  
*Græcorum, & in illa primùm Discipuli Jesu nuncu-*  
*pati sunt Christiani (Act. 11. 26.) Non longè hinc*  
*Emissa, sive Emesa, Beroea, Chalcidene cujus metrop-*  
*olis Chalcis, sub Libano monte, Nummus reperitur*  
*sic inscriptus: Chalcidos Rex Herodes. Nec tacenda*  
*Palmyra, caput Palmyrene, non longè ab Euphrate,*  
*quam condidisse dicitur Salomon (3. Reg. 11. 18.)*

Pars Syriæ, Libano & Antilibano definita & Me-  
 diterranea, nominatur *Cole-Syria*, id est *cava Syria*.  
 Antilibanus australior monte Libano & huic adversus.  
 In ea regione urbes conspicuæ sunt *Damascus, Abila,*  
*Laodicea; & ea pars Syriæ quæ terminatur fluvio*  
*Eleuthero, & extenditur versùs Palestinam. Sunt verò*  
*qui & ultra Eleutherum fluvium extendunt. Phœnice*  
*pars est Syriæ, & hujus præcipuæ urbes in litore ma-*  
*ris sunt Ptolemais, Tripolis, Sidon, Sarepta hospi-*  
 tium

tium Helix prophetae, *Tyrus* incluta mercibus suis, & saepius nominata in sacro Codice. *Emath* celebratur, quia limes septentrionalis in Scriptura ponitur terrae Israel. Syriae in austrum subjacet terra *Chanaan*. Palaestina proprium vocabulum est terrae Philistaeorum; qui cum essent in maritimo tractu Graecis primum innotuerant; unde ab illis regio nomen accepit. Horum primariae urbes fuere illae quinque *Getha* vel *Geth*, *Accaron*, *Ascalon*, *Gaza*, *Azotus*. His adnumerantur *Joppe*, *Jamnia*, *Diospolis* sive *Lydda*, quae ex Actis IX. 13. prope *Joppem* erat, *Raphia*, *Rhinocorura*.

Judaeae limites, & situm ejus in terrarum orbe Tacitus definit in libro v. Historiarum cap. vi. *Judeorum terra finesque, qua ad Orientem vergunt, Arabia terminantur: à meridie Aegyptus objacet: ab occasu Phoenices & mare: septentrionem à latere Syriae longè prospectant.* Hisce verbis Josue (cap. 14.) circumscribit terram Israel. *A deserto, nempe ab Arabia; & Libano usque ad fluvium magnum Euphratem, omnis terra Hebraeorum usque ad mare Magnum contra solis occasum erit terminus vester.* Longitudo ergo hujus terrae à meridie versùs septentrionem extendebatur à *Sichor Aegypti usque dum ingrediaris Emath*, ut dicitur Paralip. xiiii. 5. ubi narratur totum populum congregatum à Davide ad Arcam adducendam. Hoc & adstruit Author. II. Paralip. cap. vii. 8. cum Salomoni etiam dicitur congregasse populum *ab introitu Emath usque ad torrentem Aegypti* in fonte *Nachal mitzraim*. Ibi non alia res est, *Sichor mitzraim*, quam *nachal mitzraim*, nempe Nilus; quod evincam verbis Josue capite xiiii. ubi adstruitur eadem longitudo terrae Israel. *A fluvio turbido qui irrigat Aegyptum, usque ad terminos Accaron contra Aquilonem.* In fonte fluvius turbidus ille appellatur *Sichor*. Reipsa nomen illud idem sonat quod *niger*. Nilus interdum appellatur à

Graecis



Græcis melas id est niger; ideo Poeta canit de illo.

*Et viridem Ægyptum nigra facundat arena.*

De Nilo loquebatur Jeremias cap. i i. 18. *Et quid tibi vis in via Ægypti ut bibas aquam turbidam? & quid tibi cum via Assyriorum ut bibas aquam fluminis?* Ibi Jeremias in fonte nominat *Sichor*. In Isaia xxv i i. 12. ubi in latina Versione legimus, *In die illa percutiet Dominus ab alveo fluminis*, nempe ab Euphrate, qui fluminis nomine intelligitur, usque ad torrentem Ægypti, id est usque ad fluvium Ægypti, nam torrens accipitur etiam apud optimos Auctores profluvio: ibi in Græca versione legimus συρράξει ὁ θεὸς τὸν τῷ ποταμῷ ἕως ῥινόκορων. & erit in die illa, concludet Deus a fossa fluminis usque ad Rhinocoruram. Sic limites terræ Israelis lxx. non extendebant usque ad fluvium Ægypti, live ad alveum Nili magis orientalem juxta Pelusium urbem, scilicet ætate sua non ultra Rhinocoruram extendebatur terra Israel, live non habebatur ratio soli quod interjacebat inter Pelusium & Rhinocoruram, quod antea optimum, arenis operum fuerat, quodque ideo dicti interpretes vocant δεικνόν inhabitedum, apud Josue cap. 13. vers. 3. τὸ τῷ δεικνόν τῆς χτ' ἀπόσωπον αἰγύπτου ab inhabitata quæ ad faciem Ægypti.

Cum primum edidi commentarium in Harmoniam Evangelicam typis Regiis, & excudendam curavi tabulam geographicam, in ea eram opinione, concludens terram Israel intra Rhinocoruram, quem errorem corrogo iterum hanc tabulam excudens inferendam Apparatu Biblico, quem & novo prælo committo.

In eo tractu Ægypti erat terra Gessen, ubi filii Israel habitaverant, dum derinebantur in Ægypto. Lacus Sirbonis, qui in ea parte est, olim ex Strabone longus ducentis stadiis, latus quinquaginta, tempore Plinii erat modica palus, quia ex parte arenis compleretur

plenus

pletus fuerat. *Ultra Pelusium*, inquit Plinius, *Arabia est*. Licet ergo videre cur à *Rhinocorura* LXX. Interpretes terram Israel metiantur, sive non ultra hanc urbem extendant.

Limes septentrionalis terræ Israel, ut diximus, erat introitus ad *Emath*, urbs quæ postea dicta est *Emisa* Eusebio, *Emissa* Ptolemæo, *Emessa* aliis. Limes septentrionalis etiam statuitur civitas *Dan*, ad radicem montis Libani, quæ postea dicta est *Paneas* & *Cæsarea Philippi*: nempe non dicitur *Emath* limes terræ, sed introitus *Emath*. Limes verò meridionalis etiam ponitur *Bersabee* urbs (1. Reg. 111. 20.) & cognovit universus Israel à *Dan* usque *Bersabee*, quod fidelis Samuel propheta esset Domini. Intervallum autem illud intra dictas urbes non complectitur plusquam septuaginta milliaria, singula unius horæ itinere commensuranda. Latitudo verò si mensuretur ab occidente à mari Mediterraneo in orientem usque ad Euphratem flumen, juxta illud Psalmi lxxxix. 12. *Extendit palmites suos usque ad mare, & usque ad flumen propagines ejus*. Latitudo, inquam, illa magna esset. Sed multum contrahendam plerique putant, non illi assignantes ultra triginta milliaria.

Attamen in tam angusto theatro editum est magnum illud restaurationis nostræ opus: edita omnia quæ enarrant sacri Codices tanti operis præludia. Idonea erat illa regio, undè Verbum Domini, ut vaticinati erant prophætæ, exiret in orbem terrarum; in umbilico sive medietate orbis noti sita; quod ut advertatur, considerandum est inferius hemisphærium latuisse usque ad novissima tempora, Britannii sive Angli quondam tantum nomine noti erant. Morini enim populi regionis, quam nunc Picardiam vocamus, *extremi hominum* appellati sunt à Virgilio. Soli Germani qui accelebant Rheni ripas, & partem Germaniæ magis meridionalem, innotuerant. Ignorantæ gen-

tae gentes septentrionali oceano propinquae. Tractus ille Asiae, quem nunc occupant Moscovitae, Tartari, Chineses, pro ignoto habebatur. Sola ea pars Africae, quam mare internum aut Nilus ex parte rigat, cognita erat. Caeterarum autem regionum aco-  
colae more ferarum viventes, nec inter se, nec cum populis, qui melioribus moribus exculti erant, commercio jungebantur, ut vix in numero hominum censeri possint.

His ergo diebus, quibus Christus apparuit in mundo, & Apostolos milit praedicare Evangelium, quasi orbis noti centrum erat Hierosolyma, ex qua exivit lex ejus. Verius de ejus Templo quam de Delphico dici potest, quod umbilicum terrarum obtrineret. Id adstruit suprema veritas Deus apud Ezechielem (*Cap. 5. v. 5.*) *Hac dicit Dominus Deus: ita est Jerusalem, in medio gentium posui eam, & in circuitu ejus terras.* Ad hunc locum Ezechielis sic loquitur B. Hieronymus in Commentariis: *In medio gentium posita est, ut quia notus erat in Judaea Deus, & in Israel magnum nomen ejus; omnes in circuitu nationes illius sequerentur exempla.*

Situm illum Judaeae & urbis Hierusalem exhibemus primatabula, qua describimus notum orbem cum promulgati coepit Evangelium. Quas non continet regiones, aut occultat, eae non tam incolas, quam feras alebant. Plato in dialogo qui *Phaedo* inscribitur, orbis habitati terminos non extendit latius quam a Phaside fluvio Colchidis, qui in Pontum Euxinum se se exonerat, ad columnas Herculis, sive ad fretum Gaditanum, quo Hispania ab Africa separatur. Augusti temporibus incertum erat an Africa circumlueretur mari: negat Strabo posse circumiri. Polybius scribit ignorari an Aethiopia sit continens terra. Tempore Salomonis Regina Saba dicitur venisse a finibus terrae; quod & repetit Dominus in evangelio. Saba

### *Apparatus Biblicus.*

pars censetur Arabiæ, quæ à quibusdam in Æthiopia collocatur. Quin & extremi Arabes tempore Pompei magni, hoc est, aliquibus annis ante Christum natum, putabantur fines terræ. Unde postquam ille Syriam perdomuit, impensè optabat per Arabiam ad mare Erythræum penetrare, sperans quod sic victor penetraret ad oceanum, quò undequaque terra cingitur. Celtici, Lusitanique, id est, extremæ Hispaniarum gentes habebantur à Romanis pro hominum extremis versùs occidentem. Ne longum faciam, orbis cogniti ex Hebræorum geographia ultimi fines sunt, ab ortu *Ophir*, non Arabica, sed Indica: à septentrione *Magog* ad Caucasios montes, magisque ad occasum *Thiras*, ultra Istrum, sive Danubium, nempe Thracia: ob occasu *Tharfis*, seu hæc jam *Tartesus* Hispaniæ, seu *Carthago* Africæ, item *Phus* quæ Mauritania & Numidia; ni satius sit, ut jam diximus, interpretari mare in genere, quò de oceano intelligendum erit. Denique à meridie Judæi statuabant pro terræ finibus Sabæam & Æthiopiæ peninsula Austri, ut loquitur Job (*Cap. 9. v. 9.*)

Jerosolyma in umbilico sive meditullio tunc notis orbis sita, unius diei itinere distabat à mari Mediterraneo, quo patebat facilis navigatio in Græciam, Italiam, Gallias, Hispanias, Europæ nobiliores partes. Judæa quasi Asiæ ostium erat; & huic vicina Africa altera pars orbis. Itaque in consinio trium partium, in quas notus orbis dividebatur, posita, omnes conjungebat, ita ut potuerint Apostoli spargere per illas verbum Dei. Adjungendum quod proximæ erant Tyrus & Sidon, Phœniciæ civitates, primis temporibus celeberrima totius orbis emporia. Tyrii innumeras colonias deduxerant; & ubique terrarum urbes condiderant. Quin & litteras, & prima scientiarum elementa invexerant in Græciam; quibus, ut probat Clemens Alexandrinus, orbis eruditus

ditus est, simul & idoneus factus Evangelio. Etenim horum commercio sermo de Jûdæis & Religione Judaica pervenit ad Gentes; quæ parandæ erant, ut suo tempore auribus exciperent Christi doctrinam.

Jerusalem fuit caput hujus terræ quam Deus promiserat Abraham, in quam venit ex Ur Chaldæorum. His diversis nominibus appellata est antiquitus; *Terra Chanaan*, sive *Chanaan*, à Chanaan filio Cham, cujus filii, & populi qui ab eis orti sunt, eam tenebant. *Palæstina*, ab illis incolis quos *Philisteos* appellant Hebræi; Romani verò & Græci corruptè *Palæstinos*, qui cum essent maritimi, primi gentibus innotuerant; ideo ab eis hæc regio dicta est *Palæstina*. Dicta & *Phœnicia*, forsitan propter palmas in hac regione fructiferas. Dicti *Phœnices* ejus accolæ, qui prius benè *Anachim* quia nempe filii *Anak*, ut dicitur, *de genere giganteo* (*Nam. cap. 13. v. 34.*) & quibus nullus potest ex adverso resistere (*Deut. cap. 2. v. 2.*) Terra illa nominata est *promissionis*; respectu beneficii Dei: *Terra Israel*, quando à populo Dei cœpit occupari. *Judea*, nomine præcipue partis hujus regionis; quando cæteris Tribubus in captivitatem abductis, sola Judæ tribus rediit in patrium solum. *Terra* denique *sancta* dicta est, à perfecto in ea nostræ redemptionis opere.

Huic-æ regioni contigit, quod cæteris orbis terrarum plagis; ut diversos habuerit incolas, dum novi antiquos expellunt, & pariter diversas urbes, dum antiquis everfis novæ excitantur. Varias in præfecturas pro diversis temporibus divisa est, si quidem non uni denominationi semper subiecta fuit. Non itaque una esse potest ejus descriptio. Diversorum temporum habenda ratio. Fluvii autem, lacus, montes non potuere permutari. Eam secat Jordanis fluvius, pæne in illa unicus; reliqui enim omnes potius torrentes quàm fluvii dicendi sunt.

### *Apparatus Biblicus.*

Fontes habet suos Jordanis sub Libano, juxta urbem *Dan*, undè nomen accepit: *Jor Fluvius* & *DAN*, id est, fluvius scaturiens ex *Dan*. Juxta alios Jordanis oritur ex lacu *Phiala*. Quisquis fuerit ortus ejus, à septentrione in meridiem fluens aquas *Meron* sive lacum *Meron* secatur, & stagnum *Genesareth*, sive Galilææ, sive Tyberiadis. Causam horum nominum infra aperiemus, Illud stagnum Hebræi *Mare* appellant; nomen enim *Maris* tribuunt cuicumque congregationi aquarum, nempe cuique loco ubi copia est aquæ. Jordanis prætergressus hunc ce lacum, sive mare, Judæam & Peræam præterfluens, aquas suas & nomen amittit in lacu, quem Græci *Asphaltitem* dixerunt ob suum bitumen; Judæi *Mare salis*, sive mare salissimum, ob aquarum amaritudinem. Appellatur etiam *Mare mortuum*, quia in eo pisces non vivunt. Ibi olim Sodoma & Gomorrha & aliæ urbes, quas ignis de cælo absumpsit. Antea erat amœnissima planities, quam Jordanis fluvius rigabat, & postea in Sinum Arabicum, ut probabile est, se effundebat. Eversis autem urbibus Sodoma & aliis factum ut sisteret lapsum, & in ruinis illarum stagnaret. Inter fluvios terræ Israel recensent *Jarmoch* in regione Gersæorum è montibus Galaad: *Kirmion* versus Damascus, qui & *Amanah* & *Abana* dicitur: additur *Pharphar*, ex montibus Hermon fluens: *Cifson* in tribubus Issacharis & Zabulonis; *Arnon* ex cognomine monte, in mare Mortuum se exonerans, & *Jabboc* ex iisdem montibus in Jordanem influens.

Montes celebriores, sunt ad septentrionem *Libanus*, & pars ejus australior *Antilibanus*: ad orientem montes *Galaad*, *Hermon*, *Arnon*, ac montana Moabitæ: ad meridiem montana Judææ meridionalis: ad occasum montes qui in tractu Galilææ extendunt se ad mare, in primis *Carmelus*, in quo, ut narrat Tacitus (*Lib. 2. hist. cap. 7.*) erat ara sine simulacro  
& si-

& finet empld, ut loquitur idem Author, *Ara tantum & reverentia*. Ibi forsan erecta in memoriam hujus aræ in qua exauditus est à Deo Elias, igne cœlitus misso (3. Reg. 18.) Inter montes, numeranda montana regionis Ephraim; dein Philistæorum. In media regione illustriores montes *Thabôr*, *Garizim*, *Hebal*, *Sin*, *Moria*; Hebronis & Judææ montana.

Jam de incolis terræ Israel dicturus; quos pro varietate diversos habuit, non debeo silere quos versio Græca & Latina *Gigantes* appellant, in textu originali *Nephilim*, id est, *viros oppressores, tyrannos homines magnæ staturæ*; quorum timore ceteri caderent. Eodem *Gigantum* nomine in vulgato interprete appellantur, quos textus Hebræus nominat *Hanachim*, quos fuisse viros præcæ staturæ licet cogitare.

Moyse enumerat undecim filios Chanaan à quibus tunc occupabatur terra Chanaan quando in illam Abraham venu (Gen. cap. 10.) Primus SIDON, ex quo Sidonii, quicæ loca tenuere, ubi tunc vel postea fuere urbes *Sidon*; *Tyrus*, *Acron*, postea dicta *Ptolemais*, *Jeconan*. Secundus HETH, ex quo Hethæi, quorum fuere urbes *Dor*, *Aphec*, *Israel*, *Magedo*, *Galgal*, *Sarona*, *Gazer*. Tertius JEBUS, ex quo Jebusæi, qui & postea Philistim dicti sunt, quorum urbes hæc enumerantur, *Lachis*, *Geth*, *Accaron*, *Azotus*, *Ascalon*, *Gaza*, *Gerara*, *Dabir*. Quartus AMOR, ex quo Amorrhæi. Horum urbes *Nabaa*, *Hesebon*, *Bosor*, *Ramoth*, *Galaad*. Quintus GERGES, ex quo Gergefæi. In his locis quæ tenuerunt, urbes conditæ sunt *Damascus*, *Machati*; *Gessur*, *Soba*, *Theman*, *Astarath*, *Adra*. Sextus HEVE, ex quo Hevæi. Horum in regione notantur urbes *Hierusalem*, *Hierico*, *Hai*, *Bethel*, *Gabaa*, *Lebna*, *Maceda*, *Bezer*. Septimus ARAK ex quo Araki: urbes eorum *Esebon*, *Madian*, *Petra*. Octavus SIN,



ex quo Sini: urbes *Adama*, *Sodoma*, *Gomorrha*, *Sebein*, *Segor*. Nonus ARAD ex quo Aradi. Urbes eorum *Arad*, *Herimoth*, *Hebron*, *Adolla*, *Eglaon*. Decimus SAMAR, ex quo Samaritæ. Loca tenuere ubi postea urbes *Samaria*, *Taphua*, *Thersa*, *Tanai*. Undecimus AMATH, ex quo Amathi. Urbes *Semeron*, *Cedes*, *Asor*, *Amath*. His populis annumerantur *Phereſai*, quorum urbes fuere *Amalec* & *Boſtra*,

Cum in Terram promissam ingreſſi ſunt Iſraelitæ, tunc in ea parte quam invaſerunt, & quæ terra *Iſrael* de eorum nomine dicta eſt, ſeptem hi populi potentiſſimi fuere (*Deut.* 7. 1.) *Anjorthæi*, *Phereſai*, *Hevæi*, *Chananæi*, *Hethæi*, *Jebuſæi*, *Gergeſai*. Eam nihilominus Joſue ductor Iſraelitarum eripuit hiſ populis, donante Deo, & in duodecim portiones partitiſ eſt, quas cuique ex duodecim filiis Jacob ſorte diſtribuit. Verum filii Levi, Deo ordinante, nullam poſſedere terram, ſed omnes religionis proventus inter fratres obtinuerunt, nempe decimas & primitias omnis proventus: nec ideo minus regio cenſetur diviſa in duodecim partes; duo enim filii Joſeph Ephraim & Manaſſe conſtituti ſunt duarum tribuum capita.

Iidem filii Levi in cæteris portionibus habebant ſibi aſſignatas urbes, quæ ideo *Levitice* dicuntur; inter quas ſunt quæ appellantur *Refugii* (*Joſue* 20.) ad quas nempe qui animam percuſſiſſet caſu, errore, neſcius, recipere ſe poterat. In illis nulla erat in eum poteſtas ultoris ſanguinis, nempe qui poſſet poenam repetere patrati homicidii. Sex præſtituuntur tales urbes in lege; ſed præter illas, quadraginta duæ urbes Leviticæ etiam gaudebant jure *Refugii*, ſeu *Aſyli*. Inter hæſ autem diſcrimen illud agnoſcit Maimonides, quod in primis ſex ſive vellent, ſive nollent incolæ, ſimul ac eas ingrederetur quiſpiam homici-

da, tu-



da, tutus esset: in aliis non nisi vellent incolæ, si-  
ve pro eorum arbitrio. Qui illuc confugerat tene-  
batur non inde exire nisi mortuo summo Pontifice,  
alioquin poterat interfici ab ultore sanguinis. Lex  
Hebræa propinquo occisi permittebat ut extra Asyli  
locum homicidam interficeret. Hinc propinquus di-  
cebatur vindex sanguinis.

Tribus Ruben & Gad & pars Manasses sortem  
suam habuere trans Jordanem versus Syriam & Ara-  
biam; cæteri verò filii Jacob cis Jordanem. Victis  
Sehon rege Hesebon & Amorrhæorum, & Og re-  
ge Basan, possessiones eorum petentibus Rubenitis,  
Gaditis & dimidiæ tribui Manasse ita diviserat Jo-  
sue, ut Rubenitis australia ab Arnone fluvio, Moa-  
bitarum limite; septentrionalia, id est superior Ga-  
laaditis & regnum Basan, dimidiæ tribui Manasse  
obvenirent; quæ mediâ interjacent, Gaditis seu tri-  
bui Gad. Omnium horum terminus occidentalis erat  
Jordanis fluvius: orientalis varius propter varios po-  
pulos, qui his tribubus vicinas ab oriente sole terras  
accelebant. Moabitæ ab austro erant, ut tamen etiam  
in orientem extenderentur. Et Amalekitarum pars,  
sejuncta à cæteris suæ gentis; & hi à tergo erant  
Rubenitidis tribus: Ammonitæ à tergo Gaditis: su-  
pra quos alii Arabes usque ad Hermonem montem,  
objecti cum ipso monte tribui Manassitarum, ut di-  
cit Christophorus Cellarius eruditè differens de Ter-  
ra sancta, sicut de cæteris orbis partibus,

Tribus Judæ fines habuit ab austro Idumæam, ab  
extremitate lacus Asphaltidis desertum Sin: ab oriente  
dictum lacum, ab occasu mare, à septentrione os  
eiusdem lacus ubi Jordanem excipit. Tribus Benjamin  
tribum Judæ à meridie, tribum Ephraim à septentrio-  
ne contingebat: ab oriente Jordanem habuit: ab oc-  
casu non mare, sed tractum à Bethoron inferiore ad  
Judæ civitatem Cariathyarim. Tribus Simeon obti-

nuit multa australia oppida juxta Idumæam. Suprà Simeonis tribum, in septentrionem, juxta mare ad Joppem usque, sita erat Danitica tribus, possidens eum tractum qui partim cum Judæ, partim cum Benjaminis tribubus ab occasu cohærebat. Sexcenti Danitæ profecti in septentrionem Chananæ oppidum extremum nempe *Lesem* sive *Lais* ceperunt, idque suo nomine Dan appellaverunt.

Tribus Ephraim & Manasse termini inter se mixti censentur. Ephraimitica obtinuit australes partes, dimidia Manasse septentrionales. Zabulonis tribus vulgò sic describitur, ut ab ortu lacum Genesareth haberet, & inde mare versùs ad Carmelum, aut ad ipsum mare excurreret. Issachar Zabuloni ab austro objecta, ita ut etiam angusto tractu ad Jordanem inter Manassidem & Zabulonem pertigerit. Quæ supersunt in septentrionem usque ad Libani radices, tribus Aser & Nephthali adjudicata sunt; illi maritima: huic mediterranea à lacu Genesareth ad fontes Jordanis & ultra. Limitem constituit Josue Aseritidi tribui ab austro Carmelum montem: à septentrione Sidonem magnam. Nephthalici fines sunt in meridiem ad Zabulonem, & in occidentem ad Aser, ab ortu Jordanis limes est ejus.

Quæ fuerint cujusque tribus urbes & limites indicat tabula. Limites permixti sunt; nam v.g. hereditas tribus Simeonis fuit *in medio possessionis filiorum Juda*, ut dicitur Josue 19.2. Non ergo fieri potest ut illa tribus includatur una linea, quæ omnino proprio ejus limites designet. Sed in libro Josue videre est quæ urbes cuique tribui obtigerint. Ad verba ergo Josue potius mens est advertenda, quàm ad lineas, quas, ut licuit, circa quancumque tribum circumduximus.

Populi quos in Terra sibi promissa repererunt Israelitæ, nec victi, nec prostrati sunt funditus nisi sub Davide Rege. Ille postquam victor evasit de hostibus

tribus suis, res Judæorum composuit, & condidit civitatem in monte Sion, quæ idè dicta est *civitas David*. Hæc fuit pars Jerosolymæ, quæ caput facta est regni simul & Religionis, unde *Sancta* appellari solet.

Notum ex historia Judaica quam præmisimus, quibus mutationibus res Hebræorum obnoxia fuerint. Quin & mutata regio quam incolebant, quatenus in diverso principatu, aliæ urbes viduantur incolis, & corrunt neglectæ, aliæ augentur advenis simul & ædificiis. In vario principatu antiqui limites convelluntur, contrahuntur aut extenduntur. Decem tribus, aliquo tempore postquam scissæ sunt à tribu Juda, abductæ sunt in captivitatem. Novi coloni deducti in eorum locum, nempe Cuthæi, qui solam eam partem videntur occupasse, ubi olim erat Ephraim & media tribus Manasse. Ipsa tribus Juda septuaginta annis captiva fuit apud Babylonios. Græci sub Alexandro magno imperium Orientis invaserunt, & qui ex illis reges Syriæ fuerunt constituti, suo adjecere regno plerasque regiones, quas tenebant Israeliticæ tribus. Ergo dissipatis tribubus, & una superstitè tribu Juda, cum nec alterius audiretur nomen, multo tempore ante Christum natum diversæ regiones terræ Israel non habebant nomen à tribubus, quibus olim in portionem cesserant. Illam Romani & Græci Palæstinam & Phœniciam appellabant. Palæstina propriè dicta, tractus ille erat, in quo olim Philistæi: Phœnicia verò cæteræ regiones maritimæ quæ extendebantur ad Libanum: Phœnicia pars Syriæ erat. Itaque cum Christus in terris versabatur, terra Israel divisa erat in Idumæam, Judæam, Samariam, Galilæam. Galilææ autem nomine diversas significari regiones videbimus. Nomen Hebræum *Gelila* in plurali *Gelilæ* idem significat quod *tractus, terminus, limes*; quod interpretes non semper observarunt. Josue (*Cap. 13. v. 2.*) in Latina versione

sione dicit: *omnis videlicet Galilæa Philistinum*, melius vertisset Latinus interpres: *omnis tractus Philistinum*. In hoc septentrionali tractu erat Accaron, quam urbem pro septentrionali termino terræ Israel ponit Josue. Colebat illa Beelzebub, qui idcirco appellatur *Deus Accaron*. Tractus ille dividebatur in quinque Regulos, sive satrapas Philistinorum,

Judæa complectebatur portionem terræ Israel quæ obrigerat Tribui hujus-ce nominis, tum & sortem tribuum Benjamin, Dan, & Simeonis, Ejus latitudo à Jordane flumine usque ad Joppem urbem maritimam explicabatur, Judææ urbes omnes tabula nostra non explicat, quia angustior; ut jam dixi. Petantur ex aliis tabulis patentioribus, quæ ubique obviæ sunt; ideo has urbes enumerare hic supersedebo,

Idumæa adjuncta fuerat Judææ, ad cujus meridionalem plagam sita est inter Arabiam & Ægyptum, Etenim devictis Idumæis, cum Hircanus pontifex edixisset ut circumciderentur, nisi mallent propriis pelli sedibus, amore patriæ admiserunt circumcisionem, ceterosque Judaicos ritus; undè non mirum est si apud Marcum recenseantur inter eos qui ad Jesum venerunt. Idumæa autem antiquitus ipsa erat regio quam possederat Esau, dictus Hebræis *Edom*, id est *rufus*, ideo Græcis *Ἰδούμω*. Qui ex Edom orti sunt, primò nominati sunt *Edomei*, deinde *Idumæi*. Non alius est autem celebratus rex Erithreus quàm ipse Esau, dictus Græcis *Ἰδούμω*, id est *rufus*; & ab eo mare Erithræum, sive rubrum, accepit nomen, nequiquam à colore aquarum suarum aut arenæ suæ.

Samaria olim urbs indigenis prius dicta *Semerom*, fuit sedes regum Israel, ab eo tempore quo Amri sive Omri eam condidit in monte quem emerat à Semer, de cujus nomine vocata est (3. Reg. 16. 24.) Diruta est ab Assyriis; postea instaurata à Cuthæis, scilicet ab illis populis qui post deportatos decem tribus

bus eam incoluere. Joannes autem Hircanus quartus Assamonæorum iterum illam diruit. Herodes vero magnus restauravit; & *Sebastam* sive *Augustam* appellavit. Samaria ad septentrionem Judææ erat, inter Judæam & Galilæam, & inter Jordanem & mare magnum. Ibi olim fuerant tribus Ephraim, & media tribus Manasse quæ transierat Jordanem. Metropolis *Sichem*, Hebræis *Sichar*, inter Hebal & Garizim montes, in quibus Moyses ( *Deuter. 11. 29.* ) præceperat maledictiones & benedictiones pronuntiandas, has legem servantibus, illas violentibus. Mons Garizim, ex quo benedictiones, ad id aptus, sonribus, hortis, vineis, olivetis etiam hodie instructus. Hebal verò, undè maledictiones, his expremendis factus, quippe aridus sicut saxum, teste R. Beniamino in suo itineralio. Non longè à Sichem erat *Silo*, ubi diu fuit Arca Dei, & in hoc tractu urbs *Bethel*, in qua Jeroboam duos vitulos posuit. Elegit hanc urbem, quia ibi Jacob vidisset in somnis Dominum innixum scalæ. Bethel idem sonat quod *domus Dei*. Judæi autem in derisum appellavere *Bethaven*, id est *domum iniquitatis*, ex quo vituli hic adorati sunt; ad quos respiciebat Osæ propheta ( *Cap. 10. 5.* ) *Vaccas Bethaven celuerunt habitatores Samaria*. Sed & alia est urbs *Bethaven*, non longè à Bethel; sic nominata ante Jeroboami tempora. De Bethel & de Bethaven loquitur Josue ( *Josue 7. 2. & 18. 12.* ) ut de urbibus distinctis.

Duas Galilæas distinguit Josephus, superiorem & inferiorem. Eas Phœnice & Syria cingunt; à meridie autem Samaria & Scythopolis usque ad flumen Jordanem: ab oriente urbes Hippos & Gadara, & regio Gaulonitidis, Septentrionalis autem tractus ejus Tyro, itemque Tyrionum finibus terminatur. Hæc Josephus, sicut & cætera quæ de harum regionum limitibus hic dicimus. Quondam in eo tractu fuerant  
tribus

tribus Issachar, Zabulon, Aser, & Nephthalim, saltem ex parte; nam ultra Galilæam propriè dictam circa radices Libani erat regio Pancadis ab urbe Pancade, quæ urbs primùm *Dan*, postea *Paneas* & demum *Cæsarea Philippi* dicta est. Galilææ primùm lux Evangelii oborta est. Frequens erat urbibus, vicis & populis. Josephus in illa numerat ducentas quatuor urbes aut vicos; & in quibusdam ex illis vicis etiam plusquam quindecim millia capitum.

Regio ultra Jordanem, quæ in divisione terræ Israel obtigerat tribui Ruben, & tribui Gad, dicebatur *Peræa*, quasi dicas ulteriorem, quia erat *πέρα* ultra Jordanem ἢ *περὰν* γῆς, scilicet terra sive regio ulterior. Longitudo ejus ex Josepho erat à *Macherunte* ad *Pellam*; latitudo verò à Philadelphia, ubi olim Moabitis, usque ad Jordanem. Et *Pella* quidem ad septentrionem; ad occidentem verò Jordanis; ad meridiem Moabitis; ab oriente autem Arabia est. In transjordanica regione Joannes baptizabat, *ultra Jordanem* *πέρα τῷ ἰορδάνῃ* locus dicebatur *Bethabara*, id est, *domus transitus*. Legitur in Vulgata latina *Bethania*, quod Libratorum error est. Tractus erat Jordanis, & ideo locus magis frequentatus: Juxta erat *Galgala*, quem locum sic Josue appellaverat ob circumcisos ibi Israelitas, & ideo ob revolutum ab illis opprobrium. Vox *Galgala* significat *revolutionem*. Joannes Baptista prædicavit bonum nuntium, revolvendi opprobrii per pœnitentiam, ubi cultris lapideis circumciderat Josue Israelitas.

Portio tribus Manasse quæ substiterat ultra Jordanem, occupaverat eam terræ Israelis regionem, quæ ad septentriones terminatur Libano, qui respicit Damaſcum, & ad orientem montibus Sanit, sive Hermon. In illo tractu super *Peræam* Josephus collocat Gaulonitidem, sic dictam ab urbe *Gaulon*. Distinguit autem superiorem & inferiorem Gaulonitidem. Vicina Gaulo-

Gaulonitidi erat *Bathanaa*, ubi olim regnum *Basan*. Juxta *Bathanaeam Trachonitis*, sic dicta ob asperos montes, *παχὸν* locus est *asper & salebrosus*. *Trachonitis* ex *Strabone* terminat cavam *Syriam*, sive, ut loquuntur *Græci*, *Cœlesyriam*. Pars septentrionalior hujus tractus appellatur *Auranitis*, regio sic dicta ab urbe *Auram*, quæ sita est inter *Cæsaream Philippi & Damascum*. Nec ab ea longè *Ituræa*, contermina *Cœlesyriæ*, quæ est ultra montem *Libanum*. *Plinius* collocat *Ituræos* in ipsa *Cœlesyria*. *Ituræa*, inquit *Adrichomius*, à fluvio *Jordane* sumens initium, juxta *Libanum* versùs occidentem ad montes usque *Sidoniorum & Tyriorum* extenditur. Aliquoties etiam saltus *Libani* nuncupatur. Errant ergo qui in ipsa *Peræa* collocant *Ituræos*, eò quòd in *Paralipomenis* dicantur auxiliati fuisse tribubus *Gad & Ruben*; neque enim propterea vel intra has tribus, vel omnino proximos fuisse dicendum est. *Ituræa* ex *Evangelio* subdita erat *Philippo* magni *Herodis* filio; *Perææ* verò *Tetrarcha* erat *Herodes Antipas Philippi* frater.

*Samaria*, ut diximus, primùm urbis, postea regionis nomen, media reperitur inter *Galilæam & Judæam*, ut per eam à *Galilæa* tendentibus *Jerosoly-nam*, transeundum esset. Eo tempore quo *Dominus* prædicabat, *Metropolis Samariæ Sichem* erat, *Sichar* à *Judæis* per opprobrium dicta. Alludebant ad verba *Isaiæ*, qui insectans idololatriam *Ephraimitarum* in montanis *Samariæ*, dixerat, *væ..... ebriis Ephraim*, usus voce quæ derivatur à verbo *Sachar*, *Hebraicè inebriari*. Morem *Judæorum* sequens *Joannes*, non *Sichem*, sed *Sichar* appellat illam urbem *Samariæ*. Sunt qui derivant *Sichar* à *Secher*, *mendacium, falsitas, vanitas*; quia plena idolis *Samaria*, quæ solent appellari *vanitates & mendacia*. Juxta *Sichar* erat puteus *Jacob*, ad quem *Jesus* fatiga-

tus sedit, à Samaritana muliere aquam petens. In Genesi cap. xxxiii. 18. in vulgata dicitur de Jacob quod transiverit in urbem Salem Sichimorum, ex quo sequeretur urbem Sichem & dictam *Salem*. Paraphrastes Chaldaeus interpretatur quod venerit Jacob incolumis ad urbem Sichem: *Salem* nomen est urbis, & simul idem sonat quod *salvus est*; quæ est observatio Relandi viri doctissimi, juxta quem Sichem & Samaria erant urbes distinctæ.

In ipsa terra Israel, in eo tractu qui Decapolis dicebatur à decem civitatibus, erant urbes decem Græcæ, quæ Judæorum legibus non utebantur; *Græcæ nunci instituti* urbes, ut eas vocat Josephus: Plinius numerat inter Decapoleos urbes Damascum, Opaton, Philadelphiam, Raphaniam, Scytopolim, Gadaram & Hippon. Josephus scribit Gazam, Gadaram, Hippon avulsas à regno Judæorum, Syriæ à Cæsare adjectas fuisse. Capharnaum, Corozain, Bethsaidam, & Cæsaream Philippi inter Decapoleos urbes vulgò Geographi numerant, sed malè. Constat plerasque ex civitatibus Decapoleos fuisse in Galilæa circa mare Tiberiadis, & Jordanem; qua de causa dicit Josephus Galilæos cinctos fuisse gentibus alienigenis. Hæc est, ut puto, Galilæa quæ apud Isaiam in Evangelio appellatur *Galilæa gentium*: Idem Josephus refert in Scytopoli, in Hippo civitatibus Decapoleos à Græcis interfectos Judæos qui cum eis habitabant. In primo Machabæorum (Cap. 5. v. 15.) Galilæi Judæi querebantur repletam Galilæam alienigenis, à quibus consumerentur. In tabula, lector, nomen legis *Decapoleos*, ubi constat fuisse plerasque urbes quas Decapolis complectebatur.

Ab urbe Gadara, quam Strabo facit Metropolim *Perææ*, agri vicini dicti sunt Gadareni. Juxta Gadaram erat urbs vicina nomine Gergesa, cujus mentionem facit Josephus, undè Gergesæi populi. Cùm

Gadara



Gadara & Gergesa essent vicinę, non mirum si regio quę à Marco & Luca dicitur *Gadarenorum*, appelletur à Matthæo *ὑπερσολυμῶν*, *Gerasenorum*. Nec mirum est, si harum civitatum Gręci incolę alerent porcos, quod Judęis non licitum erat. Ex Marco ille dæmoniacus, qui liberatus est ab immundis spiritibus, quos Christus immisit in illos porcos, *capit predicare in Decapoli quanta sibi fecisset Jesus*. Ita Gergesa & Gadara erant urbes Decapoleos; nam Matthęus & Lucas dicunt eum qui sanus factus est, predicasse per universam civitatem, quę non alia esse potest quàm Gadara, aut Gergesa.

Ab his urbibus, sive à Gadara, sive à Gergesa nomen suum non acceperat proximus lacus, quem Hebręi *mare* nominant. Dictus fuerat *Genesareth* à proxima urbe Cenereth, quę in libro Josue statuitur in tribu Nephtalim. Septuaginta interpretes eam appellant *καρσάβ*, & indè mare proximum nominatur *Cenereth* in Numeris (*Cap. 34. v. 11.*) & in lib. Josue (*Cap. 12. v. 3.*) in quibus locis nullus est dubitandi locus, quin sermo fiat de lacu *Genesareth*, cui ab urbe *Cenereth* nomen factum, sicut & vicinę regioni, nempe Genesareticę; quam debemus distinguere à Gerasenorum, & Gadarenorum regionibus. Hanc Genesareticam regionem irrigatam scribit Josephus à fonte qui *Carpenaum* dicebatur. Verisimile est fontem urbi Capernaum nomen dedisse. Mare Genesareth pariter & dictum est *Tiberiadis* à proxima urbe *Tiberiade*. Putant aliqui hanc olim dictam *Cenereth*, sed sine causa; etenim *Tiberiadem* scribit Josephus de novo conditam fuisse ab Herode in loco, ubi antea nulla urbs. *Herodes Tetrarcha receptus in amicitiam Tiberii, de ipsius nomine urbem à se conditam vocavit Tiberiada, electo ad hoc optimo agræ in ora lacus Genesaretici.*

Cœlesyria, sive cava Syria ultra terrę Israel antiquos

quos limites erat. Pars ejus dicebatur *Abilina*, cujus Metropolis *Abila*, quod animadverto, quia adjuncta fuerat *Abylina* Herodis Magni regno; & dum Lucas enumerat principes sub quibus Joannes Baptista prædicare cœpit, hanc regionem non prætermisit.

Herodes magnus sub quo J. C. D. N. natus est, totam terram Israël possidebat, Idumæam, Judæam, Samariam, Peræam, Galilæam, Paneadem, Gaulonitidem, Batanæam, Trachonitidem, Auranitidem & Abilinam. Moriens inter filios suos Archelaum, Herodem Antipam, & Philippum, partitus est regiones illas omnes. Regnum Archelao filio suo largitus est, quod complectebatur Idumæam, Judæam & Samariam, constituit verò Herodem Antipam Galilææ simul & Perææ Tetrarcham.

Nomen illud *τττάρχης* *Tetrarcha*, non quartam partem alicujus principatus denotat, sed quartum in Imperio Romano dignitatis & potestatis gradum; ubi in primo gradu erat Imperator: in secundo Proconsul, sive præses Provinciæ; in tertio Rex; in quarto Tetrarcha. Denique Herodes Philippo filio suo Gaulonitidem, Trachonitidem, Batanæam, & Paneada, Tetrarchiæ nomine assignavit, ut dicit Josephus; sed ex evangelio discimus Ituræam fuisse adjunctam Tetrarchiæ Philippi. Forsan Josephus Paneadis nomine & Ituræam complexus est & Auranitidem, Jamniam, Azotum, & Phasaelida dedit Herodes Salome sorori suæ.

Statim ac Herodes mortuus est, acclamatum est Archelao ut Regi; quod ubi resciverunt Joseph & Maria cum puero Jesu revertentes ex Ægypto *timuerunt* ire in Judæam: Archelaus autem à Cæsare Augusto non rex declaratus fuit, sed tantum *Ethnar-cha*, hoc est, *princeps gentis*. In cæteris confirmatum Herodis testamentum.

Arche-

# ELENCHUS PARTIUM

## URBIS JEROSOLYMÆ,

*Quæ in anea Descriptione TAB. III. subjeſtis  
ſignis notantur.*

### In Sion.

1. Arx Sionis, quæ Civitas David appellatur in Scriptura. Undique mons Sion præruptus erat, & vallibus circumdatus.

2. Piſcina, ſive receptaculum aquarum in monte Sion; ideo piſcina illa dicta ſuperior, quæ in ſuperiori urbe eſſet.

3. Domus fortium.

4. Domus Eliaſib.

5. Domus Azariæ.

6. Regia Salomonis, ſive domus ſaltus Libani, & domus Reginæ.

7. Carcer.

8. Domus Monobazi.

9. Hippodromus; nempe locus, ubi equi exercentur.

10. Domus Annæ.

11. Regia Herodis Agrippæ.

12. Domus Caiphæ.

### In Acra.

1. Arx Antiochi.

2. Regia Helenæ.

3. Theatrum.

4. Regia Herodis.

5. Arx Antonia, quam olim Aſſamonæi conſtruxerunt.

struxerant in custodiam Templi, cui imminabat. Postea Herodes ædificiis auctam & ornatam de nomine Antonii, cui regnum debebat, Antoniam appellavit.

6. Domus Pilati.

7. Curia.

8. Forum piscarium.

### In Bezeta.

I. Piscina probatica.

II. Forum pecuarium.

M. Porta gregis, sive pecuaria.

N. Porta Equorum.

O. Porta Aquarum, qua scribunt Judæi viam compendiosiore fuisse ad Montem Oliveti.


P. Porta Stercoraria, qua emittebantur sordes, & qua ibant ad Calvariæ Montem.

Q. Fons, quo creditur irrigatos hortos regios in valle Cedronis.



mons alter qui Josepho dicitur *Acra*, ubi urbs in-  
G ferior,

*Tab. III*



Archelaus decimo anno sui principatus, missus est Viennam Galliae in exilium; & patrimonio ejus filio adjudicato, Cæsar Judæam, Samariam & Idumæam in provinciæ formam redegit, & Syriæ attribuit. Ab hoc tempore à præsidibus, procuratoribusque Romanorum administratæ sunt regiones illæ. Cum Joannes Baptista prædicare cœpit, tunc Pontius Pilatus Judæam procurabat: concessas verò sibi ditionis paternæ regiones, Herodes Antipas, & Philippus retinebant.

Idumæa regio est quam occupaverant filii Esau, qui & dictus est Edom, in parte meridionali Judææ: quam cum invasissent Idumæi, tempore captivitatis, postea inde ejecti sunt ab Assamonæis, nisi circumcisionem admitterent. Inde videre est apud Marcum (cap. 3.) multos ab Idumæa Christum secutos. Prætermitto silentio urbes de quibus nil habeo dicendum. Præcipuarum situm indicat tabula quam delineamus terræ Israel. Hæc tabula quasdam urbes aliter quàm solet dispositas exhibet. Novæ dispositionis rationem reddimus in commentariis in Harmoniam evangelicam. Verùm nostra refert præ cæteris locis & urbibus considerare urbem sanctam Jerusalem, situm ejus, & suburbia. Creditur illa fuisse antiquitus *Salem*, cujus rex Melchisedech. Græcè dicta est *σόλυμα Soly-ma*, postea obtinuit ut diceretur *Jerosolyma*, & *Civitas sancta*, maximè ex quo Templum Dei in ea ædificatum est. *Chadisa* Hebraicè sonat *sanctum*, idcirco etiam *Κάδυσ* dicta est à Græcis prophanis. Cujus tribus fuerit quæritur? Linea tribuum Judæ & Benjamin incidebat in Jerusalem, unde & partem templi Tribui Benjamin Judæi attribuunt.

Urbs sancta Jerusalem (*Tab. III.*) fundata erat in quatuor montibus. Ad meridiem erat mons *Sion*, ubi superior urbs, sive civitas David. Ad occalum mons alter qui Josepho dicitur *Acra*, ubi urbs inferior,

*Apparatus Biblicus.*

ferior, dicta *Salem*. Tertius mons erat *Moria*, ubi olim Abraham paratus fuerat filium in sacrificium offerre Deo. In eodem monte vidit David Angelum Dei savientem in populos, & cum ibi obtulisset sacrificium, monente Propheta Gad, agnovit Deum placatum. Quia propter in hoc monte Salomon filius ejus Templum ædificavit; ut in loco quem Deus elegisset inhabitandum. Quartus mons urbis appellabatur *Bezeta* & *Canopolis*, sive *nova urbs*, qui mons urbi additus est, multitudine incolarum ejus crescente. *Bezeta* derivant à *Beth hatzon*, hoc est *domus* sive *locus gregis*, quia ibi erat forum pecuarium. Juxta hoc forum erat piseina illa quæ in evangelio Joannis in fonte Græco ad *probatiam* sita dicitur, nempe vel ad forum pecuarium, vel ad portam gregis, ut vox Græca indicat *πρόβατοι οvis*.

Mons *Moria*, qua spectabat ad Orientem, separabatur à monte Olivæ profunda valle, quam præterfluebat torrens Cedron, in quem per canales omnis sanguis victimarum quæ mactabantur in Templo effluebat. Idcirco cum torrens ille ater videretur, & dictus est *Kedar*, quæ vox Hebræis significat *atrum*. Non ergo à Cedris quæ in ejus ripis plantarentur, nuncupabatur.

In vertice montis Olivarum erat *Bethania* quindecim stadiis ab urbe. Vicus ille à dactylis palmarum, quibus ferax erat, nomen habuit. Ibi hospitabatur Dominus apud Martham & Mariam. Vicus *Betphage*, quod nomen interpretari possumus *vicum grossorum* sive *ficuum non maturarum*, proximior erat ubi. Inter *Betphage* & urbem occurrebat hortus *Gethsemani* à Domino frequentatus. Ad occidentem urbis erat mons *Ghion*, & collis qui dicitur *Jeremiæ Goatha*, Evangelistis *Gulgotha*, hoc est *Calvariæ locus*. Uterque collis eo tempore ab urbe separabatur profunda valle, quæ Cadaverum dicebatur.

Mons



Mons *Golgotha* nomen accepisse dicitur à Calvariis eorum, qui ibi extremo supplicio afficiebantur. Plurimis Patribus placet sic dictum à Calvaria Adami, qui ibi sepultus fuerat. In hoc certè monte revolutum est, id est, ablatum opprobrium ab Israel, & indè nomen per vaticinium accipere potuit: *Galgala*, sive *Golgol* significat *revolutionem*, ut diximus supra; Vox autem *Golgol* sive *Galgala* non multum differt à Syriaca, *Golgotha*; Ex monte *Ghion* scaturiebant multæ aquæ. Josephus ad hanc urbis plagam statuit fontem *Siloe*, quem ideo non decet distinguere à fontibus dicti montis. Verisimile est aquas *Siloe* deductas fuisse in urbem, in diversas piscinas. Una ex illis dicitur in Evangelio natatoria *Siloe*, ad quam misit Dominus cæcum, ut aquis ejus ablueret oculos suos.

Inter meridiem & orientem urbis vallis erat, in quam influebat Cedron; quæ vallis dicebatur *Gehennon*; id est, *vallis Hennon*; infamis ob vivicomburia puerorum; quos olim idololatræ sacrificabant idolo Moloc; undè factum ut locus durorum cruciatuum & comburii dicatur in Evangelio *Gehenna*.

Quoniam tribus in anno vicibus Judæi tenerentur ex omnibus locis confluere Jerosolymam, patebant ejus ædes, & lecti sternebantur omnibus; qui primi vacuas hospitibus occupassent; in ea enim urbe, ut nos Judæi docent, non conducebantur ædes: Civitas erat communis Judæis omnibus.

Orientem, occidentem, & reliquas orbis plagas, seu climata assignat Scriptura comparatione urbis Jerusalem, vel Terræ sanctæ. Scilicet scriptores sacri Judæi ipsi scripsere Judæis. Daniel (Cap. II.) prædicit reges austri; id est Ægypti, consilicturos cum regibus aquilonis, id est, Syriæ, putà Ptolemæos cum Antiochis. Ægyptus erat ad austrum Ju-

*Apparatus Biblicus.*

*dxæ*. Assyrii & Chaldæi vocantur aquilonares, nempe respectu Judææ. Occidens sæpè in Scriptura vocatur *mare*, eò quòd Mare mediterraneum, quod Palæstinam attingit, sit majori ex parte ad occidentem Judææ; etenim & eidem est ad austrum, quare subinde *mare* significat australem plagam, ut illo loco Psal. 106. vers. 3. *A solis ortu & occasu, ab aquilone & mari*, id est *ab austro*. Subinde meridies vocatur *dextra*; septentrio *sinistra*; eò quòd convertenti faciem ad orientem talis sit partium illarum situs.

Nec extra rem est dicere tecta ædium fere plana fuisse; ita ut in illis deambuletur; quare non mirum est si dixerit Dominus evangelium suum in tectis, id est, palam esse prædicandum; & in iis ambulare, apricari, diversari, epulari, dormire, aliaque id genus facere liceret. Tecta autem circumdata erant peribolo sive lorica, ex lege Deuteronomii (*Cap. 22. vers. 8.*) ne quis incautus ex illis delaberetur. In festo Tabernaculorum, quisque in domo suo, id est, in tecto domus parabat sibi & domesticis tabernaculum ex arboribus. In Actis (*Cap. 10. v. 5.*) *Ascendit Petrus in superiora ἐπὶ τὴν δώμα*, id est, super tectum, ut oraret circa horam nonam. Scalæ autem quibus in tecta ascende-batur plerumque extra ipsas ædes erant; ita ut ex tectis qui descenderet, non intraret in ædes. Hæc observatio lucem affert huic loco Matthæi (*Cap. 24. vers. 17.*) *Et qui in tecto, non descendat tollere aliquid de domo sua*. Videlicet statim fugiat, nec intret in domum suam.

Denique, Lector mentem adverte ad vestigium ædificii quod cernis in angulo tabulæ, quæ tibi urbem subjicit. Ex eo intellige ædificia procerum, qualia Caiphæ, fuisse similia Monachorum hodiernis claustris. Spatiosum vestibulum A. excipiebat in-

tro-

troeuntes: Deinde atrium B. sive aula, nempe locus dialis occurrebat, circa quod erat peristylum. Nisi supposita hac ædium veterum dispositione, vix conciperes quæ de historia Petri negantis Dominum habent Evangelia. Ille admissus in vestibulum A. domus Caiphæ penetravit in atrium B; ubi ignis accensus erat, ad quem se calefaciebant milites, Agnitus ab aliquo in luce ignis regressus est in vestibulum A. ubi Jesum stiterant Sacerdotes, qui idè Petrum respicere potuit, & eum audivit ejurantem se de numero discipulorum ejus non esse; tunc & eum alia ancilla agnovit. Nulli mirum videatur nos tandiu Hierosolymis immorari, cùm in ea completum sit opus, cujus causa scribimus.

113 3 71

1149 C A P U T IV.

*De locis sacris: Primum de Tabernaculo quod in deserto in medio castrorum Moyses erexit juxta exemplar quod ei in monte Sinai monstratum est. De Templo Hierosolymitano, tum & de Synagogis, quibus Judei vacabant precibus & lectioni Scripturarum.*

**M**undus Dei opus, ubique dignus est in quo homines edant indicia sui erga illum obsequii. Antequam Deus in populum collegisset posteros Abraham, nullus certus locus addictus erat cultui divino. Eligebantur tantummodo loca magis conspicua, vel quia excelsiora, vel ob insignis arboris viciniam. In codicibus, sub arboribus frondosis, ite faciendo, pro occasione olim viri pii sacra faciebant, quod postea etiam Deus fieri permisit, ut Gedeoni. Atamen Reges commendantur, qui excelsa abstulerunt, hoc est, non siverunt ut passim altaria extruerentur in locis excelsis, & extructa everterunt,

C 3 post

postquam Deus prohibuit ne extra locum electum quis sacrificia offerret. Deus voluit conjungere Israelitas Religionis vinculo, definiens unum locum in quo omnes convenirent, ut ostenderet illam unionem charitatis, quam resciderat peccatum, aliquando in nova lege resarciendam, Christianorum enim, si non nomine tenus Christiani sunt, unum cor est & anima una, Præterea providebat Deus ut typis impletis, cum jam inutilis foret omnis ille veteris Legis apparatus, citò lex ipsa posset dissolvi; cum enim sacrificia Judæorum alibi quam in Templo fieri non possent, ubi illud eversum est, continuò religio eorum concidit.

Donec quietas sedes daret Judæis Deus, & eligeret locum in quo ei stabile Templum poneretur, Tentorium constari præcepit, quod esset veluti Templum portatile, aptis partibus constans, ut in eo sacra omnia fierent; quod & citò dissolvi aut compingi posset, prout sedes mutanda aut figenda erat, tum & sine multo labore portari. Idèd compositum est variis asseribus, quorum singulorum pondus non esset nimis onerosum; velis, pellibusque, quæ illicò consuerentur vel dissuerentur, nec oneri essent. In medio castrorum erectum est illud Tabernaculum, circa quod primùm Levitæ castra metabantur; & circa illa duodecim Tribus, Castra tum Levitarum, tum cæterarum Tribuum quadrata erant. Sic dispositæ Tribus, ut Juda, Issachar, & Zabulon orientem respicerent: Ruben, Simeon, & Gad austrum: Ephraim, Manasse, & Benjamin occidentem: Dan, Aser, & Nephtali boream. Quæque ternæ illæ Tribus constituiebant propria castra: ita quatuor castra distinguebantur, quibus ternariis præerant quatuor Tribus, videlicet Juda, Ruben, Ephraim & Dan; habentes proprium vexillum, cui, ut tradunt Hebræi,



Tab

G 4

Tab



nde labrum

rai,

bræi, impressum erat signum peculiare. In vexillo Ruben erat Imago hominis; in vexillo Judæ leo; in vexillo Ephraim bos; in vexillo Dan aquila. Deus ergo residens in Tabernaculo, quasi Imperator circumdatus exercitu suo, incurrere voluit in mentes hominum sub hac forma; idè in visionibus, siue apparitionibus ejus, exhibentur dicta quatuor animalia, ut videre est apud Scriptores sacros (*Ezech. i. Apoc. 4. 7.*) Innebatur hæc vexilla siue hæc quatuor castra Psaltes cum canebat (*Psal. 89.*) *Qui sedes super Cherubim, manifestare; coram Ephraim, Benjamin & Manasse, excita potentiam & veni ut saluos facias nos.* Quasi petat à Deo, ut ipse præeat quatuor castris Israel: unum ex illis nominat.

Sic delineandum curavimus Tabernaculum (*Tab. IV.*) ut totum in prima parte tabulæ exhiberetur, suis opertum integumentis; in alia verò, tum Tabernaculi propriè dicti vestigium, tum Tabulæ quibus compingebatur sine ullo velamine, columnæ quibus appendebantur vela, tum supellectilia ejus repræsentarentur. Tabernaculum erat in medio atrii, siue loci subdialis, circa quod tendebantur tapetia ocellata. Atrium illud longum erat centum cubitis, latum quinquaginta. In introitu ejus oppandebatur velum cæteris velis atrii pretiosius. In hoc introitu congregabantur cæterus Israel. Prima pars atrii, quæ introitui proximior, patebat singulis Israelitis, dum offerrent victimas, & his imponerent manus. Pars cætera solis Sacerdotibus cedebat. Ibi videre est altare æneum, quod superimponitur crepidini lapideæ, ita ut colle ad altare ascenderent ministri ad alendum in eo ignem & focos struendos, quibus holocausta consumebantur. Ultrà altare occurrit vas æneum capax, dictum idè *mare æneum*; cujus aqua Sacerdotes pedes & manus abluebant sacra facturi, aut ingressuri in Tabernaculum.

Tabernaculum ipsum operiebatur quatuor integumentis. Duo interiora leviora erant, seu subtenuiora; tertium & quartum ex pellibus, quæ defendebant ab imbribus interiora Tabernaculi. Ut hæc quatuor integumenta pictor distingueret, ea adduxit sive advolvit, & appositis numeris notavit. Longum erat Tabernaculum triginta cubitis, latum decem. Partes duas habebat. Quæ magis intima ei erat, lata & longa decem cubitis, dicebatur *Sanctum sanctorum*. Altera pars appellabatur *Sanctum*. Utraque distinguebatur velo. Ante primam partem pariter oppansum erat velum. Sed hæc clariùs concipientur ex sequentibus formis. Litera Z notat formam totius compagis Tabernaculi, nempe tabularum suarum & columnarum. Cernere est seorsim illas tabulas, cum manibus suis *m.m.* quibus una ad alteram adjungebatur, & annulis *n.n.* per quos inferebantur vectes, quibus totum opus colligabatur. *p.p.* sunt bases quæ tabulis subjicebantur, ut erectæ starent.

X. Ichnographia est sive vestigium prædictæ compagis, nempe totius Tabernaculi, tabularum, basium, columnarum ejus. Indicatur & locus paxillorum, quibus illigabantur funiculi confirmantes Tabernaculum adversus vim ventorum. In Sancto Sanctorum A. locus est Arcae fæderis. Arcam autem separatim descriptam vides, cum operculo suo, quod dicitur Hebraicè, *caphoret*, à verbo *caphar*, quod significat *operire & expiare*, undè & illud operculum dictum est *Propitiatorium*. Formam ejus adverte. Supra propitiatorium erant Cherubini, quorum forma ignota est. Sunt qui nomen illud per metathesim factum putant à *Recab*, quod Hebræis sonat idem ac *vehiculum*, quod Arca Dei esset veluti vehiculum Dei: unde dicitur in Scripturis Deus *equitare & sedere super Cherubim*. Ut pictor distingueret Propitiatorium sive operculum ab Arca, exhibuit illud quasi manu

Che-



Cherubinoꝝ elevatum. In Arca autem duæ erant tabulæ lapideæ, in quibus Lex scripta fuit digito Dei. Juxta illam virga Aaronis appositæ erat, & urna in qua Manna.

Pars reliqua Tabernaculi dicebatur *Sanctum*, ubi erant G. Candelabrum septem lucernas habens, quod & seorsum delineatum vides. B. Altare aureum sive thimiamatis, quia in eo incendebantur thimiamata, sive odores. D. Mensa panum, quos Hebræi vocant *panes facierum*, quod cum essent quadrati, haberent diversas facies; sive quia erant ante faciem Arcæ, undè à Græco & Latino interpretibus appellantur *panes propositionis*, quia nempe proponerentur ante Deum. In mensa illa quam subjecimus oculis tuis, considera, lector, juxta traditionem Hebræorum inter panes propositionis dispositos calamos aureos fissos. K. repræsentat unum ex illis calamis. Usus eorum erat, ut ventus perflaret inter dictos panes, ne mucescerent. Observandum est mensam horum panum fuisse ad latus septentrionale, & candelabrum ad meridionale.

Singulis diebus Sacerdotes hanc partem Tabernaculi ingrediebantur ad lucernas candelabri componendas, ad adolendum, & ad removendos dictos panes singulis Sabbatis, cum novos inferrent. In Sanctum Sanctorum solus summus Pontifex, & hoc semel in anno, in die festo Expiationis intrabat.

Quoties movebantur castra, cuique Levitæ assignatum erat, quas partes Tabernaculi portaret. Alii tabulas cedrinæ auro inductas, quibus compingebatur Tabernaculum; alii bases argenteas, quibus sustinebantur tabulæ; alii vestes, quibus cum & per incastraturas illæ cohærebant; transibant enim vestes per anulos aureos qui his tabulis inhærebant, ut notatum est. Alii diversa vela, quibus Tabernaculum tum operiebatur, tum defendebatur adversus imbres, & atrium præcin-

præcingebatur. Alii denique columnas quibus appendebantur vela; alii denique paxillos, funes, quibus adversus vim ventorum columnæ illæ & tabulæ firmabantur. Hæc per se satis clara sunt in Exodo.

Jam animadvertimus Deum non tantum generali providentia, sed & speciali imperio Israelitas rexisse. Hos soli suo dominio subjacere volebat; usus quidem Moyse per quem suas leges ediceret: inter quas illa præcipua fuit, ut sibi, tanquam summo Regi, Tabernaculum illud, de quo sermonem facimus, instrueretur, quod nimirum instar esset palatii sive regii habitaculi. *Faciuntque mihi*, ait Deus Moysen alloquens (Exod. cap. 25.) *Sanctuarium, & habitabo in medio eorum, juxta omnem similitudinem Tabernaculi quod ostendam tibi & omnium vasorum incultum ejus.* Hoc est, ut interpretantur Judæi, facient mihi Israelitæ domum & vasa quasi sanctuarii Regis, domusque regis, & ego in medio eorum habitabo, in domo nempe folioque gloriæ, quod mihi facient. Voluit Deus & haberi Imperator, sive bellator fortis, ut nominis sui terrore impleret animos. Ideo mediis in castris Tabernaculum erectum est, circa quod, ut in exercitu sit, Israelitæ tenderent juxta cognationes suas & vexilla. Ita cum Tabernaculo conjuncta castra decet cogitare. Quin verisimile est, quoniam secundum exemplar, quod viderat in monte, jussus sit Moyses erigere Tabernaculum. Verisimile, inquam, est Deum apparuisse residentem in Tabernaculo cum exercitu quo illud circumdabatur. Certum est nullam digniorem divinæ majestatis cogitationem olim animo occurrisse, quam Dei in Tabernaculo habitantis, in medio castrorum, Sub hac imagine non semel se conspicuum præbuit Deus Prophetis, ad quorum visiones intelligendas interest cognoscere quæ fuerit dispositio castrorum Israelis.

Jam diximus castra Israel fuisse in quatuor partes distri-

# E L E N C H U S

## PARTIUM TEMPLI,

*Quæ in aenea Iconæ TAB. V. subjeclis signis  
indicantur.*

- a. a. Sanctum Sanctorum.
- b. Arca fœderis.
- c. Altare Thymiæmatis.
- d. Mensa Panum Propositionis.
- e. Candelabrum aureum.
- f. Sanctum.
- g. Vestibulum.
- h. h. Conclave cultorum.
- i. Collis altaris.
- l. Musach Sabbati, sive sedes Regis.
- m. m. Duæ columnæ æneæ dictæ Jachim  
& Boos.
- n. Vestiarium.
- o. Crustularii.
- p. p. Conclave Cantorum.
- q. Synedrium Magnum.
- r. Conclave lavantium holocausta.
- s. Conclave putei.
- t. Conclave salis.
- u. Conclave Panum Propositionis.
- x. Conclave lapidum Altaris.
- y. Conclave Agnorum.
- z. Conclave Balnei.

- a. a. Conclave Parhedrorum;
- bb. bb. bb. bb. Locus ollarum.
- cc. cc. cc. Exedra.
- dd. dd. dd. Gazophylacia.

cc. Lecti


- ee. Lecti Sacerdotum;
- ff. Conclave Libaminum;
- gg. Conclave Lignorum.
- hh. Conclave Nazaræorum,
- ii. Conclave Leprosorum.
- ll. Synedrium minus.
- mm. Area ad excipiendas elemosynas,
- nn. Cellæ Janitorum,
- oo. Portæ,
- pp. Synedrium minimum.
- qq. qq. Margo ante Cellas Janitorum,
- rr. rr. Vestigium Columnarum quæ inscribebantur litteris Hebraicis & Græcis prohibentibus, ne quis Gentilis vel immundus ultra progresseretur.



lo præsentem testabatur. Nubes interdiu operiebat  
umbra

TAB. V.

*Ichmographia Siue Vestigiorum  
tanea descriptionibus Iudistarum*



distributa, sive quatuor minora castra, quibus prae-  
fuerint quatuor primariae Tribus, nempe Juda, Ru-  
ben, Ephraim, & Dan. Cuique ex illis quatuor  
Tribubus, tres aliae Tribus parebant. Quatuor dictae  
principes Tribus occupabant laterum castrorum prae-  
cipuas sedes; omnes autem propria signa habebant,  
ut diximus, Juda leonem, Ruben humanam faciem,  
Ephraim bovem, & Dan aquilam cum serpente.  
Haec animalia ceteris praestant, leo inter feras, bos  
inter jumenta, aquila inter aves, homo verò super  
omnia. Cum ergo Arca Dei esset veluti quadriga,  
sive currus Dei, apposita sunt ei Cherubin, quibus  
veluti traheretur. Illa autem referebant faciem qua-  
tuor dictorum animalium: nimirum qui illa cerne-  
ret, ut Ezechieli contigit, sibi videbatur videre si-  
mul leonem, bovem, aquilam, & hominem. Ita  
Cherubin videntur symbola fuisse, quae exhiberent  
quatuor signa quae inerant vexillis quatuor prae-  
cipua-  
rum tribuum, ita ut Arca cum Cherubinis fuerit ve-  
luti thronus Dei, in quo, quoties visus fuit Prophe-  
tis, apparuit sedens. Deus qui spiritus est, cum vix  
aliter cogitari posset ab hominibus carnalibus, inge-  
rebat se animis & oculis sub conspicua forma, qua  
nulla est Deo dignior, quam potentis bellatoris. Mos  
erat antiquitus ut è curru bellatores pugnarent; ut  
videre est in Homero. Bellator ille egregius est, qui  
virtutibus pollet, prudentia, robore, sagacitate, in-  
dustria; quem nulla res lateat; omnia pervideat;  
quocumque feratur incredibili celeritate; qui ubique  
praesens sit; cui nulla vis valeat obistere. Hisce o-  
mnibus virtutibus ornatum Deum exhibent Scriptu-  
rae, dum enarrant ejus apparitiones. Ad id idonea  
quatuor animalia ex quibus constabant Cherubin, &  
harum virtutum erant symbola.

Conspicuis autem miraculis Deus se in Tabernacu-  
lo praesentem testabatur. Nubes interdum operiebat  
umbra

umbra sua Tabernaculum, noctu verò instat columnæ ignis collucebat. Deus respondebat summo Pontifici dum consulebatur. Vox ejus audiebatur ex Sancto, quasi egrediens ex Arca. In Altari æneo, quod sub dio positum erat, ignis de cælo delapsus absumebat membra holocaustorum sive victimarum quæ huic superponebantur.

Ubi contigit Israelitis summa pace frui sub regno florenti Davidis, tum de Templo stativo (*Tab. V.*) cogitandum fuit. David in hoc-ce opus seriò animum convertebat; sed ei tantùm concessit Deus, ut apparatus construeret, delinearet formam, & materiam pararet. Salomon filius ejus Templum inchoavit miris impensis, & septem annorum spatio ædificavit in monte Moria. Tunc ergo Arca Dei, quæ hactenus fuerat in Tabernaculo, quod diu in Silo substitit, deducta est Jerosolymam in Templum; quod dedicatum est cum celebri pompa. Hac-ce Deus manifesta signa edidit præsentia suæ, significans quod verè illum locum elegisset, in quo coleretur. Nube impletum est Templum; quo signo priùs collustratum fuerat Tabernaculum.

Salomon in ædificio Templi conatus est, quantum potuit, exprimere Tabernaculum, efformans ex lapidibus quod primum ex pellibus erat. Conjice, studiosè lector, oculos in vestigium hujus ædificii: simul animo cogita totam orthographiam ejus, hoc est, ipsa ædificia super hoc-ce vestigio extructa. Cùm mons Moria, ubi ædificatum Templum, non haberet in vertice suo aream satis patentem, erigendi fuerunt aggeres, ut sufficeret his omnibus capiendis ædificiis & attriis quæ necessaria erant. Vertex Moriaë tercentum & ampliùs cubitis superabat subjectas valles; quapropter pluribus gradibus ad solum Templi perveniendum erat. Mira erat horum graduum dispositio, mira structura, *ἐκδοσὴν*, ut loquuntur Evangelistæ:



gelistæ; admirabilis prospectus totius ædificii, quod positum supra montem extabat. In suis quatuor lateribus circumdabatur altis porticibus.

Igitur amovenda est animo opinio simile fuisse Templum Hierosolymitanum templis nostris. Hæc una constant æde; illud, ut dixi, multa ædificia & atria habebat, quæ capere possent infinitam hominum multitudinem. Verùm pars illa quæ repræsentabat Tabernaculum, in quo Arca, altare aureum, candelabrum, mensa panum propositionis, parva erat, comparata majoribus nostris ecclesiis; non enim parebat ultra sexaginta cubitos; quæ magnitudo sufficiebat; soli enim Sacerdotes intra illam admittebantur. Sanctum Sanctorum, quod *oraculum* id est, *loquutorium* dictum est, quia inde Deus alloqueretur summum Pontificem à quo consulebatur, habebat viginti cubitos in longitudine, viginti in latitudine. Velo pars utraque separabatur. Arca, candelabrum, Altare æneum, Mensa Panum propositionis in hoc Templo disponebantur, ut in Tabernaculo. Ante hujusce Templi fores expandebatur velum. In introitu erat porticus, in qua duæ columnæ æneæ, una dicta *Jachim*, altera *Booz*. Symbola erant & indicabant quòd Deus Templum illud statueret & confirmaret; ut liquet ex interpretatione harum vocum, quæ Hebraicæ sunt.

Circa ædem sacram erat atrium quod repræsentabat locum illum subdialem quo circumdabatur Tabernaculum. Multiplex est illud atrium, sive multa atria, quæ propriis septis distinguebantur. Primum atrium & majus patebat omnibus Judæis & gentilibus. Ideo *Gentium* dicebatur, longas habens porticus; in quibus spatium licebat; sed nulla in eo domicilia, in quibus pernoctaretur. Primum illud & exterius septum complectebatur secundum, quod Israelitas solos admittebat. Septum illud secundum circumdaba-

tur

tur ædificiis, in quibus noctu diuque versari, quin & vesci, munia religionis obire, precari, legere, orare, Legi studere licebat Israelitis, modo tamen mundi essent; nefas erat ulla immunditie pollutum vel limina hujus atrii attingere. Latera ejus quingentorum cubitorum erant. In medio hujus septi tertium erat, quod *Sacerdotum* dicebatur; complectens eorum domicilia, loca ubi commorabantur; comedeant, dormiebant. Distinguebatur in duas partes; intimior continebat *Ædem* factam; & cingebatur ædificiis, quæ, prout surgebant, contrahebantur. Hæc fusiùs explicare non est hujus loci nec temporis. Altera pars habebat atrium centum cubitorum & in ejus medietullo altare holocaustorum, in quo sacrificia fiebant.

Ne simile quis credat altaribus nostris, protinùs dicam latum viginti eubitis Hebræis; altum verò decem. In eo aut supra illud non mactabantur victimæ; sed consumebantur; postquam sanguis earum effusus fuerat ad ejus crepidinem, nempe in fossa qua circumdabatur, & sanguis quo respergebatur; exceptus disfluebat per subterraneos canales in torrentem Cedronis. Altari, prout surgebat; diversæ erant crepidines veluti gradus. Quadratum erat; & cùm altum esset, quia ad illud gradibus ascendere non licebat Sacerdotibus, appositus collis erat quo ibant ad summam aream ejus. Ibi multi foculi super quos struebant membra victimarum. Ignem ibi perpetuum subiectis lignis alebant.

Mare æneum quod in Templo majus quàm in Tabernaculo Salomon conflavit, bissenî ænei boves sustinebant, positum pariter inter vestibulum Templi & Altare ad meridiem. Atrium illud, in quo vas illud, & altare quod & holocaustorum appellabatur, proprium erat Sacerdotum qui sacra facerent. Si quis ex populo offerret, poterat ejus prima limina subire. Thro-

re. Thronus Regis erat in eodem atrio, ad dexteram ingredientium per portam orientalem.

Tum Sacerdotum, tum Israelitarum atria cingebantur porticibus, gazophylaciis, variis conclavibus, & ædificiis; necessariæ enim erant cellæ ad reponendum sal, quo aspergebantur membra victimarum, oleum quod infundebatur lucernis candelabri, vinum quod effundebatur cum sacrificiis; tum ad servandas vestes Sacerdotum & phylas, paterasque, quarum usus erat ad excipiendum sanguinem. Insuper paranda erant conclavia Sacerdotibus, qui toto tempore quo obirent Sacerdotalia munera, à sabbato ad sabbatum, Templo non discedebant. Loca ergo illis destinata ad vescendum, ad cubandum. Quin plerisque ex piis Israelitis utriusque sexus licitum erat dies noctesque commorari in Templo, Deo servientes, ut Evangelium (*Luc. 2.*) astruit de Anna. Ergo Gynæcæa erant, sive loca propria mulieribus. Adde sacros conventus agi etiam solitos in Templo. Summus judicum confessus in eo erat, quorum amplam sedem esse oportuit.

In singulis portis atriorum erant vestibula. In vestibulo portæ orientalis atrii Sacerdotum puto collocatum fuisse Gazophylacium, sive dispositas arcas eleemosynarias. Locus ille exornatus fuerat donariis Principum, idè conspicuus. Respondebat faciei Ædis sacræ. Huc veniebant Israelitæ adoraturi, idè JESUS CHRISTUS ibi quandoque sermonem habebat ad populum frequentem. Ibi, ut opinor, advertit mulierem quæ eleemosyniam detulerat ad arcas eleemosynarias. Patebat atrium Sacerdotum tribus portis, una ad orientem & duabus aliis, quarum hæc ad septentrionem, illa ad meridiem.

Atrium Israelitarum ad orientalem plagam unica porta patebat. Hæc dicebatur *Speciosa*; quam non aliam puto ab ea quæ à Josepho appellatur *Corinthia*, nempe quia

pè quia ex ære Corinthiaco conflata, quod genus æris suo splendore non multum inferius erat auro. In lateribus autem septentrionali & meridionali, in unoquoque tres portæ erant. In latere occiduo nulla porta erat; & ex hac parte conspicuum posticum Templi; cui ne obverterent terga Israelitæ dum egrediebantur Templo, ideo nulla aperta porta in illo latere occidentali.

Israelitarum atrium quadratum erat, habens in quatuor angulis atriola sive minora atria culinis circumdata, quæ serviebant usibus piorum Israelitarum ad coquenda eorum sacrificia; nempe eas partes victimarum, quæ ab offerentibus comedendæ erant *in loco sancto*, ut lex præcipit, nimirum in atriis, vel in conclavibus quæ atria cingebant. Præterea plerique erant, ut modo dixi, viri pii, mulieresque religiosæ, quæ non discedebant de Templo; quibus idcirco clinæ necessariae. Adductus sum ut crederem, postquam J.C. D.N. repetiit cælum, discipulos ejus unà cum Maria matre in coenaculum nempe in superius aliquod Templi ædificium secessisse, & ibi usque ad diem Pentecostes commoratos, oratione, jejunio se præparasse ad illapsum Spiritus Sancti; qui cum contigit, facta voce magna, excitati quotquot erant in Templo convenerunt, & mirati sunt Apostolos diversis linguis loquentes. Sicuti in angulis atrii Israelitarum erant culinæ ad usum eorum; ita in latere occidentali atrii Sacerdotum, in utroque angulo destinatae erant culinæ usui Sacerdotum.

Inter porticus atrii Gentium, una erat quæ Salomonis dicebatur; quæ cum orientalis esset, boreali vento non patebat. In eam hieme, ut verisimile est, frequentius se recipiebat populus; idcirco videmus in Evangelio Jesum ibi in porticu fermocinantem.

Ante extimum ambitum atrii Israelis, intervallo decem cubitorum, advertenda est lorica, sive lapideus




racinus

H

plum

Orthoedificioru  
onum



decem cubitorum, aduertenda est terra, live lapi-  
deus

deus cancellus, ultra quem Gentibus non licebat penetrare. In ista lorica erant erectæ columnæ, inscriptæ Græcis & Hebraicis vocibus quæ interdicebant Gentilibus & omnibus qui casti non erant, ultra prorumpere. Adstabat, ut videretur, publicanus Evangelii juxta hos cancellos, quos non audebat prætergredi; & ideo longè stans despiciebatur à Phariseo superbo, qui ex atrio Israelis ostio poterat eum advertere.

In orthographia adverte, lector, tum ædificia Templi, tum substructiones ejus, quas tum Josephus tum ipsi Evangelistæ appellant *τὰς οἰκοδομὰς* Latinus interpretes *adificationes & structuras*. Vertex montis Moriz augendus fuerat, ut diximus, substructionibus, sive aggeribus aggestis. Horum mœnia ad quadringentos cubitos teste Josepho surgebant. Ergo innumeris gradibus perveniendum ad solum Templi, sive ad illam aream in qua ædificatum erat. Substructiones illas ingentibus saxis ædificatas ostendebant Domino Apostoli, cùm Templo egredientes dicebant (*Marc. cap. 13. v. 1.*) *Magister aspice quales lapides & quales structurae*.

Templo Salomonis everso à Babyloniis, Zorobabel post reditum è captivitate Babylonica, aliud Templum in eodem loco, nempe in monte Moriz, sed non pari magnificentia ac Salomonicum ædificavit. Hocce secundum Templum cùm annis labentibus ex parte dirutum esset, instauravit magnus Herodes, quod à Romanis postea eversum est, non ampliùs restaurandum. Judæi nomine secundi Templi intelligunt tum quod instauravit Zorobabel, tum quod restauravit Herodes. Salomonicum habuit quinque ornamenta sive miracula quibus secundum caruit, primum fuit *Urim & Thummin*, scilicet Ephod, partem vestis Sacerdotalis, quatenus eo indutus Summus Sacerdos illustrabatur luce & occulta cognoscebat. Secundum miraculum fuit donum prophetiæ, quod dum stetit Tem-

H

plum

plum Salomonis; frequens erat. Arca fœderis habetur pro tertio miraculo. Quartum fuit ipsa præsentia Dei inter Cherubinos; quam ipse manifestam faciebat, respondens voce clara his à quibus consultebatur; inde locus ubi Arca, dicebatur *Oraculum*. Quintum miraculum fuit ignis de cœlo, qui comburebat victimas; quod sæpius contingebat: idcirco de præsentia Dei in Templo Salomonico nulla legitima dubitatio. Hæc autem quinque ornamenta in captivitate amissa sunt. In eversione Templi per Babylonios occulta Arca, & hætenus latet. Siluit vox Dei ab hoc ce tempore, donec Verbum caro fieret, & ipse non solùm summum Sacerdotem, sed omnem populum compelleret verbis. Cum caro factum est, non arcam habuimus, sed nobiscum Deus; qui victimas non inflammavit, sed corda nostra.

Dum prosequeremur Historiam sacram, vidimus præter Hierosolymitanum alia duo fuisse Tempia, in quibus quidem coleretur Deus; sed falsa religione. Sannabalat, venia perita à Dario, cujus erat præfectus, deinde ab Alexandro magno post mortem Darii, extruxit in monte Garizim Samaritæ Templum in gratiam generi sui Manasse. In eo Samaritani primitus Deo sacra offerebant: postea Antiochus Epiphanes, non reluctantibus multum Samaritanis, Jo-vi hospitali illud consecravit. Post annos autem du-centos quàm fuerat conditum; Joannes Hircanus il-lud evertit cum urbe Samaritæ. Hanc sequentibus an-nis excitavit Herodes, & *Sebastem* de nomine Cæ-saris Augusti appellavit: in ea quoque Templum ex-struxit, cui montem Garizim Samaritani prætulerunt. Vidimus etiam ab Onia Templum Deo Israe-lis sacratum in Ægypto. Sed plura de his Templis non opus est dicere; neque enim in Sacro Codice pro legitimis Dei Templis agnoscuntur.

Addam autem brevem sermonem de Synagogis ,  
qua-



quatenus loca erant, in quibus precibus & lectione Scripturarum Judæi vacabant. Hinc dicuntur domus doctrinæ & orationis *proseucha*, hoc est *oratoria*. In scripturis *προευχὴ* nomen est ambiguum; significat enim orationem & domum orationis: & in utraque significatione occurrit in novi Testamenti paginis. Nullam formam peculiarem habent synagogæ, nisi quod in illis est species altaris, sive mensæ, in qua explicatur & evolviunt volumen Legis. Ad orientem arca est, ubi reponitur illud volumen. Innumera pendent lucernæ ex laqueari. Juxta synagogam cubiculum est, ex quo mulieres prospiciunt in synagogam virorum; etenim non illis licet in eam intrare, & à viris prospici. *Synagoga* vox est Græca, quæ idem sonat ac *congregatio*, *cætus*. Creditur synagogas primum institutas fuisse in captivitate, ob inopiam Templi. Sæpè complures erant etiam in eadem urbe Synagogæ. Hierosolymis 480. numerantur; cum enim ex toto mundo ter in anno obligarentur Judæi ire Hierosolymam, quæque natio & ejusdem conditionis viri aut artis amabant simul congregari, Hinc synagoga Libertinorum, de qua in Actis (*Cap. 6. vers. 9.*) nempe ubi servi manumissi conveniebant. Etiam Romæ plures à Libertinis fuisse Judæos Philo memorat libro de legatione sua ad Cæsarium. Nominatur etiam in Actis synagoga Alexandrinorum, nempe constans ex Judæis Alexandrinis. Diximus synagogas fuisse domos doctrinæ, ut eas Philo libro, *quod omnis probus liber*, appellat. Ibi loquitur de amore Judæorum erga Scripturas sacras. *Hæc ediscunt*, inquit, *& alio tempore; sed præcipuè recurrente die septimo, quem sacratum existimant; ferianturque tunc ab omnibus aliis negotiis, quoties sacras edes, quas synagogas vocant, adtunt: pro atatis ordine, juniores ad seniorum pedes confidunt, & ad audiendum se componunt. Ibi alius ex libro prælegis,*

### *Apparatus Biblicus.*

*alius quispiam unus è peritioribus accedens quæ obscura sunt explicat. Eadem Philo dicit libro de septenario, ex cuius verbis colligere est in singulis urbibus, quas Judæi incolerent, maximum fuisse numerum synagogarum. Septimo quoque die, inquit, innumera per totam urbem prudentia, temperantia, fortitudinis, iustitia, aliarumque virtutum scholæ panduntur; in quibus alii modestè confident, quiete ac placidè, arrectis auribus, cum attentione exacta, eò quod orationum suavissimarum siti correpti sunt. Mox verò exurgens quidam è peritissimis enarrat optima & profutura, quibus omnis vitæ cursus ad id quod melius est provehatur.*

Alibi dicemus Judæos sic partiiri biblia sua, ut totum Pentateuchum spatio annuo perlegant in synagogis suis, quibus adiungunt lectionem ex Prophetis. Cum synagogæ non perinde ac Templum haberentur sacræ, etiam cuique Israelitæ, qui nec Sacerdos nec Levita esset, licebat canere, legere, docere; quod providerat Deus, ut Apostoli & Discipuli ejus, quos extra tribum Leviticam electurus erat, posset annuntiare Evangelium. Satagebant ut diebus Sabbati in Synagogis sermonem haberent ad populum; ut in Actis (*Cap. 16. vers. 13.*) *Dic autem Sabbatorum egressi sumus foras portam juxta flumen, ubi videbatur oratio esse. Ibi προσευχή profseucha est synagoga; quam significationem habet apud poetam Juvenalem: in qua te quæram profseucha.* Locabantur juxta flumina, ut commodiùs Judæi lavarent se. Apostoli testimonio Prophetarum ostendebant in Jesum convenire omnia quæ de Christo prænuntiata erant. Si quidem verò multi ex ethnicis frequentabant synagogas amplexati fidem Judæorum, ubi didicerunt ab Apostolis Jesum, quem Judæi crucifixerunt, esse ipsum Messiam expectatum, faciliè adducti sunt ad fidem Christianam. Sic nomen J E S U  
CHRI-

CHRISTI prædicatum est, & innotuit Gentibus,  
ad quod Deus usus est Synagogis Judaicis.

C A P U T V.

*De temporis mensuris apud Hebraeos, de horis,  
diebus, hebdomadibus, mensibus,  
annis, Jubilais.*

**Q**Uæ suis locis ac temporibus non peraguntur,  
casu & temerè fieri censentur; quod in Repu-  
blica, cujus Deus auctor, non poterat contingere.  
Imò ratio temporum diligens habita est, ut quæ præ-  
ceperat Deus iteranda sacrificia, instaurandas cele-  
britates, ex certis legibus recurrerent. Interest igitur  
scire quibus intervallis solerent Hebræi metiri side-  
rum cursus, à quibus tempus pender. Tum etiam  
quia nihil magis est usitatum omnibus Scriptoribus,  
quàm rerum de quibus loquuntur tempora signare,  
nominare horas, menses, annos; quæ nomina inter  
plures populos sèno quidem communia sunt, sed sæ-  
piùs sensu diversa; neque enim metiendorum tem-  
porum ubique eadem ratio est. Ergo multùm fallun-  
tur qui mensuras temporum Hebræas interpretantur  
ex consuetudinibus nostris, quasi ab iisdem initiis  
nos & Hebræi horas diei, diem ipsum, hebdoma-  
dem, menses, annos, inchoatemus.

Tempus est mensura durationis rerum, quas com-  
parando cum siderum motu, plus minùs-ve durare  
dicimus, dum cogitamus harum durationem his vel  
illis siderum motibus respondere; hoc est, certos cir-  
cuitus absolvisse sidera, dum res illæ subsisterent.  
Multiplici motu moventur sidera, aut videntur mo-  
veri; primùm circa terram, quo totum cælum unà  
cum omnibus sideribus abripitur, aut videtur abri-  
pi. Mensura durationis rerum, dum hic motus con-  
ficitur,

### *Apparatus Biblicus.*

scitur, dicitur *dies*; quo nomine non significatur solùm intervallum temporis, quo sol lucet nobis conspicuus, sed illud quo totius cœli fit dicta revolutio, sive realis sive tantum apparens. Hujus revolutionis initium alij reperunt à meridie, alii à media nocte, alii ab ortu solis, alii ab occasu ejus. Cùm sol occidit, dies incipere censetur ab Hebræis, quibus subsequente occasu finitur. Ita sabbatum quod incipiebat post solis occasum, finiebatur sole occidente; undè videre est in Evangelio, sabbati diebus, cùm sol occidisset, delatos ad Christum multos ægros, quod ne antea fieret impediēbat religio Sabbati.

Diem civilem integram revolutam significant Hebræi his duabus vocibus *mane* & *vespere*: vel illis *die* ac *nocte*. Græci dicunt *ῥυθμίσεω*, cujus vocis significatio ea est, ut sicut pars diei dies dicitur, ita nox & dies sive *ῥυθμίσεω* dicatur de parte diei. Quapropter etiam si duæ noctes & unus dies tantum cum parte diei præcedentis & subsequentis effluerint, dum res quæpiam fieret, non idèd minùs trium noctium totidemque dierum intervallo, hæc facta diceretur.

Pendet ex hominum arbitrio, in quascumque voluerint partes dividere intervalla temporum, sicut locorum, cæterarumque rerum, quæ divisionis capaces sunt. Olim Hebræi & Græci non alias diei divisiones habebant quàm quæ sensibus deprehenduntur, cùm sol oritur, cùm imminet vertici nostro, & postea ad occasum vergit & occidit. Harum divisionum nomina sunt *mane*, *meridies*, *vespera*: in veteri Testamento usitata sunt. Nondum in viginti quatuor horas tempus diurnæ revolutionis cœli circa terram, divisum fuerat. Romani, pariter ac Judæi partiebantur diem in quatuor quadrantes, quorum unusquisque haberet tres horas, à nostris horis in eo diversas, quod nobis horæ omnes per totum annum

annum æquales sint, pars enim sunt vigesima quarta temporis illius quo cælum circa terram revolvitur. Horæ autem singulæ Romanorum & Judæorum pars erant duodecima temporis illius quo sol conspicuus est: quapropter quoniam per æstatem longiori tempore supra horizontem commoratur, longiores erant horæ æstivæ hibernis. Prima itaque hora incipiebat cum ortu solis, sexta in meridie, & duodecima absolvebatur cum sol occideret. Unde dicebat Dominus (*Joan. c. 11. vers. 9.*) *Nonne duodecim sunt horæ diei?* Sic tertia hora medium illud tempus indicabat, quod est inter solis ortum & meridiem; sicut nona quod medium est inter meridiem & occasum solis. Undecima, media inter decimam & duodecimam. Tanta non est inæqualitas dierum Judæis; quanta est nobis, qui longius absumus ab æquinoctiali circulo; ideo horarum hibernarum & æstivarum, in quas illi diem dividebant, non tantum est discrimen. Longiores enim illis dies, qui nobis sunt Parisiis sexdecim horarum, non excedunt in Judæa tredecim horas; ideo per totum annum videntur ferè æquales.

Duplicem vesperam distinguunt Hebræi. Prima post meridiem incipit, sole inclinante ad occidentem, à sexta hora, sive à meridie usque ad noctem. Quando, inquam, sol incipit declinare, ea est vespera una; post occasum solis, est vespera altera. Tempus quod currit quasi medium inter solem inclinantem & occidentem appellant (*Exod. 12. 6.*) *Ben-Arbaim* quasi dicas *inter vespere*.

Noctem pariter in quatuor partes dividebant Judæi, quæ dicebantur *vigilie*, & quarum quævis tres horas habebat. Primam partem, seu vigiliam primam appellabant *caput vigiliarum*, ut in lamentationibus Jeremiæ (*Cap. 2. vers. 19.*) Secundam dicebant mediam (*Judic. cap. 9. vers. 19.*) non ideo

### *Apparatus Biblicus.*

quod esset media inter tres noctis vigiliis, sed quod ea fluëret usque ad adultam seu mediam noctem.

Tertia vigilia nocte media initium & hora tertia matutina finem sumpsit. Postrema dicta *vigilia matutina* oriebatur hora tertia; desinens sexta matutina. Hæ vigiliæ & aliis nominibus designantur in Scriptura; quæ respondent iis noctis partibus, quas quævis vigiliarum describit. 1. Vocatur *Sero*. 2. *media nox*. 3. *Gallitinium*. 4. *Mane*.

Septenarius dierum numerus efficiebat hebdomadem, quæ vox Græca est, indicans hunc numerum septenarium. Per sex dies Hebræis licebat operari; septimo quiescebant, qui ideo dicebatur *sabbatum*, Latine *quies*. Sabbati religio videtur cœpisse ab origine mundi; quem cum sex diebus creasset, septimo quievit Deus; cujus rei memoriam religio Sabbati non sinebat deleri ex hominum animis. Deus nos & omnia è nihilo fecit & absolvit primo dierum septenario; postea verò nos refecit primo die hebdomadis; ideò conversa est religio Sabbati in sequentem diem, qua JESUS CHRISTUS auctor vitæ nostræ à morte surrexit.

Originem Sabbati quidam sentiunt non altius repetendam quàm à Moyse, qui illud servandum præcipit, sed his dici potest, verbis Domini ad Judæos apud Joannem (*Cap. 8. vers. 22.*) *Moses vobis dedit circumcisionem (non quia ex Moyse est, sed ex patribus)* Abraham circumciscus est. Ante Moysen, & Hebræi, imò pleræque Gentes observaverant Sabбата, in quorum periodo sive in his numerandis conveniebant cum Judæis; quod non mirum est, siquidem omnes populi ex filiis Noe orti sint.

Quæ dies sequitur Sabbatum, à Judæis dicebatur *una Sabbati*, quod idem sonat ac *prima Sabbati*. Tota hebdomas nomine Sabbati significatur. Vox autem Græca *μία*, *una*, in novo Testamento iterum

terdum pro *prima* ponitur. Ita ex ordine *secunda Sabbati*, *tertia*, *quarta*, *quinta*, *sexta*, quibus nominibus singulæ dies hebdomadis notantur.

Sexta dies à Judæis Græcè loquentibus dicebatur *παρασκευή*, *parasceve*, id est, *preparatio*; quia in illa paranda erant omnia victui necessaria in sequens sabbatum, per quod jubebantur quiescere; ita ut nec coquere cibos, nec etiam ignem accendere illis liceret. Quod Judæis Hellenistis, id est, Græcè loquentibus, dicitur *parasceve sabbati*, appellatur ab iis qui non nisi Hebraicè loquuntur, *Ereb sabbat*, hoc est, *vespera sabbati*. Parasceves enim proprium tempus nona hora feriæ sextæ incipiebat: quod constat ex illo decreto Imperatoris Augusti, quo post horam nonam in die veneris prohibuerat ne quis in jus vocaret Judæos; qui hoc tempore vacare tenebantur apparandis cibis, cæterisque rebus, quarum usus futurus erat in sabbato. In hac sexta die iter non suscipiebant, quod ante occasum solis faciliè confici non posset.

*Sabbatum* non denotat solum diem septimum hebdomadis, ut diximus, quod quiescendum erat ab omni opere, sed & totam hebdomadem, id est, septem dies; unde illud Pharisei apud Lucam: *jejuno bis in sabbato*, id est, in hebdomade. Pariter & nomen *Hebdomas* non solum usurpatur pro numero septem dierum, sed & septem annorum. Ita nomen illud æquivocum est, & quoties occurrit decet expendere de quo septenario sit intelligendum; an de dierum numero, an de annorum; an denique de certa periodo quæ septem annis constat: nam post septem annos, seu septimo quoque anno terra quiescebat, qui annus dicebatur *sabbatarius*; septem autem sabbatariis annis, id est, quadraginta novem annis elapsis, celebrabatur Jubilæus ipso anno quadage-

*Apparatus Biblicus.*

dragesimo nono; & non anno sequenti, ut quidam sentiunt, opinantes quinquagesimum fuisse Jubilæum. Annus quidem Jubilæus in Scriptura dicitur quinquagesimus: verum sic nominatur eodem sensu quo dies Sabbati appellatur quandoque *octava dies*, quia sabbatum præcedens comprehenditur; in Evangelio *post dies octo*, pro *die sabbati*. Sic Olympiades, quæ constabant quatuor annis, dicuntur *quinquennium*, quia nomine Olympiadis significatur intervallum in quo numerantur duæ olympiades, quæ hoc intervallum terminant. Ita olim ambigui, nunc certò tenemus annum quadragesimum nonum fuisse Jubilæum; dici autem quinquagesimum, cum indicatur intervallum quinquaginta annorum, in quo duo anni jubilæi occurrunt; quod & postea adstruemus.

In signa & distinctionem temporum, cælo appositæ sunt luminaria illa magna, quæ solem & lunam vocamus. Præter hunc motum quo sol & luna singulis diebus girant circa terram, ab ortu in occasum, proprium habent, quo progrediuntur versus orientem.

Sol 365. diebus, horis quinque, & 42. minutis totum illum circulum, in quo suum cursum conficit, peragrat; luna verò diebus septem & viginti, horis septem, & minutis aliquot pariter emetitur orbitam suam, quæ obliquè secat circulum illum quem sol annuo motu percurrit, & *zodiacum* dicimus. Ergo quem sol annuo spatio, luna singulis mensibus zodiacum percurrit.

Cum autem luna sole sit celerior, non simul iter faciens, nunc cum illo conjungitur, nunc separatur. Una autem conjunctione ad alteram conjunctionem fluunt viginti novem dies cum horis duodecim & aliquibus minutis; quia dum emetitur orbem suum

luna,



luna, & redit ad illud cœli punctum in quo fuerat conjuncta cum sole, ille jam & aliquantisper progressus est in orientem, ita ut non cum assequatur luna nisi post unum & alterum diem cum aliquot horis.

Hoc temporis intervallum quo luna à sole digressa ad eum revertitur, appellant Hebræi, *jarcha*, quod nomen significat & lunam & tempus illud quo à sole digreditur & ad illum redit, Illud temporis intervallum à Græcis dicitur *μήνας* à *μην* luna. Undè factum est latinum nomen *mensis*. Menses juxta lunæ cursum primum fuisse distributos, idèò verisimile est, quod temporum intervalla lunæ cursu facilius distinguuntur. Etenim quæ soli conjuncta non apparet, ubi ex illius radiis emergit ab eo digrediens, sub diversis figuris conspicua sit; corniculata, falcata, dichotomos, gibbosa, & tandem similis disco; post quod tempus iterum gibbosa, dichotomos, falcata, corniculata est, & rursus immersa radiis solis latet aliquantisper.

Nunc annum, scilicet tempus illud quo sol orbem suum absolvit, partimur, nulla habita ratione motus lunæ, in duodecim menses, in quor partes dividitur Zodiacus, qui cum duodecim cœli *Zodia* animalia, sive signa recipiat, inde nomen habet. Singulis mensibus unum ex illi sol percurrit. Hæc notantur in hoc distico:

*Sunt Aries, Taurus, Gemini, Cancer, Leo,  
Virgo,*

*Libraque, Scorpius, Arcitenens, Capet, Amphera, Pisces.*

Hebræi menstrua tempora lunæ circuitu describebant, ut indicat ipsum nomen quo menses significabant, quos appellabant, *jarchin* ab *jareac* luna. Quidam opinantur ante diluvium menses omnes fuisse juxta solis

*Apparatus Biblicus.*

solis cursum ordinatos; & quemque anni solaris fuisse partem duodecimam. Verum conveniunt viri docti menses Hebræorum à primis temporibus fuisse lunares.

Initium autem mensium suorum non sumebant à coitu luminarium, sive ab eo temporis puncto, quo luna conjungitur cum sole, sed à phasi sive prima visione lunæ. Cum luna solem affecuta est, non potest à nobis statim conspici, radiis ejus adhuc tota immersa latet aliquandiu; quia verò celerius movetur quàm sol, protinus ab eo sejungitur, versùs orientem properans, ita tandem post solis occasum conspicitur in occidente. Prima illa lunæ visio initium erat mensium Hebræorum, quod dicitur *Neomenia*, id est, *nova luna*. Novissimis temporibus Neomenia sive nova luna censita est cum de novo conjuncta fuit cum sole. Apud veteres Hebræos Neomenia erat cum luna jam incipiebat à sole separari, emergere è radiis ejus, & jam sensibili splendore illuminari. Elongatio lunæ à sole quæ necessaria ut oculis conspicua sit, appellatur ab Astronomis *arcus visionis*; qui cum oculis deprehenditur, mensis initium est. Vulgatus interpres initium mensium aliquando appellat *Kalendas*, more Romanorum loquens; *Kalendas* enim Latini appellabant mensium suorum primam diem.

Tempus coitus, sive conjunctionis luminarium dignosci non potest, nisi calculo astronomico: non enim apparet luna soli conjuncta. Ideo cum Hebræi rudes essent Astronomiæ, eo præsertim tempore quo in Rempublicam congregati sunt, voluit Deus ut à sola visione lunæ initia mensium sumerent: & quoniam intererat sacra suis peragi temporibus, & totius Reipublicæ tempora esse ordinatissima, cum illa pendeant ex mensium initio, voluerat Deus illud religiosè observari, simul & omnibus innotescere. Idcirco præ-

præceperat ut mitterentur in altos montes. legati qui prima lunæ cornua deprehenderent, ex quorum testimonio indicarentur tubis neomeniæ. *Buecinatæ in neomenia tuba, in insigni die solemnitatis vestra* (Psal. 80. 4.) sive in tempore instituto, & die solemnitatis vestræ. Præter tubarum sonum solemnem, tum peculiare sacrificium præstituitur in Numeris (cap. 10. v. 10.) & Levitico (Cap. 23. v. 4.) Unde præ cæteris diebus sanctificati dies neomeniarum, qui principia, sive capita mensium nuncupantur ab Hebræis.

Huic-ce rei, quæ tanti momenti videbatur, præerant magni synedrii Senatores. Erant inter eos, qui ea de causa studio Astronomiæ vacarent, & in ipsa Synedrii sede extabant descriptæ omnes lunæ phasæ. Multo cum delectu eligebantur speculatores idonei, & irreprehensibiles testes, qui ubi instabat tempus primæ apparitionis lunæ, mittebantur, ut dixi, in loca montana & editiora; & ubi novam deprehenderant, id est, eam apparuisse adverterant, celeri cursu rem ad Synedrium referabant. Senatores qui in Synedrio horum speculatorum expectabant reditum, ubi lunam nascentem visam audierant, succlamabant *Mechudas, Mechudas*. Hoc est, *sanctificata est, sanctificata est Neomenia*; quæ illicò tubæ clangore indicebatur. In Judæa purior aer est, ut difficile sit lunam latere per multos dies; quod si contingeret, aut error fefellisset, mensem retexebant, & sic calculos corrigebant, ut error unius mensis non refunderetur in alterum. Solum autem Synedrium jus Neomenias indicandi habebat, cujus decretis, etsi erraret, standum esse Judæi credebant.

Luna orbitam suam sive circulum suum peragrat diebus viginti septem, horis septem, cum aliquot minutis. Hoc intervallum temporis dicitur mensis lunæ *periodicus*. Alter est *synodicus*, quo luna à sole

digres-

digressa, cum denuò assequitur spatium viginti novem dierum, horarum duodecim & 44. minorum cum aliquibus secundis. Menses periodicos soli possunt Astro-nomi observare & calculis suis notare. Populi utuntur synodicis, quorum initia, progressus, & finem diversis lunæ figuris distinguunt. Cum ergo sint viginti novem dierum & horarum duodecim, efficitur ut alii esse debeant dierum viginti novem, alii triginta dierum. Olim, dum stabat Synedrium magnum, definiebant hujus confessus iudices quot diebus quisque mensis constaret. Cum autem ista definitio statim pervenire non posset ad omnes extremas orbis partes, per quas dispersi Judæi, sanciverunt eorum doctores, ut per biduum festum quodlibet celebraretur, ut saltem in aliquo convenirent cum populo Hierosolymitano. Ita non solus dies, in quem præcisè incidebat neo-menia, habebatur pro festo, sed & tricesimus dies, ut pater ex hoc-*ce* versu Horatii (*Lib. 1. Satyra 9.*) *Hodie tricesima sabbata.* Videlicet hac-*ce* die tricesima Judæi diem festum agunt in synagogis suis. Postquam desit Synedrium; nec habuere Judæi per quos prima lunæ phasis observaretur, aliam rationem inierunt in inchoandis & finiendis suis mensibus. In novissimo, inquam, computo suo constituerunt, ut menses sint alternatim 29. dierum & triginta dierum; hos ple-nos appellant, illos civos, quibus unus dies deest. Rem diligentius tractare non est hujus loci, nec quo-modo caveant ne in certas quasdam ferias incidant festa, religione quæ priscis ignota fuit.

Jam de anno ut agamus, sciendum quòd Judæi sa-tagerent imprimis, ne eo tempore quo annus solaris revolvitur, bis easdem solemnitates celebrarent; ita annum inchoantes, potissimum rationem habebant æquinoctiorum, quæ æqualitate dierum & noctium facile distinguuntur. Antequam Israelitæ exirent de

*Ægy-*

Ægypto, domo servitutis, inchoabant annum ab ea prima lunatione, cujus plenilunium sequeretur æquinoctium autumnale post collectas fruges; quo tempore mundus censetur conditus. Illa ergo lunatio habebatur pro primo mense. Postea cum egressi sunt de Ægypto, ea tempestate qua aperitur terra & segetes crescunt, in memoriam accepti beneficii mensem illum statuerunt primum mensium, nempe illum cujus plenilunium subsequitur æquinoctium vernum. Spatio illo annuo, intra quod sunt duo æquinoctia, duodecies luna renovatur; sed cum duodecim menses lunares non impleant numerum dierum quo sol revolutionem suam absolvit, singulos annos Judæi constituebant duodecim mensium; sed post tertium annum addebant unam lunationem, sive unum mensem, ut modo dicemus.

Menses ab ordine suo appellabant, ut qui primo succederet diceretur secundus: alter tertius, & sic de reliquis. Primus tamen ille quo virescere incipiunt segetes; appellabatur *Avib* aut *Abib*, id est; *spica virens*. Pariter & nomen proprium habebat mensis ille, qui sequitur fruges collectas; quique primum dicebatur *Ethanim*. Circa tempora captivitatis Babylonicæ, hisce sequentibus nominibus menses appellati sunt. Primus cui nomen *Avib* dictus est *Nisan*, secundus *Jar*, tertius *Sivam*, quartus *Tammus*, quintus *Ab*, sextus *Elul*, septimus *Tisri* cui olim nomen *Ethanim*, octavus *Marchesvan*, nonus *Kislev*, aut *Kaslev*, decimus *Thebet*, undecimus *Shebet*, duodecimus *Adar*. Cum annus fiebat tredecim mensium, qui addebatur, appellabatur *Veadar*, quasi dicas; & *Adar* sive secundus *Adar*.

Non solum diversa tempora distinguimus morum siderum, sed & ipsa rerum diversitate. Diversæ tempestates sibi invicem succedunt; etenim postquam terra ge-

ra gelu constricta est, solvitur, aperit se, & herbas producit, deinde, æstuat calore, quo maturescunt segetes & fruges, ut possint colligi, antequam hyems redeat. Has tempestates efficit sol, prout accedit aut recedit, & longior vel brevior est mora illius supra Horizontem.

His & illis Horizontis partibus oritur & occidit, eundem tamen tramitem insistens, nempe percurrentes Zodiacum, cujus obliquitate efficitur, ut per æstatem dies longiores sint, & breviores tempore hyemis.

In Zodiaco notantur quatuor puncta, quæ illud in quatuor quadrantes dividunt. Astronomi inter duos polos sive puncta circa quæ vertitur mundus, excogitant circulum in duas partes secantem cælos, quem idè nominant *Æquatorem*. Ille bis secat Zodiacum duobus in punctis, quæ ut sol attingit bis in anno, dies sunt æquales noctibus,

Primum punctum initium est veris, aliud initium Autumni. Cum ab his punctis sol remotior est, si nobis tunc proximus sit, æstas est. Si ultra *Æquatorem* tunc versetur, sit hyems. Illa verò duo puncta Zodiaci, quibus sol magis aberrat ab *Æquatore* dicuntur *solstitia*; aliud æstivum, aliud hybernum est.

Olim annua solis conversio, qua circulum suum integrum peragrat, habebatur 365. dierum & sex horarum; quæ horæ collectæ quarto quoque anno diem efficiebant, quo ille annus crescebat. Scilicet cum alii anni statuuntur 365. dierum, ille fiebat 366. & hic dies quo crescebat annus, inferebatur sexto die ante kalendas mensis Martii, sive bis dicebatur sexto Kalendas; propterea annus ille dicebatur *bissextilis* à Romanis, illi sic solebant partiri suos menses, ut prima dies calendæ vocarentur, quia *calebantur* populi hac die ad urbem, nempe convocabantur καλέω voco. Monebantur de die altera, qua iterum convenire debe-

debebant ad urbem, ut discerent novum ordinem sacrificiorum per reliquum mensem; idè dicebatur illa dies, *nona* quasi *nova*. Alii censent, ut videtur melius, quòd hæc dies novem diebus præcederet *idus* mensis, id est, medietatem; *idurare* enim idem est quod *dividere*. Sic diversis diebus mensis nomen adscribebant Romani ab illis tribus partibus. Prima dies Januarii dicebatur *calendis*. Deinde secundus dies *quarto nonas*, tertius *tertio nonas* quartus *pridie*, quintus *nonis*. Deinde subsequentes dies *idus* 8.7.6.5.4.3. deinde *pridie*, tandem *idibus*; & usque ad ultimum diem qui dicebatur *pridie calendas*, prout antecederent, appellabantur vel *quinta* vel *sexto calendas*. Scire intererat kalendarium Hebræorum quoad rationem anni convenire cum Romano; sive utriusque mensuram pendere ex vera anni quantitate, quam tandem elapsis multis sæculis Astronomi deprehenderunt olim majorem habitam quàm par erat, nempe undecim minutis; quo fiebat ut initia mensium jam non responderent iisdem anni tempestatibus. Etenim æquinoctium vernalis quod tempore Concilii Nicæni obtinebat diem 20. ac 21. Martii, decimo-sexto sæculo in dies Martii 10. & 11. incidebat; quippe cardo ille propter bissextilem diem ultrò citroque fluctuat ac biduum occupat. Ne autem aliquando incideret in hyemem mensis Martius & Aprilis, qui ex eo nomen habet, quod terra tunc se aperit, expunctis decem diebus, ad pristinas metas sæculi Nicæni relatum est dictum æquinoctium. Et ut deinceps evagari desineret, sive non elongaretur à Martii 20. vel 21. quia annus 365. dierum cum sex horis major est, ut dictum est, quàm par est, nempe undecim minutis, quæ intra centum triginta annos conficiunt unum diem. Constitutum, inquam, est ut post centum annorum numerum non bissextili die cresceret annus; quo tamen

H §

non

*Apparatus Biblicus.*

non cateret quartum quoque subsequens sæculum, quia in quatuor sæculorum intervallo undecim minuta non quatuor dies integros, sed etiam paulò plus quàm tres dies conficiunt, ut explicant qui de illa anni correctione ex professo disserunt.

Apud Hebræos primus mensis debebat concurrere cum ea tempestate anni, qua novæ segetes virescunt, qui idè in Scripturis appellatur mensis novarum frugum. Id ex duabus legibus, quarum hæc præcipiebat, ut postridie festi Paschatis offerretur manipulus ex segete hordeacea, non quidem semper matura, sed virenti; torrebantur enim spicæ, ut suo loco dicitur, cùm de festo manipulorum sermo fiet. Altera lege innumeri agni in Paschate erant mactandi, quos hyemis tempore difficile fuisset reperire. Igitur satagendum erat, ut primus mensis, in quo Pascha mactandum, non omnino antecederet æquinoctium. Ut cum iisdem anni tempestatibus semper concurrerent iidem menses, ex tribus annis ille qui desinebat, augebatur uno mense, ita ut haberet tredecim menses. Duodecim menses lunares, sive duodecim lunationes, non efficiunt, nisi 354. dies cum horis 8. minutis 48. cum aliquibus secundis. Ita annus lunaris qui solum constat duodecim mensibus lunaribus, minor est anno solari undecim diebus, horis duabus & minutis aliquibus. Dixi Judæos non tam ex scientia, quàm ex lunæ visione distribuisse tempora. Cùm ergo ex ipsis rebus intelligerent abesse vernum tempus, in quod necesse erat, ut mensis primus incideret, lunationem quæ *Adar* mensẽ duodecimum sequebatur, non habebant pro *Nisan* mense primo, sed pro decimo tertio mense. Scilicet statutum erat, ut hujus lunationis, quæ primum mensem faciebat, plenilunium semper contingeret post æquinoctium, id est, post diem in quo sol primum Arietis gradum ingrediens, facit  
diem



diem nocti parem. Sic ab hieme removebant mensem primum sine ulla alia observatione Astronomica. Mensis ille intercalatus, sive additus, appellabatur *Embolimens*, quasi dicas institutus.

Annorum initia, sive conversiones, sive revolutiones Judæi appellant *tekuphor*. Quatuor autem in annis solaribus observant initia, sive *tekuphor*. Prima *tekuphab* statim statuta est in autumno, initio mensis septimi *Tisri*, qui olim primus erat; postea enim Moyses mensem *Nisan*, ut notat Josephus (*Lib. Antiquit. cap. 4.*) primum in suis fastis ordinavit, quod per hunc Hebræos ex *Aegypto* eduxisset; eundem etiam omnium, quæ ad rem divinam pertinerent, exordium fecit: alioqui quod ad nundationes rerum venalium, reliquamque dispensationem anni attinet, nihil de pristino ritu innovavit. Ergo quantum ad festa & res Ecclesiasticas, annum ordiuntur Judæi à *Nisan*: in politica verò mensis *Tisri* habetur primus. Duo autem illi menses concurrebant cum æquinoctiis. In altero inchoabatur messis; alius incipiebat post collectas fruges.

Aliud duplex anni initium assignatur à Talmudistis: unum in prima die *Elul*, à quo numeratur novus annus decimandi pecoris; scilicet quot ab illa die nata essent pecora, ut decimum quodque consecraretur Deo. Prima verò die mensis *Shebet*, vel quinta decima die est novus annus plantationis arborum. Ex lege non comedendi erant fructus ex arbore, nisi post tres annos, quò toto tempore arbor censebatur immunda (*Levit. cap. 19.*) Tres illi anni numerabantur ab isto tempore quo currit *Shebet*, & quo solent arbores sulcis deponi.

Anni multiplices erant. Primus annus, constans duodecim mensibus lunaribus, vel tredecim, si intercalatis esset: *Subbatarius*, constans septem annis:

### *Apparatus Biblicus.*

tertius *Jubilæus*, post transactos septem sabbatarios annos. Post sex annos, septimo terra quiescebat: agri inculti relinquebantur: Judæi non sementem faciebant hoc anno, neque metebant, vineas non putabant, nec uvas colligebant. Quicquid spontè nascebatur, id omnibus erat commune, & indifferenter à quibusvis colligebatur,

Per sex annos qui agricolationi destinati erant, & præcipuè sexto anno tantum colligebant & recondebant Judæi, ut trium annorum spatio, à sexto videlicet anno usque ad nonum, de repositis vitam tolerare possent. Annus præcedens erat fecundior, ut promittit Deus in Levitico ( *Cap. 25. 20.* ) *Quod si dixeritis: quid comedemus anno septimo, si non severimus, neque collegerimus fruges nostras? Dabo benedictionem meam vobis anno sexto, & faciet fructus trium annorum.* Sabbatarius ille annus cum sex annis præcedentibus constituebat hebdomadem annorum. Insuper præceperat Deus Moysi, ut numerarentur septem hebdomades annorum, id est, septies septem, quæ simul faciunt annos quadraginta novem. Annus ille quadragesimus nonus, ut vidimus, dicebatur *Jubilæus*, & erat annus remissionis, quia in eo unusquisque revertebatur in possessionem suam ex qua fuerat ejectus, sive quam vendiderat ultrò aut coactè, ut æs alienum solveret: servis restituebatur libertas. Dicebatur *Jubilæus*, quia annuntiabatur cornu arietis; sic sentiunt qui volunt arietes ab Hebræis appellari *jobelim*; sunt qui putant *jubal* antiquitùs idem significare quod *tuba canere*, unde Jubal ( *Genes. 4. 21.* ) dictus est *pater canentium cythara & organo*. Viri docti non conveniunt de etymò *Jubilæi*. Ex Josepho libertatem significat vox illa, deducique potest à verbo Hebræo *jabal*, quod sonat *afferre, adducere*, scilicet quia annus Jubilæus afferebat libertatem,

tatem; & in eo patebat accessus sive reditus ad pristinas possessiones. Romæ cum egentio rem quemque ditior aliquis pretio expelleret, atque is, dum rura in immensum spatiis supervacuis extenderet, alios necessarium excluderet, cautum fuerat ne quis plusquam quingenta jugera haberet. Hæc lex dicta est *agraria*; quia cavebat ne quis in agros vicinorum irrumperet. Verum avaritiam melius retundebat lex Jubilæi.

Deus instituens has annorum hebdomades, nempe annum sabbatarium & jubilæum, renovabat memoriam creationis quam absolverat septima die: tum & imaginem aureæ ætatis, sive conditionis hominum si non peccassent. Nam in anno septimo omnia erant communia; quidquid sponte nascebatur in quocumque agro permittebatur usui omnium. In jubilæo servi recuperabant libertatem, & in avitas possessiones, quisquis fuerat ejectus, redibat. Ita jubilæus coercebat cupiditatem: nam quidquid quis eripisset, seu vi seu coemptione, excidebat manibus cum jubilæus adveniret. Quomodo & quando fieret agrorum & libertatis restitutio docet nos Maimonides: *Ab initio anni usque ad diem Expiationum neque dimittebantur servi, nec serviebant dominis suis; sed nec agri restituebantur. Quid igitur? Edebant bibebantque servi, atque hilares erant, & coronam quisque capiti suo imposuit. Mox cum dies Expiationum venisset, Senatores sanhedrin tubis clangere, atque à vestigio liberi abierunt servi, & redita dominis prædia sunt. Quemadmodum Græci olympicis, Romani lustris, ita Judæi tempora numerabant Jubilæis.*

Cum in Scriptura sint hebdomades multiplices, quoties in illa de hebdomadarum numero sermo sit, animadvertendum an simplices sint, seu hebdomades

dietum, an de annorum hebdomadibus mentio  
Jeremias, quando Judæam invasit Nabuchodon  
& Joakim Regem catenis vinxit, prædixerat ab  
ce die fore ut Judæi captivi degerent Babylone  
septuaginta annos. Ubi elapsi sunt, Cyrus p  
Babylone dimisit Judæos liberos. Ubi verò jam  
plendi essent, significavit Daniel post septua  
hebdomadas, nempe annorum, quæ constant  
annis, occidendum Christum; harumq; hebdom  
initium designavit decretum quo rex Persarum  
misit ut iterum ædificaretur Jerusalem. Tunc  
rim Judæi admovent manus ædificio suæ v  
ideò hoc-æ initium latere non potuit. Decr  
datum est anno vigesimo Artaxerxis regis Persæ  
ab orbe condito 3550. Huic annorum numer  
de 490. annos, incidit in tempus circa quod JE  
CHRISTUS Dominus noster occisus est.

Æræ Judæorum, sive puncta notabilia à  
annos solent numerare, sunt vel conditus mu  
vel ab Ægyptiaca servitute Israel liber dimissus  
Templum conditum à Salomone. Cæperunt p  
supputare annos suos, & conscribere omnes c  
ctus suos à tempore quo Alexander Macedo,  
Magnus, invasit regnum Persarum; hoc enim  
mortuo, sub jugo Græcorum fuisse, qui illi  
minati sunt. Hæc æra dicta est contractuum  
usi sunt Judæi, etiam postquam jugum Græc  
excusserunt. Ante hanc æram contractuum n  
ignorantia Judæorum circa chronologiam usq  
tempus quo deficit Scriptura, nempe usque ad  
miam. Constantissima est omnium Judæorum  
tio, inquit Morinus (*Exercitation. Biblicar. l.*  
*exercit. v.*) Persici imperii durationem non  
fisse annos quinquaginta duos, cum omnibus  
quæ historiæ monumentis certum sit istam du

nem non multum infra ducentos annos esse. Pari-  
ter ab regno inchoato Alexandri magni usque ad  
tempora Machabaica, totum illud intervallum prae-  
termittunt silentio. Nihil habent quod de suorum  
gestis proferre possint, ut Morinus demonstrat.

## KALENDARIVM JUDAICVM.

### M O N I T U M.

**I**N eo notantur festa, tum à lege olim praescripta,  
tum postea instituta: dies angariarum, sive jeju-  
nia; & lectiones ex sacris Scripturis eo ordine quo in  
synagogis legebantur. Praeter solennia legalia, & quae  
post excidium prioris Templi instituta sunt, addimus  
ea quae nunc Judaei observant in suis Kalendaris.

Dies angariarum vocant Judaei in quibus jejunant &  
affligunt animas suas. Non iisdem diebus assignantur  
in diversis Kalendariorum editionibus. Advertendum  
autem est quod cum dies Judaeorum, & ideo festa in-  
ciperent ab occasu solis, hac cadant in duos dies Ka-  
lendarii Romani. Si enim, verbi gratia, dies Pa-  
schatis, nempe dies decimus quartus Nisan inciperet  
die secunda Aprilis ad occasum solis, hoc festum re-  
ferri posset etiam ad tertiam diem Aprilis.

A primis temporibus legunt Judaei in suis synago-  
gis legem, quam sic partiti sunt, ut singulis sabbatis  
parascha, id est, portionem legis, sive lectionem le-  
gentes, integram intra anni spatium evolvant, sive  
annus sit embolimeus, sive non: nam si esset commu-  
nis, tum lectiones circa finem Deuteronomii longiores  
erant & pauciores, sin embolimeus fuerit, tum pro  
numero Sabbatorum, in plures & breviores partic-

H 9 4 bantur,

### *Apparatus Biblicus.*

bantur, ea tamen conditione ut in festo Tabernaculorum, integra perlecta lege rursus à Genesi exordiantur; in hoc enim festo prima Geneseos parascha legitur. Quoad lectiones exscripsi Ligfootium.

Nullo monente quisque advertere potest menses Judaicos non semper concurrere cum iisdem mensibus nostris aut partibus eorum; quia lunatio paschalis v. c. modò citior, modò tardior fit: præterquam ex eo quod dies Hebraeorum inciperent ab occasu, idè menses eorum possunt incidere in duos menses Romanorum, sed etiam contingit ut non concurrant. Diximus pro primo mense Judaico illam lunationem habitam cujus plenilunium proximè sequeretur æquinoctium vernum; quare fit, ut experimur, lunationem illam aliquando mensis intervallo removeri; nempe in Martium mensem, aut in Aprilem incidens. Ita de cæteris mensibus Judaicis, qui omnes duobus mensibus Romanis respondere possunt.



MEN-



M E N S I S T I S R I,

olim dictus *Ethanim*.

I. Civilis. VII. Ecclesiasticus.

Plenus, seu triginta dierum.

*Cadens in partem Septembris & Octobris.*

<sup>1</sup> **R** *Osch Haschana*. Principium anni, nimirum civilis. *Festum Tubarum*, sive *Clangoris* (*Levit. cap. 23. vers. 24. 25. Num. cap. 29. vers. 1. 2.*)

<sup>2</sup>  
<sup>3</sup> *Jejunium Godolia*, quia tum occisus est Godolias filius Ahicam, filii Saphiam, & Judæi qui cum eo erant in Maspha (*4. Reg. c. 25. Jerem. cap. 41. v. 2.*) Hoc *jejunium* apud Zachariam (*cap. 8. v. 19.*) dicitur *septimi*, nempe mensis.

<sup>4</sup>  
<sup>5</sup> *Jejunium*. Moriuntur viginti Israelitæ, Rabi Aki-  
ba, filius Joseph conjiciuntur in vincula, ubi moritur.

<sup>6</sup>  
<sup>7</sup> *Jejunium* ob decretum in patres nostros gladium  
& famem propter vitulum fabricarum.

*Lectiones.*

Deuteronomii cap. 26. v. 1. ad cap. 29. v. 10. Isai.  
cap. 60. vers. 1. ad finem capituli.

<sup>8</sup>

<sup>9</sup>

<sup>10</sup> *Jejunium Kippurim*, sive expiationis (*Levit. cap. 23. v. 17.*)

<sup>11</sup>

<sup>12</sup>

13

14

*Lectiones.*

Deuter. cap. 29 vers. 10. ad cap. 31. vers. 1. Si quando plures erant in anno septimanæ; aliter etenim usque ad finem libri lectionem producebant.

Isai. cap. 61. v. 10. ad cap. 63. vers. 10.

15 *Tabernaculorum Festum* sive *Scenopegia*; quæ septem dierum erat, & insuper octavam diem habebat.

16

17

18

19

20

21 *Hosanna Rabba*, seu septima Tabernaculorum. ἡ ὁρχοπία id est, *Festum Ranzorum*.

*Lectiones.*

Genes. cap. 1. vers. 1. ad cap. 6. vers. 9.

Isai. cap. 42. vers. 5. ad cap. 43. vers. 11.

22 *Octava Tabernaculorum* Aatsereth (*Levitic. 23. 26.*)

23 *Festivitas legis*, sive gaudium legis & benedictio, in hoc Festo recolunt Judæi testamentum & mortem Moſis Legislatoris.

Dedicatio Templi Salomonis absoluta est hac die (*3. Reg. cap. 8. vers. 65. 66.*) *Septem diebus & septem diebus*, id est, *quatuordecim diebus* celebrata est ista dedicatio; & in die octava dimisit populus Salomon.

24

25

26

27

28

*Le-*



*Lectioes.*

Genes. cap. 6. vers. 9. ad cap. 12. v. 1.

Isai. cap. 54. v. 1. ad cap. 55. vers. 5.

29

*Lectioes.*

Genes. cap. 12. v. 1. ad cap. 18. vers. 1.

Isai. cap. 40. v. 27. ad cap. 41. vers. 17.

30

MENSIS MARHESVAN,  
vel Marchesvan.

II. Civilis. VIII. Ecclesiasticus.

Cavus sive viginti novem dierum.

*Cadit in partem Octobris & Novembris.*

1 **N**eomenia.

2

3

*Lectioes.*

Genes. cap. 18. vers. 1. ad caput 22. vers. 1.

Libro 2. Reg. cap. 4. ab initio ad versum 38. ejusdem capituli.

4

5

6 Hac die jejunium ob execratum Sedechiam Regem Juda, & ejus filios coram ipso interfectos à Nabuchodonosor (4. Reg. cap. 23. v. 27.)

7

8

*Lectio-*

*Apparatus Biblicus.*

*Lectiones.*

Genes. cap. 23. vers. 1. ad cap. 25. vers. 19.

Lib. 1. Reg. cap. 1. vers. 1. ad versum 32.

9

10

11

12

13

14

15

*Lectiones.*

Genes. cap. 25. vers. 19. ad cap. 28. vers. 10.

Malach. cap. 1. vers. 1. ad cap. 2. vers. 8.

16

17

18

19

20

21

22

23

*Lectiones.*

Genes. cap. 28. vers. 10. ad cap. 32. vers. 3.

Osee. cap. 11. vers. 7. ad cap. 14. vers. 2.

24

25

26

27 Petitio pluviae tempestivae in autumnno, quam Hebraei apellant *Jore* (*Jerem. cap. 5. v. 24. Dent. cap. 11. v. 14.*) quae necessaria est sementi. Juxta Genebrardum hæc pluvia non petebatur nisi mense sequenti: forsan in alterutro, prout ferebat tempus.

28

29

MEN-

M E N S I S K I S L E U,  
five Kasley.

III. Civilis. IX. Ecclesiasticus.

Menſus five triginta dierum.

*Cadit in partem menſis Novembris & Decembris.*

1 **N** *Emenia,*

2

3

4

*Lectiones.*

5

6

Genef. cap. 32. verſ. 3. ad cap. 37. verſ. 1.

Abdiæ totum caput vel *Hos.* cap. 12. verſ. 12. ad finem libri.

7 *Jejunium* ob combuſtum à Rege Joachim volumen, quod ſcripſerat Baruch, dictante Jeremia (*cap. 36. verſ. 23.*) Hoc jejunium inſtitutum dicit Scaliger ob excæcatum Sedekiam, & jugulatos coram eo ejus filios.

8

9

10

*Lectiones.*

Genef. cap. 37. verſ. 1. ad cap. 41. verſ. 1.

Amos cap. 2. verſ. 6. ad cap. 3. verſ. 9.

11  
12  
13  
14  
15  
16  
17

*Lectioes.*

Genes. cap. 41. vers. 1. ad cap. 44. vers. 18.

Lib. 1. Reg. cap. 3. vers. 15. ad finem capituli.

18  
19  
20  
21  
22  
23  
24

25 *Dedicatio Templi* sive *Encenia*, cujus mentio  
libro secundo Mach. (cap. 2. vers. 16.) *luminaria*  
*luminarium Festum* appellatur à Josepho (Lib. 12.  
sig. cap. 10.) celebrabatur diebus octo ob lumen I  
gionis à Macedonibus extinctæ recuperatum. Pe  
pluviz, quæ *Jore* Hebraicè appellatur (Deuter.  
11. vers. 14.) prima & temporanea. Item pluv  
mentis; tunc ex Genebrardo tempus serendi in  
dza.

26

*Lectioes.*

Genes. cap. 44. vers. 18. ad cap. 47. vers. 27.

Ezechiel cap. 37. vers. 15. ad finem capituli.

27  
28  
29  
30

M E N S I S T H E B E T,

IV. Civilis . X. Ecclesiasticus.

Cavus, five viginti novem dierum.

*Cadit in partem Decembris & Januarii.*

1 **N** *Eomenia.*

2

3

*Lectiones.*

Genes. cap. 41. vers. 17. ad finem libri.

Lib. 1. Reg. cap. 2. ab initio ad versum 13.

4

5

6

7

8 *Jejunium*, quod illo die lex in Græcum versa sit tempore Ptolemæi Regis, & tenebræ occuparint mundum triduo. Hinc, inquit Genebrardus, Judæos Alexandriæ LXX. Interpretum memoriam coluisse anniversario Festo, Philo tradit *lib. 10. de vita Moïsis*. Verum Judæi Græca lingua utentes, five Hellenistæ, & Judæi hebraizantes non conveniebant. Idem ille dies aliis causa fuit mœroris, aliis lætitiæ. Græcam versionem odio habent Judæi qui nunc hebraizant omnes.

9 *Jejunium*. Non scripserunt Magistri, quare ea dies notata inter dies afflictionis.

10 *Jejunium*. Quod appellatur decimi, quando ad-  
movit

movit manum suam rex Babylonis, ad obsidendum  
& expugnandum Hierosolymam.

11

*Lectiones.*

Exod. cap. 1. vers. 1. ad cap. 6. vers. 1.

Isai. cap. 27, vers. 6. ad cap. 28. vers. 14. vel

Jerem. cap. 1, vers. 1. ad cap. 2. vers. 4.

12

13

14

15

16

17

*Lectiones.*

Exod. cap. 6. vers. 2. ad cap. 10. vers. 1.

Ezech, cap. 28. vers. 25, ad finem capituli 29.

18

19

20

21

22

23

24

25

*Lectiones.*

Exod. cap. 10. vers. 1. ad cap. 13. vers. 17.

Jerem, cap. 46. vers. 13. ad finem capituli.

26

27

28

29

MEN-

M E N S I S S H E V E T H,

vel Shebet, vel Schebat, vel Sebat,

V. Civilis. XI. Ecclesiasticus.

Plenus, triginta dierum,

*Incidit in partem Januarii & Februarii.*

1 **N** *Eomenia*. Principium anni arborum, nempe à quo numerantur quinque anni, quibus completis licebat arboris novos fructus comedere (*Levit. 19. 24.*)

2

3

*Lectiones.*

Exod. cap. 13. vers. 17. ad cap. 18. vers. 1,

Jud. cap. 4. vers. 4. ad cap. 6. vers. 1,

4

5

6

7

8 *Jejunium*, quoniam tunc mortui sunt iusti, qui extiterant diebus Josue (*Judic. cap. 2. vers. 10.*)

9

10

*Lectiones.*

Exod. cap. 18. vers. 1. ad cap. 21. vers. 1.

Isai. cap. 6. integrum.

H 99

11

*Apparatus Biblicus.*

11  
12  
13  
14  
15

*Lectiones.*

Exod. cap. 21. vers. 1. ad cap. 25. vers. 1.  
Jerem. cap. 34. vers. 8. ad finem capituli.

16  
17  
18  
19  
20  
21  
22

23 *Jejunium.* Ob id scilicet quod Israelitæ congregati sunt omnes adversus Tribum Benjamin propter concubinam in Gabaa violatam, & propter idolum Michæ (*Judic. cap. 20.*)

24  
25  
26

*Lectiones.*

Exod. cap. 25. vers. 1. ad cap. 27. vers. 30.  
Lib. 1. Reg. cap. 5. vers. 12. ad cap. 6. vers. 14.

27  
28  
29

*Lectiones.*

Exod. cap. 27. vers. 10. ad cap. 27. vers. 11.  
Ezech. cap. 43. vers. 10. ad finem capituli.

30

MEN-



*Liber I. Caput V.*

M E N S I S A D A R.

VI. Civilis. XII. Ecclesiasticus.

Cavus, sive viginti novem dierum.

*Cadit in partem Februarii & Martii.*

1 **N** *Eomenia*. Ex Genebrardo, *Teruma*, id est,  
primitiæ tunc offerebantur.

2  
3

*Lectiones.*

Exod. cap. 30. vers. 11. ad cap. 35. vers. 1.  
Lib. 1. Reg. cap. 18. vers. 1. ad vers. 39.

4

5 -

6

7 Mortuus est Moses magister noster ( *Deuter. 34*  
vers. 5. & 6.) quare & jejunium.

8

9 *Jejunium*. Schola Sammai, & schola Hillel inter  
se contendere cœperunt.

10

11

12

*Lectiones.*

Exod. cap. 35. vers. 1. ad cap. 38. vers. 21.

Lib. 1. Reg. cap. 17. vers. 13. ad vers. 26. ejusdem  
capitis.

13 Festivitas decreta, quia Nicanor in ea interse-

H 99 2      Aus

ctus est. ( 2. Mach. 15. vers. 37. ) Genebrardus ibi collocat jejunium Esther.

14 Sortium festum minus ( Esther. 1. 4. vers. 16. )

15 Sortium festum majus ( Esther. cap. 9. vers. 16. )

In 2. lib. Mach. hi dies vocantur Mardoehæi.

In Talmude tractatu *Shekalim*, dicitur quod decimaquinta mensis Adar sedent Mentarii in urbibus, & vigesima quinta sedent in Templo ad exigendum dimidium sicli, quod tributum quisque Judæus Templo pendebat.

Dedicatio Templi Zorobabelis, facta quidem est in hoc mense, ut videre est in Esdræ lib. 1. cap. 6. vers. 16. sed non dicitur quo die.

16

17

18

### Lectiones.

Exod. cap. 38. vers. 21. ad finem libri.

Lib. 1. Reg. cap. 7. vers. 50. ad cap. 8. vers. 21.

19

20

21

22

23

24

### Lectiones.

Levit. cap. 1. vers. 1. ad cap. 6. vers. 1.

Isai. cap. 43. vers. 21. ad cap. 44. vers. 14.

25

26

27

28

29

*Locus Embolismi, sive mensis Embolimai, nempe qui certo anno inferebatur, ut ille annus fieret tredecim lunarium mensium. Ille tertius decimus mensis appellabatur Ve-Adar, id est, Adar secundus.*



H 99 3

MEN-

*Apparatus Biblicus.*

M E N S I S A B I B,  
sive Nisan.

VII. Civilis . I. Ecclesiasticus.

Plenus sive dierum triginta.

*Cadit in partem Martii & Aprilis.*

**N** *Eomenia*,  
*Jejunium*, quod eo die mortui sunt Aaronis filii  
(*Levit. 10. 1.*)

2

3

*Lectiones.*

Levit. cap. 6. vers. 1. ad cap. 9. vers. 1.

Jerem. cap. 7. vers. 21. ad cap. 8. vers. 4.

4

5

6

7

8

9

10 *Jejunium* ob mortem Mariæ (*Num. 20. 1. & c.*  
3. 4. & c. 6. 1.) Hac die decima eligebatur Agnus  
Paschalis, qui mactabatur die decima quarta.

11

12

*Lectiones.*

Levit. cap. 9. vers. 1. ad cap. 12. vers. 1.

Lib. 2. Sam. cap. 6. vers. 1. ad cap. 7. vers. 17.

*Liber I. Caput V.*

13

14 *Pascha*, exterminatio fermenti. Comburitur quidquid reperitur panis fermentati post exactam inquisitionem.

15 *Azyma*.

16 *Craftinus dies Sabbati*, sive *Festi*, nempe Paschatis secundus dies, in quo offertur *Omer* sive manipulus novæ messis hordeaceæ, qui solemnî pompa deferrebat ad Templum. Ab hac die secunda post Pascha numerantur dies Pentecostes sive quinquaginta dies, quibus completis celebrabatur festum Pentecostes.

17

18

19

*Lectiones.*

Levit. cap. 12. vers. 1. ad cap. 14. vers. 1.

Lib. 2. Reg. cap. 4. vers. 42. ad cap. 5. vers. 20.

20

21 *Solemnitas finis Azymorum*.

22

23

24

25

26 *Jejunium*. Moritur Josue filius Nun.

27

*Lectiones.*

Levit. cap. 14. vers. 1. ad cap. 16. vers. 1.

Lib. 2. Reg. cap. 7. vers. 3. ad finem capitis.

28

H 99 4

29 No-

29 Notat Genebrardus hoc mense factam petitionem pluyæ, quam *Malkosch* appellant, tardam, serotinam, vernam, messi mox futuræ commodissimam (*Zachar.* 10.)

30



MEN.

M E N S I S J I A R,

VIII. Civilis, II. Ecclesiasticus,

Cavus, five viginti novem dierum,

*Cadit in partem Aprilis, & Maji.*

<sup>1</sup> **N** Eomenia.

<sup>2</sup>

<sup>3</sup> *Lectiones.*

Levit. cap. 16. vers. 1. ad cap. 19. vers. 1. Ezech.  
cap. 22. vers. 1. ad versum 17. ejusdem capituli.

<sup>4</sup>

<sup>5</sup>

<sup>6</sup>

<sup>7</sup>

<sup>8</sup>

<sup>9</sup>

<sup>10</sup> Jejunium, quod eo die obierit Heli, & capta sit  
Arca foederis. Lib. 1. Reg. cap. 4. vers. 18.

<sup>11</sup>

*Lectiones.*

Levit. cap. 19. vers. 1. ad cap. 21. vers. 1. Amos  
cap. 9. vers. 7. ad finem lib. vel Ezech. capit. 20.  
vers. 2. ad vers. 21.

<sup>12</sup>

<sup>13</sup>

<sup>14</sup> Pascha secundum celebrandum ab iis quibus non  
licitum fuerat, vel non potuerant Pascha celebrare  
mense primo.

<sup>15</sup>

<sup>16</sup>

<sup>17</sup>

<sup>18</sup>

<sup>19</sup>

*Lo*

## Lectiones.

Levit. cap. 21. vers. 1. ad cap. 25. vers. 1.  
cap. 4. vers. 15. ad finem.

20

21

22

23 Simon Gazam capit ex Scaligero,

24

25

26

## Lectiones ;

Levit. cap. 25. vers. 1. ad cap. 26. vers. 3.  
cap. 32. vers. 6. ad vers. 28,

27

28 Jejunium. Moritur Samuel Propheta ; pl  
ab omni populo,

29

MENSIS SIVAN,  
vel Sivuam,

## IX. Civilis, III. Ecclesiasticus

Plenus, dierum triginta,

Cadit in partem Maji, & Junii,

1 N Eomenia,

2

3

## Lectiones ;

Levit. cap. 26. vers. 3. ad finem libri, Jerem  
26. vers. 19. ad caput 17. vers. 15,

4

5

6 Pentecoste, sive Festum septimanarum,

sep



septem completarum hebdomadarum à die secunda  
post Festum Paschatis,

7

8

9

10

*Lectiones.*

Num. cap. 1. vers. 1. ad cap. 4. vers. 21. Os. c. 1.  
vers. 10. ad cap. 2. vers. 21.

11

12

13 In hac octava die fuisse magnam celebritatem  
dicit Genebrardus, sed fallitur, neque enim habebat  
octavam sive *Aatsereh*, sed ipsa Pentecoste erat  
quasi *Aatsereh*, hoc est, conclusio Paschatis.

14

15

16

17

18

*Lectiones.*

Num. cap. 4. vers. 21. ad capit. 8. vers. 1. Judic.  
cap. 13. vers. 2. ad finem capitis.

19

20

21

22

23 Jejunium, Quòd decem Tribus tunc deserint  
primitias portare Jerosolymam diebus Jeroboam.  
Lib. 3. Reg. cap. 12. vers. 27.

24

25 Jejunium ob interfectum Magistrum Simeonem  
Gamalielis filium, & Magistrum Ismaelem Elisai fi-  
lium, & Magistrum Hananiam Saggan, sive Sacer-  
dotem secundum,

26

*Le.*

Num. cap. 8. vers. 1. ad cap. 13. vers. 11. Zachar.  
cap. 2. vers. 10. ad cap. 4. vers. 8.

27 Jejunium. Combustus est Rabbi Hanina filius Tar-  
dion unà cum libro legis. Jerem. c. 26. vers. 13.

28

29

30

## M E N S I S T A M M U Z ; sive Tamuz .

### X. Civilis, IV. Ecclesiasticus,

Cavus, sive viginti novem dierum ,

*Cadit in partem mensis Junii , & Julii.*

1 **N** Eomenia .

2

3

*Lectioes .*

Num. cap. 13. vers. 1. ad cap. 16. vers. 1. Josue  
cap. 2. totum .

4

5

6

7

8

9

10

*Lectioes .*

Num. cap. 16. vers. 1. ad c. 19. vers. 1. lib. 1. Sa-  
muel cap. 11. vers. 14. ad cap. 12. vers. 23.

11

12

13

14

15

16

17 Jejunium quarti mensis ob tabulas legis fractas :  
Exod. capit. 32. vers. 19. Item quia eo die desuit  
*ἰδολοχρησμός*, sive Sacrificium jüge, & Epistemon  
legem combussit, posuitque Idolum in Templo.

18

19

*Lectiones .*

Num. cap. 19. vers. 1. ad capit. 22. vers. 2. Jud.  
cap. 11. ad vers. 34.

20

21

22

23

24

25

26

*Lectiones .*

Num. cap. 22. vers. 2. ad cap. 25. vers. 10. Michi:  
cap. 5. vers. 7. ad cap. 6. vers. 9.

27

28

29

*Lectiones .*

Num. cap. 25. vers. 10. ad cap. 30. vers. 2. Lib. I.  
Reg. cap. 18. vers. 46. ad finem capituli.

## MENSIS AB.

## XI. Civilis, V. Ecclesiasticus

Plenus, triginta dierum,

*Cadit in partem Julii, & Augusti.*

1 **N**eomenia. Jejunium quodd eo die Aar  
tisex è vita excesserit,

2

3

*Lectiones.*

Num. cap. 30. vers. 2. ad cap. 33. vers. 1.  
cap. 1. vers. 1. ad cap. 2. vers. 4.

4

5

6

7

8

9 Jejunium quinti mensis ob incensam eo d  
saalem & Templum primò à Chaldæis, secund  
manis. Item quodd Mosis Principatu decretu  
manaverit patres nostros non ingressuros terr  
missam.

10

11

12

*Lectiones.*

Num. cap. 33. vers. 1. ad finem libri. Jere  
à versu 4. ad vers. 29.

13

14

15

16

17

18 Jejunium. Extincta est lucerna vespertina in diebus Achaz Regis. Hanc lucernam Occidentalem vocat Genebrardus.

19

20

*Lectiones.*

Deuter. cap. 1. vers. 1. ad cap. 3. vers. 23. Isai. cap. 1. vers. 1. ad versum 28.

21 Ex Seldeno in hunc diem incidebat Xylophoria, qua die portabantur ligna in Templum. Aliis placet in sequentem mensem differre hoc festum.

22

23

24

25

26

27

28

*Lectiones.*

Deuter. cap. 3. vers. 23. ad cap. 7. vers. 12. Isai. cap. 40. vers. 1. ad versum 27.

29

30

## M E N S I S E L U L,

### XII. Civilis, VI. Ecclesiasticus,

Cavus, sive viginti novem dierum.

*Cadit in partem Augusti, & Septembris.*

1 **N** Eomenia.

2

3

*Lectiones.*

Deut. cap. 7. vers. 12. ad cap. 11. vers. 16. Isai. cap. 49. vers. 14. ad cap. 51. vers. 4.

5

6

7

8

9

10

11

12

*Lectiones.*

Deut. cap. 11. vers. 26. ad cap. 16. vers. 18. Isai.  
cap. 54. vers. 11. ad cap. 55. vers. 4.

13

14

15

16

17 Jejunium. Moriuntur exploratores, qui diffama-  
verant terram, nimirum promissionis.

18

19

20

*Lectiones.*

Deut. cap. 16. vers. 18. ad cap. 21. vers. 10. Isai.  
cap. 51. vers. 12. ad cap. 52. vers. 13.

21 Xylophoria, Festum in quo portabantur Tem-  
plo ligna.

22

23

24

25

26

27

28

29

*Lectiones.*

Deuter. cap. 21. vers. 10. ad cap. 26. vers. 1. Isai.  
cap. 34. ab initio ad versum 11.

*Finis Kalendarii Judaici.*

CA-

C A P U T VI.

*De Judæorum Fests.*

**O**rdō postulat ut exponamus quibus ritibus celebrarentur festivitates illæ, quarum tempora in præcedenti Calendario notantur. Festorum alia sæpius in anno recurrebant, ut Sabbatum & Neomeniæ. Alia erant anniversaria, ut Pascha, Pentecoste & cætera. Alia denique post aliquot annos recurrebant, ut annus septimus sive Sabbatarius; qui idè solemnitatibus accenseri potest, quia quasi erat perpetuum Sabbatum, id est, quies. Quiescebat terra inculta, quicquid tunc temporis ferret, cedebat pauperibus, vel feris. Debita à creditoribus non exigebantur hoc anno.

Similiter & inter solemnitates Judæorum numerare licet annum, qui jubilæus dicebatur; solemnis enim erat & festivus. Dabatur remissio servis, ut dictum est, & emptæ possessiones ad vereres dominos redibant: sic custodita est distinctio Tribuum; & cavit Legislator, ne divites prædia ad se rapere studerent, & dum soli omnia possiderent, cæteri egestate premerentur, insuper figurabat annus ille festivus tempus acceptabile, quo nobis reditus in cælum sub Christo patuit, cujus possessione excideramus servi facti. Manumissio autem servorum & remissio possessionum non fiebat ante decimum diem mensis Tisri, quo tempore illa publicata est tubis. Novem prioribus diebus hujus mensis feriabantur servi, genioque indulgebant, sorta plectentes in signum propinquæ libertatis. Mox cum dies expiationum venisset, Senatores Sanhedrin tubis clangebant, atque è vestigio liberi abibant servi, & reddebantur dominis prædia. Hoc non vacat mysterio; aliter enim quàm sanguine hostiæ

quæ hac die placabat Deum, hoc est sanguine Christi quem hæc hostia figurabat, nec libertatem recuperare, sed nec habere accessum ad cœlos possumus.

Festa in anno sæpiùs recurrentia sunt primò sabbatum, quod religiosè à Judæis observabatur. Vox ista *Sabbatum*, ut diximus, venit à verbo Hebræo *sabbath*, *quiescere*; quia in eo ab omni opere cessandum erat. Die veneris singula ad victum necessaria parabantur, qui idèd vocabatur *παρασκευή* *parasceve*, id est, *preparatio*. Incipiebat Sabbatum die Parasceves post occasum solis; finiebatur verò post proximum occasum solis; ut omnes festi dies. Quandoque in Scripturis tota hebdomas vocatur Sabbatum. Omnia festa in quibus scilicet erat quiescendum, si ve tenebantur Judæi cessare ab omni opere; appellabantur Sabbata. Deus interdixerat ne quis ignem in sabbato accenderet; ergo in parasceve paulò ante occasum solis, quisque in domo sua candelam accendebat, qua postera die uti posset. Omnia quæ nisi cocta non manducabantur, in crastinum diem quoque coquenda erant. Ne autem dum inciperet Sabbatum, Judæi deprehenderentur cuiuspiam operi vacantes, instans illud significabatur buccina ex solario celsæ alicujus domus. Primus sonus edebatur tempore oblationis vespertinæ; id est, circa nonam horam, quæ tertia nostra est pomeridiana. Ad hunc sonum, cessabant opera agri. Ad sonum secundum, opera urbis, valvis subductis. Ad tertium, cum sol occasus esset proximus, accendebant lucernas. Non semel observatum quâ religione, ne superstitione dicam, solerent Judæi quietem sabbati observare. Omnino illis quiescendum erat; poterant tamen bis mille cubitos emetiri, iter agendo, quod spatium dicebatur *iter sabbati*; quia scilicet cum olim bis mille cubiti disternerent arcam & castra Israelitarum, & in sabbatis orationis causa ad arcam accederent, idèd tantum spati-

con-



conficere opinati sunt non adversari sabbati quieti.

Jam de Neomeniis satis superque locuti sumus. Has ut festos dies observari non præceperat Deus; attamen circa illas religio Judæos incesserat; quia Deus præceperat (*Num. cap. 8. v. 11.*) ut in mensium initiis offerretur holocaustum: undè tanta cura in eo die cognoscendo, quo novilunia, sive Neomeniæ contingerent; ut suprà vidimus.

Festa majora celebranda erant in Hierosolymis in Templo, ubi omnes masculi apparere tenebantur ter in anno, nempe ad tria festa Paschatis; Pentecostes & Tabernaculorum; quæ lex spectabat tantum masculos, non mulieres, non virgines, quæ quandoque Scriptura appellat conclusas, abditas. De apparendo Hierosolymis illis non posita lex erat; sed nec interdicebantur ab ista apparitione.

Primum trium solemnium Festorum celebrandum erat decima quarta die mensis Nisan (qui primus est in rebus Religiosis) ad vesperam, sive potius *inter vespervas*, hoc est eo tempore; ut suprà diximus, quod medium est inter duas vespervas, nimirum post meridiem, inter solem inclinantem & occidentem. Eo, inquam, tempore Agnus in Templo mactabatur, qui assatus comedendus erat initio proximæ noctis, incunte decima quinta die mensis Nisan.

Advertendum est tunc fuisse plenilunium, & ideo tempus fuisse idoneum suscipiendæ profectiōni, quod ne elaberetur, omni celeritate primum Pascha celebrandum fuit in Ægypto: & paschata sequentia pariter celeriter celebranda fuere, ut veteris Paschatis memoria tum servaretur, tum potissimum indicaretur, quale futurum erat verum Pascha, videlicet JESU CHRISTI sacrificium in cruce, quod tanta temporis velocitate peractum est, ut vix concipiatur quomodo suffecerit brevitās istius temporis in quo contingere omnia quæ ab Evangelistis circa passionem

ejus enarrantur . Decebat liberationem Ægyptiacæ servitutis fieri tempore conspicuo . Contigit in plenilunio quod faciliè oculis advertitur, & in plenilunio mensis Nisan post æquinoctium vernal, cum terra quasi carcere hyemis solvitur, aperitur, & induit se floribus, ut aliud anni tempus non faciliùs advertatur . Eodem mense, cum luna plena esset post æquinoctium vernal, pariter Deus per JESUM CHRISTUM qui tunc passus est, diaboli servitute, cujus Ægyptiaca signum, homines liberavit.

Nomen *Pascha*, hujus festi quo mactabatur & comedebatur Agnus, derivatur à *Pesach*, *transivit*, quia transierit Angelus Domini per ædes Ægyptiorum, & primogenitos eorum interfecit omnes, parcens Judæis. Hi postes suos tinxerant sanguine agni, scilicet soli qui sanguine Christi respersi sunt, mortem æternam non subibunt.

Die decima mensis Nisan legebant Agnum Judæi ( *Exod. cap. 12. 3. 6.* ) mactandum die decima quarta, non alibi ante extructum Templum quàm in Tabernaculo, postea Hierosolymis, ( *Deuter. 16. 5. 6.* ) unde Dominus verè agnus, de se dicebat quod non conveniret ut alibi moreretur quàm Hierosolymis . Comedendus erat cum lactucis agrestibus, ( *Exod. 12. 8.* ) ossa ejus non erant confringenda, quod & Christo in cruce pendenti contigit, latronum verò, qui simul crucifixi fuerant, crura fracta sunt. Non aliquid de agno superesse debebat. Ne id fieret plures conveniebant ad ejus comestionem. Sine synaxi, inquam, hoc est, sine cœtu non comedebatur. Ad minimum societas Paschalis requirebat decem convivas. Hos ritus præceperat Deus, ne in confringendis ossibus tempus tererent Israelitæ, quia accelerandus erat exitus eorum ex Ægypto; sed & vaticinium fuit, quòd extra morem suum Romani non frangerent crura Domini; qui & comedendus erat à Christianis

stianis in publico cœtu, cuius & typus fuit societas paschalis quam lex præscribebat. Assandus quoque, non coquendus Agnus Paschalis, ne partes ejus divellerentur, quod lex præcavebat.

Agnus Paschalis comedendus erat absque fermento, quod Græcè dicitur Ζύμη; unde panis *azymus*, id est, panis sine fermento, quo utendum erat in Paschate. Ratio præcepti hujus est, quia exitus Israelitarum ex Ægypto fieri debuit cum festinatione. Rex territus cæde primogenitorum statim dimisit eos liberos, imo jussit celeriter exire, idè non licuit eis, dum parabant viaticum, expectare donec massa farinacea fermentaretur. Simul hoc præcepto edoccebatur nil retinendum ex vetustis consuetudinibus Ægypti, sed mores novos esse instituendos. Panis enim fermentatur, cum vetus massa acida admiscetur huicce quæ de novo pinsitur. Hæc innovatio potissimum spectabat Christianos; quos decet esse *azymos*, in quibus videlicet nihil vetustum esse debet, redolens pravos & vetustos mores.

Ex lege Paschatis, Judæi per septem dies vescebantur panibus azymis, siye non fermentatis. (*Exod. 12. v. 19.*) Dies illi idè azymorum dicebantur. Initio decimæ quartæ diei mensis Nisan singulari cura expurgabatur domus ab omni fermento, ad quod alludens Paulus, ut doceret Christianos ab omni labe se præstare debere immunes, comesturos Christum qui verè Pascha est, aiebat: *expurgate vetus fermentum*. Judæi scrutabantur ædes suas in omnibus angulis, ne forex in illos panem fermentatum detulisset. Nomen panis ore non usurpabant, ne animus se pollueret cogitatione fermenti. Hac consuetudine uritur Paulus, ut expelleret cogitationes immundas, docendo ne nominandos quidem esse impuros actus.

Lex præcipiebat tantum septem azymorum dies, à die decima quinta Nisan; verum cum eo tempore

quo Agnus mactabatur, omne fermentum interdice-  
retur, à pervigilio Paschatis, post occasum solis, die  
decima quarta incipiente fieret inquisitio fermenti,  
cujus collectæ omnes particulæ sequenti die ante me-  
ridiem igne absumerentur, ideo decima quarta dies  
ante numerabatur inter dies Azymorum, & horum  
prima dicebatur, ut pluribus comprobatum est in tra-  
ctatu quem edidimus de Paschate, Dies autem deci-  
ma quinta erat Azymorum celeberrima quâ ab omni  
opere cessandum.

Die alterâ, nempe decima sexta offerebantur in  
Templo primitiæ messis; tempus enim erat quo se-  
ges emittebat spicas; undè mensis Nisan olim diceba-  
batur *Abib*, quod nomen significat *spica virens*. Pri-  
mitiæ autem illæ ab Hebræis appellabantur *omer*, id  
est, decima pars mensuræ, quæ dicebatur epha,  
mensura aridorum; de qua suo loco sermo fiet. Istas  
autem primitias Græci interpretes dixerunt *σπάγμα*, id  
est, manipulus, nempe segetis, quæ sufficeret im-  
plendo vasculo *omer*. Lex non præcipit ex quo ge-  
nere frumenti demetendus esset ille manipulus; sed  
traditione Judæi acceperant eligendam hordeaceam  
segetem, quæ citius maturescit. Sed si in Paschatis  
diebus nondum esset matura, igne torrendas esse hor-  
dei spicas & confringendas in morem farris lex præ-  
monebat. (*Levit. cap. 2. v. 14.*)

Hanc legem sic adimplebant Sacerdotes, quibus id  
sorte obtingebat. Manipulum ferebant in atrium Tem-  
pli, excutiebant, & grana excussa & ventilata igne  
torrebant in sartagine perforata. Confringebantur in-  
dè mola molendinaria, ea videlicet qua fabæ frange-  
bantur, atque ex his confractis succernebant simila-  
ginis mensuram *omer*, quantum sufficeret huic va-  
sculo implendo. Hanc similaginem perinde ac omnia  
farta oleo commiscebant, pugillum thuris adjungen-  
tes, atque ad orientem agitabant, videlicet movebant  
huc

huc & illuc, sursum & deorsum; postea adolebant in altari. Falx non poterat mitti in messem ante illam oblationem. Ab hac autem die, quo facta erat, nempe die decima sexta mensis Nisan, septem septimanæ, sive quadraginta novem dies numerabantur. Patris-familias ea cura erat singulis diebus effari, qui dies ab isto termino numeraretur an prima, an secunda esset septimana ex septem septimanis; & qui dies talis & talis septimanæ. Verbi causa, die decima septima mensis Nisan, vespere post occasum solis, cum dies ille inciperet, sic loquebatur in primo die: Hic primus dies, nempe decimus sextus, primus est primæ hebdomadis omer. Sequenti die; hic dies est secundus primæ hebdomadis, & sic reliquis diebus hebdomadis. Altera ineunte hebdomade, dicebat pater-familias, hic dies est primus secundæ hebdomadis, qui est octavus omer. Hunc-ce diem opinor cum esse qui in Evangelio Lucæ (cap. 6.) dicitur *σάββατον δεύτερον* sabbatum secundo primum. Libellum habent Judæi, in quo continetur ratio sic numerandi omer, sive quid quaque die quisque pater-familias debeat dicere, ut rite omer numeret, cujus primus terminus est *ἐν τῇς δευτέρας τῷ παχα*, unde ratio appellandi septimanas, sive sabbata distinguendi quæ intercurrunt inter Pascha & Pentecostem. Ista numeratio actus erat religiosus & præscriptus. Fiebat vespere, ea hora qua novus dies inciperet.

Redeamus ad festum Paschatis. Qui vel ob ægritudinem vel ob peregrinationem, vel ob aliam quamcumque causam non potuerant in mense Nisan Pascha celebrare, id facere tenebantur altero mense, nempe *Jar* die decima quarta. Si quis incircumcissus aut aliqua labe pollutus de carne agni Paschalis comedere ausus fuisset, statim mors manu Dei illata sequebatur comes. Sic Deus interminaverat; quod & primis temporibus contingebat, cum quis corpus ve-

ri Agni non dijudicaret. Ad hæc alludens aiebat Paulus, *ideò inter vos multi infirmi & imbecilles & dormiunt multi.*

Completiſ septem ſeptimanis, ſive elapſis quadraginta novem diebus à die decima ſexta menſis *niſan*, qui ſequēbatur, dies quinquageſimus ab hoc initio, ſextus menſis *ſivan*, habebatur celeberrimus. Feſtum, inquam, erat ſolemne, quod à Græcis *Pentecoſte* appellatur, quia eſſet πεντηκοστή, id eſt, quinquageſima dies. Joſephus verò eam cum Hebræis vocat *aſarta*, id eſt, *concluſionem*, quia hoc ce feſto ſolemne Paſchale concluderetur. Reipſa ſolemnitas Chriſti veri Paſchatis in die Pentecoſtes completa eſt, cum Spiritus Sanctus in Apoſtolos deſcendit, tuncque perfecta eſt Chriſtianorum ſeges ab Apoſtoliſ demetenda. Feſtum Pentecoſtes dicebatur etiam *ſolemne meſſis*, quia in eo placenta cocta ex novis frugibus & fermentata offerēbantur Deo (*Levit. 23.*) quæ nimirum primitiæ eſſent panis uſitati & quotidiani. Ideò fermentatas illas eſſe oportuit. Ex hiſ unam ſumebat ſummus Sacerdos, & altera dividebatur inter omnes claſſes Sacerdotum quæ tunc aderant; neque enim inferebantur altari; à quo removendum erat omne fermentum.

Lex quinquageſimo die poſtquam exierant Iſraelitæ ex Ægypto, data eſt in monte Sinai, ad quem pervenerunt tertia die menſis tertii; & juiſſit Moſes ut in tertium diem parati eſſent ad eam recipiendam. Data ergo lex ſexta die tertii menſis; qua Spiritus Sanctus novam legem ſcripſit, non ut priùs in tabuliſ lapideiſ, ſed in hominum cordibùſ. Meridiana luce clariùs eſt omnia quæ Judæiſ obtigere in exitu Ægypti, fuiſſe vaticinia rerum quæ fieri deberent initio Eccleſiæ Chriſtianiæ. Pentecoſte licet feſtum ſolemnē, uniuſ erat diei: non per ſeptiduum aut octiduum celebrabatur, ſive non habebat octavam,

vam, ut putavit Genebrardus; dicebatur autem *asarta*, id est, *conclusio*; quia concludebat solemnes ritus Paschatis Judaici, & solemnia mysteria Paschatis Christiani.

Elapsis sex primis anni ecclesiastici mensibus, die prima septimi mensis, incipiebat annus civilis, in mense *Tisri*, cujus primus dies clangore tubarum annuntiabatur. Agebatur ille festus, à tubis, quæ tunc sonabant, dictus festum Tubarum; & *Rosch haschana*, id est, caput anni, quod Deus sanctum esse voluit, præcipiens ( *Levit. cap. 22.* ) ut nullum servile opus in eo fieret, & holocaustum peculiare offerretur. Putant Hebræi ad hoc-ce principium referendum tempus mundi conditi. Etenim verisimile est arbores suis exornatas fructibus protinùs enatas esse; nec hominem recens natum expectasse, ut terræ primò mandaretur semen, & exinde nasceretur seges. Maimonides allegat ex Aristotelis libro VIII. Moralium sacrificia antiqua, coetusque & conventus, qui sacrificiorum causa habebantur, facta fuisse post collectionem fructuum & proventuum, quasi essent sacrificia pro respiratione facta. Ut prima dies *Tisri*, sive æquinoctium autumnale erat initium in rebus mundi, *Pascha* quod celebrabatur vere novo, fuit principium mundi incorporei nempe Ecclesiæ Christianæ.

In decimam diem ejusdem mensis *Tisri* incidebat festum, quod appellatur *expiatio*: scilicet quia hac die præceperat Deus, ut quisque animam suam affligeret, abstinens omni cibo & potu; idè *jejunium* etiam dicebatur. Sic in Actibus ( *cap. 27.* ) cum dicit Paulus navigationem periculosam fuisse *eo quod jam præterisset jejunium*, decet intelligere hoc-ce festum, quod occurrebat hyeme imminente, quando mare periculosum est. *Expiatio* & dicebatur festum illud, quia in illo offerebatur Deo solemne piaculum; super quod summus Sacerdos, facta confessione suorum peccatorum

torum & totius populi, coram Deo remissionem impetrabat, expians Tabernaculum, altare & omnes Israelitas.

Hac die & non alia ille intrabat in Sanctum Sanctorum solus; cujus etiam aspectu ne palceret oculos suos, præferebat thuribulum, cujus fumo caligarent oculi ejus. *Nec sine sanguine*, ut ait Apostolus, huc intrabat; Sanctum enim Sanctorum typus erat cœli, in quod Christus non penetravit nisi per proprium sanguinem. Summus Sacerdos proprio sumptu emebat vitulum sive juvenum, quem immolabat, recitata super eum priorum peccatorum confessione. Accipiebat autem ab Israelitis duos hircos caprarum, unum in peccatum, hoc est, in sacrificium pro peccato, & alium in holocaustum. Duos autem illos hircos sistebat coram Deo; postea sortem jaciebat uter sacrificari, uter vivus dimitti deberet. Sic definita sententia hic immolabatur, alter abigebatur in desertum; Uterque typus Christi, *quem definito consilio & præscientia Dei traditum per manus iniquorum affigentes vos Judæi interemistis*; ut his Petrus exprobrat in Actis. (cap. 11. 23.) Hirco qui emittendus erat, ligabat ad caput pannum coccineum in formam linguæ; alligabat quoque coccinum ad jugulum hirci mactandi, atque immolabat juvenum suum in hostiam pro peccato, item & hircum cui obvenerat fors *pro Domino*, qui scilicet sacrificandus erat. Juveni & hirci sanguinem inferebat in Templum; & utrumque commiscens aspergebat altare aureum, & velum quo Sanctum Sanctorum à Sancto separabatur.

Hircus emittendus extra Templum & urbem, ab Hebræis nominabatur *ad Azael*, à Græcis ἀπορριπνῖς; Quo nomine deos suos tutelares, depulsores malorum appellabant, à Latinis *emissarius*. Vox *Azael* ambigua est; composita videtur ex *ez*, capra, & *Azal*,  
hoc



hoc est, *abiit*, *separavit*. Quia hircus ille separaretur & dimitteretur extra Templum, deductus in desertum, oneratus populi peccatis, quorum confessionem super eo faciebat Pontifex, Ergo ille hircus Emissarius censebatur malorum depulsor; in caput enim ejus Pontifex omnia peccata populi rejiciebat. Ita Christus quem in ipso Templo Sacerdotes dignum morte judicaverant, extra portam passus est, peccatis hominum oneratus, quæ morte sua piavit in monte Golgotha, sive Calvario, quasi dicas montem *devolutionis*, à verbo *galgal*, id est, *devolvit*, *volutavit*. Hircus emissarius præceps devolvebatur, & sic occidebat,

Non præternittendum hac festa expiationis die, quæ erat decima dies mensis Tisri, reparatas tabulas à Moysè, quas fregerat iratus ob adoratum vitulum. Tunc populus luctu emendavit (*Exod. c. 33.*) quod pravum facinus admiserat. Idèò in posterum dies electus est ad solemne festum Expiationum. Sentiant Hebræi Moysen ter jejunasse in monte per quadraginta dies prima (*Exod. 32. 30.*) vice. Secunda (*Exod. 34. 28.*) si tempus illud computetur à die quo lex data est septimo mensis Sivan, deprehendemus postremum Moysis jejunium, quando filiis Israel remissionem peccatorum imperravit, & legis tabulas renovavit, defuisse die decima mensis Tisri, quæ cum reconciliationis nuncio descendit; quæ sententia est Joannis Meyeri in erudito libro de diebus festis Judæorum.

Die decima quinta ejusdem mensis Tisri, festum Tabernaculorum agebatur per dies octo continuos, quibus habitabant Judæi sub tabernaculis; undè à Græcis dicitur *scenopegia σκηνωπηγία* à compingendis tabernaculis. Illa fiebant in rectis ædium, ut apud Nehemiam (*cap. 8.*) in ædium attriis, in attriis Templi, in plateis. Incipiebant Judæi sub Tabernaculis esse pri-

se prima die festa, & pergebant per totum festi tempus, illicitum putantes extra illa edere, bibere, aut dormire. Constabant ramis arborum, juxta id quod præcipitur in Levitico (*cap. 23.*) *sumerisque vobis die primo fructus arboris pulcherrima*, nempe mala citrea, *spatulasque palmarum*, & *ramos ligni densarum frondium*, & *salices de torrente*, & *latabimini coram Domino Deo vestro*. Ergo erat festum hilare & jucundum; solebatque appellari simpliciter *chag*, nempe *festum*, quatenus vox illa notat hilaritatem. Itaque prima die festi parabant ramos palmarum, salicum, myrtorum, eosque colligabant funiculis aureis, argenteis, & aliis vittis, & tota prima festi die manibus gestabant, seu orarent, seu essent in synagoga, manu non dimittentes; nec reliquis festi diebus unquam sine eo ad Templum veniebant.

Quaque die hujus festi cum hisce ramis altare circumdabant lætantes; quæ lætitia, ut opinor, in Apocalypsi repræsentatur, (*cap. 7.*) ubi Sancti palmas in manibus habentes circumeunt thronum Agni, videlicet altare. Interea protendentes ramos clamabant *Hosanna*, hoc est, *serva quæso, o Domine*, quæ verba sunt Psalmi 117. quibus statim subjungitur in Vulgata nostra *constituite diem solemnem in condensis usque ad cornu altaris*. Hoc est, agite diem festum cum ramis densis & perplexis, quibus circa cornua altaris ite. Interea tuba canebat: Septima autem die Judæi circuibant septies altare; idque vocabatur *magnum hosanna*. Magnam in his omnibus Judæi præferbant lætitiâ potissimum in haustione & effusione aquæ, qui præcipuus erat ritus festi. Sacerdos quispian cum aureo cantharo ibat ad fontem vel piscinam Siloe, eumque aqua implebat; postea rediens in Templum ascendebat in altare, & peracto sacrificio jugi matutino, postquam membra victimæ imposita fuerant altari, hanc aquam libabat vino mixtam.

ram. Interea hymnis personabat Templum, & magna lætitia perfundebantur Judæi.

Veri Israelitæ maximè in festo Tabernaculorum de spe venturi Messia soliti erant gaudere; cujus dona abundantia aqua quæ libabatur, figurabat. Hæc dum cogitabant, haud mediocri afficiebantur lætitia. Ipsi nunc Judæi interpretantur de hac re locum illum Isaia. (*Cap. 42. v. 3.*) *Haurietis aquas in gaudio de fontibus Salvatoris.* Ad hunc-ce locum, & ad hos ritus Tabernaculorum alludebat Dominus, dum ipse interesset huic festo clamans: *Si quis sitit, veniat ad me.* (*Joan. 7. 37.*) Octavus dies festi Tabernaculorum erat pariter solemnus ac primus. Vocatur in vulgata, (*Levit. 23. 36.*) *dies cætus & collecta.* In Hebræo codice *Azereth*, quæ vox indicat hanc-ce diem fuisse conclusionem festi, ut diximus, vel æquè ac in primo die opera servilia prohibita fuisse, ut alii sentiunt. Festum Tabernaculorum videtur institutum in recordationem peregrinationis patrum in deserto, per quod tempus habitaverant sub tabernaculis. Hæc ratio festi redditur ab ipso Deo, (*Levit. 23. 43.*) *ut discant posteri vestri, quòd in Tabernaculis habitare fecerim filios Israel, cum educrem eos de terra Ægypti.*

Pascha, Pentecoste, & festum Tabernaculorum tria solemnia festa erant, ad quæ celebranda omnes viri ex omnibus terræ finibus Hierosolymam convenire & coram Domino comparere tenebantur. (*Exod. 23. 17.*) In primo, hordei demetendi primitiæ offerebantur: in secundo, jam collectæ segetis primitiæ. Tertium festum agebatur post collectos omnes fructus tam de area quàm de torculari; idcirco magna lætitia agendum esse hoc festum præcepit Deus. (*Deuter. 16. 13.*) *Solemnitatem quoque Tabernaculorum celebrabis per septem dies quando collegeris de area & torculari fruges tuas: & epulaberis in festivitate tua, tu,*  
filius

*filius tuus & filia, servus tuus & ancilla. Levites quoque & advena, pupillus & vidua, qui intra portas tuas sunt.*

Festa minora paucis perstringam; iis immorans circa quæ sit quidpiam animadversione dignum. Primum loquar de festo *Purim*, sive *sortium*; quod peragebatur decima quarta mensis Adar, & decima quinta, nempe duobus diebus continuis. Fuerat institutum non in lege, sed à Judæis, in memoriam quod olim Regina Esther obtinuerat ab Assuero, ut revocaret edictum quo Judæos ubique occidendos jusserat. (*Esther. cap. 9.*) Dictum est *Purim*; sive *sortium*; quia Aman miserat *Pur* (quod nomen Persicum significat *sortem*) ut detegeret diem qui Judæis inauspicatus magis esset; sed contra cessit. Aman perditus est; servati sunt Judæi: idè postea hunc diem pro festo habuere, in quo se totos dant hilaritati, ut non tam festum sit, quàm bachanalia. Totum librum Esther legunt in synagogis suis hoc ce die festi. Quoties autem nomen Anani occurrit; malleis & pistillis ad id factis scamna certatim pueri pulsan, ac si caput sui quondam hostis ita tunderent. Schikartus refert olim lapidi nomen Amanis literis Hebræis inscribere solitos; deinde quoties legeretur, alium alteri fortiter illis, donec mutua concussione attereretur, accincentes interim *deleatur nomen ejus, nomen improbi putrescat*. Adeo post tot sæcula se prodit adhuc animus vindictæ insatiabilis. In anno bissextili, sive anno in quo mensis Adar geminatur, bis etiam celebratur festum illud *Purim*, nempe & in priori & in posteriori Adar.

Encænias sive dedicationes Templi Hierosolymitani diversæ observabantur, nempe quatuor, diversis anni temporibus, quæ non notantur in Calendario tanquam solemniter agendæ. Prima fuit Salomonis, mense septimo (3. Reg. c. 8. 2. Paral. c. 11.) quæ, ut dicit Scriptura, *celebrata est septem diebus & septem diebus*, id est,

*qua-*

*quatuordecim diebus.* Nimirum illa dedicatio incidebat circa festum Tabernaculorum, septem primis diebus dedicatum est Templum; postea alii septem dies adjuncti sunt celebrando festo Tabernaculorum. Josephus (*Antiq. lib. iii.*) verò dicit, *præterea scenopegia festum ante Templum splendide ac magnifice Rex per quatuordecim dies celebravit cum universo populo epulans.* Hoc benignè interpretandum est de diebus quibus dedicatio Templi & festivitas Tabernaculorum peracta est; aut error irrepsit in codice ejus, nempe particula *dis*; qua ejecta sensus clarus est.

*Secunda* dedicatio fuit templi secundi, nempe Zorobabelis, de qua Esdras, (*Lib. i. cap. 6.*) celebrata est mense Adar.

*Tertia* dedicatio fuit non Templi; sed altaris, cum primum Judas Machabæus altare holocausti instauravit atque dedicavit die 25. mensis Kasleu. (*2. Mach. 4. v. 59.*) Judæi hoc festum nunc appellant diem luminum, quia primo die una lucerna accenditur, duæ die sequenti, & sic augetur luminum numerus, per octo dies quibus celebratur illud festum.

*Quarta* fuit dedicatio Templi ab Herode constructi, quam Josephus dicit magna pompa celebratam. Solent insuper Judæi singulis annis alios dies festos agere, sicut illum, quo Jephthæ filiam suam immolaverat; quo ignis cœlestis extinctus post exilium Babylonicum suscitatus est; quo Judith Holophernem interfecit; victoria parta est de Nicanore, duce Demetrii regis Syriæ.

Josephus scribit festum diem celebratum, quem appellat τὰ ἑυλασθῆναι, in quo Judæi omnes ex silvis magnam lignorum copiam in Templum comportabant ad alendos sacros ignes, quos lex jubebat esse perpetuos. Inter festa Judæorum enumerari potest annus intermissionis, qui occurrebat singulis anno-

rum

rum septenniis, sive post septem annos. Præceperat Deus (*Levit. cap. 25.*) ut hoc anno terra quiesceret; idè dicebatur ab Hebræis *schemista*, hoc est, intermissionis, & sabbaticus sive quietis.

## C A P U T VII.

*In festis diebus colebatur Deus potissimum sacrificiis, quorum finis erat annuntiare mortem Christi. Natura, species, ritus eorum exponuntur. Simul describitur de oblationibus, donis, primitiis, decimis.*

**N**unc differendum de præcipua re, qua constabat religiosus cultus, scilicet de sacrificiis, ad quæ peragenda dies festi constituti erant. Protinus dicam legis Mosaicæ ritus omnes & in primis sacrificia Christum figurasse. Hoc cum non advertitur, ipsum Templum nihil aliud videtur nisi laniena, apta potius ad fastidium movendum, quàm ad ingerendam ullam religionem. Sacrificium mactatio est vivi animalis, cujus sanguis effundebatur ad placandum & ad colendum Deum, uti in omni religione creditum est. Undè verò tanta virtus sanguini animalium inesse credita sit, sive undè nata consuetudo mactandi animalia in laudes Dei? Ex prava opinione & ruditate Gentium, sunt qui respondeant. Deus, inquiunt, quæ sacrificia Judæi in Ægypto didicerant, toleravit emendata, & in sacrationem usum erecta. An verisimile est Deum eosdem, quos suis idolis deferrent Ægyptii, sibi honores postulasse; & cum cultum suum institueret, non maluisse verum & novum ordinare, quàm accipere falsum, & antiquitus profanatum à viris sibi insensis?

Origo sacrificiorum altiùs repetenda, quàm ab Ægyptiis; quippe ab antiquis Patriarchis, ab Abele, à Noe, ab Abraham oblata, & Deo placuisse certum est ex

est ex Scripturis. Abel dicitur (*Gen. cap. 4. v. 4.*) de primogenitis gregis sui Deo obtulisse. Quod si quis contendat de vero sacrificio non esse intelligendum, hoc est, de mactatione & sanguinis effusione, quid respondebit ad illud Geneseos? (*cap. 8. v. 20.*) *Ædificavit autem Noe altare Domino; & tollens de cunctis pecoribus, & volucribus mundis, obtulit holocausta super altare.* Quoties sacrificavit Abraham, etiam ex jussu Dei, qui & ei præceperat ut filium suum in holocaustum offerret, cujus loco immolavit arietem, pariter Deo jubente? Non mirum est dæmonem, qui similem Deo esse ambivit, sibi Dei honores suffurari, cum adverteret Patriarchas sacrificiis Deum colentes, & impudisse cultores suos, ut & sibi sacrificarent. Quin etiam fieri potuit, ut cæteræ gentes, quæ omnes ortum ducunt ex filiis Noe, paterno exemplo, his quos pro diis habebant, eundem cultum exhibuerint, quem Deo redditum sciebant.

His qui non aliùs repetunt sacrificiorum originem, quàm ex idololatria, quæ post primos Patriarchas nata est, causam erroris præbuit ignoratio rei, ex qua vera ratio sacrificii pendet. Vulgo dicitur idèd sacrificia Deo grata esse, quia supremum ejus dominium, quo vitæ necisque dominus est, agnoscitur. Nulla enim re eum indigere significat mactatio victimæ, quæ igne absumpta nulli usui est. Verùm incendiando segetes & sylvas, pariter significari posset nullius rei Deum indigum esse. Principis jus in subditorum vitam fit manifestum, cum ejus imperio vita illis vel adimitur, vel servatur. Pariter cum quispiam propriam pecudem in sacrificium cædit, suum potius quàm Dei, cui mactat, dominium ostendit, mactans quod suum est. Itaque Abeli sapienti & sancto viro nunquam in mentem venisset quèd grata esset animantium innocentium mactatio,

gratus carniū , extorum , adipumque nidor , nisi Deus explicato jussu ipse hoc-ce rituum genus instruisset.

Ea animis omnium Gentium , inter quas usitata fuere sacrificia , insita fuit notio , vicariam animam in illis addicī mortī , pro anima quæ ob reatum supplicio digna esset. *Hoc ipsum lex de victimis lata cuique hoc advertenti indicat .* Verba sunt Eusebii Cæsariensis ( *De demonstr. Evang. lib. 1. cap. 10.* ) *Nam capiti victimæ unumquemque dum sacrificat manus habere injectas imperat , & ad Sacerdotem animal ipsum adducere capite comprehensum atque detentum , quasi qui pro sui ipsius capite hostiam exhibeat .* Sed ipse Deus hanc notionem sacrificii veram esse liquidò adstruit ; vetat enim ne quis comedat sanguinem , ( *Levit. c. 17. v. 11.* ) *Quia , inquit , anima carnis in sanguine est , & ego dedi illum vobis , ut super altare in eo expietis pro animabus vestris , & sanguis pro anima piaculo sit .* Undè autem ista opinio omnes Gentes invaserit , quæ cum ipsis Scripturis sanctis concors est ? Procul dubio venit ex antiqua primorum Patriarcharum traditione ; ex quibus tam cæteri populi quàm Israelitæ orti sunt .

Scilicet jam à primo tempore quo Adam cecidit promissus est Messias , qui sanguine suo piaret humanum scelus , mortem oppetens : in hujus mortis symbolum Patriarchæ mactaverunt animalia ; quæ mactatio ab eo quod figurabat , vim omnem suam & dignitatem accipiebat . *Quandiu , iterum Eusebium loquentem inducimus , nulla melior , nulla magna , nulla pretiosa , nulla Deo digna hominibus victima supperebat , animalia ut vite sue λύτρα , hoc est , pretium redemptionis , ac quidem naturæ propriæ ἀντίλυτρα , id est , animarum suarum vice alienas animas , dare conveniebant ; sicut etiam Dei veteres amici & cultores faciebant . Qui venerabilem quandam Deoque acceptam*



*ceptam & magnam hostiam venturam olim ad homines, divino indicante Spiritu, tantò antè didicerant, quæ totius mundi expiatio existeret; cujus etiam signa quedam & notas ipsi interea obirent atque perficerent; quippe qui & Prophete essent; & ejus quod futurum expectaretur figuram in se quandam antè gerentes.*

Deus primum hominum parentem cum collocavit in paradiso, permiserat ei ut de omni ligno ejus comederet, uno excepto scientiæ boni & mali, sic præcipiens in Genesi. (cap. 2.) *Ex omni ligno paradisi comede: de ligno autem scientiæ boni & mali ne comedas; in quocumque enim die comederis ex eo morte morieris.* Comedit Adam, idèd morti addendus. Expulit eum Deus paradiso, & jussit ut in posterum vesceretur de fructibus terræ, quam cum labore coleret; sed protinus ei declaravit fore ut ex ipso nasceretur semen, quod contereret caput serpentis, cujus astutia Æva uxor decepta impulerat maritum suum in peccatum. Codex Sacer historiam Geneseos contraxit. Plurima ibi reticet quæ postea patefacit. Certè priora posterioribus illustrantur.

Fieri non poterat quin pœnas, quas Deus intenderat, homo reus non subiret. Necesse, inquam, erat ut morte moreretur, quam meritis fuerat comedens de ligno verito. Semen quidem ejus debebat contere caput serpentis; sed quoniam qui reus est, veniam ipse non potest obtinere, necesse fuit ut Deus assumeret hoc-ce semen, nempe Filius Dei fieret homo, qui, quaterus homo, mortem pateretur, qua, ut Deus, mereretur veniam peccati.

Deus hoc-ce mysterium Adamo patefecit, scilicet quod Filius Dei passurus esset in eadem carne, quam haberet ex eo; & idcirco pretium passionum ejus infinitum foret. Donec adveniret ille Redemptor, in quo omnis spes salutis collocanda, excitanda fuit

magna de illo expectatio. Ad hoc itaque instituta, & celebrata sunt sacrificia, ut hanc pretiosam mortem adumbrarent, fidem ejus ingererent mentibus, nec sinerent memoriam ejus sive expectationem excidere. Frequentabant Patriarchæ sacrificia: sæpiùs mactabant pecudes puras & innocentes, quarum sanguis effusus typus esset mortis Christi innocentis. In hunc usum & non in alium in primis temporibus destinatæ videntur pecudes, oves, boves, hædi. Etenim ante diluvium mos non erat vesci carne animalium; quæ itaque non mactabantur nisi in sacrificiis. Indè videre est quomodo pellibus statim induti homines; & ad alios usus illæ adhibitæ sunt, puta ad consicienda tabernacula. Indè etiam factum ut inter animalia alia munda, alia immunda reputata sint, etiam antequam ulla lex esset. Omnia per se munda sunt; sed verisimile est Adamum elegisse in sacrificium ea animalia, quæ magis idonea erant symbola mortis Christi; verbi causa, agnos, qui mansueti & patientes sunt. Videre est cum Noe induxit animalia in Arcam, ex jussu Dei distinxisse quæ munda essent, ex his eligens septem paria; quod non fecit de immundis, hoc est, de illis quæ Adamus & filii ejus sacrificantes repudiaverant.

Statim, ut dixi, instituta sunt sacrificia. Videmus oblata ab Abele & à Caino: quæ verbis expressis non præcipiuntur; sed cum alia dicantur accepta fuisse Deo, alia displicuisse, inde colligimus Deo placuisse, quæ instituta fuerant ab Adamo, ritu qui conveniret. Mactatio pecudum idoneus erat typus mortis Christi, igitur Abel cum offerret de primogenitis gregis sui, & de adipibus eorum, respexit ad eum Dominus; Cain verò non adeò religiosus offerebat tantùm munera terræ, scilicet quos fructus tellus ministrabat. Frumentum aut quæcumque aliæ fruges

fruges non aptæ erant mortis Christi symbola, sine qua cum peccatum piari non posset, ut ait Apostolus ad Hebræos, (*cap. 9.*) *sine sanguinis effusione non fiat peccatorum remissio*. Idcirco Cain non perinde placuit ac Abel; quod patuit, quia ignis de cælo delapsus incendit oblata Abelis, ut idem auctor Epistolæ ad Hebræos declarat. (*cap. 10.*) *Pide plurimam hostiam Abel quam Cain obtulit Deo, per quam testimonium consecutus est esse justus, testimonium perhibente muneribus ejus Deo*. Testimonium illud fuit ignis de cælo, quo solitus est Deus comburere sacrificia quæ sibi accepta esse significabat; sicut videre est ubique in Scriptura. *Memor sit omnis sacrificii tui*, canebat Psalter, (*Psal. 19.*) regem compellans, & *holocaustum tuum pingue fiat*. In fonte Hebræo, incineret, id est, incendat Deus.

Ergo cum Cain videret Deum ad fratris sacrificia respexisse, neglexisse munera sua, motus invidia interfecit fratrem. Ob illud facinus, *Cain egressus à facie Domini, habitavit profugus in terra ad orientalem plagam Edem*. Unde egressus est Cain, & quod se recepit? *Ejicis me hodie à facie terræ, & à facie tua abscondar*, inquebat ad Deum, à quo damnabatur ut reus cædis fraternæ. Verisimile est Adamum in cœtu sacrificasse cum filiis suis. Pro eo quod in Vulgata dicitur oblatas à Cain fruges, & ab Abele pecudes, sors dicit de utroque, quod illas adduxerint. Ad quem? puto ad parentem Adamum, qui cepit sacerdotium exercere, ut pote dignior. Usque ad legem primogeniti fungebantur sacerdotio. Insuper verisimile est Adamum elegisse locum conspicuum, in quo statuerit aram; & huc conveniebant, quicumque offerrent, sive huc adducebant offerenda.

In hoc cœtu erudiebat Adam filios suos, imbuebat doctrina & moribus; quæ à Deo didicerat, & in singulos dies discebat, tradens filiis suis. Ab hoc

igitur cœtu, cui præsens intererat Deus, ejectus est Cain, ideo dictus egressus sive expulsus à facie Dei, Itaque progenies Cain in dies pejor facta, vivens sine Deo & sine legibus, evasit prorsus impia. Hæc nomīne filii hominum significatur in Scriptura: Sethi verò altera Adæ soboles censetur Dei; ex qua nati filii Dei, Sumuntur mores à conversantibus, proles Sethi versans in cœtu piorum, tum exemplis tum præceptis Adæ excitabatur ad pietatem colendam; ubi autem filii Dei commixti sunt cum filiis hominum, & ab his acceperunt filias in matrimonium, & eorum opera didicere. Pauci tamen in iustitia perseveravere, per quos vera fides de Christo propagari potuit, primi homines multa sæcula vivebant: saltem in cœtu virorum piorum tradebatur vera doctrina, vera religio, & vera fides eorum quæ attinebant ad annales mundi, ad creationem ejus ex nihilo, ortum, vitam, Patriarcharum ætatem, mortem. Ab origine mundi usque ad diluvium, mille & sexcenti anni præterierunt; quod tempus ratione habita longioris vitæ hominum, quasi unius & alterius sæculi censi potest, cujus historiam quisque potest à traditione accipere, & filiis suis communicare. Ex traditione acceptam historiam originis mundi litteris mandavit Moyses; quam Salomon in Proverbiis commendat sequendam, cui intenti erant Judæi. Moris his fuit ut studio legis incumberent, non solam legis quæ scripta esset, sed & oralis, nempe traditæ ore parentum. Hoc est quod Philo appellat operam dare Philosophiæ; quod Judæi facere solebant sabbatis, ut ille dicit libro 3. de vita sua,

Cum omnis caro corrupta esset, statuit Deus mundum diluvio perdere, ut vidimus in historia; Deus autem semper sibi reservavit pios cultores. Noachus sacrificavit; & idem mortem Christi futuram annuntiavit, & doctrina imbuunt quotquot sacrificio inter-

erunt.

erunt. Abraham sacrificavit, paratus in sacrificium mactare unicam sibi prolem Isaacum; sed ejus loco immolavit, qui occurrit, arietem. Imperaverat Deus illam Isaachi immolationem, qua edocerentur homines quod unigenitum filium suum aliquando morti traditurus esset.

Non fortuito loco hi Patriarchæ sacrificabant. Isaacus in Genesi (*cap. 26. v. 25.*) dicitur ædificasse altare; certè ut sacrificaret, & esset locus ad quem pii convenirent: quod & fecit Jacob. (*Genes. 35. 7.*) Ergo constare debet ab Adamo usque ad Moysen traditam de sacrificiis doctrinam, simul & Christi fidem; quæ erat sacrificiorum finis: nempe instituta illa ut annuntiarent mortem ejus, ut dictum est. Hæc sacrificialis doctrina non prorsus latuit gentes, quæ omnes ortum ducunt ex tribus filiis Noe; & quod proavi eorum viderant observatum à Noacho & filiis ejus, ipsi imitati sunt. Sed oblivioni tradiderunt, quod præcipuum erat, scilicet sacrificia habenda pro symbolis Christi. Noverant sine effusione sanguinis non remitti peccata: sed alius erat quàm animalium sanguis, qui inquinat potius quàm munda; nisi quatenus excitat fidem Christi: quod cum & ipsi Judæi satis non intelligerent, satagit Deus per Prophetas mentem eorum excitare, ut verum Christi sacrificium intuerentur, à quo solo salus expectanda esset. Denuntiat se fastidire victimarum carnes apud Isaiam. (*cap. I. v. 11.*) *Quo mihi multitudinem victimarum vestrarum? Plenus sum. Holocausta arietum & adipem pinguium, & sanguinem vitulorum & agnorum & hircorum nolui.* In deserto sacrificia non fuere frequentia; imo nulla facta sunt versùs finem quadraginta annorum, quibus Israelitæ erraverunt in deserto; quia qui hoc-ec tempore nati sunt, non circumcisi fuissent, & idè prohiberentur sacrificare. Patribus morte absumptis, ubi nata est no-

va progenies, Deus, transito Jordane, fœdus insta-  
ravit, & sacrificium, initio factò à Paschate in Gal-  
gala in campestribus Jericho, ubi omnes Israelitæ cir-  
cumcisi sunt, ut videre est in *capite* 5. Josue.

Qui sacrificia simul præcepit, & repudiat, non  
sibi Deus constare videretur, nisi verba sic accipia-  
mus, ut censeantur dicta adversùs eos qui ad sacri-  
ficii finem non advertebant. Reipsa Deus non dele-  
tatur sanguine hircorum, & carnibus taurorum;  
nec sanguis brutorum animam peccatricem purgare  
potest, sed repræsentare sanguinem pretiosum Chri-  
sti, quò verè mundati sumus. Placebant itaque sa-  
crificia Deo, quoniam sibi fieri postulabat; sed qua-  
tenus signa sacrificii sibi offerendi à filio ejus, quo  
sacrificio nulla res præstantior cogitari potest, nec  
alius cultus dignus est Deo. Displicebant sine ulla  
ratione, qua carebant sapiùs carnalium Judæorum  
sacrificia; qui de Christo non cogitabant, occupati  
solo delectu animalium, quasi pinguiora magis Deum  
placarent.

Cùm ea sit ratio veterum sacrificiorum, ut insti-  
tuta sint in typos mortis Christi, non mirum est,  
si Deus illa ordinarit, & præscripserit ritus eorum  
omnes; quod absurdum esset cogitare ab eo factum,  
si à dæmoniis illa primò adinventæ essent. Hæc præ-  
notare ingens operæ pretium est; nulla enim alia ob-  
servatio magis inducit in veram notitiam Scriptura-  
rum veterum: in quibus ubique mentio fit sacrifici-  
orum; quæ sine fastidio legi non possunt, nisi ani-  
mus hac prænotatione occupatus sit, hisce præstan-  
tius quidpiam sacrificium significari. Itaque cum tan-  
ta sit sacrificiorum dignitas, de illis diligenter disse-  
rendum, ea præsertim investigando, ex quibus cla-  
riora fiunt quæ habent Codices sacri; ad quorum  
expositionem necessarium primùm scire quid sit sa-  
crificium, ex quibus fiebat, quo fiebat ritu, quæ  
cum

cum illo conjuncta, à quo fieri poterat, in quo loco, quo tempore, quæ fuerint diversæ sacrificiorum species, quæ sacrificia propria cuique festo, quæ esset participatio eorum.

Sacrificium, ut ex prænotatis liquet, est mactatio sive mors vivi animalis in pœnam peccati, quod ipse qui illud offerebat, patrauerat, aut pro quo suscipiebat Deo satisfacere. Dignus morte æterna, ut Deum placaret, dabat pro se vicariam animam, ex suis propriis gregibus. Ergo sacrificia ostendebant quid commeruissent peccatum & peccator, mortem nempe & ignem, dum mortem & combustionem victimæ oculis ingerebant. Erant ergo veluti signa pœnitentiæ & expiationis pignora.

Animantium, ex quibus sacra fiebant, genera sunt quinque: boves, oves, capræ, turtures, & pulli columbarum. Hæc utique talia genera erant, qualium erat & summa mansuetudo, & maxima in terra Chanaan copia, & præcipuus in victu communi usus. Sicut ipsius generis, ita singulorum animalium ad sacrificia adhibitorum delectus summus habendus erat. *Si cæcum fuerit, si fractum, si cicatricem habens, si papulas, aut scabiem aut impetiginem, non offeretis ea Domino.* (Lev. c. 22. v. 22.) Hinc factum ut quodque animal diligenter explorari soleret, prius quam admoveretur ad aram. Maimonides, in Tractatu suo de rebus altari interdictis, enumerat vitia quæ animal temerarent. Communia homini & pecudi assignat quinquaginta, viginti tria pecudi, quæ scrutatur & explicat recensens omnes corporis partes, & quo vitio quæque posset affici notans. Scilicet victimæ immaculatæ repræsentabant Agnum verè sine macula, JESUM CHRISTUM Dominum nostrum.

Quoties quis immolandam victimam susciperet, sistebat illam ante altare, deinde manum capiti ejus im-

imponerebat utramque, ut dicit Maimonides: alii sentiunt unam suffecisse; sed omnes volunt, sive unam, sive utramque, ex totis viribus imponendas fuisse. Præterea solemnes quasdam preces recitabat. Si plures simul offerrent unam hostiam, ei manus imponebant universi, non illi simul unà, sed unus post alium, ut Maimonides docet. Hæc impositio manuum ritus erat, quo hominis peccata veluti transmittiebantur in victimam pro ipso morituram; & cujus morte imminente, agnoscebat se mortem commeruisse. Erat, inquam, hæc impositio typus impositionis peccatorum nostrorum, quorum onus in se suscepit Christus, simul & emblemata pœnitentiæ. Idcirco, ut adstruit Maimonides, qui sacrificium pro peccato aut delicto offerebant, si non agerent pœnitentiam, & peccatorum confessionem disertis verbis conceptam non ederent, haud purgabantur.

Deinde jugulabatur animal. Jugulandi autem modus erat, ut refecarentur simul aspera arteria & œsophagus. Excipiebatur sanguis patera, quæ movebatur, ne concretus esset sanguis, antequam transferretur, & pro sacrificiorum genere omnia respergerentur illo sanguine vela, cornua altaris, & pleraque alia. Reliquus autem sanguis effundebatur ad pedem aut basim altaris (*Levit. cap. 4. v. 18.*) una vel pluribus asperisionibus, prout exigebat natura sacrificii. Ideo altare cingebatur fossa, ex qua sanguis per occultos canales effluebat è Templo in torrentem Cedronis. Altare autem, quod editum erat, figurabat crucem, in qua exaltatus est Christus, & quæ respersa est sanguine ejus pretioso.

Post asperisionem sanguinis, & detractam ei pellem, victima concidebatur in partes, quæ per collem, quo ad altare ascendebatur, deferiebantur cum pompa, & agitabantur ad partes Orientis, hoc est, movebantur huc illuc, sursum & deorsum. Ardebat  
ignis



ignis perpetuus in altari (*Levit. cap. 6.*) quem nutriebat Sacerdos subjiciens ligna manē per singulos dies. Adolebatur tota victima hoc igne, vel pars tantum pro genere sacrificii.

In ascensu altaris, sive in colle, saliebant Sacerdotes victimæ partes; omnis enim victima sale saliebatur, ex lege. (*Lev. c. 2. v. 13.*) Sacrificiis libamina adjiciebantur. Quicquid offerebatur vini & similæ unā cum victima, appellabatur *libamentum*. In libamento *Fertum* dicebatur quod erat ex simila, id est, farina mundissima, oleo & thure confectum, in cli-bano, aut sartagine, aut craticula coctum. Fertum erat etiam frumentum igne tostum. Pars incendebatur, pars sacerdotibus tradebatur, Omnia ista, videlicet victima, vinum, similia sive ferta dicuntur ab Hebræis *corbanoth*, hoc est, dona Deo oblata, & ritu sacro consumenda, interimenda, cremanda, aut effundenda, aut ad sacras epulas adhibenda, Ferta autem magis propriè dicebantur Hebraicè *Minecha*, id est, oblatio, Græcè *προσφορά*, Oblationes verò ex animantibus appellabantur *zebachim*, id est, sacrificia, *zabach* propriè est *mactare*. Sacrificium à Græcis nominatur *θύνα* à *θύω* *mactare*. Ferta quæ fiebant farina triticea vel hordeacea, cum vino augebantur, appellabantur ferta libaminum, Omnia autem ferta super altari offerenda prius oleo subigenda erant, & superaddendum thus, ut præcipitur in Levitico. (*cap. 2. v. 1.*) Condiebantur sale, & hoc est quod Virgilius *salsas fruges* appellat. Hæc in altari adolebantur; vinum verò affundebatur ejusdem altaris crepidini. Cautum erat, ne quid fermentati, aut mellis altari superponeretur.

Sartaginis autem & craticulæ, in quibus cocta ferta, quæ in furno non coquerentur, id discriminis ex Maimonide intererat, quòd craticula instructa esset ora, quia mola quæ in hac coquebatur, mollis

mollis esset; ne autem excederet, ora craticulæ obstabat. Vas illud, quod à Vulgato interprete appellatur *craticula*, in fonte dicitur *Rascheschel*, quod potius ahenum cacabum, sive vas in quo aliquid ebullitur, denotat, quàm craticulam, quæ vernaculè dicitur *un gril*, italicè *una graticola*. Sarrago autem *chaba* ora carebat, & in illa coquebatur mola oppidò dura, quæ hinc indè excurrere non poterat. Præscribit Leviticus quibus mensuris similæ & olei constarent farta; quæ coquenda clibano, quæ sartagine, quæ craticula, pro qualitate sacrificiorum.

A quocumque poterat jugulari victima; proprium autem munus sacerdotum erat excipere sanguinem, transferre, & eo aspergere altare, cæteraque munia obire. Quin etiam hominibus alienis, id est, non sacerdotibus licebat pelle victimam exuere, eandemque in partes dissecare; sed sacerdotum proprium munus erat sanguine victimæ altare aspergere; *immolabitque vitulum coram Domino*, is scilicet qui offert, & *offerent filii Aaron sacerdotes, sanguinem ejus fundentes per altaris circuitum.* (*Levit. cap. 1. v. 5.*) Sic præceptum fuerat, inquit Origenes, quia Annas & Caiphas, & cæteri Sacerdotes, qui consilium iniierunt contra Dominum, erant filii Aaron, & ipsi obtulerunt & sanguinem fuderunt in eodem loco, in quo erat altare, id est, in Jerusalem, sive potius in Templo ipso, ubi Sacerdotes Jesum mortis reum judicarunt.

Ante extructum Templum, non licebat mactare victimam, nisi ad Tabernaculi ostium (*Levit. cap. 3.*) postea in domo electa, hoc est, in loco, quem elegit Dominus, ut præcipitur (*Deut. cap. 12. v. 14.*) nempe in Templo. In quocumque atrii loco poterat fieri jugulatio pecudis, sed non extra illud: neque etiam Agnus Paschalis extra atrium mactari poterat. Ad istam legem, de non mactando sacrificio

extra

extra Templum Hierosolymitanum, alludebat Dominus, cum apud Lucam (*cap. 13.*) dicebat: *quia non capit Prophetam perire extra Jerusalem.* Scilicet typi mortis Prophetæ extra hanc urbem exhiberi non poterant. Sanctiores victimæ ad solum aquilonare altaris latus mactari poterant. (*Levit. cap. 1.*) Aliæ ubique in atrio Sacerdotum, etiam in atrio Israelis; antequam conderetur Templum, lex de loco sacrificiorum non tam arcta erat, Samuel, David, Salomon non adduxerunt omnia sua sacrificia ad Tabernaculum. Quandoque sacrificaverunt in excelsis, quod postea piaculum fuit. Elias quidem extra terram Juda coram Israelitis in montē Carmelo sacrificavit juvencum Deo vero, qui igne cœlesti sacrificium illud sibi placere, testatus est. Sed non idcirco putandum est hoc Eliæ sacrificio religionem Templi Hierosolymitani abrogatam; imò vindicata est à Propheta zelo divino adversus Baalim. Miraculum quod tunc editum est, narratur in *tertio* Regum. *cap. 18.*

Nulla sacrificia fiebant nisi interdiu; nec aspergebatur sanguis, nisi victimæ quæ de die esset occisa. Ubi sol occiderat, sanguis fiebat prophanus; sed cum aspersio facta fuerat in die, poterant adoleri membra & exta tota nocte. Matutinum sacrificium fiebat, cum sol nondum ortus collustraret orientalem plagam. Vespertinum, ubi primum umbra ejus porrigebatur. Agnus Paschalis immolabatur inter vesperras, hoc est, sole inclinante, nempe hora nona, quæ tertia est nostra pomeridiana, qua Josephus expressis verbis dicit fuisse Agnum Paschalem mactandum; & qua hora contigit Jesum expirasse in cruce. Agnus in quotidiano sacrificio immolandus ita vinciebatur, ut anteriora & posteriora ejus crura colligarentur (quem ligationis modum Rabbini appellant *ligationem Isaac*) & jacebat capite ad meridiem obver-

obverso, facie verò ad occidentem; quo situ corporis videtur Christus obtulisse carnis suæ sacrificium.

Jam enumeremus diversas sacrificiorum species. Cum sacrificium Christi se Deo Patri offerentis non posset ob multiplicem virtutem uno sacrificii genere repræsentari, ideo plurimæ sacrificiorum species fuerè instituendæ. Inter sacrificia alia erant sanctissima, alia levia, sive minùs sancta, aut inferioris sanctitatis. Quatuor sacrificiorum species Maimonides admittit, holocaustum, sacrificium pro peccato, pro delicto, & sacrificium pacificorum: sacrificia autem illa erant vel privati alicujus, vel totius Israelis. De his speciebus juvat aliquid delibare.

Holocaustum, ut nomen, quod Græcum est, indicat, totum igne absumebatur. Hebræis dicitur *Hola*, quod non aliud significat quàm *ascensum*: scilicet ascendebat victima ad altaris ignem, quo correpta abibat in fumum. Videntur autem Græci confudisse *hola*, *ascensio* cum ὅλος *totus*: etenim in quibusdam sacrificiis, etiam quæ holocausta nominabant, pars quædam cedebat Sacerdotibus, vel laicis, à quibus oblata; ita tota hostia non consumebatur igne. Ritus hujus sacrificii describitur in Levitico. (*cap. 1.*) Ignis cælitùs demissus aliquando corripiebat victimam in holocaustum oblatam.

Sacrificia, quæ incendio absumebantur in altari, dicebantur Hebraicè *ische*, id est, ignita, ab *isch* ignis. Res inanimatæ igni destinatæ etiam dicebantur *kethora* vel *kethoreth*, id est, suffitus, Græcis θυμιάματα, quæ incensa in fumos abibant. Nomen oblationis rerum inanimatarum, quæ alio ritu sacro destruebantur, erat *nesek*, σπονδή libamen.

Sacrificia alia voluntaria censebantur, alia necessaria. Quæ spontè & ultro, quoties luberet, offerri poterant, dicebantur voluntaria; etiam *schelammim*, id est, pacifica, ex *schalam*, quod est *retribuere* vel  
*pace*

*pace frui.* Pacifica sacrificia etiam salutaria dicebantur, nempe facta propter recuperatam salutem, & ob res prosperas: Eucharistica, quia fiebant dum gratiarum actio redderetur. Sacrificia necessaria erant gemina pro peccato & pro delicto. Primum appellatur simpliciter *θεὸς ἀναπαύσας* pro peccato. Ita verba illa Pauli ad Hebræos (*cap. 10. v. 8.*) quibus Jesum inducit loquentem, *hostias & oblationes & holocausta pro peccato noluit*, non sic intelligenda sunt quasi Deus non admiserit oblatum à Christo sacrificium pro peccatis hominum. In fonte Græco est, *καὶ θεὸς ἀναπαύσας*, id est, Deus non delectatus fuerat antiquis sacrificiis, neque oblationibus, neque holocaustis, neque sacrificio quod dicebatur *pro peccato*. Similiter & in Epistola ad Romanos ubi Paulus dicit in Vulgata nostra: (*cap. 8.*) *Deus filium suum mittens in similitudinem carnis peccati, & de peccato damnavit peccatum in carne*. Illud *de peccato* in fonte Græco *θεὸς ἀναπαύσας* intelligendum est sacrificium quod pro peccato dicebatur, in cuius similitudine venit JESUS CHRISTUS. Similiter, cum in Epistola ad Hebræos (*cap. 9. v. 28.*) dicitur de Christo, *sine peccato apparebit expectantibus se in salutem*, sensus, ut mihi videtur, est, quod non opus erit, ut in corpore suo offerat sacrificium *pro peccato*. Denique secunda Epistola ad Corinth. (*cap. 5. v. 21.*) *Eum qui non noverat peccatum, pro nobis peccatum fecit*, nempe sacrificium *pro peccato*, ut nos efficeremur *justitia Dei ipso*.

Per peccatum intelligunt Hebræi vel voluntariam vel imprudentem prætergressionem legis divinæ, quæ nisi expiaretur, haberet prænam comitem à Deo immissam; cum autem & crederent plerosque morbos, ut parturientium dolores, & immundiciem leproforum, esse alicujus peccati irrogata supplicia, idcirco sacrificia quæ à leprosis & à puerperis offerebantur,

tur,

tur, numerant inter sacrificia *pro peccato*, id est, oblata ad placandum Deum, cujus ira provocata fuerat peccato.

Ut liqueat quid sit sacrificium *pro delicto*, querendum quid intelligant Hebræi per *Ascham*, quam vocem Latinus interpres reddit *delictum*. Proprie *Ascham* reatus est. Puta execratio, perjurium, error, ignorantia. Præsertim culpa erat, ut ita dicam, incerta: nempe cum aliquis certo non sibi conscius esset culpæ alicujus, sive dubius an admisisset, necne, tenebatur, ne incurreret in odium Dei, certum piaculum facere, sive offerre sacrificium quod *pro delicto* appellabatur. Rem non satis explicat nomen *delictum*. Constat præscripta fuisse sacrificia his qui culpæ dubii erant, ut videre est in hoc loco Levitici. (cap. 5. v. 17.) *Anima si peccaverit per ignorantiam, feceritque unum ex his quæ Domini lege prohibentur, & peccati rea intellexerit iniquitatem suam.* Fons sic reddi potest. *Homo autem cum peccaverit, & contra quodvis præceptorum Domini, quod facere minimè licet, fecerit; & si hoc fecisse non certò novit, reus tamen est.* Pergit autem loqui Vulgatus interpres: *Offeret arietem immaculatum de gregibus Sacerdoti, juxta mensuram estimationemque peccati; qui orabit pro eo, quia nesciens fecerit, & dimittetur ei.*

Sacrificia sic distingui possunt, ut alia dicantur *consecrationis*, nempe Sacerdotum, quæ describitur (Levit. c. 6.) *Emundationis* pro puerpera, (cap. 12.) pro leproso, (cap. 13. 14.) pro seminisfluio, (cap. 15.) & pro muliere menstruosa ibidem. Item *expiationis*, quæ offerebantur pro sanctuario, sive pro templo, & pro labe totius populi.

Sacrificia & distinguebantur festis diebus, quibus propria erant. Sacrificio jugi matutino & vespertino, in Calendis sive Neomeniis, addebatur aliud sacri-

sacrificium, sicut in Paschatis diebus. Agnus Paschalis jugulabatur in atrio Templi, etiam à quolibet; sed à solis Sacerdotibus sanguis ejus excipiebatur patera, quæ effundebatur ad basim altaris. Caro ejus asportabatur comedenda in familiis. Post magnam azymorum diem, nempe decima sexta die mensis Paschalis, offerebatur sacrificium cum manipulo novæ messis. Die Pentecostes, ut in Calendis, addebatur sacrificium quotidiano. Præterea offerebantur duo fermentati panes in primitias novæ messis; sed non comburendi in altari, à quo omne fermentum removebatur, ut dictum est. Sic in reliquis festis addebatur sacrificium jugibus sacrificiis. In scenopegia libabatur aqua cum vino. In die expiationis offerebantur hirci duo, quorum alter immolatus in hostiam pro peccato cremabatur; alter vivus emittebatur in solitudinem. Primi inferebatur sanguis in sancta Sanctorum: super alterum sacerdos confitebatur peccata populi.

Lex præscribebat quas partes victimarum comederent Sacerdotes, quas ille qui obtulisset. Participatio illa erat pars sacrificii, sive ad sacrificium pertinens; juxta quod dicebat Paulus. (1. Corinth. cap. 9. v. 13.) *Nescitis quoniam qui in sacrario operantur, quæ de sacrario sunt, edunt: & qui altari deserviunt, cum altari participant.* In fonte Græco τὰ θυσιασθία τοῦ μερίστου. *Dividunt cum altari*, cui debebatur portio voranda igne ejus. Altera portio tum Sacerdotum erat tum offerentium. Ad hunc morem alludebat Paulus capite sequenti x. 21. *non potestis mensa Domini*, id est altaris participes esse & demoniorum. In loco sancto comedenda erat victima, à viris mundis & circumcisis, non alibi quàm in atrio, cum sacrificium esset sanctissimum; minùs enim sancta, ut agnus Paschalis, poterant comedi intra mœnia urbis Jerusalem, sed non extra.

L

Præter

Præter sacrificia quæ fiebant ex animalibus, aliæ erant oblationes, ut dictum est, ex panibus, vino, thure, & oleo. Oblatio incensi quotidie fiebat, scilicet *Thymiana*, sive suffimentum certis aromatibus compositum, incendebatur in altari aureo, quod ideo *Thymiamatis* dicebatur. Altera oblatio ordinaria fiebat duodecim panum propositionis, qui unoquoque sabbato coram Domino novi apponebantur: ablati à Sacerdotibus comedebantur. Oblationes spontaneæ sunt vel vota, vel sponsiones: illæ minùs adstringebant, quàm vota. Votorum duæ classes erant: prima consecrationis; secunda obligationis. Votum consecrationis fuit, cùm aliquid devoveretur in usus sacros, altaris scilicet aut Templi, veluti cùm voto quis hoc vel illud dicaret in sacrificium, vel ad commendandum lignum, salem, vinum &c. pro altari. Votum obligationis, sicut cùm quis se voto astringeret ad hoc vel illud, quod ex se erat licitum, veluti se hoc vel illud non comesturum, non induturum, non facturum, &c. sicut nec bibere vinum, nec capillos tondere, nec habitare in domo. Vota fiebant cùm quis diceret, v. g. in me recipio holocaustum, vel pretium hujus pecoris in holocaustum recipio; formulas breves adhibebant Judæi; verbi gratia, ut quis voveret omnia bona, sufficebat dicere, omne quod ex me est, *corban*, hoc est, voveo Deo omnia quæ penes me sunt. Vox illa idem sonat ac donum. Ex quo intelligere est quis sensus sit horum verborum Matthæi. (cap. 15. v. 5.) *Munus quodcumque est ex me tibi proderit*, quæ non alia sunt ab his Marci. (cap. 7. v. 11.) *Corban (quod est donum) quodcumque ex me tibi profuerit*. Scilicet statuerant Pharisei, ut statim ac filius promississet Deo bona sua, etiam quæ necessaria erant patri & matri alendis, teneri illa Deo reddere, simul ac emisisset illam vocem *corban*. Scilicet res votæ cenlebantur sacræ, à quibus non minùs



minus abstinendum quàm à sacris. Lex jubebat red-  
dere citò quod votum esset.

Conjunctæ cum sacrificiis censerì possunt primi-  
tiæ sive animalium sive fructuum; erant enim ob-  
lationes factæ Deo. Primogeniti omnes masculi de-  
bebantur Deo. (*Exod. cap. 22.*) Homines & omnia  
animalia, quæ immunda erant, Judæi redimebant.  
Similiter boves primogeniti Deo debebantur. Non  
poterat falx mitti in messem, nisi Omer, sive ma-  
nipulus Deo esset oblati altera die post magnum  
diem azymorum; similiter nec panis ex tritico co-  
qui, nisi postquam primò panes novi ex tritico fuif-  
sent etiam Deo oblati in die Pentecostes. Ante illas  
primitiās Deo oblatas omnia censebantur immunda,  
postea munda & sancta. Ad hunc morem alludit  
Paulus, (*Rom. cap. 11. v. 16.*) *quod si delibatio*, Græ-  
cè ἀπαρχή, primitiæ, *sancta est, & massa*, nempe re-  
liqua massa sancta habetur. Præcipit lex, inquit Phi-  
lo, (*Lib. de Sacerd. honorib.*) ut quotiescumque pa-  
nis à pistoribus fermentatur ac subigitur; totius pars  
separetur in primitias; quæ destinabantur in usum  
Sacerdotum. Hoc pacto offerentium pietati prospici-  
tur; dum enim assuescebant semper alimenti par-  
tem Deo decidere, nunquam in ejus oblivionem  
veniebant. Maimonides dicit qui fructus suos come-  
disset necdum decimatos; eum obnoxium fuisse  
morti divinitus infligendæ. Pariter offerebantur pri-  
mitiæ vini, olei, (*Deuter. cap. 18.*) & pomorum.

Decimæ ex omni terræ proventu singulis annis  
pendebantur, scilicet pars decima. Decimarum au-  
tem quatuor genera distinguit ex lege Hieronymus,  
& illa explicat, commentans caput xlv. Ezechielis.  
Prima à populo pendebatur Levitis. (*Nim. 18.*) Qui  
comedisset non decimata, reus fuisset mortis. Se-  
cunda à Levitis, qui partem decimam decimarum  
dabant Sacerdotibus. (*Nim. 18.*) Tertiam unusquis-

que in suis terris Decimam separabat, quam comederet in vestibulo Templi, invitans Levitas ac Sacerdotes. (*Deut. cap. 14.*) Quarta Decima recondebatur pro tertio quoque anno ad pauperes sustentandos, (*Deut. 14. 28.*) dum terra quiescebat. *Anno tertio separabis aliam decimam, ex omnibus quæ nascuntur tibi eo tempore, & repones intra januas tuas, Venietque Levites, qui aliam non habet partem nec possessionem tecum, & peregrinus ac pupillus & vidua, qui intra portas tuas sunt, & comedent & saturabuntur.*

Tempus anni, à quo decimas computabant, varium fuit. Ab *elul* ad *elul* numerabant annum, ut pecus ritè decimarent: à *tisri* ad *tisri* propter frumentum & legumina supputabant, à *schebat* ad *schebat* propter arborum fructus.

Si quis vellet redimere decimas suas, quintam partem earum addebat. Decimæ enim illæ, diversæ ab iis quas debebant Judæi Levitis & Sacerdotibus, Hierosolymam ad Templum deferebantur ex omni Hebræorum ditione. Qui autem remotas regiones incolebant, venditis in patria decimis, ut adstruit Josephus. (*Antiq. lib. 4. cap. 8.*) Juxta legem Deuteronomii (*cap. 14.*) pecuniam indè redactam in sacra urbe infumebant in sacrificia & convivia, quæ læta agere lex jubebat. Hæc est pecunia, quam idem Josephus (*Lib. 16. cap. 10.*) appellat *votivam*; quam per certos homines Judæi Hierosolymam mittebant ab omnibus orbis plagis. Morem hunc servabant Christiani eleemosynas suas mittentes Hierosolymam, ad alendos sanctos; de quo more interpretor quod scribit Paulus, (*1. Cor. cap. 16. v. 1.*) *de collectis autem quæ fiunt in sanctos, sicut ordinavi Ecclesiis Galatiæ, ita & vos facite per unam sabbati*, id est, prima die hebdomadis, *unusquisque vestrum apud se seponat recondens quod ei benè placuerit; ut non,*  
*cum*

*cum venero, tunc collectæ fiant, cum autem præsent fuero, quos probaveritis per Epistolas, hos mittam perferre gratiam vestram in Jerusalem.*

Ut ritè numerarentur pecudes, dum decimabantur, colligebat pecuarius omnes agnos suos vel vitulos suos in unum stabulum, cujus ostium parvum erat, ita ut duo simul exire non possent. Matres eorum extra caulam constituëbat, ut cum agni vel vituli eas balantes vel mugientes audirent, ordine alter post alterum egrederentur. Tum incipiebat pecus suum numerare, & quod decimo loco exiret, sive macrum esset sive pingue, sive masculum, sive fœmineum, percutiebat virga quadam minio tincta, & dicebat: hoc erit pro decima. Mos ille adstruitur ex Levitico. (cap. 27. v. 32.) *Omnium decimarum bovis & ovis & capræ, quæ sub pastoris virga transeunt, quidquid decimum venerit, sanctificabitur Domino.*

Consulebat pauperibus, quorum in favorem lex sic præcipit: (*cum messueris segetes terræ tuæ, loquitur Deus, non tondebis usque ad solum superficiem terræ: nec remanentes spicas colliges. In fonte non consummabis metendo angulum agri tui.* Nempe Judæi, cum agros metebant, ex jussu Dei, relinquebant angulum agri, sive portionem quam non metebant: cujus quantitas non præstituitur in lege sacra; sed ex scitis scribarum, seu eorum quibus permessa est sanctionum superinducendarum potestas, pars erat minimum sexagesima. Addit lex (v. 10.) *neque in vinea tua racemos & grana decidentia congregabis sed pauperibus & peregrinis carpenda dimittes.* In fonte spicilegium non colliges. Manipulum casu oblitum in agro pauperibus Judæi relinquebant.

## CAPUT VIII.

*De Templi ministris; de Levitis, de Sacerdotibus, de summo Sacerdote Dei & vestibus ejus; de Ephod, & in eo Urim & Thummim. De aliis personis sacris, Nazaræis, Rechabitis, Prophetis.*

**D**Eo summo Regi conveniebat deservire plures ministros, qui adstarent satellites & custodes sacri palatii, mensæ ejus, id est altari ministrarent, cæterisque defungerentur muneribus, quæ ordinata oportebat ad edendos typos Christi, qui rerum Hebræarum omnium finis est. Olim Tabernaculum, postea Templum pro summi Regis palatio fuit; in quo ergo qui Dei servitio addicti erant, sua obire munera tenebantur, Jam diximus ministerium Tabernaculi & deinde Templi demandatum fuisse Tribui Levi; cui ut tota vacaret, omnibus aliis curis soluta erat. Non omnibus verò qui ex illa Tribu essent, sed iis solis, qui ex familia Aaronis ortum ducebant, commisit Deus sacerdotalia munia, hoc est, quæ præcipua erant in Templo. Cum Levitica tribus cultui divino addicta esset, sortem non acceperat in terra promissionis. Ideo non numerabatur inter duodecim tribus, quia per eas dispersa erat, & earum decimis alebatur, quarum ipsi decimas Sacerdotibus pendebant.

Quamvis constaret quempiam esse Levitici generis, ministrare non poterat, nisi prius certis & legitimis ritibus consecraretur. *Tolle Levitas ex medio filiorum Israel, inquit Deus Moysen alloquens, (Num. cap. 8.) & purificabis eos juxta hunc ritum. Aspergantur aqua lustrationis; & radant omnes pilos carnis sue. Cumque laverint vestimenta sua, & mundati fuerint, tollent bovem de armentis, &c.* Nullus insuper

Insuper munus suum effecturus admittebatur in atrium, quin prius esset quinquennio ministerium edoctus, inquit Maimonides. Lex alibi (*Num. cap. 8. v. 24.*) illos à vigesimo quinto anno, & alibi (*cap. 4. v. 3.*) à trigesimo tantum anno idoneos dicit obeundis officiis suis. Quo pacto illa sibi conciliantur, ait Maimonides. Nempe quinquennium in addiscenda ministerii ratione ponebatur, Etenim Levita ministerium inire non poterat, quin jam vir grandis esset. Cum autem quinquagesimum annum impleverat, jam liber vacabat; quod idem Maimonides sic intelligit, ut id non concederetur Levitis, nisi eo tempore quo Tabernaculum portabatur ex uno loco in alium; nam postea anni ministerio non faciebant inhabiles. Quæ vasa, quæ suppellectilia, quas quisque partes Tabernaculi portaret, ubi sedes ejus mutanda erat, Moyses præceperat: Ubi autem Deus sedes quietas Israelitis dedit, alia illis munera substituit. Alios fecit Janitores, alios Cantores, alios thesaurarios; eos in curias partitus viginti quatuor, quarum singulæ ex Maimonide plenam hebdomadam ministrabant. Tum verò princeps cujusque curiæ cunctos curiales suos distinguebat in familias, ut singulis diebus ministrarent. Hisce autem diariis ministris suum cuique munus assignabant familiarum principes. Solis autem ex Aaronis familia altaris munera obire licitum erat.

Numeravit David tempore suo Levitas à triginta annis & supra: & invenit triginta octo millia. Hinc æstimari potest, quanta esset magnificentia Templi, in quo tot ministri adstarent Deo. *Ex his electi sunt, ut dicit Scriptura, (1. Paral. c. 23.) & distributi in ministerium domus Domini viginti quatuor millia; Præpositorum & Judicum sex millia. Porro quatuor millia Janitores: & totidem Psalta, canentes Domino, in organis quæ fecerat ad cavendum; & di-*

stribuit eos David per vices filiorum Levi. Juvat at-  
texere quæ paucis interjectis subjiciuntur. Juxta præ-  
cepta quoque David novissima sapputabitur numerus fi-  
liorum Levi à viginti annis & supra. Et erunt sub  
manu filiorum Aaron in cultum domus Domini, in  
vestibulis, & in exhedris, & in loco purificationis, &  
in sanctuario, & in universis operibus ministerii Tem-  
pli Domini. Sacerdotes autem, super panes propositio-  
nis, & ad similia sacrificium, & ad lagana azyma,  
& sartagine & ad torrendum, & super omne pon-  
dus atque mensuram. Levite verò ut stent mane ad  
confitendum & canendum Domino: similiterque ad ve-  
spertinam tam in oblatione holocaustorum Domini, quàm  
in Sabbatis & Kalendis, & sollemnitatibus reliquis,  
juxta numerum & ceremonias uniuscujusque rei, jux-  
ta coram Domino. Et custodiant observationes Ta-  
bernaculi fœderis, & ritum sanctuarii, & observatio-  
nem filiorum Aaron fratrum suorum, ut ministrent in  
domo Domini.

Templum habuit magistratus suos, quos Lucas  
(cap. 22. v. 52.) appellat *σπαρτυρὰς τοῦ ἱεροῦ*, quæ vox  
Græca denotat hujusce magistratus munus fuisse mi-  
litare. Scilicet Templum habebatur pro castris Dei.  
Maimonides numerat quindecim præfectos, qui præ-  
rant descriptioni temporum, claudendis portis, cu-  
stodiendis, cantoribus, cymbalo, cæterisque mu-  
sicis instrumentis, fortibus, sigillis, libationibus, æ-  
grotis, aquis, propositionis panibus efficiendis, suf-  
fimento componendo, texendis velis, vestimentis sa-  
cerdotalibus apparandis. Quæ paulò fusiùs explicabo  
verbis Maimonidis, ut magis magisque pateat quo  
ordine & qua magnificentia omnia peragerentur in  
Templo.

Atque horum cuique præfectorum multi erant ho-  
mines subiecti, qui hoc cui ille præfectus erat, opus  
efficerent. Is igitur, qui temporibus describendis præ-  
rat,

rat, unà cum suis observabat tempora; utque sacrificiorum venerat hora, vel ipse, vel ejus permisso aliquis è subditis magna voce pronuntiabat, AD SACRIFICIA SACERDOTES, AD SUGGESTUM LEVITÆ, & AD STATIONEM ISRAELITÆ: cujus ut esset audita vox, quisque munus aggrediebatur. Qui portis claudendis præerat, is claudi portas jubebat, aperiri: nec harum ad aperturam clangebant buccinatores nisi ejus permisso.... Qui præpositus erat custodiis, hic vir.... nocte tota Levitas excubias agentes lustrabat; quorum si reperiret aliquem in statione sua dormientem, baculo tondebat, & vestes ejus adurebat. Qui præsedebat cantoribus, quotidie Levitas deligebat, qui carmen in suggestu voce canerent. Item ejus jussu sacrificiis faciendis clangebatur..... Qui præsedebat cymbalo, is omnia fidium genera assignabat cantoribus.... Qui sortibus præsedebat, ab eo quotidie fiebat sortitio de Sacerdotibus, ut eorum quisque id quod sorte sibi obtigisset, munus efficeret. Ne in molem excrescat opus, non exscribo totum locum Maimonidis de hisce Templi præfectis; adjungam tamen fuisse Præfectum, qui Sacerdotes curaret ægrotantes: cum enim illi, inquit Maimonides, in pavimento nudis pedibus semper insisterent, & sacris operantes una omninò tunica tegerentur, sæpè dolore viscerum laborabant.

Non hujus est loci, recensere portas Templi, & quibus janitoribus custodia ejus committeretur, aut quorum janitorum esset invigilare salis, vini, olei custodiæ, quæ omnia quantum satis est exposuimus in libris de Templo. David elegerat 288. viros cantandi peritos, qui cæteros cantores erudirent; viginti quatuor classes cantorum erant, ita cuique classi præerant duodecim viri peritiores. Alii voce, alii instrumentis canebant.

Cuique Sacerdotum classi suus præerat antistes, qui  
Prin-

Princeps appellabatur. Hierosolymam operatum ascende-  
 bat singulis hebdomadibus una classis. Vices muta-  
 bantur sabbato: abibat una curia, & succedebat ei pro-  
 ximè sequens, usque dum ministrassent omnes; atque  
 ad eundem ordinem perpetuò redibant. Ad dies verò  
 solemnes nulla classis aberat. Princeps cujusque clas-  
 sis sic illam distribuebat, ut singulis hebdomadæ diebus  
 singulæ familiæ rem divinam facerent. Cùm autem  
 plura numero munia in Templo obeunda essent; mul-  
 tisque Sacerdotibus non solùm quæque classis, sed &  
 quæque familia constaret, sorti committebatur, quod  
 quisque Sacerdos impleret munus: sic Zacharias Joan-  
 nis Præcursoris pater, ut Lucas loquitur, sortitus erat  
 ut incensum poneret, id est, ut odoraamenta in altari  
 thymiamatis incenderet.

Antequam ultrà pergamus, advertendum qua ratio-  
 ne legerentur Sacerdotes in ministerium Altaris: qui ab  
 hoc-ce ministerio arcerentur; & quæ illis lex vivendi  
 posita dum ministrarent. Judæi enumerant vitia quibus  
 affecti Sacerdotes in corpore suo revocabantur ab Al-  
 tari. Primum statuunt quinquaginta vitia quibus pe-  
 cudes & homines temerabantur; nonaginta alia recen-  
 tent quæ solùm homines temerabant. Sacerdos cujus  
 in genere profani quid inveniebatur, vestes indue-  
 bat atras, quibus obvolutus ex atrio discedebat. Quis-  
 quis verò integer ac purus declarabatur à Judicibus,  
 qui de ordine Sacerdotum cognoscebant, albis sese  
 induebat, atque ingressus cum fratribus sacra obibat.  
 Ad hanc-ce consuetudinem credo Joannem allusisse in  
 Apocalypsi. (Cap. 3. v. 5.) *Qui vicerit, sic vestietur*  
*vestimentis albis, & non delebo nomen ejus de libro vite,*  
 Cujus genus purum, corpus autem vitio affectum exi-  
 stebat, hic in cella lignorum consistens ligna diffin-  
 debat, quibus Altaris focus exstrueretur, & ea pur-  
 gabat vermibus, ne impura & profana essent. Vino  
 & mulieribus abstinebant, cùm implebant vices suas.

Vesce-





Pontificis. ~~Has~~ condiciones Deus Sacerde

A



Magno Summi Pontifici

. vino  
abstinebant, cum implebant vices suas.  
Vesce-

Vescebantur non aliis quàm sacris carnibus, & panibus propositionis: stantes & nudis pedibus operabantur.

Cunctis autem Sacerdotibus præfectus erat summus Sacerdos. Is inaugurabatur unctione olei sacri, & vestimento Sacerdotii magni. Unguentum illud pretiosum diducebatur supra ejus oculos in forma *chi* Græci, qualis est ista figura X, ut discimus ex Maimonide, qui & docet hanc unctionem non fuisse factam tempore Templi secundi: postea sola vestium additione Pontifex inauguratus est. Unguentum quo frons ejus illinebatur, copiosè affundebatur; unde non mirum si deflueret in barbam ejus, ut regius Psaltes canit: *Sicut unguentum in capite, quod descendit in barbam, barbam Aaron.* Non aliud erat fragrantioris odoris unguentum,

Summum Sacerdotium, primitus ad primogenitum hæreditate perveniebat; & duratio ejus, qualem eam instituerat Deus, totius vitæ erat: sed translato ad reges Græcos imperio, deinde ad Romanos, eorum arbitrio Pontificatus fuit plurium aut pauciorum annorum, pro arbitrio Principum, penes quos summa potestas erat. Ab Assamonæorum sive Machabæorum temporibus, Pontificatus translatus fuerat è domo Aaronis ad familiam Judæ Machabæi, Leviticam quidem, sed non de cognatione Aaronis, Extraneus, inquam, alienusque, nullo successionis jure, accepit Pontificatum Judas. Attamen de gente Sacerdotum fuit, si fides adhibenda huic recensione summorum Pontificum, quam texuit Josephus. Summi Sacerdotes duo simul non fiebant; sed constituebatur secundus Sacerdos, qui dignitate proximus esset à summo. Is appellabatur *Sagan*. Sunt qui conjiciunt Annam fuisse *Sagan* Caiphæ; undè ad illum Jesus pariter ac ad Caipham deductus est. Sedebat *Sagan* ad dexteram Pontificis. *Hæc conditiones Deus Sacerdotibus proposuerat*

fuerat (in Levitico cap. x. 1.) Dixit Dominus ad Aaron: vinum & omne quod inebriare potest, non bibetis tu & filii tui, quando intrabitis in Tabernaculum testimonii, ne moriamini. 2. Ne contaminetur Sacerdos in mortibus civium suorum, nisi tantum in consanguineis. (Levit. cap. 21.) Scortum & vile prostibulum non ducent uxorem, nec etiam qua repudiata est à marito. Sacerdotis filia si deprehensa fuerit in stupro, & violaverit nomen patris sui, flammis exuretur.

Jam de vestibus Sacerdotum sermo faciendus est. Vestes Sacerdotum præcipiuntur in Exodo, (cap. 8.) factæ narrantur in Levitico, (cap. 8.) omnium autem Sacerdotum hæ erant vestes. 1. Linea scæminalia. 2. Tunica linea, tam strictè corpori adhærens, ut nulla remaneret ruga. 3. Balteus. 4. Tiara, quæ erat genus pilei rotundi. Hæc quæ sequuntur, erant propria summi Pontificis, quem tibi exhibemus tabula (Tab. 7.) expressum. Vestis ei propria, quam primùm consideramus, dicitur in fonte *mehil*; quæ vox variè redditur à Græcis interpretibus. Semel ab eis appellatur *ποδήσῃς*, qua appellatione utitur Josephus; *ποδήσῃς* autem vestis est ad ipsos usque pedes promissa, sive perringens; sed cum ipsi Græci aliis plerisque nominibus *mehil* explicant, non necesse est ut genus vestis talis intelligamus. Erat tantum *pallium* sive *tunica*. In hujus extrema parte, qualecumque fuerit, loco fimbriæ erant LXII. tintinnabula ex auro & totidem mala punica. Illa *mehil*, sive tunica, si ad talos usque demissa fuisset, malogranata & tintinnabula terram attingentia sonum edere non potuissent. Hoc ergo sensu *mehil* dici potuit *ποδήσῃς*, quia demissum fuerit ferè ad pedes, ut videre est in imagine.

Cave autem, Lector, ne æstimes illud *mehil* fuisse lineam vellem: ex Scriptura erat hyacinthina. Tunica omnibus Sacerdotibus propria, non nisi linea erat, facta ex pretiosa bysso, & texta sereno filo re-

torto.

sorto. Sed hæc tunica habebat fundas intextas ad majorem ornatum. Hoc apparet in extrema parte hujusce tunicæ, quam *meihil* non abscondit. Cernere est in imagine illas fundas intextas; nempe erant partes quæ eminerent supra profundiores. Præterea observandæ sunt extremitates baltei dependentis usque ad terram.

Prosequamur vestes proprias summo Sacerdoti. Habebat superhumerales, quod Hebræis dictum *Ephod*, Græcis *ἐπώμους*, quod idem est ac *superhumerales*. In utroque humero erant duo lapides, in quorum altero, qui in dextra parte erat, scripta nomina sex majorum filiorum Jacob, in altera autem sex minorum. Pannus pectori summi Sacerdotis apponebatur, quadratus, semicubiti magnitudine, Hebræicè dictus *choshen* aut *Hoshen*, nempe pectorale, Græcis *λεξιόν*, Latinis *rationale*, quia, ut modò dicemus, esset veluti oraculum. In hoc-ce pectorali erant duodecim lapides pretiosi, inscripti duodecim nominibus filiorum Jacob. Præterea *Urim*, & *Thummim* habebat, sive *Thummim* quidquid illæ fuerint duæ voces. Idem certè sonant quod *lumen* vel *doctrina* & *veritas*, sive *perfectio*. Alii volunt *Urim* & *Thummim* fuisse signa sacra in pectorali summi Sacerdotis ornamento, quæ indicabant res occultas & futuras: ita erant veluti oraculum. Cùm summus Sacerdos sibi applicabat hoc pectorale sive rationale, & induebat illud, cognoscebat res arcanas & consilia Dei. Sunt ergo qui sentiunt *Urim* & *Thummim* fuisse lucem quam emitterent duodecim lapides fasciæ pectoralis, qua luce summus Sacerdos veritatem doceretur. Scilicet miraculosè ita fulgebant duodecim lapides, vel ita observabantur, ut fulgore vel obscuritate quis fuisset reus, deprehenderetur. Scribit Josephus (*Antiq. lib. 3. cap. 9.*) desuisse illas gemmas lucere annis 200. antequam scriberet, quoniam Dei ira ob transgressionem legum provocata

cata esset. Sed quicumque fuerit ille fulgor, vel quicumque fuerit lapidum obscuritas, non apparet quomodo res diversæ potuissent indicari. Ideo satius est dicere sic veritatem fuisse in Ephod, quia hoc indutus Pontifex clara & perfecta cognitione veritatis donabatur à Deo. Cum Abiathar fugiens Saullem secum detulisset Ephod: *applica*, inquit ad illum David, *Ephod*, ut cognoscam si tradent me viri Cæle. Induere hoc vestimento, ut Deo movente tuum cor, id rescifcas. In Exodo (cap. 28. v. 30.) dicit Deus ad Moysen: *Pones autem in rationali iudicii doctrinam & veritatem, que erunt in pectore Aaron, quando ingreditur coram Domino.* Illa videntur indicare *Urim* & *Thumin* fuisse quampiam rem distinctam à pectorali; sed & sic interpretari possumus, ut Ephod indutus Aaron, accepturus esset *Urim*, id est, lucem sive cognitionem, & *Thumim* perfectionem & integritatem.

Itaque *Urim* & *Thumim* non habenda neque pro inscriptis literis, nec pro rebus effigiatis. Donabatur cognitione veritatis qui induebat Ephod, non quodcumque, sed cui adhærebat fascia pectoralis. Gedeon ex præda Madianitarum conflagavit Ephod, quod posuit in civitate sua, (Jud. cap. 8.) & factum est Gedeoni & omni domui ejus in ruinam. Quomodo, nisi adjuncta fuerint idola? Esto hæc statim non facta sint auctore Gedeon; sed postea ad idololatriam delapsi sunt Israelitæ, & plurimi sibi statuebant propriam religionem: quod fecit Michas, qui mille centum nummos, quos acceperat à matre, impendit faciendo Ephod & theraphim; quæ sunt imagines, figuræ, idola, ut dicitur libro Judicum. (cap. 17. v. 5.) *Qui adiculam quoque in ea, in domo sua separavit, & fecit Ephod & theraphim, id est vestem sacerdotalem, & idola, implevitque unius filiorum suorum manus, & factus est ei Sacerdos.* Consecravit filium

hum suum, ut Sacerdotio fungeretur, induens Ephod, & consulens sua theraphim; à quibus deludi poterant responsis quæ dæmon edebat. Cum in Ephod Mosaico fuisset *Urim & Thumim*, nempe veritas & perfectio, in Ephod idolorum fore ut esset error & fraudulentia. Osee inter mala quæ filiis Israel prædicit, denuntiat (*cap. 3. v. 4.*): *Quia dies multos sedebunt filii Israel sine rege, sine principe, & sine sacrificio, & sine altari, & sine Ephod, & sine theraphim.* Quasi dicat Deus, Israelitas ita omni cognitione deserturos iri, ut neque à Deo vera luce illustrarentur, nec falsa à dæmonibus. Theraphim erant simulacra, in quæ se inferebat malus dæmon, & vanis responsis deludebat cultores suos. Ubi in Vulgata apud Ezechielem (*cap. 21. v. 22.*) legimus, rex Babylonis *interrogavit idola*, in fonte est *interrogavit theraphim.* Et apud Zachariam (*cap. 10. v. 2.*) *simulacra locuta sunt inutile*, in fonte *theraphim locuta sunt falsa, inania.* Seu ex eorum ore exirent oracula, sive potius Sacerdotes idolorum vana responsa ederent nomine Dei. Scilicet, ut summus Sacerdos, verum Deum cœli consulens indutus Ephod, illustrabatur luce sive cognitione veritatis, qui colebant theraphim, sive vana simulacra, pariter ab illis illustrari suadebant populos.

Iterum hic advertam quòd Deus consultus dicebatur per *Urim* quoties Sacerdos vestibus suo ordini congruentibus indutus accederet ad Arcam. Si quid agendum erit *Eleazar Sacerdos consulet Dominum.* (*Num. 17. v. 21.*) In fonte *Eleazar de more Urim consulet Dominum.* Ita *Urim* videtur proprium summi Sacerdotis; hujus enim & non aliorum erat induere verum Ephod. Quando Moyses benedixit Tribui Leviticæ in Deuteronomio (*cap. 33. v. 8.*) sic eam alloquitur. *Levi quoque ait, perfectio tua & doctrina tua viro sancto tuo quem probasti in tentatione.* In fonte *Urim tuum & Thumim*  
*thum*

*tuum* viro sancto tuo quem probasti: nempe summum sacerdotium huic deferres quem probaveris. In primo Regum (*cap. 28. v. 5.*) cū Saul consuluit Dominum, *non respondit ei, neque per somnia, neque per Sacerdotes, neque per Prophetas.* Vulgatus Sacerdotes interpretatur quod fons Hebræus dicit Deum consultum per *Urim*; quia scilicet Deus consulitur per *Urim*, quando ad eum accedit summus Sacerdos suo Ephod amictus.

In ornātu pontificio non prætermittenda silentio lamina, in qua scriptum erat CODESCH LA JEHOVA, hoc est, *Sanctus Dei*. Hæc vitta hyacinthina constringebatur super cidarim, sive tiaram summi Pontificis, quæ tiara, sicut cæterorum Sacerdotum, lineæ erat; sed distinguebatur his hyacinthinis vittis. Hanc tiaram representamus qualem eam descripsit Joannes Braunius, in erudito opere suo de vestitu Sacerdotum. Aliam subjicit interpretæ Gallicus Josephi, quam hic exhibemus. Nullæ in illa apparent vittæ, quibus Scriptura dicit illigatam fuisse laminam auream. Oculos & mentem adverte, lector, ad illam descriptionem, quæ verbis Exodi (*cap. 28.*) non mihi videtur tam consentanea. Tres autem ordines calyculorum Hyosciami, quos agnoscit in ipsa tiara autor versionis Gallicæ, ponit Josephus in ipsa lamina.

Omniū Sacerdotum munera erant ignem perpetuò nutrire in altari holocaustorum: (*Levit. cap. 6.*) vasa sacra custodire: (*Num. cap. 3.*) offerre sacrificium, mactare victimas, pelles illis detrahare, concidere in partes & lavare: aspersiones facere aqua vel sanguine super personas, victimas, librum legis; odores incendere, lucernas componere, panes propositionis conficere, inferre novos, auferre veteres. Proprium Sacerdotale munus in sacrificiis erat excipere sanguinem victimarum, & illo aspergere altare. Qui ob aliquam maculam sacra facere non poterant, occupabantur, ut dixi-



diximus, in findendis lignis, & evermiculandisque in altaris foco consumebantur, quæque oportebat verum esse expertia. Præter munera omnium Sacerdotum, hoc proprium erat summo Sacerdoti, quod semel in anno, in die expiationum, solus ingredi poterat in sanctuarium, & offerre sacrificium, quod statutum erat ad expiationem peccatorum suorum, & totius populi.

Ut Levitæ ministrabant Sacerdotibus; ita ipsis Levitis dati sunt qui lignatum aquatumque mitterentur. Ii primùm fuere Gabaonitæ, quos Josue huic ministerio addixit. Mox alii ex devictis gentibus accedere, atque uno nomine appellati sunt *Nathinai*, quasi dedititios aut adscriptitios dixeris, à verbo Hebræo *Nathan*, dare.

Si quidem hoc-ec loco differimus de sacris personis, siue his-ec viris per quos res sacræ administrarentur, in Synagogis autem Deo colendo vacarent Judæi; decet & de ministris Synagogarum sermonem facere.

Primùm erant in Synagoga viri & ætate & sapientia senes, qui essent Synagogæ præsidēs, dicti à Græcis *Archisynagogi*; hoc est, Synagogæ principes. Qui unus inter illos præesset, dicebatur ab Hebræis *Rosch Hakahal*, hoc est, caput congregationis. Viros omnes literatos, sapientia & doctrina pollentes, Hebræi vocant *Hacanim*, id est, *sapientes*. Horum non mediocris erat auctoritas. Judicabant de rebus pecuniariis, furtis, damnis, &c. Ad hoc alludit Paulus (1. Cor. cap. 6. v. 5.) dum exprobrat Christianis quod lites suas deferrent ad iudices gentium. *Sic non est inter vos sapiens quisquam, qui possit judicare inter fratrem suum?* Etiam illi pœnis afficiebant quos judicabant rebelles legi; de quo præmonuerat Jesus discipulos suos: *in Synagogis flagellabunt vos*. Præter præsidēs illos, qui *Archisynagogi* dicebantur, erat publicus Synagogæ

mnister, qui i oraret publicè, curaret de lectione Legis, conciones haberet. Hic dicebatur *chafam*, hoc est, speculator, inspector, custos, Episcopus. Erant præterea qui colligerent eleemosynas, quibus & pauperum cura commissa erat. Appellabantur *parnasim*, hoc est, pastores, gubernatores, principes. Lex non legebatur nisi Hebraicè; idè postquam Hebraica lingua desiit esse vernacula, necessarius fuit interpres, qui dicebatur *Targumista*. Doctor, qui Hebraicè exponebat Scripturam, habebat interpretem, in cujus aure tenui susurro mustitabat, quod ille sonore toti populo enuntiaret. Huc spectat illud Salvatoris. (*Matth. c. 10. v. 27.*) *Quod in aure auditis, predicate super tecta.* Synagogæ non solum precibus deserviebant, sed & scholis, in quibus Discipuli studerent, sic dispositi, ut in subsellis sederent sapientes, infra verò eorum pedes Discipuli; unde Paulus dicebat se ad pedes Gamalielis doctum legem; quod alii sic intelligunt, ut Apostolus velit indicare se educatum in aedibus Gamalielis.

Inter personas sacras possumus numerare eos, qui sanctioris vitæ genere diversi erant à populo; quales fuere Nazaræi, sive, ut alii loquuntur, Naziræi. Erant certo vitæ genere separati ab aliis hominibus, ut indicat nomen eorum, quod idem sonat Hebraicè ac *separatio*. Ipsi instituti à Deo, quisquis se Deo devoverat, ut Nazaræus esset, abstinebat tempore consecrationis suæ ab omni potu inebriante, nec tondebat capillos. Conditiones & leges Nazaræorum describuntur in Numeris. (*cap. 6.*) Alii erant Nazaræi ab utero, ut Samsoni & Joannes Baptista. Alii votivi, qui propria destinatione se separabant ad tempus, donec completum esset tempus consecrationis suæ, post quod se tondebant ante ostium Tabernaculi. Maimonides observat à viris religiosis sumptus factos, ut ritè oblati victimis, unus & plures Nazaræi comam depo-

deponerent; peractis voti diebus. Hec observatio lucem affert loco Actuum (*cap. 21. vers. 24.*) ubi, quod plerique putant; non agitur de Paulo; ac si ille ipse Nazaræatus votum concepisset. Apostoli consilium ei dederant, ad amovendam de se opinionem quod legis Mosaicæ inimicus esset, ut sumptus faceret in victimas quas offerre Deo debebant quatuor viri, qui Nazaræatus votum voverant. Vir autem qui quasi in partem Nazaræatus venerat, sumptus hos faciens; sanctificare se tenebatur. Itaque Paulus indicans diem; quo expletis voti diebus debebat impendere pecuniam in sacrificium, falsa ostendebat quæ de illo audiebantur; eum esse legis adversarium.

Erant inter Judæos alii viri, sicuti Nazaræi, certæ vitæ disciplina à cæteris distincti; videlicet Rechabitæ, qui nec vinum bibebant, nec ædificabant domum ad habitandum, sed habitabant in tabernaculis; & vineam & agrum & sementem non habebant, ut de illis Jeremias (*c. 35.*) adstruit. Horum originem repetunt à Raguel, sive Jethro socero Moysis. In Exodo (*cap. 2.*) Moyses dicitur uxorem duxisse filiam Raguelis, & pavisse oves Jethro (*cap. 3.*) soceri sui. Ita Raguel & Jethro non sunt diversi homines, nisi alter ex duobus avus sit. Quidquid sit, in Num. (*cap. 10. v. 29.*) Hobab filius Raguelis Madianitæ; dicitur cognatus Moysis; à quo impetraverit, ut cum Israelitis maneret; scilicet ne Moyses familiam ejus cum cæteris Madianitis deleret. Igitur Hobab adjungens se Israelitis, cum illis profectus est; & eandem sortem habuit. Progenies Hobab ipsi sunt Cinæi, quos Balaam intuitus est, (*Num. 24.*) vaticinium edens; & primo cap. Jud. appellantur cognati Moysis, qui habitaverint ad meridiem Judæorum. Mentio eorum etiam fit in primo lib. Paralip. (*cap. 2. 55.*) *Hi sunt Cinai, qui venerunt de calore patris domus Rechab.*

Quem Latinus interpres vocat *calorem*, in Hebræo codice appellatur *chama*; quod nomen, cum deducitur à verbo *chaman* calefieri, sonat *calor*: sed idem nomen *chama* reddi potest *socer*, ut sensus sit. *Hi sunt Cinai, qui venerunt de socero*, nempe Moysis, qui fuit pater domus Rechabitarum. Nullus ergo dubitandi locus est, quin Cinæi ortum ducant ex socero Moysis; & quoniam admissi sunt inter Israelitas, par est credere Deum Israelis coluisse. In quarto Regum (*cap. 10. 15.*) Jehu rex Israel, circa annum 3120. accepit Jonadab filium Rechab in comitem & adiutorem, cum interfecit omnes Sacerdotes Baal. Nempe Jonadab institutum Rechabitarum observans, in multo honore habebatur apud Regem, commendatus zelo suo. Ad hunc-ce Jonadab Jeremias videretur Institutum Rechabitarum referre, nisi verba ejus accipi possent, non de primo autore instituti, sed de instauratore vel restauratore, qui ante ducentos aut trecentos annos claruisset. Jethro ipse vel Hobab, qui fuit cognatus Moysis, censendus est pater Cinæorum; quos vixisse more Rechabitarum colligo ex eo quòd Scriptura (*Judic. 6. 4.*) dicit de Cinæis, nempe de his filiis Hobab, qui fuit Moysis cognatus, unum ex iis Cinæis nomine Heber recessisse à fratribus suis, ut verisimile est, quoniam ipsi recesserant à doctrina & moribus parentum suorum. Inter domum Heber & Jabin regis Azor fuisse pacem, dicit Scriptura. Si illi Cinæi more patrum viverent sub tentoriis sine cupiditate, facile obtinebant pacem à quocumque, & ideo à Jabin qui tunc temporis premebat Israelitas servitute, à qua Jahel uxor Heber eos liberavit. Debora prophetissa excitavit populum Dei ut jugum excuteret; & reipsa vicit Sisaram principem exercitus Regis Jabin. Jahel occurrens fugienti Sisaræ, cui nota erat, excepit illum in suo tentorio; quo utebatur pro domo, ut Rechabitæ solebant.

lebant. Sisara ab illa aquam petiit; sciebat enim in domo ejus vinum non reperiri. Pro aqua Jahel lac obtulit; pascebant enim pecora Rechabitæ; nam oves habebat socer Moyses, quos ille pavit, antequam à Deo mitteretur in Ægyptum.

Tempore Jeremiæ Prophetæ cum Babylonii grassarentur, coacti sunt Rechabitæ, qui hæcenus non ædificaverant domos ad habitandum, & vineam & sementem non habuerant, sed habitaverant in tabernaculis; tunc, inquam, compulsi sunt ingredi urbes. Se receperunt Jerosolymam, & hos Jeremias, ut narrat (*cap. 35.*) admisit in Templo, & locavit in proprio conclavi. Non erant Rechabitæ nati ex Abraham, sed peregrini; quia verò profelyti justitiæ, poterant ingredi Templum. Post captivitatem, dissolutum est Rechabitarum institutum, nisi, ut aliqui putant, sub nomine Essenorum floruerint. Esseni enim celebres fuere, nec diversum vitæ genus professi sunt. Mirum autem est ante tot annos hocce vitæ genus eremiticum excultum fuisse ab hominibus, qui in populo Dei essent ascriptitii.

Inter sacras personas, de quibus nunc fit sermo, censendi sunt Patriarchæ, electa à Deo primarum familiarum capita, Adam, Noe, Abraham, Jacob, qui in domo sua, vel alibi, pro se suaque familia, Sacerdotum officia implebant, sacrificantes & populo Dei tunc exiguo divinâ annuntiantes, prout illis arcana sua detegebat Deus.

Pariter inter sacras personas numeramus prophetas, qui olim dicebantur *videntes*. Illi divino Spiritu afflati, judicia & voluntatem Dei, tum præsentem, tum futuram, regibus, populo confidenter annuntiabant. Non fuerunt ordinariè Sacerdotes, sed ex quacumque Tribu, imo & ex gentibus aliquando suscitati sunt. Prophetatum autem non unum munus erat ventura annuntiare, sed & edocere popu-

los, legem Dei interpretari; ita ut interdum hæc vox Propheta idem denotet ac Interpres & Doctor, Olim Prophetæ in Scriptura appellabantur *videntes*, ipsorum verò prophetia *visio*; quia Deus modo extraordinario mentem ipsorum cognitione mysteriorum illuminabat, ita ut res carnis sensibus non subiectas quasi præsentēs viderent mentis oculis. Ita prophetiæ reipsa erant *visiones*. Sed & prophetia vocatur *verbum Domini*, quatenus sermo Dei loquentis erat, & denudantis mysteria sua, Denique dicebatur *onus* quatenus denotabat iudicia Dei, & indicabat plagas, quibus populus, adversus quem prophetia erat, onerandus esset.

Post Patriarchas, qui & ipsi prophetiæ dono ornati sunt, primus & omnium præstantissimus Moyses extitit. Hic verò spiritus propheticus, quo Deus præcipue Moysen ipsum afflavit, a Moysæ ad seniores septuaginta translatus est; ita ut & ipsi vaticinium edere cœperint, ut declaratur in Numeris. (*cap. 11.*) *Multifariam multisque modis olim Deus loquebatur patribus nostris in Prophetis*, inquebat auctor Epistolæ ad Hebræos, donec *novissime diebus istis locutus est nobis in filio*. Familiari colloquio Dei utebatur Adam; & ab eo imbuebatur scientia. Toto tempore quo ille vixit, non alio quàm hoc teste oculato homines indigebant, à quo scire poterant mundum conditum, & omnia è nihilo ortam ducere. Cum Dei & operum ejus sive creationis mundi memoria deleteretur, & more belluarum viverent; Deus significavit Noe, à se humanum genus universali diluvio deletum iri; & reipsa delevit. Cum magis magisque homines in scelera ruerent, Abrahamum jussit exire patria, & illi promisit aliam terram; cujus spe & expectatione ipse Abraham veluti magnus Propheta implevit animos filiorum suorum. Postea excitavit Deus Moysen, cujus & ipse prophetiam confirmavit

vit portentis; ita ut sine testimonio non se relinquerit; & omnem ex animis amoverit dubitationem de veritate legis suæ, quam per Moysen promulgavit.

Sic Deus pergens loqui multifariam, multisque modis, tempore Samuelis videtur instituisse Prophetarum collegium; quos spiritu suo afflabat; quique perpetua successione, partem spiritus, quem acceperant, filiis suis communicabant. Sic Discipuli Prophetarum vocabantur filii eorum; ad quem loquendi morem alluditur apud Matthæum, (*cap. 11. v. 9.*) *justificata est sapientia à filiis suis*. Hi prophetae & filii eorum non solum prædicebant futura, sed & erudiebant populos; pangebant cantica, hymnos. Ea quorum non decebat interire memoriæ, mandabant scripto. Uno verbo Doctores erant, sed qui docti prius à Deo docerent. Pleni Deo eructabant, quæ Deus infundebat animis eorum, sive per visiones patetefaciens quæ futura erant, sive per occultas inspirationes revelans eis arcana, sive occulto motu commovens eos, ut ea dicerent, quæ ipse eis declarabat. Hæc est significatio nominis Prophetæ. Juxta Græcam & Latinam linguam *propheta* idem est ac prædicens futura. Hebræis propheta dicebatur *roë* id est *videns*, cujus scilicet cognitioni futura subdita erant. Item *nabi*, ex verbo quod sonat eructare, tum & dicere. Prophetæ nomine Dei compellabant populum; & illi eructabant quibus à Deo impleri fuerant.

A tempore Samuelis, usque ad tempus quo iterum ædificatum est Templum, semper extitit tale Prophetarum collegium in Judæa, in Israël, in singulis ætatibus & civitatibus, adeo ut & horum numerarentur greges. Convenerant ad Samuelem multi Scripturæ exponendæ studio se dicantes, quibus ille præfuit; atque ex iis aliquot Deus suscitavit qui Prophetæ officium exercerent. Post Samuelem perpe-

ua successione fuere viri Prophetæ, usque ad Malachiam tempore Darii, cùm Templum est restitutum. De hoc-ce Prophetarum collegio interpretandus est locus Regum (*Lib. 1. cap. 10.*) ubi sic Samuel Saulem compellat. *Venies in collem Dei, ubi est statio Philisteorum; & cùm ingressus fueris ibi urbem, obvium habebis gregem Prophetarum descendentium de excelsu, & ante eos psalterium & tympanum; & tibiam & citharam, ipsosque Prophetantes: & paulo post. Venerunt ad prædictum collem, & ecce cuneus Prophetarum obvius est ei, &c.*

Igitur post Samuelem magnus fuit Prophetarum proventus, quorum omnium nomina non sunt literis prodita. Hoc indicat liber quartus Regum, ubi Helias sic capite xx. alloquitur Helisæum: *sede hic, quia Dominus misit me usque in Bethel. Item sede hic, quia Dominus misit me in Jericho. Et post, sede hic, quia Dominus misit me usque ad Jordanem. Iverunt igitur & quinquaginta filii Prophetarum, & secuti sunt eos.* Ex his-ce locis Scripturæ liquet fuisse Prophetarum cœtus sive collegia. Deum multiplici modo consultabant Hebræi. Per oraculum, cùm ad propitiatorium arcæ fœderis accedebant, atque ibi Deum rogabant, qui è medio Cherubim respondebat. Vox scilicet è medio Cherubim audiebatur; unde pars illa Templi dicebatur Oraculum. *Loquar ad te, verba sunt Dei in Exodo (cap. 25.) ad Moysen, supra propitiatorium, ac de medio duorum Cherubim, qui erant super arcam Testimonii; cuncta que mandabo per te filiis Israel.* Consultus Deus sæpè respondit, modò per Prophetas, modò per Sacerdotes. Prophetæ Deo afflante loquebantur; summus verò Sacerdos per Urim, ut supra dictum est, advertebat quæ occulta erant. Quandoque Deus per somnia patefecit quid fieri vellet. Denique per Angelos non semel mandata sua hominibus significavit, ut Danieli & aliis.

Mani-



Manifestum ergo nunquam à Deo desertos quos in Ecclesiam suam advocaverat, sive elegerat, ut his constaret Ecclesia electorum suorum. Ab Adam primo hominum parente, fuere Patriarchæ, quos Deus imbuuit doctrina, & ipsi prophetaverunt. Prophetavit Jacob; nec ulla dubitatio mentem subire potest de protectione Dei supra familiam ejus. Apertis signis & portentis in Ægypto, in deserto, in terra Chanaan editis id patuit; quod & sola in Tabernaculo edita miracula demonstrare, nubes illud obumbrans, vox ex Sancto Sanctorum audita, ignis cœlo delapsus, in cineres redigens oblatas in altari æneo carnes.

A Samuele usque ad novissimum veteris fœderis Malachiam perpetua collegii prophetici continuatio ostendebat veram Ecclesiam Dei. Primum viri illi Prophetæ optimis moribus erant; quos neque ambitio, nec divitiarum aut voluptatum amor revocaret à suis muneribus; nec ullis metus obsistit quominus etiam principibus, & omni populo annuntiarent scelera eorum, mandata Dei audacter perferrent. Plerique ex illis edebant miracula; quin etiam excitabant mortuos è tumulis. Certum argumentum, Deum ore eorum locutum, cum ea quæ prænuntiaverant, certò contingebant.

Cum tanta esset prophetarum erga Deum religio, tantus hominum contemptus, vita adeo austera; certæ eorum prædictiones: tanta inter eos concordia, tantus consensus; in dubium revocari non poterant sive quæ dicerent, sive quæ scriberent, sive vaticinia de futuro, sive monumenta de præterito. Recentiores testimonium perhibebant prioribus, quorum vaticinia subinde implebantur. Itaque his temporibus conspicuis signis veritas veteris Ecclesiæ fulgebat, quæ ergo latere non poterat. Habebatque vindices, cum impetebatur: nam collegium prophetarum

ticum non solum satagebat quæ vera essent asserere; sed & objurgare & confutare eos qui de corde suo prophetabant, hoc est vanas & falsas visiones proponebant. Judicium de veris & falsis Prophetis non erat difficile, eventus confirmabat varia vaticinia: falsi vates à vero Deo avertabant Israel, nec aggregati erant veris Prophetis, qui repellabant eos à suo consortio. Quæ à Samuele usque ad Malachiam scriptis mandata sunt, fidem merentur. Etenim pleraque viros Prophetas auctores habent, aut probata sunt Prophetis, & horum collegio. Cum enim positi illi essent custodes in Israel, si quidpiam non recti exiisset in vulgus, statim erroris arguissent scriptorem.

## C A P U T IX.

*De Judeorum Doctoribus; de sectis inter eos, nempe Phariseorum, Sadduceorum, & aliorum; tum & de personis schismaticis. De Samaritanis.*

**D**Um agimus de personis sacris; subjungemus quæ quoquo loco dicenda erant circa alias personas inter Judæos conspicuas, quales fuere eorum Doctores, & hi qui alicui sectæ adhererent, ut Pharisei, Sadducei, & alii. Tum & sermonem faciemus de iis qui schismatici essent, vel censerentur. Initium ducam à Doctoribus, qui cospere, ubi desicere Prophetæ. Primi qui cæteris præstabant doctrinam, non utique titulis, sed re, distinguebantur à vulgo. Sapientes habebantur, & salutabantur nomine Sapientum. Quia primi parentes generis humani nati sunt & vixere in Asia, sapientia merito censetur profecta ab oriente; ideo dicta orientalis; sive quæ celebratur, par dicitur sapientiæ orientalium. Advertendum tamen est nomen *Kedem*, quod orientem denotat, &

rat, & reddi posse *antiquum*; ut sapientia Orientalium ea dicatur quæ sit antiquorum, nempe Patriarcharum. Sapiens nomen erat omnium Doctorum: sed postea qui doctrinæ suæ obtendebant speciosius nomen, tempore quo Christus versabatur in terris, usurpaverunt titulum *Rabban*, id est, virum excellentem sive scientia præcellentem. Postea prodiit titulus Rabbi, à radice rabab *multiplicatus fuit*, ut illi dicerentur Rabbi, qui varia & multiplici doctrina essent instructi. *Rab* idem sonat Hebræis ac *magnus* Latinis; volunt autem Judæi *Rabban* esse nomen excellentioris dignitatis. Quodcumque discrimen inter hos titulos interponatur, *Rabban* & Rabbi præcipui tituli sunt sapientum inter Judæos. Olim quisque Doctor & sapiens proprio salutabatur nomine; postea Rabbi vocari amaverunt Judæorum Doctores, Rabbino tantum deferendum esse sanciebant Rabbini, ut Rabbinus præferendus esset Regi, Rex Pontifici summo, & sic Rabbini omnibus. Aiebant enim, si moriatur sapiens, non est ei par; si moriatur Rex, quivis Israelita idoneus est regno,

Dudum ante tempora Christi Doctores dicebantur *sopherim*, à verbo *saphar*, quod significat *numerare*, *narrare*. In genere omnes literati sic vocabantur. *Sopherim* redduntur à Græcis *Grammatici* & *nomici* & *nomodidascali*; à Latinis *scribae*, *legisperiti*. Vox scribæ latissima est; non enim verbum *saphar* ad angustias verbi Græci τὸ γράφειν, aut Latini *scribere* restringendum. Prophetæ, Doctores, Interpretes, & Expositores legis dicebantur Scribæ. Horum erat sacras Scripturas exponere, vindicare à corruptelis, illas prælegere populo in Templo & in Synagoga, & interpretationem obscurorum locorum, ubi opus, adjicere, dubia ex Moyse & Prophetis objecta solvere, perplexas quæstiones enodare, genealogias Tribuum, Regiæ maximè stirpis asservare, & alia hujusmodi

modi munia sacra obire. Ut porro Prophetæ voluntatem Dei prænunciarunt; sic Scribæ legem ejus interpretati sunt: quo & munere Moyses functus est, populum edocens voce & scripto. Quæ voce docuit, ea primum cum Josue communicavit, Josue inde cum senioribus, seniores cum Prophetis, Prophetæ cum Scribis. Moyses primus legem dedit; sic etiam primus exposuit.

Primitus erat munus Sacerdotum legem populum edocere, ut ex illis verbis colligimus: (*Levit. c. 10.*) *Dixit Dominus ad Aaron: vinum, & omne quod inebriare potest, non bibetis tu & filii tui, quando intrabitis in Tabernaculum Testimonii, ne moriamini; & ut habeatis scientiam discernendi inter sanctum & profanum, inter pollutum & mundum; docetisque filios Israel omnia legitima mea, que locutus est Dominus ad eos per manum Moysi.* Ex Josepho (*Lib. 2. adversus Apionem.*) Legislator non semel legem suos audire voluerat, sed in unaquaque septimana, alia opera relinquentes, ad legem audiendam saltem bis congregari, principe antecedente ac docente quæ opus facto ac dicto essent, reliquis audientibus. Ex quo nunc etiam philosophantur sabbatis patrio more: nam synagoga in civitatibus scholæ sunt omnium virtutum, quibus divina humanaque intelliguntur & corriguntur. David cum Levitarum numerum iniisset, ex his sexies mille Scribas ac Judices fecit.

Post captivitatem Babylonicam Scribas esse ortos, sunt qui censeant: tempore illo prophetiæ donum in Malachia expirasse, & Sacerdotes cœpisse plus negotiis politicis & gubernationi civili operam dare quam meditationi legis & institutioni plebis. Hæc itaque ministerii pars reservata est certo hominum generi, qui dicebantur *sopherim*, id est, Scribæ, quod nomen, ut dixi, Expositores legis denotat. Antiquissimum sanè *scribarum* nomen fuisse certò constat ex  
Scri-

Scriptura. Esdras enim coætaneus Zacharia, Aggæo, & Malachia sæpè vocatur *sopher* Scriba: additur velox, id est, exercitatus. In libro tertio apocrypho, cui Esdræ nomen præscribitur, vocatur ordinariè ἀρχαῖος τῶ νόμου *lector legis*.

Scholæ Doctorem Judæorum dividebantur inter discipulos Hillelis & Schammai, qui fuere sua doctrina celebres. Domus Hillelis, ut loquuntur Hebræi, id est, schola Hillelis, prima fuit, cujus caput Hillel. Opiniones peculiare tenebat: opposuit se illis alius doctor pariter celebris, Schammai dictus, contrarias planè opiniones sequens, qui ipse quoque non pauciores asseclas habuit. B. Hieronymus dicit (*in cap. 8. Isaie.*) scholas Schammai & Hillel non multò priùs quàm Dominus nasceretur, ortas in Judæa; quorum prior, inquit, *dissipator* interpretatur, sequens *profanus*; eò quòd per traditiones & ᾠδὰς suas ambo legis præcepta dissipaverint, atque maculaverint.

Doctores autem Judæorum occupabantur circa *Micra*, hoc est, textum Bibliorum: circa *Mischna*, hoc est, circa traditiones: circa *Midras*, hoc est, circa studium Scripturarum, ut eas vel mysticè vel allegoricè explicarent, à verbo *Darasc* quærere, inquirere. Ad hoc alludit Dominus, cùm dicit (*Joan. c. 5. v. 39.*) *Scrutamini Scripturas*, hoc est, studete Scripturis. Qui legem scriptam profundius interpretabantur, *Agadici* dicebantur, à verbo *Nagad* narrare. In Exodo (*c. 13. v. 8.*) jubentur patres enarrare filiis suis res mirandas, quarum ipsi fuere testes. In fonte Hebræo *Higadra*, id est, narrabis, &c.

Non idèò minùs Doctores Judæi manibus laborabant. Etenim, quod celebre effatum est Gamalielis in libro qui inscribitur *Pirke avot*: pulchrum est studium Legis unà cum opificio aliquo; hæc enim duo juncta peccati oblivionem inducunt: at studium Legis

gis absque opere manuario, tandem & cessare solet; & esse causa peccatorum. Indè Paulus, qui præceptore Gamaliele usus, paternam legem diligenter didicerat, ipse manibus laborabat; ne quem gravaret, scenofactoriam artem exercens.

Scholaris vocabatur *Talmid*; id est; discipulus; qui dato profectuum suorum specimine, ubi dignus aliquo gradu inveniebatur, per manuum impositionem fiebat consors sive socius alicujus Rabbi, ut olim Moyses sibi socium sumpserat Josuam (*num. cap. 27. v. 18.*) per manuum impositionem. Quo tempore discipulo manus imponebat Rabbi, his utebatur verbis: *Ego tibi impono manum; & manus tibi imposita esto.* Postmodum ubi aptus erat alios docendi; vocabatur *Rabbi*. Rabbinii primarii sedebant cathedris distinctis, *amantes primas cathedras*, ut exprobrat eis Dominus. (*Matt. cap. 23. v. 6.*) Socii & consortes ipsorum considebant scamnis; sive depressioribus subsellis; discipuli planè ad pedes suorum præceptorum.

Temporibus Prophetarum, sectæ ignotæ erant. Postea natæ hæreses, perversæque & pugnantes de religione sententiæ. Cujus rei ratio perquam probabilis ista reddi potest. Verbis loquar Cunnæ. *Enimvero qua tempestate vates verba cum numine commutabant, aut alio pacto calidius ea accipiebant, que publicanda mortalium generi erant; nulla disceptationes, controversiæque oriri de sacrorum curatione, deque legibus & præceptionibus divinis poterant, propterea quod erant in medio, qui mortalium ineptas hesitationes, & disputandi intemperiem refecarent. Autoritate enim plusquam humana armati vates, legum sacrarum atque ipsius numinis voluntatem proloquebantur. Quare qui illis auscultare recusabant, profectò quoniam infirmitate judicii, aut errare, vel ignorantia labi in prævios sensus nequibant, necesse fuit ut refractarii contumacesque fierent, & excussa pietate ad idolorum cultum*

tum desciscerent: Nihil medium erat. Capeßunda vatum imperia erant, aut ponenda numinis reverentia fuit. At sub Templo posteriore, cum Prophetas major vis, afflatusque divinus non ageret, omnia hæc secus fuere. Quoniam enim jam nusquam erant sacrarum legum, celestiumque arcanorum consulti, in quorum verbis inesset plena fides, continuo debinc mortales, non contenti scire, quæ ab illis acceperant, ardorem mentium ultra ad rimandum omnia tulere, & suis se tenebris involvit humana imbecillitas. Quare controversias & quæstiones ex sacris literis eruere, morbus esse cæpit deterioris avi. Hæc Cunæus; quæ verba prolata ore viri heterodoxi digna sunt animadversione.

Prima secta quæ consideranda venit, eorum est qui appellabantur Sadducæi ab Hæreseos auctore, qui Sadoc dicebatur. Hi fatum & resurrectionem negarunt, animas dixere mortales, nullum esse Angelum, neque Spiritum, & Deum non omnia videre affirmabant. Quo tempore cæperint, ignoratur. Post tempora tamen Prophetarum orti sunt, sub illisenim nullæ sectæ, ut dictum est. Vulgò creditur paulò post Alexandrum magnum vixisse Sadoc discipulum Antigoni Sochæi. Antiquiores sunt cæteris sectariis. Staturebant Deo quasi principi serviendum sine ullo mercedis intuitu; undè legi erant subditi, licet animas mortales crederent. Traditiones Patrum respuebant, sive, ut loquuntur Judæi, legem sine scripto traditam. Quinque libros Moïsis tantum recipiebant, in quibus Moyses videtur illis nihil promittere supra hujus vitæ bona, unde de adipiscendis post vitam bonis non solliciti. Cæteros autem libros Scripturæ ab eis repudiatos fuisse indè colligitur, quòd non poterant hos pro canonicis habere simul, & adhærere suis opinionibus, quæ clarè adversantur Prophetarum doctrinæ.

Antigonum Sochæum, cujus Sadoc discipulus fuit, Judæi scribunt claruisse anno mundi 3460. ante Christi na-

ſſi nativitatem circiter annis ter centum. Præter alia, quæ dictando discipulos ſuos docuerat, hæc præceperat. Non eritis, inquit, ſicut ſervi, qui domino ſerviunt hac conditione, ut recipiant præmium: ſed eſtote ut ſervi, qui ſerviunt Domino abſque intentione recipiendi præmium, & ſit timor Dei ſuper vos. Hæc in malam partem accipientes diſcipuli ejus Sadoc & Baithos, ſic interpretati ſunt, quaſi poſt præſentem vitam nihil præmii à Deo ſit expectandum; unde conſequenter negaverunt reſurrectionem mortuorum, & incorpoream, & immortalem mentis humanæ naturam. Attamen, qui leges Moysiſ ſervarent, admittebantur in conſortium Judæorum. Sacrificabant in Templo, & ut videre eſt in Actibus Apoſtolorum, inter judices Synedrii ſedebant.

Alia ſecta, quæ Sadducæis oppoſita erat, dicebatur Phariſæorum. Illi ſic appellabantur à verbo Hebræo *paraſch* quod ſignificat *exponere*, *explanare*; quaſi illi fuerint ſubtiliſſimi legis explanatores, expoſitores: vel à verbo eodem *paras*, quod Hebræicè etiam ſonat *diviſit*; ſic dicti, quia ſanctitate ab aliis ſemoti videri ambiebant. *Non ſum ſicut ceteri hominum*, inquebat ille Phariſæus, (*Luc. cap. 10. v. 11.*) ſicut turba *quæ non novit legem*. (*Joan. c. 7. v. 49.*) Ne legem prætergrederentur, ea omnia quæ quodammodo cum præceptis conjuncta videbantur, licet hæc non prohiberentur, nec imperarentur, pari religione ac præcepta ipſa ſervabant; idè decimas pendebant etiam ex oleribus. Traditionibus vanis legem adulterabant. Famam ſanctitatis aucupantes in plateis orabant, & faciem exterminabant, ut viderentur jejunantes. His omnidus pellicientes viduas, quatum domos devorabant. Non capiebant cibum illotis manibus; unde eorum querela adverſus diſcipulos Domini. (*Math. 15. 2.*) *Quare diſcipuli tui tranſgrediuntur traditionem ſeniorum? Non enim lavant manus ſuas, cum panem*



*panem manducant*. Illi autem, ut dicit Marcus, (*cap. 7. v. 3.*) *Nisi crebrò laverint manus, non manducant, tenentes traditionem seniorum*. In Græco fonte vox est Græca πυνῶν, quam Latinus interpres reddit *crebrò*, quasi idem sit ac πύνα. Indicatur quæpiam diligentia, ut significet *accuratè, diligenter*. Scilicet dum lavabant, satagebant ne aqua qua abluta fuerat pars quædam, refluxens aliam pollueret. *Dilatabant phylacteria sua & magnificabant fimbrias suas*. Quid sint illa phylacteria, quid illæ fimbriæ, dicemus infra. *Jejunabant bis in sabbato*, nempe duobus diebus hebdomadis. Josephus (*Antiq. lib. 13. cap. 9.*) meminit Phariseorum, differens de temporibus Jonathæ Assimonæi, annis ante nativitatem Christi ad minimum 140. à quo tempore ereditur viguisse eorum institutum. Victus eorum simplex erat, nullis mollitus deliciis. Idcirco secta eorum cæteris sectis præposita. Vocat eam Apostolus accuratissimam. (*Actor. cap. 26. v. 5.*) Pharisei, inquit Josephus, (*De Bel. l. 2. cap. 12.*) certiores legalium rituum cognitionem professi sunt, vitam abjectam egerunt, nihil molle, nihil delicatum adhibentes; fato omnia tribuerunt, nec tamen liberum hominis arbitrium sustulerunt. Judicium Dei futurum censuerunt, quo homines pro meritis præmia pœnasque consequentur. Animas immortales duxerunt, earumque post mortem alias æterno carceri destinandas, alias in vitam reversuras, ita ut bonorum animæ in corpora hominum remigrarent, malorum autem in pecudum; quæ fuit sententia Pythagoreorum, qui metempsychosin sive transmigrationem animarum à corpore in corpus admittebant. Ideo diversam de Salvatore nostro opinionem habebant: alii censebant ipsum esse Joannem Baptistam, alii Eliam, alii Jeremiam; quasi Christi corpori anima vel Joannis, vel Eliæ, vel Jeremiæ vitam afflavisset. Plerique ex Phariseis erant Scribæ, hoc est, legis-

N

peri-

periti. Sed scriba denotat virum, cujuscumque fœdē sit, peritum Legis; Phariseus verò certum vitæ institutum.

Pharisei & Sadducei ante adventum Christi floruerant. Hierosolymis autem, ut inquit Josephus, (*Ant. l. 13. cap. 18. & seq.*) populares Phariseis, optimates Sadduceis se adjunxerant. Phariseorum ergo extraordinarias in Republica opes ægrè ferens Joannes, unus ex Principibus Assamoneis, leges ab eis latus (hæ novæ traditiones erant) præter antiquas Mosaicas sustulit, & ad Sadduceos se contulit. Atamen Pharisei potentia adhuc valuerunt, ut auxilio Demetrii Euceri, Syriæ regis, bellum Alexandro Regi Judæorum intulerint, & Moabitide ac Galaaditide terra ipsum cedere compulerint. Indè mortuo illo, Alexandram Reginam sibi obsequentem adepti, leges suas recuperarunt, ac multò vehementius sævire in urbe ac regno toto instituerunt, quousque res ad duos fratres regios recidit, Hircanum & Aristobulum, quorum alter Phariseus, alter Sadduceus fuit.

Sectis Judæorum adjungit Epiphanius Herodianos, de quibus mentio fit in Evangelio, qui, ut vulgaris fert opinio, crederent Herodem Ascalonitam esse verum Messiam. Alii sentiunt hos Herodianos ipsos esse servos sive domesticos Herodis. Erant inter Judæos qui Herodi fortiter resisterent, quia regnum usurpaverat. Forsan qui illi suffragabantur, & partes ejus palam tenerent, Herodiani fuere appellati. Idem Epiphanius Sectis quæ inter Judæos vigerent, adjungit Hemerobaptistas, hominum genus, qui singulis anni diebus sese in aqua abluerent; undè nomen illis *Hemerobaptistarum*. Pariter recenset inter sectas Judæorum Nazaræos. Constat sic appellatos Christianos à Judæis. Etenim citat D. Hieronymus Evangelium Nazaræorum scriptum Hebraico sermone. Fideles cœpere dici Christiani Antiochiæ; in Judæa verò à Ju-

à Judæis dicti sunt per despectum Nazaræi. Sic appellaverunt Dominum nostrum JESUM CHRISTUM, quia putabant eum natum in oppidulo Nazareth; sub hoc autem nomine ter in die in Synagogis maledicebant Christianis.

Josephus inter præcipuas sectas Judæorum numerat sectam Essenorum. Sunt qui conjiciant originem eos ducere ab iis qui cum Juda Macchabæo locis desertis se abdidérant, ut Legem liberrimè impleant. Opinor dictos Essenos vel Essæos, quasi Hassideos, voce quæ idem Hebraicè sonat ac *pius, sanctus, chasid*, id est, *misericors, benignus* Græcè ἅγιος sanctus. Appellatur in Scriptura Hassidæi, qui Judæ Macchabæo adhæserunt. Alii deducunt à Syriaca voce *asa*, quæ idem sonat ac θεραπεύειν *sanare, mederi*; hinc toties viri illi à Josepho vocantur θεραπεῖται. Philo Essenorum religionem vocat θεραπείαν. Sic Josephus & Philo describunt institutum Essæorum, ut videantur exhibere primam vitam Christianorum & Monachorum. Idèò autem pro hæreticis habentur à Josepho, quòd causantes sanctioribus ceremoniis uti, nollent in Templo Hierosolymitano sacrificare; ita schismate erant divisi. De illis altum silentium est in Scripturis. Juvat autem attexere quæ de illis disserunt Josephus & Philo. Sic de illis Josephus. (*Lib. 2. de Bello cap. 7.*) Essæi nuptias respuerunt, alienos verò filios adoptarunt, divitias spernentes, haud certas urbes quas incolerent, habuerunt, & bona sua cum sociis suis communicarunt, nec vestem, nec calceum novum, nisi veteribus attritis sumpserunt. Commerciorum nullus inter eos usus. Egentibus præsto fuisse, eandem ab illis beneficentiam relaturi. Religionem mirificè colere, frigida aqua se quotidie abluentes. Inter vescendum summum silentium adhibere. Non nisi probata continentia homines in societatem recipere; receptos autem magnis execratio-

nibus obstrinxere se Deum, fidem, justitiâque culturos. Deprehensos in peccatis societate deturbavere, ac ne cibum delatum caperent, vetuere, Judicia severissimè exercuere, mortem & cruciatus contempserunt. Animas bonorum ad fortunatas insulas abire, malorum ad loca inferna, putavere. Idem Josephus sic alibi disserit (*Lib. 18. Ant.*): Essæi cuncta ad Deum referunt: immortalem animam censent: in Templo anathemata prohibent, sacrificia cum populo non celebrant, quòd se putant munditia & sanctitate illis præstare. Moribus optimis sunt. Agricultura student, omnia habent communia, neque uxoribus neque servis utuntur. Sacerdotes viros optimos eligunt; cibum simplicem, atque habitum parvum & mundum adhibent.

Nec Plinius ignoravit Essæos, de quibus loquitur, (*Lib. 5. cap. 17.*) *Ab occidente littora Esseni fugitant, usque qua nocent.* Scilicet fugiebant littora Esseni, ut interiora Judææ habitarent, ne puritati ac tranquillitati vitæ, quam sectabantur, maritima commercia nocerent, ut observat Salmasius. Pergit loqui Plinius. *Gens sola, & in toto orbe præter ceteras mira, sine ulla fœmina, omni venere abdicata, sine pecunia, socia palmarum. In diem ex aquo convenarum turba renascitur, largè frequentantibus, quos vita fessos ad mores eorum fortune fluctus agitat. Ita per sæculorum millia (incredibile dictu) gens aterna est; in qua nemo nascitur. Tam fecunda illis aliorum vitæ pœnitentia est. Infra hos Engadda oppidum fuit, secundum ab Hierosolymis fertilitate palmetorumque nemoribus, nunc alterum bustum. Inde Masada castellum in rupe, & ipsum haud procul asphaltite.*

Adhuc præclariùs de Essæis verba facit Philo. (*Lib. omnes probos esse liberos*) In Syria, inquit, & Palæstina, quæ partes Judæorum sunt non modicæ, dicuntur quidam, nomine Essæi, numero ultra qua-

tuor

quatuor millia, à voce Græca Εἰσὶ ὄμοι, id est, sancti, vocati, quia summa religione Deo serviunt, non mactando victimas, sed suas ipsorum mentes componendo ad sanctimoniam. Hi vicatim habitant, urbes fugiunt propter familiaria civibus earum vitia. Alii agriculturæ student, alii artes exercent, quæ pacis sociæ sunt. Neque aurum, neque argentum sibi condunt, neque agros latos sibi parant cupiditate reddituum, sed necessitate victus. Nemo bellicorum armorum apud eos est opifex, sed neque in pace ullum mercaturæ genus attingunt. Servos non habent, sed liberi omnes sunt, mutua ministeria sibi exhibentes. Rationalem & naturalem philosophiam respuunt, divinam amplectuntur. Morali maximè student, patriarum legum auxilio usi: quas præcipuè septima die docentur. Imbuuntur autem sanctitate, justitia, cæterisque virtutibus, tres regulas adhibentes, Dei, virtutis, hominumque amorem. Deum eos diligere, illud est indicio quòd perpetuam castitatem servant, jusjurandum & mendacium non dicant, & quod bonorum omnium, nullius verò mali auctorem esse Deum arbitrentur. Virtutis studiosos esse, ex eo perspicui potest quòd pecuniam & gloriam negligant, voluptates respuant: hominum verò charitate flagrare indicat amor & societas inter eos. Una enim est omnibus domus, una vestis, unum ærarium, unus sumptus: communis victus & vita. Quin etiam quæstus in commune conferunt, ægrotantes communiter curant, & seniores loco parentum habent.

Josephus his sectis Judæorum annumerat eos qui sectati sunt Judam Gaulonitem sive Galilæum ex urbe Gamala. Huic sectæ condendæ quæ fuerit occasio, juvat ex ipso Josepho discere. Ille (*Antiq. lib. 18. cap. 1.*) narrat quomodo, pulso Archelao in exilium, Judæa redacta est in provinciam, & à Romanis censita, ut vectigalibus subjaceret. Tunc, inquit

Josephus, exiit Judas Gaulonites ex urbe Gamala, qui sollicitavit ad defectionem populos, censum nihil aliud esse dictitans quàm manifestam servitutis professionem. Multi prabuere aures sermonibus ejus, & quasi alteri quàm Deo servire illicitum fuisset, jugum Romanorum detrectavere. Putabant rem indignam Judæos pendere vectigalia alienigenis; indè proximalibus hominibus habebant publicanos, nempe eos qui exigebant publica vectigalia, quæ à Romanis imposita erant. Horum publicanorum princeps dicebatur ἀρχιτελωνίης, qualis fuit Zacchæus, cui publicani ceteri parebant. Reperiebantur tamen inter Judæos, qui publica vectigalia colligerent. Marthæus & Zacchæus publicani, ut nomen eorum indicat, erant Judæi.

Non verabat lex pendere vectigalia. Allegat quidem Tertullianus ex Deuteronomio. (cap. 31. 17.) *Non erit vectigal pendens ex filiis Israel.* Fons reddi potest: non erit meretrix, nec puer meritorius, cinædus de filiis Israel. In Vulgata nostra: *Non erit meretrix de filiabus Israel.* Ibi Græci habent *ἐν ἱσραὴλ τελοφόρος*, & *ἕσται τελοσκορδός*. Hebræi per *chadisch* intelligunt meretricem, per *chadesch* puerum qui se prostituit libidini, & quasi se consecrat. Nomina Græca eam vim habent; meretrices enim ex impudicitia sua quasi vectigalia colligunt. Ambiguitas nominis Græci impulit Tertullianum in errorem; *τελοφόρος* enim sonare potest vectigal pendens. Reipsa prohibuerat Deus (Deut. cap. 17.) ne in regem alienigena eligeretur. Ita factum est, ut cum omnes odio ferrentur in Romanos, aliqui zelo suo magis exarserint, & secta peculiaris instituta fuerit, eorum nempe qui Judam sectabantur, qui se justos dicebant, & crederent solum Deum Dominum habendum ac principem, facilius vel exquisitissima pecuniarum genera laturi unâ cum cognatis suis ac carissimis,



simis, quàm mortalem aliquem appellaturi Dominum. Hi sunt, ut puto, qui Zelotæ appellantur in Historia Judaica, & dicebantur *justi d'inguoi*. Hos justos intelligo eos de quibus loquitur Lucas, (cap. 20. 20.) qui insidiabantur Christo, ut eum caperent in sermone, & traderent illum principatui & potestati præsidis. Scilicet illi insidiatores se simulabant justos, hoc est, de discipulis Judæ, & petebant ab eo an licitum esset tributa solvere, quæ accusabatur prohibere; Ita expectabant ab eo responsum, quo excitare possent in eum odium Romanorum. Pariter interpretor de Judæ Galilæi sectatore, quòd uxor Pilati Jesum appellat *Justum*, cum deterreret maritum à judicio ejus. *Nihil tibi & justo illi*. Non significabat alium justum, quàm qui sectabatur Judam Galilæum. Hi Galilæi (Luc. 13. 1.) *quorum sanguinem Pilatus miscuit cum sacrificiis eorum*, videntur fuisse de ista secta; sectæ nomen est, non nationis; nam Pilatus non præerat Galilæis; sed cùm discipuli Judæ Galilæi vetarent victimas cædi pro salute Imperii aut Cæsaris, videtur Pilatus ira impulsus ipsos, dum pararent victimas, sacrificasse.

Judæi generatim appellant *minnin*, sive *minnaos*, omnes hæreticos; quo nomine speciatim intelligunt Christianos, quos pro hæreticis habent. Olim verò, ut ex Evangelio discimus, præcipui hæretici reputabantur Samaritani; quorum ea est prima origo. Jeroboam filius Nabath, prætextu jugi quod rex Roboam populo volebat imponere, in suas partes allexit decem Tribus, & in Tribum Ephraim, ex qua erat, se recepit, ibique novum regnum instituit. Novum illud regnum dictum est Israel, quia major pars Tribuum adhæserat Jeroboam; à Judæis verò per derisionem appellati sunt Ephraimitæ ab Ephraim. Dicti etiam Samaritani à monte & urbe Samariæ. Stante primo Templo, Samaria erat nomen urbis;

postea fuit nomen regionis, cujus metropolis fuit Sichem, quæ & Neapolis postea dicta est.

Tempore Ezechiae regis Juda, Salmanasat rex Assyriorum Samariam cepit, & decem Tribus abduxit in captivitatem, quarum in locum, post aliquot annos, Assaradon filius Sennacherib regis Assyriorum novos colonos induxit in Samariam, nempe Chutæos, & alios; qui cum à leonibus infestarentur, quod Deum Israelis non colerent, misit ad eos Assaradon aliquos è deportatis Samaria Sacerdotibus, qui docerent eos cultum Dei. Indè Gentilium ritus ritibus Israelis permixtus est. Sed Ethnicismum dediscere cœperunt Samaritani post constructum in monte Garizim Templum à Sannabalete, qui nomine regis Persarum administrabat Samariam. Ille, ut diximus, dedit nuptum filiam suam Manassi fratri Jaddi, sive Simeonis justii, Pontificis Hierosolymitani, & eum constituit novi Templi pontificem. Tunc à Judæis defecerunt plurimi ad Samaritanos, cum multi Sacerdotes & Israelitæ intricati essent & impediti illegitimis conjugiiis, ut scribit Jôsephus. (*Lib. 11. cap. 8. Antiq.*) Qua secessione respublica Judæorum non leviter labefactata est. Tunc quasi in duas partes Israel divisus est, inquit Rabbi Zacuth, quarum una Esdram, altera Sannabaletem sequebatur. Cum itaque tot Judæi ad Sannabaletem defece-  
rint, non abs re suspicamur, inquit Relandus in erudita dissertatione de Samaritanis, Samaritanos magis imitatos fuisse mores & ritus Judæorum, relictaque veteri idololatria, unum Deum adorasse. Hoc enim rationibus politicis Manassis & soceri ejus Sannabaleti quàm maximè conveniebat, ut Judæorum plurimos in suam hæresin congregarent; quod, servata idololatria, quam eo tempore Judæi vehementer refugiebant, non tam faciliè præstare potuissent: Vidimus ab Esdra plurimos sacerdotes mo-

ros



tos sacerdotio, plures ejectos Israelitas, ob illegitimas suas cum Gentilibus nuptias.

Ab hoc tempore in omni sermone quem de Samaritanis habet Josephus, non illis exprobratus est ullus idololatricus cultus. Inter eos & Judæos contentiones perpetuæ fuere de religione. At non de idololatria servanda aut rejicienda contendebant; sed de solo loco qui divino cultui destinatus esset: Judæi Hierosolymas, Samaritani montem Garizim esse affirmabant. Et hæc contentio ab eo tempore videtur fuisse primaria inter Judæos & Samaritanos. Undè & mulier illa Samaritana Christum pro Propheta habens, de hoc capite, quod maximè inter utramque gentem controversum erat, interrogat dicens: (*Joan. cap. 4. v. 20.*) *Patres nostri in monte hoc adoraverunt, & vos dicitis, quia Jerosolymis est locus ubi adorare oportet.* Obtendebant Samaritani, quia cultus Dei prius viguisset in Ephraim quàm Jerosolymis. Etenim arca diu fuerat in Silo juxta Ephraim. Ergo montem Garizim sanctum habebant, & orantes versùs illum os obvertebant.

Illud autem negari non potest versatile fuisse Samaritanorum ingenium, & sapè ex odio contra Judæos, hostibus eorum magis fuisse quàm par erat, & moribus gentium nimis accessisse. Josephus narrat (*Lib. 12. cap. 7. Antiq.*) illos Antiochò obtulisse Templum suum Garizimiticum, ut Jovis Græci appellaretur. Metu ad hoc facinus compulsos fuisse apparet; alienos enim sese habere à moribus Judæorum profitebantur, prout eorum è re erat. Idcirco inter utramque gentem maxima odia; adeo ut Judæis non liceret edere aut bibere cum Samaritanis. Ideò mulier Samaritana apud Joannem (*cap. 4. v. 9.*) mirabatur quòd Jesus qui Judæus esset potum ab ea posceret. Judæi proselytos ex Samaritanis non admittebant, quia non putabant portionem habere in resur-

resurrectione mortuorum. Causa odii dispar religio & vicinia. Etenim sicut inter cognatos, ubi nascitur similtas, inextinguibilis semper inimicitia ignis ardet; ita inter Judæos & Samaritanos, qui discordes religione, simul & affines erant; Moysis enim libros amplexabantur; nempe quinque libros ejus solos, cæteris rejectis.

Hisce adhuc temporibus in urbe Sichem propè Garizim sunt Samaritanicæ religionis homines. Hi Samaritani qui dicuntur non credidisse Angelos, confunduntur, ut puto, cum Sadducæis. Non admittebant resurrectionem: expectabant tamen, perinde ac Judæi, venturum Messiam; ut patet ex colloquio JESU CHRISTI cum Samaritana, quem virtutem Dei magnam putabant; undè cum Simon magus dementasset eos suis prodigiis, succlamabant ei in Actis: (cap. 8. v. 10.) *Hic est virtus Dei, quæ vocatur magna*. Christus apud Joannem arguit Samaritanos, quod adorarent quod nescirent, quia non uterentur cultu quem ipse præscripserat; cum è contra Judæorum soboles Patriarcharum, sola hætenus Ecclesia Dei, adoraret quod noverat, utens cultu quem noverat à Deo institutum.

Samaritanis Schismaticis accenseo Judæos Alexandrinos, quatenus contra Dei expressum mandatum alibi quàm Hierosolymis sacrificia offerrent, Templum quod Onias in Ægypto extruxerat frequentantes. Nulla tamen alia doctrinæ diversitate divulgata videntur à Judæis Hierosolymitanis. Quin in pretio etiam habebant Templum eorum. Etenim libenter agnoscebant Hierosolymam Metropolim sive caput esse gentis Judaicæ; ut videre est apud Philonem.

Post Alexandrinos, inter Judæorum sectas subnumero illam quæ Hellenistarum dicebatur. Hellenistis videntur originem dedisse Judæi Alexandrini; Biblia enim

enim primum Græcè reddita sunt Alexandria: postquam autem desit lingua Hebræa, in qua Biblia scripta sunt, vernacula esse; facta est species schismatis inter Judæos. Etenim quia Græca ubique notior, fuere Judæi etiam extra Alexandriam qui non ipsa Biblia Hebræa, sed versiones Græcas Bibliorum legerent in Synagogis, idè dicti *Hellenistæ*, quasi dicas *gracisantes*; & habitus despectui cæteris Judæis, qui Hebræis Bibliis uterentur. Cæterum non dividebantur aliqua heterodoxia, Hebræis autem ita studia Græcarum litterarum abominanda videbantur, ut vulgò Rabbini dicerent eum maledictum esse qui porcos aleret, & sapientiam Græcorum filium suum doceret. In Historia Actuum Apostolorum videre est inter Hellenistas, sive Græcos, & Hebræos, etiam postquam amplexati sunt Christianam religionem, dissidia viguisse; neque enim hi Græci alii esse possunt quàm Judæi *gracisantes*; nondum enim Græci, olim idololatæ, conversi fuerant & adscripti albo Christianorum. Eò proruperant dissidia Hebræorum, qui scilicet non alia lingua sacros Codices legendos volebant, & Hellenistarum, ut Imperatores illa legibus componenda susceperint, apud quos utrique causam suam egere. In hanc rem imperatoris leges legere est in Codice juris.

Karræi dicti sunt illi Judæi, qui legem oralem sive traditiones Patrum respuentes, unius Scripturæ sacræ textum admittunt. Idè dicuntur Karræi, quia Hebræi vocant *Adicra* textum purum Bibliorum, à verbo *Kara* legere. Karræos pro pessimis hæreticis nunc habent Judæi. Illo *manforim* vocant, hoc est, *spurius*. Karræi invicem odio habent Judæos, qui adhærent traditionibus Rabbinoꝝ. Hos per contemptum appellant Rabbinitas & Rabbanaos. Karræorum divisio à cæteris Judæis orta creditur, quando Talmud compositum est; quod Talmud qui no-

luerunt

luerunt recipere, se separaverunt à reliquis Judæis. Horum Karræorum non mediocriis est numerus in Oriente; de his autem altum est in Scriptura silentium, siquidem nondum orti erant; nisi quis velit eos accensere Sadducæis, qui & traditiones respuebant.

## C A P U T X.

### *Dogmata fidei Judæorum, & praxes religiosa.*

**M**Entem cujusque Scriptoris facilius assequimur, ubi scopus quem scribens intuebatur, apertus est. Etenim pro diversitate opinionum quibus scit eos quos alloquitur, occupari, orationem suam flectit; quæ ergo notior est, si doctrina non ignoretur ejus cum quo rem habet. Quæ cum ita sint, liquet ad intelligendas paginas novi fœderis multum nos juvari, si compertas habeamus opiniones, quæ animis Judæorum infederant, eo quo Christus & Apostoli cum illis agebant tempore.

Synagoga Judæorum, sive Ecclesia, sive cœtus piorum fidelium, qui Deum coluere, antequam JESUS CHRISTUS nasceretur, à Deo fuerat electa, ut Christum annuntiaret, quod sæpius innuimus, & variis typis eum repræsentaret. Itaque præcipua fides Synagogæ erat, unum Deum credere, qui fecit cœlum & terram; & ab eo mittendum in terras Filium suum, qui servaret homines reos peccati Adami, & liberaret à pœnis mortis, quibus ob illud peccatum subjacebant. Hanc fidem habuerunt quotquot extiterunt viri pii à constitutione mundi, Christum sive Messiam verè Filium Dei esse. In Evangelio, ubi Apostoli & alii agnoscunt Jesum esse Messiam, simul salutant Filium Dei. Cum ipsi Judæorum principes interrogant Jesum an ipse esset Christus, quarunt  
si es.

si esset Filius Dei. Ipse dæmon ambigens quis esset, an verè Christus: *Si tu es Filius Dei, dic ut isti lapides panes fiant.*

Toto hoc tempore quod effluxit à promulgata lege per Moysen, etiam ab Adamo usque ad Christi adventum, Ecclesia Dei visibilis fuit, conspicua signis, quibus certò distinguebatur. Ipse Deus se manifestum faciebat antiquis Patriarchis; & fruenter interdum consortio ejus non poterant cum ignorare. Etiam sancti Patres, ante tempora Concilii Nicæni, in ea sententia erant Verbum Filium Dei prælusisse incarnationi suæ, & sub carne aliena quam nondum assumpsisset, nempe in specie Angeli, se conspicuum præbuisse Patriarchis; ex illis tribus Angelis, qui compellavere Abraham, unum fuisse Verbum Dei, quem Abraham adoravit: ideo Christus dicere potuit: *Abraham vidit diem meum, & exultavit.* Postea cùm hæretici argumentum inde sumerent adversus æqualitatem personarum Sanctissimæ Trinitatis, quia dicerent Patrem esse invisibilem, Filium visibilem; quanquam infirmum esset illud argumentum, placuit Patribus in his antiquis apparitionibus, non ipsum Verbum, sed Angelum, nomine ejus apparuisse.

Lex constituta à Moyse sive synagoga, signis manifestis omnem amovebat suspensionis errorem ex Judæorum animis: nam nubes Tabernaculi; ignis de cælo delabens & comburens in altari victimas; oraculum, sive vox quæ ex Sancto compulsabat aures summi Sacerdotis, dum Deum consuleret in Tabernaculo; lux denique quæ fulgebat in pectorali ejus, sive quæ mentem ejus illustrabat, ut cognosceret occulta, certiores faciebat Judæos ab eis verum Deum coli. Attamen adeò propensi erant in idololatriam, ut & colerent falsa numina. Scilicet quem Deum oculis corporeis non videbant, non credebant; aut saltem alium habendum sibi putabant, quem,

quem, ut ita dicam, manibus palparent. Ubi autem tempus Messiae appropinquavit, hoc morbo liberati omnes Judæi, & remoti ab idololatria; etiam si illis manifestis signis, quibus veritas religionis eorum constabat, tunc carerent.

Synagoga, sive Ecclesia Judaica fuit vera Dei Ecclesia, usque ad Christum; & liceat dicere, usque dum Templum ejus stetit, non incensum fuit. Tunc illa desiit, cum præcipua legis munera abolita sunt, non amplius oblata Deo sacrificia, leges præcipuæ omnem vigorem suum amiserunt, nec populus Dei his amplius astrictus est. Templum illud, quod unicum erat in mundo, in quod omnes Judæi ab omni mundi plaga convenire debebant, erat Ecclesia materialis, sive signum visibile Ecclesiae, in qua omnes Dei fideles congregandi erant. Ergo si quæras quo in loco, dum Christus in terris versaretur, Ecclesia resideret, dicam in Apostolis ejus & discipulis; sed hisce etiam diebus Judæi omnes qui Templum Hierosolymitanum frequentabant, erant vera Ecclesia Dei, Pharisei, Sacerdotes, qui persequabantur Christum & eum crucifixerunt; erant etiam in Dei Ecclesia, sed non erant de Ecclesia. Itaque qui Jesum pro Christo habebant, non tenebantur se sejungere à Phariseis, sacerdotibus & aliis. Imò assidui erant in Templo, unà cum cæteris Judæis, ritus omnes Judaicos observantes. Ipse Christus, dum vixit, usque ad mortem suam frequentavit: discipuli pariter, post mortem ejus, usque dum delerum est.

Quin ope Judaicæ religionis promulganda erat religio Christiana. Exire debebant Apostoli in omnem mundum, ut annuntiarent Christi adventum; scilicet eum quem Judæi prædicaverant adventurum ad servandos omnes homines, Judæos & gentes, jam advenisse. Miracula quidem, quæ in nomine Christi edebant, satis demonstrabant hunc verè esse Filium Dei,



Dei, per quem omnia creata sunt; neque enim horum alius auctor esse poterat; sed insuper Deus disposuerat gentes omnes, ut in Christum crederent. Judæi disseminati erant per totum orbem terrarum; ut vix locus esset in quo religio eorum non innotuisset. Semper in ore eorum erat Christus: implebant omnes promissis salutis per eum consequendæ. Magnam ergo spem fecerant adventus ejus; & Gentes paratæ erant huic excipiendo. Igitur Apostoli prædicantes Evangelium, semper primum adibant Judæos: & ingressi in synagogas, sic illos, & pios qui occurrebant in synagogis, expectantes Christum, utrosque sic compellabant: quem vos excitati promissis Prophetarum, & vos Gentes quem Messiam didicistis venturum in mundum hunc vobis annuntiamus & prædicamus.

Religio Christiana, donec Mosaici ritus abolerentur, ut ita dicam, conjungebatur cum synagoga. Licebat Christianis initio Ecclesiæ ritus synagogæ omnes servare, verbi causa Dominicam diem & sabbatum, circumcisionem, abstinentiam certorum ciborum, quos lex Moysis prohibebat. Verum postquam Templum eversum est, tum jugo legis omnino soluti sunt. Illa lex sic constituta fuerat, ut suo tempore solveretur. Præcaverat enim Deus, & gravissimis pœnis interminatus fuerat, ne quis extra Hierosolymitanum Templum sacrificaret, paschalia sacrificia, & alia celebraret. Itaque cum anno æræ Christianæ circiter septuagesimo Romani incenderunt Templum; quod postea non sivit Deus ut Judæi excitarent, lex Moysis non amplius observari potuit: sic omnino abolita est; religio verò Christiana promulgata & constituta est per Apostolos.

Usque dum Christus annuntiaretur per totum mundum, Judæi qui de morte ejus non audierant, consecuti sunt salutem, subditi legi Moysis; & propriè loquen-

loquendo, ipsi jam erant Christiani. Etenim nullum aliud fuit discrimen inter veteres Judæos & Christianos, nisi quod Judæi colebant Christum, quem expectabant, omnem in eo spem & fidem reponentes, & ritibus suis Mosaicis, ut poterant, repræsentantes; Christiani verò adorant indutum carne, quam assumpsit veniens in mundum, & implent quæ faciendæ à veris Dei fidelibus prædixerant Prophetæ.

Jam exponam opiniones, quibus imbuti Judæi, cum Christus in terris agebat: ad quas alludebat; & idè eas scire interest. Non loquor de iis quæ scripta lex docet, sed quæ traditionibus acceperant à majoribus. Constat sicut veterum rituum, ita & antiquæ doctrinæ fuisse tenacissimos. Animadvertendum autem quòd ex quo JESUM CHRISTUM pro suo Doctore repudiaverunt, ipsi suam doctrinam de illo conati sunt obscurare, sive Christi cognitionem sibi eripere: apud Justinum martyrem ereptam fatetur Trypho. *Christus autem si quidem natus est, & alibi extat, ignotus est. Ac ne ipse quidem seipsum scit, neque potestate aliqua præditus est; donec adveniens Elias illum unxerit, & manifestum omnibus reddiderit.* Christum, inquam, omni arte qua possunt Judæi occultant; venturum tamen credunt, & hic primus est ex illis tredecim articulis, quibus completuntur fidem suam. Plerosque ex illis cuderunt adversus Christianos, putà nonum, quo sanciunt legem Moysis nulla alia lege potuisse immutari. Buxtorfius in sua synagoga Judaica eos proponit verbis sequentibus.

## I.

*Fide perfecta credo, Creatorem, cujus nomen sit benedictum, Governatorem & Creatorem esse omnium creaturarum, illum solum omnia fecisse, facere, & facturum esse.*

## II. Fide



## II.

*Fide perfecta credo, Creatorem, cujus nomen sit benedictum, unicum esse unitate, qua nullum omnino similem habeat, illumque solum Deum nostrum fuisse, esse, & futurum esse.*

## III.

*Fide perfecta credo, Creatorem, cujus nomen sit benedictum, non esse corporeum, nec ulla ratione corporea comprehensibilem, & nihil omnino extare, quod sit illi simile,*

## IV.

*Fide perfecta credo, Creatorem, cujus nomen sit benedictum, primum esse & ultimum.*

## V.

*Fide perfecta credo, solum Creatorem, cujus nomen sit benedictum, & neminem præterea adorandum esse.*

## VI.

*Fide perfecta credo, omnia Prophetarum verba vera esse.*

## VII.

*Fide perfecta credo, prophetias Moysis Magistri nostri, qui requiescat in pace, veras esse, eundem esse patrem omnium sapientum, tum eorum qui præcesserunt, tum eorum qui subsecuti sunt eum.*

## VIII.

*Fide perfecta credo, totam legem, que hodie in manibus nostris reperitur, traditam esse Mosi Magistro nostro, qui requiescat in pace.*

## IX.

*Fide perfecta credo, legem hanc nunquam mutatum iri, nec ullam aliam legem tradendam esse à Creatore, cujus nomen sit benedictum.*

## X.

*Fide perfecta credo, Creatorem, cujus nomen sit benedictum, cognoscere omnia opera hominum, & omnes cogitationes eorum, sicut dicitur; ipse omnium*

corda pariter finxit, intelligit omnia opera eorum.

## XI.

*Fide perfecta credo, Creatorem benedictum, bonum retribuere iis, qui ejus mandata observant: illos verò qui ea transgrediuntur, punire.*

## XII.

*Fide perfecta adventum Messie credo, & etiam si retardet, nihilominus semper illum expectabo, donec veniat.*

## XIII.

*Fide perfecta credo, mortuos vita restituendos esse, quando ita feret beneplacitum Creatoris, cujus nomen sit benedictum, & cujus memoria extollatur in seculum & aternitatem.*

Tam prona olim gens Judæorum ad colendos deos alienos ab his prorsus aliena fuit circa tempora quibus Christus ortus est; nusquam enim ille nec Apostoli ejus Judæos quos compellabant, idololatria accusarunt. Cum autem Deum colerent, quem nulla imago repræsentat, vulgò creditum est esse nubium & cæli cultores. Judaicæ religioni hoc ce honorificum testimonium Tacitus reddit, cum ista de illis scribit. *Judæi mente sola, unumque numen intelligunt, summum illud & æternum, neque mutabile neque interiturum. Postea subdit, Judæi profanos credunt, qui Deum imagines mortalibus materiis in species hominum effingant. Igitur nulla simulacra urbibus suis, nedum Templis sunt.*

Præter tredecim dictos articulos, sunt nonnulla alia Judæorum placita, quæ interest non ignorare. Ut aliquo ordine illa enarrem exordiar à nativitate hominis. Agnoscunt Rabbini in omni homine figmentum malum, ut loquuntur. Sic de peccato originis sermo fit in Talmude (Tractatu Beracot, sive de benedictionibus, capit. 1.) *Non est mirum cur pec-*

*peccatum Adæ & Evæ exaratum sit, & signatum annulo Regis, ad generationes sequentes propagandum, quia quo die creatus est Adam, absoluta sunt omnia, ita ut ipse extiterit perfectio & complementum totius mundani opificii, sic quando ille peccavit, totus mundus peccavit, cujus peccatum nos portamus & patimur. Quod non ita se habet in peccatis posteritatis ejus.*

Agnoscent Judæi plagas hominum à Messia esse sanandas, & ipsum passurum; sed duos Messias distinguunt, alterum occidendum, alterum gloriosum. De temporibus Messiae ita censuisse patres eorum non diffitentur, nimirum mundum subsistere ad sex annorum millia, duobus millibus fuisse inanitatem, sive tempus in quo non erat lex, duobus millibus legem fuisse, & duobus millibus diem Messiae; ita juxta hos calculos dies illi Messiae cœpissent ab ea ætate qua Jesus natus & p̄sus est. Sed nunc, inquiunt, propter iniquitates quæ auctæ sunt, Messias qui per duo millia annorum ultima regnare debebat, multos ex his millibus annos effluere sinit; quibus à Deo nondum mittitur. Nolunt autem à quocquam dies adventus ejus calculis subduci. Cæterum, cogitabant Judæi cārnales Messiam regem terrenum, quo triumphante gentes omnes proculcarent: Ab eo, inquam; opes, lauta convivia expectabant.

Odio habent Judæi cæteros homines. Quin occidendos eos omnes putant, qui saltem Noachidarum septem præcepta non servant. Nullum alium sibi proximum esse putant, quàm Israelitam. Legem quidem Moysis laudibus attollunt; attamen violandam putant in vitæ discrimine. Abstinebant Dei nomine in juramentis: sed si jurassent per ejus nomen, rem juratam præstabant: cætera autem juramenta per creaturas inania esse, & impunè posse violari opinabantur. Cui malo ut occurreret Christus, & deinde Apostoli, omni juramento abstinere præcipiunt, quatenus

Judæi abutebantur cæteris juramentis, in quibus nomen Dei non efferretur.

Omnes Israelitas partem habituros in futuro sæculo, hoc est, futuros felices Judæi credebant, attamen eos subiciebant pœnis tum post mortem luentis, tum in hac vita, ubi in grande peccatum erant lapsi. Sunt in libris Judæorum Canones pœnitentiales, sive pœnæ constitutæ peccatis quæ confiteri quisquis horum reus tenebatur, Olim qui pro peccato sacrificium offerebat, confitebatur peccatum illud supra caput victimæ, quo illud quodammodo onerabat, Præterea locum destinatum certò tenebant purgandis animabus Israelitarum; ita pro illis olim sacrificia, nunc offerunt preces, Ergo in eorum doctrina inter peccata sunt alia quæ non remitterentur, alia quæ remitti possunt in altero sæculo. Juxta eam doctrinam dicebat Dominus, peccata in Spiritum Sanctum neque in hoc nec in altero sæculo remittenda. Advertendum etiam, juxta Josephum, Phariseos in ea opinione fuisse, animam quæ immortalis sit, primo corpore solutam migrare in aliud corpus, sed solas animas bonorum; malorum enim æterna pœna cruciari. Huic opinioni adhærens Herodes Tetrarcha putabat animam Joannis quem decollaverat, migrasse in corpus JESU CHRISTI. Posteriores Judæi ex litteris cujusque nominis deprehendi posse stultè putarunt quæ anima in quodque corpus devoluta sit. Volunt, verbi causa, animam Adæ revolutam in animam Davidis & Messiæ, quia horum nominum literæ initiales conficiunt nomen *Adam*.

Judæi in primis cavebant ne ulla immunditiæ polluerentur. Immunditiæ autem sunt innumeræ species, tum in lege præscriptæ, tum in traditionibus Magistrorum. Propterea nullum commercium habebant cum Gentibus; quin, ut videre est in Evangelio, puta-

putabant se pollui consortio viri Ethnicī : Non sibi bibant recta ejus; noluerunt enim intrare in prætorium Pilati, ut non contaminarentur, & possent manducare Pascha: non utebantur his quæ ille tractasset, quia nempe haud sategisset præcavere per legem præcavenda: non ungebant se oleo Græcorum, ut observat Josephus.

Jam enarrandæ praxes religiosæ Judæorum. Summa erat eorum religio erga sacros Codices, sive potius supersticiosa. Mirum est quantam in illis describendis adhibeant diligentiam. Antiquitus libri non erant compacti ex multis foliis, prout nunc fieri solet, sed continebantur unica membrana oblonga, cui annecterentur aliæ membranæ, cum una non sufficeret. Hæ membranæolvebantur circa duo ligna rotunda, quorum singula singulis membranæ extremitatibus assuerentur. Unde libri dicebantur *Meghilot*, id est, volumina, quæ evolverentur, dum erant legenda, postea complicarentur. Liber sic convolutus poterat facile multis annulis, sive sigillis muniti, ne legeretur. Qualis erat liber ille visus Joanni in Apocalypsi, munitus septem signaculis; quæ discerpens unguibus suis Leo de Tribu Juda, vicit, ut illum aperiret & exponeret legendum (*Apoc. c. 3.*) quod exprimendum sategimus in Tabula VII. ad latus imaginis summi Pontificis. Judæi tenaces antiquarum consuetudinum, non utuntur in Synagogis alio libro legis, nisi cui sit ista forma. Sine punctis etiam leguntur, quia olim Hebræi non uterentur punctis illis, quæ vicem nunc vocalium implent.

In singulis Synagogis Pentateuchum habent, quem appellant *Sepher Thora*, id est, librum legis, membranis vitulinis aliquot in longitudinem consutis, crassioribus characteribus inscriptum. His membranis, quæ sunt aliquot ulnarum, juxta formam antiquam, ab utraque extremitate duo tornata ligna an-

nectuntur, circa quæ volvuntur, & quibus tolli, & ferri possit ille liber; quia ipsum librum manu non licet contingere. His tornatis lignis solent apponi umbilici argentei. Hæ membranæ pilis caprinis, à scæminis Judæis netis & contortis, consui debent à viro Judæo, nec ab alio scribi potest ille liber; in qua scriptione tanta est accuratio ac diligentia adhibenda, ut si vel in unica litera error sit commissus, totus liber profanus habeatur.

Tria autem illa, complicare & replicare librum legis, lignum tornatum ejus manu tenere, tollere, circumferre, & populo Scripturam legis ostendere, sunt tria munera quæ venduntur auctione; unde multa ad Synagogam redit pecunia, Omnes librum legis osculantur: qui ore non potest, manu tangit, quam deinde osculatur, Asservatur in Arca, quam ipsi *Aron* appellant, ad imitationem Arcæ fœderis, quæ sic Hebræicè vocabatur,

Qui ad legem vocatus accedit, apprehensis duobus lignis inferioribus, antequam legere incipiat, primum contenta & clara voce dicit, *Benedicite Deo*. Cæterus respondet: *Benedictus est Deus, benedictus in sæcula*. Post lectionem peractam, liber tegitur panno serico. Lectio autem necesse est ut fiat à stante, cui nec ad murum reclinare licet. Videre est in altero latere imaginis summi Pontificis quem exhibet tabula VII. virum Judæum, qui opertus pallio, de quo infra sermonem faciemus, attollit volumen legis, & eo partim evoluta benedicit his qui adstant. Judæi duobus digitis, quibus ligna libri legis tetigerunt, tangunt oculos suos in caritatis remedium.

Tanti faciunt Judæi linguam Hebræam, ut non licitum putent alia Biblia, quàm quæ Hebræicè scripta sunt legere; & acri odio moveantur in eos, qui Græca versione utuntur, & magis in eos qui illam fecerunt. Etenim deplorant factam, & ob illam jejunium

junium ab illis est institutum. Verum si quidem ferè à captivitate Babylonica omnibus Judæis, ut plerique viri docti sentiunt, haud erat nota lingua Hebræa, qua lex scripta est, adstabat in synagogis interpres, qui verbis vernaculis exponeret quod Hebraicè lectum fuerat. Sic Eunuchus, de quo sermo fit in Actis, fatebatur ignorare se quod legebat, nisi adesset interpres, qui necessarius erat populo, quando non alius quàm Hebræus codex legebatur. Archisynagogus eligebat & vocabat pro arbitrio ex adstantibus lecturum aut interpretaturum; quod munus honoratum erat. Sic in Actis (*cap. 13. v. 42.*) rogabantur Apostoli in synagogis sermonem facere.

Distinxere Judæi librum legis in quinquaginta quatuor sectiones, quas appellant *Paraschas*, ut suo loco dicemus. Has subdividunt in minores sectiones, quæ observantur in Bibliis Judæorum. Primum legit *Cohen*, id est, sacerdos. 2. Levita. 3. Israelita, ac deinceps quem vocaverit Archisynagogus. Ultimus qui legit, appellatur *Maphrir*, hoc est, qui *dimittit*. Hæc de religione qua Judæi sacrum Codicem prosequuntur, Pergam referre alias praxes eorum religiosas.

Omnia festa appellantur Sabbata. Sabbatum autem præcipua religione colunt Hebræi; de qua quæ dicta sunt, non repetenda. In sabbato ab omni opere cessant. Quiescunt etiam jumenta. Circa quietem Sabbati, pudet me referre nugæ Rabbiorum. Hodie non extrahunt pecudem ex fovea, in quam delapsa est in die sabbati; sed cibum ei inferunt. Quicquàm Sabbato ferre prohibitum; itaque nec futuri licet egredi domo, cum acu vestibus in hærente, nec cuiquam arma ferre, nec aurum nec argentum, nec illud tangere, nec vulnus de novo obligare: lutum calceorum non potest abradi, ne illo fovea aliqua compleatur. Non licet pulicem occidere.

Triginta novem circa Sabbatum articuli laborum prohibitorum numerantur, qui innumeros sub se articulos continent. Quia in Exodo (*cap. 16. v. 29.*) præcipitur ut quisque sedeat, ne egrediatur de loco suo die Sabbati, constituerunt certum spatium, extra quod non possit iter fieri; quod spatium appellatur in *Actis* (*cap. 1. v. 12.*) iter Sabbati, quod est, bis mille cubitorum, ut illud olim definierunt Rabbinæ, quia in eremo à fimbria castrorum tale spatium creditur interfuisse usque ad Tabernaculum, ad quod progredi licebat, ut jam diximus. Quoniam metere non licitum, idè nec vellere spicas, quia species est messis. Sic nec per de novo sata ambulare; quia semen adhærere potest pedibus, ex quibus decussum in terram, seminarètur, quod opus prohibitum est. Piget proponere quæstiones quas movent de Sabbato, utrum, verbi gratia, capistro sit deducendus aquatum camelus, an tunc liceat huic insidere.

Sed & arte se liberant à tam duris legibus per *Erubin*, id est, per commixtionem, sive terminorum, sive atriorum; duo loca sic commixta supponentes, ut ultra bis mille cubitos, totidem alii confici possint: quo modo supponi possunt plura atria, ut liceat ex uno atrio aliquid transferre in aliud, quasi unicum atrium sint. Multa verba faciunt de istis commixtionibus: horum qui de eodem pane edunt, censentur domus commixtæ. Qui post bis mille cubitos, unam ex tribus cænis, quas faciunt in die Sabbati, celebrat, qui sequuntur bis mille alii cubiti, censentur cum primis commixti.

Tota hebdomas appellabatur sabbatum: *jejuno bis in Sabbato*, id est, in hebdomade. Satagebant autem Judæi ne continuis tribus diebus abstinerent à publica lectione legis, quæ fiebat cum pompa die Sabbati; sed & die lunæ & jovis, quibus conveniebant in Synagoram, & à Magistris instituta fuerat publica lectio



lectio Scripturæ. Erant & qui jejunarent hisce diebus forsan quod dicebat Pharisæus, *jejuno bis in sabbato*: nam diebus sabbati lautè epulabantur, pretiosas vestes induebant & genio indulgebant; quod & nunc faciunt. Diebus sabbati cum ad Synagogas progrediuntur, neminem in via salutant; nec sibi licitum putant comedere ante horam sextam, sive ante meridiem, quæ hora, inquit Josephus, sabbato solet Judæos ad prandium vocare. Ideo Petrus (*Act. cap. 2. v. 15.*) arguebat qui putarent Apostolos, dum diversis linguis loquebantur, esse ebrios; si quidem esset sabbati dies, & hora tertia, qua viri Judæi nondum jejunium solverant.

Cum tremore & horrore Templum ingrediebantur; nec licebat illis fronte proterva ipsam portam orientalem aspicere: cum formidine ac tremore incedebant in atrio: nulli in eo concedebatur sedere, nisi regibus è stirpe Davidica. Orantes, ubicumque deprehenderentur, convertiebant se ad Templum. Dum alvum exonerant, cavent ne in eodem situ sint ac Templum. Ad montem ubi Templum ædificatum erat, nemo ibat cum baculo, calceis, zona, cum pulvere pedibus inhærente, aut cum pecunia in vestimento colligata, nec per montem Templi compendiarium instituebat viam, introeundo per portam unam & per adversam exeundo. Dominus in Evangelio non sinit, ut quisquam transferret vas per Templum. Juxta loquendi morem Hebræorum, intelligendo per vas, arma, instrumenta, baculum. Non licebat in omni monte Templi despuere: in linteo spuendum. Mulieres in Templo proprium atrium, sive propriam sedem habebant. Illis etiam nec tunc temporis licet Synagogas intrare, sed intra conclave manent, ex quo quidem per cancellos prospicere possunt in synagogam. Olim, nec hodie, sibi licitum putavere Judæi extra Jerusalem sacrificare; ideo

pre-

preces tantum fundunt in suis synagogis, & sacras Scripturas legunt. Ex quo enim dirutum est Templum, & Sacerdotes cum omnibus sacrificiis cessarunt, loco sacrificiorum realium, instituerunt sacrificia laborum, ut loquuntur, cum commemoratione priscorum sacrificiorum. His, inquam, sacrificiis respondentes benedictiones sive orationes instituerunt.

Tër in die, manè, vespere, & sub noctem, in synagogis Judæi orant stantes; quod in diebus jejunii & festis in ipsis placeis faciunt, ut de Phariseis constat ex Evangelio. Preces quas recitant, longæ sunt; quas superstitione augebant magistri, in quos invêhitur Dominus: *nolite, inquit, orantes multum loqui*. Diversis nominibus insigniuntur illorum preces: alias appellant *Bazasot*, postulationes; alias *Thephilot*, preces. Indè in Epistolis Apostolorum nominantur variæ species precum, nempe obsecrationes, postulationes, gratiarum actiones,

Tenebatur unusquisque ad recitationem precum in propria persona; at cum non omnes adeo docti essent & expediti, recitabat unus vice omnium, & reliqui post eum respondebant aliquid, verbi gratia, *alleluja*, aut si precans diceret: *benedictus qui venit*, addebant reliqui: *in nomine Domini*. Advertere potest eruditus lector ritus nostros fluere ex Judaicis; quos enim ex illis ritibus probabant Apostoli, hos retinebant. Pariter animadversione dignum est quod annotat Josephus. (*Antiq. lib. 4. cap. 8.*) Bis quotidie ineunte die, & cum itur cubitum, commemoranda fuisse Judæis summi Dei beneficia, quæ liberatis ex Ægypto præstitit.

Præter preces recitabant benedictiones varias. Quisque Judæus tenetur recitare in die centum benedictiones. Non solum cibos primum bendicunt, sed & postea super poculum recitant benedictiones; ad quod

quod forsan alludens Paulus dicit. ( 1. Cor. cap. 10. v. 31. ) *Sive ergò manducatis, sive bibitis, sive aliud quid facitis, omnia in gloriam Dei facite.*

Tempore jejunii induiebant saccos, hoc est, cùm aliis diebus uterentur vestibus laxis, tunc sumebant laceras & angustas, ex pilis caprarum. Non in lectis recumbentes comedebant, sed humi inter pulverem & sordes, in cinere quo spargebant capita sua. *Quicumque jejunium servat, inquit Maimonides, (Tract. de jejunio.) aut ob calamitatem suam, aut ob malum aliquod insomnium, aut ob publicam labem, is neque ulla se voluptate permulceat, neque erecto capite incedat, neque exultantem se & animo leto præbeat.* Jejunium autem Judæorum incipit à vespera & durat usque ad vesperam sequentis diei. In quibusdam jejuniis, tota die pedibus nudis erant, non lavabant se, non oleo ungebantur, Diem degebant in Templo, cùm Hierosolymis commorarentur; alibi verò in plateis palam legebant Scripturas sacras.

Multùm precabantur Judæi; precibus addebant confessiones, & memorabant quæ hisce diebus olim luctuosa contigissent; undè in quibusdam jejuniis solæ legebantur lamentationes Jeremiæ. Tota die abstinebant omni cibo; serò tantùm comedebant. Jejunia majora incipiebant una hora ante occasum solis usque ad noctem diei sequentis; quo intervallo non manducabant: undè fortè jejunantes verè dicuntur in diebus jejunii neque nocte neque die cibum gustasse. Quin & in solemnibus jejuniis nefas erat labori vacare saltem interdiu. Non fas erat corpus totum calida ablueri; vultum tamen, manus atque pedes, concessum erat; balnea autem occludebantur. Unctio prohibebatur; nisi fieret ad sordes removendas. Genialis torus pariter interdictus erat, unà cum calceorum gestatione; iter tamen facientibus calceos induere licebat. Sed alia erant jejunia, in quibus licitum erat

cedere

edere & bibere noctu, tum & in illis opus quoddam facere, sese lavare, inungere, calceamenta induere, cumque uxore concumbere, ut dicitur cap. 1. Tractatus Talmudici de jejunio.

## C A P U T XL

*Respublica Hebraorum Theocratia erat; quippe Deus preses ejus. Habuit tamen diversos diversis temporibus Magistratus & principes, penes quos fuit ejus regimen.*

**O**Mnes naturâ supremo Dei dominio subditi sumus; verum dæmoniorum, quibus homo peccando se subjecerat, quasi servus factus, Dei imperio subductus est. Summus autem opifex sinere non poterat ut malitia diaboli vinceret; quapropter vindicavit sibi populum in quo regnaret, à quo coleretur, dum cæteri homines Deos alienos sequerentur. Elegit Abrahamidas, qui ejus benedictione protinus crevere in Gentem magnam. Hos ex servitute Ægypti asseruit in libertatem, ut ei liberè servirent; nec passus est populum suum subjici dominio alicujus mortalis principis, nisi cum fidelis non permanfit. Primis Reipublicæ Israeliticæ temporibus Deus ipse fuit ejus Princeps; & status ejus vera *θεοκρατία* Theocratia. Scilicet ut *Democratiam* appellant regimen quod penes est plebem; ubi verò præsent nobiles, *Aristocratiam*; quia Hebræorum præses rectorque solus Deus esset, modus quo res eorum administrabantur, *Theocratia* erat, ait Joseph. (*Lib. 11. cap. 4. & lib. 20. c. 8. Antiq. & lib. 2. contra Apionem.*) Omnia quæ juris sunt Principum, Regum, Imperatorum, soli Deo tribuebantur; & cum isto regimine sic Religio conjuncta, ut qui Dei leges prætergraderetur, & in sacros ritus peccaret, protinus censeretur publicæ rei

re rei hostis. Propterea quemadmodum ea facinoræ supplicio coercentur, quibus incommoda publica pec-  
catur, & læditur Principis majestas, sic quicquid la-  
bem afferret Religioni & Deum offenderet, pro capi-  
tali crimine habebatur.

Deus pro Principe & Rege Israelis se gerebat. Dum Israel in deserto peregrinatus est, in Taberna-  
culo, tanquam summus Imperator in Prætorio, cir-  
cumdabatur Israelitis tanquam exercitu; unde & ipse  
amat dici *Deus sabaoth*, id est, *exercituum Deus*.  
Postquam ædificatum est Templum, *domus Dei* ap-  
pellatum est. Hebraicè *Hekal*, quæ vox idem sonat  
ac *palatium*. Non movebant castra exercitus Israel,  
nisi ex jussu Dei, quando daret signum summus Im-  
perator. Scilicet ubi nubes, quæ interdium operiebat  
Tabernaculum, discedebat, proficiscebantur. (*Num.c.*  
*9.23.*) *Per verbum Domini figebant tentoria, & per*  
*verbum illius proficiscebantur; erantque in excubiis*  
*Domini juxta imperium ejus per manum Moysi*. In-  
super animadvertendum ipsam Arcam fœderis, in  
qua velut in throno Deus residebat; quæ ideò à  
Psalmista dicitur *scabellum pedum ejus*, repræsentasse  
quadrigam: Cherubim autem quæ huic quadrigæ ad-  
hærebant quadriformia, simul homines, leones, bo-  
ves, & aquilæ, animalia pugnacissima, congruebant  
Magno bellatori. Olim magnanimi duces è quadrigis  
pugnabant; ut certum sit Deum inter Cherubim se-  
dentem, ut cernitur in Psalmis, haberi voluisse pro  
bellatore, sive pro exercituum Deo.

Denique, ut Principes solent constituere sibi Tri-  
bunos ac Centuriones, alios unguentarios, alios pa-  
nificos facere, & ministros in classes distribuere, qui  
statis temporibus vices obeant, hoc & fecerat Deus  
in Israel. Incredibilis erat numerus Sacerdotum, Le-  
vitarum, Nathinæorum, qui & ministrabant in  
Templo, excubias agebant. Nunquam Regi in suo  
pala-

palatio tanto cum apparatu & impensis ministratum est. Deus jusserat sibi capitatum à singulis tributum solvi : vindicaverat cujusque prolis primogenitum, aræ & torcularis primitias, decimas cujuslibet proventus. In omnibus legibus quas posuit, ubique suum cultum intuitus est; ut Rempublicam Hebræam causa Religionis constitutam fuisse apertum sit. Nulla quidem deerat lex, qua foveretur & cresceret ista Respublica; sed Religio pars ejus potior erat, tota firmè ordinata in cultum Dei, & ad delineandos typos Christi futuri & populi Christiani.

Attamen, quanquam ista Respublica nullum alium summum Principem, quàm Deum agnosceret, cum Israelitæ ferre non possent ejus præsentiam, territi fulguribus in quibus apparuerat in monte Sinai, ubi quasi nata & formata est Respublica Hebræorum; cum, inquam, ipsi orassent Deum ut non eos alloqueretur, sed uteretur Moyse ministro & mediatore, necesse fuit ut essent viri per quos publicæ res gererentur; non propria sua autoritate, sed sub Deo principe. Hi enim non mandata sua præscribebant, sed significabant quæ Deus mandaret. Moyses fuit tanquam *fidelis minister in domo ejus*, ut loquitur auctor epistolæ ad Hebræos. Ille in dubiis consulebat Deum, cujus responsa ad populum referebat. Ergo agebat ministrum, non principem. Moysen excepit Josue, deinde judices, postea reges, quos populus, quasi eum tæderet soli Deo parere, postulavit. Quanquam ergo regimen Hebræorum esset, ut dictum est, Theocratia, Politia à Religione distincta habuit magistratus supremos, tum infimos, de quibus hic agendum.

Formam reipublicæ Israelis expositurus, non ad ipsos Patriarchas ascendet sermo, penes quos summum imperium fuit in Gentem. In Sinai nata & formata est respublica, ut diximus, quam Moyses  
rex



rexit sub Deo rege. Tunc status illius Aristocraticus dici potuit; summa enim rerum post Deum penes optimates posita fuit. Postea monarchicus fuit penes reges, quorum principatum Latini *regnum*, Græci *monarchiam* vocant. Aristocratia fuit sub Moyse, sub Josue, & iudicibus; regnum sub regibus. Moyses non solus rempublicam administravit; multis iisque bonis prudentibus viris rem totam commisit, ut alii sacra, alii profana curarent. Ex iis autem, qui operam rebus sacris darent, unus fuit Pontifex, reliqui Sacerdotes & Levitæ. Qui verò profana administrabant, alii consultationibus, alii iudiciis vacabant. Nonnulli pacis, quidam belli studia coluerunt; omnes non ex arbitrio voluntatis, sed ex præscripto legis suo fungentes munere, in primis dum exercebant iudicia & justificationes, juxta id quod Deus dixit ad Josue: (cap. 1.) *Confortare, & esto robustus valdè; ut custodias & facias omnem legem quam præcepit tibi Moyses servus meus; ne declines ab ea ad dexteram vel ad sinistram, ut intelligas cuncta quæ agis.* Ipsi autem Josue responderunt Israelitæ: *Omnia quæ præcepisti nobis faciemus, & quocumque miseris ibimus, sicut obedivimus in cunctis Moyse, ita obediemus & tibi:* Indè Josue moriturus advocatis Israelitis eadem verba repetiit, quæ ad se Deus tradens imperium fecerat, de lege Dei custodienda; promisitque populus se Dei præceptis obediturum. Populus constabat duodecim Tribubus; quæ singulæ habebant cognationum sive familiarum capita, quæ erant veluti *Philarchæ*, id est, tribuum Principes. Penes harum tribuum seniores, scilicet penes eos qui ætate & prudentia præcellebant, autoritas residebat. Sine consilio eorum res non gerebantur. De horum seniorum concilio simul & imperio sermo fit in libro Judicum (c. 2. v. 7.) ubi dicitur quòd Israelitæ servierint Domino cunctis diebus Josue & seniorum, qui longo post eum vixe-

runt

runt tempore, & noverant omnia opera Domini, quæ fecerat cum Israel. Qui ergo juxta id quod sibi traditum fuerat, & quod viderant oculis suis antea factum, poterant regere Israelitas.

Judicibus indè post Josue rerum potientibus, eodem modo Aristocratia fuit; si quidem illis principatum administrantibus lex valuit, & Deus ipse imperium tenuit, Dicebat Gedeon Israelitis: (*Judic. cap. 8. 23.*) *Non dominabor vestri, nec dominabitur in vos filius meus, sed dominabitur vobis Dominus.* Hanc regiminis formam cum Moyses vellet esse perpetuam, sic eum loquentem inducit Josephus. (*Lib. 4. Antiq.*) *Aristocratia, & vita que ex ea degitur, res optima est; nec vos capiat desiderium alterius Reipublica, sed hanc amate, leges habentes dominas, ex iis omnia facientes; satis enim est ut Deus præsit. Quod si regis cupiditas vos inceperit, is ex eadem gente sit.*

Attamen Israelitæ à Samuele, qui summus judex eorum erat, Regem postularunt, ((*1. Reg. cap. 8. 5.*) *Constitue nobis Regem, ut judicet nos, sicut & universæ habent nationes.* Quod ut ille audivit, subito Deum quid opus esset facto consuluit; qui ita respondit. *Audi vocem populi in omnibus quæ loquuntur tibi. Non enim te abjecerunt, sed me, ne regnem super eos.* Et addidit, *verumtamen contestare eos, & prædic eis jus regis qui regnaturus est super eos.* Hæc significabant, ut Sigonius observat, hætenus regnasse Deum super Hebræos, quia lex dominata esset; imperio verò ad regem more Gentium translato, Deum non regnaturum, cum non penes legem, sed penes voluntatem unius hominis summa rerum esset futura. Etenim, ut Aristoteles, quem Sigonius allegat, ait in suis *Politicis*, qui legem vult imperare, Deum vult imperare; qui regem, id est, hominem, belluam, quod non semper ratione, sed plerumque cupiditate ducatur. Ibi autem loquitur Aristoteles, de Rege tyrann-



tyranno, cujus arbitrium imperium expressit Deus. (*Lib. I. Reg. cap. 8.*) Filios & filias & prædia & servos vobis auferet, & greges vestros addecimabit, & vos eritis ei servi; neque clamantes audiemini à Deo. Illud arbitrium imperium, quo rex cuncta regit sua voluntate, omni lege solutus, jus regni appellat Vulgatus interpres; sed nomen Hebræum *mischepat*, quod in eo loco Scripturæ legitur, potius accipiendum pro *consuetudine*. Etenim *judicium* quidem *jus*, sed & *consuetudinem* significat; ut sensus sit, consuescere reges abuti potestate, quæ penes illos est.

Igitur, Judicibus rejectis, Hebræi reges habere cœperunt quorum primus Saul, secundus David, à quo indè hereditarium regnum inter Judæos evasit, donec res ad Sedeciam pervenit, qui à Nabuchodonosore rege cum populo captivus in Babyloniam est abductus. Reversis verò in patriam post annos septuaginta Judæis, res iterum ad Optimatum statum est adducta, quo tempore Pontifices, qui pro tempore fuerunt, Sacerdotum & Judicum partes impleverunt, donec populo ab Antiocho servitute oppresso, Levitica Assamonæorum familia insurrexit: nimirum Macchabæi, qui asseruerunt Judæis libertatem adversus Syrorum reges. Judas vindex sic Macchabæus dictus est, & fratres ejus dicti Macchabæi, quia condecoraverunt vexillum suum his litteris initialibus. M. C. B. A. I. quas decerpserat ex hac sententia, quæ non semel occurrit in sacro Codice *mi camoca ba elim jehova*, id est, *quis sicut tu inter deos Jehova*.

Assamonæi sive Macchabæi primum sub titulo Principis, deinde sub nomine Regis, manentibus veteribus institutis, rem Judæorum universam administraverunt. His extinctis, Herodes regnum invasit. Filius Herodis Archelaus, heres tantum ex parte regni quo pater potiebatur, Judæam nomine *Ethnar-cha* rexit. Pulso autem in exilio post decem annos

Ethnarchiæ suæ, Judæa provincia Romana facta est. Tunc temporis natus est Christus, cum juxta vaticinium patriarchæ Jacob ablatum esset sceptrum à Juda. (*Gen. c. 49. 10.*) *Non auferetur sceptrum de Juda, & dux de femore ejus donec veniat qui mittendus est, & ipse erit expectatio gentium.* Moriens sic vaticinatus fuerat Jacob. Ab aliquo tempore sceptrum non erat penes familiam Juda; sed non ideo ablatum à tribu Juda, quæ usque ad Herodem summa præcelluit potestate, qua cecidit cum regnum transit ad Herodem, qui erat alienigena. A diebus autem Herodis respublica Judæorum cœpit pessumdari, usque dum Jerusalem caput Gentis cum Templo eversa est. Postea Judæi nec Reges, nec Templum, nec sacrificium habuere. Desierunt esse populus, & veluti extorres vagati sunt, ut his prædictum fuerat, si Christum non audirent.

Ex quo Judæa Provincia Romana facta est, usque ad eversum Templum, licet suis legibus uterentur Judæi, attamen ut subacti censebantur, Romani eis tributum imposuerunt, regionis imperium & procuracionem sibi vendicantes. Ac postremo cum jugum excutere conati essent Judæi, eorum urbem cum Templo inflammaverunt, ac Gentem totam profligaverunt, quæ, ut dictum est, gens esse desiit.

Advertendum & in ipsa captivitate Babylonica, cum sui juris non essent Judæi habuisse tamen Principes ex Gente sua, quibus se ipsi tradebant regendos, qui componebant eorum dissidia, & lites dirimebant. Solent illi appellari *Aichmalotarchæ*, hoc est, captivitatis Principes. De summis magistratibus diximus, qui toti genti præerant; alios perstringamus breviter, primum agentes de Proceribus, quorum consiliis & autoritate post summum Principem res gerebantur. Horum & aliorum magistratuum originem repetam à primis temporibus.

Moyse

Moyſes initio peregrinationis in deſerto, ad cauſas audiendas tota die aſſidebat; quod cum advertiſſet Jetro ſocer ejus, admonuit eum ut tanto labori parceret, ſapientes, gnaros & prudentes pro ſe ad judicandum ſtatuens, ſibi rerum graviorum reſervans cognitionem. Itaque ille, electis viris ſtrenuis de cuncto Iſrael, conſtituit eos Principes populi, Tribunos, & centuriones, & Quinquagenarios, & Decanos qui judicarent plebem omni tempore, ita compellans plebem. (*Deut. cap. 1.*) *Non ualeo ſolus negotia veſtra ſuſtinere, & pondus ac jurgia. Date ex vobis viros ſapientes, & gnaros, & quorum converſatio ſit probata in Tribubus veſtris, ut ponam eos vobis Principes. Tunc reſpondiſtis mihi, bona res eſt quam vis facere; tulique de Tribubus veſtris viros ſapientes & nobiles & conſtitui eos Principes, Tribunos & centuriones, & quinquagenarios, ac decanos, qui docerent vos ſingula. Precepique eis dicens: audite illos, & quod juſtum eſt judicate, ſive civis ille ſit, ſive peregrinus. Nulla erit diſtantiā perſonarum: ita parvum audietis, ut magnum; nec accipietis cujuſque perſonam, quia Dei judicium eſt: quod ſi difficile vobis viſum aliquid fuerit, reſerte ad me, & ego audiam.*

Itaque in unaquaque Tribu fuit primarius, à quo illa regeretur, qui ideò dicebatur Princeps tribus, à Græcis interpretibus Bibliorum *Phylarchus*, vel *Archiphylus*, vel *Archon*. Sic cū eſſent duodecim tribus, erant duodecim Principes. Illi cum totius gentis præſide ſedebant, conſilia cum eo ineuntes. Ad hanc regiminis formam alludebat Dominus, cū dicebat ſuis duodecim Apoſtoliſ apud Matthæum. (*cap. 19.*) *Sedebitis & vos ſuper ſedes duodecim, judicantes duodecim tribus Iſrael.* Dicebantur illi judices ſedere ſuper duodecim thronos, judicantes Iſrael. Ut autem unaquæque Tribus, ſic & ſuum principem habebunt quæque cognationes ſingularum tribuum, ut ex multis Scripturæ locis pa-

ter. Horum Principum officium erat cognationes quibus præerant convocare, ad eas referre quæ ad rempublicam pertinerent, & duces eorum esse in bello.

Singulæ tribus multas sortitæ sunt civitates, in quas ipsæ familiæ seu cognationes dispositæ sunt. Civitatibus verò qui præfuerunt, ii principes civitatum vocati sunt; pro numero autem civium quibus præerant, appellati sunt vel *principes mille*, vel *principes centum* vel *quingenta civium*. Sic parvula urbs non habebat principem mille hominum; qualis fuit Bethleem, de qua dicitur *parvula es in millibus Juda*, hoc est, ita parva es, ut principem mille hominum non habeas. Hi omnes Dei jussu & consilio Jetro Moysis soceri ab ipso Moyse in deserto sunt instituti. (*Exod. cap. 18. v. 25.*)

Non prætermittendum est à Judæ Macchabæi temporibus delegatas copias & cohortes ad custodiam Templi; quæ obortas seditiones compescerent, reos quoscumque in vincula truderent, jussu Sacerdotum, quorum milites illi quasi lictores erant. De hoc Templi præsidio mentio fit in Evangelio. Hæc est custodia, quam Sacerdotes habere dicebat Pilatus, eos alloquens. Ex hac, inquam, custodia fuere milites, quibus stipatus Judas Christum comprehendit. Magistratus autem, sive duces illi qui huic militiæ Templi præerant, dicuntur in novo Testamento *magistratus Templi* *σπάρτοι τῷ ἱερῷ*, *duces* sive *prefecti Templi*. (*Luc. 22. 52. Act. 4. 1.*) Siquidem licuit Judæis bella gerere, & belli magistratus habebant. Primus dictus est Princeps exercitus & belli dux. Ille autem præerat Ghiliarchis, sive tribunis, quibus milites mille parebant, centurionibus, quinquagenariis, & decanis à Moyse institutis.

Quisque in numerum Magistratum creabatur, manu sibi imposita ab eo qui ipse jam in Magistratu fuisset

fuiſſet coöpratus. Effatum enim celebre eſt inter Ju-  
dæos, neminem poſſe creare, niſi qui ipſe ritè crea-  
tus ſit. Senatoria dignitas nemini dabatur ſine legi-  
timo actu, nempe manuum impoſitione, quam Ju-  
dæi *ſammecha* vocant, Græci *χειροθετία*. Ita Moy-  
ſes Joſuæ & ſeptuaginta Senatoribus manum impo-  
ſuit; qua ſolemnitate peracta, ſtatim delapſus cælo  
Spiritus pectora eorum implevit. Hi porro cùm in  
hunc modum initiati eſſent, alios eadem lege aucto-  
raverunt. Advertendum eſt regimen Eccleſiæ Chri-  
ſtianæ ex parte formatum fuiſſe ad exemplar regimi-  
nis veteris Eccleſiæ Hebræorum.

## C A P U T XII.

*De diverſis Reipublicæ Hebræorum tribunalibus. De  
magno Synedrio. Ejus locus erat in Templo; ubi  
judicatus eſt Chriſtus reus mortis; qui & more Ro-  
mano crucifixus eſt. De pænis quæ reis infligeban-  
tur, ſimul & excommunicationibus.*

**P**AULò fuſiùs agendum eſt de Synedrio magno, quod  
ad inſtar Judicum quos Moyſes delegit, videtur  
conſtitutum. *Synedrium* Græca vox eſt, idem ſonans  
quod Latinis *conſeſſus*. Religio Hebræorum ſic con-  
juncta erat, ut vidimus, cum ipſa eorum politia &  
adminiſtratione rerum civilium, ut non perinde ac  
in aliis Rebus-publicis, diſtinctio eſſet cauſarum ſa-  
crarum & civilium. Omnia à Deo ordinata erant,  
non ea ſolùm quæ attinerent ad ſacrificia, & ad cul-  
tum ſibi in Templo & alibi exhibendum; ſed in ge-  
nere quæ vitam ſpectabant, victum, artes, pacem,  
bellum, emptiones, venditiones, matrimonia, & in  
genere jus quo Reſpublica conſervatur. Quin in  
Templo perinde ac in foro cauſæ majores agitaban-  
tur; & dirimendis litibus, ſontibus plectendis vaca-

bant Sacerdotes, perinde ac sacrificiis. Quod artis inadvertisse operæ pretium erit. In forma autem dicti regiminis hæc considerari possunt, concilia, judicia, judiciorum forma, & pœnæ quæ infligebantur prævè factis.

Concilia, sive Congregationes, sive Synagoga, sive Ecclesia, his enim diversis nominibus res una & eadem interdum appellatur, nempe publici cœtus, erant vel totius Gentis, vel unius Tribus, vel unius familiæ, vel unius civitatis. Cogebatur cœtus publicus imperio summi Magistratus, vario tubæ occultu, prout præceperat Deus. (*Num. cap. 10. v. 2.*) *Fac tibi duas tubas argenteas ductiles, quibus convocare possis multitudinem, quando movenda sunt castra. Cumque increpaveris tubis congregabitur ad te omnis turba ad ostium Tabernaculi sœderis. Si semel clangueris, venient ad te Principes, & capita multitudinis Israel. Si autem prolixior atque concisus clangor increpaverit, movebunt castra primi qui sunt ad orientalem plagam.* Ibi autem advertite convocatum populum ad ostium Tabernaculi, quod erat palatium Dei. Sic enim in more est omnium populorum, ut ad palatia Principum confluant, jus inde accepturi. Etiam tubæ clangore excitatus populus conveniebat ad orandum, ad audiendum mandata Dei, ad creandum Magistratum, vel de pace vel de bello consultandum, aut cum inquirendus reus alicujus facinoris, pro quo Deus succensebat omni Israeli. In judiciis consideratur diversitas Tribunalium, potestas cujusque Tribunalis sive judicii, & locus Tribunalis. In judiciorum forma, Regulæ à judicibus servandæ: Actio: Testes: Sententiæ: Pœnæ quibus fontes placentur. Hæc omnia ex ordine exponenda.

Diversa erant judiciorum sive Tribunalium genera; ad quod alludens Dominus, ait in Evangelio. (*Matth. cap. 5. v. 22.*) *Omnis qui irascitur fratri suo,*  
*reus*

*reus erit iudicio; qui autem dixerit ei Raca, reus erit concilio.* Siftendus erit coram primo Tribunali, cum peccaverit leviùs; si peccatum grandius admiserit, coram majori Tribunali. Tribunal in singulis civitatibus constitutum dicebatur *iudicium*, (2. Paralip. 19.) quod erat trium iudicum, aliud viginti trium. Iudicia illa appellabantur Synedria minora. In quocumque iudicio Judæi volunt numerum iudicum imparem esse debere; quia si unus diceret, *iustus est*, alter diceret, *reus est*, tertius lancem deprimeret. Tertium erat tribunal, nempe Synedrium majus, quod in vulgato interprete Matthæi dicitur *concilium*, in fonte Græco *συνέδριον Synedrium*; unde facta vox *Sanedrim*, qua utuntur Hebræi. Hæ omnes voces, *concilium*, *conventus*, idem sonant ac *confessus*. Ad hæc diversa Tribunalia etiam alludebat Psaltes regius. (Psal. 1.) *Non resurgent impii*, hoc est, non stabunt impii, *in iudicio neque peccatores in concilio iustorum*. Obtinuit Tribunal majus ut diceretur magnum Synedrium. Circa illud Synedrium lites moventur valdè ambiguae. Incertum est an quale exercebatur Hierosolymis, quando Christus passus est, jam antiquitus fuisset institutum. Certum est à diebus, quibus decem Tribus in captivitatem deductæ sunt, non observatum quod primum fecerat Moyses, nempe ut ex singulis Tribubus & cunctis cognationibus eligerentur seniores ad iudicandum.

Perturbata est Hebræorum Respublica ab impiis Regibus suis, tum ab inimicis, cum jugum subiere. Verùm postquam reversi sunt in patriam, & Esdras & Nehemias restauravere Rempublicam; maximè cum Judæos Macchabæi in libertatem asseruerunt, tunc constitutum Synedrium ea forma, quam illi tribuunt Judæi in suo Talmude. Elegerat Moyses juxta consilium Jetro soceri sui septuaginta seniores ætate provecos ac scientia probatos, qui in regen-

do populo eum adjuvarent. His LXX. Senioribus ipse Moyses præerat; undè constituit inter Judæos Synedrium componi debere LXXI. judicibus. Sunt qui velint illud habuisse LXXII. viros; quod non convenit neque cum Scriptura, neque cum Judæorum commentariis. Summus Synedrii præses appellabatur *Hanasci*, hoc est, *princeps*. Alter qui ejus vices tenere poterat, dicebatur *Ab*, hoc est, pater Synedrii; qui assidebat dextro lateri principis. Sunt qui addunt tertium virum, qui sinistro lateri pariter assideret, qui nominabatur *Hacam*, hoc est, sapiens. Forsan has duas dignitates mater filiorum Zebedæi ambiebat pro filiis suis (*Matth. 20.*)

Judicia de pecuniis & bonis mobilibus fiebant per tres judices ex Talmude. Judicium verò *animarum*, id est, in quo de morte & vita agebatur, fiebat per viginti tres viros. Majores autem causæ referebantur ad Synedrium magnum. Illud, inquam, Tribunal majus judicabat Tribum, sceptrum, Pseudoprophetam, aut Sacerdotem magnum, & res præcipuas Religionis, ex Deuteronomio. (*Cap. 17. v. 8.*) *Si difficile & ambiguum apud te judicium esse perspexeris inter sanguinem & sanguinem, causam & causam, tepram & non lepram, & judicium intra portas tuas videris verba variari: surge & ascende ad locum quem elegerit Dominus Deus tuus, veniesque ad Sacerdotes Levitici generis, & ad judicem qui fuerit illo tempore: quaresque ab eis, qui indicabunt tibi judicii veritatem. Et facies quodcumque dixerint, qui præsent loco quem elegerit Deus, & docuerint te juxta legem ejus, sequerisque sententiam eorum, nec declinabis ad dexteram neque ad sinistram.* Vides administrationem etiam rerum civilium penes Sacerdotes esse. Hæc autem spectant Synedrium magnum, quod ex parte constabat Sacerdotibus.

Potestas Synedrii magni non eadem fuit semper.  
Sum-



Summam contulerat Deus, ut patet ex allegato loco Deuteronomii. Sub Regibus rarus de illo sermo. Sunt tamen qui credunt illos *Cerethos* & *Pelethos*, qui semper comitabantur Davidem, fuisse aulae ejus principes, & quasi comites Consistorianos; ita ut loco essent septuaginta Judicum, quos Moyses delegerat. *Cerethos* interpretari quis possit *exterminatores*, sive morti adjudicantes; *Pelethos* vero punientes: vel cum Judæis, *Cerethi* erant qui in Synedrio exscindebant verba sua, sive breviter jussa pronuntiabant; *Pelethi* vero qui excellebant in factis suis. Primum est à verbo *carath*, id est, *exscindere*; alterum à *Pala*, id est *mirabile esse*. Alii putant *Cerethos* & *Pelethos* esse nomina gentilia eorum quos David custodiam corporis sui è bellicosissimis gentibus conscripserat.

Tempore Assamonæorum Synedrii potestas fuit maxima: etiam magna, dum Herodes magnus vixit; postquam Judæa in Provinciam redacta est, & per Procuratores Romanorum regeretur, nec omni auctoritate carebat. Alibi evicimus Joannem Baptistam ab hujusce Tribunalis judicibus in vincula fuisse conjectum. Videre est in Evangelio (*Luc. 20. Joan. 11.*) quomodo sæpe inquirebant de Domino, quia ad illos pertinebat res Religionis tractare, & de iis judicare. (*Luc. 20.*) *Dic nobis in qua potestate hac facis?*

Judicium animatum, ut loquuntur Talmudistæ, ablatum est, ut illi referunt, quadraginta annis ante everfionem Templi secundi, hoc est, circa tempus mortis Christi. Verum internecio Stephani, & multa alia quæ à Josepho memorantur, admonent non tam citò omni sua auctoritate Synedrium magnum excidisse. In commentariis in Harmoniam Evangelicam, expendi qua mente & quo sensu dicebant Judæi Pilato: *non licet nobis quemquam interficere.*

Scili-

Scilicet agebatur inter eos de die festo Paschatis, in quo prohibitum exercere *judicium animarum*, id est, damnare quemquam & adjudicare morti. Josephi testimonio, & ipsa auctoritate Scripturæ constat non ablatum judicium animarum ante passionem Christi. Talmudistæ dicunt hoc factum quadraginta annis ante everisionem Templi, sic circiter tempus Passionis; sed vir peritus demonstravit locum Talmudis fuisse corruptum à Librariis. Licebat ergo Judæis Christum morti adjudicare; quod cum eis non liceret in die Paschatis, cæco furore abrepti, dum eum traditum à proditore Juda tenerent, statim occisum volentes, adduxerunt ad Pilatum, qui eum veluti seditionis & prohibentem tributa dare Cæsari, sine mora morte plecteret. Sic contigit ut ipso die Paschatis, eadem hora qua in Templo agnus Paschalis immolabatur, ipse in cruce suspensus moreretur, juxta antiqua vatum vaticinia, & quæ ipse prædixerat.

Minorum Tribunalium subsellia erant in portis civitatum, nempe in loco maximè frequenti, ubi facilius occurrunt inter quos lites sunt agitandæ. Indè fit ut porta civitatis sumatur pro domo judicis. (*Prov. 31.*) *Nobilis in porta vir ejus, quando sederit cum Senatoribus terra.* (*Psal. 126.*) *Non confundetur cum loquetur inimicis suis in porta.* Judæi dicunt non licitum erigere Tribunal viginti trium virorum, nisi in civitate quæ saltem centum viginti cives haberet. Sed Josephus (*Lib. 4. cap. 8. Antiq.*) memorat tantum septem judices in quacumque civitate. *Oppidatim, inquit, præsent septem viri probatæ virtutis & justitiæ cultores. Singulis Magistratibus attribuantur duo Ministri de Tribu Levitica.* Primarii judices secum assessores habebant.

Tribunal viginti trium judicum erat in porta atrii Templi. Aliqui aliud pariter viginti trium statuunt  
in in-

in introitu montis Templi, ita ut duo essent Tribunalia in Templo viginti trium; ex quibus eligebantur, inquiunt Hebræi, qui ascriberentur Synedrîo magno, cum numerus deficeret. Locus verò Synedrîi magni, sive ut loquuntur Judæi, *beth din*, id est, *domus judicii*, constans LXXI. iudicibus, in loco erat, qui dicebatur *lischat-hagazith*, hoc est, conclave cæsi lapidis. Atrium Sacerdotum circumdabatur eleganti lorica lapidea intra quam sic collocatum Synedrîum referunt Judæi, ut esset partim in atrio Sacerdotum, partim in atrio Israelis, ut iudices, prout Sacerdotes erant vel non, sederent in atrio sibi proprio. Locus Synedrîi semicirculus erat; cujus in medio sedebat princeps, ut cum commodius cæteri intuerentur & audirent.

In ipso Templo addicebantur morti, quos magnum Synedrîum damnabat reos; sed extra sacrum locum educebantur ad mortem. Videlicet Deus, ut summus Rex, in suo palatio jus ipse reddebat per assessores suos, quorum, ut dixi, maxima pars erant Sacerdotes, Seniores populi, & Principes Sacerdotum. Undè dicebat Dominus: (*Math. c. 20. v. 18.*) *Ecce ascendimus Jerosolymam, & filius hominis tradetur principibus Sacerdotum & Scribis, & condemnabunt eum morte.* Condemnaverunt reum mortis in ipso Templo, in suo Synedrîo; idcirco dicitur in Evangelio quod Judas pœnitentia ductus retulerit triginta argenteos Principibus Sacerdotum & Senioribus, quibus projectis in Templo recesserit, & abiens laqueo se suspendit. Adhuc ergo in Templo congregatos iudices offenderat.

Non poterat alibi quàm in Templo hoc Synedrîum magnum collocari. Præceperat enim Deus, cum Legem Moyse tradidit, ut si quid ambiguum esset inter sanguinem & sanguinem, causam, &c. ascenderetur ad locum quem electurus erat. Deus autem

elegit

elegit Jerosolyma, ubi Templum sibi ædificari voluit, quare cùm causa Christi Domini, utrum esset Prophetæ, à Synedrio dijudicanda esset, non poterat ipse perire nisi Jerosolymis, ut ipse dixit. (*Luc. cap. 13. v. 33.*) Idè etiam dicebatur legem egredi de Jerusalem, & effluere in totum populum Israeliticum, quia omnes controversiæ Religionis & præcipuæ lites dirimerentur à Synedrio magno. *Hoc magnum Synedrium sedens in Gazith*, nempe in Templo, ut loquitur Maimonides, *erat fundamentum legis oralis, & columna instructionis, & ab eo decreta & judicia exibant in omnem Israellem. Quicumque credebat Moyse & ejus legi, tenebatur acquiescere iis in rebus judicialibus.* Quod intelligendum est, nisi constet judices pecuniis esse corruptos, aut manifestè coargui possint non rectè decrevisse. Utor verbis Josephi. (*Lib. 4. c. 8. Ant.*)

Quin Jesus Dominus reus in Templo judicatus sit, verba Lucæ Evangelistæ dubitare non sinunt. Cùm ille enarrasset quæ per noctem transacta essent de Jesu in ædibus Pontificum, pergit sic loqui. (*cap. 22. v. 66.*) *Ut factus est dies, convenerunt seniores plebis.* Judicia animarum non fiebant nisi interdium, ut statuunt Talmudistæ, & *Principes Sacerdotum & Scribæ*, id est, Legisperiti, quibus constabat confessus ille: *adduxerunt illum, in concilium suum eis το συνεδριον των ιερων, & illum judicaverunt reum mortis.* Ita innocens victima in Templo ipso morte damnatus est, & indèeductus ad supplicium, quod figurabat Hircus emittendus extra urbem, cum prius oneratus fuerat peccatis populi, & in ipso Templo addictus morti, quam subiret extra castra, sive extra urbem. Agnus Paschalis occidebatur in Templo, sed ex Templo adductus intra ædes privatas comedeatur.

Judices hasce regulas intueri jubebantur. (*Exod. cap. 23.*) *Non suscipies*, ait illis Dominus, *vocem*

*men-*

*mendacii: non misereberis pauperis: nec accipies munera  
que excacant prudentes: non accipies personam: non  
judicabis ex fama, quæ sæpius est mendax. Muneri-  
bus induci ad justitiam, inquit Philo, est scelerati  
hominis; nec reddere jus absque operæ præmio.  
Sunt enim qui nolunt gratis ferre sententiam pro  
causa meliore. Oportet autem ut sententia judicis sit  
non solum legitima, sed etiam incorrupta. Causas  
partium decet expendere ante judicium, semoto om-  
ni personarum respectu, sive sint cives, amici, fa-  
miliares, sive contra: ne quid benevolentia vel odium  
cognitioni officiat. Admonentur judices in Scriptu-  
ris non debere sinere ut in judicio pauperis miseri-  
cordia moveantur. Nam misericordia debetur qui-  
dem infelicibus; sed quisquis male fecit sponte, non  
infelix, sed iniquus est. Iniquis autem pœna, justis  
præmium proponitur. Itaque nemini misero propter  
suam inopiam pœna remittenda, quia non misERICOR-  
diam, sed iram meretur.*

Sic res apud judices peragebatur. Qui litem in-  
tendebat, adibat primùm judices rem denunciaturus;  
accipiebat ab illis ministros, quibus adjutus in jus ra-  
piebat adversarium. Ad hunc morem Dominus allu-  
debat, dum dicit (*Matth. 5. 25.*) *esto consentiens ad-  
versario tuo citò, dum es in via: scilicet antequam  
sistaris coram judice, litem compone cum adversario,  
ne te judex mulctet. Sæpè ad dirimendam litem, a-  
liùs ex litigantibus unum judicem, alter alium delige-  
bat, & ab illis duobus judicibus eligebatur tertius;  
etenim oportebat judicum numerum semper esse im-  
parem. Non stabit testis unus contram aliquem, sed  
in ore duorum aut trium stabit omne verbum, ut lex  
ipsa præcipit (*Deut. cap. 19.*) Testes primùm jura-  
bant per nomen Dei. Qui adjuratus respondebat,  
*Amen*, idem erat ac si juramentum ex ore suo pro-  
ferens, asseruisset rem esse, ut diceret. Forma qua  
uteban-*

itebatur sive jurans, sive adjurans, erat *per Deum viventem*. Sunt qui velint iudices & testes, lata sententia, condemnatorum capiti manus suas imposuisse, & dixisse *sanguis tuus super caput tuum*. Huc respiciebat populus vociferans (*Matth. c. 27. v. 25.*) *sanguis ejus super nos & filios nostros*, de Jesu loquentes, quem falso testimonio accusaverant coram præfide Romano.

Modus quo quæque sententia ferebatur adversus reum, sive quo quisque iudex expromebat suum iudicium, non ubique idem est. Alibi fit simplici sententiæ prolatione, alibi tabellis in quibus scribebatur *A*, id est, *absolvo*, vel *C*, id est, *condemno*. Videntur Judæi & calculis certi coloris usos; ad quem morem alludebat Joannes in Apocalypsi (*Cap. 2. v. 17.*) *Vincenti dabo manna absconditum, & dabo illi calculum candidum, & in calculo nomen novum scriptum*. Apud Romanos *Theta* erat nota ac symbolum damnationis, prima litera nominis *θάνατος*: contra verò apud Hebræos; etenim Angelus ex jussu Dei signat littera *Thau* frontes eorum, quos divina clementia conservabat.

Lex non judicabat hominem, nisi prius audivisset ab ipso, & cognovisset quid fecerit. Adjurabatur ipse cum ista formula (*Joan. cap. 7. v. 51.*) *Da gloriam Deo*, ut rem de qua quærebatur, proferret, etiam in se iudicium ferens. Confitenti peccatum suum sentiebant Judæi partem futuram esse in sæculo venturo; unde reos non semel hortabantur ne facinus admissum negantes in odium Dei incurrerent. Admonebatur, inquam, reus ut daret confessionem, ne exfors foret futuri sæculi. Si Josue alloquitur Achan, qui furatus fuerat pallium coccineum de anathemate Jericho (*Cap. 7. vers. 19.*) *Da gloriam Domino Deo Israel, & confitere atque indica mihi quid feceris, ne abscondas*. Hunc morem non semel

semel indicat Paulus: ut cum dicit ( *Rom. cap. 14. v. 22.* ) *Beatus est qui non judicat semetipsum in eo quod probat*, hoc est, qui adversus se testimonium non dicit pro rebus quas probat. ( *Tit. c. 3. v. 11.* ) *Hæreticus proprio judicio condemnatus*. Tres Scribæ judicium sententias scribebant. Primus absolventium, secundus condemnantium, tertius utrorumque. His verbis concipiebatur formula judicii. *Talis sententia Synedrii damnatus est ultimo supplicio, totus populus audiet & timebit*.

Ad judicia attinet ratio qua pœnæ sumebantur de damnatis. Cum Deus, Reipublicæ summus Princeps, non minorem in animos quàm in corpora potestatem habeat, non solum pœnas corporeas adversus reos constituerat, sed & incorporeas, nempe quæ non repetebantur per visibiles plagas, sed per occultam manum Dei; quales plagas Princeps, quantumque sit ejus potestas, non potest exigere: à his enim qui legem infringebant, cum crimen eorum lateret, Deus ipse pœnas repetebat, quæ dicebantur à Judæis *mors per manum cæli*, id est, Dei, Ad illas Paulus alludebat, cum scribit ad Corinth. ( *1. Cor. cap. 11. v. 30.* ) *ideo inter vos multi infirmi & imbecilles, & dormiunt multi*, innuens mortem immaturam, quod corpus Domini acciperent non se probantes. Lex incassum, morte intentata, prohibuisset ea quæ latere poterant, nisi ipse Deus vindex fuisset legis suæ violatæ.

Inter pœnas quas exigenter homines, recensenda primum excommunicatio; quæ pœna erat non solum ecclesiastica, ut nunc loquimur, sed & civilis, quatenus in Theocratia juris divini & civilis nulla distinctio est. Excommunicatio autem erat separatio tum à sacris, tum à profanis. Excommunicatis non licebat Templum ingredi nec Synagogas. Unde Dominus præmonens Discipulos suos quod essent  
à Ju-

à Judæis excommunicandi, aiebat *absque Synagogis facient vos*, hoc est expellent extra Synagogas. Et Paulus scribit Corinthiis ( 1. Cor. cap. 5. ) *ut tollatur de medio vestrum qui hoc opus fecit... utinam & abscindantur qui vos conturbant* ( Gal. c. 5. v. 12. ) Verbum illud *abscindantur*, quod idem est ac exterminentur, usitatum erat in excommunicatione. Omni humano consortio removebantur excommunicati; neque enim intra quatuor cubitorum intervallum licebat ad illos accedere. Indè cum pro excommunicatis haberentur Ethnici & Samaritani, Publicani, Peccatores, non licebat cum illis mensæ accumbere, & cum illis cibum sumere. Sed & qui labis aut criminis conscius erat, ob quam arcendus esset verbi causa, Templo, puta si aliquam immunditiem contraxisset, tangens morticinium, non impunè ausus esset in Templi atria interiora penetrare, aut attingere quemquam, cui labem communicare posset. Ideo mulier illa Evangelica, immunda eo quod fluxum sanguinis pateretur, tremebat conscia tetigisse simbriam Christi.

Qui excommunicabantur, sive qui digni erant ut excinderentur & expellerentur cœtu Israelis, maledictis onerabantur, ut videre est in Deuteronomio ( Cap. 27. ) ubi sæpius repetitur hæc vox *maledictus*. Ita maledicere & excommunicare, fermè idem sonat. Sic Paulus ( 1. Cor. 12. v. 3. ) *Nemo in Spiritu Dei loquens dicit anathema Jesu*; hoc est, maledicit, sicut faciebant Judæi qui cum negabant verè Messiam, & separabant à se Christianos.

Tradebatur Satanæ excommunicatus, hoc est, summo pœnarum ministro, ut multa pateretur. Ita ipse Apostolus ( 1. Cor. c. 5. ) flagitiosum virum tradidit Satanæ, in interitum carnis, ut spiritus salvus fieret: Deo enim permittente, qui sic maledictis onerati fuerant multum torquebantur. Josephus ( Lib. 2. de Bello



*Bello cap. 11.)* describit statum ejus qui excommunicatus fuerit. *Miserabili*, inquit, *plerumque morte consumitur, nec capere ab aliis oblatum cibum potest; herbas vero more pecudum decerpens, & fame excusus per membra corrumpitur.* In hoc sensu optabat Paulus (*Rom. cap. 9. v. 3.*) Anathema esse à Jesu pro fratribus suis, hoc est, ut separaretur, oneraretur maledictis, & pœnas omnes perferret quibus excommunicati subiacebant. Misera erat conditio viri excommunicati, quam tamen experiri non renuisset Paulus, si hoc fratribus suis profuisset. Quò horror incuteretur, cornu & buccinæ inflabantur, dum pronunciarentur maledicta: accendebantur faces. Fererrum mortui, qui non fuisset ante mortem absolutus, lapidabatur.

Exemplum excommunicationis, ex Seldeno (*Lib. 4. de jure Naturali.*) qua Cuthæos sive Samaritanos Judæi excommunicabant, huc asserre non alienum est ab instituto. *Congregaverunt totam Ecclesiam seu cœtum populi in Templum Domini, & introduxerunt tercentum Sacerdotes & tercentum pueros, seu discipulos minores, quibus erant in manibus tercentum buccinæ, & trecenti libri legis. Hi clangebant, cantantibus interea Levitis, & excommunicabant Cuthæos per mysterium nominis Tetragrammati, & per Scripturam descriptam in tabulis Decalogi, & per anathema fori superioris seu celestis, & per anathema fori interioris, ita ut nemo Israelitarum unquam in posterum comederet bucellam aliquam Cuthæorum. Hinc etiam inolevit, eum qui comederit carnem Cuthæorum, habendum veluti qui comederit carnem porcinam, neque Cuthæos Profelytos fieri, neque eis esse partem in resurrectione mortuorum, juxta illud quod scriptum est. Non ad vos simul nobiscum attinet instauratio domus Dei nostri, nec scilicet in hoc sæculo nec in futuro. Et præterea non esse eis partem, seu hereditatem aut possessionem Hierosolymis, juxta id quod itidem scri-*

Q

prum

ptum est: & vobis nec portio est, nec jus nec memoria Hierosolymis. Miserunt autem anathema ad Israelitas, qui in Babylonia, quin & sepius iterarunt in eos anathema.

Doctores Judæorum tres excommunicationis species numerant: prima ab illis appellatur *niddui*, hoc est, *remotio*, *seclusio*, ab aliorum societate, etiam uxoris, & domesticorum, ad quatuor cubitos. Hæc vox venit à verbo *nada*, quod factum est à *naza*, id est, *separavit*. Durabat triginta dies, si reus resisteret; alioquin duplicabatur, aut triplicabatur illud spatium. Mulier menstrua, quæ ideo separabatur à cœtu, huic excommunicationi subiacebat; sicut ceteri omnes Israelitæ, qui propter corporis aut animi vitia & sordes ejiciebantur cœtu piorum ad tempus.

Secunda species dicebatur *cherem* sive *herem*, quod verbum significat *anathematizare*, internecioni vel excidio devovere. Ex hoc verbo facta est vox Caldaica *cherema* aut *herema*, cui respondet vox ἁνάθεμα, *anathema*. Addebat hæc species separationi multa maledicta, ut illæ plagæ, de quibus modò dicebamus, venirent huic qui sic futurus esset anathema. Videre est in Scripturis quomodo homines & urbes excinderentur, quando percuterentur anathemate. Internecione debebantur habitatores earum. Qui sic devovebantur, ut ipsi multati procurarent salutem omnium, appellabantur ἁνάδαρμα *purgamenta* & ἁείψμα, qua voce sordes significari vulgò creditur; sed Suidas docet nos sic dici hostiam lustralem, quæ salus & redemptio erat. In ea significatione se *peripsema* dicit Paulus (1. Cor. cap. 4. vers. 13.) nec alio sensu puto dictum ab eo *optabam esse anathema à Christo* (Rom. c. 9. v. 3.) id est, *optabam*, ut me Christus hostiam piacularem constituisset; nempe me onerasset pœnis quæ debentur peccato fratrum meorum.

Tertia

Tertia species excommunicationis dicebatur *schammat*, à verbo Hebræo quod idem sonat ac *excludere*. Alii volunt hoc nomen factum esse ex his duabus vocibus *scham* & *mitha*, hoc est, *ibi mors*. Alii idem sonare ac *maran atha*, quæ vox occurrit primæ Corinth. (Cap. 16. v. 22.) & significat *Dominus venit*. Syris enim *mara* est *Dominus*: Syris *atha* idem est quod *venit*. Insuper *schema* derivari potest à *schem*, hoc est, *nomen*. Judæi Deum appellabant *nomen*. Itaque *schemmat* sumi potest pro *schema atha*, id est, *Deus venit*, scilicet veniet ad judicandum. Quæcumque sit eorum origo, verba sunt horrendi anathematis, quo feriebantur peccatores, de quorum salute conclamatum esse videbatur, ut illis nihil aliud superesset, quàm formidabilis expectatio judicii. Sic meritò terrorem incutiebant: *Ecce venit Dominus*, inquit Enoch apud Judam (Jud. Ep. v. 14.) Hoc & minitari videtur Malachias ultimis illis verbis vaticinii sui, venturum Dominum, & terram anathemate percussurum.

Jam de pœnis corporeis agamus. Qui non erat restituendo aut solvendo, vānibat (Exod. cap. 22.) Fur quadruplum restituere cobeatur, si perierat res; si non, duplum (Exod. c. 21.) Prægnantem mulierem percutiens & abortivum faciens, si ipsa vixisset, subiacebat damno quantum maritus mulieris voluisset & arbitri judicaverint (Levit. 6.) Qui depositum negabat, tenebatur & quintam ejus partem addere. Qui damnum intulerat, multabatur pro rata (Exod. 21.) Pœnarum in cute aliæ erant ad mortem, quod pœnarum genus dicitur à Judæis *Keret* à verbo *Karat* exscindere, amputare. Quam pœnam sic exprimit Latinus interpres, *delebitur anima illa de populo suo*. Inter aliarum pœnarum genus, quæ non ad mortem, ponitur flagellatio. Sortes virgis cædebantur, etiam in Synagogis, sed non ultra quadraginta

ictus (*Deut. 25. 3.*) Ne illum numerum excederent, quadraginta, una minùs, plagas inferebant, ut sibi contigisse narrat Apostolus (*2. Cor. cap. 11. v. 24.*) *A Judeis quinquies quadragenas, una minùs, accepi.* Quem loquendi modum usurpatum videre est à Josepho (*Lib. 4. cap. 8, Antiq.*) Hanc diminuti numeri plagarum fuisse verissimam rationem adstruit Maimonides, ne si lictor per errorem, inquit, unam plagam supra quadraginta addidisset, legem transgredideretur. Quomodo autem fieret flagellatio, refertur in tractatu Talmudis *de Macchoth*, id est, de plagis. *Ambabus manibus ad columnam alligatis, vestis a publico ministro detrahebatur. Huic qui loris cadendus erat, & pectus ejus denudabatur. Tum collocabatur lapis pone illum, in quo stabat lictor, manu tenens lorum bubulum complicatum, quo eum feriebat non stantem, vel sedentem, sed inclinatum. Lictor verò una manu, quantum poterat, percutiebat, praconeclamante; nisi custodieris & feceris omnia verba legis hujus, quæ scripta sunt in hoc volumine, & timueris nomen ejus gloriosum & terribile, hoc est, Dominum Deum tuum, augebit Dominus plagas tuas, & quæ sequuntur (*Deut. cap. 28. v. 58.*) alter numerabat plagas, tertius lictorem ut feriret jubebat. Itaque cum quis flagellabatur, ambæ manus ejus adstringebantur ad palum, unum & dimidium cubitum altum, quo inclinabat corpus. Vestis ipsius ad lumbos detrahebatur. Sic in Actis Apostolorum (*Cap. 16. vers. 22.*) *σπαρτοῖ* magistratus Templi scissis tunicis eorum, Pauli & Silæ, jusserunt eos virgis cadi, & cum multas plagas eis imposuissent, miserunt eos in carcerem. Fiebat flagellatio in oculis judicis, ut ritè fieret. Flagella sive scuticæ habebant quandoque in extremitatibus aculeos, instar scorpionum, & idè dicebantur *scorpiones*; de quibus dicebat populo Roboam (*3. Reg. cap. 12. v. 14.*) *Pater meus cecidit vos flagellis,*  
ego*

ego autem cadam vos scorpionibus : genus scuticæ acerbioris .

Rabbini pœnas in foro capitales fuisse quadruplices dicunt, lapidationem scilicet, combustionem, gladium, & strangulationem. Crucifixio non erat pœna usitata inter Judæos. (*Deut. cap. 21. vers. 22.*) Quando peccaverit homo, quod morte plectendum est, & adjudicatus morti appensus fuerit in patibulo, non permanebit cadaver ejus in ligno, sed in eadem die sepelietur, quia maledictus à Deo est qui pendet in ligno, nequaquam contaminabis terram tuam quam Dominus Deus tuus dederit tibi in possessionem. Hanc legem servavit Josue (*Cap. 8. v. 29.*) Regem quoque Hai suspendit in patibulo usque ad vesperam & solis occasum; præcepitque Josue, & deposuerunt cadaver ejus de cruce, projeceruntque in ipso introitu civitatis. Græcus autem interpretes neque patibulum, neque crucem nominat; sed lignum geminum vocat, quod ex duobus lignis crux constitueretur. Idem Josue (*Cap. 10. v. 26.*) suspendit quinque Reges super quinque stipites, fueruntque suspensi usque ad vesperum, cumque occumberet sol, præcepit sociis ut deponerent eos de patibulis. Gabaonitæ crucifixerunt filios Saulis, permittente Davide Rege, in monte coram Domino, id est, coram Tabernaculo, quod tum erat in Gabaon (*2. Reg. 21. 9.*) Sed, ut clarè liquet, non id erat propriè crucifixio, qua quis vivus cruci affixus tandiu in illa manet, donec extremum halitum duxerit. Mortui enim, non vivi, illi de quibus loquitur Scriptura suspensi sunt. Suspensus quidem est Aman (sed non erat Judæus) in ligno quinquaginta cubitorum altitudinis, quod paraverat Mardocheo. Ita crucifixio usitata erat apud Persas; juxta quorum consuetudinem Cyrus apud Esdram (*Lib. 1. cap. 6. v. 11.*) posuerat decretum, ut omnis homo qui legem quam dederat, mutaret, tollere-

tur lignum de domo ipsius, & erigeretur & configeretur in eo.

Crucifixio, ut diximus, non erat pœna apud Judæos usitata. Quandoque qui mortis supplicio multati fuerant, suspendebantur in cruce, non tam in supplicium, quàm in exemplum. JESUS CHRISTUS non Judaico sed Romano more affectus est supplicio crucis: passus enim est in cruce, cui affixus fuerat, non solum in ostensionem pœnæ, sed & in pœnam,

Circa autem suspensionem, quoquo modo fieret, sive vivi sive mortui corporis, hæc observabant Judæi, si fidem adhibemus Maimonidi, qui ita loquitur (*Tractatu Sanedrin, cap. 15.*) *Non suspendunt aliquem, inquit, de arbore radicibus suis loco infixæ, sed de arbore jam succisa, idque ne fortè parcatur illi arbori quo minùs succidatur, cum tamen arbor, ex qua suspensus quis fuit, unà cum suspensio sit defodienda, ne remaneat ipsi infausta hæc memoria, dicantque de ea; en hæc ipsa arbor, de qua N. N. suspensus est. Atque sic pari modo defoditur quoque lapis, quo quis fuit lapidatus, itemque gladius, quo quis decollatus, nec non sudarium, quo quis strangulatus. Cuncta illa sepeliuntur instrumenta supplicii, quæ consumi vel e conspectu auferri solebant, ne funesta superarent omina.*

Pœna lapidationis sic exigebatur (*Levit. 24. v. 14.*) Lapidandus educebatur extra castra sive extra civitatem, ubi locus erat supplicii. Dum educeretur reus, præco anteibat clamitans: Talis prodit lapidandus, ob talem culpam, à talibus testibus accusatus. Si quis insontem docere potest, accedat. Cum reus decem tantum cubitis distaret à loco supplicii, monebatur ut ipse culpam confiteretur. Vestibus suis exuebatur intra quatuor cubitos à loco lapidationis. Ad mortis pœnam damnatis præbebatur poculum vini cum grano

grano thuris, ut turbaretur mens eorum. Hæc ex Talmude: undè liquet quid sit vinum myrrhatum, quod Christo in cruce datum est, nec accipere voluit (*Marc. 15. 23.*) *Et dabant ei bibere myrrhatum vinum & non accepit.* Species misericordiæ erat, juxta illud Proverbiorum (*Cap. 31. v. 6.*) *Date siceram marentibus, & vinum hīs qui amaro sunt animo.* Id consuetum erat Judæis; sed milites Romani illufuri admiscuerunt acetum & fel (*Matth. 27. v. 33.*) *Et dederunt ei vinum bibere cum felle mixtum, & cū gustasset, noluit bibere.*

Solebant Judæi plectere fontes ante occasum solis; eadem autem die sepelire (*Deut. cap. 21. v. 23.*) Locus lapidationis erat duplici hominis statura altus. Unus testium projiciebat eum in lumbos suos. Si in pectus suum se volveret, revolvebant in lumbos. Si sic moreretur, bene: si non; testis alter tollebat lapidem atque cordi ejus imponebat. Si ita moretur, benè; si non, lapidabatur per omnem Israel, ut præcipitur in lege (*Deut. 17. 7.*) *Manus testium prima interficiet eum, & manus reliqui populi extrema mittetur, ut auferas malum de medio tui.* Etiam reus solebat sic præcipitari, ut impingeret magno alicui lapidi, quo vulnere si non moreretur, alter lapis ei impingebatur; ad quod alludit Dominus dum ait (*Matth. cap. 21. v. 44.*) *& qui ceciderit super lapidem istum, confringetur, super quem verò ceciderit conteret eum.*

Juvat exhibere loca veteris Testamenti, ubi de lapidatione agitur. Sic præcipitur in Levitico (*Cap. 14. v. 14.*) *Educ blasphemum extra castra, & ponant omnes qui audierunt manus super caput ejus, & lapidet eum universus populus.* Et ad filios Israel loqueris: homo qui maledixerit Deo suo, portabit peccatum suum, & qui blasphemaverit nomen Domini, morte morietur. Lapidibus opprimet eum omnis multitudo

*populi, sive ille civis, sive peregrinus fuerit. Ita pariter in Deuteronomio (Cap. 13. v. 9.) Similis lex fertur adversus eum qui voluisset Israelitas adducere ut servirent diis alienis, sive frater, sive filius, sive uxor, sive amicus. Non acquiescas ei, nec audias; neque parcat ei oculus tuus, Deus loquitur, ut miseraris & occultes eum, sed statim interficies. Sit primum manus tua super eum, & post te omnis populus mittat manum. Lapidibus obrutus necabitur. Pariter hæc præcepit Deus (Cap. 17. v. 2.) Cum reperti fuerint apud te intra unam portarum tuarum, quas Dominus tuus dabit tibi, vir aut mulier qui faciant malum in conspectu Domini Dei tui, & transgrediantur pactum illius, ut vadant & serviant diis alienis, & adorent eos... & hoc tibi fuerit nunciatum, audiensque inquiseris diligenter, & verum esse repereris, & abominatio facta est in Israel, educes virum ac mulierem qui rem sceleratissimam perpetrarunt, ad portas civitatis tue, & lapidibus obruentur. In ore duorum aut trium testium peribit qui interficietur. Nemo occidatur uno contra se dicente testimonium. Manus testium prima interficiet eum, & manus reliqui populi extrema mittetur, ut auferas malum de medio tui. Sic eum, quem filii Israel, dum in deserto peregrinabantur, deprehenderunt Sabbato ligna colligentem,eductum extra castra lapidibus obruerunt.*

In hisce animadvertendum quo zelo quisquis Judæus teneretur ferri adversus legis divinæ violatores; neque enim, ut nunc fit, turpe habebatur à reo mortis pœnas exigere, & publici ministri exercere munus. Quin testium erat primos in reum lapides mittere; quam legem intuebatur Christus, dum ad Pharisæos dicebat, agens de adultera muliere: *qui sine peccato est vestrum, primus in illam lapidem mittat. Sed & omnes qui adstarent, tenebantur una obruere qui dignus morte judicatus erat. Lex erat Judaica,*  
inquit



inquit Herodes apud Josephum (*Lib. 16. c. 17. Antiq.*) differens, *ut si cui accusato filio parentes manus imponant, necesse habeant circumstantes saxis eum ferire.* Scilicet ut principi navare operam qualemcumque decorum habetur, laudis quoque in Theocratia loco habebatur persequi peccatum, id est injuriam Deo factam. Lex jubebat ut qui audiret blasphemiam, protinus in signum doloris vestem suam dilaceraret; quod fecit Caiphas, opinatus Jesum ore protulisse blasphemiam. Talis laceratio non erat illicita summo Sacerdoti, nisi supra cadaver mortui. Lacerabat autem vestes suas, non à summa, sed à parte ima, ut volunt Judæi.

Nec silendum de ministris sive lictoribus, quos *shoterim* Hebræi appellant. *Si erant*, verba sunt Maimonidis, *qui gestabant fustes & flagella, & adstant judicibus*, nempe ut reos traderent ministro adstanti cruciandos, ut dicitur in Evangelio. *Et judex tradat te ministro.* Pergit loqui Maimonides. *Illi per plateas ambulabant, & cauponas, ut expenderent mensuras & pondera, utque transgressores verberarent, & omnes eorum executiones fiebant mandato judicum, & quemcumque viderent peccantem, eum ad judices trahebant; hique eum judicabant juxta ejus peccatum.*

Antiquis Judæis, ut vidimus, quatuor solummodo pœnæ genera in usu erant, lapidatio, combustio, decollatio, suffocatio, sive strangulatio. Dicunt Judæi, ubi genus mortis in Scriptura non exprimitur, strangulationem esse intelligendam, nempe quia minimum supplicium, & ampliandi sunt favores. His quatuor suppliciis quidam addunt demersionem *καρατορτισµὸν*; cum scilicet reus in profundum saxo ingenti alligatus demergebatur; cujus supplicii mentio in Evangelio.

Pœnæ non capitales fuere carcer, vincula, compedes, restitutio, talio, flagellatio. Quandoque restitutio

stitutio fiebat in duplum, triplum, quadruplum, in quintuplum. Talio erat æqualis retributio, dens pro dente, oculus pro oculo, manus pro manu, pes pro pede. Romani priusquam morte damnatos cruci affigerent, cædebant flagellis in carcere. A capite ad calcem homo medius quandoque dissecabatur, qua pœna creditur Manasses prophetam Isajam affecisse. Romani sepiùs reos damnabant ad bestias; quo genere supplicii plures Christiani interdum occisi sunt. Tympanismus erat species distentionis, qua tortus homo distendebatur, veluti tympani pellis. *ἐτυμpanίσθησαν distenti sunt*, inquit Paulus ad Hebræos (Cap. II.) loquens de suppliciis quibus torti sunt viri pii. *Lapidati sunt, secti sunt ἐπελάθησαν* serra dissecti sunt.

## C A P U T XIII.

*De Hebræorum legibus primariis, quæ Noacho, Abrahæ, Moyse date sunt; tum de secundariis, quas ipsi Judæi observant, ne peccent in primarias. De Mishna & Talmude, quo illas complectuntur.*

**R**espublica viger legibus servatis; nec aliam personam gerit legitimus Magistratus, quàm Magistri qui docet legem, aut vindicis qui pœnis afficit legem infringentes. Cùm ergo constituenda esset Respublica, venturi Christi apparatus, necesse fuit ut Deus constringeret legibus quos in populum coalescere volebat. Cujus auctor erat & Princeps, decebat esse ordinatissimam. Primum leges congruere debuerunt populis carnalibus qui sola corpora cogitare possent. Ideo Deus plerasque leges allegoriis significavit; ut cùm precipit ne bovi trituranti os alligaretur, manifestè providet ne non mercenario labor suus aliquem pareret fructum. Præterea cùm in apparatu Christi venturi, demonstranda esset utilitas hujus

ius adventus, decebat ut omnia facienda aut præcavenda declararentur legibus expressis; ut nusquam ea superba cogitatio subiret animum hominum: Quid enim tantopere indigebamus Christo? Tantummodo præmonendi eramus: si ipse Deus significasset quæ à nobis observata voluit, dictis paruissemus. Non ergo Christus è cælo in terras deducendus. His superbis cogitationibus lex ipsa occurrebat; monitis suis potius incendens malam cupidinem. Quæ Judæi videbant meliora esse, & ipsi probabant, non faciebant, sed quod noverant malum. Itaque lex Moïsis ulcus retegebat, non sanabat; & patuit per omne illud tempus quod à lege data effluxit, potentis manus medicamine egere sauciam hominum naturam.

Jam à primordio mundi meditabatur Deus rempublicam Hebræam, umbram Christianæ; quos autem colligebat cives, statim legibus instruebat. Noe cum familia sua primi sunt illi cives, deinde Abraham; quibus ergo jam posuerat aliquas suas leges Deus, donec plures alias proponeret in monte Sinai. De his omnibus legibus differamus. Noachidas vocant Hebræorum magistri, gentes omnes præter Hebræos, qui Abrahamidæ, vel potius Israelitæ vocari amant. Magistri autem illi dicunt Noachum filiis suis septem præcepta tradidisse, quæ pro jure naturali, omniumque hominum communi, sumunt.

Horum præceptorum primum interdicat cultum extraneum, ut non alius, præter unum, Deus colatur: Secundum, ne profanetur nomen Dei. Tertium, ne effundatur sanguis humanus. Quartum prohibet concubitus illicitos. Quintum, furtum. Sextum præscribebat ut Magistratus & judices constituerent qui cum judicarent de illis præceptis, tum commonerent populum de observatione eorum. Septimo non licebat carnem cum sanguine comedere; quod unum ex illis septem præceptis expressum est in Genesi (*cap. 9.*) His  
septem

septem legibus adstringebantur quotquot erant intra Hebræorum portas, nempe Profelyti portæ, seu domicilii; neque enim debuit esse licitum cuique in populo Dei commoranti sine ulla iustitia vivere. Huic æquo mori ut parerent Apostoli, cùm gentes admitterent in Ecclesiam, quæ adhuc morabatur Jerosolymis, decreverunt in concilio (*Act. cap. 15.*) ut qui ex Gentibus converterentur, legibus quidem Moyſis non gravarentur, *sed ut abstineant se à contaminationibus simulacrorum, & fornicatione, & suffocatis* quæ præcipua erant capita servanda Profelytis domicilii. Causa hujus decreti non alia verisimilior; quod ut liqueat, afferam luculentum in eam rem Maimonidis testimonium ex cap. 4. tractatus ejus de Profelyto. *De sex rebus mandata accepit Adamus, de idololatria, de blasphemia, de homicidio, de illegitimo concubitu, de furto, & de judiciis exercendis: nam licet hæc cuncta apud nos sint recepta à Mose Magistro nostro, & ratio ipsa ad ea observanda inclinet, ex summa tamen verborum legis apparet quod de his ei præceptum fuit. Præter hæc Noacho traditum fuit aliud præceptum de membra animalis viventis non comedendo, sicut dictum est, verumtamen carnem cum anima ipsius, id est, sanguine ipsius non comedetis: atque ita præcepta esse septem inveniuntur; & sic se res habuit per totum terrarum orbem, donec Abrahamus insuper ad hæc accepit præceptum de Circumcisione. Ille etiam instituit preces matutinas; Isaacus deinde separavit decimas, & alias etiam instituit preces tempore pomeridiano celebrandas; Jacobus superaddidit præceptum de non comedendo nervo, qui emarcuit, & instituit preces nocturnas, & deinde Amram in Ægypto plura alia accepit præcepta, donec tandem venisset Moses Magister noster, & per eum perficiebatur tota lex.*

Deus præcepit Abrahamæ ut circumcidendo se auferret præputium sui ipsius, filiorum, & servorum, in  
signum

signum fœderis quod cum eo pepigerat: hoc-ce sigillo in carne, ut dictum est, signans Abrahamidas ut propriam pecudem, ut solent pastores suis ovibus notam inurere. Circumcisione sic quisquis fiebat de populo Dei; antea non admittendus patriceps sacrorum. Nullus incircumcissus admitti poterat in atria Templi, aut comedere de victimis immolatis Deo, puta de Agno Paschali; sed nec etiam obnoxius erat legibus modò enarrandis, quas Deus videtur per Moysem solis Israelitis præscripsisse, ut ipsi Judæi sentiunt.

Leges à Deo Israelitis datæ numero non paucae sunt. Judæi enim totam legem Moïsis in sexcenta & tredecim præcepta diviserunt, affirmativa scilicet & negativa. Affirmativa sive jubentia sunt ducenta quadraginta octo, juxta numerum membrorum corporis humani; tot enim Rabbini membra corporis esse affirmant. Præcepta negativa sive prohibitiva, trecenta sexaginta quinque constituunt, juxta numerum dierum anni solaris, vel, ut alii dicunt, juxta numerum venarum in corpore humano. Hæc præcepta numero serè infinita, ut inquiebat Petrus Judæos alloquens (*Act. cap. 15. 10.*) *neque patres nostri, neque nos portare potuimus*. Pariter ob multiplicia illa præcepta, Paulus scribens Ephesiis (*Cap. 2. v. 15.*) appellat *legem mandatorum*. Populo autem insipienti singula verbis singulis præscribenda, quæ sibi facienda esse alioquin non intellexisset. Christianis verò amor rectitudinis infusus cordi eorum instar est complurium legum; quas etsi nullum scriptum oculis eorum subjiciat, satis ipsi advertunt.

Ut illas innumeras leges Moïsis aliquo ordine colligamus, protinus observabimus, quas leges Deus potissimum observandas volebat, decem capitulis, quæ *Decalogus* appellari solent, in duabus lapideis tabulis scripsisse, cum illæ leges deletæ essent ex tabulis

bulis cordis; nobis enim innatæ. Sicut autem in Decalogo præcepit Deus virtutes, quas exercendi locus sæpius occurrit; ita & ea tantum crimina, in quæ frequentius labi homines possunt, prohibuit. Indè factum ut pleraque & detestanda magis crimina in Decalogo non vetita sint; quæ idè malè quis licita putaret, cum alibi Deus ea acerbis pœnis multanda præcipiat: sed quia non in illa proni sunt homines, non perpetuò erat subjicienda oculis lex quibus prohiberentur.

Summam ergo legum suarum, quæ præcipuæ essent, ad decem capita, quot habemus digitos, revocavit Deus, ut facilius numerarentur & insingerentur memoriæ. In prima verò duarum tabularum. Præcipitur I. ut unus Deus colatur, nec fiant idola. II. Ne nomen Dei in vanum sumatur. III. Ut sanctificetur dies septimus. In secunda præcipitur I. parentes honorare. II. Non occidere. III. Non mæchari. IV. Non furtum facere. V. Non loqui contra proximum falsum testimonium. VI. Non concupiscere domum proximi sui, nec uxorem. VII. Non servum, non asinum, &c.

Plurimas alias leges tulit Deus, quæ ad primam vel secundam tabulam referri possunt. Scilicet Deus quæ servanda aut fugienda vellet, fusiùs & distinctiùs quàm in Decalogo, alibi declaravit. Ad primam tabulam referri possunt illæ leges de non immolando diis alienis (*Exod.* 22. 20.) de non offerendo semine Moloch (*Lev.* 18. v. 21.) de evertendis deorum simulacris (*Exod.* 23. 24.) Contra Ariolos, Magos, Pythones (*Levit.* 19. 31. & 20. 6. *Deut.* 18. 11.) Non jurandum esse per alienos deos (*Exod.* 23. 13.)

Ad secundam tabulam referendæ leges de honorando principe (*Exod.* 22. 28.) & sene (*Levit.* 19. 23.) de pœnis quibus percussores puniendi (*Exod.*

21.)

21.) contra illicitos concubitus (*Exod. 22. Lev. 18. 13. 20.*) ne esset meretrix de filiabus Israel (*Deuter. 23. 17.*) nec usuris premerentur fratres (*Exod. 22. Lev. 25. Deut. 23. v. 19. 20.*) ut proximus adjuvetur, ut bos ejus errans reducat ad eum, & si bos ille ceciderit, sublevetur (*Exod. 23. v. 2.*) non sequenda turba ad faciendum malum (*Exod. 22. v. 27.*) non intrandum in domum debitoris pauperis, ut auferatur pignus; quo si indigeat, ut dormiat in eo, protinus ante occasum solis ei reddendum est; non neganda merces advenæ (*Deut. 24. v. 14.*) In vindemia & messe superesse debebant reliquiæ, quæ à viduis, pupillis, & advenis colligerentur (*Lev. 25.*) Deus consulens pudicitia & honestati prohibet (*Deut. 22. v. 5.*) ne mulier veste viri, ne vir veste muliebri induatur. Ei qui recens vineam plantasset, qui extruxisset novam domum, qui modò nupsisset, concedebatur vacatio militiæ ad breve tempus.

Cùm tota Respublica Hebræorum Deo dicata esset, omnia quæ ad illam attinebant, pars aliqua religionis reputabantur. Nulla res, ut diximus, erat merè civilis, sive humana; quoniam singula, Deo præcipiente, ordinata erant. Distinctis tamen capitibus exhibentur in libro legis, quæ spectabant ritus sacros, Sacrificia, dies festos & similia; quorum mentionem suprâ fecimus. Adjungam hîc præcepisse Deum, ut una esset urbs, quam ipse eligeret, in qua sola poneretur unum Templum & unum altare, quoniam ipse unus esset, & Hebræorum genus unum. In hanc-ce urbem & Templum ter in anno conventus fieri debebat Hebræorum ex universa eorum ditione, ut Deo pro acceptis beneficiis gratias agerent, & per conversationes ac convivia, inquit Josephus, mutuam benevolentiam alerent. Cæteras leges, quæ potissimum religionem spectant, suis locis protulimus.

Cen

Certissimum argumentum Rempublicam, de qua loquimur, habere Deum authorem illud est quòd in ea populorum saluti prospectum sit, & statuta omnia, quibus pax, æquitas foveatur, alitur virtus, & vitia rescinduntur, quibus dissilit societas. Respublica Hebræa perfectissimum est Reipublicæ ordinatissimæ exemplar. Ut membrorum à capite, ita populorum salus ab eo cui subditi parent, pendet. Ut princeps virtute præditus esset, alienus à vitiis, præcaverat Legislator. *Satis est Deum habere presidem*, utor verbis Josephi. (*Antiq. lib. 4. cap. 8.*) *Attamen si Regis vos cupido ceperit, nemo sit nisi vestri generis & sanguinis, & cui iustitia sit cordi cum ceteris virtutibus. Is quisquis fuerit, plus legibus & Deo, quàm suæ prudentiæ tribuat, nihilque præter Pontificis ac Senatus sententiam faciat: nec multas alat uxores, aut pecuniis, equisve plurimis gaudeat; quarum rerum copia facile contemptor legum posset evadere. Et si talibus studiis plus æquo fuerit deditus, obstandum est ne potentior fiat, quàm rebus vestris expedit.*

Suprà vidimus formam iudiciorum ordinatam fuisse, & præmonitos iudices ne muneribus excæcarentur. Uni testi fidem adhibere non poterant, sed tribus aut minimum duobus; quorum testimonium vita antè acta faceret verisimile. Non mulierem propter levitatem, non servum propter animos degeneres, testem esse licebat.

Utilitate cives maximè conjunguntur; etenim arcta est inter eos societas, quæ pariter singulis utilis est: contra cupiditas adversatur societati, cum nimirum sunt qui potentiores ditioresque fieri ambiunt. Coercebatur cupiditas; omnium enim Israelitarum æqua erat conditio. Primò unum illis genus, qui omnes ex Abraham, Isaac & Jacob prognati. Ideò vir Israelita nisi volens non poterat perpetuæ servituti subjacere. Si quis, inquam, Hebræus emptus esset in servum ab

He-



Hebræo, postquam servierat per septem annos, septimo dimittebatur liber; nisi ille mallet Domino, quem diligebat, in æternum servire; tuncque perforabatur subula auris ejus, ut præcipitur in Exodo (*cap. 21. v. 6.*) ad quod alludit Psalter ( *Psal. 39. v. 7.*) in persona Domini cum dicit Deum Patrem compellans, *aures autem perfecisti mihi*: vel juxta Hebræum fontem *aures perfodisti* sive *perforasti*; scilicet ut tibi servus in æternum addicerer. Scriptor Epistolæ ad Hebræos sensum secutus scripsit *corpus adaptasti mihi* (*Cap. 10. v. 5.*) ut scilicet victima tibi fierem.

Secundò lex agraria, qua post quinquaginta annos, sive in jubilæo, agri venditi redibant ad veteres dominos, frænabat cupidinem augendorum agrorum. Sed omnibus modis cautum erat, ut quisque partis frueretur. Terminos terræ movere fas non erat; hæc enim præcipua causa bellorum & seditionum, si avaritia certis terminis non circumscribatur. Facile legum scripta transilit, qui terminis cupiditatem suam cohiberi non patitur. Adversus furtum leges severæ latæ erant. Deprehensus in furto vel parietem perfodiens occidi poterat impunè. Aurum aut argentum furatus duplo mulctabatur, pecudem quadruplo, bovem quintuplo. Mutuum dare ad usuram nemini Hebræorum licebat; non enim justum est redditus captare ex fortunis tribulium. Hanc legem Judæi interpretabantur, de fratribus: nulla religio cæteros homines usuris opprimere. Vestimentum quod oppignoraverat pauper, ante solis occasum huic reddendum erat, sicut mola qua cibus paratur. Vitæ civium consultum erat; etenim præterquam gravitationis supplicio percussores puniebantur, homicidio commisso in aliquo agro, cujus auctor non compateret, oppidorum vicinorum Magistratus convenientes, testabantur ablutis manibus se immunes esse ab hoc pravo facinore; quibus ab homicidio longè re-

vocabantur Israelitæ. Quin & leges præcavebant ne cui mors casu obtingeret. Tectum domus cingendum pinnaculo erat, ne quis indè laberetur: sic de puteis. Urbes refugii assignatæ erant, in quas confugeret qui ignoranter alium occidisset, ut se subtraheret iræ cognatorum ejus.

—Proles veluti semen est Reipublicæ, quo aliis decedentibus novi subeunt cives. Ideò lex lata adversùs spadones, qui virilitate & genitu se privassent, & effeminato primùm animo etiam corpora haberent muliebria. Virgo in uxorem ducenda illi à quo violata; sed & virgo desponsata, si talis postea non inventa fuisset, obruebatur lapidibus. Quoniam adulterium pervertit matrimoniorum tum utilitatem, tum decorem, ut adulteræ mulieres non laterent, edebat miracula conspicua Deus. Etenim aquis, quas Zelotypiæ appellat Scriptura, pota mulier adultera in Templo, marcebat; quæ ei non nocebant, si innocens fuisset. Licebat Hebræis plures uxores ducere, & quas voluerint repudiare, dando illis libellum repudiî, quod illis ad duritiam cordis concessum erat, ne scilicet ab odio & ira inflammati in uxores, quarum mores ferre non poterant, ferro & veneno ab his se divellere tentarent. Magnum indiderat Hebræis Deus amorem legitimæ prolis. Turpe erat mulieri sterilem esse. Et quoniam è Republica est ne familiæ deficiant, & possessiones apud cognatos remanent; deò mulier cujus maritus nondum susceptis liberis defunctus fuerat, ducebatur à fratre mariti, qui dicebatur suscitare fratri suo semen, quia proles quæ suscipiebatur, censebatur fratris demortui, quasi in primo conjugio suscepta esset.

Deus prohibuerat in Deuteronomio (*Cap. 17. vers. 17.*) ne reges sibi multiplicarent uxores; quod intelligendum de numero excessivo: nam pluralitas tunc non inhihebatur. Et vetabat Deus, ne reges multi-  
plica-

plicarent sibi equos. Cumque fuerit Rex constitutus, non multiplicabit sibi equos, nec reducet populum in Ægyptum, equitatus numero sublevatus. Ratio legis, ne erigatur in superbiam, magnoque fastu & pompa incedat: ne equitatu fideret; & in Ægyptum reduceret Judæos. Ex Ægypto tunc temporis adducebantur; à quorum moribus ut avocaret populum, satagebat Deus. Hinc equos captos subnervari jubet (*Jos. cap. 11. 6.*) Quod & fecisse David, legitur (2. *Reg. 8. 4.*)

Leges sequentes spectant puerperas, quæ ob effluviū sanguinis immundæ sunt. Ne communicarent immunditiam suam, tenebantur manere in sanguine suo, id est, non exire loco ubi deprehendisset eas sua immundities. Præterea, prout matrem vel fœminam pepererant, ante certum dierum numerum non comparebant in Templo, in quo completis purificationis diebus, certum piaculum offerebant (*Levit. cap. 12.*) Cùm mulier pepererat masculum, immunda erat septem diebus: octavo circumcidebatur puer; & triginta diebus aliis manebat in sanguine purificationis suæ; sic per quadraginta dies censebatur immunda. Huic legi illustrandæ afferam quod observat Censorinus in libello de die natali capite xi. Itaque ut alterius partus origo in sex est diebus, post quos semen in sanguinem vertitur; ita hujus in septem: & ut ibi quinque & triginta diebus infans membratur; ita hic pro portione, diebus fere quadraginta. Quare in Græcia diēs habent quadagesimos insignes. Namque pragnans ante diem quadagesimum non prodit in sanum, & post partum quadraginta diebus pleraque facta graviores sunt, nec sanguinem interdum continent, & parvuli ferè per hos dies morbidi, sine risu, nec sine periculo sunt. Ob quam causam, cùm is dies præterit, diem festum solent agitare. Quod tempus appellant τεταρτακόςον, id est quadagesimum diem.

Providit Moyses, ut omnia æquis legibus fierent; certa fides esset depositorum; æquis ponderibus & mensuris omnes uterentur: quin & exteris æquos se præberent Israëlita; bellum non inferrent, nisi prius pace oblata. Nullam autem cum Gentibus idololatriæ primis temporibus permisit Deus iuxta societatem, ne scilicet exemplo earum quis corrumpereetur. Pertinebat ad politiam quòd leprosi arcerentur ab hominum commercio, ne morbum communicarent.

Diximus Deum leges dando populo carnali, captui ejus sese accommodavisse, & corporeis signis adumbravisse, quæ ille mente intelligere non poterat. Ergo maxima pars legum Mosaicarum non accipiendæ verbo tenus: erant allegoriæ. Exempli causa, lex circumcisionis denotat noxia desideria amputanda. Similiter leges de non coquendo hædo in lacte matris (*Exod.* 23. 19.) de non arando in bove & asino; de non induenda veste quæ lino & lana texeretur (*Deut.* 22. 10. 11.) de non ferendis in eodem agro diversis seminibus (*Lev.* 19. *vers.* 19.) de non alligando ore bovis triturantis (*Deut.* 25. 24.) de rejiciendo vase, cui non esset operculum (*Num.* 19. 15.) de abstinendo à contactu cadaveris (*Levit.* 11. v. 8. 39.) de abstinencia certorum ciborum (*ibid.*) His & aliis præceptis docebantur Hebræi servare quæ essent majoris momenti: nec opus est ut pluribus explicem quid indicarent illæ allegoriæ; etenim lector admonitus, dum has leges perleget, faciliè adverte mentem Legislatoris.

Denique ut omnes leges Dei saltem in genere perstringamus, cum omnes amore boni vel timore mali ferantur ad virtutem, deterreantur à vitio, sicuti Deus mandata præcipientis sæpius pollicebatur opes, imbres de cælo, terram feracem, abundantiam mellis & lactis, vinum & oleum, uberes segetes; ita & adversus prava facinora pœnas statuerat. Magus & qui

qui eum consulebat lapidabatur (*Lev.* 20. 6.) Itemque blasphemus (*Lev.* 24. 16.) idololatra (*Lev.* 20. 2.) adulter (*Deut.* 22.) venefici, parentum percussores, qui illicitè concubuiſſet (*Exod.* 21. 22.) qui prægnavitis fœtui nocuerat (*ibid.*) comedens sanguinem (*Levit.* 7. 27.) Homicidæ morti addicebantur (*Num.* 35.) Qui non erat solvendo aut restituendo, vānibat. Qui aliquem mutilaverat aut occiderat, Talione tenebatur, oculus pro oculo, dens pro dente. Fur quadruplum rei ablatae restituere cogebatur, si perierat, sed si non perierat, tantummodo duplum. Qui depositum negabat, tenebatur & quintam ejus partem addere (*Exod.* 21. & 22.) Involuntariæ cædis reus exulabat usque ad mortem Pontificis (*Num.* 35.) Taurus cornupeta, cæso homine lapidabatur (*Exod.* 2. v. 28.) Ille cujus bestia alteri nocuisset, cogebatur damnum sarcire (*Exod.* 22. 5.) Aquis zelotypiæ explorabatur fides uxoris suspectæ; aquæ autem illæ potæ non nocebant nisi adulteris uxoribus (*Num.* 5. v. 11.) ut dictum est.

Sontes pro meritis cædebantur diversis pœnis (*Deut.* 25. v. 2.) Nam suppliciorum genera diversa erant. Talio (*Exod.* 21. v. 23.) Verberatio (*Deut.* 25. v. 2.) venditio hominis rei (*Exod.* 22. v. 3.) Exilium (*Exod.* 21. v. 13.) Vivicomburium (*Levit.* 21. v. 14.) Lapidatio (*Lev.* 24. v. 16. & alibi) Porio aquarum dictarum zelotypiæ (*Num.* 5.) Decolatio, cujus unicum extat exemplum in divo Joanne Baptista. De hoc supplicio nulla lex erat. Addunt Rabbini strangulationem; sed nullum de illa in lege statutum apparet.

Interest scire præter illas leges quæ leguntur in sacro Codice, alias esse ore majorum posteris traditas, seu magis dicere scriptarum legum interpretationes & observationes, quibus cavetur ne in leges Dei scriptas ullo modo peccaretur. Scilicet ex avita

traditione didicerant Judæi, quæ fuisset vera Legislatoris mens, sententia, doctrina. Præterea, qui cæteris sapientia tum virtute præstabant, ubi exoriebatur dubitatio, viam ingrediebantur & monstrabant, qua quis insistens tutius incederet in mandatis Dei, & longè abesset ab horum prætergressionem. Hoc est quod Judæi appellant legem oralem, ad discrimen legis scriptæ, quia ore tradita est. Appellant etiam secundam legem quia data sit post scriptam, quando illam Deus secundò Moysen, ut volunt, allocutus est. Juvat audire Maimonidem de ista orali lege differentem in præfatione sua commentariorum super *Misnaiot*.

Scias omnia legis præcepta, quæ à Deo ad Moysen Magistrum nostrum demissa sunt, demissa ad ipsum una cum interpretatione sua, eloquente Deo ipsi primum textum, deinde explicationem & interpretationem ejus, & quid comprehenderet textus iste authenticus, eo modo, inquit Maimonides, quem tibi descripturus sum. Recipiente se Mose in tentorium suum, primus ipsum conveniebat Ahron, cui textum ad se cælitus demissum semel enarrabat, ipsumque ejus interpretationem docuit. Illo deinde surgente, atque ad dexteram Moysis se sistente, ingrediebantur Eleazar & Ithamar filii ipsius, quibus etiam dictabat Moses idem quod dictaverat Ahroni; tum surgentibus ipsis, sedentibusque uno ad sinistram Moysis magistri nostri, altero ad dextram Ahronis, ingrediebantur postea septuaginta seniores, quos docebat Moses eo modo quo docuerat Ahronem & filios ipsius. Ingredebatur postea cætus populi promiscuus omnis, nempe quærens Dominum, quibus etiam idem recitavit donec omnes ab ipso illud audirent. Audierat autem jam Ahron à Mose textum illum quater, filii ipsius ter, seniores bis, reliquus cætus semel. Deinde, discedente ab ipsis Mose, repetebat Ahron textum istum, quem memoria

moria tenebat à Mose quater auditum, uti descripsimus, omnibus qui aderant; tum discedebat etiam Ahron; atque ita etiam duo Ahronis filii jam quater audierant ( illud quod dictum est, ) à Mose ter, & ab Ahrone semel. Post Ahronis igitur discessum, repetebant Eleazar & Ithamar eundem textum, quem quater audierant, uti explicavimus, coram toto presentium cœtu, atque à docendo surrexerunt. Atque hoc pacto factum est, ut etiam septuaginta seniores jam textum istum quater audierint, bis à Mose, semel ab Ahrone, nec non ab Eleazara & Ithamaro semel. Recitabant ergo & septuaginta seniores textum istum populo semel, ut & omnes quater illum audirent, primò à Mose, secundà ab Ahrone, tertio à filiis ipsius, quarto à septuaginta senioribus, qui tum discedentes alii alios docebant illud quod à Dei nuntio acceperant, textum autem voluminibus inscribebant. Tum dispersiti sunt primores populi per totum Israelem ad eos docendos atque instituendos, donec memoria tenerent textum illum, ejusque lectionem cernerent. Deinde docebant etiam illos interpretationem textus istius à Deo demissi, quæ sensus ejus universos contineret. Textum autem scripto, traditionem memoria mandabant: atque ita dicunt sapientes ( quibus pax ) lex quæ scripta est, & lex quæ ore tradita.

Vult autem Maimonides præcepta, cum generalibus, particularibus, & minutiis ad illa quæque spectantibus, data esse in monte Sinai; Moysen scilicet ex hoc monte 613. præcepta, tot enim numerant, cum interpretationibus attulisse. *Præcepta autem*, inquit ille Rabbinus, *voluminibus inscribebantur, expositiones ore tradebantur*. An ita rem fieri contigerit, scire non possumus: cum autem tum Dei Majestas tum irrogatæ per manum ejus pænæ legem violentibus, magnum incuterent timorem, non mediocriter studium

adhibebant Judæi, ubi dubitatio exoriebatur, ne per ignorantiam prætergrederentur legis mandata. Præceperat Deus, ut si quid ambiguum esset, consulerent summos Sacerdotes Hierosolymitanos, videlicet Synedrium magnum. Ergo verisimile est legem oralem maximè constituisse responsis hujus consistorii; dum hæc & ista constituiebant, quæ quasi sepes legis essent, ne illa violaretur, & statuta sua non scriptis, sed ore mandarent custodienda. Nec illa absunt à mente Maimonidis. *Consistorium magnum Hierosolymitanum*, inquit ille (*Traët. de Rebell. cap. 1.*) *fundamentum est legis oralis. Hæc sunt columnæ doctrinæ, undè prodeunt statuta & judicia in omnes Israelitas: quibus credendum esse & parendum lex jubet (Deut. 17.) Secundùm sermonem legis quem docebunt te.* Rem ille fusiùs sic explicat. *Quando stabat Consistorium magnum, nulla erat dissensio inter Israelitas. Si cui enim aliqua exorta esset difficultas, de qua ferenda esset sententia; is consulebat Consistorium suæ civitatis, à quo si rem sciret, responsum accipiebat: sin secùs, ille qui consulebat, cum illo Consistorio aut cum legatis ejus, ascendebat Hierosolymam, & consulebant Consistorium, quod erat in monte Templi; à quo si rem sciret, responsum accipiebant: sin secus, omnes accedebant ad Consistorium, quod erat in porta Atrii; à quo, si rem sciret responsum accipiebant: sin secùs, omnes accedebant ad Cameram Augustam, consulturi magnum Consistorium. Si res, de qua erat quæstio, omnibus Consistorii magni judicibus, sive secundum traditionem, sive secundum suum judicandi modum nota esset, statim pronunciabant. Si verò rem clarè perspectam non haberent, suo tempore judicabant: & tandiu rem agitabant, donec omnes consentirent, aut partitis sententiis, majorem partem sequerentur. Tum edicebant omnibus, qui eos consulebant: sic statutum est; idque omnes recipiebant. Postquam desist*  
*Consi-*



*Consistorium magnum, crevere dissensiones apud Israelitas. Hic enim rem pollutam pronunciavit, suamque sententiam confirmavit. Alius verò mundam esse asseruit, suamque itidem sententiam confirmavit. Iste vetuit, alius verò licitum esse dixit.*

Faterur ergo Maimonides alia esse præcepta quæ instituta sunt post traditam legem, quæ sapientes nempe statuerunt, ac per universum Israellem propagaverunt. Ad illa passim videas in sacro Codice fieri allusiones, & innui praxim eorum. Causæ autem hujusmodi novellarum constitutionum fuerunt præcipuè duæ, primò ut lex divina tantò certius custodiretur, & à transgressione præservaretur: ideo vocant Rabbini has constitutiones sepem legis; quia hujusmodi constitutionibus arcere voluerunt homines à transgressione & violatione ipsorum præceptorum divinorum. Sic, exempli gratia, in gradibus matrimonii, illis quos lex nominavit, plures superaddiderunt Rabbini, quò tantò minùs circa gradus prohibitos peccaretur. Secundò multa prohibuerunt Rabbini, præter legem, ut Judæi à reliquis populis discernerentur, & omnis cum illis communio, & periculosa consuetudo impediretur; ne fortè ex nimis arcta cum eis conversatione vel convictu assuescerent moribus eorum, & connubia & matrimonia cum illis contraherent, vel ab eorum fide & religione non prorsus abhorrerent. Idèò, inquam, panem Gentilium, & alios quosdam illorum cibos, de quibus lex nihil præcipit, prohibuere; & innumeris decretis sese oneraverunt, dum in dubiis viam eligunt tutiorem, & ex iis quæ disertis verbis præcipit lex, eruunt quid circa hæc de quibus est dubitatio, ipse Legislator ediceret. Id fieri observant tredecim argumentandi modis.

1. Modus dicitur ab impari. 2. A simili, verbi gratia lex præcipiebat scrutandum fermentum in Paschate;

chate; sed sedula perscrutatio cum lucernis fit; ergo indè Doctores deducebant esse scrutandum fermentum cum lucernis. 3. A constitutione principii. Sic ex eo quod scriptum est (*Lev. cap. 15.*) *Omne stratum in quo dormirent Gonorrhœa affecti, immundum erit*, inferunt etiam pallium & interula immunda fore. 4. A generali cum speciali v. c. (*Lev. c. 1. v. 2.*) *Homo qui obtulerit ex vobis oblationem Domino de animalibus*: non omnigena animalia intelliguntur, sed tantum boves & pecudes, quia nimirum sequitur: *De bobus & pecudibus offeretis oblationem vestram*. 5. Modus est à speciali cum generali. Quoties reperitur speciale, cui postponitur generale, tunc omnes species comprehendi censentur. Non vacat hos omnes modos persequi, quos habes expositos in notis Josephi de Voisin ad pugionem fidei. Videre est Judæos argumentari illis modis in eruenda legis sententia; ex quibus deducere est originem cujuscunque Judaici ritus; exempli causa, cur percolarent liquores; scilicet quia vetabat lex ne animal immundum comederent, culices autem immundi sint: igitur curam adhibebant ne hos vorarent potando, potui fortè permixtos.

Errori subjacet mens hominum, & in utramque partem vehemens est nimis. Hinc factum ut tùm religione tùm licentia peccaverint ipsi Judæorum sapientes. Dum enim religiosiores volunt fieri, onus sibi imposuerunt, cui portando pares non fuere; aut dum serviunt cupiditati, legem, quàm decebat laxiorem fecerunt, molliùs interpretando. Undè etiam ortæ sunt inter Doctores diversæ sententiæ; quæ cum in dies multiplicarentur, ut ne lex oralis tandem oblivione deleteretur, nullo publico scripto hætenùs consignata, tandem aliquo tempore post eversum Templum scriptis mandata est, sive collecta in codice, qui idèò *Mischna* dictus est, quia contineret Judæorum

rum *ἡ ἀσπέρσις*, id est, secundam legem; sic vidimus legem oralem appellari. Hæc luculenter docet nos Maimonides loco quem allegavimus. De fundamentis autem traditione acceptis dicit nullam fuisse dissensionem usque ad tempus *virorum Synanoga magna*. Sic vocat Prophetas Aggæum, Zachariam, Malachiam, Danielem & alios. Postea controversiæ ortæ, inquit, ex errore aut oblivione, dum ambiguum est an alter verum retulerit, alter autem in narratione sua erraverit, aut oblitus fuerit, vel non totum à præceptore suo acceperit quod accipere oportuit,

Jam antequam Jesus nasceretur in terris, in duas scholas Schammæi & Hillelis scissi erant Judæi, ut vidimus; undè opinionum prælia. *Ex quo multiplicati sunt discipuli Schammæi & Hillelis, qui non quantum opus est studerunt, multiplicata est dissensio in Israele, & facta est lex quasi due leges.* Hæc Maimonides, qui laudibus evehit usque in cælum Rabbi Judam, quem dicit ob reverentiam solitum nominari *Rabbenu haKkadosh*, id est, Rabbinum nostrum sanctum. Ille est qui primus traditiones publicè edidit, & in unum volumen digessit, quod inscripsit *Mischna*, id est, ut diximus, legem secundam. De isto opere sic loquitur Maimonides in præfatione sui operis quod inscripsit *manum fortem*. Enim verò, inquit, à Mose Doct. nostro usq; ad Rabbi nostrum sanctum nullus exaraverat ea quæ publicè docebantur ex lege orali, sed unaquaque generatione Princeps Consistorii aut Prophetæ sæculi illius sibi ipsi scribebat Commentarios traditionum quas audiverat à Doct. suis; publicè verò ore docebat; & ita unusquisque sibi viritim describebat expositionem legis, & rituum ejus, quemadmodum audiverat. Quod verò attinet ad ea, quæ singulis ætatibus innovabantur in judiciis, quæque traditione non habebantur, sed ex aliquo de tredecim modis, horum authori-


thoritas erat penes Consistorium magnum. Ita totum hoc usque ad Rabbi sanctum perduravit. Ille collegit omnes traditiones, omnia judicia, sententias, & expositiones quas audiverant à Mose Doctore nostro, quasque singularum generationum Synagoge super universa docuerant. Ex his omnibus librum Mischna composuit, publiceque legit, ut omnibus Israelitis innotesceret. Descripserunt eum omnes, & ubique docuerunt, ne ab Israelitis lex oralis oblivione periret. Verum enim vero quæ causa fuit cur Rabbi noster sanctus id faceret, nec sineret rem esse, ut prius erat? quia nimirum videbat paucitatem, discessionemque discipulorum fieri; angustias novas oriri: regnum impium per orbem extendi, & summam habere potestatem; Israelitas in ultimas regiones deportari; composuit opus unum, quod esset in manibus omnium, quo citius discerent non oblituri.

Mischna, quod nomen redditur Græcè *ἡ Σύνταγμα*, quasi dicas iterationem legis, volumen est magnitudine parvum, Judæorum jus Civile & Canonicum si ita loqui fas est, complectens; quod incæptum referunt Judæi centum & quinquaginta annis post everisionem Templi sub Antonino, Marco Antonino, & Commodio Imperatoribus; ita ut illud syntagma absolutum sit sub fine secundi sæculi à Christo nato. Postea auctum est opus illud Misnicum variis Glossis, interpretationibus, Commentariis; quod augmentum sive complementum appellatur *Gemara*, à verbo Hebræo quod significat *perficere*; ut *Gemara* sit *ἡ τελειώσις* sive perfectio Mischnæ, ut Judæi loquuntur. Totum autem illud opus nominatur *Talmud*, quasi dicas, (vox *Talmud* eam significationem habet) opus doctrinale, nempe corpus doctrinæ Judæorum, collectum ex multorum Doctorum sententiis. Talmud constat *mischna* & *gemara*. *Mischna* est quasi textus Talmudis. *Gemara* est instar glossæ seu commentarii in Talmud.

Porro



no esse non ~~procurantur~~ Evangelicus, nisi iis qui  
hac



Porro duplex est Talmud. Primum Hierosolymitanum dicitur, quod pro Judæis in Palæstina degentibus ex vulgari Doctorum sententia à Rabbi Jochanan Academiæ Hierosolymitanæ rectore confarcinatum est, anno Christi 230. aut seriùs juxta alios. Aliud Talmud Babylonicum est, pro iis qui in Babylonia aliisque peregrinis locis agebant, conscriptum. Illud clarius & perfectius est, & idè in majori pretio habitum quàm Hierosolymitanum. Totum Talmud Maimonides contraxit in summam brevem & claram, sub titulo *manus fortis*, cujus mentionem jam feci. Inde deprompsi quæ ex orali lege, nempè à majoribus tradita Judæi observabant eo tempore quo Christus in terris versabatur; quæ idè proderit non ignorare.

# C A P U T XIV.

*Consuetudines, ritus, mores tùm veterum tùm hodiernorum Judæorum circa res civiles, ortum, vitam, matrimonia, vestes, cibos, potum, suppellectilia, artes, mortem, sepulturam.*

**I**N ipsis etiam rebus quæ extra religionem Judæorum positæ videbantur, multa eam spectabant. In vestibus sua religio ostendenda erat: apponendæ certæ fimbriæ in angulis palliorum, de quibus modò differemus: illigandæ fronti, brachiis membranæ, in quibus verba quædam legis essent descripta: postibus ædium insigenda etiam verba legis. Dum hæc parabant & exquebantur, qui plus cæteris videbantur sapere, tantam ipsi diligentiam adhibebant & adhibendam præcipiebant, ut factum sit, temporum progressu, innumeris præceptis astrictos fuisse Judæos. Innumeræ sunt consuetudines eorum, diversi ritus; quæ omnia cùm jam vigerent ætate Christi, planus omnino esse non potest sermo Evangelicus, nisi iis qui hæc

hæc non ignorant. Discenda autem sunt ex Talmude, & ex hodiernis Judæorum moribus, quæ recensere non mihi propositum est, nisi quatenus utilia sunt ad intelligendas Scripturas.

Ut aliquem ordinem servem in hac consuetudinum farragine, initium ducam ab iis quæ circa ortum considerari possunt. Die octavo, post ortum, pueri masculi circumciduntur. Hodie, sicut & olim, Circumcisio fit à quocumque, etiam in privatis domibus. Femellæ non circumcidebantur. Qui à Judaïsimo deficiebant, præputium, hoc est, pellem medica quadam arte adducebant super glandem, ut vestigia circumcisionis non apparerent; quod facere prohibet Paulus (1. Cor. c. 6. v. 18.) *Circumcisis aliquis vocatus est, non adducat præputium*. Dum circumcidebatur puer, nomen ei imponebatur, non inane, sed aliquid significans. In eo sæpè exprimebatur nomen Dei, ut in Nathanael, *donum Dei*: in Joanne, *Misericordia Dei*: in David, *dilectus*, nempe Deo. Pariter imponebatur nomen femellis. Postquam Judæos peculiaris veneratio incessit circa magnum Dei nomen, scilicet *Jehova*, tunc mutaverunt omnia nomina in quibus primæ litteræ hujus sancti nominis occurrerent. Sic pro Joachim frequentius dixerunt *Eliachim*, pro Joiada, *Zacharias*. Quandoque vir proprio vel familiæ nomine appellatur; ita diversitas nominum non semper ostendit personarum diversitatem.

Refugiebant Judæi etiam ore sumere nomina Idolorum & Templorum, in quibus falsa numina colebantur. Ita pro *Bethel*, *domus Dei*, dicebant, *Beithaven*, id est, *domus iniquitatis*; sic Beelzebut, id est, *Dominus muscarum*, pro *Beelsemen*, sive *Dominus cæli*. Consuetum erat Judæis nomina sua mutare, quando commemorarentur inter Ethnicos, ne agnosceretur eorum origo. Sic *Thabita* erat Judæis Græcisan-



cisantibus *Dorcas*, id est, *capra*; & *Thomas* Hebræis erat qui Græcis *Didymus*. Et forte *Silas* Judæis, erat Romanis *Tertius*. Nimirum utebantur Græcis nominibus, quæ essent ejusdem significationis ac nomina sua Hebræa. Ergo multi inter illos Græcis nominibus appellati sunt, ut *Aristobulus*, *Andreas*, *Philippus*. Nomina sua sic etiam mutabant, ut Romana viderentur. Qui *Mardocheus* Hebræis, inter Romanos *Marcus* appellabatur; qui *Saulus*, *Paulus*; qui *Simeon*, *Simon*; qui *Jesus*, *Jason*. In ablactatione pueri convivium celebrabatur (*Genes. cap. 21. v. 28.*) Non licebat puero, qui ex servo natus erat, vocare patrem suum, *Abba*; quæ vox idem sonat Hebræis ac *pater* Latinis. Hanc soli usurpare poterant, qui erant filii patris-familias; undè Apostolus dicit quod cum spiritum adoptionis à Deo acceperimus, possumus clamare ad Deum, *Abba*.

Masculi omnes nunc tenentur uxorem ducere, ubi attigerunt sexdecim aut septemdecim annos. Virgines multa cura servantur abditæ intra domum; undè virgo dicitur Hebraicè *alma*, id est, *abscondita*. Contrahebantur matrimonia extra Templum, sine ulla Religionis ceremonia, iis tamen legibus ut primum virgo spondeatur, non deducenda in domum mariti, nisi interposito spatio aliquorum mensium, vel etiam annorum. Ita Virgo Maria, postquam Josepho desponsata fuit, aliquot menses mansit apud parentes suos, & in domo cognatæ Elizabeth, antequam Joseph sponsus ejus acciperet eam in conjugem, nempe deduceret in domum suam. In die, inquam, nuptiarum sponsa deducebatur in domum sponsi, multis comitantibus juvenibus, qui reputantur amici sponsi, quos Græci vocant *paranymphos*: Hebræi verò *scheliachim*, quod idem sonat Latinis ac *missi*, *internuntii*, Græci *Apostoli*. Ideò suos præcipuos discipulos appellavit *Apostolos* Christus, quia ipse

ipse esset sponsus, qui Ecclesiam duxit uxorem, per illos internuntios, sive *paranympbos*. Virgines quæ ibant obviam sponso, præferebant lampades, nimirum baculos ligneos, in quorum summitate vasculum erat instar scutellæ, in quo erat segmentum panni cum oleo & pice. Ex his, inquam, accensis facem virgines sponso præferebant.

Nuptiæ contrahuntur in conclavi mariti sub umbella, vel sub baldachino, quod quatuor juvenes sustinent. Qui astant, varias benedictiones cantant super conjuges. Sponsus sponsæ dat anulum. Pacta matrimonialia fiunt coram saltem duobus testibus, qui solent esse Rabbini. Deinde per octo dies celebrantur convivium: unde cum Christus ad nuptias in Cana tertia die, nempe dierum octo per quos nuptiæ celebrabantur, venerit, comitantibus cum plebisque discipulis, non mirum si defecisset vinum. Cum bona sua pater divideret inter filios, quos nuptu dabat, debebat omnia duplicia primogenito. (*Deut.* 21. 17.) Hanc legem intuebatur Elisæus, cum postulabat ab Elia ut fieret in se duplex spiritus ejus, id est, duplicem portionem ex spiritu, quem divideret inter suos discipulos.

Virgo non heres poterat nubere Israelitæ ex quacunque Tribu: David de Tribu Juda in uxorem duxit Michol, ex Tribu Benjamin. Sed heres ex lege nubere debebat uni ex cognatione patris sui. (*Num.* 36.) Levitæ jus connubii cum omnibus habebant: videre est in Judiciis (*Cap.* 9.) virum Levitam junctum matrimonio cum uxore de Bethleem Juda. Lex solum cavebat ne per nuptias avitæ possessiones transferrentur in aliam Tribum.

Nullus poterat accedere ad propinquam carnis suæ; ad revelandam turpitudinem ejus. Tamen ex eo quod Israelitæ tenerentur magno prolis desiderio, & sterilitas opprobrium esset, fratre sine liberis mortuo,

frater

frater superstes tenebatur ejus viduam pro uxore accipere, & illi suscitare prolem, quæ censebatur primi mariti. Indè duplex Genealogia, altera secundum naturam, altera secundum legem. Prima continebat nomina eorum qui verè genuerant; altera eorum, quorum heres erat ille cujus genealogia texebatur.

Apparet ex Esdra (*Cap. 2. v. 62. & cap. 7. v. 64.*) & ex omnibus Judæorum scriptis, quanta cura libri Genealogiarum servarentur; ut post etiam multa sæcula pateret ex publicis monumentis uniuscujusque origo. Eusebius (*Lib. 1. Eccles. hist. c. 7.*) scribit quod Herodes magnus, cum usque ad ætatem suam in tabulariis publicis descriptæ essent origines tam familiarum Hebraicarum, quam eorum qui ad Profelytos, id est, advenas genus suum referebant, verbi gratia ad Achior Amanitem, & ad Ruth Moabitidem, eosque qui ex Ægypto simul cum Israelitis egressi per matrimonia cum ipsis permixti fuerant, Herodes priscas illas familias nihil ad se pertinere intelligens, ignobilitatis suæ conscientia stimulatus, omnia illa veterum familiarum monumenta concremavit; ratus se tùm deinùm nobilem visum iri, cum nemo esset qui ex publicis monumentis originem generis sui, vel ad Patriarchas, vel ad Profelytos, vel ad permixtos Israelitis peregrinos posset referre.

Licebat viro plures uxores habere, sed non Pontifici summo, cui unica, & hæc virgo, ducenda erat, ut adstruunt Talmudici cum Josepho. Omnes autem Judæi abstinebant uxoribus menstruatis & gravidis, & toto tempore quo lactaretur infans. Permiserat Deus olim, ad duritiem cordis, ut marito liceret uxorem dimittere, dato libello repudii, quò nempe declarabatur dimissa, sive extra potestatem ejus; ita ut posset cum alio viro conjungi legitimo matrimonio. Josephus scribit solis maritis à lege hoc ce jus repudii perimitti; ut mulieres non potuerint separari à conjugibus;

nisi volentibus. Non poterat maritus servare adukeram conjugem; suspectarum autem fides explorabatur aquis amaris, quibus potabatur; quæ describuntur in Numeris (*cap. 5.*) Non nocebant innocentibus, ut supra dictum est.

Quia non licebat vestes induere ex heterogeneis, putà ex lino & ex lana simul textas, hodie Judæi vestem laneam non consuunt lino, nec lineam filo laneo. Fimbrias quas vocant *zizit*, per quatuor angulos palliorum ponunt, quæ fimbriæ sunt hyacinthinæ vittæ, quarum fila olim producebant, qui religiosiores videri ambiebant. Ut autem huic legi pareant Judæi hodierni, quibus non licet moribus suis palam vivere, gerunt sub thorace amiculum quadratum, ex cujus quatuor angulis pendent fimbriæ, si ve peniculamenta, Italicè *fiocchi*, Gallicè *des houppes*. Hoc amiculum dicitur Hebraicè *Taleth*: quasi dicas *epomidem*, sive vestem, quæ superimponitur. Aliud taleth majus adhibent, cum precantur in suis Synagogis. Hoc capiti applicant, & collo circumvolvunt. Hoc genus amiculi sanctissimum putant, quia scilicet tenet locum vestis, qua lex Moysis jubebat eos distinctos esse à cæteris gentibus. A primis temporibus pallia Judæorum fuerant quadrata, & simplex panni portio, sine ulla futura, quatuor habens initia sive extremitates, quæ dicuntur Alæ. Sic loqui mos est Hebræorum, qui alas Mundi nominant, quod dicimus quatuor mundi plagas; & dicunt uxores sub potestate maritorum esse sub alis eorum; quod allusio est ad eorum pallia.

Judæi in loris sive in membranis Scripturæ verba describunt; & alia ex illis loris capiti, alia manibus alligant ex lege (*Deut. cap. 6.*) quod usque ad ætatem B. Hieronymi observabant, ut ille refert ad caput 24. Ezech. *Aiunt Hebraei huc usque Babylonios magistros legis præcepta servantes Decalogum scriptum in mem-*

in membranis circumdare capiti suo, & hæc esse quæ jubeantur ante oculos & in fronte pendere, ut semper videant, quæ præcepta sunt. Hæc lora à Græcis *φυλάκτρια* phylacteria dicuntur, quia in iis lex Dei servabatur, ne hujus caperet eos oblivio. A Judæis appellantur *thephillim*, quasi dicas *precatoria*, sive monumenta ad precum memoriam in animos revocandam. Circa illa thephillim magna est religio Judæorum. Olim qui majorem religionem ostendere volebant, hæc phylacteria dilatabant; quod Dominus exprobrat Pharisæis (*Marc. 22. 5.*) Qua arte id fieret, dicam. Intuere, lector, imaginem (*Tab. 8.*) Judæi cum suis Phylacteriis, tùm brachialibus tùm frontalibus, & cum suo Thaleth, sive amiculo capitis, ex quo pendent in quatuor angulis simbriæ, sive peniculamenra, quorum fila lanea præducta sunt, quæ indicant literæ F.F.F.F. Considera etiam lignum M quale tibi seorsim exhibemus, in quo tres scissuræ sunt. Tali ligno aptatur pellis, aquis macerata, & immittitur his scissuris. Ubi illa aruit, extrahitur, & servat in se ædiculas quatuor vacuas, in quibus quatuor pergamena inscripta versiculo Scripturæ includuntur convoluta, ut solent pergamena in quibus lex exarata est, hoc est, ut convolvuntur libri Judæorum, qui non constant distinctis & explicitis foliis more nostro. Pellis ista quatuor habens dictas ædiculas cum dictis pergamenis, illigatur fronti, ut videre est in imagine viri Judæi N, ubi repræsentatur illud phylacterium cum loris suis.

Tale erat *thephillim* sive phylacterium frontale: sic autem parabatur brachiale. Pellis pariter aquis macerata accommodatur ligno quadrato P, & cum exaruit, extrahitur & habet in se ædiculam unam, quam exhibet litera Q. In ædícula includitur unum pergamenum, quatuor versiculis Scripturæ inscriptum, & convolutum; dein pellis, quæ continet il-

lud pergamenum, illigabatur brachio, phylacterium brachiale.

Laceratio vestium in luctu, cùm audiretur sive malum nuntium, sive blasphemia, usitata erat Hebræis: vetita Sacerdotibus; sed interpretanda de vestibus sacerdotalibus, non de vulgari amictu, quem extra sacra ministeria gestabant.

Omnes viri Judæi solebant esse aperto capite, nisi in luctu, in Templo, & in Synagogis, ubi velabant se. Hac re demonstrabant reverentiam suam erga Deum, pudore quia indigni, & timore, quia ille tremendus, non audentes oculos coram eo attollere. Ergo hunc-ce morem immutaverant Apostoli, cùm ad (Cap. 11. v. 4.) Corinthios primùm scripsit Paulus decere ut omnis vir orans aut prophetans non velaret caput; aut hæc respiciebant quæ fierent extra Templum & Synagogas, & cùm in privatis ædibus congregabantur primi Christiani. In publicis autem cœtibus non decebat mulieres esse capite detecto, etenim illæ incedebant testæ in publico tanta cura, ut vel etiam capillitie falsa tegerent veros crines, ne ullus appareret. In Synagogis verò orabant nuda facie, quia seorsim erant separatæ à viris.

Utebantur Judæi sandaliis, qualia sunt Capucinorum, pedibus nudis: quapropter necesse erat ut crebrò illos lavarent, & oleo ungerent. Teretibus autem habenis, sive corrigiis, illigabantur sandalia pedibus & circa crura; quod effigies calceorum appositæ Z exprimit. Ut deponerentur calcei, corrigiæ solvendæ erant, quod servorum munus erat. Ita Joannes Baptista de Christo aiebat: *cujus non sum dignus solvere corrigiam calceamentorum.*

Non tondent Judæi comam in rotundum, neque novacula barbam radunt, juxta illud Levit. (Cap. 19. v. 17.) *neque in rotundum attondebitis comam, nec radetis barbam.* Laxæ erant vestes; quare præcingendæ

dæ erant, quoties vel iter ineundum esset, vel opus inchoandum.

Ædes procerum peristylis ornabantur, more Romano, hoc est, circa locum subdiale erant porticus, perinde ac in claustris Monachorum. Tecta erant plana, aut talia, ut in iis deambularetur. Ergo Absalon potuit tendere tentoria in solario, id est, in tecto ædium suarum, 2. Reg. cap. 16. v. 21. Sic Judicum cap. 16. v. 27. circiter tria millia hominum de tecto spectabant Samsonem ludentem. Supra tecta Israelitæ idola adorabant, ut eis Jeremias exprobrat, cap. 19. v. 13. & Dominus jubet Matth. 10. v. 2. *predicare super tecta*. Scalæ extrinsecus quandoque erant appositæ, ita ut ad tecta scandenda non necesse esset domum interiorem subire. Tecta ex lege circumdabantur lorica, sive pinnaculo, ne quis ex illis imprudens caderet. Fenestrarum ex vitro rarior usus: loco earum cancelli, vel lintea expandebantur. Nostriorum caminorum usus pariter ignotus erat. Vel in loco subdiali accendebatur ignis, vel focus substruebatur mediis in cubiculis. Nunc Judæi, in memoriam vastationis Templi, partem aliquam domus, minimum ad cubiti magnitudinem in quadrum, relinquunt non oblitam vel dealbatam. Olim in Hierusalem non licebat trabes cœnaculi promovere supra publicam viam, ne si fortè jaceret mortuus in cœnaculo, subter transeuntes polluerentur inscii. Quoniam Deus præcipit in Deuter. (Cap. 6. v. 9.) ut verba legis inscriberentur in postibus ædium, & in portis, Judæi januæ domus, & singulorum conclavium, quæ inhabitantur, & domesticis & honestis usibus inserviunt, schedam insigunt membranaceam, quam *Mesusah* vocant. Huic schedæ inscribunt verba legis (Deut. c. 6.) *Audi Israel*, &c. & hanc convolutam cannæ, vel pixidi includunt, eamque clavo insigunt, vel intrudunt omnino in dextrum pos-

stem ingressus domus, Quandoque fossulam ad id in poste ipso excavant. Quotiescunque autem homo pius domo sua egreditur, aut cum ingreditur, manu sua *mesusam* hanc tangit, & dicit *Dominus custodiat egressum & ingressum meum à nunc & usque in sæculum*, Inversæ parti dictæ membranæ inscribunt nomen Dei omnipotentis *schadai*, quod per foramen in medio cannæ factum ab introeuntibus conspici potest,

Interdictum erat, ut observat Rabbi Maimonides, ne quisquam ad similitudinem Templi domum ædificaret, aut aliquid quod similitudine referret ea quæ essent in Templo, aut ad Templum attinerent, sicuti mensam, aut candelabrum Templi. Si quis domum orationis ædificaret, tenebatur eam facere pulchriorem ipsa domo, quam habitaret. In urbe Jerusalem non locabantur domus; sed patebant advenis, qui sacra facturi huc veniebant, Dum mentionem facimus ædium, observandum est has in Judæa, ut pluribus aliis in locis, olim non clavibus, ut nunc sit, fuisse obferatas. Ostiis obdebantur longi vectes, qui non poterant removeri nisi ab his qui intra ædes erant. Aod igitur, cujus præclarum facinus narratur tertio capite Judicum, postquam occidit Eglon Regem Moabitarum, exonerantem alvum in latrina cœnaculi sui, potuit per posticum effugere, quia obdidit vectem sive pessulum ostio ejus, quem servi Regis, extra cœnaculum versantes, non potuerunt remove. Interim aufugit Aod.

Vasa culinaria, & quæ pro cibo in mensa serviunt, solent Judæi sibi nova comparare; ne forte aliquis non Judæus iis usus fuerit ad cibos prohibitos coquendos. Idè omnia vasa, quæ accipiunt à Christianis, si testacea, vel lignea sunt, frangunt illa; si ex metallo, ea igne mundant ex lege (*Num. c. 31. 23.*) *Omne quod potest transire per flammam, igne*



igne purgabitur: quidquid autem ignem non potest sustinere, aqua expiationis sanctificabitur. Duplicia vasa culinaria & mensæ habent, altera ad carnes, altera ad cibos lactarios; ne fortè lac cum carne degustent, contra præceptum illud Exodi (Cap. 23. v. 19.) *Non coques hædum in lacte matris sue*. Ita de cultris: alios ad carnes cædendas, alios ad caseum adbibent.

Accumbebant mensæ Judæi strati in lectis, sæpè sub arboribus & sub vite. Cubitis ut & cervicibus accumbentium substernebantur pulvilli; ad quod alludebat Ezechiel (Cap. 13. v. 18.) cùm dicit, *Væ qui consunt pulvillos sub omni cubito manus, & faciunt cervicalia sub capite*. Sobrii olim ante serotinum tempus non solebant comedere. Non manducant, nisi crebrò laverint manus suas. Vocem πρυγῆ apud Marcum (Cap. 7. v. 3.) vertit interpres Latinus crebrò. Alii putant hoc loquendi modo alludi ad ritum istum lavandi, quo Judæi attollebant manus, ut aqua usque ad cubitum deflueret. Vox autem Græca πρυγῆ denotat inter alia mensuram illam, sive spatium quod est à cubito ad digitos clausos vel pugnum. Scilicet in lotione manuum observabant Judæi ut aquis purioribus illæ abluerentur; & idèd sursum illas attollebant, ut aquæ usque ad brachia defluerent, ne si à conjunctura reversæ fuissent, iterum polluerent manus.

Non solas manus, sed & totum corpus lavare Judæi tenebantur; & idèd exuere se vestimentis, ut membra abluerent: quæ consuetudo illustrat locum Esdræ in libro secundo in fine capitis quarti. Loquitur Nehemias: *Ego autem & fratres mei & pueri mei, & custodes qui erant post me, non deponebamus vestimenta nostra; unusquisque tantum nudabatur ad Baptismum*. Scilicet ita intenti eramus custodiendis mœnibus Jerusalem adversus inimicos nostros, ut

non exueremus vestimenta nostra diu ac noctu, nisi cum ut pareremus legi, abluendum erat corpus ab omni immunditie. Baptismus ibi sumitur pro lavacro, sive pro lotione.

Quoties panis conficitur, juxta legem (*Num. cap. 15. & 20.*) portio decerpitur ex massa, quæ olim Sacerdoti offerebatur, nunc igne absumitur. Scilicet mulieres Judææ, cocturæ panem, decerpunt ex massa particulam instar ovi, aut plus minusve. Eam particulam vocant *challa*, & projiciunt in furnum ac comburunt igne. Sunt qui credant in Hebræorum conviviis partes singulas distributas ciborum in peculiaribus scutellis. Sic Elcana in epulo post sacrificium portionem suam dedit Annæ tristis (*1. Reg. cap. 1.*); & ad eum morem creditur Dominus allusisse, cum dicebat de Maria, quod optimam partem elegeret.

Pater-familias, antequam quidquam comedat, panem integrum sumit, benedicit & frangit, dans unicuique buccellam magnitudine oleæ, qua accepta, unicuique licet comedere, non antea. Nullus bibit, quin recitaverit benedictionem peculiarem super poculum. Qui sunt religiosiores, non bibunt vinum Christianorum & gentilium, credentes hoc sic præceptum à Deo in illis verbis (*Dent. cap. 32. v. 34.*) *de quorum victimis comedeabant adipēs, & bibeabant vinum libaminum.* Quia culices illi qui aerem pervolitant, immundi sunt, vinum excolabant, ne aliquos haurirent, cum suspicio esset eos in illud incidisse. Abstinēt à carnibus suffocatis, quia in eis est sanguis, quem gustare lex vetabat. Ne sanguis ullus superesset in carne, pecudes mactabant, magnæ adhibita cura & industria; ideò nullus pro lanio publico admittitur, quin se virum in hac re industrium probaverit coram iudicibus peritis. Satagebant ut totus sanguis efflueret, ne quis comederet carnem cum sanguine, quod prohibitum erat: ideò non mactabant  
in pul-

in pulvere, qui posset obturare quaspiam venas; sed in petra, ut videre est (1. Reg. 14. 30.) Cum populus Philistæis persequendis & cædendis defatigatus esset, & boves & oves de præda mactasset, sicque comedisset cum sanguine, renunciata Sauli: *prævaricati estis*, inquit Rex populum alloquens: *Voluite ad me jam nunc saxum grande*, super quo quisque pecudem suam occidit.

Mercaturam non exercebant Judæi; quia hæc commercio multas & diversas gentes conjungit & commiscet. Judæi autem erant hominum genus impermixtorum: itaque à mercatura alieni. Nos, inquit Josephus scribens contra Apionem lib. 1. *Negotiationibus non gaudemus, neque earum causa nobis consuetudo cum aliis gentibus est. Sed sunt urbes quidem nostra procul à mari sitæ: ipsi autem nos regionem bonam incolentes hanc cum labore exercemus.* Pastoritiam vitam ipsi etiam viri Principes olim agebant, pascentes greges suos; Rura sua pariter ipsi exercebant. Propter pratorum & fœni penuriam Judæi Palestine paleas præparabant esui animalium, utentes carpentis ferratis, quorum rotæ in sarracorum sive plaustrorum modum revolvebantur. His stipulam contrebant & comminuebant in paleas. Ad hoc alludebat Isajas (Cap. 25. v. 10.) dicens. *Et triturbabitur Moab sub eo, sicut teruntur paleæ in plastro.* Hebræi infirmiora quidem semina, puta melanthium & cuminum, baculis sive flagellis excutiebant; sed frumentum vel ungulis boum, vel plostellis trahisve exterebant.

Quoad molendi rationem, utebantur duabus molis, una superiori, altera inferiori, quæ circumagebantur vel ab asinis, quæ idè dicebantur asinariæ; vel erant versatiles & trusatiles, quas servi & ancillæ circumagebant. Undè illud, quod Vulgatus in Job (Cap. 31. 10.) interpretatur *scortum alterius sit*  
 uxor

*uxor mea*, potest aliter intelligi hoc sensu, qui ve-  
rior videtur juxta fontem Hebræum, *molat alteri u-*  
*xor mea*, nempe fit serva. Quia verò ita necessariæ  
erant molæ terendo frumento, ut sine illis vita non  
posset sustineri, idcirco Deus sic præceperat ( *Deut.*  
*24. 6.*) *Non accipies loco pignoris inferiorem & supe-*  
*riorem molam*. Ex structura Tabernaculi, & ædifica-  
tione Templi, prout de iis fit sermo in Scriptura,  
colligitur Judæos artes non ignorasse. Divites & no-  
biles solebant aliquam artem profiteri. Ita Paulus  
erat scenofactoriæ artis. Vulgare erat effatum apud  
eos, quicumque filium suum non doceret aliquod  
opificium, idem committere ac si eum doceret la-  
trocinium.

Jam videamus quæ mortem sive vitæ terminum  
spectant. In luctu occasione mortis, sicut alterius cu-  
jusque rei luctuosæ, scindebant vestimenta sua, per-  
cutiebant pectus, caput discooperiebant, spargebant  
cinere capillos; deprimebantur lecti: quin inverteban-  
tur omnes, quia horum tunc nullus usus. Lugentes  
exuebant calceos. Hinc David ( *2. Reg. c. 15. v. 30.*)  
*arma filii Absalonis fugiens ascendebat clivum oliva-*  
*rum, nudis pedibus incedens*. Hinc etiam Isaias ( *cap.*  
*20.*) in signum luctuosæ calamitatis jussus est à Deo  
nudus & discalceatus incedere. *His qui morbo vel*  
*aliis necessitatibus implicantur, mos est orare per tri-*  
*ginta dies*, inquit Josephus ( *Lib. 2. de Bello cap. 15.*)  
*antequam immolent hostias; abstinere quoque vino, &*  
*capillos radere; quem morem Berenice Regina illis ex-*  
*ercens diebus, nudipes etiam ante Tribunal stetit de-*  
*precans Florum; &c.* Judæi in luctu induebant saccos,  
hoc est, viliores vestes è crassiori viliorique canabi aut  
lino, nec-non è pilis caprarum hircorumq; , neglectas  
& nigras, cum splendida essent & mundæ quas indue-  
bant in lætitia. Videlicet sæpius committebantur ful-  
lonibus, quandoquidem lanæ, qui arte sua eluebant  
& can-

& candidas faciebant. In pavimento sedebant in pulvere. Quin spargebant caput cinere. Quoad funera, antequam corpus demortui conderent sepulchro, claudebant ejus oculos, & si ipsius os hians esset, ligabant maxillas. Foramina per quæ exeunt excrementa, obturabant, & deinde succedebat lotio. Corpore jam abluto, afferebantur aromata & unguenta in condituram cadaveris. Pauperum corpora condebantur in terra; divitum condiebantur aromatibus, ungebantur, & longissimis vittis, sive fasciis & institis constringebantur; eo ferè modo quo hic vides in tabula VIII. Cadaver X. sic fasciis involutum: indè resuscitatus Lazarus solvendus fuit ab institarum vinculis. Facies autem mortui operiebatur sudario, nempè linteolo quo sudor vultus extergi solet. In ædibus demortui congregabantur parentes ejus & amici. Hæc est turba tumultuans Matthæi ix. 23. in morte filiæ Jairi. Conducebantur & tibieines qui funus prosequerentur, quin & lamentatrices quæ fletibus suis illud decorarent. Harum lamentatricum meminit Jeremias ix. 17. quæ scitè suo lamentandi munere defungebantur. Luget Propheta interficiendos de Juda. *Vocate, inquit, lamentatrices, & veniant; & ad eas, quæ sapientes sunt, mittite & properent, festinent, & assumant super nos lamentum.* Sepulchra divitum nobiliora excisa erant in petra, in propriis prædiis, non modico sumptu & artificio. Ante speluncam erat, in qua deponeretur feretrum, quod postea demittebatur in ipsum sepulchrum. Ita duplex erat spelunca, quia intra unam & alia erat, qualis fuit illa quam Abraham pretio emit (*Genf. 23.*) nisi duplex diceretur, quia duplex concameratio & crypta; altera fortè pro viris, altera pro mulieribus: vel nomen erat loci. Spelunca, inquam, illa dicebatur *mach-pelah*, quod quidem nomen sonat idem quod duplex; sed pronomen demonstrativum præfixum denotat nomen proprium loci.

Tactus

Tactus cadaveris inquinabat; unde ne quis imprudens accederet ad sepulchra dealbabantur calce, vel gipso, quem colorem singulis annis, decimo quinto mensis Adar, renovabant. Hinc Deus appellat hypocritas sepulchra dealbata quorum mores extrinseci apparerent egregii, intus pravi essent; idèd similes sepulchris. Sepulchra appellantur à Judæis domus viventium, ratione animæ quæ non moritur. Judæi non solebant cremare corpora; sic ergo interpretari decet ea loca Scripturæ, in quibus de combusto corpore Regum fit sermo, ut sensus sit, in corporibus eorum condendis sepulchro, multa fuisse aromata combusta.

Judæorum ea semper fides fuit, locum esse in quo animæ, antequam à Deo judicentur, purgari possint, & adjuvari precibus viventium. Teneatur itaque filius totis continuis undecim mensibus precari pro parente defuncto; ut videre est in libris eorum ritualibus, & observatum fuit à Juda Macchabæo, qui, ut narratur in 2. Macchabæorum (Cap. 12. v. 44.) *facta collatione duodecim mille drachmarum argenti misit Jerosolymam, offerri pro peccatis mortuorum sacrificium, benè & religiose de resurrectione cogitans: nisi enim eos, qui ceciderant, resurrecturos speraret, superfluum videretur & vanum orare pro mortuis; & quia considerabat quod hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur.* Auctor libri Macchabæorum, saltem ut historicus, fide dignus est; & attestatur quid olim senserint Judæi de mortuis. Nunc ante mortem confitentur peccata sua coram testibus.

C A P U T XV.

*De ponderibus & nummis de quibus in sacra  
Scriptura fit mentio.*

**H**ebæorum mensuras exponere, & retegere fundamentum, quo illarum valor æstimari potest tantum aggredior; sed quoniam ante ortum Domini in promiscuo usu inter Hebræos erant nummi tum Græcorum, tum Romanorum, quorum potestas invaluerat in Oriente, ad intelligendas Scripturas, necesse est ut non prorsus ignoretur quæ species fuerint nummorum & ponderum, cæterarumque mensurarum apud Græcos & Romanos; maximè cum earum nominibus Interpretes expresserint Hebræas. In componendis autem Veterum mensuris cum iis quibus nunc Parisiis utimur, quo fundamento nitor, statim dicam. Constat auctoritate Fannii, veteris poetæ, amphoram apud Latinos fuisse vas cubicum, sive vas cubo simile, cujus latera essent unius pedis Romani. Congius ex eodem poeta; erat pars octava amphoræ, scilicet octo congios capiebat amphora; Denique idem Fannius adstruit sicut amphoram octoginta libras Romanas aquæ, ita congium decem ponderasse. Ex hoc Fannii testimonio colligitur quæ sit ratio mensurarum nostrarum cum Latinis. Etenim Romæ nunc temporis in ædibus Farnesianis asservatur congius, quem olim Vespasianus curaverat collocandum in Capitolio, ut esset typus omnium congiorum. Viri autem solertes cum nostris temporibus experti essent quantum ponderaret pondere Parisiensis aqua, cujus ille congius capax est, deprehenderunt illius aquæ pondus esse centum undecim unciarum cum dodrante uncia, sive cum  $\frac{1}{2}$ . Cum itaque ipsa eadem aqua ponderet decem <sup>4</sup> libras Romanas, & ideo

ideò centum viginti uncias; si quidem libra illa habebat duodecim uncias, collegerunt viri illi periti unciam nostram Parisiensem majorem esse Romana 39. granis cum  $\frac{4}{7}$  qualia grana 576. in uncia nostra numerantur. Hoc ergo experimento patuit quæ sit ratio inter libram Parisiensem & Romanam, nostra tum numero unciarum, habet enim sexdecim uncias, tum etiam quia singulæ ejus uncia ponderosiores sunt, major est libra Romana. Uncia Parisiensis est 576. granorum; ita uncia Romana, quæ minor est 39.  $\frac{2}{7}$  hoc est, ferè 40. granis, censenda est 536. granorum  $\frac{2}{7}$ . Indè facili negotio æstimatur ratio veterum ponderum & nummorum cum nostris, ut ex dicendis patebit.

Primum enumeremus nomina ponderum usitatorum tum apud veteres, tum apud nos; id facere decet antequam inter omnia illa pondera comparationem instituamus. Usitatum pondus Romanis libra dicebatur, habens duodecim partes, quas dicebant uncias, quasi unas partes. Libram, sicut quamlibet rem aliam integram, appellabant *as*, quem dividebant in duodecim partes hisce nominibus signatas.

Uncia.	Sextans.	Quadrans.	Triens.
$\frac{1}{12}$ .	$\frac{2}{12}$ .	$\frac{3}{12}$ .	$\frac{4}{12}$ .
Quincunx.	Semis.	Septunx.	Bes.
$\frac{5}{12}$ .	$\frac{6}{12}$ .	$\frac{7}{12}$ .	$\frac{8}{12}$ .
Dodrans.	Dextans.	Deunx.	As.
$\frac{9}{12}$ .	$\frac{10}{12}$ .	$\frac{11}{12}$ .	$\frac{12}{12}$ .

Uncia dividebatur in duas duellas, in quatuor sicilicos, in sex sextulas, in octo drachmas, in scrupulos viginti quatuor, in obolos quadraginta octo, in semio-



miobolos nonaginta sex, in siliquas centum quadraginta quatuor, in lentes centum nonaginta duas.

Usitatum pondus apud Græcos, de Atticis loquor, erat drachma, quæ erat pars octava uncix Romanæ, ipsa continens sex obolos & duodecim semiobolos. Pondus centum drachmarum, dicebatur mina.

Apud Hebræos præcipuum pondus erat siclus, quod nomen idem sonat Hebræis ac *pondus* Latinis; simul siclus erat nummus, sive hujus ponderis & nominis erat nummus. Siclus habebat viginti partes, ab Hebræis appellatas *Gherah*, quas partes minùs benè quis interpretetur obolos; etenim majus erat pondus dicti *Gherah* quàm oboli. Sexaginta sicle faciebant minam aut mnam Hebræorum.

Libra Parisina habet sexdecim uncias, uncia octo, ut aiunt, grossos; grossus tres denarios, sive 72. grana; denarios 24. grana: ita uncia habet 24. denarios; libra verò 128. grossos, & grana 9216. In officinis tum monetariorum, tum cæterorum artificum auri fabrorum non usurpatur vox ista libra. Marcam appellant octo uncias.

Olim pecunia non numerabatur, sed ponderabatur. Utebantur veteres metallo non signato, ita ut primis temporibus pondera & nummi non distinguerentur. Apud Romanos as fuit primum nummus, pondus unius libræ. De pondere autem libræ assis postea detractum est, & factus est vilis nummus. Assis verò partes erant triens & quadrans. Romani nummis argenteis uti cœperunt sub Servio rege. Usitator ex illis fuit sextertius, valens duos asses cum dimidio, sive duas libras æris cum semilibra; indè appellabatur sextertius, quasi semitertius: sicut Græci dicunt *τρίτον ἡμιτάλαντον* pro duo talenta cum dimidio.

Denarius quoque nummus argenteus valebat decem asses æreos, undè nomen habebat; ita quatuor sextertios: sed non idem semper fuit denarii pondus.

Viri

Viri periti volunt sub Consulibus ponderosiores fuisse, ita ut septem denarii æquarent pondus octo drachmarum Atticarum, quæ faciebant unciam Romanam; & sub Cæsaribus imminutum fuisse pondus denarii, & æquatum drachmæ, sic octo denarios pariter & octo drachmas fecisse unciam Romanam. In tributum pendebantur à devictis gentibus denarii, in quibus expressa erat imago Cæsaris, de quo nummo fit in Evangelio mentio.

Drachma erat nomen usitatissimi nummi apud Atticos. Pars erat octava unciæ Romanæ, ut modò dictum. Mina etiam species nummi apud Atticos, erat centum drachmarum. Talentum Atticum valebat sexaginta minas, sive sex mille drachmas.

Ponderum nomina eadem erant ac nummorum apud Hebræos, ut diximus. *ScheKel*, sicles, illis idem sonat quod Latinis *pondus*, nomen etiam, ut diximus, nummi, qui à Græcis dicitur *σατήρ στήτερ*, à verbo *ισάω*, quod idem est ac *ponderare*. Si quidem sicles frequentior usus esset, quoties non exprimitur species nummi intelligi debet sicles. Sic cum dicitur triginta argenteis Christus venditus, de triginta siclis argenteis fit sermo. Formam veteris sicli exprimendam curavimus (*Tab. IX.*) Præfert ex una parte vasculum, quod creditur repræsentare urnulam qua Manna servabatur juxta Arcam fœderis, cum hac inscriptione *sicles Israel* literis Samariticis, quibus ante captivitatem Babylonicam Judæos usos fuisse observaturi sumus suo loco. Ex altera parte nummus ille exhibere videtur virgam Aaronis florentem, circa quam literis pariter Samariticis legitur hæc inscriptio *Jerusalem sancta*.

Chicar quod Græci & Latini Interpretes reddunt Talentum, primum massa erat rudis. Pretium ejus ex cap. 38. Exodi colligitur fuisse ter mille sicles; cum enim constet capitatum fuisse solum à singulis

Isra-





Israelitis per annos singulos dimidium sicii, loco autem allegato dicat Moyses sexcentum millia hominum solvisse centum talenta, liquet sexcenta millia semisiclorum valere centum talenta, ex quo conficitur ter mille siclos pares esse uni talento.

Res nostra nummaria tot mutationibus subjacet, ut de illa vix statui possit aliquid certi, quo pretium ejus definiatur in multos annos. Nummorum enim nostrorum pondus, forma, valor, nomina etiam subinde mutantur, ut nullum operæ pretium sit nummos, qui nunc in usu sunt, recensere. Etenim cum hæc quæ scribimus in lucem prodibunt, forsan nova moneta cudetur, veteris interdicto usu. Quæpiam tamen via ineunda est qua ad nostrates nummos, hoc est, ad notum valorem revocare possimus antiquorum nummorum nomina, id est, sic comparare possimus veteres nummos cum nostris, ut quæcumque mutatio accadat rei monetariæ nostræ, certo æstimari possint veteres nummi.

Ratio ponderum & nummorum usitatorum apud Romanos cum iis quibus uterentur Græci, nota est ex auctoribus Græcis & Latinis, qui istam rationem definiunt. Nec etiam ignorari potest valor nummorum Hebræorum respectu ad nummos Græcorum & Romanorum, siquidem Josephus & B. Hieronymus adstruant sicii pondus fuisse semiuncie Romanæ; quod liquet ex Evangelio in quo semisiclus, nempe tributum illud quod, ut supra dicebamus, capitatim solvebatur, appellatur didrachmos, hoc est, nummus valens duas drachmas; nam sic integer siclus erat quatuor drachmarum. Suprà autem vidimus unciam Romanam valere octo drachmas, & ided semiunciam quatuor drachmas. Indè, inquam, semisiclus Hebræus appellatur didrachma à Matthæo (*cap. 17.*) ibi enim sermo est de tributo dimidii sicii, quem singuli Judæi ex lege tenebantur annuatim pendere, primum

T

Taber-

Tabernaculo, deinde Templo, hoc est, Deo. Quia ergo lege Christus se non teneri demonstrabat; Reges enim, aiebat, non solent exigere vectigal à filiis, qui idèò immunes sunt. Ut autem dimidius sicius duas drachmas valebat; ita sicius integer quatuor drachmas: quapropter in eodem loco Matthæi dicitur Christus pro se & Petro staterem dedisse, id est, integrum sicium. Stater enim Græcis idem sonat quod Hebræis sicius, ut diximus.

Animadvertendum est Alexandrina pondera duplo majora esse Atticis, ut Varro diserte testatur. Hinc septuaginta Græci Bibliorum interpretes, quos Alexandrinos fuisse quidam conjiciunt, saltem Alexandriae versionem suam cuderunt, sicium non tetradrachmum, sed didrachmum interpretantur; quod non faciunt Evangelistæ, neque Josephus. Eadem de causa Philo, qui Alexandrinus esset, semisicium non appellat didrachmum, sed unius drachmæ facit. Hæc cum non adverterent nonnulli, commenti sunt duplicem fuisse sicium, unum sanctum quatuor drachmarum, & communem alterum duarum drachmarum. Sicli quidem examinandi præcipiuntur juxta sicium Sanctuarii, non quod alter esset fictus profanus, alter sanctus; verum sic loquitur Scriptura, quia in sanctuario servarentur vera & prima pondera, quæ norma essent & lex omnium ponderum.

Omnes veteres nummi indè sine multo negotio æstimantur & componuntur inter se, quoniam notum quota pars essent libræ. Sed & valor eorum respectu nostræ apertus est, si quidem experimentis & ratiociniis, quæ modò proposuimus, innotuerit unciam nostram Parisiensem majorem esse Romanam triginta novem granis cum  $\frac{1}{2}$ . Ita eò res redit, ut expendamus pondus nummorum qui nunc sunt in usu probato; si quidem noto pondere veterum nummorum, facile erit dignoscere horum cum nostris

num-

nummis rationem. Verum ne in calculis subducendis error subrepat, advertendum est, siue egestate, siue avaritia, aliquando etiam de publicorum nummorum pondere aliquid detractum esse, vel alienam materiam admixtam. Hoc contigisse nostro solido experimur, quod primum erat solidum de argento, siue nummus erat totus argenteus, qui postea ita ære permixtus est, ut abierit in nostrum usualement solidum. De iusto nummorum valore nihil ergo statui potest, nisi ratione sic inita, ut supponatur nec alienam materiam admixtam, nec iusto pondere minores fuisse; quod verum est de nummis Israelitarum: religio enim vetabat deterere eorum pondus, aut materiam corrumpere.

Non ita est de nostris nummis: præterquam quod non semper aurum sic excoquitur, ut perfectè purum sit, possunt in eo esse diversi puritatis gradus, quos viginti quatuor distinguunt auri fabri, & caractas appellant. Verbi causa, cum de nummo aureo dicunt 22. caractas habere, significant duos tantum gradus, siue duas partes ex viginti quatuor in eo esse materiæ inferioris. Quo autem valor auri exquisitiori ratione significant, iterum caractam subdividunt in duas partes, in quatuor, in octo, in sexdecim. Ita nummus defæcatus usque ad 23. caractas &  $\frac{1}{2}$ , dicitur quadragesimam sui partem tantum habere ex aliena materia.

Similiter diversi gradus notantur in argento, ut si ære temperatum sit, valor ejus declaretur. Purum argentum artifices in duodecim denarios dividunt. Ergo cum significant argentum verè purum esse, ad duodecim denarios excoctum dicunt, ut scilicet nulla aliena materia supersit; ad undecim verò, cum ita ære temperatum est, ut pars ejus duodecimæ ærea sit, non argentea. Denarius quatenus pondus est, ut vidimus, dividitur in 24. grana: singula grana in

T 2

duas,

duas, in quatuor, in octo partes. Argentum quod undecim denariorum est, granorum verò duodecim, amisit vigesimum quartum suę puritatis gradum.

Hęc de absoluto valore cujusque metalli. Expendendus autem valor ejus relatus ad aliud metallum. Pendet ille ex raritate vel abundantia hujus metalli; sæpè sæpius ex lubitu Principum. Olim Romę ratio auri ad argentum ea fuit, quam numerus quindenarius habet ad unitatem; aliis temporibus, illa quę est inter unum & decem. Ita hoc-ec sæculo hęc-ec ratio non semper eadem statuta est. Anno 1641. sub Ludovico XIII. aurum se habebat ad argentum ut 13.  $\frac{1}{2}$  ad 1. hęc autem ratio immutata fuit anno 1656. & eodem pretio argenti servato, auri auctum; sic auri ad argentum ratio ea evasit quę est inter 1. & 14.  $\frac{1}{2}$ .

Non minùs mutationibus subjacet pretium æris, quo libra Turonensis constare videbatur; ut diuturnam operam ille non præstet, qui hoc, exempli causa, anno quo hęc scribo, velit exprimere moneta nostra valorem nummorum antiquorum, definiendo quot libras Turonenses hic & ille nummus antiquus valeat. Restat itaque ut quoniam pondera non mutantur, supponentes justum pondus suum habuisse veteres nummos, nec ex impuro metallo cufos, definiamus quale esset pondus illorum expensum ad nostratia pondera. Quot libras sive quot marcas auri, exempli causa, ponderaret talentum Hebræum: aurei autem & argentei idem erat pondus apud Hebræos; ita de aliis nummis eorum. Utemur ratione, quam supra notavimus, uncia Romanę ad Parisiensem: si quis autem noto pondere alicujus vetusti numismatis, aveat exprimere moneta nostra valorem ejus, mentem advertat ad pondus nostrę monetę quale definitum est regiis edictis. Comparet, verbi gratia, siclum Hebræum argenteum semiuncia Roma-



Romanæ, & ideo 268.  $\frac{1}{2}$  granorum cum nummo argenteo scutato qui 512. granorum, vel cum dimidio isto eodem nummo 256. granorum, statim agnosceret solum paulò plus quàm istum dimidium nummum ponderare, scilicet duodecim granis. Drachma erat pars octava uncie Romanæ sive 536. granorum nostratum; ideo drachma constabat 67. granis: quarta autem pars scutati argentei ponderat 128. grana; ita drachma accedit ad dimidiam partem quartæ partis scutati argentei. Hic præponimus pondus nummorum nunc usitatorum in Europa, ut si ad externos perveniat noster libellus, uti possint calculis nostris.

De valore sive pondere nummorum æreorum ut aliquis sermo fiat, primum observabimus nummos æreos scripturæ externos fuisse; utebantur enim Hebræi nummis ex argento vel ex auro. Cujusque metalli valor pendet, ut dictum est, ex raritate vel copia ejus. Olim denarius Romanus, qui argenteus erat, æquabat pretium decem assuum æreorum, sive tantum erat pretium ejus quantum decem librarum ærearum; cum ergo denarius ille parvis esset ponderis ac drachma, aut paulò ponderosior, statuimus enim septem denarios facere unciam Romanam, una libra Romani argenti constabat 84. denariis Romanis. Itaque denarius sive pars octogesima quarta libræ argenteæ, cum valeret decem libras æris, par erat pretio 840. septimis partibus uncie æreæ, quem numerum decem libræ æreæ continent. Sic ratio argenti ad æs tunc temporis erat eadem ac inter hosce duos numeros 1. & 840. quæ ratio demonstrat magnam copiam æris fuisse per respectum ad argentum. Una enim marca argenti sive octo uncie argenti ante aliquot annos, cum pretium argenti nondum auctum esset, permutabatur cum sexaginta libris æris, id est duæ marcæ, sive una libra argenti

ejusdem valoris erat ac centum viginti libræ æris; Sic ratio argenti ad æs non alia erat quàm quæ est inter 1. & 100. Igitur olim Romæ ferè octies æs vilius erat quàm nunc in Gallia. Quare non mirum si as Romanus, licet libralis, etiam vilis nummus diceretur. Quidquid de pretio uniuscujusque diceretur, non difficile erit accommodare alteri. Jam verò ex iis quæ modò dicta sunt, colligendo quot granis v. c. ponderet nummus scutatus integer, deprehendetur quis fuerit valor sicli Hebræi per respectum ad nummum scutatum, Aliter nostros calculos subducere non potuimus, ut in sequentia sæcula prodesse possint, donec libra Parisiensis immutata stabit. Quoad nummos æreos, sufficit scire quòd si eadem tunc esset copia æris quæ olim fuit, assem non multo extra octo denarios æstimandum; ita triens, & ideò magis quadrans vilissimus nummus erat. Sed valorem æris non possumus certò statuere. Pretium ejus subinde mutatur, augetur, minuitur. Assis verò vilis nummus erat, si comparetur ad argentum. Non ita est autem, si referatur ad æreos nummos nostros. Nam vetusti, quorum usus erat apud Romanos, ponderosiores sunt nostris æreis nummis. Veteres asses Romani non pauci reperiuntur; sed sive ætas, sive ærugo detriverit, omnes pondere inter se differunt. Plurimos habet Bibliotheca ornatissima regalis Abbatix sanctæ Genovesæ. R. P. Nicolaus Sarebource hujusce Bibliothecæ præfectus, mihi rem gratam factururus, quinque veterum assium pondus exquisitis lancibus exploravit. Primus, ut ad me scripsit, ponderat undecim uncias, uno grosso, cum quinquaginta quatuor granis. Secundus octo uncias, cum tribus grossis. Tertius octo uncias, cum quinque grossis, & triginta octo granis. Quartus octo uncias, cum sex grossis, & triginta octo granis. Quintus sex uncias, cum sex grossis, & sex granis.

Igitur

Igitur assis non vilis nummus censeripotest, nisi per respectum ad argentum, & eo tempore quo magna erat raritas argenti; nam ad minimum ponderabant semilibram nostratam; & idèd ratione ponderis sui & materiæ semilibram Turonensem valuissent.

*Pondus nummorum sive aureorum sive argenteorum, quorum in Europa usus frequentior est.*

*Ludovisus aureus (un Luigi d'oro)* ponderat 5. denariis 6. granis, sive 126. granis; ita dimidium ejus 2. denariis 15. granis vel 63. granis.

*Ludovisus argenteus (un Luigi d'argento)* 21. denariis 8. granis sive 512. granis. Ita dimidium ejus 10. denariis 16. granis vel 256. granis; & quarta pars ejus 128. granis.

Nummus aureus Hispanicus, *pistole d'Espagne (Doppia di Spagna)* 5. denariis, 6. granis, sive 126. granis.

Nummus argenteus Hispanicus, *piece de huit reales (Piastra d'otto Reali)* 21. denariis, 8. granis, sive 512. granis

Nummus aureus Anglicus, *le noble à la rose* 6. denariis; sive 144. granis.

Alius nummus aureus Angliæ dictus *Guinee (una Ghinea)* ferè 157. granis &  $\frac{1}{2}$ .

Nummus Anglicus argenteus *Skelin* 4. denariis 13. granis, sive 108. granis.

Nummus argenteus nunc usitator in Anglia, *l'ecu moderne (lo Scudo moderno)* paulò plus quam 585. granis.

Nummus aureus, *Real de Flandre (un Reale di Fiandra)* 1. uncia, 1. denario, 8. granis, sive 608. granis.

Nummus aureus, *Reale de Flandre*, 1. uncia, 1. grosso, sive 600. granis.

Nummus aureus, *Patagon de Flandre* ( *Patracone di Fiandra* ) 22. denariis, sive 528. granis.

*Dalles au lion*, 21. denariis, sive 504. granis.

Nummus aureus Italiae *Pistole* ( *una Doppia* ) Romæ, Bononiæ, Mediolani, Venetiarum, Florentiæ, Sabaudia 5. denariis 4. granis, sive 124. granis.

Nummus aureus, *Ecu*, ( *uno Scudo* ) Romæ, & in pluribus urbibus Italiae, Venetiis, Genuæ, in Sabaudia, apud Coloniam Allobrogum usitatus 2. denariis, 14. granis, sive 62. granis.

Nummus argenteus in Italia usitatus dictus, *Ducaton* 1. uncia, 1. denario, sive 600. granis.

*Ducaton d'Avignon*, 1. uncia, sive 576. granis.

*Piece du Pape d'Avignon*, ou *Julle* ( *Piastra del Papa d'Avignone*, ovvero *un Giulio* ) 2. denariis, 9. granis, sive 57. granis.

*Ducats d'or* ( *Ducato d'oro*, ovvero *Ongaro*, o *Zecchino* ) Imperii, Hungariæ, Venetiarum, Sabaudia, & Provinciarum foederatarum, & Turcarum, 2. denariis 17. granis, sive 65. granis.

Decet autem animadvertere, nummos Gentium diversarum, licet æqualis ponderis, non idem ejusdem esse valoris, quia plus vel minus inferioris materiae permixtae habent.

His observatis, si quis velit æstimare, verbi gratia, valorem sicli; quoniam pondere nostro pendeat 268. granis cum  $\frac{1}{2}$ ; unius grani, hoc est, cum una parte, quales quinque continet unum granum, quod hic semel advertant, qui artem numerandi non percillant. Indè, inquam, quisque faciliè deducet siclum paulò ponderosiores esse quam nummum, quem appellamus *demi-ecu* ( *mezzo scudo* ) qui ponderat 256. granis. Ita de quocumque altero veteri nummo, cujus valor sic cognoscitur, noto pondere ejus. Tum & licebit æstimare pretium cujusque rei, & illud moneta nostra exprimere. Etenim quoniam talentum

lentum Hebræorum ponderabat ter mille siclis, sequitur ponderasse 174. marcas, 4. uncias, 7. grossos; si multiplices 268. grana cum quinta parte unius grani, quod est pondus sicii, per 3000. Nostri autem moneta facile est exponere valorem talenti sive argentei, sive aurei. Nam scimus pondus nostri scutati argentei 512. granorum, & ex una marca argenti confici novem tales scutatos. Itaque necesse est talentum Hebræum argenteum valere 1571. scutatos nostrates argenteos, cum 248. granis, quæ paulò deficiunt à dimidio scutato 256. granorum.

Pondus cujusque basis argenteæ tabularum Tabernaculi erat unius talenti: tales erant centum bases; quæ igitur ponderabant 17460. marcas, 7. uncias, 4. grossos, sive valebant 157146. scutatos cum 238. granis. Similiter licet æstimare valorem talenti aurei, & rei cujusque ponderantis talentum. Etenim cum ex marca auri cudantur 36. Ludovisii, sive pistolæ Hispanicæ, sive pondus marcæ par sit 36. talibus nummis cum  $\frac{2}{3}$  talentum autem ponderet 174. marcas 4. uncias 7. grossos, æquabit pondus 5686. Ludovisiorum aureorum sive pistolarum cum 36. granis &  $\frac{2}{3}$ . Candelabrum conflatum fuerat ex talento auri; ita tantus erat valor ejus. Ergo mirum est, licet tabernaculum paratum fuerit in deserto ab Israelitis profugis & exulibus, tanta tamen tum auri, tum argenti copia abundasse.

Ne cuipiam sit difficilis usus tabularum, addam omnes cellas horizontales in tabula quæ inseritur huic xv. capiti continere parem valorem, sicut perpendiculares pondera ejusdem nominis. Ita uncia Romana par est duobus siclis, 7. denariis, 8. drachmis, 32. sesteritiis, 40. ghera, denique 536.  $\frac{2}{3}$  granis. In cellulis verò perpendicularibus quibus præscribitur nomen illud *uncia Romana*, uncia sunt: in prima cella *una uncia*, in secunda inferiori 30. *uncia*, in tertia 1500.

tia 1500. uncia. Ita de tabula sequentis capitis, Denique sciendum pondera apud Hebræos non fuisse ex metallo, ne æruginē deteri possent, & sic leviora fieri; quod lucem affert huic-ce Proverbiorum loco, (Cap. 16. v. 11.) *Pondus & statera judicia Domini sunt, & opera ejus omnes lapides sacculi*, nempe judicia ejus omnibus ponderibus expensa sunt.

## C A P U T XVI.

*De mensuris cavis & longis, de quibus in Sacra Scriptura fit mentio.*

**E**odem experimento quo nobis patefacta est ratio veterum ponderum, aperitur via ad æstimandas veteres mensuras cavas & longas; verbi causa, cognita ratione libræ Romanæ cum Parisiensi, apprehendi potest capacitas Romanorum vasorum cum nostris. Ex allegato enim supra Fannio scimus aquam, cujus capax est amphora, ponderasse 80. libras Romanas, congiū qui pars est octava amphoræ, cepisse 10. libras aquæ, & idè sextarium partem sextam congii, 20. uncias, quæ viginti uncia. pondere Romano, pares sunt ex calculo superiori 18. unciis ponderis Parisiensis cum  $\frac{1}{2}$ ; hoc est uni libræ Parisiensi cum duabus unciis, &  $\frac{1}{2}$ . Cū itaque experiamur aquam, cujus hemisextarius noster Parisiensis capax est, ponderate octo uncias nostrates, chopinam 16. & pintam 32. indè capacitatem veterum vasorum æstimare possumus.

Alia via scrutari possumus ipsam veterum vasorum capacitatem per respectum ad nostra vasa. Constat auctoritate Fannii amphoram Romanam, cū sic conflabatur in formam cubi, cujus latera essent unius pedis Romani, tunc fuisse capacem aquæ, cujus pondus esset octoginta librarum Romanarum, quæ juxta priores



Vasorum Hebræorum nostrorū  
Comparatio, et eorum C  
Vasis Parisius æquātertia  
extarii

bici 4  $\frac{21}{32}$

s, et paulo  
homis extrā  
llices 18  $\frac{5}{8}$

opina, et  
u - Sine  
bici 74  $\frac{1}{2}$

opina, et  
1  $\frac{1}{8}$  Sine  
a 134  $\frac{1}{10}$

hopina, et  
aru - Sine  
ubici 223  $\frac{2}{2}$

emisextam  
llices  
7

Copina,  
rius 1  $\frac{1}{2}$   
Cubici 134  $\frac{1}{2}$

t Homis ex-  
s Cubici



Pollex cubicus  
Parisius

Seah  
sine  
Saturn

Bathus  
Epha  
Amphora

1

Chomer  
sine  
Corus

1

3

1

10

30

Luciani fecit:



priores calculos pares sunt libris Parisiensibus 55. & 14. unciis. Unde deducimus quæ sit ratio pedis Parisiensis cum Romano, Etenim aqua vasis cubici, cujus latera sint unius pedis Parisiensis, ponderat circiter 70. libras Parisiensas; alii enim pondus illud esse runt diligentia adhibitaprehendisse levius, nempe 69. librarum cum novem unciis. Alii verò majus faciunt scilicet 71. librarum cum aliquibus unciis. Ita ut necesse sit pedem Parisiensem majorem esse Romano, quoniam vas illud cubicum quod constituit, majus sit vase cubico, cujus latera sint unius pedis Romani. Horum autem numerorum 55. librarum 14. unciarum, & 70. librarum radices cubicas, arte quam norunt Arithmetici extrahendo, reperitur una ferè duodecima parte pedem Parisiensem majorem esse pede Romano: scilicet pedem Romanum constare undecim pollicibus, quales pes Parisinus duodenos habet. Ab hoc-ce numero non multum discedit mensura pedis hujus-ce Romani, qui in vetustis monumentis expressus est, puta in tumulo T. Statilii, qui est 10. pollicum & 11. linearum, quales duodecim pollex Parisinus habet cum  $\frac{1}{10}$  lineæ, id est, decima parte lineæ. In tumulo Cossutii per expressas habet pariter decem pollices, undecim lineas cum  $\frac{1}{2}$  lineæ, idè visum est nobis longitudinem veteris pedis Romani statuere undecim præcisè pollicum, sive minor sive major fuerit.

Pes cubicus, hoc est, vas cujus latera sunt unius pedis, continet, ut experimento discimus, pintas 36. quas singulas diximus ponderare 32. uncias. Hi duo numeri 36. & 32. per se multiplicati efficiunt 1152. uncias, & idè 72. libras, quales quæque constat 16. unciis. Ita aqua pedis cubici non tantum 71. sed 72. libras nostrates continere censendum esset; sed est advertendum tunc aquam pintæ ponderare 32. uncias, cum pinta sic impletur, ut paululum surgat aqua.

Quid-

Quidquid sit, sine periculo erroris réformidandi sic æstimari potest capacitas veterum mensurarum (*Tab. X.*) Proponendum est sibi ante oculos vas cubicum unius pedis nostratis, simul & alterum vas pariter simile cubo, cujus latera sint unius pedis Romani. Amphora, ut vidimus, erat cubus; cujus pars octava appellabatur congius; vas etiam simile cubo, cujus latus erat media pars lateris amphoræ, sive semipedis Romani. Notum est probatis experimentis hemisextarium Parisiensem habere 12. pollices cubicos, chopinam 24. pintam 48. Quapropter cum pes Parisiensis contineat 12. pollices, quales pes Romanus non plus ferè habet quàm 11. ut statuimus; idèò vas cubicum pedis Parisiensis quod habet 1728. pollices cubicos, majus erit vase cubico unius pedis Romani, sive amphora quæ tantum contineret 1331. pollices Parisienses. Sic facilè capacitas vasorum Romanorum componi potest cum capacitate vasorum nostrorum. Simul & ratio cognoscitur quæ sit inter mensuras longas veteres & nostras, quoniam nota sit ratio pedis Romani cum Gallico.

Jam enumeremus diversas mensuras veterum, initium ducentes à cavis, id est, à vasis. Præcipuum vas apud Romanos erat amphora. Capiebat illa duas urnas, par tribus modiis, quibus res arida, sive fruges mensurabantur. Urna habebat quatuor congios. Sexta pars congii dicebatur sextarius, sextarii pars media hemina. Apud Græcos metreta erat vas respondens amphoræ Romanæ; sed illam superabat una urna. Chus Græcorum idem erat ac congius Romanus. Cotyla par censetur heminæ. Medimna urebantur Græci ad mensurandas fruges.

Quam inter se habeant rationem mensuræ Hebrææ cavæ luculenter explicat Scriptura; *chomer*, qui redditur *corus* in Bibliis Latinis, vas erat capacissimum, cujus pars decima dicebatur Ephā, æqualis batho, nisi quod batho

batho liquores mensurabantur, sicut epha fruges.

Seah, sive satum erat tertia pars bathi sive epha.

Hin, media pars sati. Gomor, ut Græci efferunt, Hebræi verò *omer*, quod ergo vas aliqui confundunt cum chomer propter viciniam soni, pars erat decima mensuræ epha, cabus sexta pars sati. Log quarta pars cabi erat. Sexdecim quartarii æquabant cabum; sic quartarius pars quarta mensuræ log.

Non ita facile est dijudicare quæ fuerit Hebræarum mensurarum ratio ad mensuras externas, videlicet Græcas & Romanas, & ideò ad Gallicas. Cum ex antedictis via pateat qua verum valorem Romanarum mensurarum, tum cavarum, tum longarum assequi possumus; Græcarum autem cum Romanis ratio nota sit ex veterum authorum testimoniis, si Græci interpretes Bibliorum eam curam adhibuissent, ut vel unam sive cavam sive longam mensuram in Scripturarum fonte celebratam æquassent alicui mensuræ vel Græcæ vel Romanæ, res confecta esset. Dixi, sive cavam sive longam; ex illa enim altera æstimari potest. Verum longè abest ut eam adhibuerint diligentiam. Exemplis evincere possem peccasse ea in re, non ferenda negligentia, quæ exempla protuli in libris de Templo, ubi diligentius differimus de veterum mensuris. Eo in loco diximus Josephum scatere erroribus, fortè propriis, quorum ipse author sit; certè alienis, nempe quos in ejus codicem induxit Librariorum oscitantia. Sic ille loquitur de cubito Hebræo, ut eum æqualem faciat Græco, qui paulò major est Romano. De vera autem cubiti Hebræi longitudine operæ pretium erit huc asferre quæ in allegatis de Templo statuimus ex non improbabilibus conjecturis; id enim quod intendimus non possumus assequi, nempe cognoscere capacitatem vasorum Hebræorum, nisi prius nobis innotuerit Hebræus cubitus. Animadvertimus quoties Moyse de cubito sermonem fecit, non indicasse diversum à com-

muni,

muni, qui in promiscuo usu esset, videlicet quo uterentur Ægyptii. Pauci numero advenerant in Ægyptum filii Jacob, ut potius accepisse modulos mensurarum ab Ægyptiis, quam intulisse, prout sit credere. Saltem decuisset Moysen, si alio cubito populares sui, alio Ægyptii uterentur, de discrimine monere; quod fecisse videtur Ezechiel, alloquens Judæos captivos, qui inter Babilonios versabantur, non eodem utentes cubito. Sed non tam Ægyptii quam ipse Noe haberi potest author determinati cubiti: quando enim paravit illam ingentem arcam nisi definitam mensuram adhibuisset, non potuisset ædificium illud compingere. Non, inquam, partes quibus constabat sibi invicem cohærere potuissent, ad certam mensuram non porrectæ vel contractæ. Si quidem verò Moyses modò egressus ex Ægypto, dum Tabernaculi fabricam describit, cubitum nominat, nec dicit majorem aut minorem Ægyptio, qui innotebat Israelitis, quorum labore tot tantaque monumenta constructa fuerant, jure concludimus eundem fuisse, saltem hac ætate Moysis. Restat ut videamus an labentibus sæculis huic detractum sit vel additum.

Primum nisi aliquo scripto vel monumento appareat mutatam cubiti Ægyptii longitudinem, hodiernum antiquo parem credere est. Etenim adigebat Ægyptios necessitas, ut sine ullo additamento, vel detrimento servarent eandem cubiti mensuram; nam cubitalibus intervallis notata illa mensura erat, qua definebantur Nili incrementa, in Niloscopis puteis, vel in columnis marmoreis quibus incrementa Nili mensurabantur. Sic fiebat ut cubiti mensura omnium subjecta oculis non imminueretur vel augetetur. Alioqui multæ turbæ exortæ fuissent in Ægypto, cum singulis annis omnes agrorum terminos Nilus limo obduceret, & idè toties limites agrorum dimetendi. Adjungam antiquarum Pyramidum dimensiones præ-

præcisè mensurari hodierno cubito Ægyptio : non solent autem Architecti mensuris imperfectis dimeriri ædificia quæ construunt. Apud Romanos certus pedum numerus definiebat mensuras ædificiorum; ita & cubitorum in Ægypto. In sacris Scripturis omnis dimensio certo cubitorum numero comprehenditur.

Grævius, Anglus sagacissimus, qui rem in Ægypto exploravit, asserit cubitum hujus-ce regionis, quem vocant *derah* esse partium 1824. qualium habet pes Anglicus, mille: Parisinus 1068. Sic ergo calculum in eo. Si 1068. valor pedis Parisini dat duodecim pollices, numerus ille 1824. valor cubiti Ægyptii, quot dabit pollices? Hunc numerum 1824. ut docet regula aurea, duco in 12. & factum hac-ce multiplicatione divido per 1068. quotiens divisionis dat 20. pollices, & illam fractionem  $\frac{1}{2} \frac{1}{6} \frac{2}{7}$  æqualem quinque lineis cum  $\frac{2}{6} \frac{4}{7}$ , id est, cum 149. partibus integræ lineæ, quæ in 267. partes divisa est. Itaque rotundioribus numeris utentes statuere possumus longitudinem cubiti Ægyptii viginti pollicum Parisinorum cum sex ferè lineis. Sed & has lineas negligimus, ut rotundiores sint mensuræ. Præterquàm quod Hebræum cubitum his viginti pollicibus non majorem fuisse evincimus. Huic-ce longitudini congruunt ea omnia, quorum mensuras Scriptura exponit. Ergo licet conjicere nec multò longiorem, nec multò breviorẽ fuisse.

Vera longitudo cubiti Hebræi regei etiam posset, si constaret de vera forma maris anei, & cujus sententiæ standum, vel authoris librorum Regum, vel authoris Paralipomenorum, circa numerum bathorum quos caperet. Josephus opinatur mare aeneum fuisse vas rotundum simile hemispherio: Alii cylindro, cujus latera recta sint & fundum planum. Scriptura liquidò dicit decem cubitorum fuisse diametrum ejus. Ex libris Regum capiebat duo mille bathos;

thos; ex libris verò Paralipomenorum ter mille bathos. Josephus adhæret authori librorum Regum, si-  
ve secutus est hodiernam lectionem horum librorum,  
definiens mare æneum cepisse duo mille bathos. Vase sphærico cylindricum majus est tertia parte: itaque si mare supponatur sphæricum, duo mille bathos contineat; vel si cylindricum, ter mille. Vir Geometra juxta has duas hypothèses deprehendet valorem bathi in formam cubicam redacti. Mihi videtur verisimilior sententia Josephi, qui statuit mare fuisse sphæricum, & cepisse tantum duo mille bathos, juxta quam hypothèsim cujusque bathi in formam cubicam redacti latus est dimidii cubiti Hebræi, & idè decem pollicum Parisinorum. Bathus & Ephā quoad capacitatem non differebant: ita cum cujusque latera essent decem pollicum, tota capacitas erat mille pollicum, saltem non multò major.

Pes cubicus Parisiensis, siue vas cubicum, cujus latera sint pedis Parisini, hoc est, duodecim pollicum, continet 1728. pollices. Pes verò cubicus Romanus, cum simplex definitus sit undecim tantum pollicum, habet solummodo 1331. pollices Parisinos. Ad pollicem cubicum Parisinum, cujus formam hic expressam vides, revocavimus omnes veteres mensuras. Pinta autem Parisiensis est quadraginta octo talium pollicum. Attamen pinta quæ in domo publica Parisiensi asservatur, dicitur continere tantum pollices cubicos  $47\frac{2}{3}$  vulgò supponitur, habere quadraginta octo præcisè, & tot habere deberet; nam in sextario numerantur pintæ octo, & triginta sex sextarii in dolio, vulgò, *le muid* (*la borte*); ita in dolio sunt 288. pintæ. Dolium autem habetur æquale octo pedibus cubicis; undè necessariò pinta quadraginta octo pollicum cubicorum esse debet; ergo chopina dimidium pintæ est 24. pollicum cubicorum, & hemisextarius dimidium chopi-

æ duodecim similia pollicum. Hisce fundamentis nituntur calculi, quibus æstimamus capacitatem valorum, quibus vinum & oleum mensurabantur.

Apud Hebræos, ut modò diximus, vas *bathus* mensura liquorum, & *epha* mensura rerum aridarum, non differebant quantitate, sed usu. Non ita est in Gallia. Ita vasa Hebræa, prout horum usus erat in dimetiendis liquoribus aut frugibus, æstimanda fuere vasis distinctis quibus Galli utuntur. Sed & illa vasa Gallica valdè ambigua sunt. Conveniunt tamen omnes in modio, quæ major est mensura frugum, *le muid de bled* (*moggio*) esse 12 sextarios, in sextario duas heminas, *deux mines* (*due mine*) in mina 2. minots, in uno minor (*mezza mina*) 3. bosellos, in bosello 16. *litrons* (*quartucci*) Ut ista ratio servaretur, ædiles præscripserunt cuique vasi certam altitudinem & diametrum. Sed Geometræ peritissimi observaverunt has altitudines & diametros non convenire cum rationibus quæ supponuntur inter diversa vasa illa enumerata. Vir summæ peritiæ & diligentiae, prout altitudinem & diametrum boselli statuerunt ædiles, reperit capacitatem ejus esse 644.  $\frac{2}{3}$  pollicum.

72. Log faciunt unum bathum 1000. pollicum; ita log tredecim pollicum  $\frac{1}{3}$  & major nostro hemisextario Parisiensi ferè duobus pollicibus cubicis.

Sex hin faciunt unum bathum; ita hin capax erat 166. pollicum &  $\frac{2}{3}$  qui faciunt 3. pintas 1. hemisextarium cum 10. pollicibus &  $\frac{2}{3}$ .

Bathus, ut multis argumentis ostendimus, non multò major erat 1000. pollicibus; quibus divisus per 48. pintas, quot habere una pinta supponitur, bathus continebat 20. pintas, 1. chopinam, 1. hemisextarium  $\frac{1}{3}$ .

Vidimus corum censei inter mensuras rerum liquidarum. Eadem erat mensura ac chomer; ita decies major epha, & ideo batho; qui cum valeret vi-

ginti pintas 1. chopinam, 1. hemisextarium  $\frac{1}{2}$ ; ergo corus capiebat 208. pintas 1. hemisextarium cum  $\frac{1}{2}$ .

Vix statui potest valor cabi, cum de ratione ejus cum cæteris vasis non constet. Si sit media pars omer sive gomor, cum illud sit 100. pollicum, ut dicemus, quoniam omer decima pars epha 1000. pollicum, cabus erit 50. pollicum. Nostrum autem *litron* (*quartuccio*) faciunt pollicum 40  $\frac{2}{3}$ ; ita cabus par est 1. *litron* cum  $\frac{1}{4}$ .

Bathus & ideo epha sunt 1000. pollicum; ita omer decies minor 100. ita vas illud capiebat circiter quantum tria vasa illa quæ *litron* appellamus.

Satum sive seah est tertia pars epha; ita 333.  $\frac{1}{3}$  pollicum; ita paulò majus quam semibosellus noster 322.  $\frac{1}{2}$  pollicum.

Epha sive ephi est mille pollicum: Bosellus est 644.  $\frac{1}{2}$ , semibosellus 322.  $\frac{1}{2}$ , *semilitron* (*mezzo quartuccio*) 21.  $\frac{1}{2}$ . Tres illæ mensuræ Parisienses simul non faciunt plusquam 988. pollices. Ita deficiunt ab epha 12. pollicibus. Vidimus sive bathum sive epha vas esse paulò majus quam 1000. pollicibus. Quapropter epha statuere possemus par bosello, semibosello, & litrone uno simul collectis.

Lethec, supponitur hoc-ec vas duplo majus vase epha. Sic æquale est tribus bosellis & duobus litronibus.

Epha pars decima est cori sive chomer. Igitur corus capiebat quindecim bosellos, cum semibosello, uno litrone, uno semilitrone, cum septemdecim pollicibus.

Longitudinum mensuras inter se comparantes, in memoriam revocare decet, ubique gentium proprii corporis partibus usos homines, ad longitudines dimetiendas, digitis, palmo, cubito, pede, passu. Palmus apud Romanos constabat quatuor digitis conjunctis. Palma autem distinguitur à palmo. Hæc enim







Veterum mensurarum  
Longarum inter Se. c  
ratio, earumq juxta  
ras Parisinas æstin



			Orgya		8 Lineæ cum $\frac{4}{7}$
					3 Pollices et 5 Lineæ
					10 Pollices 3 Lineæ
					11 Pollices
					1 Pes
					1 Pes 8 Pollices et 6 Lineæ
					4 Pedes cum 7 Pollicibus
					6 Pedes.
					10 Pedes cum 3 Pollicibus
					95 Saxpedes cum 2 pedib et 11 Pollicibus
Stadium	I	$1 \frac{51}{72}$			
I	$55 \frac{110}{123}$	$95 \frac{34}{72}$			

enim definitur isto intervallo, quod est ab articulo manus ad extremum medium digitum.

Cubitus æqualis erat sex palmis, & ideo 24. digitis.

Pes continebat quatuor palmos, & ideo sexdecim digitos; ita cubitus æquabat pedem cum semipede. Passum sive gressum eam appellant intercapedinem; quæ est inter duos pedes hominis progredientis. Sunt qui alium simplicem passum, quem duorum pedum cum semipede faciunt; alium agnoscunt compositum quinque pedum.

Mille passus majores faciunt milliarium. Suprà statimus pedem Romanum esse undecim pollicum Parisinorum.

Præter dictas mensuras Romanorum, Græci habent spithamam, quæ est extensio inter pollicem & minimum digitum expansos. Spithama est duodecim digitorum. Ita æqualis semicubito.

Stadium est spatium quod uno spiritu dicitur confectum ab Hercule. Vulgò definitur 125. passuum majorum.

Apud Hebræos mensurarum minima dicebatur *tophac*; nimirum quatuor digitorum transversorum, sive conjunctorum. Talium digitorum duodecim dicebatur *zereth*, quæ mensura Græcis dicitur *spithama*. Latini interpretes duas illas mensuras *tophac* & *zereth* uno & eodem palmi nomine non bene exprimunt; diversæ enim sunt; ut una & eadem voce non possint significari.

Cubitus, quali Hebræi olim utebantur, erat 24. digitorum; ita semicubitus erat æqualis *zereth*.

Calamus habebat sex Hebræos cubitos 24. digitorum.

Chibrath erat spatium magnum; cujus quantitas non bene scitur.

Inter mensuras recensere possumus illud interval-

lum, quod appellari solet *sabbati iter*. Ex Paraphrase Chaldaeo ad librum Ruth, & ex omnibus Doctoribus Judæorum, erat duorum milliū cubitorum. Beatus Lucas in Actis dicit montem Oliveti remotum fuisse Hierosolymis itinere Sabbati. Josephus (*Lib. 20. c. 16. Antiq.*) in Græco codice Frobeniano istud iter facit quinque stadiorum; sed non ultra 400. cubitos assignat stadio: ita quinque stadia faciunt tantummodo duo mille cubitos. Quapropter intelligendum est stadium Hebraicum; nam Græcum, sive Latinum 125. passuum non facit, juxta sententiam nostram de cubito Hebræo, plusquam cubitos 343.  $\frac{1}{2}$ .

Pes Parisinus (*Tab. IX.*) continet duodecim pollices, sicut pollex duodecim lineas. Sexpeda, sive toisia, ut loqui mos est, constat sex pedibus. Non alia apud nos mensura est constans. Quin etiam nec in omnibus regni provinciis eadem est longitudo pedis, qui regius dicitur, nec regiæ toisiæ. Leuca nullum habet certum intervallum. Vulgò singuli gradus, sive pars 360. ambitus terræ, statuuntur viginti quinque leucarum. Industrii autem viri & Matheseos periti deprehenderunt spatium singulorum graduum esse 370060. sexpedarum sive toisiarum: quem numerum si divides per viginti quinque, exurgent 2282.  $\frac{1}{2}$ ; ita leuca Gallica, quales vulgò supponuntur viginti quinque uno gradu constaret 2282. toisiis cum  $\frac{1}{2}$  vel  $\frac{3}{4}$  id est, cum duabus partibus toisiæ in quinque partes divisæ. Cognita ratione cubiti Hebræi cum pede Parisino, & idè cum pede Romano, facillè scitur valor cujusque mensuræ Hebraicæ. *Digitus* Hebræus erat 10. Parisinarum linearum; *tophas* sive palmus minor 3. pollicum & 4. linearum; *zereth* 10. pollicum, *cubitus* viginti pollicum, sive 1. pedis & 8. pollicum, *calamus* decem pedum; *stadium* Hebræum 111. sexpedarum, sive toisiarum & 8. pollicum. Hac animadvertere sufficiat plerisque, quos

quos in appposita tabula perturbant fracti numeri; qui vitari non possunt.

Licet autem neminem lateat quæ sit mensura semipedis regii Parisini, nempe eam esse sex pollicum, & ideo nota sit longitudo pollicis, attamen expressimus in tabula, cum semipedis in sex pollices divisione. Pollex divisus est in duodecim lineas, quibus constat. Denique & lineam exhibemus, nempe duodecimam partem pollicis, cujus cubum exhibemus, videlicet molem quadratam, cujus latera sint unius pollicis; sed cave, lector, ne omnino fidas huic mensuræ. Usi quidem sumus Parisino pede, qui visus est justior; verum charta cum madefit, laxatur, contrahitur postea siccitate; ita linea expressa, & tota figura non servant primam mensuram. Sed hic peccari non potest errore notabili. Omnia quæ de mensuris veterum Hebræorum diximus, de harum inter se comparatione, & valore nostris mensuris expresso, vides lector collecta & expressa in tribus sequentibus tabulis. Siclum Hebræum excudi curavimus cum characteribus Samariticis, & symbolis quibus ex utraque parte signabatur.

*Finis Partis Primæ.*

A P P A R A T U S  
B I B L I C U S,  
S I V E M A N U D U C T I O  
A D S A C R A M S C R I P T U R A M,  
L I B E R S E C U N D U S.

---

C A P U T P R I M U M.

*De Scriptura Sacra. Quibus nominibus insignitur Codex quo illa continetur. Sermo est divinus, quo nos Deus compellat. Non alius aequè certus est; & qui magis omnes dubitationis causas præcidat.*



ACTENUS attigimus quæ quidem ad intelligendam Sacram Scripturam sunt necessaria, sed quasi extra illam posita. Nunc, ut ita loquar, interiora ejus, hoc est, ipsam adire juvat, quærendo de illa, quæ nisi in genere nota sint, speciatim clarè cognosci non potest. Ante omnia animadvertendum quibus nominibus appellatus sit codex, quo illa continetur. Testamentum dicitur, *διαθήκη*. Hoc ce Græco nomine Græci interpretes reddiderunt nomen Hebræum *Berith*, id est, sordus, quod olim Deus usus Mose mediatore, & postea suo Messia Christo, cum hominibus iniit. Nuncupatus est idem codex *Bibliotheca sancta*, quia Libros sanctos complecteretur; & ideo etiam *Pandecta*, quod Græcum est nomen ejusdem significationis.

nis, Nunc vulgò appellatur *Biblia*; quod nomen prævaluit. Quocumque nomine appelleretur, non multum interest. Res quæ ipsam Scripturam spectant, sunt expendendæ, Quærendum, inquam, quid sit; an à Deo; quos scriptores habuerit; quo tempore & quæ illi lingua scripserint: quæque enim lingua suos habet idiotismos, ex quibus statuendum de vero sensu Auctorum qui in ea lingua scribunt. Quærendum pariter, an certæ, an æqualis auctoritatis sint omnia illa volumina, quibus *Biblia* constant, quæ sacra appellantur; qui sint quorumque textus originales, vel à quibus in diversas linguas illi textus versi sint, & quando, Atinet & scire quæ cura, quæ fide ad nos pervenerint; quo in pretio, quibus in deliciis habitata; quæ religione viri pii illa legere, meditari, & eorum verba in opera vertere satagebant, pari amoris & venerationis affectu.

Ordo ergo postulavisset, ut partem illam secundam nostri Bibliici Apparatus, imo totum Apparatum auspiciati essemus ab eo quod primum de Scriptura Sacra expendendum videtur, an reipsa Sacra sit, & in quo cæteris hominum scriptis præster; sed Christianis scribimus, quos obtundat qui rem, quæ illis constat, vellet fusiori adstruere oratione. Dicam tamen breviter, quod hominibus qui facti erant ut confortio divino fruerentur ( eo Adam innocens fruebatur in Paradiso, ) nunc propter peccatum ab eo elongatis, id solatii restat, ut quando non datur Deum adire præsentem, Deus absens ipse dignetur literis suis eos compellare, quasi de cælo ad nos scribens; quod eleganter dicit B. Augustinus ( *In Psal. 40.* ) *De illa civitate, undè peregrinamur, literæ nobis venerunt. Ipse sunt Scripturæ, quæ nos hortantur ut benè vivamus.* Hoc fecit utens lingua hominum quos afflabat, sive quorum ore nos allocutus est. Scilicet, Sacra Scriptura veluti Epistola est Dei, missa ad nos per

manus Prophetarum & Apostolorum, quæ suum auctorem satis prodit, fidem sibi ipsa concilians, & rerum dignitate & majestate verborum. Secum cohæret, & priora posterioribus in illa confirmantur; sive, quæ refert novissimis temporibus impleta, vera esse ostendunt, quæ aliis temporibus protulerat vaticinia.

Eorum quos habet auctores, integritas vitæ, etiam miracula ab illis patrata, demonstrant nec decipros illos, nec decipere voluisse. Denique horum scripta ad nos incorrupta pervenisse constat omnibus argumentis, quibus probari possit de quocumque scripto verè eum habere auctorem, cujus nomen præscribit. Etenim, ut verbis utar Sancti Augustini (*Cap. 6. lib. 33. contra Faustum*) Unde constat, libros qui inscribuntur nomine Hippocratis, esse Hippocratis? Unde si quis hoc neget, nec saltem refellitur, sed ridetur, nisi quia sic eos ab Hippocratis tempore usque ad hoc tempus, & deinceps successionis series commendavit, ut hinc dubitare dementis sit? Platonis, Aristotelis, Ciceronis, Varronis, aliorum ejusmodi auctorum, librorum, unde noverunt homines, quod ipsorum sint, nisi eadem temporum sibimet succedentium contestatione continua?

Sed efficaciora suppetunt argumenta ad sacri Codicis veritatem adstruendam. Nullus liber scriptus est, de cujus veritate pluris interesset homines certos esse, nec pati sibi illudi. Agitur enim in Codice sacro de religione, & de moribus componendis, ut digni sint perpetua felicitate. Codex, inquam, ille via vitæ est, in qua errare periculosum. Summam Religionis continet: idèò diligenti cura asservatus, exscriptus magna fide; ut nemo crediderit impunè posse aliquid ei detractum vel additum fuisse. Ne id contingeret, Deus providit; neque enim sinebat, ut in errorem perniciosum induceret liber, quo nos verita-



ritatem docere susceperat. Fraus latere non poterat; diu enim est, quod homines in diversas partes scissi sunt, ad quas quisque rapere conatur verbum Dei. Clamitassent ergo falsarios, si vel minimum ab adversariis depravatum advertissent. Ita immutari non potuit, quin assereretur veritas ejus; dum sic & sic scriptum antiquitus, contendit ille qui arguit mutatum.

Addamus dictis, quod pluries descriptus sit Codex sacer, omnium manibus tritus, omnibus expressus linguis, ubique disseminatus, in omnibus locis & temporibus celebratus, allegatus ab innumeris scriptoribus. Igitur occultus error & perniciosus non potuisset irrepere in toties multiplicatos ejusdem Sacrae Scripturae codices per totum orbem terrarum; & id fieri, nemine conscio, cum assidue oculis legatur, & teneatur memoria, & nullo reclamante, cum tanti fiat. Amens sit, cujus mentem ea cogitatio subire potuerit, aut commentitium aut supposititium librum esse pro vero, qui olim scriptus, nunc exciderit aut totus corruptus sit. Ipse sibi fidem adstruit codex Scripturarum; omnia enim, ut dixi, quae continent, secum cohaerent. Facta, gesta, quae in eo narrantur, confirmantur omnibus antiquis & indubitatis monumentis; nec ulla re, nec verbis ullis potest mendacio argui, cum *nemo scriptorum*, ut aiebat Vopiscus in Aureliano suo, *non aliquid mentitus sit, quantum ad historiam.*

De Bibliorum scripto æquius & veriùs dici potest, quod in libro 1. de Oratore Tullius dicebat de scripto, quo primariae leges Romanorum continebantur. *Fremant omnes licet, dicam quod sentio, bibliothecas me-hercule omnium Philosophorum, unus mihi videtur XII. tabellarum libellus, si quis legum fontes & capita viderit, & auctoritatis pondere, & utilitatis ubertate, superare.* Sed pium obtundo lectorem, qui non eget hisce argumentis, volens sine

mora deduci in cognitionem libri, quem verè habet pro Dei verbo. Ut huic desiderio satisfaciam, notionem præmittam librorum omnium quos sacrum Volumen complectitur, noto enim generali argumento, siue non ignorata prorsus re, omnis qui de illa habetur sermo apertior est.

## C A P U T II.

*Enumerantur libri quibus constat sermo divinus,  
& cujusque libri brevis texitur  
historia.*

**B**iblia Sacra complectuntur volumina Deo auctore scripta, quæ enarrant mundi creationem, lapsum primi hominum parentis, promissiones divinas de orituro hujus lapsus Reparatore. Donec autem iste reparator, qui Messias appellatur adveniret, alterius fœderis mediator, & legis æquioris lator futurus, iniverat Deus per manus Moysis cum Hebræis fœdus, cumulans eos beneficiis, dum parebant legi ejus, & eo cultu illi deserviebant, quem Moysi præscripserat. Interea Deus mittebat Prophetas, qui spem facerent adventus Messiae. Prima pars Bibliorum, quæ continet ea quæ obtigerunt Hebræis, in adventus Messiae typum, ideo appellatur vetus fœdus, continens historiam fœderis quod olim Deus iniverat cum Hebræorum progenie Israelitis; & sumitur pro testamento, quod ut vim habeat, mors testatoris, ut loquitur Paulus, necesse est intercedat. Idcirco novum fœdus potissimum dicitur *Testamentum*, quia morte Christi confirmatum est: sed nomen illud convenit & vetusto fœderi, quod & firmatum est morte animalium, quæ fuit typus mortis Christi. Sic Biblia dividuntur in vetus & novum Testamentum. Istud appellatur Evangelium, quia attulit bonum nuntium Messiae.

Messia adventus, qui à creatione mundi expectabatur. Utrumque totum est de Christo, quem vetus pollicebatur venturum, novum advenisse affirmat, & hunc esse Jesum, natum ex Maria virgine. Instrumentum vel instrumenta, vel simpliciter, vel cum sacri ac divini adjectione etiam sancti Patres, ut Tertullianus, vocare sacras Literas. Scilicet *instrumentum* vox est usitata apud Juris-consultos, qui sic appellant omnem scripturam, quæ in pactis, conventionisque, ac rebus iis omnibus quas valdè certas, ratas, firmasque esse oportet, instruit ac docet attentius. Prima pars veteris Testamenti solet appellari ab Hebræis *lex*; legem enim Dei, quam Deus in monte Sinai dederat, habet; à Græcis *Pentateuchus*, quia scilicet quinque libros sive volumina continet, à *πέντε* quinque & *τάχον* volumen. Ex ordine enumeratione hos omnes libros.

Primum librum Bibliorum Græci interpretes *Genesim* inscripserunt. (*ἡ γενεα, generatio* seu *ortus*) quod contineat creationem & originem mundi, cœli, terræ, hominum, animalium, plantarum, omniumque quæ visuntur. Hebræi verò *Beresith* à prima totius libri dictione suo more appellarunt. *Beresith* autem idem sonat ac *in principio*. Genesis non solum mundi ortum, sed & progressus, mirabilemque MCCCCLXIX. annorum Dei gubernationem ad obitum usque Josephi pertexit. Nempe narrat originem rerum omnium, lapsum primi hominum parentis; quomodo Abel à Cain fratre occisus sit, & ejus loco natus Adamo Sethus; Sethi progenies sancta fuit, & nomine filiorum Dei insignita; Cain verò impia, & nomine filiorum hominum notata est. Cum matrimonio utrique juncti sunt, tunc prorsus humanum genus corruptum est; & hoc perdere statuit Deus, obruens terras diluvio universali, à quo tamen Noe cum tribus filiis servavit. Turris Babel,

voca-

vocatio Abraham, incendium Sodomiorum, Isaaci nativitas, Abrahamæ mors, matrimonium Isaaci, ex quo nati Esau & Jacob: quas uxores duxerit Jacob, ex quibus duodecim filios habuit; & inter eos Josephum, qui à fratribus suis venditus, postea eos liberavit à fame. Hæc omnia in libro Geneseos narrantur.

Secundus liber Græcè dicitur *Ἔξοδος*, id est, exitus, ab insigni liberatione filiorum Israel à servitute Ægypti; Hebraicè verò *veele semoth*, id est, & hæc nomina, à primis ipsius libri dictionibus nuncupatur. Continet autem duram populi Israelitici servitutem, ab ea liberationem, transitum per mare rubrum, divinæ legis promulgationem, structuram & erectionem Tabernaculi, concinnationem suppellectilium ejus, dispositionem partium, quibus constabat, & approbationem Dei conspicuis signis. Complectitur historiam rerum quæ gestæ sunt per CXLV. annos, à morte Josephi ad erectum Tabernaculum. Exodus enarrat quibus portentis tandem Moyses vicerit pertinaciam Pharaonis, qui captivos tenebat Israelitas.

Tertius liber *Leviticus* dicitur, quia leges ferè ejusmodi complectitur, quæ *Levi* posteris Sacerdotio admotis injunctæ sunt divinitus, ad obeundum publicum religionis cultum: nempe muneris Levitici dispositionem continet, leges quæ ad ceremonias & officium Levitarum pertinent; ut sunt holocausta, & reliqua sacrificiorum atque oblationum genera, ignis perpetuus, discrimen animalium mundorum & immundorum, in dictio festorum dierum, promulgatio anni Jubilæi, & alia quàm plurima, notatu digna, quæ in populo Dei dicta, factaq; sunt intra unum mensem & dimidium, ab erecto videlicet die prima mensis primi anni secundi Exodi Tabernaculo, ad mensem usque secundum ejusdem anni, in quo Deus jussit Moyssem censum

censum populi inire. Leviticus ab Hebræis vocatur. *Torat hacohanim*, id est, lex Sacerdotum, vel *vaiera*, id est, & *vocavit*, à primo libri vocabulo, ut de aliis jam dictum est.

Quartum librum Græci *ἀριθμὸς*, Latini *Numeros* inscripserunt, quod in ipsa fronte Moyses & Aaron ex jussu Dei censeant populum; nempe ineant populi numerum tributim. Hebræi, ut superioribus libris, ita huic quoque nomen imposuerunt à prima voce *vaiedaber*, id est, & *loquutus est*. Continet autem res gestas & leges promulgatas à secundo mense anni secundi post exitum ex Ægypto, usque ad initium mensis undecimi anni quadragesimi, id est, historiam annorum ferè triginta novem, censum populi, ordinem & situm castrorum, munera Aaronidarum, leges de immundis & zelotypia, de Nazareatu, de oblationibus principum, de consecratione Levitarum, de Paschatis celebratione. Narrat murmur Israelitarum, ob tædium itineris & mannæ fastidium; quomodo murmurationis conscii fuerint Aaron & Maria: quando missi exploratores in terram Chanaan; & quomodo, Core, Dathan & Abiron contra Aaronis sacerdotium murmurantibus, confirmaverit illud Deus, floreute solius Aaronis virga. In eo libro ponuntur leges de vacca rufa: murmuratio ob penuriam cibi & potus continetur; quam statim secuti sunt immissi in castra Israelitarum serpentes. Tunc & contigit historia Prophetæ Balaam, qui advocatus à rege Madianitarum ut malediceret Israelitis, contra benedixit, Deo sic volente, & celebre edidit vaticinium de orituro Messia ex gente Israelitica. Enumerantur quadraginta deserti stationes.

Quintus liber *Deuteronomium* dicitur, à *δευτερον* secundus, & *νόμος*, lex: quasi dicas secundam, seu secundariam legem, vel potius iteratam legem. Non enim alia est ab ea, quæ in monte Sinai data est;

sed

sed eadem denuò repetita coram filiis eorum, qui post primam promulgationem perierant in deserto. Hebraei, suo more, à primis dictionibus, *Hellehaddebarin*, id est, *hæc sunt verba*, hunc librum inscripserunt. Deuteronomium, inquam, appellatur hic liber quintus, quia, ut dicit B. Athanasius, repetit & declarat, sive iterat Moyses quidquid prædictum erat in Exodo, Levitico, & Numeris, omnia legitima, justificationes & præcepta, & populum observantiæ earum admonet. Incipit Legislator à brevi narratione rerum præteritarum: mox hortatur populum ad legis obsequium, quam diligenter repetit & explicat; prosequens res gestas ab initio undecimi mensis; juxta calculos Lancellotii; usque ad septimum diem mensis duodecimi anni illius qui ab exitu quadragesimus est. Nam sermo nomine Dei ad populum factus, qui initio libri narratur, contigit primo die undecimi mensis anni ab Exodo quadragesimi. Mortuus est autem Moyses, ut narrat Josephus, ultimo anni mense, & juxta caput xxxiv. Deuteronomii eum mortuum desieverunt Israelitæ in campis Moabitarum triginta diebus; adcoque toto mense duodecimo.

Horum quinque voluminum Moses auctor est; illa enim scripsisse adstruitur in Exodo (*cap. 24.*) & in Deuteronomio (*cap. 31.*) Octo verò postremos versus Deuteronomii, ubi de morte & sepultura Moysis agitur, nonnulli credunt additos ab Esdra; alii hæc Josue supplevisse: tamen Josephus asserat quod Moses mox moriturus seipsum in sacris voluminibus mortuum scripserit, veritus ne propter excellentes virtutes suas Judæi se à Deo raptum prædicarent.

Post Pentateuchum sequitur liber inscriptus *Josue*, qui ab ipsomet conscriptus putatur. Continet res ab illo gestas; à morte Moysis usque ad mortem ipsiusmet Josue: quin & res quæ non contigerunt nisi eo mortuo; quapropter non potuere ab illo describi.

Deus

Deus non deseruit Israëlitas, nec sivit errare sine duce. Mortuo Moyse, Josue fidelis ejus minister, qui sub eo didicerat artem quâ regendus populus Dei, huic præfuit, & dux ejus factus, Dei jussu, induxit Israëlitas in terram promissam. Tempus per quod gessit Josue quæ continentur in libro suo, vulgò censetur decem & septem annorum. *Josue* Hebræis idem sonat quod *salvator* Græcis. Illud LXX. exprimunt hisce characteribus *Ἰησοῦς* Jesus. Filius erat Nuni, quem Græci *Ναυῆ* *Nave* vocant. Statim misit exploratores, quos excepit Rahab meretrix. Transivit Jordānem miraculo ficcatum. Circumcidit Israëlē in Galgalis, phasē celebravit; & tunc deficiente manna, Israëlitzæ cœperunt comedere de fructibus terræ. Terram Chanaan occupant, evertunt Jerichō. Achan qui de anathemate hujus urbis quidpiam furatus fuerat, jussu Domini lapidatur. Rex Hai suspēditur. Gabaonitzæ se dedunt populo Dei. Josue plurimos reges vicit, & tandem partitur terram inter tribus Israël. Assignat refugii civitates, & quæ essent Levitis propriæ. Ad servanda Dei præcepta, & cavendam cum gentibus societatem, Israëlitas cohortatus moritur.

Liber, qui excipit librum Josue, dicitur *Judicum*. Nimirum post mortem Josue Deus excitavit *Judices*, qui sub hoc nomine rexerunt, & servaverunt Israëlitas. Dicti Hebræis *sopherim*. Indè Punicum vocabulum *suffetes*, quod Carthaginienses consules suos appellabant. Hi judices nulli erant humano judicio obnoxii: attamen non regia pollebant potestate; dicitur enim Judicum xvii. 6. *In diebus illis non erat Rex in Israël; sed unusquisque quod sibi rectum videbatur, hoc faciebat*. Horum, qui eligebantur in Judices, præcipuum munus erat asserere libertatem populo Dei; imperium autem eorum procul omni pompa mansuetum & civile. Non ergo monarchæ

cen-

censendi, sed pastores, consules, præsidēs liberi populi; quoad externa parum à civibus differentes. Asserta libertate populi, ad pristinam vitam redibant.

Post Josue, numerantur tredecim Judices, puta, Othoniel, Aod, Samgar, Debora prophetissa ( una cum Barac ) Gedeon, Abimelech, Thola, Jair, Jephre, Abesan, Ahialon, Abdon, & Sanson. Liber Judicum refert statum reipublicæ sub illis iudicibus à morte Josue ad Sansonis mortem, & exhibet servitutes varias quibus Deus peccata Israelitarum castigabat. Sub finem verò aliqua habentur exempla, quibus ostenditur, quàm corruptis moribus, & ad idololatriam fuerint illi propensi; ut historia Michæ de tribu Dan, qui conducto Levita in ædibus suis colebat idola. In eodem Judicum libro refertur impium & violentum facinus Benjamitarum, qui uxorem cuiusdam Levitæ stupro violaverunt. Quod ut ulciscerentur cæteræ tribus, iniere prælium cum tribu Benjamin, quam internecione serè deleverunt. Liber Judicum continet acta per annos CCCXVII. cum singuli annorum numeri, quorum mentio est, colliguntur & rectis calculis numerantur. Etenim observandum Hebræos frequentius uti numero cardinali pro ordinali; ideo ubi *quadraginta* vel *octoginta* annis terram quievisse dicitur, id intelligendum de *octogesimo*, vel *quadragesimo anno*, ab ultima pacta pace annos scilicet dinumerando. Quod cum ita fiet, invenietur in libro Judicum spatium CCCXVII. annorum comprehendi: ab anno scilicet mundi MDLXX. ad annorum MMDCCCLXXXVII.

Libellus dictus *Ruth*, eximie pietatis & divinæ providentiæ singulare exemplum exhibet. Historiam Ruth Judicum tempore contigisse in ipso libri initio significatur. Exorta fames in terra Israel coegerat Elimelech Bethleemitem cum Noemi uxore & duobus filiis, quos ex illa susceperat, abire ad Moabitas.

Ivi



Ibi mortuus est Elimelech, & filii ejus nupserunt quique Moabitidi, quarum una appellabatur Ruth. Mortui sunt illi sine prole; quare Noemi cogitavit de reversione in patriam. Ruth socrum piè subsequuta usque Bethlehem, secundis nuptiis juncta est cum Boozo prædivite, ad quem pertinebant hæreditario jure bona filiorum Elimelech; ideo lege Dei tenebatur, hanc in conjugem accipere. Ex his nuptiis natus est Obed Davidis avus, juxta genealogiam Matthæi. Terra promissa coli cœpta est anno mundi MMDLX. post quem annum Salmon nupsit Rahab meretrici. David natus est anno mundi 2919. Ita inter ingressum terræ promissæ usque ad Davidem elapsi sunt circiter 360. anni aut 366. quos Heideggerus in Enchiridio suo Biblico sic commodè distribuit, ut Rahab anno post ingressum in terram Chanaan 42. ex Salmone Boozum: Boozus Obededom ex Ruth anno ætatis 102. (adeoque circa tempus Samgaris, qui Eudi sive Aod successit, anno post ingressum in terram Chanaan 128.) Obededom Jessen anno 111. Jesses Davidem anno etiam 111. genuisse dicantur. Libros Judicum & Ruth dicunt collectos alii à Samuele, alii ab Ezechia, alii ab Esdra. Judæi numerant librum Ruth inter quinque *meghilot*, id est, libellos qui per annum legi in festis solent. Illi sunt Canticum, Ruth, Threni, sive lamentationes, Ecclesiastes, Esther.

Quatuor libros qui sequuntur, Græci appellant *Βασιλειῶν*, id est, *Regnorum*, ut à quibusdam Latinis nuncupari sunt; quodd de duodecim tribuum regno, primùm integro, postea diviso, tractent. Plerique tamen Latini *Regum* dicere maluerunt, quodd præposita tantum Samuelis historia, quæ & ipsa ad dignoscendam originem instituti regni erat necessaria, cætera ad Regum facta pertineant. Hebræi verò duo tantum posteriores *Regum* appellant, priores Sa-

muclis nomine insigniunt; cujus hæc esse potuit ratio, quòd & historiam dudum Regum à Samuele unctorum contineant, & quæ tam in hoc de Saule, quàm in altero de Davide referuntur, Samuelis vera esse vaticinia comprobent.

Horum ergo *Regum* primus res gestas narrat sub iudicibus Heli & Samuele, nec non sub rege Saule, & per spatium annorum 101. extenditur; ab anno scilicet Heli primo, qui est mundi 2848. ad mortem Saulis, quam anno 2949. adscribimus. Secundus liber *Regum* res gestas à morte Saulis ad finem usque Davidici Regni describit, annorum circiter XL. historiam exhibens. Hi duo primi libri *Regum*, sive duo libri Samuelis creduntur conscripti partim ab ipso Samuele, partim à Nathan & Gad prophetis, ut conicitur ex calce primi libri Paralipomenorum, ubi allegantur quasi scriptores gestorum Davidis.

Tertius liber *Regum*, qui secundum Hebræos primus est *Melachim*, id est, *Regum*, incipit à Salomone, præmissa tantum narratione, qua ostenditur quomodo ad Regnum ipse pervenerit. Regno deinde in duas partes scisso, quatuor regum Juda & octo regum Israel res gestas pettexit: tota verò libri historia annos complectitur CXXVI. è quibus priores XL. Salomonis fuerunt: Cateri reliquorum regum, tum Judæ, tum Israelis. Denique quartus liber, sive secundus *Regum* secundum Hebræos, continet res gestas sexdecim *Regum* Juda, & duodecim regum Israelis, & prophetarum, qui sub illis vixere. Terti & quarti libri *Regum* ignoti sunt auctores. Ab Esdra aut à Jeremia qui dicunt scriptos, nullo certo nituntur argumento. Verisimile est per compendium fuisse collectos ex variis diariis, quæ tunc temporis nota erant.

Græci libros illos qui in Latinis & Græcis Bibliis sequuntur, appellant *Paralipomenon*, hoc est, *præ-*  
*miss-*

*missorum*; quòd ibi nonnulla in Pentateucho, & in libris Josue, Judicum, Samuelis & Regum, aut omiſſa, aut brevius dicta, repetunt & repræſentant. Idem libri chronica inſcribuntur, quia in illis narratur quo ſerè tempore quidque geſtum ſit: Hebræi eos appellant *dibre haiamin*, id eſt, *verba dierum*, quòd ex Regum diurnis excerpti ſint: Dies ſæpiùs ſumitur pro anno in ſacris Scripturis; ſic *verba dierum* annales ſunt: nempe ſunt Ephemerides, ſive geſta diurna. Unus eſt autem Paralipomenon ſive Chronicorum liber apud Hebræos, id eſt, non in duos libros dividitur, ut apud Græcos & Latinos. Huncce librum ab Eſdra ſcriptum conſtans fama ſemper obtinuit. In horum autem priore, propàgatio gentis Iſraeliticæ ab Adamo ad reditum uſque à captivitate breviter recenſetur. Deinde repetita à Davide hiſtoria, ejus regnum accuratiùs deſcribitur, ad Salomonis uſque unctiõnem; hoc eſt, ad annum mundi 2990. In ſecundo libro hiſtoria annorum 479. textitur; ab anno ſcilicet mundi 2990. ad annum 3468. cùm finitis LXX. annis captivitatis, Cyrus Judæis redeundi poteſtatem fecit. Genealogiæ veterum tributum & familiarum Iſraeliticarum ſub captivitate non parum conſuſæ fuerant; idè auctor horum librorum in Judæorum uſum has genealogias magno ſtudio indagavit, & conſignavit; tum ut gentes Iſraelitis per connubia inſertæ ab iſdem diſtinguerentur: tum ut ipſæ tribus Iſraeliticæ in certis familiis ſuis poſt hac ſe continerent. Nobis multum hi libri conducunt, ut aperta ſit Genealogia noſtri Salvatoris JESU CHRISTI, quomodo ortum duxerit ex Abrâham & Davide.

Paralipomenon libros excipit ille liber qui Hebræis dicitur *Eſdras*, quo continetur ſeries hiſtoriæ Hebræorum, poſtquam in patriam à captivitate Babylo-nis reverſi ſunt. Ab Eſdra ſcriptore nomen eſt ſor-

titus. Ille, ut de se dicit capite octavo, scriba erat velox in lege Moysis, nempe legis-peritus. Tertulianus & quidam alii antiqui scriptores tradunt illum Scripturæ libros à Chaldæis unà cum Templo exustos, restituisse. Verùm Chaldæi non omnia exemplaria combusserant, siquidem Daniel legebat Jeremiam post Templum incensum. Series historiæ hoc libro comprehensæ est annorum circiter LXXXII. ab anno scilicet mundi 3468. quo Cyrus, Cambise pater in Persia & Cyaxare socero in Media vita functis, orientis monarchiæ positus est, ad annum 3550. qui fuit vigesimus regni Artaxerxis illius, qui Longimanus dictus est.

Liber *Nehemia*, qui & *Esdra secundus* dicitur à Nehemia scriptore nomen accepit. Vidit hic Esdram, eique superstes fuit, ex cujus consilio animum ad scribendum applicuisse dicitur; undè etiam Esdræ secundus dictus liber. Continet autem instaurationem Jerosolymorum, correctionem reducis populi, & labentis Dei cultus renovationem. Historia est annorum circiter XXXI.

Post generalem historiam Judæorum, sequuntur libri in quibus enarrantur, non acta totius gentis, sed quorundam virorum & mulierum, ut Tobia, Judith, Esther, Job. Liber cui *Tobia* nomen inscribitur, continet eximie pietatis, singularis patientiæ, & Dei in suos providentiæ, præclara documenta, temporibus Salmanasaris Assyriorum regis, sub quo Tobias abductus est captivus cum plerisque Israelitis.

In libro *Judith* celebratur præclarum facinus Judith, generosæ scæminæ, quæ Holophernem interficiens liberavit Judæam. Tempus quo id contigerit, non constat: alii ante, alii post Judæos in captivitatem abductos. Ubi de auctoritate hujus libri differemus, illam quæstionem expendemus.

In li-

In libro *Esther* legere est quæ pro Judæis populatibus suis hæc mulier perfecit; quomodo per illam Deus universam Judæorum gentem jamjam perituram servaverit, & Aman, qui excidium illius insidiosè machinabatur, percusserit. Res contigit in diebus Assueri regis Persidis. Quis ille sit, an Darius Persæ, an Darius Medus, an alius, incertum est. Verisimilius conjectant, qui opinantur Assuerum maritum Esther fuisse Darium Hytaspis. Valerius Maximus libro nono memorat inter reges Persarum, quemdam Ochum postea dictum Darium, qui septem magos interfecerat. Ochus nomini Hebræo אָחָשְׁוֵרֶשׁ respondere potest; auctum autem additamento regio, ut fieri solebat, factum אָחָשְׁוֵרֶשׁ *ahafueros*, undè *Assuerus*. Omnia conveniunt in Darium Hytaspis, qui occidit magos.

Sequitur in Bibliis vulgatis liber *Job*; quem etiam plerique Hebræi negant in rerum natura fuisse. Quæ de illo habet Scriptura, dicunt non veram esse historiam, sed parabolam, ad patientiæ exemplar adornatam. *Prædives Job opibus: sed eò illustrior, quod his neque integris corruptus, neque amissis depravatus est*, inquit Sulpitius Severus. Quo tempore vixerit, & historia ejus scripta sit, latet; nisi quod satis liquet, nondum scripta lege, cujus non meminit. Quin multò antiquior Mose censeri potest, quia vita ejus producta sit ad ducentos annos; qui vitæ terminus tempore Moysis contractior erat. Præterea quia ipse tanquam pater-familias sacrificavit, quod sub lege, & post eam, non licuit; licebat prius, Patriarcharum more. Patria ejus nec benè nota est. Certè vicina fuit Chaldæis; & vicini *Sabæi* in Arabiæ desertæ parte magis aquilonari. Nominatur אֲוֶזַח *Utz* vel *Hus*. Tres in sacris Literis nomine *Utz* insigniuntur. Unus nepos Semi ex Aramo (*Genes.* 10. 22. 23.) cujus sedes fuit in Aramæa sive Syria; quique jam

olim conditor Damasci & Trachonitidis creditus, Alter filius Nachor (*Genes.* 22. 21.) cujus regio dicta *Utz*, *Ustis* vel *Ausitis*, posterius *Ausita*, Arabiæ desertæ incolæ. Postremus ex gente Horæorum (*Genes.* 36. 28. *Deut.* 11. 12.) qui post ab Idumæis sunt expulsi. Patriam Jobi *Utz* à secundo illo dictam, adcoque nec Syriæ, nec Idumææ, sed Arabiæ desertæ, inde docti colligunt, quòd sola illa regio *Utz* seu *Aus*, *Ausitis* nuncupetur, à primo scilicet fundatore *Urtzo*: Trachonitis verò nuspiam terra *Utz*, sed terra *Galaad*, *Basan*: Idumæa etiam non terra *Utz*, sed terra *Edom*, *Seir*, *Theman*. Job natus videtur ex posteris vel Nachor fratris Abraham, cujus filius *Utz* ille fuit, à quo *Ausitis*; vel ipsius Abraham, per filium aliquem ex Cetura genitum.

Deinde sequuntur in Codice sacro libri, qui spectant mores. Primus ex illis occurrit liber *Psalmodum*; proximior historicis, ad quos etiam referri posset: enarrantur enim in illis Dei gesta; & quasi brevium est rerum quæ hæcenus fieri contigerant. Hebræi hunc librum appellant *sepher thehillim*, hoc est, *librum laudum*, nempe Dei. Græci appellant *ψαλμός* & *ψαλτήριον*, à *ψάλλω* leni motu percussio. *ψαλτήριον* instrumentum est quo psallitur, cujus percussus sonus propriè *ψαλμός* *psalmus* dicebatur. Canebant Judæi cantiones sacras ad pulsus citharæ vel nabli. Psalmorum liber unicus est apud Latinos, sed in quinque partes dissectus apud Hebræos; quarum unaquæque hac clausula terminatur, *fiat, fiat*, Hi omnes Davidis dicuntur, non quòd is omnium sit auctor, sed quòd multos veterum Vatum collegerit, (aiunt enim & aliquos à Moyse decantatos) & plurimos ipse addiderit. Præterea quidam sunt posterioris ætatis, quorum Esdras & alii auctores feruntur. Qui illi fuerint, scire non satagimus. Etenim quod de libro Job dicebat Gregorius Magnus: *cum rem cognoscimus, qui scri-*

scriptorem querimus, quid aliud agimus, nisi legentes  
litteras de calamo satagimus?

Sequitur liber Græcè *παραίτις*, id est, *Proverbia*  
dictus & Hebraicè *Misle*. Nomen Hebræum propriè  
significat parabolam, sive comparisonem, etiam  
egregium & præcipuum dictum, à verbo *Maschal*,  
quod est, *dominari, simul & aliquid similitudinis ha-*  
*bere*. Ergo per illa proverbia licet intelligere senten-  
tias breves, acutas, similitudines quæ rem proposi-  
tam illustrent, symbola qualia sunt Pythagoræ ænig-  
mata, quæ quidpiam occultum significant, & pro-  
verbia, quæ ut plurimum vero veriora experire est.  
Hæc omnia quæ occurrunt in hoc ce libro, reputan-  
tur sapientum verba. Ipse Salomon in tertio libro Re-  
gum cap. 111, dicitur locutus tria millia parabolatum.  
Auctor ergo censei potest plerorumque horum Pro-  
verbiorum. Forsan de se loquitur cap. xxx. *verba con-*  
*gregantis* & cap. xxxi. *verba Lamuelis regis* &c. Quam-  
vis aliter videatur viro perito, cujus sensum capite  
sequenti proferam.

Liber *Ecclesiastes* dicitur Hebræis *Cohleth*, à ver-  
bo *Cahal*, quod est, *Convocavit*: qui concionem si-  
ve Ecclesiam advocavit. Ecclesiastes nomen est Græ-  
cum ejusdem significationis *Εκκλησία*, *concia* & *concio-*  
*nis locus*. Ipse Salomon, sive nondum peccator, si-  
ve pœnitens, in hoc libro concionatur de rerum mun-  
danarum vanitate; quas ut in contemptum adducat,  
loquitur de homine, quasi perinde & animalia mo-  
reretur. Sic premit tumentes animos.

Canticum Canticorum carmen est vocatum ab He-  
bræis *Sir Hasiim*, id est, *Canticum Canticorum*:  
quasi diceret, nobilissimum carmen, seu excellentissi-  
mum Canticorum. Creditur esse nuptiale carmen,  
exprimens castos, jucundosque complexus animorum.  
Sive, potius totum mysticum est, exhibens argumen-  
tum incomprehensibilis amoris Christi erga Sponsam

uam, ac vicissim Sponsæ erga Christum Sponsum. Hæc legendo, decet revocare in memoriam quod dicit Paulus secundò scribens Corinthiis cap. 11. 2. *Emulor enim vos Dei amulatione. Despondi enim vos uni viro virginem castam exhibere Christo*. Testatur se zelo Dei æstare, ut fideles Corinthios uni viro Christo sistat, tanquam virginem castam. Ad legendum spiritualis amoris carmen, qui non amat spiritualiter, frustra accedit, quia non potest capere ignitum eloquium frigidum pectus. Idcirco illud canticum, nec principia Genesios Judæis legere licebat, ante annum trigessimum, ut nos docet Hieronymus. Animadverendum autem illum libellum, de quo loquimur, esse *dramaticum*, id est activum. Scilicet scriptor non ipse loquitur; sed inductæ personæ agunt & loquuntur: ita species quædam est *Dramatis*. Librum illum Salomon videtur composuisse, post constructam in saltu Libani domum æstivam, *veni de Libano, veni coronaberis* (cap. 4. v. 8.) Nullus in hoc opere de moribus sermo est; nec Deus semel nominatur.

Subsequitur *Sapientia liber*, sic dictus quòd de Sapientia tam Increata quam creata tractet. Apud Græcos inscribitur *Sapientia Salomonis*, non quia ipse librum scripserit, ut aliqui opinati sunt, sed quia sententiarum quæ in eo sunt saltem ac sensuum auctor sit. Nam vulgò creditur scriptum fuisse à Philone Alexandrino, qui vixit sub Claudio & Caio Imperatoribus. Plerique tamen opinantur scriptorem libri Sapientie Philone Alexandrino antiquiorem.

Sapientiam excipit *Ecclesiasticus*, sic appellatus, ut placet Augustino, quia in Ecclesia legeretur. Etenim, ut suo loco dicemus, libri qui in Ecclesia legerentur, appellabantur Ecclesiastici, ad distinctionem eorum, qui propter majorem auctoritatem, appellabantur *Canonici*. Alii putant Ecclesiasticum à Latinis inscribi, ad imitationem simul & distinctionem libri

Jalo-



Salomonis, qui Ecclesiastes appellatur; complectitur enim similia morum axiomata. Antiqui etiam *παρα-  
peton* vocant, quia de omni virtute præcepta tradit. Inscríbítur à Græcis, *Sapientia Jesu filii Sirach*: à quo videlicet primùm Hebraicè hic liber scriptus est, deindè versus in Græcum ab alio Jesu, illius nepote vel abnepote; quo verò tempore, indicat prologus: *Ego autem, inquit, anno trigesimo octavo Regis Evergetæ, postquam perveni in Ægyptum, & cum multum temporis ibi fuissém inveni ibi libros relictos, non parvæ & contemnendæ doctrinæ, quos mihi visum est interpretari.*

Omne vetus Testamentum haberi potest pro venturi Messiae vaticinio: ita omnes libri sunt vaticinia & prophetiæ. Sed hoc ce nomine donantur, quæ gesta & dicta continent quorundam virorum, quos Spiritus Dei aflaverat, ut prænuntiarent quæ sub Christo essent ventura. Hunc semper intuebantur; ita ut verbis eorum sæpè subsit duplex sensus, sive vaticinii eorum argumentum sit tum tempus præsens tum futurum. Prænunciabant rem proximè futuram; quæ esset vaticinium Christi adventuri. Primus, inquam, & obviús sensus accipiendus de re aliqua præsentí: Alter magis reconditus ad Christum pertinet. Ita in vaticinio Isaïæ de Virgine paritura, ut infra dicemus fusiùs, proximè spectabat Propheta Virginem quam duxit, cujus partus esset regi Achab signum proximæ liberationis; sed portenderet alium partum qui verè portentum esset, & signum verioris liberationis. Non ambigi potest, quin Isaïas intuitus fuerit Mariam Virginem & Christum prolem ejus; ita meritò Matthæus huic vindicat celebre vaticinium.

*Propheta in majores quatuor & minores duodecim vulgò distribuuntur. Majores dicuntur, quorum majora sunt opera; Minores, quorum minora. Majores sunt Isaïas, Jeremias, Ezechiel, Daniel. Cum*

Jere-

Jeremia conjungitur Baruch, qui huic Prophetæ officium scribæ præstitit. Threni *Θρῆνοι*, id est, *lamentationes* Jeremiæ faciunt libellum. Harum lamentationum argumenta sunt destructio urbis Jerusalem & captivitas populi. Numeris quibusdam astringuntur, per alphabetum digestæ omnes; hoc cum discrimine, quod primum, secundum & quartum caput singulis literis singulos dant versus, Caput tertium tertios.

Minores prophetæ in uno volumine continentur propter brevitatem suam, quod appellatur ab Hebræis *threafar*, Chaldaicum nomen, idem sonans quod *duodecim*. Minores prophetæ sunt Osee, Joel, Amos, Abdias, aliis dictus Obadias, Jonas, Michæas, Nahum, Habacuc, Sophonias, aliis Zepharias, Aggæus, Zacharias, Malachias.

Post Prophetas sequuntur libri *Macchabæorum*. Illi referunt quæ à Macchabæis gesta sunt. In historia Gentis vidimus Macchabæos sic dictos, quia in vexillo haberent literas, à quibus incipiunt nomina hujus sententiæ, *quis sicut tu Deus inter deos*. Duos admittit Ecclesia in Ecclesiasticum canonem libros Macchabæorum. Primus continet bella Domini, quæ adversus impias gentes, Antiocho Epiphane, & Eupatore, Demetrio Sotere, Alexandro Epiphane seu potius Epimane, Demetrio Nicanore, & Antiocho Sidete regibus, Ecclesiam persequentibus, Heroes Assamonæi, pontifices simul & principes, puta Matthathias & filii ejus tres, Judas Macchabæus, Jonathan & Simon, unus post alterum gessere. Matthathias proavus à Josepho nuncupatur Assamonæus, inde qui à Græcis & Latinis Macchabæi, ab Hebræis appellantur Assamonæi. Nomen illud occurrit in Psalmis, & indicat viros primarios, principes; quod ergo ob præclaras virtutes suas Macchabæorum genti tributum sit.

Primo libro Macchabæorum alter adjungitur, qui dicitur

dicitur secundus, non quòd historiam Macchabæorum in libro primo ad Joannis Hircani tempora usque productam continuet, quod fieri tamen interesset, sed quòd quædam Macchabæos concernentia complectatur; adeòque *alius* potius quàm *secundus* dici meruerat.

Paucis verbis perstringam quæ spectant libros quibus constat *Evangelium*; nemini enim Christiano id potest esse ignotum. Evangelium continet primò quatuor Evangelistas, Matthæum, Marcum, Lucam, Joannem, à quibus potissimum descriptus est adventus Domini nostri JESU CHRISTI. In opere eorum maximè describitur Evangelium; nempè illud bonum nuntium, quod à tot sæculis expectabatur de Adventu Messiae in terras. Idèd prima pars Evangelii id sibi vindicat, ut propriè *Evangelium* nominetur. Subsequuntur *Actus Apostolorum*, scilicet historiae Apostolorum à morte Christi per annos circiter triginta,

Deinde *Epistola* Beati Pauli, una ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos. Postea sequuntur *Epistola Catholica*, id est, ad omnes missæ, non ad quemdam virum, aut Gentes quasdam. Una est Jacobi: duæ Petri, tres Joannis, una Judæ Apostolorum. Denique in ea parte Bibliorum, quæ novum fœdus constituit, continetur *Apocalypsis* Beati Joannis Evangelistæ, hoc est, revelatio Arcanorum quæ Deus illi patefecit.

## CAPUT III.

*De divisione Librorum sacrorum. De distinctione sectionum majorum & minorum, capitulorum, versuum. De antiquis divisionibus Veteris Testamenti, ut spatium annuum per omne Sabbatum in synagogis legeretur.*

UT quam pertexuimus Librorum Sacrorum plenior sit historia, juvat circa hos libros quæretum dispositionem eorum in sacro Codice, sive ipsius sacri Codicis partitionem, tum & alia quæ hujusce capitis titulus indicat esse quærenda. Jam diximus sacrum Codicem primum complecti duas partes, nempe utrumque fœdus, quod Deus cum hominibus fancivit, *vetus & novum*. Ad Judæos potissimum attingit *vetus*, sicut ad Christianos *novum*. Nempe à Judæis vetus instrumentum accepimus; ideo & ab illis mutuanda quæ nunc circa illos libros quærimus.

Josephus & Philo tot Libros Sacros quot literas in Alphabeto Hebræorum, scilicet, viginti duos agnoscunt in veteri fœdere. Hi ascribunt librum Ruth Judicum libro, sicut Lamentationes Jeremiæ aliis scriptis hujus Prophetæ. Quidam verò Rabbinii pro uno distincto libro statuunt librum Ruth, & pro altero Lamentationes Jeremiæ, numerant viginti quatuor libros, quos distinguunt literis Alphabeti; sed cum hæ sint tantum viginti duæ, ter repetunt literam *jod*, in honorem magni nominis Dei, *Jehova*, quod ab hac litera *jod* incipit. Triplex autem *jod* more Chaldaico solet etiam nomen Dei exprimere. Hos viginti quatuor libros, in quibus ubique Christus annuntiatur, repræsentat Joannes in Apocalypsi numero viginti quatuor seniorum, quos inducit adorantes Agnum, ut adstruit D. Hieronymus.

Vigin-

Viginti duo, sive viginti quatuor libros veteris fœderis iterum dividunt Judæi in tres partes, scilicet in Legem, Prophetas, & Hagiographa sive sancta Scripta. Omnes libri quibus constat Scriptura sunt sacri; sed cum aliud nomen quo tertia pars distingueretur, non illis suppeteret, hujus partis Libros appellavere *Ketuumim*, id est, *scripta*, per emphasim intelligentes, hoc est, *sacra scripta*, ut loquuntur Græci; Hagiographa. Ad illam divisionem Christus forsan respiciebat apud Lucam (*Cap. 24. v. 44.*) dicens, *Quoniam necesse est impleri omnia quæ scripta sunt in Lege Moysi, & Prophetis, & Psalmis de me.* Librum autem Psalmorum nominat pro quocumque Sancto Scripto. Lex continet quinque libros Moysi. Prophetæ habent octo libros; in secunda etenim classe, complectuntur quos priores Prophetas appellant, ut primus liber hujus classis sive Prophetarum sit liber Josue, secundus Judices, cui libro aliquando connectitur Ruth, tertius Samuelis quem nos Regum primum & secundum dicimus, quartus Regum qui tertio & quarto Regum volumine continetur. Sequentes Prophetas appellant posteriores. Classis posteriorum Prophetarum, quintus est Isaias, sextus Jeremias, septimus Ezechiel. Octavus verò liber continet duodecim minores Prophetas. Sic advertit lector inter Prophetas Danielelem non recenseri: Tertius denique ordo Hagiographa, id est, Sacra Scripta continet, quo nomine cæteros libros sacri Codicis significant. Primus Hagiographorum incipit à Job, secundus à Psalmis Davidis, tertius habet Salomonis parabolas, quartus Ecclesiastem, quintus Canticum Canticorum, sextus Danielelem. Jam diximus hunc eximi à Judæis è numero Prophetarum, quanquam illi agnoscant hominem esse à Deo inspiratum; edidit enim clara vaticinia tum de Messia, tum de eventibus; undè merito à Christo appellatur Propheta:

sed

sed sic placuit Judæis. Rationem hanc reddit Mai-  
monides insulsam, cur inter Prophetas non cum nu-  
merent, quia, inquit, Danieli non vigilanti & benè  
composito, sed per obscura somnia obtigerint reve-  
lationes. Septimus liber Hagiographorum habet ver-  
ba dierum sive Chronicorum, qui liber apud nos  
inscribitur Paralipomenon primus & secundus: Octa-  
vus hujusce classis est Esdras; nonus Esther.

Sunt qui velint olim à Judæis dictos peculiari ratio-  
ne Prophetas, qui certo adscripti collegio, scriptis  
commendarent acta publica; quorum ergo scripta nu-  
merabantur inter libros Prophetarum, etiam si vati-  
cinia non continerent: quales sunt libri Josue & Ju-  
dicum. Contra verò qui Collegii prophetici viros  
non haberent auctores, quanquam annuntiarent fu-  
tura, eximebantur numero librorum propheticum.  
Nos cum Judæis & Græcis numeramus centum quin-  
quaginta psalmos; Græci verò & Latini in eo discor-  
dant ab Hebræis, quia in versionibus suis nonum psal-  
mum conjungunt cum decimo, & ne numerus defi-  
ciat, psalmum CXLVII. in duos dividunt.

Hæ sunt generales divisiones veteris instrumenti.  
Porro Pentateuchus dividitur à Judæis in *Paraschas*,  
ut loquuntur, id est distinctas sectiones, easque vel  
maiores vel minores. *Paraschæ* majores sunt pensa  
hebdomadaria lectionum legis, numero quinquaginta  
quatuor, quia, ut diximus, singulis annis Pentateu-  
chum legendo tenentur Judæi absolvere, finem facien-  
tes in festo Tabernaculorum, à sequenti Sabbato su-  
munt initium annuæ lectionis. In nostro quidem Ka-  
lendario non sunt ultra quinquaginta duæ septimanae.  
Igitur annuo spatio sufficerent quinquaginta duæ *Pa-  
raschæ*, sed Judæi rationem habuerunt anni intercala-  
ris sui, qui abundat uno mense; undè in annis vul-  
garibus duas *Paraschas* conjungunt. *Paraschæ* minores  
sunt ~~minutiores intersectiones~~ intersectiones legis, sive *Parascharum*  
majo-

majorum, pro diversitate materiæ. Paraschæ autem tam majores quàm minores dividuntur in *petuchot*, ut loquuntur, id est, *sectiones apertas*. Cæterum Paraschæ apertæ & quidem majores signantur tribus **DDD** majoribus, sive litera *phè* majoriter repetita, minores unico **D** *phè* & minuscule. Porro qualibet sectio aperta nomen sortitur à prima sua voce. Sic prima Parascha totius sacri Codicis dicitur *Bereschit*, quæ prima vox est Geneseos, & idè totius Scripturæ. Aliæ Paraschæ appellantur *Sethumot*, id est, *clausæ*, & inchoantur in medio lineæ. Hæ Paraschæ *Sethumoth* sunt majores & minores. Quæ majores sunt, signantur tribus majoribus **DDD** *samech*; at minores, unico **D** *samech* minuscule, ut videre est in plerisque Bibliis Hebraicis.

Denique quælibet Parascha major subdividitur in septem portiones, quoniam septem sunt lectores, quorum quilibet suum de Parascha legit pensum. Sacerdos, si adsit, primus legit; secundus Levita; deinde alii lectores, pro ratione dignitatis.

Singulis paraschis respondent *hastara*, sive lectiones Prophetiæ, sic dictæ quia his lectis populus dimittebatur. Ea est enim vocis *hastara* significatio, quæ derivatur à verbo quod Hebræis idem sonat quod *dimittere* Latinis. Hæc lubentius observo, ut appareat illam consuetudinem in Ecclesia, legendi sacrum Codicem, habere suum ortum ex antiquis Judæorum ritibus; tum etiam distinctionem illam lectionum & Canticorum nobis usitatam, sive morem tum psallendi tum legendi. Christiani imitati sunt Hebræorum paraschas in Evangeliiis Dominicalibus, & hastaras in Epistolis quæ leguntur in Missis, tum ex libris Prophetarum, tum ex aliis Scripturæ libris, sed frequentius ex Apostolorum Epistolis. In Calendario Hebræorum quod proposuimus videre est singulis sabbatis per mensem, quæ tunc parascha legeretur; & quæ hapha-

haphtara huic Paraschæ responderet. Sectiones medias. Hebræi vocant *sidras*, id est, ordines, seu sectiones Paraschis breviores, à Masorethis adscriptas libris Sacris, ut pro cohærentia aut diversitate rerum per omnes libros veteris Testamenti, quibus communes sunt, textus dispescatur.

Altera divisio est sacri Codicis per capita, Hebræi appellant *perachim*, quasi dicerent *fractiones*, *fragmina*. Quid Græci in Actis (*cap. 8. v. 32.*) intelligant per *ᾠοχλὼ τῆς γραφῆς*, quod vulgatus Interpres reddit simpliciter *locum Scripture*, ambigitur. Alii putant indicari *Parascham*, alii *Haphtarām*. Ille locus allegatur de Isaia Propheta, ubi Christus dicitur ductus ad occisionem tanquam agnus.

Divisio sacri Codicis per capitula inventum est Christianorum, qui imitati sunt Hebræos dividentes Pentateuchum in sectiones. Postea ipsi Hebræi & illam divisionem Christianorum adoptaverunt. Distributio per capitula ab aliis refertur ad Hugonem Cardinalem; ab aliis ad Carolum Magnum. Reliqua divisio textus est ratione versuum, qui continuitatem ejus dirimunt, & in sententias sive perfectas sive intercisas accentu quem Hebræi appellant *soph pasuch*, quæ divisio ignota erat antiquitus Hebræis; ut docet Elias Levita, observans librum legis fuisse scriptum sine versuum distinctione, qua adhuc caret in exemplaribus quæ in synagogis Judæorum, in Arca sancta, ad lectiones solemnes Sabbaticas & festales asservantur. Attamen codices Judæorum fuisse antiquitus divisos per sententias, commata, membra, & versus, & intervallis quibusdam distinctos innuere videtur B. Hieronymus in præfatione Paralipomenon & Isaïæ. Dicit ad utilitatem legentium in translatione sua servasse easdem commatum incisiones & intervallorum distantias, quas in Hebræis codicibus invenerat.

Hic animadvertendum est sectiones illas *Perachim* dici



dici κεφαλίδας capitula, nempe certas particulas, partes Scripturarum, quas nos capitula appellamus. Quod Hebræi nominant *meghilla*, hoc est, *volumen*, Græcis interpretibus dicitur κεφαλὴς: sic Psalmo trigesimo nono, ubi canitur *Ecce venio, in capite libri scriptum est de me*, græcè est, ἐν κεφαλίδι Βιβλίας: in fonte in *meghilla sepher*, nempe in *volumine libri*. Sic ubi Ezechiel jubetur *comedere volumen*, Græci nomen *meghilla* reddunt κεφαλίδα. Verisimile non est propositum Ezechieli omne volumen Bibliorum, quod comederet; sed quoddam *perusch fragmentum*, quampiam sectionem, capitulum. Quæritur ergo quis sit sensus verborum psalmi, quæ Apostolus ad Hebræos interpretatur de Christo x. 7. *Ecce venio, in capite libri scriptum est de me ἐν κεφαλίδι* &c. Putavit B. Hieronymus illud capitulum esse Geneseos principium, quod tale est, *Bereschith* id est in capite, in initio. Sed decet potius accipere verba Christi de volumine Scripturæ, quod totum est de Christo; & ideo sicut in Evangelio dicit de Mose, *de me scripsit*; ita de tota Scriptura; quasi dicat in omni capitulo scripturæ de me agitur.

Libros novi fœderis statim Christiani, ut publicè commodiùs legi & intelligi possent in *μεγαπάρ* sectiones seu particulas majores, ejusdem scilicet argumenti materias inter se connexas, & sub uno quasi communi titulo inter se comprehensas, distinxerunt. In præcedenti libro, dum ageremus de lectionibus Scripturæ quæ fierent in synagogis, vidimus multo pretio redemptum honorem primatum lectionum. Qui inciperent legere, dicebantur voce Hybrida *Archipheretice*, id est, capitis seu sectionis principes. Sectio, ut diximus, dicebatur *perek* פֶּרֶק *perachim*, vel *pherachim* sectiones. Horum archiphereticarum mentio fit in novella Justiniani, in qua agitur de Judæis. Et crebra est mentio in libris Ecclesiæ sectionum quæ in Ecclesiâ legebantur à lectoribus, Diacono præmonen-

te: *attendamus*. Antiqua est novi Testamenti in versuum divisio; sed versuum hodiernus numerus tum novi tum veteris fœderis tribuitur Roberto Stephano, cujus inventionis gloriam ei asserit Henricus Stephanus filius ejus in præfatione concordantiarum novi Testamenti. In manuscriptis videre est alios aliter divisisse Bibliâ.

Divisiones Codicum novi Testamenti ideo diligentius observatæ sunt, quia ineunda erat concordia inter Evangelistas. Eusebius repererat quosdam canones, sive quasdam regulas, quibus fieret ista concordia, ad quam necesse erat, ut versiculis quisque Evangelista distingueretur, ut sive privatim sive publicè commodius legi & intelligi possent. Has *ὑποτάξεις*, sectiones, quandoque Patres Græci appellant *ἀναγνώσματα* sive *ἀναγνώσεις*; Latini *lectiones*; quia scilicet singulis diebus aliquot Evangelistarum & Apostolorum *ὑποτάξεις* in sacris cætibz legerentur. Ad quam rem constitutum fuit *ἀναγνώσκων* lectorum munus, quorum mentio passim apud antiquissimos. Diacono enim clamante *πρόχωμεν* *attendamus*, statim lector textum scripturæ legebat. Singulæ sectiones suos habebant titulos, sive *ἐπιγραφάς* inscriptiones; Unde & tituli dicebantur. Distinguebatur etiam textus secundum *κεφάλαια*, *capita* seu *capitula*, ab ipso textus librorum ordine ipsaque argumentorum varietate; ita ut *capita* dicantur, quod ex argumenti, rerum atque ordinis diversitate, novum caput, novamque partem constituent, & intervallo, quodam ac literis majoribus distinguantur. Olim capitula breviora erant; ut videre est in antiquis scriptoribus, qui plura in singulis Evangelistis numerant. Quod Græcis dicitur *Στίχοι* Latinis *versus*, minores sunt divisiones, à vertendo calamo sic dictæ; quia continuo recurratur ad novam lineam, sic versibus distincta videatur oratio, & quasi metris constare.

Græ.

Græci & Latini non raro recensent virorum doctorum scripta, non modò librorum numero, sed etiam versuum & linearum supputatione: Sic scribit Plinius lib. xxx. 1: Zoroastrem vicies centena milia versuum scripsisse. B. Hieronymus dicit Hilarium in psalmos ab Origene quadraginta fere versuum milia mutuatum: Ille in Genesi versus supputat 4500. in toto Pentateucho versus 7950. Vana, ut puto, religionie in libro Legis laborant Judæi circa magnitudinem linearum in columna, circa numerum litterarum in linea.

Non opus est ut admoneam novum Testamentum dividi in libros historicos, qui de Christo & Apostolis agunt, nimirum quatuor Evangelia & actus Apostolorum, & didacticos, quales sunt Epistolæ Pauli ad Ecclesias, vel certas personas, tum cæterorum Apostolorum Petri, Joannis, Jacobi, Judæ. Liber qui Apocalypsis inscribitur, Propheticus est.

# C A P U T IV.

*A quibus, quo tempore, & qua lingua singuli libri sacri scripti sunt.*

CONSTAT libros omnes sacros, dictante Spiritu Sancto, scriptos; scire autem juvat quorum lingua sive stylo usus sit Spiritus Sanctus. Iis quæ circa hanc rem supra diximus, addam quod Pentateuchum à Moyse scriptum indicent complura loca ex Pentateucho. Insuper aliis in libris adstruitur hujusce libri auctor. Quæ contra objici solent, facile solvuntur, nempe quod in his libris enatretur mors Moysis, & quæpiam eam subsecuta; quæ ergo non potuerit Moyses mortuus scripto mandare: quod regiones, urbes his appellentur nominibus, quæ non nisi post obitum ejus habuerint. Non diffidentur viri Orthodoxi ab Esdra

Et à viris primariis Ecclesiæ Judaicæ; quibus cura Librorum sacrorum mandata erat, & collecti sunt post reditum à captivitate, quidpiam additum sive ad complendam sive ad illustrandam historiam; quæ addita-  
menta cum primùm adnotata fuissent in margine, de-  
inde potuerint irrepere in textum. Quin forsân in-  
serta ab Esdra quando Biblia edidit: cujus generis sunt,  
tum mors Moysis, tum nova urbium ac regionum  
appellatio.

Hæc verba capitis 24. v. 26. quæ leguntur in libro Josue: *scripsit quoque omnia verba hæc Josue in volumi-  
ne legis Domini*, significare videntur eum esse aucto-  
rem voluminis, cui nomen ejus præscribitur. Sunt  
tamen qui post tempora Salomonis scriptum opinan-  
tur. Ita loquitur libri scriptor, ut indicet tempus præ-  
teritum post rem quam enarrat; ut cum scribit jussu  
Dei positos duodecim lapides ad ripam Jordanis, ad-  
dit: *Et sunt ibi usque in præsentem diem*. cap. 14. 9.  
Quibus verbis sæpius utitur. *Vocatum est nomen loci il-  
lius Galgala usque in præsentem diem*. cap. 14. 9. Lo-  
quens de miraculo solis, qui immotus stetit ad impe-  
rium Josue: *non fuit*, ait, *antea nec postea tam longa  
dies*. c. x. 14. nonnulla quoque huic-ce libro addi po-  
tuere vel ab Esdra, vel ab aliis, qui Biblia transcri-  
benda curarunt.

Libri Judicum auctor ignoratur. Plerisque videtur  
quòd fuerit Samuel: sed quisquis scripserit hunc li-  
brum, non attigerat regnum Davidis; scribit enim  
cap. 1. 21. *Jebuseum autem habitatorem non deleverunt  
filii Benjamin: habitavitque Jebuseus cum filiis Benja-  
min in Jerusalem, usque in præsentem diem*. Ipse est  
David, qui Jebusæos expulit ex illa urbe.

Libellus Ruth scriptus videtur regnante Davide. Hi-  
storia contigit *in diebus unius judicis, quando reges præ-  
rant*. Nomen Judicis non expressum est. Scriptor at-  
texit genealogiam, quam usque ad Davidem perducit.

Duo

Duo sequentes libri, qui Græcis & Latinis dicuntur primus & secundus Regum, inscribuntur ab Hebræis nomine Samuelis. Certè Propheta non ultra prima viginti quatuor capita primi libri scribere potuit; finis enim primi & totus secundus agunt de rebus post mortem ejus transactis. Quin & in primis capitibus multa sunt, quæ alium auctorem arguunt.

Duos alios libros; quos Græci & Latini appellant tertium & quartum Regum, Hebræi verò primum & secundum, communis opinio tribuit Esdræ; sicut & Paralipomenon, quos ex diversis schedis & commentariis post solutam captivitatem fuisse compositos verisimile est. De horum librorum auctoribus juvat audire quæ dicit Theodoretus in præfatione ad libros Regum. *Plurimi fuerunt Prophetae, inquit, quorum libros quidem non invenimus, nomina autem didicimus ex historia Paralipomenorum. Horum unusquisque consuevit scribere, quacumque continebat fieri suo tempore. Atque inde est quòd primus Regnorum & apud Hebræos & apud Syros, nominatur prophetia Samuelis. Quod ei facile est cognoscere, qui prædictum librum legere voluerit. Qui ergo Regnorum libros scripserunt, ex scriptis illis accepta occasione post plurimum tempus scripserunt. Quomodo enim fieri potuisset, ut is qui vixit cum Saule aut Davide, ea scriberet quæ facta sunt tempore Ezechie & Josia & Nabuchodonosoris, bellicam expeditionem & Hierosolymorum obsidionem & populi captivitatem & transmigrationem in Babylonem, & mortem Nabuchodonosoris? Est ergo perspicuum, quòd unusquisque ex Prophetis ea conscripsit, quæ gesta sunt ipsius temporibus. Alii autem quidam cum illa collegissent, composuerunt librum Regnorum. Et rursus fuerunt aliqui alii historiographi eorum quæ ab illis fuerant prætermissa, qui de his conscriptum librum appellarunt Paralipomenon, ut qui doceret ea quæ fuerant à prioribus prætermissa.*

Duo libri qui nomine Esdræ inscribuntur, olim pro

uno libro ab Hebræis habebantur, ut B. Hieronymus observat. Duos quidem diversos auctores habent. Primus scriptus est ab Esdra, qui factus est dux Judæorum, quibus liber in patriam reditus permissus est, anno Artaxerxis regis Persarum septimo. Complectitur historiam solutæ captivitatis, à primo anno Cyri usque ad vigesimum Artaxerxis Longimani. Nehemias scripsit secundum. Pincerna erat Longimani, à quo potestatem accepit, anno regni ejus vigesimo, revertendi Hierosolymam, & ædificandi eam. Liber ille secundus continet historiam à vigesimo anno Longimani, usque ad Darium Nothum ejus filium, qui anno mundi 3581. regnare cœpit. Etenim ille Darius Persa, cujus mentionem facit Nehemias cap. 12. v. 22. non potest esse Darius Codomanus, ab Alexandro magno devictus, anno mundi 3674. ad quod tempus Nehemias ætatem non produxit. Occurrunt in libro primo Esdræ quædam difficultates in Genealogiis, quas forsan Librarii inducere poterunt: sed in capite duodecimo secundi Esdræ sive Nehemiæ v. 22. mentio fit Jeddœa, qui si tunc Pontifex fuisset, meritò non haberetur pro magno illo Pontifice *יאדדסר*, pro Jaddo, qui obvius factus est Alexandro magno, cum venit Hierosolymam: quippe quem Nehemias videre non potuisset; ab anno enim vigesimo Longimani usque ad Alexandrum magnum elapsi sunt plusquam centum anni. Verum non ibi dicitur de Jeddœa, sive Jaddo, quòd tunc fuerit Pontifex: potuit nasci sub fine regni Darii Nothi; ita attingere regnum Alexandri magni. Sed verisimiliter quæ in hoc capite xi. 1. usque ad versum 27. dicuntur, inserta videntur; quia historia interpolatur serie Sacerdotum & Levitarum, qui venerunt Hierosolymam cum Zorobabel. A vigesimo autem & septimo versu pergit Nehemias loqui de muris Urbis restauratis: sed addit in fine libri: *de filiis autem Joiada filii Eliafub sacerdotis magni, gener erat Sana-ballat*

*ballat Horonites, quem fugavi à me.* Sannaballat ille, qui non semel nominatur, alius censendus quam qui centum circiter post annis, tempore Alexandri magni, in odium Judæorum & Templi Jerosolymitani, aliud huic æmulum in regione Samariæ, in monte Garisim, Templum extruxit.

Tobiæ librum, à quocumque scriptus sit, veram continere historiam consentiunt Judæi, licet pro Canonico non habeant. Hujus autem auctor ignotus est, sicut librorum Judith & Esther, pariter & libri Job; cujus etiam ætas ignota est. Non omnes Psalmos David cecinit, ut diximus; nec etiam Proverbiorum omnium & Ecclesiasticis censetur solus auctor Salomon; à quo Canticum Canticorum scriptum satis convenit inter peritos.

Vir doctus viginti quatuor prima capita Proverbiorum ex 31. ex quibus constat Liber ille, tribuit Salomoni; quinque capita quæ sequuntur, censet collecta ex ejus scriptis, per viros Ezechiae, ut indicant prima verba capituli 25, quæ videntur instar præpositi his quinque capitibus 1. *Hæ quoque parabola Salomonis, quas transtulerunt viri Ezechiae.* Nomen Ezechiae hoc-ce 25, capite liquido enuntiatur, ænigmatice verò in capite 30, quod vir doctus eidem Regi vindicat. 1. *Verba Congregantis, filii Vomentis: visio quam locutus est vir, cum quo est Deus, & qui Deo secum morante confortatus, ait &c.* fons sic redditur à Latino interprete; ab aliis sic: *verba Agur, filii Jake: prophetiam dixit vir ad Ithiel & Uchal.* Aut juxta Vatablum: *verba Agur, filii Jake: prophetiam dixit vir ad Ithiel; ad Ithiel, inquam, & Uchal.* Sic duas voces fontis Agur & Jake Vatablus & alii accipere pro appellativis nominibus: Vulgatus interpret pro propriis, *verba congregantis, filii Vomentis;* quasi hoc-ce caput indicaretur hujus esse, qui Congregans Hebraicè Agur dici posset. Ezechias multas collegerat

divitias. 11. Paralip. 28. 27. *fuit autem Ezechias dives & inclitus valde, & thesauros sibi plurimos congregavit argenti.* Contra Achas pater Ezechiae meritò dicitur *Vomens*; ita Ezechias *filius Vomentis*. Achas, ut dicitur 4. Reg. 16. 8. *cum collegisset argentum & aurum, quod inveniri potuit in domo Domini, & in thesauris Regis, misit Assyriorum regi munera.* Quasi vomitu effudit divitias suas & 11. Paralip. 28. 21. *Achas, spoliata domo Domini & domo Regum ac principum, dedit Regi Assyriorum munera.*

Ezechias noluit nomen suum adscribere Libro sacro, quia ipse peccaverat contra Deum 11. Paralip. 32. 25. Sed postea Deum sibi conciliavit, & Deus fuit cum eo: ita se appellare potuit Ithiel אִיתִיֵּאל, id est, *cum quo est Deus*; simul Uchal אֲחַל, quod nomen derivatur à Jachol יָכֹל *potens fuit*; sed satis agnoscit Ezechias hanc habere potentiam à Deo 11. Paralip. 32. 25. *Elevatum est cor ejus, & facta est contra cum ira, & contra Judam & Jerusalem. Humiliatusque est postea, eò quod exaltatum fuisset cor ejus, tam ipse, quam habitatores Jerusalem; & idcirco non venit super eos ira Domini in diebus Ezechiae.*

Ultimum caput, nempe 31. sic incipit: *Verba Lamuelis regis: visio, qua erudit eum mater sua.* Vir doctus, cujus sententiam profero, putat esse regem Manassem, qui successit Ezechiae, & ductus est captivus Babylonem. Nomen suum reticuit, quod odiosum erat propter peccata, quorum postea poenitentiam egit. *Lamuel* nomen est Chaldaicum ignotae significationis. Ezechias doctus fuerat à Deo, *vir cum quo est Deus.* Manasses verò peccator de se dicit *Visio qua erudit eum mater sua*, nempe synagoga Judaica.

Auctores librorum Sapientiae & Ecclesiastici non certò cognoscuntur, sicuti librorum Macchabæorum. D. Hieronymus credidit à Philone Judæo compositam esse Sapientiam, quæ, inquit, redolet elegantiam

Græ.



Græcam. Prophetiæ præferunt suos auctores, sicut & libri qui in Evangelio continentur. Actuum Apostolorum Lucas se prodit auctorem in ipso exordio. Diu est quod disputatur, utrum ipse Paulus scripserit Epistolam ad Hebræos. Alii eam adscribunt Barnabæ, ut Tertullianus, alii Lucæ, alii Clementi. Sunt qui sentiant dispositionem ejus esse Pauli, sed elocutionem Lucæ; & ideo nomen veri auctoris non præferre, quia plerisque Judæis erat ingratum. Cum de alicujus libri vero scriptore constat, notum qua ætate liber scriptus sit, videlicet eo tempore quo ille scriptor vixit. Itaque quoad tempus quo singuli libri Bibliorum scripti sunt, notum ex ætate qua vixere scriptores, quorum nomina præferunt: exempli causa, quo tempore Moyses, Josue, David, Salomon, Isaias, Esdras & alii extiterint. De tempore quo scriptores novi Testamenti libros exaraverint, qui nominibus eorum insigniuntur, nihil compertum est nisi ex traditione, quam in primis Eusebius & B. Hieronymus referunt; & ex antiquis manuscriptis, in quibus notatur ætas cujusque Scriptoris sacri. Decet autem animadvertere, non ratione temporis, sed dignitate urbium, ad quas missæ sunt, dispositas fuisse B. Pauli Apostoli Epistolas; sed in primis, nullo jussu Domini, quod extet in sacro Codice, Apostolos ad scribendum mentem appulisse. Scilicet dixerat Deus ore Jeremiæ cap. 3. *Dabo legem meam in visceribus eorum, & in corde eorum scribam eam.* Sancti Patres observant Ecclesiam potuisse carere omni scripto, si omnes Christiani in charitate & veritate perseverassent; quod eleganter dicit B. Chrysostomus prima homilia in Matthæum. *Oportuerat quidem nihil nos indigere auxilio literarum, sed tam puram in omnibus exhibere vitam, ut librorum vice gratia Spiritus Sancti uteremur; & sicut atramento illi, ita corda inscriberentur à Spiritu. Quia verò hanc à nobis excussimus gratiam, age vel ad secundam navigationem*

tionem animum adjiciamus. Equidem quòd primum illud fuerit profecto sublimius, & ex verbis suis Deus, & ex operibus ostendit. Nam & Noe & Abraha, ejusque posteris, & Job & Moyfi non per literas, sed per semetipsum locutus est, quia scilicet munda eorum corda repererat. Postquam verò omnis populus Judeorum in vitiorum ima delapsus est, necessario inde literæ dantur ac tabula, & ea quæ per has administratur admonitio. Et hoc non tantum veteris Testamenti Sanctis, sed etiam novi accidisse perspicimus. Si quidem nec Apostolis scriptum aliquid tradidit Christus, sed pro literis Sancti Spiritus se illis daturum gratiam repromisit. Sanctus Irenæus adstruit, cùm scriberet, florere Ecclesiam apud barbaras gentes, quæ nondum literas perdidicerant.

Quidquid sit, subjecimus chronologiam scriptorum Evangelicorum, quæ firmatur vetusta traditione, sine cujus autoritate nec probari posset eos habere auctores, cujus nomen præferunt. Esto non omnino consentiant antiqua monumenta de ista chronologia; sed indubitatum est, verbi causa, Joannem non scripsisse Evangelium suum multo tempore ante finem sæculi primi. Usque autem ad ætatem illam catuit Ecclesia Evangelio ejus. In quo ergo scripto exaratum erat: *In principio erat Verbum*, alibi quàm in cordibus Christianorum; qui ideo assensere Joanni hæc scribenti, quia ipse consentiret doctrinæ, quam illi vel patres eorum à Christo acceperant? Undè liquet interpretationem, sicut veritatem Scripturarum, accipiendam ex antiqua & certa traditione; quæ etiam sola sufficere posset. Nonnulli libri perierunt, qui citantur in libris Sacris, & non amplius extant. Sicut illis, ita & cæteris Ecclesia carere potuisset: sed id non sivit Deus, ob emolumentum quod ex sacris Scriptis in eam redundat. Subjiciam dict. chronologiam, qualem plerique sequuntur, & reperitur in antiquis manuscri-

manuscriptis. In hac chronologia videre est, quod diximus, B. Pauli Apostoli epistolas non ratione temporis dispositas fuisse, sed dignitatis urbium ad quas scribuntur,

	A. Passione Domini. Anno 6.	Æt. Vulg. Erat. An. no 19.
Matthæus scripsit Evangelium,		
Marcus.	10.	43.
Petrus primam suam epistolam,	19.	52.
quo tempore Paulus primam scripsit ad Thessalonicenses.		
Paulo post ad eosdem Thessaloni- censes scripsit Paulus.		
Ad Galatas: Eodem anno Lucas Evangelium scripsit.	23.	56.
Anno sequenti Paulus primam & secundam misit ad Corinthios.		
Scripsit etiam ad Romanos.	24.	57.
Ad Philippenses, ad Philemonem, ad Collossenses, ad Ephesios, ad Hebræos.	29.	62.
Acta Apostolorum tunc elaborata sunt.	30.	63.
Binas literas misit Paulus ad Ti- motheum, scripsit & ad Titum.		
Secunda Petri ejusdem est æta- tis.	33.	66.
Epistolæ Jacobi & Judæ incer- tum est tempus,		
Joannes Apostolus in insulam Pa- thimon relegatus scripsit Apocalyp- sim, anno sexagesimo primo post Passionem.	61.	94.
Biennio post Evangelium.	63.	96.
Tres suas Epistolas usque ad an- num sexagesimum quintum post Pas- sionem Domini, quo creditur vita functus.	65.	98.

Quoad

## C A P U T V.

*Quæ cujusque Libri sacri sit auctoritas, siue qui Canonici censeantur: qui Deuteronomici; qui Apocryphi.*

**Q**Uamquam multis argumentis, quæ protulimus, constet sacri Codicis auctoritas, juvat illam iterum adstruere. Hæc pendet. ex iis ipsis rebus quas enarrat; quæ cum sint extra omnem dubitationem, oportet eos qui illas mandavere scriptis, esse veraces, & à Deo, qui falli & fallere non potest, impulsos ad scribendum. Fieri non potest ut Moses, auctor Pentateuchi, scripserit falsa: arguissent eum, sub quorum oculis transacta fuere quæ narrat; & quæ subinde confirmata sunt, tum rerum eventu quas futuras significaverat, tum testimonio eorum qui ei successerunt, & legem, quam eis imposuerat, durissimam conati sunt portare; cujus jugum excussissent, si vel ulla re suspicari potuissent deceptum vel fraudulentum Moysen fuisse. Quod si constet fides scriptis ejus, quis dubitaverit quin vir Dei fuerit; & Deo regente ejus calamus, scripsisse; ut omnia quæ dixerit, censenda sint verba Dei? Quod de scriptis Moysis dicimus, dicenda de aliis, quæ postea sequentibus sæculis Prophetæ scripserunt; quorum cura & religio fuerit incorrupta servare scripta tum Moysis, tum prædecessorum suorum: qui sic non interrupta serie tradiderunt posteris, quod acceperant à patribus. Hocce veritatis Scripturarum efficacius argumentum habet apud Hebræos, quod ab ipsa condita eorum lege usque ad tempora novissima, Pontifices, quibus commissa est cura Librorum sacrorum, à duobus mille annis, non interrupta serie, filii patribus successerint,

nec

nec alii admissi sint, quàm qui erant ex prima Sacè-  
 dotum familia. Nominatim autem omnes illi recen-  
 sentur, ut dicit Josephus lib. I. contra Apionem. Ju-  
 dicium verò integritatis hoc maximum est, quia Pon-  
 tifices apud nos à duobus millibus annis denominati à  
 patre recensentur. His autem, si quid prævaricentur,  
 interdicitur ne vel ad altare accedant, vel alia sancti-  
 ficatione fungantur. Rectè siquidem, potiùs autem ne-  
 cessariè, cum neque conscribendi potestas omnibus data,  
 neque ulla sit in descriptione discordia; Sed solummodò  
 Prophetis, antiquissima quidem, & veterrima secun-  
 dùm inspirationem factam à Deo cognoscentibus; alia  
 verò suorum temporum sicuti sunt facta palam conscri-  
 bentibus. Infiniti enim libri non sunt apud nos discor-  
 dantes, & sibi met repugnantes; sed solummodò duo &  
 viginti libri, habentes temporis totius conscriptionem;  
 quorum justè fides admittitur. Horum quinque quidam  
 sunt Moseos, qui natiuitates continent, & humane  
 generationis traditionem habent usque ad ejus mortem.  
 Hoc tempus de tribus mille annis paululum minus est.  
 A morte verò Moseos usque ad Artaxerxem Persarum  
 regem, qui fuit post Xerxem, Prophetæ suorum tempo-  
 rum res gestas conscripserunt in tredecim libris. Reli-  
 qui verò quatuor hymnos in Deum & vite humane præ-  
 ceptà noscuntur continere. Ab Artaxerxe verò usque  
 ad nostrum tempus singula quidem conscripta, non ta-  
 men priori simili fide habita, eò quòd non fuerit certa  
 successio Prophetarum. Palam namque est, ipsis operi-  
 bus quemadmodum nos propriis literis credimus: tanto  
 namque seculo jam præterito, neque adjicere quicquam  
 aliquis, nec auferre, nec transformare præsumpsit.  
 Omnibus enim insertum est mox ex prima generatione  
 Judæis, hæc divina dogmata nominare & in his utique  
 permanere; & propterea, si oportet, mori libenter.  
 Jam itaque multi captivorum frequenter tormentis affe-  
 cti sunt,

*Et sunt, & mortes varias in theatris sustinere, ne ullum verbum contra leges admitterent, aut conscriptiones avitas violarent.*

Hæc potiori jure dici possunt de libris novi Testamenti. Omnibus argumentis, quibus potest fides adstrui alicui scripto, constat veritas ejus. Evangelistæ ab ipso Deo, qui veritas est, edocti sunt. Ex quo autem scriptum & prædicatum, nulli notabili errori obnoxium fuit; ut quod dicit Josephus de veteri Testamento, magis conveniat novo. Non inferior fuit circa illud religio Christianorum; cujus videlicet gratia, non aliqui, quos facile est numerare in Judæorum libris, sed innumeri Martytes fuderunt sanguinem suum, ut constare debeat, ea fide qua scriptum est, ad nos incorruptum pervenisse. Certiorem de veritate & integritate Scripturarum veterum Josephum faciebant Pontifices, nempe Ecclesia Judaica; & traditæ nobis sunt tum veteres tum novæ Scripturæ ab Ecclesia: ut optimo sensu dicat Augustinus lib. contra Epist. fundamenti cap. v. *Ego verò Evangelio non crederem, nisi me Catholica Ecclesiæ commoveret auctoritas.*

Dicat aliquis: vitiosus hic sit circulus ab Augustino; quasi dum interrogaretur cur Biblia crederet, responderet, quia iis testificaretur Ecclesia: & rursùm interrogatus cur crederet Ecclesiam, hanc responderet errare non posse, juxta testimonium Scripturæ. Diximus non alios libros tanta auctoritate pollere; illam nullo carere probationis genere: in quam fidem simul cum adducti fuerimus, postea de quacumque parte Scripturæ quæstio sit, convenit eam sequi, quia Scriptura in genere demonstrat fidem Ecclesiæ adhibendam. Ita rem expendenti liquet sacros Libros propriam & integram auctoritatem habere: illi autem indicant certam Ecclesiam, quæ errare non possit; ut dici possit etiam ipsi Evangelio non credendum,

nisi

nisi hujus Ecclesiæ commoveret auctoritas: quod huc redit, ut certum sit Doctores ejus non pertulisse ut Libri sacri corrumperentur; & qui Deo auctore conscripti fuerant, eodem providente defensos ab omni corruptione.

Cum sacros Codices hic dicimus servatos incontaminatos, non loquimur de ipso primo exemplari, quod exaratum sit manu cujusque scriptoris, cujus ore nos Spiritus sanctus elocutus est. Id contendimus, Deum sic providisse Libris sacris, ut ad nos pervenerint nullo fœdati errore, qui fidem aut mores corrumpere possit. Quod etiam de ipso textu Hebraico veteris fœderis Divus Augustinus probat, scilicet à Judæis non fuisse depravatum. Imo Hieronymus appellat *Hebraicam veritatem*. Justino martyri quidem & quibusdam aliis ideò Hebræi Codices suspecti fuerant, quia textum Hebræum non consulerent, sed Versiones Græcas à Judaizantibus hæreticis elaboratas, qui multa mysteria Salvatoris subdola interpretatione celaverant, ut ait D. Hieronymus. Hæc, inquam, res alios quosdam de choro Sanctorum Patrum adduxit ut crederent fontes Hebræos turbatos esse à Judæis; quia dictæ versiones non congruerent Versioni Græcæ communi, quæ ante tempora Christi facta fuerat, & qua omnes Ecclesiæ Christianæ utebantur.

Magnam cautionem, dicendum potiùs religionem, Ecclesiæ Christianæ Antistites adhibuere, ne Libris sacris infererentur, qui inferioris notæ essent. Hanc religionem animadvertimus in Ecclesia Catholica. Videre est de quibusdam libris lites fuisse, quibus cæterorum adstruitur auctoritas; nam ea religione, qua hæ lites ostendunt primos Christianos commotos fuisse, certum est nullum librum, qui vitiatum fuisset, potuisse ab Ecclesia admitti. Qui suspecti erant, distinguebantur à cæteris. Quorum certa erat auctori-  
tas,

tas, reponerentur in proprio Canone. Nomen illud idem quidem sonat quod *regula*. *Grammatici Canones* apud Aufonium, Epigram. 128. *Canon chronologicus Eusebii*, *Canones Apostolorum*, *Canones Conciliorum*, id est, leges, regulæ, quæ statutæ sunt. Sed & *Canon* sumitur pro *catalogo*. In scriptoribus Latinis, non purioris Latinitatis, *Canon frumentarius* est catalogus, numerus frumenti. *Canon fidelium & defunctorum Episcoporum* sunt catalogi. Inde *canonizati* Sancti dicuntur, qui adscribuntur catalogo Sanctorum.

Quæque Ecclesia habebat suum Librorum sacrorum Canonem, five catalogum. Igitur cum omnes Libri sacri non pariter statim innotuerint omnibus Ecclesiis, idem liber quibusdam tantum Canonicus, non omnibus habebatur, nempe non inscriptus erat catalogo librorum, quos quæque Ecclesia legebat. Non mirum ergo est si tempore aliqui libri obtinuerint auctoritatem, ut ait B. Hieronymus loquens de Epistola B. Jacobi, nempe postquam constitit omnibus, quantæ essent auctoritatis libri illi de quibus erat quæstio. Hanc regulam circa Libros Canonicos dat Augustinus (*Lib. 2. de Doctr. Christ. cap. 8.*) *In Canonicis autem Scripturis Ecclesiarum catholicarum, quamplurimum auctoritatem sequatur, inter quas sanè illæ sunt, quæ Apostolicas sedes habere & Epistolas accipere meruerunt. Tenebit igitur hunc modum in Scripturis Canonicis, ut eas quæ ab omnibus accipiuntur Ecclesiis Catholicis, præponat eis quas quedam non accipiunt; in iis verò quæ non accipiuntur ab omnibus, præponat eas quas plures graviioresque accipiunt eis quas pauciores minorisve auctoritatis Ecclesia tenent. Si autem alias invenerit à pluribus, alias à gravioribus haberi, quamquam hoc facile inveniri non possit, equalis tamen auctoritatis eas habendas puto. Diversis temporibus, & locis, & pro occasione Sacri Scriptores suos libros ediderunt: ita factum est, ut apud omnes Ecclesias*

Z

non



non pervenerint statim & eodem tempore scripta eorum; quæ non tam à personis quàm à iudicio Ecclesiæ & ejus consuetudine auctoritatem suam habuerunt; ut Hieronymus, ad Dardanum scribens & loquens de Epistola ad Hebræos aiebat, nihil interesse cujus sit, cum Ecclesiastici viri sit, & quotidie Ecclesiarum lectione celebretur.

Omnes libri veteris Testamenti, qui continentur in Bibliis Hebraicis tum Judæorum tum Christianorum, iudicio omnium pariter & suffragio sunt certæ auctoritatis. Sed præter hosce libros, ut videre est in illo testimonio Josephi quod protulimus, constare debet alios fuisse, qui in veneratione erant, licet pariter eis fides non adhibetur. Ergo ubi agitur de libris Canonicis, quoniam non statim conditus est canon sacrorum Librorum, viri docti, ut Sixtus Senensis, & post eum Bellarminus, horum triplicem faciunt ordinem. In primo reponunt libros, de quorum auctoritate nulla unquam fuit inter Catholicos homines disceptatio. In secundo censentur ii quorum non æquæ certa & explorata est auctoritas; legebantur tamen in Ecclesia ad ædificationem: idèque ad distinctionem appellabantur *libri Ecclesiastici*; ut discimus à Rufino, qui in Symbolo, enumeratis Scripturis quæ suo tempore pro Canonicis habebantur, nempe quæ, ut nunc loquimur, erant in primo canone, subdit. *Hæc sunt, quæ Patres intra Canonem concluderunt, & ex quibus fidei nostra assertiones constare voluerunt. Sciendum tamen est, quod & alii libri sunt, qui non sunt Canonici, sed Ecclesiastici à majoribus appellati sunt.* Videlicet poterant illi libri ἐκκλησιαστικῶν, id est, in Ecclesia publicè recitari; cum ceteri libri qui nullius erant auctoritatis, deberent ἀποκρύπτειν: undè dicebantur *apocryphi*. Hæc volumina, quæ poterant legi in Ecclesia, enumerat Rufinus, & postea addit. *Quæ omnia legi quidem in Eccle-*

*Ecclesia voluerunt, non tamen proferri, ad auctoritatem ex his fidei confirmandam. Legebantur illi libri, ut loquitur B. Hieronymus præfatione in Proverbia, ad adificationem plebis, non ad auctoritatem Ecclesiasticorum dogmatum confirmandam. Idcirco libri qui in secundo canone sunt, licet conjuncti cum cæteris primi canonis, tamen non sunt ejusdem auctoritatis.*

Tertius ordo eorum est qui nunquam in Ecclesia lecti sunt, iique dicuntur *apocryphi*, hoc est, libri quorum authores non solum obscuri sunt, ut nomen illud indicat; sed quos publicum & notum iudicium Ecclesiæ non probat, imò rejicit. Ex illa distinctione Librorum sacrorum colligere est multam à Sanctis Patribus adhibitam fuisse diligentiam; ne libri falsi pro veris venditarentur. Quod juvat declarare illis verbis Sancti Augustini (*Lib. 15. de Civit. Dei. c. 23.*) *Omittamus earum scripturarum fabulas; quæ apocryphæ nuncupantur, eo quod earum occultæ origo non claruit Patribus, à quibus usque ad nos auctoritas veracium Scripturarum certissima & notissima successione pervenit. In his autem apocryphis etsi invenitur aliqua veritas; tamen propter multa falsa nulla est canonica auctoritas. Et rursus: cur non sunt in canone, nisi quia ob antiquitatem suspectæ fidei iudicata sunt, nec utrum hæc essent, quæ ille scripsisset, poterat inveniri; non talibus proferentibus qui ea per seriem successionis reperirentur ritè servasse? Postea hæc adjicit Sanctus Doctor. Multa sub nominibus Enoch & aliorum Prophetarum, & recentiora sub nominibus Apostolorum ab Hæreticis proferuntur, quæ omnia sub nomine apocryphorum ab auctoritate canonica diligenti examinatione remota sunt.*

Porro ad primum sacrorum Librorum ordinem pertinent quotquot reperiuntur in veteri fœdere Hebraicè scripti: totum novum Testamentum, iis ex-

ceptis partibus, de quibus modo dicemus. A Sixto Senensi ponuntur in secundo ordine, additamentum ad librum Esther, quod D. Hieronymus ex Græco vertit, & observat in fonte non reperiri, imò à se obelo transfixum esse: oratio Jeremiæ; liber Baruch, sicut id quod reperitur in vulgata editione post caput 12. Danielis, nempe historia Susannæ, oratio Azariæ, hymnus trium puerorum, Belis historia, quæ de Theodotione se transtulisse scribit Hieronymus, cum in Hebræo non legerentur. Similiter ad hunc secundum ordinem referuntur, primum ex veteri Testamento, Sapientia Salomonis, Sapientia Jesu filii Sirach, pars Esther, Judith, Tobias, de quibus B. Athanasius in synopsi dicit non fuisse Canonicos, sed tamen prælectos Catechumenis. Libros quatuor Macchabæorum numerat inter eos quibus contradiceretur, ut loquitur ille, aut qui essent apocryphi. In novo Testamento censentur secundi ordinis, Marci caput ultimum, Lucæ historia de sudore Christi sanguineo & apparitione Angeli, Joannis historia de muliere adultera, Epistola ad Hebræos, Jacobi Epistola, Petri Epistola secunda, Joannis secunda, & tertia, Judæ Epistola, Joannis Apocalypsis. Primus canon sive catalogus, in quo numerentur liber Sapientiæ, Ecclesiasticus, Tobias, Judith, & duo libri Macchabæorum, reperitur confirmatus à Concilio Carthagenensi III. anni 397. & ab altero, qui etiam Carthagine coactus est anno 419. Tertium autem Carthagenense confirmavit decretum Concilii Hipponensis anni 393. Novissimis temporibus, Ecclesia Romana hosce Libros, sicut & cæteros ejusdem ordinis, suo Catalogo attexuit, utpote qui à tot sæculis recepti fuerant, nec antea repudiati, imo publicitùs legebantur in Ecclesia, & commendabantur virorum Ecclesiasticorum testimonio, ut B. Augustinus dicit de libro Sapientiæ & Macchabæorum.

Car-

Cardinalis Palavicinus in historia Concilii Tridentini scribit fuisse propositum in Concilio, ut duplex ordo librorum Canonorum innueretur; placuisse vero omnibus, ut sine isto discrimine, quod aliunde notum esse poterat viris doctis, proponeretur catalogus sacrorum Librorum, qualis dudum admissus fuerat ab Ecclesia. Etenim apud sanctum Augustinum, enumerantur hi omnes libri, quos habet Canon Concilii Tridentini; quamquam agnoscat S. Augustinus (*Lib. 2. cap. 8. de Doct. Christ.*) hos omnes libros, quos Canonicos vocat, non fuisse ab omnibus Ecclesiis pariter acceptos.

Canon Scripturarum non potest censerī conditus, nisi aliquot annis post Christum natum. Quo præcisè tempore, ignoratur. Neque enim id factum est, quasi omni approbante Apostolorum senatu, quorum plerique decesserant. JESUS CHRISTUS D. N. non mandaverat de illo Canone condendo; nec, ut dictum est, de ullo exarando scripto. Unusquisque ex Discipulis, prout occasio sese dedit, & se à Spiritu Sancto impulsū credidit, mentem ad scribendum appulit. Statim scriptum ejus non alibi innotuit, nisi ubi exaratum fuerat, postea ad alias Ecclesias delatum: ita factum quod observavimus, ut omnes Ecclesiæ non eosdem pariter libros pro Canonicis habuerint. Fieri etiam potuit, ut historias quas ex Traditione acceperant, forsā ex ore ipsō Apostolorum, veras existimaverint & attexuerint Evangelicis; scilicet quædam scripta pro Canonicis reputaverunt, quæ aliæ Ecclesiæ non admittebant. Non mirum autem Judæos Hebraizantes rejicere libros veteris Testamenti Græcè scriptos. Illis religio erat alia lingua quàm Hebræa uti. Hellenistæ verò, nempe Græcizantes, horum auctores erant vel interpretes; & ab illis eos accepere Christiani.

Eorum est qui de libris Canonicis dedita opera

scripserunt, difficultates omnes solvere, quæ occurrunt circa libros secundi ordinis, tum etiam primi. Animadvertendum in genere, quòd utilis est liber Job; Non fuit de populo quem Deus elegerat, nempe de duodecim Tribubus Israel. Quo tempore & à quo scriptus sit liber qui nomine ejus inscribitur, non potest certò definiri. Metris illigatus est in pluribus locis. Historia Susannæ, pro exemplo est miræ pudicitiae. Ex epistola Julii Africani ad Origenem & ejusdem Origenis responsione colligimus alius pro vera, aliis pro falsa habitam. Non ex Hebræo Codice translata est; nec Hebraicè primitus scriptam, sed Græcè, demonstrabat Africanus ex Paronomasiis inter *χίρον* & *χίρην*, item *πίρον* & *πίρην*, quæ merè Græcanicæ sunt, quas fecisse dicitur Daniel, cùm Susannæ judices interrogavit sub qua arbore vidissent adulterantem. Unus respondit, *sub schino*; tuncque dixit Daniel: scindat te Dominus; & cùm alter dixisset, *sub prino*, statim, secet te Dominus, ait Daniel: quæ Paronomasia ex vocibus Hebraicis non potuere exsculpi; sed ex Græcanicis *πίρος*, *ilex* à *πίω* *serra seco*, & *χίρος* *lentiscus* à *χίρω* *findo*. Sed fieri potest ut Græcus interpretes Paronomasiam pro Paronomasia posuerit; qua libertate sæpius utuntur interpretes.

In historia Tobiae arguitur anachronismus aliquorum annorum. Deportatum se dicit Tobias à Salmansare cum decem tribubus. Hæc deportatio facta est anno Osæ regis Israel nono & Ezechiae regis Juda sexto, mundi anno 3283. Tobias autem, annis centum & duobus vitæ suæ completis, moribundus in lectulo affirmat Templum Dei in Jerusalem incensum & combustum esse. cap. 13. 2. & 14. 2. Templum incensum est anno mundi 3416. Igitur inter deportationem & conflagrationem Templi 133. anni intercesserunt. Ita cum saltem triginta annos habuif-

habuisset Tobias, cum abductus est captivus, anachronismus est quinquaginta octo annorum; qui error refundendus in Librarios: certè non obstat veræ pietati.

De libro Judith quidam opinantur nomine hujus sive persona repræsentari Judaicam gentem, quæ quasi vidua erat tempore Antiochi regis Syriæ, cum liber hic scriptus est. Gladium Judith volunt esse preces Sanctorum: Bethuliam, hoc est, *Bethel* habent pro domo Dei, sive pro Templo: Nabuchodonosorem pro Diabolo: Holophernem, quem interpretantur *littorem serpentis* pro typho sive superbia Antiochi. Hæc facie ingenii blandiuntur. Adstruit codex Græcus cap. 5. 22. Templum Dei, cum hæc historia contigit, fuisse solo æquatum *vaos eis Eda-øð*: quod falsum est, si præcesserit tempora captivitatis. Sed qui huic tempus illud assignant, reponunt hanc circumstantiam additam, quæ non erat in Chaldaico fonte, ex quo B. Hieronymus transtulit, sicut eam habemus in Vulgata nostra.

In tertio ordine sunt complures libri, quos enumerare non attinet; etenim non reperiuntur editi inter Sacros Libros. Solent tamen adjungi Vulgatae editioni oratio Manasse cum libro tertio & quarto Esdræ. Certum autem est omnes libros qui olim erant in catalogo Sacrorum, non hodie extare. An liber bellorum Domini, & qui dicitur fœderis, de hoc numero sint, disputant viri docti. Ita est de libro justorum, quem aliqui habent pro Genesi, in qua vita Abraham, Isaac, & aliorum continetur. Sed conveniunt omnes deperditos libros, quorum scriptores Nathan, Gad, Semeias, Addo, Ahias, Jehu, & plerique alii, qui in Sacro Codice allegantur. Deperditi sunt incuria Judæorum, qui quosdam incenderunt, ut queritur Jeremias. Deuteronomium adeò fuerat neglectum; ut diu ignoratum fuerit, repertum sub Josia rege..

Pertinebat ad Apparatum Biblicum saltem ista quæ spectant Librorum Sacrorum authoritatem, pertingere & distinguere quorum fuerit semper indubitata authoritas, quorum dubia, quorum nulla. Quin hæc scire, B. Hieronymus ad institutionem junioris virginis pertinere putavit. His-ce enim verbis scribit ad Lætam de institutione filiaæ suæ. *Caveat omnia apocrypha. Et si quando ea, non ad dogmatum veritatem, sed ad signorum reverentiam legere voluerit, sciat non eorum esse, quorum titulis prænotantur: multaque his admixta vitiosa, & grandis esse prudentia aurum in luto quarere.*

## C A P U T VI.

*De lingua Hebræa, in qua primum scripti sunt libri Sacri. De antiquitate hujus lingua. Hebræus Codex olim scribebatur sine punctis vocalibus.*

**P**Ræmissa Sacrorum Librorum notione, ut præstruere pergamus quæ necessaria sunt ad illos intelligendos, ante omnia decet mentem advertere ad naturam sive proprietates linguæ qua Spiritus Dei homines compellavit; ex natura enim hujus sermonis, quo verbum Dei expressum est, in multis pendet intelligentia ejus. Non aliam orationem, ut videtur, adhibuit Deus, quàm quæ esset nota & usitata his quibus credebat oracula sua. Cùm ergo jam ab ipso mundi primordio promissis de futuro Messia cœperit implere antiquos humani generis patres, procul dubio usus est antiquiori lingua, & quæ hætenus incorrupta remansisset in familia virorum piorum, ex quibus Messias aliquando erat oriturus. Omnium autem linguarum antiquissima est Hebræa. Non alia lingua locutus est primus hominum parens. In confusione Babylonica nihil mutationis pertulit;

tulit; quod demonstrabimus, cæteras linguas, quæ politiores habitæ sunt, ab illa derivari, & sacrum Codicem, quem scripsit Moyses, quocumque alio, quem venditare possint ethnici, antiquiorem; & alia similia quæ faciunt ad dignitatem & auctoritatem sacri Codicis adstruendam. Simul de proprietatibus & præcipuis linguæ Hebrææ idiotismis disseremus; ex quibus lux non mediocris sacro Codici affulgebit.

Linguam Hebræam appello, quæ Abrahæ & posteris ejus Isaac, Jacob, & duodecim Patriarchis filiis Jacob usitata erat, & qua Moyses ex jussu Dei scripsit quinque libros, qui illum præferunt authorem; neque enim aliam aliquam adhibuisse verisimile est, quàm quæ Israelitis nota esset. Hebræa autem dicta est vel ab Hebero Semi pronepote; ut qui ab hoc Hebero ortum duxere, appellati sunt Hebræi: vel quia usitata esset Abrahæ posteris, qui quidem Hebræi dicti sunt, non ab Hebero parente, sed quia Abraham à loco, in quo erat trans fluvium Euphratem, vocatus est à Deo, & hoc fluvio trajecto venit in terram Chanaan. A Chananæis ergo appellatus est Hebræus, id est, *transitor*, eodem sensu quo ultramontanos dicimus, qui ultra montes degunt. Verior hæc est origo nominis, quo nempe Abrahæ progenies sic appellata est, quia venisset à regione, quæ respectu Chananæorum trans fluvium Euphratem erat. Distabat enim Abraham ab Hebero sex generationibus; & tamen nullus eorum qui de stirpe Heber fuit, ante Abrahamum dictus fuerat Hebræus.

Linguam Hebræam primam omnium fuisse ostendunt nomina, quorum ratio redditur in textu Sacro ex radicibus Hebraicis. E multis pauca proferam. *Adam* sic dictus est, quia ex *Adama*, id est, terra factus est (*Gen. c. 2. v. 7.*) *Eva* ab *Evah*, hoc est, *vivere*, quia fuit mater omnium viventium (*Genes. cap. 3.*)



Gen. 3. v. 20.) *Cain*, à *Cana*, id est, ab acquirendo, quia dixit Eva, possedi virum à Domino (*Genes. cap. 4. v. 1.*) Hæc ratio eorum nominum quæ imposita sunt *Adæ*, *Evæ*, *Cain*, reddi non potest in aliis linguis, nec complurium aliorum nominum. Vis autem huius argumenti consistit in hoc quod illa nomina propria primorum hominum à primitivis suis radicibus deflexa & derivata sunt; ut vox à voce dependeat, tanquam conjugata vel paronyma, ut nomen *Adam* à nomine *Adama*, quod est *terra*. Ista notatio paronyma in nulla alia lingua locum habet, sive nomen *Adam* deduci non potest nisi in Hebræa, ex voce quæ terram significet. Undè sequitur primos homines Hebraicè locutos.

Sed quispiam dicat, posterioribus sæculis nomina illa imposita fuisse; & à scriptoribus res linguæ suæ accommodatas. Moyses enim verbi causa, inquit, eo nomine non statim appellatus est, quia ab aquis servatus esset, quod significat origo Hebræa; filia enim Pharaonis, à quo nomen accepit cum ex aquis eductus est, loquebatur Ægyptiacè; ita non potuit eum appellare Hebræo vocabulo. A Scriptore ergo Hebræo sic appellatus Moyses, nomine quod illi conveniret, quatenus ab aquis servatus fuerat.

In Exodo cap. 2. v. 10. in Vulgata quidem dicitur de filia Pharaonis, quod puerum vocaverit Moysen, quia, inquit, de aqua tulit eum. Verùm respondet Buxtorfius, verbum Hebræum *meschitihu*, quod Latinus interpret reddit *tuli* in prima persona, reddi posse *tulisti* in secunda; ut ipsa Jochabed vera mater Moyse dederit nomen filio suo: ut genuinus sensus sit, accepisse puerum, eumque lactavisse; quem postea adducens ad filiam regis, sic illam compellaverit: nos Hebrææ mulieres hunc puerum appellavimus *Mosem*, quia tulisti eum sive eduxisti ex aquis.

Antiquitatem linguæ Hebrææ simul & gentis demon-

monstrant vetusta Gentium & populorum nomina, quæ plerumque originem habent Hebraicam; & in aliis linguis nihil significant. Videre est singulos Semi, Chami, & Japheti filios & nepotes singulis Gentibus singula nomina dedisse: ut Assur Assyriis, Elam Elamitis; Aram Aramæis; Lud Lydis; Gomerum Cymbris, sive Cimmeriis; Madai Japheti filium Medis: Javan Jonibus. Gentilium deorum nomina ferè omnia, ex lingua Hebræa orta, à vicinis regionibus ad Assyrios & Græcos derivata sunt. Saturnus ab Hebræo verbo, *Satar*, id est, à *latendo* deducitur; ut Latium dici volunt Latini, quia Saturnus ibi latuit, cum à Jove fugerent: nisi & hoc-ce nomen *latium* derivetur à fonte Hebræo; nam *louth* Hebræis sonat *latere*. Jovem à Jehova deducunt multi: Belum sive Baal ab Hebræo *Baal*, quod idem est ac *Dominus*, quo nomine plures Deos habuerunt Phœnices: Vulcanum à Tubalcain, qui usum ferri & æris invenit: Cere-rem, non à serendo, ut Latini, sed ab Hebræo *Ghe-  
res*, quod notat *fructus extrusus*. Aliud suppeditant argumentum reliquæ quædam linguæ Hebraicæ in omnibus aliis linguis, quod à viris doctis observatum est. Modo in lucem prodibit, nisi jam prodierit, cum hæc typis edita prodibunt, grande opus Thomassini nostri, quo ille omnes linguas deducit ex fonte Hebræo. Diu est quod typis exiit.

Usque ad diluvium & ea tempora quò de extruenda turri Babylonica cogitavere homines, terra erat unius labii, ut adstruit Scriptura; quippe omnes erant filii unius viri: confusione autem facta linguarum, ædificium turris susceptum disturbavit Deus. Cur enim elegissent homines scindi in diversas linguas, cum nemini non molestum sit non posse mentem alteri communicare, aut sibi alterius communicari? Ergo diversitas linguarum malum est immissum à Deo, cui subjacere non debuit pia Semi Soboles, quæ sic incor-

corruptam suam linguam servavit. Quidquid sit, lingua Hebrææ debent Græci, quòd lingua eorum potior sit; nam ex ipso Gentilium testimonio Phœnices primi eos literas docuere. Literas, inquam, in Græciam ex Phœnicia primus Cadmus intulit circa tempora Othonielis, nimirum multos post annos, quàm Moyses sacros Libros scripsisset: quibuscum ergo nullum volumen Græcum de antiquitate contendere potest. Græcos autem suas literas accepisse ab Hebræis, argumentum est quòd Græcarum literarum nomina ab Hebræis levi deflectione deducantur; & quæ Græcis barbara sunt, id est, nullius significationis, in Hebræa lingua quidpiam significant. Ipsi Græci literas suas se debere Phœnicibus agnoscunt: antiquæ autem reliquiæ Phœnicii sermonis, quæ apud auctores veteres reperiuntur, demonstrant hunc ab Hebræo non multum discrepasse. Ex Phœnicibus Pœni sive Carthagenenses ortum suum deducunt; punica verò nomina, quæ interdum allegat B. Augustinus, ipse Pœnus quatenus natus in Pœnorum colonia, ipsa sunt Hebræa.

In captivitate autem Babylonica, licet hæc ultra septuaginta annos non duraverit, lingua Hebræa tantam mutationem subiit, ut Judæi hujus obliti Chaldaicam cum aliqua Hebrææ tinctura post solutam captivitatem in patriam introduxerint; ita ab hoc æve tempore Hebraica desit esse vernacula, juxta communem omnium ferè Doctorem sententiam; undè legimus (*cap. 8. v. 7.*) Nehemiam, Esdram & Levitas, cum legem populo prælegerent, eandem exposuisse; scilicet interpretabantur eam lingua vulgari, ut populus intelligeret. Hinc origo Paraphrasium Chaldaicarum. Ab hoc nempe tempore, postquam legem & Prophetas in Synagogis prælegerant Doctores, explicationem lingua vulgari adjungere cœperunt. Pro Hebraica itaque posthac Chaldaica Judæis facta est vernacula, quæ primò purior, postea magis corrupta & vitiata est,

pro

pro diversitate nationum, quibus serviebant, variis dialectis & idiotismis. Quapropter quod in Evangelio adstruitur *Hebraicè* dictum, decet interpretari *Chaldaicè*: contra verò quod scribit Philo, Scripturam sacram fuisse *Chaldaicè* scriptam, intelligendum est *Hebraicè*. Nec tantùm Judæi Chaldaica lingua locuti sunt, sed & in hac libros suos conscripserunt usque ad eversionem Templi, & sæculis sequentibus; ita ut nullibi extet lingua Hebraica pura, nisi in veteri Testamento.

Quin & pristinos characteres viri docti hac ætate, ut olim Eusebius & Hieronymus, sentiunt mutatos in captivitate Chaldaica; & Esdram qui post reditum Codices sacros recensuit & instauravit, eodem literis Assyriis sive Chaldaicis populo Judæo magis notis (qui durante captivitate linguæ & literarum obliti erant) descripsisse. Sic Hieronymus in præfatione in libros Regum. *Certum est*, inquit, *Ezram scribam, legisque doctorem, post captam Hierosolyman, & instaurationem Templi, sub Zorobabele alias literas reperisse, quibus nunc utimur, cùm ad illud usque tempus iidem Samaritanorum & Hebræorum characteres essent*. Et in Ezechielem cap. 9. *Antiquis Hebræorum literis, quibus usque hodie utuntur Samaritani, extrema Thau litera crucis habet similitudinem*. Rationem mutationis characterum hanc reddit Eusebius in Chronico, ubi de Esdra affirmat divinas literas ab eo memoriter traditas, videlicet ne Judæi Samaritanis miscerentur, idèd literas judaicas commutasse; sed vera ratio est, quia Judæi, amissis Libris sacris, assueverant Chaldaicæ sive Assyriæ scripturæ, pariter & linguæ.

Hodiernus character, quo nempe nunc Biblia Hebraica exarata sunt, vocatur major & quadratus ob formam, & Assyrius quia ab Assyriis. Alio character vulgè Judæi utuntur, qui appellatur minor & cur-

currens, aut Hispanicus, aut *maskal*, quod nomen apud Arabas idem sonare aiunt quod macilentum, *comme qui diroit; caractère maigre* ( *come chi diceffe, carattere magro* ) Attamen quia diu est quod Iudæi volunt in hodiernis characteribus Bibliorum infinita latere mysteria, nempe in litterarum ipsarum majuscularum vel minuscularum forma, figura, ductibus, inversione, suspensione, apicibus etiam sive spiculis, aut corollis quibus literarum capita in scriptura hodierna voluminis sui Sacræ legis armantur vel ornantur. Cùm, inquam, omnia illa mysteria essent inania, si illi hodierni characteres essent novi, fingunt à tempore Mosis duplici characterè scriptam Legem, sacro & profano, scilicet Hebræo, qui sacer, & altero, qui idèò Samaritanus appellatus est, quia illum Esdras reliquerit usurpandum solis Samaritanis. Quod autem hodierni characteres Bibliorum à Talmude dicti sunt Assyrii, sic interpretantur, ut non Assyrii vocentur quia ab Assyriis venerint, sed ex eo quòd illis characteribus lex scripta sit. Vox enim Hebræa Assyrios populos significat quidem, sed & *beatitudines*. Beata est, inquiunt Rabbinii, Scriptura Legis, quam ipse Deus digito suo exaraverit.

Dicam pro antiquitate characterum Samaritanorum, primò alphabetum Græcum, quod constat à Cadmo, id est, à Phœnicibus Hebræorum vicinis inductum in Græciam, magis accedere ad similitudinem literarum Samaritanarum, cùm invertuntur; quod argumentum est primævas Hebræorum literas fuisse Samaritanas. Habemus antiquos characteres, quibus Samaritani semper usi sunt, in Siclis qui Hierosolymis effodiuntur, olim in usu sub regibus Juda. Præferunt illi incisas literas, quæ in scriptis Samaritanorum leguntur sine ulla vel exigua mutatione. Nullius autem cogitationem subeat hos siclos à Samaritanis cufos fuisse; si quidem omnes hac inscriptione notentur:

tur: *Jerusalem sancta*. Notum autem quàm abhorrent Samaritani ab Hierosolymis; quam ergo urbem non appellassent Sanctam. Sicli quos aliqui venditant inscriptos imagine Salomonis cum Hebraicis literis hodiernis, nuperè cusi sunt; neque enim lex vetus sinebat ut ulla hominis etiam regis imago cuderetur. In ista tabula qua æstimamus veterum nummorum valorem, expressimus formam sicli Hebræi, inscripti Samariticis literis.

Nunc in codice Hebræo consonantibus literis subscribuntur puncta, quæ locum tenent vocalium. Quæritur an ista puncta coæva sint literis consonantibus; horum enim ita forma diversa est à consonantibus, ut cum illis non statim adinventæ videantur, sed postea subdita. Virorum peritiorum sententia est, puncta Textui sacro apposita fuisse circa annum Christi quingentesimum à Judæis scholæ Tiberientis, nempe à Doctoribus Academiæ quæ tunc temporis in Tiberiade celebris erat. Ne cui autem mirum videatur, sine vocalibus olim sermonem Hebræum scribi potuisse & intelligi, quasi ambiguus & prorsus incertus fuisset, sciat & nunc his carere posse. Etenim hodie sine punctis scribunt Judæi, quorum scripta leguntur & intelliguntur. Multis annis post obitum impostoris Mahomeris puncta vocalia adjuncta sunt libris Arabicis; undè & hætenus pueri Turcarum, Arabum, Persarum, ac omnium denique Mahumedanorum sine punctis legere discunt.

Hæc favent novitati punctorum, quæ nunc probanda est argumento quod ducitur ex literis Samaritanis, quas easdem fuisse cum antiquis Hebræis supra probavimus. Puncta vocalia nulla agnoscunt Samaritani; nam ope trium literarum, quas *Matres lectionis* vocant, quæque antiquitus pro vocalibus habitæ sunt, libros suos sacros legerunt, & hodie legunt. Vocalium soni quasi congeniti sunt cum literis consonantibus;

tibus; quæ ideo sic dicuntur consonantes, quia efferri non possunt, quin quæ piæ ex vocalibus sonet cum illis. Quin & vocales linguæ Græcæ α, ε, η, ι, ο, υ, respondent Hebræorum his-cæ consonantibus literis *aleph*, *he*, *vau*, *het*, *jod*, *ajin*. Harum ergo consonantium ope olim Hebræi & Samaritani sicut & Arabes poterant, nondum inventis punctis, efferre sermonem, qui distinctè sonaret auribus. Ita quanquam utilia sint puncta, non potest dici horum usum fuisse semper omnino necessarium, & frequentatum. Contrarium docet Synagogarum ab ultima antiquitate consuetudo. Volumina sacra, quæ populo publicè in illis præleguntur, neque puncta neque accentus habent. Quin sine versuum distinctionibus exarata sunt; ut morem antiquis temporibus usitatum exhibeant. Præter libros typis excusos & punctatos, unum, inquam, habent volumen Legis in singulis Synagogis, peculiari modo descriptum, circa columellam convolutum, quod asservant in peculiari capsâ, quam *Aaron*, id est, *arcam* appellant, serico coopertum, & auro ac gemmis ornatum. Hoc volumen in magna apud eos veneratione est; quod cum ex arca proferunt, ut ex eo aliquid legatur, magna reverentia tractant; populusque cum jubilo & acclamatione honorem tantum non divinum ipsi tribuit. Post lectionem verò eadem cum pompa & reverentia in arcam reponunt. Hoc autem volumen, non punctatum, volunt ipsum Moysi volumen in Arca Dei jussu servatum referre, quod fatentibus plerisque eorum Doctoribus, erat punctis destitutum, imo ipsi docent, Moysi ævo, figuras vocalium & accentuum nondum fuisse; & hac de causa librum illum in synagogis hodie sine notis in Mosaiici exemplaris memoriam scribi.

Elias Levita celebris inter Hebræos Grammaticus puncta à Judæis Tiberiensibus post confectum Talmudem excogitata fuisse probat testimonio doctissimo-

rum

rum Rabbīnorum, quos allegat. In toto Talmude, tam in Mischna quàm in Gemara, nulla sit puncto-  
rum mentio, nec ullius accentus nomen aut figura oc-  
currit. Altum illud silentium in vastis illis volumini-  
bus argumentum validum suppeditat, puncta fuisse  
eorum compilatoribus prorsus ignota; præsertim cùm  
in locis plurimis occasio se obtulerit, imò necessa-  
rium fuisset illorum mentionem facere, si tunc exi-  
tissent; puta cùm controversia est de vocabuli alicujus  
lectione, quod punctis destitutum variè legi poterat.  
Nam si punctatos codices habuissent, punctatio con-  
troversiam diremisset. Ita vox דָּבָר apud Hebræos,  
prout cum diversis punctis effertur, sonat vel *dabar*,  
id est, *verbum*, vel *deber*, nempe *pestis*. Cùm au-  
tem Talmudistæ admonent variæ lectionis, dicunt:  
ne legas sic דָּבָר sed sic דָּבָר, nec aliud addunt  
quo pronuntiationis varietas, undè sensus diver-  
si oriuntur, distingui possit. Facile autem erat ex au-  
ditu differentiam percipere in *dabar* & *daber*, sed  
hoc non poterant scripto exprimere ob defectum pun-  
ctorum. Tres ergo literas tantùm repetunt, ut intel-  
ligat lector ex ista repetitione pronuntiationem trium  
literarum non eandem esse. B. Hieronymus commen-  
tans illa verba Prophetæ Habacuc cap. 3. v. 8. *Ante  
faciem ejus ibit mors*, indicat à se ignorata puncta:  
*Pro eo quod nos transfulimus mortem, in Hebræo tres  
literæ posite sunt דָּבָר absque ulla vocali: quæ si legan-  
tur davar, verbum significant; si dever, quæ Græcè  
dicitur δαίμων. Pariter ad caput nonum Jeremiæ v. 22.  
Verbum Hebræicum דָּבָר quod tribus literis scribitur  
(vocales enim in medio non habet) pro consequentia &  
legentis arbitrio, si legatur dabar, sermonem significat;  
si deber, mortem; si daber, loquere; unde LXX. &  
Theodotion junxerunt illud præterito capitulo, ut dice-  
rent, disperse parvulos de fratribus, juvenes de plateis.  
Aquila verò & Symmachus transfulerunt λάλησον loque-*



re, ut imperet Deus loqui quæ sequuntur. Hic commoda fuissent puncta; ad ambiguitatem tollendam, & varietatem significationis explicandam: sed nulla illorum mentio fit, non solum apud Hieronymum, sed & apud cæteros Patres tam Græcos quàm Latinos.

Non infirmum argumentum pro novitate punctorum suppeditant antiquæ Versiones, Græcæ, Chaldaicæ, Syriacæ, &c. ex quibus perspicuum est, ob defectum punctorum, voces quasdam ambiguitate laborasse; undè aliter interpretati sunt Versionum istarum auctores, quàm hodie in punctatis codicibus legimus: inter illas diversitas nulla fuisset, si aliter non legissent quàm in hodiernis exemplaribus legimus. Hoc passim observant viri docti in commentariis suis, aliisque scriptis; plura exempla promentes ex septuaginta Græcis interpretibus, ubi eadem literæ, sublatis punctis, tam ipsorum Versioni, quàm lectioni hodiernæ inservire possunt. Contigit etiam versionem Græcam ideo diversam esse à versionibus Hebraicis, quæ post punctatos codices cussæ sunt, quia sine ulla versuum & dictionum distinctione olim Hebræi Codices scribebantur. Prout ergo interpretes Græci hanc vel literam vel vocem referunt ad id quod præcedit, aut ad id quod subsequitur, interpretantur diversimodè ab hodiernis interpretibus, qui nunc utuntur Codicibus in quibus fixa est versuum & dictionum distinctio.

His observatis de nova punctorum observatione locum illustramus libri secundi Esdræ c. 8. 8. ubi ille dicitur legisse librum Legis *distinctè & apertè ad intelligendum*. Nimirum Esdras, licet uteretur libro qui non haberet puncta sive vocales, tamen legebat & pronuntiabat secundum proprias vocales, ita ut sensum populus intelligeret. Si enim puncta habuisset, laus hæc puero septenni meritò conveniebat, at decenni indigna. Quis enim filium suum decennem

valde

valde laudabilem existimaret, quòd Latinè sciret ex-  
peditè legere? At Hebræi textus eadem ratio est, si  
puncta & accentus habeat. Non immorabor confu-  
tandis argumentis; quibus antiquitatis punctorum as-  
sertores pugnant; rem enim tantum delibamus, &  
quantum satis est, ut qui primum accedunt ad le-  
ctionem sacri Codicis & interpretum ejus; præno-  
tionibus necessariis omnino non careant. Qui rem  
expendere voluerit, legat eruditum opus Ludovici  
Capelli, *arcanum punctuationis Hebraica revelatum*,  
& exercitationes Biblicas Morini; qui exercitatione  
xvii. & evincit tempore D. Hieronymi textum He-  
bræum nondum fuisse in versus & commata distin-  
ctum; & ignotas prorsus Hebraicas grammaticas;  
ut sola Traditione lingua Hebræa disceretur.

## C A P U T VII.

*De Alphabeto Hebræo. Formam literarum Hebræarum  
prodest non ignorare.*

QUæ dicturi sumus de lingua Hebræa; clariora  
fient, subjecto ejus alphabeto, cujus literas in-  
terest saltem oculis, visu posse distinguere: ut si for-  
te quis scripturarum amans in Biblia originalia inci-  
derit, è noto charactere intelligat Librum esse sa-  
crum. Præterquam non deceat ignorare harum lite-  
rarum nomina, & ordinem; his enim pro numeris  
utuntur scriptores sacri, distinguunt pleraque canti-  
ca, plures psalmos, quorum quidem versiculi, stro-  
phæ habent in suo initio quæpiam ex dictis elemen-  
tis, certo ordine recurrentibus; unde illi Psalmi ap-  
pellantur *alphabeticæ*; qualis est Psalmus centesimus  
decimus octavus, qui secundum ordinem literarum  
sic compositus est, ut octo primi Versus nomini-  
bus, quæ primam literam, quam Hebræi *aleph* ap-  
pellant,

pellant, inchoentur: rursus ex sequenti *beth*, totidem versus exordium sumant; ac postea ex *gimel* idem numerus compleatur; atque ita usque ad thau, quæ apud Hebræos extrema litera est, Psalmus ille totus conscriptus sit. Viginti duæ literæ Alphabeti sic octies repetitæ conficiunt versus CLXXVI. quibus ille psalmus constat. Sacer autem Vates non inane carminibus suis ornamentum assuebat. Cùm hoc psalmo morum doctrinam omnem complecti veller, colligabat hac ce arte diversas sententias, ut faciliùs memoriæ commendarentur. Jèremias simili arte devinxit Lamentationum suarum carmina, servans ordinem literarum Hebræarum; quod cùm Latino & Græco sermone Interpretes non possent exprimere, nomen literarum Hebræarum præfigi voluerunt, à quo inciperet carmen. Hinc singulis annis per sanctam hebdomadam personant ædes sacræ Hebræi alphabeti recitatione. Tanquam barbaris vocibus perterrerentur fideles, nisi scirent esse literas Hebræas; & ab illis inchoari carmina in textu originali, quibus in versione præfiguntur.

Ergo visum est huic-ce loco inferere alphabetum Hebræum, & valorem literarum ejus exprimere tum Latinis tum Græcis literis. Adjunxi Græcum alphabetum; ex quo liquebit omnem doctrinam suam acceptam debere Hebræis Græcos, qui & ab illis prima elementa didicerint. Hujus veritatis certum argumentum est, quòd in nullo alio alphabeto, ut modo dicebam, voces quibus appellantur quæque literæ, significantes sint. Nempe nomina literarum quibus alphabetum Hebræum constat, quampiam rem significant, nullam in alphabeto Græco. Etenim quid Græcis denotant voces illæ *alpha*, *berha*, *gamma*, præter literam sive characterem, cui pro nomine inditæ sunt sine causa, nisi quia ab Alphabeto Hebræo originem habeant; in quo non sunt inania verba.

*Aleph*



1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900

1901

1902

1903

1904

1905

1906

1907

1908

1909

1910

*Aleph* Hebræis sonat *bos*, *dux*; ideo litera, quæ *dux* esset cæterarum, eo nomine appellata est. *Beth*, domus. *Gimel*, plenitudo; & sic de cæteris. Illas autem literas efferimus eo sono quem illis tribuit B. Hieronymus, scribens ad Paulam Urbicam de huius alphabeti interpretatione.

*Alphabetum Hebraicum & Græcum.*

Attentis oculis considera; lector, hæc-ec alphabeta. Cognosces inter causas quibus effectum est; ut antiquæ versiones adeò differant ab hodiernis fontibus, censendam esse literarum Hebræarum similitudinem. Etenim, verbi causa, duæ literæ ך *resch* & ך *daleth*, ut dicit B. Hieronymus, parvo apice distinguntur. Indè factum est ut eadem urbs ab aliis *Reblata*, ab aliis *Deblata* dicatur. Literæ י *jod* & ו *vau* tantum magnitudine discernuntur; undè in eodem Ezechielis loco alii legunt ׀׀ *en*, id est, oculus alii ׀׀ *avon*, id est, iniquitas, ut observat idem sanctus doctor, nempe alii legunt *jod*, alii *vau*. Similiter literæ ב *beth* & פ *caph* differunt parvo apice, sicut ג *gimel* & נ *nun*; etiam ו *vau* & ז *zain* ׀. Facile fugit oculos discrimen quod est inter ה *he* & ח *cheth*; sicut inter ת *theth* & מ *mem*.

Præterea sunt literæ, quæ diversæ figura sunt, sono similes; in quibus ergo pronuntiandis lingua errat, ut sunt פ *caph* & פ *coph*. Una nostra litera *S* exprimimus quinque illas literas Hebræas ש *schin* aut ש *sin*, ׀ *samech*, ז *zain* & צ *tzade*. Hæc soni similitudo peperit varias lectiones & discrepancias quæ omnes (adeò curæ fuit Deo facer Codex) non offiunt sacris dogmatibus.

## C A P U T VIII.

*De idiotismis sive proprietatibus lingue sanctæ. Unde tanta diversitas inter eadem nomina, quibus Græci & Latini interpretes expresserunt nomina propria Hebræorum,*

Cum Græci & Latini interpretes phrasi Hebrææ plusculum inhæreant, cognitio proprietatum ejus etiam his necessaria est qui non alios quàm Latinos aut Græcos Codices legunt. Sciendum autem est Hebræos non habere casus, eodemque nomine invariato per omnes casus uti. Inde interpretes subinde casum pro casu usurpant. Ut illud (2. Cor. c. 8. v. 23.) *sive pro Tito, sive fratres nostri*, id est, *pro fratribus nostris*. Verba eorum non habent indicativum præsentem & imperfectum: utuntur præterito vel participio; ita *credidi*, id est *credo*: & *ad simulacra euntes*, id est, *ibatis*. Comparativo & superlativo carent: utuntur positivo, ad exprimendos hos gradus, ita dicunt *bonum* pro *melius est confidere in domino, quàm confidere in homine*. Igitur quandoque per comparisonem dicta intelligere decet, quæ dicuntur positive,

Lingua Hebræa non habet ultra mille & viginti duas radices; à quibus omnia nomina derivantur. Propter hunc exiguum radicum numerum, sæpe unum idemque nomen, vel verbum, vel etiam sententia pluribus diversisque rebus designandis adhibetur. Præter activam & passivam conjugationem, mediam habent. Nomina eorum duali terminatione significant rem esse geminam. Verbum, prout flectitur, contrarias significationes habet; quas diversas flexiones cum non exprimat Latinus interpres, ideo ambiguus. Sic factum, verbi causa, ut *benedicere* interdum so-

net

net idem ac *maledicere*, nempe pro diversa pronuntiatione, quam nunc puncta vocalia distinguunt. Sic cum diversæ sint in lingua Hebræa conjugationes sive flexiones, pro illarum varietate idem verbum præter actionem quam significat, denotat insuper modum actionis particularem; puta an quis agat, aut agatur, an in se agat, aut alios agere faciat: quod advertendum; nam illud Evangelii, de die aut hora judicii Christum nescisse, ex proprietate sermonis Hebræi accipere possumus pro *non facit scire*: Christus enim potuit verbum, quæ usus est, flectere, ut id significaret. Sic illud Pauli: *Tunc cognoscam sicut & cognitus sum* positum est, pro *tunc efficiar cognoscens*. In versionibus Græcis & Latinis, verba activa denotant duplicem actionem, quando verbum Hebræum cui respondent, est in conjugatione quam *Hiphil* appellant. Ut illud *emigrabit te* (*Psal. 51. v. 7.*) id est, *emigrare te faciet*; & illud Jonæ (*Cap. 3. v. 7.*) & *clamavit Rex*, id est, *clamare fecit*. *Osce* (*Cap. 8. v. 4.*) *ipsi regnaverunt*, id est, *regem sibi constituerunt*. *Spiritus postulat pro nobis* (*Rom. cap. 8. v. 26.*) id est, *postulare facit*. *Deus triumphat nos* (*2. Cor. c. 2. v. 14.*) id est, *triumphare facit*. Quædam verba in hac conjugatione fictionem seu simulationem notant: *simulavit se divitem*: *simulavit se egrotum*. Non rarè quædam nomina substantiva vim verbi activi habent: sic *Deus justitia nostra* idem est ac *justos nos faciens*. *Justitia* aliquando pro justificatore accipitur, aliquando pro justificato. Ita videre est, quomodo lingua sancta, cum tam parvo radicum numero, innumeris significandis rebus inservire posset.

Quia præpositionum & conjunctionum, sive, ut loquuntur Hebræi, literarum servilium numerus exiguus est, ideo in versionibus Græcis & Latinis, liberè una pro altera præpositio & conjunctio adhi-



betur; quia una & eadem litera Hebræa diversarum præpositionum & conjunctionum vim habeat: præpositionum enim loco Hebræi utuntur Elementis alphabeti sui, verbi causa, suo ך, quod respondet multis præpositionibus nostris; Unde hæc litera & aliæ, quia deserviunt multiplici usui, dicuntur *serviles*.

Non omnem Phræseologiam Scripturæ hic explicare vacat; perstringam quosdam ejus idiotismos. Numerus plenus & rotundus sæpe in illa ponitur, neglecto minore, qui aliquantulum excrescit vel deficit. Unus idem aliquando ponitur pro *primus*: verbi causa, *una* sabbati pro *prima dies* hebdomadis. Voculæ *non amplius, non ultra, sæculum, generatio, generationes*, non semper significant absolutam æternitatem, seu durationem interminabilem, sed solum diurnam durationem, & quasi humanam æternitatem, sive longum tempus, cujus finis ab homine jam vivente non videtur. Notandum est vocem *caput* loco pronominum interdum poni: *carbones ignis congeres super caput ipsius*, pro *super ipsum*. Etiam illud *filius hominis*, locum tenet pronominis primæ personæ in his locutionibus Domini: *filius hominis non habet ubi caput suum reclinet*: id est, *ego non habeo ubi caput meum reclinem*. Voces sunt Hebrææ diversæ significationis; quarum ambiguitatem Interpretes non advertentes primi in errorem inducti sunt, deinde alios inducere. Sic quia *caran* significat *cornua producere & radios splendoris instar cornuum emittere*, cum Interpretes dixissent faciem Moysis à consortio Dei factam cornutam, pictores delineaverunt Moysen cornutum, cum decuisset nihil nisi emicantes radios ex facie representare, quibus astantium oculi perstringebantur; ut clarè innuit Apostolus (2. Cor. cap. 3. v. 12. & 14.) Nomen *Kedem* æquivocum est: notat orientalem plagam simul & ante-actum tempus. Usurpatur & pro his particulis *antea, ante*. Pleraque & alia sunt, quæ in diver-

diversos usus Hebræi usurpant. Sic nomen *davar* significat sermonem & quancumque rem. Nomen *et-æm* propriè significat *os*, *corpus*, *substantiam*; interdum autem & locum pronominis obtinet. Ita *corpus peccati* est ipsum peccatum, & *corpus mortis* ipsa mors; *corpus Ecclesie*, ipsa Ecclesia: & *corporaliter* idem sonat quod *essentialiter*. Vasa sunt quævis instrumenta, ut *vasa mortis*, id est, omnia quibus mors infertur: *vasa belli*, arma & instrumenta bellica: *vasa Psalmi & Cantici*, instrumenta omnia musica. Ita de hoc-ce nomine *filius*. Appellant enim Hebræi sagittas *filiis pharetra*: *insulam*, Verbi gratia, Tyrum, *filiam maris*: suburbia & villulas ei subiectas, *filiæ ejus*: campos pingues, *filiis olei*: qui digni sunt morte, *filiis mortis*. Ponitur *filius* pro discipulo: hinc *filii Prophetarum* pro discipulis Prophetarum: *justificata est sapientia à filiis suis*, id est, à discipulis. *Filius unius anni*, pro natus uno anno: *frangere panem* pro vesci pane, sive comedere panem. Lex vetabat his uti, quæ promiscuo erant in usu, & benedictione particulari non fuerant sanctificata; idcirco *commune* dicebatur pro *prophano*. Nomen illud *mors* adjungitur his quæ mortem causare possunt: *umbra mortis* est *umbra perniciofa*. Similiter dicunt *pactum salis* pro *pacto aeterno*. Quia utebantur lapideis ponderibus, indè lapis interdum ponitur pro pondere. Septenarius numerus indicat multitudinem. Animam *in manu ponere*, idem est ac *in periculo versari*; *virtus* idem quod *exercitus*. *Auditus* pro *rumore* usurpatur: *sedere* pro *manere*: *pretiosum* pro *raro*: *justitia* pro *eleemosyna*: *cælum* pro *Deo*: *anima* pro *vita*: *caput* pro *summa*: *robur Domini* pro *Arca*: *os gladii* pro *acies gladii*: *labor* pro *dolore*: *lucerna* pro *vita*: *Vox Domini* pro *tonitru*, *cornu* pro *potentia*. *Alienigena* sonat idem quod *meretrix*; quia cum

cum lex non sineret meretrices vivere in Israel, idcirco omnes extraneæ erant,

*Aures perforare* idem est quod *servum quempiam facere*, quia qui se mancipabant, præbebant aures sibi perforandas. *Calix & funiculus* præter ordinariam significationem notant *hereditatem*; quia dum hæredes agros dividebant, hos metiebantur funiculis; & cum sorti committebant divisionem, sortes mittebant in calicem. Proprium Hebræis est ut substantivum geminatum excellentiam significet, & superlativi vicem obtineat *Sancta Sanctorum* pro *sanctissima*; *Canticum Canticorum* pro *excellentissimum canticum*; *Vanitas vanitatum*, id est, *res vanissima*. Eadem vox substantiva in eodem casu geminata multitudinem seu universalitatem ejus rei significat. *Homo & homo natus est in ea*, id est, *multi homines*. *Populi populi*, id est, *omnes populi*. Repetitio autem ejusdem nominis distributionem indicat; ita *duo & duo ingressi sunt*, id est, bini, ut vernaculè dicitur *deux à deux*, ital. *a due a due*.

Dum loquimur de idiotismis linguæ Hebrææ, causa à nobis reddenda est, cur ab Interpretibus sacri Textus tam diversimodè reddantur propria personarum nomina. Primum consonantes literæ, ut dictum est, non eodem modo efferuntur, sed diverso, pro subjectis vocalibus punctis. Græci autem interpretes, qui primum Biblia verterunt, usi sunt Codicibus qui sine punctis vocalibus scripti erant, vel aliis quàm quæ adjunguntur hodiernis. Ita vocabula in textu aliter nunc sonant, quàm olim, cum LXX. interpretes scripsere, & ipse B. Hieronymus fontem Hebræum latinè reddidit.

Secundo loco, Hebræis, ut modò vidimus in eorum alphabeto, plures literæ sunt, quæ quidem forma sua distinguuntur, non similiter sono; quem ergo in-

go interpretes non iisdem literis exprimunt: verbi causa, literæ zain, samech, tsade, schin & sin; quas Græci & Latini alii aliter pronuntiant, Litera: zain Hebræis valet *S* levissimum, ut *S* Latinis inter duas vocales, veluti *casus*, *occisus*. Alii per Z, & per ζ Græcorum ejus potestatem notant; unde aliis scribitur *nasareus*, aliis *nazareus*. Litera ם *sin* propriè litera Hebræa non est, sed irreptitia pro ן *samech*, Sic Ephraimitæ corruptè pronuntiarunt *sibboleth* pro *schibboleth*, quo symbolo proditi, occisi sunt ex ipsis quadraginta duo millia, Jud. cap. 12.

Litera ׁ *Hbeth* vel *Keth* spiritus asperior est in medio gutture coarctatus & ad cælum palati illisus; qui cum Græcis interpretibus visus fuisset cum ׂ *caph* aspirato colludere, sæpe eum expresserunt per suum χ, ut in χαπαρ, παχαβ, & similibus. Literæ gutturis live gutturales, quæ spiritu in gutture formato effeuntur, sunt quatuor א *aleph*, ה *He*, ח *Hbeth*, ע *ain*: sine puncto vocali positæ, valorem omnem in pronuntiando amittunt, & otiosæ, quo ad pronuntiationem, in voce existunt. His autem nunc subjiciuntur alia puncta, quàm olim. Ita Propheta qui in Vulgata dicitur *Abdias*, in versionibus hodierni textus Hebræi appellatur *Obadias* aut *Hobadias*: quod nomen venit à עבד *abad* *servivit*, *jas* *Deo*; sed litera *Ain*, pro punctis quæ ei subjiciuntur, effertur vel *Abdias*, vel *Obadias*. Multa sunt nomina, in quibus quiescit, ut loquuntur Grammatici Hebræi, litera ע *ajin*; ut in *Amalec*, in *Amram*, in *Aminadab*, & aliis similibus, quæ ע *am* populum significant cum aliqua distinctione, *populus regis*, *populus excelsus*, *populus princeps*. Unus ex duodecim Prophetis nominatur *Amos*, Hebraicè מועם id est, *oneratus*, *onerans*, dum scribitur per ע in principio. *Amos* pater Isaïæ habet א in principio, & nomen est idem sonans Hebræis quod Latinis *fortis* vel *robustus*.

*bustus*. Litera  $\aleph$  *aleph* diversos etiam sonos admittit pro punctis subjectis. Multa sunt personarum nomina, quæ composita sunt voce  $\aleph$  *el* Deus: ut *Eleazarus*, *Elias*, *Eliezer*, *Elizabeth*. In his sub  $\aleph$  *aleph* est punctum vocale.  $\epsilon$ . In aliis nominibus *aleph* habet vocalem *O*; ut in *Onam*, *Ophel*, *Osee*. Consonans  $\aleph$  *Hbeth*, spiritus ille asperior, quandoque quiescit, & non aliter sonat quam *A*, ut in nomine *Anna*; vel  $\epsilon$ , ut in *Emath*, ut in *Ezechias*; vel *H*, ut in *Haram* civitas Mesopotamiæ, in qua habitavit Thare pater Abraham, in *Manahim* castra, in *Nahum*, quod nomen Prophetæ significat *consolatorem*. Inde origo nominum non potest agnosci, nisi cum Hebraicè & Hebraicis characteribus exprimuntur: verbi causa, *Abel* cum scribitur per  $\aleph$  *lulus* est, per  $\aleph$  in principio *vanitas*.

Hæc & alia facile intelligi non possent nisi alphabeto Hebræo cognito; ad quod mens advertenda est. Quin cum sermo Hebræus multam energiam habeat, quæ vix exprimi potest aliis linguis, visum est viris piis studium linguæ sanctæ non aspernandum, nec negligendum à sanctissimis mulieribus, virginibusque. Hoc-ce studium comprobatur Hieronymus, scribens ad Paulam super obitu Blesillæ filiæ his verbis: *Jam verò, quod in Origene quoque illo Græcia tota miratur, in paucis non dicam mensibus, sed diebus, ita Hebraica linguæ vicerat difficultates, ut in discendis canendisque Psalmis cum matre contenderet*. Linguam Hebræam excolendam viris Theologis præcipiunt Patrum decreta, cæterisque, qui eloquia divina aliis explicare tenentur. Clemens V. in generali Concilio Viennensi statuit dandam esse operam, ut in generalibus studiis, linguæ Hebraicæ, etiam Chaldaicæ, professores constituentur. Absurdum enim est ut legatus mandata regis sui non intelligat, sed habeat opus Interprete. De Themistocle narrant, quod

quòd cùm à Persarum Rege quædam petere, & cum ipso colloqui cuperet, annum integrum in addiscenda Persarum lingua insumpserit, ne Regem per interpretem adiret. Quid ergo ipsis agendum, qui non semel, sed quotidie cum summo omnium Rege colloqui tenentur, ejus mandata ad populum deferre, & ipsorum vota ad Deum offerre? Præterea ad fontes Hebræos in veteri Testamento recurrendum esse, cùm aliquod dubium occurrit, vel in sensu verborum, vel in varietate exemplarum, uno ore affirmant sancti Doctores.

C A P U T IX.

*De integritate & auctoritate Hebrai Codicis; de studio quo Judei Massoreta eum incorruptum servare satagerunt. De Massora & cabala, qua id præstiterunt.*

Q Uamquam satis constet Bibliis sacris sua auctoritas, juvat tamen comprobare codices illos Hebræos, qui antiqua Patriarcharum lingua fuere exarati, ad nos integros pervenisse; quod & certum est de textu originario Græco, nimirum de libris sacris, qui primum Græcè scripti sunt. Sed ante omnia advertendum huic integritati non penitus obstare quaslibet variantes lectiones: horum enim qui sacros Codices exscribunt, potuit calamus aberrare; nec Sapientiæ divinæ visum est, ut eos à talis erroris labe servaret. Providit tantum ne veritas, cui prædicandæ hi Codices facti sunt, scribarum oscitantia interiret. Ergo, sicut nemo negaverit variantes lectiones irrepisse in textus originarios, sic dici non potest ideò esse suspectos. Ex iis omnibus variis lectionibus vix una produci potest, undè orthodoxæ fidei & pietati ullum detrimentum inferri possit. *Varietates istæ non tanti sunt momenti*, inquit Bellarminus de Verbo Dei (Lib. 2.

(*Lib. 2. cap. 2.*) *Ut in iis quæ ad fidem & mores pertinent Sacre Scriptura integritas desideretur; plerumque enim differentia est in dictionibus quibusdam posita, quæ sensum aut parum aut nihil mutant.*

Multi sunt inter veteres Patres, qui, ut supra diximus, Judæos accusare videntur de corruptione textus Hebraici voluntaria, sed horum Patrum testimonia sic exponit Bellarminus, loco citato, ut non de textu Hebraico, nec contra Judæos videantur scripsisse, sed contra Aquilam, Theodotionem, & Symmachum, Judæos apostatas, qui versionibus suis Græcis Scripturam contaminaverant. Ita cum sanctus Hieronymus (*Inter Epist. S. Aug. Epist. 11. cap. 6.*) scribit, se Biblia vertisse ut ea testimonia, quæ à Judæis præmissa sunt, vel corrupta, in medium proferret; intelligit hos Interpretes. Justinus Martyr in Dialogo cum Triphone Judæo agens de vaticinio Isaïæ, *Ecce Virgo concipiet*, accusat quidem Judæos quod aliter interpretentur verba Prophetæ, quàm olim eorum Patres, qui Græcè Scripturas reddiderant sub Ptolemæo: sed ibi intelligit hos Interpretes Græcos, qui aliter Hebræum fontem reddiderant, quàm legerant LXX. Interpretes, quos sequebatur Justinus Martyr. Tripho in hocce dialogo negat à suis corruptas Scripturas. Certè ante Christum malitiosè id non factum liquet. Etenim, ut scribit B. Hieronymus (*in c. 6. Isaïa.*) Dominus & Apostoli, qui arguunt Scribas & Phariseos, de hoc crimine, quod est maximum, non tacuissent. Tantum verò abest ut Christus reprehendat eos, quin contrarium innuit, dum ad Scripturas scrutandas auditores suos amandat (*Joan. c. 5. v. 39.*) quod non fecisset, si falsatæ & corruptæ fuissent. Saltem de corruptione præmonuisset. Post Christum verò Scripturas non corruptas esse à Judæis, vel ab aliis, indè constat, quod quæ à Domino & Apostolis ex Scriptura citantur ex veteri Testamento, eadem planè sint in Codicibus nostris.

nostris. Ac absurdum & planè ridiculum est cogitare, eos loca ista citasse, ut à Judæis vel aliis postea depravanda fore præviderant, quod dicit B. Hieronymus in Isaïæ caput VI. *Si dixerint aliqui post adventum Domini Salvatoris & predicationem Apostolorum libros Hebræos fuisse falsatos, cachinnum tenere non potero, ut Salvator & Apostoli ita testimonia protulerint, ut Judæi postea falsaturi erant.* Si Judæi malitiosè corrupissent odio Christianorum, hoc sine dubio fecissent in vaticiniis de Christo, & in locis, quæ præcipua mysteria religionis Christianæ spectant: hoc verò non fecerunt. In quibus Codices Hebræi à Græcis & Latinis differunt, ea nullius aut parvi momenti sunt; imò ut observat Bellarminus, codices Hebræi sæpe Judæis magis obsunt quàm Græci & Latini. Quis verò credat Judæos depravasse loca, in quibus inter nos & illos nulla est controversia; & in reliquis, quæ de gravissimis mysteriis nostræ religionis agunt, nihil immutasse? *Anne credibile est, loquitur B. Augustinus (Lib. 13. de Civit. cap. 13.) ipsos codicibus suis voluisse eripere veritatem, ut novis eriperent auctoritatem, vel per totum orbem dispersos potuisse in hoc conspirare, nullo contradicente?* Ibidem dicit: *Absit ut prudens quispiam vel Judæos, cujuslibet perversitatis atque malitiæ, tantum potuisse credat in codicibus tam multis & tam longè lateque dispersis.*

Confirmatur Judæos hoc nunquam in mente habuisse, incredibili ipsorum zelo erga legem & libros sacros; ut mortem potiùs omniaque tormenta subirent, quàm vel unum legis apicem mutare vel adulterare vel lent, ut de iis testatur Josephus (*Lib. 1. contra Apion.*) & Philo apud Eusebium (*Lib. 8. cap. 6. & 8.*) Tanta superstitione feruntur erga sacros Codices, ut in libro Legis si vel unicum erratum deprehendant, pro illegitimo damnent & abjiciant. Nullos libros non correctos nolunt servandos ultra triginta dies; Si verò ut-



rò ultra quatuor errores habent, sepeliendos volunt cum probis hominibus. *Providit ergo Deus*, ut or verbis D. Augustini (*Lib. 18. de Civit. cap. 46. & in Psal. 56.*) *ut Judæi, tanquam Capsarii nostri, libros nostros circumferrent, ut cum pagani non credunt quæ nos de Christo prædicta fuisse dicimus, quasi à nobis essent conficta, mittamus eos ad inimicos fidei nostræ Judæos, qui libros nostros circumferunt, in quibus eadem habentur quæ nos predicamus.* Verùm non aliter jam portant Judæi Scripturam quàm cæci speculum; in quo alii multa vident, ipsi nihil.

De illis autem Judæorum codicibus, intelligo Hebraicos veteris fœderis codices, qui certè non ad solos Judæos pertinent, sed ad Ecclesiam Christi. Quapropter haud illi potuere in universum, vel in re aliqua majoris momenti corrumpi à Judæis, post conditam Ecclesiam Christianam: continuò enim quæ divino instinctu & afflatu regitur, occurrisset; & viri docti, quorum numerus semper aliquis fuit, indicassent piaculum factum.

Et si verò Judæi malitiosè textum non corruerunt; probabile tamen est, ubi erat duplex lectio, quarum una magis favebat Christianis, alteram secutos esse ex odio Christianorum. Hoc apparet in loco celebri Psalmi vigesimi secundi, ubi olim erat in textu *caaru*, id est, *foderunt*, & forsan in margine *carie*, id est, *sicut leo*: posteriores Judæi illud marginis *sicut leo* posuerunt in textu, & amandaverunt in marginem *caaru*, id est, *foderunt*; quod fecerunt, erepturi nobis, si potuissent, veritatem, scilicet celebre vaticinium, quòd aliquando foderentur pedes & manus Christi. Id à posterioribus Judæis factum revincunt viri periti ex ipsis antiquioribus Judæorum libris. Sed, quid quid sit, dictum vaticinium abrafum non potest censerì ex bibliis Hebraicis, quorum in margine restat, & notatur à criticis Judæis. Queritur, fateor, Justinus

nus Martyr ab illis abrasum ex Psalmo xcv. illud *regnabit à ligno Deus*. Sed cum ille locus in versione Græca LXX. Interpretum non extet, verisimile est neutiquam fuisse in Hebræo codice. Verè Deus regnavit à ligno; sed iis verbis haud expressum est in Biblico textu illud regnum. Attamen cum subjisset mentem Justini, vel alterius, sive memoria illis illuisset, putavere abrasum quod putabant olim scriptum; & adduxerunt Tertullianum, Cyprianum, Augustinum, & alios, ut id factum pariter crederent. Forsan ad marginem Psalmi, ubi occurrit illud, *Dominus regnavit*, quispiam addiderat *à ligno*; quod postea quis alius, non habens pro additamento, inseruit textui; qui sic depravatus est: error autem non recognitus est, nisi cum comparatione Hebræi codicis & codicum Græcorum: tandem codices liberati sunt illo assumento.

Mutationes quidem à se ipsis factas esse agnoscunt Judæi, quas vocant *correctiones Scribarum*, nempe in sex locis, in quibus non agitur de ullo Christianæ Religionis mysterio, nec Christianis una lectio magis favet quàm altera. Harum ergo correctionum, ut adstruit Massora, de qua modo differemus, authores fuere Esdras & proceres Synedrii magni, qui Scribæ vocantur, id est, Legis-periti. Videlicet illi cum post reditum è Babylone volumina sacra recenserent, & ex variis Codicum lectionibus illas approbatent, has rejicerent, quædam loca mutavere. Scribarum quidem incuria, vel temporum injuria, in textus originarios mendas leviores posse irrepere experimur. Id non negamus. Sed illa errata possunt tolli & emendari aliorum codicum & interpretum auxilio. In hisce sacra Volumina idem fatum subeunt cum aliis libris, qui sæpius describuntur. Ex Massoretis autem constat antiquos Hebræos codices variasse. *Viri Synagoge magna*, inquit Kimchius (*Pref. Comment. in priores Prophetas.*) *qui legem nobis in pristinum statum*

restituerunt, invenerunt differentias in libris, & secuti sunt multitudinem; in locis vero quorum claram cognitionem affecuti non sunt, unum scripserunt in textu, & non punctuaverunt, aut ad marginem, & textui non inseruerunt.

Artem illam, qua incorrupta Biblia servari posse Judæi autumant, exponam. Illam appellant *Massoram*, quam prædicant esse septem Legis; id est, ut interpretatur Maimonides, *que hominem longe à transgressione Legis avertit*; quia scilicet præcavet ne Legis verba corrumpantur. Igitur videamus de *Massora* primò quid significet illud nomen; secundò quæ sit materia ejus. *Massora* est vox Hebraica, quam derivant à radice *masar*, quæ *tradere* significat. *Massora* ergo accipitur pro doctrina, quam quis à Majoribus quasi traditam posteris de manu in manum transmittit. Critica est Hebræorum sacra, quæ descriptionis & lectionis varietates per totam scripturam tradit, & docet quoties, quo loco, & qua forma quæque dictio in textu Hebræo inveniat, ut genuina lectio ab omni corruptione & mutatione immunis servetur. Numerarunt Massoretæ singulos versus uniuscujusque sectionis majoris Legis; numerumque ad finem cujusque sectionis vel libri annotarunt, primò literis numeralibus, deindè nomine aliquo symbolico, ex cujus literis idem numerus exargit. Dein versum medium singulorum librorum annotarunt. In Genesi, verbi causa, numerant versus 1532. & admonent versum medium esse illum & *gladio tuo vivet* (cap. 27. v. 40.) Hos autem versus numerarunt, ne quis fraude vel negligentia versum aliquem detruncaret, vel audacter adderet. In versibus præterea notant quot his vel illis literis incipiant & desinant, quot & quibus constent.

Ut versus, sic voces recensuerunt Massoretæ, circa quas annotarunt varias Codicum lectiones, distinguentes quæ legi, quæ scribi debeant; aliæ enim scribuntur

buntur in textu; sed leguntur sive pronuntiantur juxta marginalia puncta: quod notis *Keri* & *Ketib* distinguunt: *Keri* derivatur à verbo *Kara*, id est; *legere*; & *Ketib* à *Katab*; id est; *scribere*. Scilicet illis notis admonetur lector quæ lectio magis probanda sit marginis vel textus; ut modo liquidius dicetur. Notant etiam dictiones alias esse plenas; cum scilicet literæ, quas Hebræi appellant quiescentes; ut *jod* & *vau*, omnes exprimuntur: alias defectivas; nimirum in quibus deficiunt illæ literæ. Observant vocum situm, vel locum respectu initii, vel medii, vel finis aliqujus versus. De quibusdam vocibus statuunt quoties occurrant.

Quin & literas tam consonantes, quam vocales recensuerunt Massoretæ: Circa literas consonantes, notarunt quædam spectantia tam quantitatem quam situm earum & numerum. Respectu quantitatis; quasdam volunt in textu reliquis majores fieri; quasdam minores: respectu situs; quasdam quasi suspensas esse supra reliquas in eadem linea; quasdam inversas; quasdam medias in quolibet libro. Quoad numerum; quod literæ occurrant in singulis libris; ad calculum revocarunt. In quibusdam Hebraicis Bibliis (ex multis enim nugæ illæ eliminatæ sunt) videre est has majusculas literas, majores; minores & suspensas. In his vana mysteria Judæi quærunt; magis occupati circa similes nugas; quam circa Scripturæ verum sensum.

Circa vocales, earumque punctuationem & accentuum notas, utilem operam navarunt Massoretæ; Textui, non pro arbitrio; sed secundum veram & receptam lectionem à sacris Scriptoribus ad ipsorum tempora conservatam; apponentes puncta; quibus facilior redditur lectio; & textus ambiguitati & corruptioni minus obnoxius est. Hic observandum cum Morino exercit. xv. Judæos Talmudistas per Masso-

ram intelligere textum Biblicum, ut à Mose sine punctis traditus est, quia natura sua plurium lectionum sæpissimè capax est; & eundem textum matrem Massoræ appellant, cum omnis lectionis sit parens, nullaque, quæ ipsi repugnet, admitti debeat. Matrem verò lectionis nominant usitatam lectionem, sive pronuntiationem vulgarem, quam, ut vidimus, Massoretæ conservarunt appositis punctis. Posteriores verò Massoretæ multa annotarunt circa vocalium rectam, & irregularem multarum punctuationem, ne quis eas mendosas esse suspicans, mutare tentaret. Multas, inquam, voces hoc vel illo modo punctatas numeraverunt, quoties scilicet in Scriptura inveniuntur; & sæpe loca indicant.

Sunt Judæi, qui Esdram & viros Synagogæ magnæ, quos ultimis Prophetis adnumerant, auctores Massoræ faciunt: alii verò Grammaticis Tiberiensibus gloriam hujus tribuunt; his nempe qui Tiberiade urbe, juxta lacum Genesareth, profitebantur literas Hebraicas, circa annum Christi D. certum est notas massoreticas nec simul nec ab uno autore fuisse adinventas, sed per varia sæcula à diversis auctoribus compilatas. Non dubito etiam aliquas constitutas fuisse longè ante tempus Grammaticorum Tiberiensium, cum Pharisei & alii Judæi circa corticem Legis occupati, negligerent verum ejus sensum.

Usus Massoræ, cujuscumque auctoris opus sit, & quocumque tempore adinventum, alii admirantur, quasi impossibile esset post Massoram ullum errorem, depravationem, vel mutationem in textum irrepere posse. Alii contra aspernantur tanquam opus vanum, inutile, nulli usui inserviens, otiosorum hominum: Elias Levita Judæorum primus & solus, post labores multos in hoc studio exantlato, inquit Morinus, Massoreticum artificium explicavit libro particulari, quem ideo *masoreth hamasoreth* nuncupavit, hoc est, *Traditio-*

*ditionis Traditio.* Joannes Buxtorfius de massora commentarium amplum edidit, quod inscripsit *Tiberias*, quia *massora* sive inventa sive aucta est à Doctoribus Judæis Tiberiensibus, qui puncta sacro Codici apposuerunt, & hæc omnia quæ Massora docet adinvenerunt. Quibus vacat, legant opus Buxtorfii; ex quo cum viri eruditi fructus non parum utiles posse percipere censeant, ipse exscribere pergant, quæ magis proderit non ignorare.

Inter præcipuas Massoræ partes habentur *Keri* & *Ketib*, de quibus supra. *Keri* significat lectum, & *Ketib* scriptum. In marginibus Bibliorum pro *Keri* prima litera *פ coph* brevitatis causa solum notatur; quæ lectorem monet vocem sub litera *coph* in margine ascriptam legendam esse, at cum punctis quibus afficitur vox in textu. Vox verò in textu *Ketib*, id est, *scripta*, pro qua brevitatis causa notatur litera *פ caph*, habet circellum supra se, quo lector ad vocem marginalem sub *caph* remittitur. Hæ notæ videntur natæ ex religione Judæorum, vel ex codicum mendosa descriptione & Librariorum errore. Ad primam originem refertur nominis tetragrammati *Jehova* pronunciatio per *Adonai*, cujus puncta sub *Jehova* ponuntur, vel per *Elohim* & ejus puncta scribitur. Scilicet quoties hæ quatuor literæ, *Jod*, *He*, *Vau*, *He* simul occurrunt conjunctæ, quibus magnum nomen Dei constat, non id nomen pronuntiant, sed illud quasi scriptum esset vel *Adonai* vel *Elohim*; quorum nominum puncta substituunt quatuor literis magni nominis Dei. Primus Galatinus qui floruit anno MDXX. sic efferre cœpit nomen illud Dei Tetragrammaton, ut audiretur sive sonaret *Jehova*. Pronuntiatio illa incerta est; vera ignoratur. Certum est apud Judæos longè ante Christi tempora, sive ob reverentiam, sive ob aliam causam, nominis hujus divini pronuntiationem sub magna pœna interdictam fuisse

omnibus, nisi solis Sacerdotibus, cum in Templo populum solemniter benedicerent. Post Templi ergo eversionem, nemini omnino licitum fuit illud effari; & sic brevi tempore vera ejus pronuntiatio penitus periit, non sine admirabili Dei providentia, ut Judæi simul cum Templo, in quo Deus verus colebatur, etiam nomen ejus essenziale & maximè proprium amitterent. Factum, inquam, ut cum Deus ulterius Deus eorum esse nollet (everso enim Templo publicum repudii libellum ipsis dedit) verum ejus nomen posthac ignorarent. Non soli Judæi recentiores norant nomen proprium Dei totius vulgi ore non fuisse usurpatum; sed etiam testatur Josephus nomen illud ἀνεπαύνητον fuisse. Græci Interpretes, quoties occurrebat, legisse non *Jehova* sed *Adonai* inde colligitur, quod nomen *Jehova κύριον*, reddunt, id est, *Dominum*; quæ propria significatio est nominis *Adonai*.

Originem notarum *Keri* & *Ketib* saltem complurium duci debere ex variis Codicum lectionibus apertum est; quare has notas longè post jam exaratos Codices sacros adinventas esse liquet: neque enim horum Codicum auctores ignorare poterant, in libris quos scripserant, veram lectionem. In Talmude admonetur omnes voces quæ in lege sunt obscuræ, eas legendas esse honestè; nimirum pro nominibus obscuris alia ejusdem significationis, sed honestiora pronuntiari debere. Lectiones variantes, quas *Keri* & *Ketib* norant, in multis Bibliis Hebraicis reperiuntur.

Duo alia variarum lectionum genera agnoscunt Judæi: discordant enim inter se Orientales & Occidentales; & codex dictus *Ben-Ascher* differt à codice *Ben-Nephtali*. Per Orientales, intelliguntur Babylo-nii: per Occidentales, Palæstini. Hi sic appellantur per respectum ad Babylonios, qui Orienti sunt proximiores. In his autem locis, Babylone & Palæstina, post

na, post excidium Templi & Urbis, celebriores fuisse scholæ per varia sæcula continuatæ, floruerunt ibi & Rabbinæ & Doctores, qui multos habuere discipulos. Ex his diversis scholis, ut fieri solet, dissentiones & æmulationes inter eos ortæ sunt. Undè ex variante codicum descriptione, vel ex codicibus per celebriores Rabbinos emendatis, dum utrique lectionem suam sequerentur, ortus est variarum lectionum catalogus. Rabbi Ben-Ascher, sive Rabbi Aaron, filius Rabbi Moïsis, de Tribu Ascher, & Ben-Nephtali, sive R. Jacob, filius Nephtali fuere principes & rectores Academiarum. Hic Babylone, alius Tyberiadæ. Studium eorum erat emendata & correctæ Bibliorum exemplaria edere. Undè quia æmulatio fortasse inter Doctores Babylonios & Palæstinos gliscebatur, noluit alter alterius opem petere, ut collatis studiis unum emendatissimum exemplar conficerent. Uterque critica sua tumidus codicem proprium, quàm emendatissimè potuit, conscripsit; quàm publici juris fecit, ut ex eis quisque eorum sequacium libros suos corrigerent. Lectiones variantes inter codices horum Rabbiorum nullius sunt momenti. Versantur circa puncta & accentus; ita grammaticales inter eos rixæ sunt. Hæc omnia cum ipso textu sacro reperiuntur cusa Venetiis & Basileæ, Jam dicam de *Cabala*.

Vix differt *Cabala* à *Masora*. *Cabala* est receptio, à radice *cabal*, id est *accepit*; ut *Masora* traditio, à *Masar*, id est, *tradidit*. Unius & ejusdem rei diverso respectu est traditio & acceptio; sic apud Judæos eadem scientia tam *Cabala* quam *Masora* dicitur. At usus obtinuit, ut *Cabala* non quævis traditio habeatur, sed quæ mysteria in Scripturis latentia doceat, à tempore Moïsis, ut volunt, usque ad hocce tempus de manu in manum accepta. Sic, inquam, *Masoram* distinguunt à *Cabala*, ut *Masora*



nihil aliud sit quàm traditio Grammatica de punctis vocalibus, accentibus, syllabis & istiusmodi minutiis; *Cabala* verò ore tradita versetur circa profunda Legis mysteria, quæ ex verbis, literis, punctisve eliciantur. Hanc æquiparant Legi. Equidem præter ordinariam significationem verborum Scripturæ, aliam fateor quærendam, qua tam verba ejus quàm res ipsæ, quas primariò significant referre decet ad Christum. Ita videre est in ipso Evangelio, & in libris Judæorum, ut in paraphrasibus Chaldaicis, & etiam apud Rabbinos peritiores, multa loca Scripturarum interpretata de Christo, quæ conveniunt cuipiam alteri, quem propriùs spectare videntur. Hæ mysticæ interpretationes, sive hæc Cabala authorem procul dubio habebat Moysen & prophetas, qui scriptis & ore docuerunt Christum esse plenitudinem Legis, & omnia in typos ejus fieri. Misterium quod in verbis Geneseos cap. 2. occultabatur *relinquet homo patrem suum & matrem, & adhærebit uxori suæ* revelat Paulus in capite v. 32. ad Ephesios. *Sacramentum*, id est, *Mysterium hoc magnum est; ego autem dico in Christo & in Ecclesia*. Epistola illa inquit Cunaus, plena est mysticis atque abditis sensibus, sicut tota Scriptura: verum ex hodierna Cabala Judæorum nihil sani hauriri potest. Vana mysteria in syllabis & apicibus Scripturarum quærit. Libri Cabalistici qui hodie venditantur, nunc agnoscuntur ab ipsis Judæis pro figmentis nuperorum Rabbino- rum, qui fucum fecerunt tam suis Judæis, quàm plerisque Christianis: obscuris enim verbis mysteria sua tradunt, ut à vulgo non intelligantur; ut Chimi- ci Doctores sua secreta obscuris verborum involu- cris involvunt, quia pleraque falsa & inepta sunt, quæ docent, quæque risum moverent, si citra amba- ges proponerentur.

Species est quædam cabalæ, quam practicam vo-  
cant,

cant, quæ ab omnibus ut magica & illicita damnatur. Hujus arte, sunt Judæi qui è literis vel verbis Scripturæ detortis, & arcanis quibusdam inde elicitis, opinantur assequi Angelorum consortium, & posse eos reddere sibi familiares, miracula patrare, morbos sanare. Rabbi Nachman narrat virtute nominis Dei Tetragrammati, quod in schedula habebat scriptum, navem à terra in mare deductam, quam Naupegi loco movere non potuerant. Per hocce nomen non minùs ridiculè quàm impiè blasphemant Christum Dominum omnia sua miracula perfecisse. Fingunt cum hoc nomen in Templo invenisset in membrana scriptum, occultasse in vulnere quod sibi in pede fecerat: quod figmentum ineptum est; si enim per veram hujus nominis pronuntiationem tot potuissent patrari miracula, cur Sacerdotes, qui stante Templo per nomen hoc, cujus veram pronuntiationem ideo noverant, populum benedicebant, istiusmodi miracula non effecissent?

Sunt Cabalistici doctores, qui in literis, punctis sic ludunt, ut ex variis permutationum combinationibus, abbreviaturis, vel ex literarum figura, vel valore arithmetico, sensus mysticos eliciant, sed ineptos & supersticiosos. Prima species hujus cabalæ dicitur *gematria*. Dictio planè Græca est, ut ipsi Judæi agnoscunt, qua utuntur ad denotandam Arithmetice literarum supputationem: dictionum autem quarum literæ eundem numerum producant, unam per alteram explicant. Sic *Tzemach*, id est, *Oriens* dicunt esse unum ex nominibus Messiae, qui & dicitur *Manahem*, id est, consolator; literæ autem utriusque nominis producant numerum 138. Altera species dicitur *Notaricon*, dictio latina; qua nempe per notas sive per compendium literarum singulæ literæ alicujus dictionis totidem verba significant, quæ

quæ easdem literas initiales vel finales habent. Sic ex *Bereſchit*, prima voce Geneſeos, hunc ſenſum eliciunt. *In principio vidit Deus quòd Iſraelita acceperunt legem.* Tertia ſpecies eſt *Temura*, id eſt, permutatio, quâ eodem literarum numero retento eas aliter componunt; vel per certam Alphabeti combinationem cum aliis permutant. Illam permutationem Judæi voce fictitia nominant *arbach*; & definiunt ſpeciem ſcribendi arcanam, una alphabeti litera pro altera poſita. Hæc anagrammatiſmo ſimilia ſunt. Non vacat his nugis diutius immorari. Hos Cabaliſticos Aben-Eſra, licèt vir Judæus, aſſimilat noctuis, qui in literalis ſenſus ſplendore cæci ſunt, at in myſteriorum tenebris perſpicaces. Attamen quandoque in illis non infeliciter luditur. Similes quidem luſus non dedignati ſunt olim Sancti Patres, qui myſteria quærunť in numeris. Diu eſt quòd ex diverſis literis initialibus ſingulorum nominum, unum aliquod nomen conſectum eſt; ut vidimus de nomine Macchabæorum. Sanctus Auguſtinus nomen *Adam* reſolvit in quatuor nomina Græca, quæ ſignificant quatuor mundi plagas: *ἀνατολή oriens, δύνως occidens, ἀρκτός ſeptentrio, μεσημέρια meridies.*

## C A P U T X.

*De Hebraei Codicis antiquis verſionibus Græcis: de Verſione quæ dicitur LXX. Seniorum;  
& de cæteris.*

**O**lim Deus in Judæa, & non extra illam, notus erat. Solis Abrahæ poſteris, Iſaac & Jacob nomen ſuum manifeſtum fecerat. His ergo, & non aliis, volens ſua eloquia credere, nota lingua eos compellavit, paterna ſcilicet, quæ Hebræa erat. Id genus

genus sermonis congruum, quo arcana ejus non vult garentur, etiam si sacer Codex in aliorum quam Judæorum manus pervenisset. Etenim ante apposita puncta vocalia, sic obsignabatur, ut nec recte legi posset, nedum intelligi, nisi ab eis qui veram ejus lectionem, sicut & intelligentiam, haberent ab avita traditione acceptam. Verum ubi jam appropinquabat illud tempus, quo cœli terræque Dominus non Judæorum tantum, sed omnium populorum Deus audiretur; & illa omnia mysteria, quæ in Hebræo codice latebant, referenda erant, sicut ille ut notiori & faciliiori lingua in publicum manarent ex fonte suo derivata; ne Judæi qui odio prosequerentur omnes alias gentes, illis prorsus veritatem inviderent, ut declarat B. Augustinus lib. 2. de doctrina Christiana cap. 15. ubi loquitur de versione Græca LXX. Interpretum, de qua modo acturus sum. *Quamobrem etiam si aliquid aliter in Hebræis exemplaribus invenitur, quam ipsi posuerint, cedendum esse arbitror divine dispensationi, quæ per eos Interpretes, facta est: ut libri quos gens Judæa cæteris populis vel religione vel invidia prodere volebat, credituris per Dominum gentibus, ministra Regis Ptolomæi potestate, tanto ante proderentur.*

A quo tempore Alexander Magnus rex Macedonum imperium Orientis invaserat; quod eo mortuo inter præcipuos duces ejus divisum est, sermo Græcus toto Oriente & in Ægypto, quam & sibi subjecerat Alexander, cœperat usitatus esse. Quod Græcorum imperium non pervenerat, doctrinæ eorum existimatio adduxerat populos ad Græcarum literarum studium. Itaque cum Evangelium promulgatum est, jam Græca lingua totum orbem notum pervaserat. Siverat autem Deus ut Hebræus Codex Græcè verteretur, ut innotescerent quæ significabat adimplenda per Filium suum, quem missurus erat in terras.

Ver-

Versio, inquam, Græca prædicationi Apostolorum viam stravit; cum Gentes lingua sibi nota, ea quæ ab Apostolis de Christo prædicabantur, à Prophetis prius prædicta legerent. Nulla de Apostolorum fraude, vel de Judæorum malitia & obstinata perfidia suspicio suboriri eorum animo poterat; cum ipsi Judæi literas sacras in linguam Græcam traductas Gentibus tradidissent: ex quibus tum mysteria Christiana probari, tum ipsorum incredulitas, qui Christum non receperant, redargui poterat. Si verò nulla ante Christum facta esset versio, dicere potuissent Judæi haud fideliter factam; & ipsi vel ex invidia libros suos corrumpere tentassent, vel Christianos de corruptione accusassent. Quin ipsi Christiani adornatam à se Versionem Gentibus tradentes non tam facile fidem invenissent.

Quoscumque auctores habeat versio Græca, quæ dicitur opus LXX. constat ante tempora Christi vulgatam fuisse. Ipsa est quæ hoc-ce nomine circumferitur; quam Josephus & Philo celebraverunt: ex qua videre est in novo Testamento pleraque ex veteri allegata. Huic acquieverunt Apostoli & universa Ecclesia. Ex ea factæ versiones, quæ primùm in Ecclesiis Christianis publicè prælectæ sunt. Denique ex hac Græca versione traductæ sunt Arabica, Æthiopica, Armena, Illyrica, Gothica, Latina vetus ante B. Hieronymum. Nec aliam Ecclesia Græca, & pleræque Orientales in hunc usque diem agnoscunt, hac sola contenti. Hanc Patres & Theologi tam Græci quàm Latini commentariis illustrarunt: in Conciliis tam Provincialibus quàm Generalibus ex hac veritatem doctrinæ probarunt; errores & hæreses profligarunt; vitæ & disciplinæ regulas hauserunt. Ergo manet indubitatum non levis esse auctoritatis; ideo autem multùm utilis, quòd elaborata sit his-ce diebus, quibus notior erat lingua Hebræa; quæ diu est quòd verna-

vernacula esse desiit, nec intelligi potest nisi ex interpretatione antiquarum Versionum. Perstringam breviter quod de historia dictæ versionis certum vel incertum habetur.

In libello Græcè scripto, cujus auctor se Aristæam vel Aristæum dicit, historia illa, de qua fit sermo, enarratur. Ambigunt aliqui num ille libellus, qualis nunc editur, sit liber suppositivus. Video viros peritiores pro antiquo scriptore eum habere; nec valet argumentum quod aliqui deducunt ex prætermis- sis in eo libro quibusdam circumstantiis celebris historię; verbi causa, non memoratas ab Aristæa cellas, in quibus separatim conclusi Græcæ versionis Interpretes, & tamen inter se consenserint, non diversa, sed prorsus eadem scribentes; ut asserit Justinus martyr. Hoc-ce miraculum potuit vulgari & temerè credi licèt non sit scriptum à primo historię Scriptore. Sed & plures Viri non contemnendi, qui etiam pro antiquitate dicti libelli pugnant, suspicantur totam hanc-ce historiam, qualem eam Aristæas exponit, commentum esse alicujus Judæi Alexandrini, qui ut versioni Græcæ, quam edendam populares sui curaverant, auctoritatem conciliaret, sub nomine Aristæa viri Græci & Gentilis, totam hanc-ce fabulam commentus esset; quod arguunt anachronismi, qui deprehenduntur in hoc scriptore, quem tamen exscribam. Quisquis sit, quod enarrat fidem invenit apud Josephum, Philonem, & omnes ferè antiquos scriptores; ut nisi gravissimis argumentis subnixus nemo debeat impetere veterem viri existimationem.

Summa historię totius huc redit. Cùm Rex Ægypti Ptolemæus Philadelphus libros omnis generis conquireret, ut Bibliothecam suam magnis sumptibus Alexandriæ structam ornaret, suasu Demetrii Phalerii, quem bibliothecæ præfecerat, Judæorum leges & religionem, cum ipsorum libris sacris, in bibliothecam suam

suam inferri voluit, & ut in linguam Græcam, quæ omnium longè propagata, & sibi optimè nota erat, verterentur. In hunc finem legationem honorificam misit, cum literis & magnificis in usum Templi donariis, ad Eleazarum Judæorum Pontificem, postulans ut libros suos sacros ad ipsum mitteret unâ cum viris, tam doctrina quàm ætate & moribus conspicuis, qui ad tantum opus conficiendum idonei essent. Aristæas unus fuit ex his legatis, ipse inter procures Ptolemæi summus. Eleazarus autem ille, ad quem legatio, juxta Josephum; Oniæ primi filius erat, Simeonis justî frater, de quo Siracides (*Cap. 10.*) loquitur & Jaddi nepos, qui dicitur Alexandro Magno obviam ivisse, & illi Judæos conciliavisse.

Eleazarus, convocato Concilio, viros elegit ex qualibet Tribu sex, & misit ad Regem, unâ cum exemplari Librorum sacrorum, quod ex multis membranis artificiosè connexis constabat, pro more Judæorum, & literis aureis erat descriptum. Rex summo gaudio eos excepit, & volumina sacra venerabundus aspexit: post multa verò convivia & colloquia, in insulam Pharum, septem stadiis ab Alexandria distantem, remisit, assignans eis procul à strepitu domum divinis contemplationibus idoneam. Eo in loco omnibus necessariis instructi, versionem ex Hebraica in linguam Græcam inchoarunt; quam cum absolvisset spatio LXXII. dierum, eam jussu Demetrii, in præsentia Sacerdotum & Principum Judæorum, totiusque populi Judaici, quorum multi erant in Ægypto, legerunt. Ab omnibus acclamatum benè & fideliter omnia translata esse: utque rata in perpetuum maneret ista versio, neminique aliquid in ea mutare liceret, dira imprecati sunt in omnes, qui quicquam in ea mutare tentarent. Rex verò, cum omnia ei perlecta essent, Legislatoris sapientiam admiratus, libros religiosè asservari jussit; permittens Judæis Principibus synagogarum,

tum, ut exemplaria describerent in usum suum: ipsos verò LXXII. Interpretes cum donariis magnis permittit redire in patriam; simul dimisit liberos centum viginti mille Judæos captivos; quorum pretium redemptionis ipse persolvit: Tum exemplar Hebraicum, tum ipsam versionem in Bibliothecam collocavit Demetrius.

His attestatur Philo (*Lib. i. de Vita Moysi*) narrans rem contigisse sub Ptolemæo Philadelpho, qui tertius ab Alexandro fuit Ægypti Rex: Simul confirmat quod Aristæus fusè scribit, nempe propositas à Rège quæstiones dictos interpretes solvisse; eisque insulam Pharum assignatam: Ubi, inquit, *tanquam numine correpti prophetabant, non alia alii, sed omnes ad verbum eadem, quasi quopiam dictante singulis invisibiliter.* Paucis interjectis hæc subjungit Philo: *Quamobrem hodieque sollemnis celebritas renovatur in Pharo insula, ad quam non tantum Judæi, sed alii plurimi trajiciunt, locum veneraturi in quo primum visa est hæc interpretatio, & pro tanto beneficio quasi recente acturi Deo gratias. Post vota autem & gratiarum actiones, alii tentoriis fixis in littore, alii discumbentes in ipsa arena sub dio epulantur cum amicis & domesticis; preferendo tunc litus palatiis regiis.* Josephus (*Lib. 2. cap. 2. Antiq.*) exscribit Aristæam, quem Aristæum nominat. Describit multis verbis quæ ad Templum Ptolemæus miserit donaria; & ex his quæ profert ex libro, constat non alium esse, qui nunc nomine Aristææ editur. Sunt tamen, ut innuimus, qui suspicentur Judæos Alexandrinos, sub nomine Aristææ alienigenæ, librum de quo sermo est, edidisse, ut auctoritatem conciliarent versioni Græcæ quam cuderant. Evicimus in dissertazione de Paschate Judaico, Alexandrinos schismate quodam ab Hebræis divulsos, quatenus contra divinas leges haberent proprium Templum, in quo Sacrificia Deo offerebant, quam



quam non negarent Templum Hierosolymitanum esse sanctissimum. Cum linguam Hebræam in urbe Græca degentes didicissent, verisimile est in linguam Græcam curasse vertendos Libros sacros; & ut hæc versio authentica haberetur, prædictam historiam commentos. Ætate sancti Justini, ut ex eo discimus, monstrabant cellulas, in quibus separati Interpretes eadem, Deo inspirante, scripsissent; quas tamen cellas silentio Aristæas prætermisit. *Nescio*, inquit B. Hieronymus, *quis primus auctor septuaginta cellas Alexandriae mendacio suo extruxerit, quibus divisi eadem scriptitarent, cum Aristæus ejusdem Ptolemæi ὁπαρχὸς, & multo post tempore Josephus, nihil tale retulerint, sed in una Basilica congregatos, contulisse scribunt, non prophetasse; aliud est enim vatem, aliud esse interpretem.* Authores Græcæ versionis, quicumque fuerint, locuti perinde ac si Alexandrini essent: etenim, ut observavi in libris de Templo, differens de mensuris & ponderibus, valorem ponderum Hebraicorum exprimunt more Alexandrino; nimirum id ponderis vocantes didrachmum, quod Josepho & Evangelistis dicitur tetradrachmum, quia drachma Alexandrina duplo ponderosior esset Græca. Insuper Græca versio in sex Patriarchis antediluvianis annos centum addit ætati eorum, antequam prolem susciperent, centum adimit post prolem susceptam; quibus in locis & aliis, quoad annorum numeros immane discrepant Hebræo codici. Id ab Alexandrinis factum viri periti suspicantur, ne Ægyptiorum annalibus fidem derogarent, qui gentem suam multò antiquiorem crediderunt, quàm Hebræi codices permittunt.

Morinus in Exercitationibus Biblicis multa profert testimonia ex Rabbinis, quibus illi videntur applausisse versioni LXX. sed fatetur jejunium à Judæis institutum octavo die mensis Thebet, quia in eo Lex scripta sit Græcè in diebus Ptolemæi Regis, scilicet

tan-

tanquam pro malo quod Genti illatum sit. Certum est Judæos hebraizantes odio habuisse illam versionem; verum cum lingua Hebræa & plerisque Judæis ignota esset, factum est ut non solum extra Judæam, sed & in ipsa Judæa, perlecta sit in Synagogis, ab iis Judæis, qui ideo *Helleniste*, id est, Græci dicti sunt, quia hac Græca versione uterentur; quam, cum alia non suppeteret, allegabant Apostoli agentes cum Judæis Hellenistis; quorum major numerus erat quam Hebraizantium. Græca lingua toto ferè orbe terrarum nota erat & usitata; unde videre est plerisque Judæos, etiam Josephum Historicum apprimis non percalluisse Hebræam. Postquam verò rebus mutatis, maximè in Oriente lingua Græca desit esse familiaris, Judæi linguæ Hebrææ adhæserunt; quin & Græcam linguam, quam videbant excoli à Christianis, odio habuere, ut probro verterent studium ejus, & haberent pro eodem peccato Græcam sapientiam docere filium suum, & ei carnem porcinam comedendam præbere. Revertamur ad versionem Græcam.

Quamquam tota historia, enarrata ab Aristæa, commentum esset, non ideo minùs posset dici, Deo providente, Græcam versionem elaboratam, quòd via sterneretur adstruendo Evangelio ex libris veteris Testamenti. Primum extra controversiam est primitivæ Ecclesiæ Christianæ Patres hanc Græcam versionem probasse; & ex illa cognitionem veterum Scripturarum hausisse: pauci enim inter eos linguam Hebræam didicerant. Ubique Sanctus Augustinus agnoscit Spiritu Sancto adjutos Septuaginta interpretes. *Spiritus qui in Prophetis erat*, ait lib. 18. de Civit. cap. 43. *quando illa dixerunt, idem ipse erat etiam in septuaginta viris, quando illa interpretati sunt.* D. Hieronymus novam à se versionem Latinam causatur, non quòd reprobaret Græcam septuaginta Interpretum; sed quia ista Græca versio non occurreret pu-

ra, permutata, corrupta à Librariis, & permixta cum aliis versionibus Græcis. Videamus quid sentiant, qui huic versioni non æqui sunt.

Primò obijciunt Aristæam mentitum, cùm scripsit Demetrium Phalærium Bibliothecæ præfectum fuisse à Ptolemæo Philadelpho, & versionem Græcam procurasse. Demetrius, inquiunt, initio regni Philadelphici jam extinctus erat, regi Philadelpho odio habitus, ut scribit Hermippus apud Diogenem Laertium. Aristææ verò defensores allegant Aristobulum Judæum, Philosophum Peripateticum, apud Eusebium (*Lib. 13. de preparat.*) sic alloqui Ptolemæum Philometorem: *Tota verò legis interpretatio sub rege Philadelpho cognominato ab avo tuo peracta, Demetrio Phalereo magnum studium adhibente, & totum negotium promovente.*

Ad hoc autem quod obijcitur ex singulis Tribubus senos deligi non potuisse, cùm solæ Tribus Juda & Benjamin superstites essent, reliquis longè antea deportatis, respondetur ex omni Tribu quospiam semper in patria mansisse tempore captivitatis, aut ex ea in patriam rediisse. Lucas enim dicit Annam fuisse de Tribu Aser.

Qui putant Aristæam supposititium esse scriptorem, obijciunt ex Ammiano Marcellino memoratum ab Aristæa Heptastadium quo insula Pharus jungebatur Alexandriæ, fuisse opus Cleopatæ, longè post ætatem Ptolemæi Philadelphii, cujus regno proficetur Aristæas se vixisse: sed opponitur Ammiano auctoritas Julii Cæsaris, qui in Commentariis suis, in fine tertii libri de bello civili, scribit heptastadium illud, non à Cleopatra, sed à superioribus Regibus congestum fuisse. Nunc quidem ibi legitur, non à *superioribus Regibus*, sed à *superioribus Regionibus*; sed mendum apertum est. Potuit quidem tantum opus à Cleopatra instaurari, & ita huic vindicari ab Ammiano.

Inter

Inter eos autem qui pro Aristæa pugnant, quæstio agitur an dicti Interpretes solam Legem, id est, quinque libros Moſis tantum interpretati fuerint, an totum codicem Hebræum. Inquiunt enim: haud fieri potest, ut 72. dierum spatium opus confectum fuerit; sed dicti Interpretes totum inter se partiri potuerunt. Urgent, & B. Hieronymi auctoritate, qui observat Aristæam & Josephum, qui primi hanc historiam tradiderunt, Legis tantum mentionem fecisse, non reliquorum librorum Scripturæ. Legis quidem nomine tota Scriptura sæpiſſimè intelligitur, ut colligere est ex ipſo Evangelio; sed Josephus ipſe, in proœmio Antiquitatum, legem non verò reliquam Scripturam dictos Interpretes Græcè reddidiſſe liquidò dicit: Ita illa verſio omnium Codicum ſacrorum ab aliis compleri potuit; quod arguit ſtili diverſitas manifeſta. Quidquid ſit, omnes libros Hebraice priùs ſcriptos conſtat, Græcè verſos ante Chriſti tempora fuere inter antiquos Patres, qui etiam verſionem, quæ tribuitur LXXII. poſtერიorem facerent alteri verſioni Græcæ, quæ etiam ante mortem Alexandri magni cuſa fuerit; quod ſic adſtruit Clemens Alexandrinus, libro primo Stromatum. Gentilibus innotuerant libri Moſis ante hæc tempora. Quomodo id fieri potuiſſet, ſi non verſi erant? Nam lingua Hebræa his ignota erat. Verùm illi Gentiles, qui attigerunt res Hebræorum, eas habuerant cognitæ ex ipſis Hebræorum ſermonibus, non ex libris eorum ſacris. Ut finem dicendi faciam de iſta celebri verſione; quamquam ex ipſo Aristæa fuerint numero duo & ſeptuaginta Interpretes, quia sæpius allegarentur, placuit uti numero rotundiori, & pro LXXII. dictum eſt LXX.

Plures, poſt Chriſtum natum, vetus Teſtamentum Hebraicè ſcriptum Græco ſermone reddidere. Primus Aquila, genere Ponticus, urbe Synopæus, ſub

Adriano Imperatore, novam versionem Græcam exaravit. Ex Gentili Christianus factus erat, cum videret Apostolorum discipulos mirabilia patrantes; sed ex Ecclesia ejectus est, cum Genethliacis pertinacius adhereret: ob repulsam indignatus in Christianos, ad Judæos transiit. Circumcissus linguæ Hebraicæ addiscendæ totum se dedit; cuius perfectam adeptus notitiam, interpretationem ex affectu suo concinnavit; ita ut quædam Scripturæ dicta præter LXX. Interpretum mentem ad alium sensum detorqueret, ac testimonia de Christo in divinis Scripturis expressa alio deflecteret, ignominiaque suæ absurdam apologiam pararet, ut Epiphanius testatur. Bernardus *de Monfaucon* in nova sua editione Hexaplorum Origenis, & Ludovicus Elias *du Pin* in Prælegomenis Bibliorum censent Aquilam duas versiones Græcas Hebraici textus elaborasse, primam quæ dicebatur κατ' ἀρχαίαν, nimirum nimia accuratione concinnatam, aliam elegantiores. Ego verò unicam suspicatus essem, quæ dicta sit secunda, per respectum ad primam factam à LXX. Interpretibus; & quæ dicatur facta κατ' ἀρχαίαν per respectum ad alios Interpretes, qui non ita servierant literæ. Ita sentire videtur Hieronymus, de illo sic loquens ad Pammachium de optimo genere interpretandi: *Aquila autem Proselytus & contentiosus interpret, qui non solum verba, sed etymologias quoque verborum transferre conatus est, jure projicitur à nobis.* Memorat sanctus ille Doctor secundam editionem Aquilæ; sed, ut dixi, intelligi potest secunda editio post primam Septuaginta senum. In suis commentariis in Ezechielem capite secundo sic loquitur: *pro eo quod nos diximus mœrens, & in Hebræo scriptum est masmin, Theodotio transfudit admirans, ut stuporem Prophetæ iniquitates eorum cernentis exprimeret. Aquila verò secunda, quam Hebræi κατ' ἀρχαίαν*

*βειὰν nominant, transtulit ἡρεμάζων, id est quiescens & seorsum positus, ut fuisse quidem in medio caprivorum, sed ab eis separatam mente monstraret. Hæc autem dixit Hieronymus, comparans Aquilam cum sequentibus interpretibus. Sunt qui confundunt cum paraphraste Chaldæo Onkelos; sed utriusque nominis nulla est affinitas.*

Post Aquilam, Symmachus, natione Samaritanus, postea circumcisis, deinde Christianus, postremo Ebionita hæreticus, sub Severo Imperatore, alteram versionem Græcam aggressus est, studens *non verborum κακοζυλίαν, sed intelligentiæ ordinem sequi*, ait de illo Hieronymus in caput tertium Prophetæ Amos: ideirco non adeò fidus interpres ac Aquila, qui verbum verbo reddit; sed clarior & minùs recedens à LXX. Interpretibus.

Tertia versio Græca auctorem habuit quemdam Theodotionem, qui sub Commodò Imperatore scripsit. Hic natione Ponticus, vel ut alii dicunt, Ephesus, postquam ad fidem conversus est, in Ebionis & Marcionis hæreses prolapsus, tandem proselytus & apostata Judæus factus est. In versione sua à LXX. Interpretibus minùs quam alii deflexit; imò saepe eos sequutus est; quæ causa fuit ut ubi deficerent LXX. ponerentur supplementa ex Theodotione, qui stili & orationis genere similior erat: *Illud quoque lectorem admoneo, non Danielelem*, loquitur Hieronymus in præfatione in hunc ce Prophetam, *juxta LXX. Interpretes; sed juxta Theodotionem; Ecclesias legere, qui utique post adventum Christi incredulus fuit. Scilicet in libro Danielis, quia in LXX. Interpretibus*, ait Bernardus de Montfaucon, *tota series præposterè posita erat, licèt ei medicam admovere manum tentaverit Origenes, illa tamen editione remota Theodotionem ejus loco substituit Ecclesia: unde factum est ut Theodotionis editio in Danielelem hodie sola in Ecclesiis Græcis*

*ligatur, & editio τῶν LXX. paulatim interierit. Hoc advertens Hieronymus in præfatione in librum Job, querebatur versionem suam ab hominibus malevolis repudiari. Judæus Aquila & Symmachus ac Theodotio, judaizantes hæretici, sunt recepti, qui multamysteria Salvatoris subdola interpretatione celarunt, & tamen in ἐξαπλόῃς habentur apud Ecclesias, & explanantur ab Ecclesiasticis viris: quantò magis ego Christianus non debeo reprobare?*

Præter has tres versiones, Origenes alias duas invenit Hieronymus, in nescio quibusdoliis, anno septimo Caracallæ; quas cum auctoris incerti essent, quintam & sextam appellavit. Et septimam agnoscit B. Hieronymus. De his iterum sermo fiet, cum agemus de diversis Bibliorum editionibus.

## C A P U T XI.

*De versionibus Latinis, ea præcipuè que nunc Vulgata dicitur.*

**M**OS est subditorum assuescere sermoni qui suis Principibus usitator est. Ita sicut lingua Græca cum Græcis victoribus omnes regiones Orientis pervaserat, Romani linguam suam simul & Imperium propagarunt. Eo tempore quo Christus natus & passus est, orbis notus ferè totus subactus erat Romanorum armis; sic Latino sermone interprete quisquis poterat mentem communicare cum diversis terrarum orbis nationibus. Quapropter Deus, ut titulus crucis filii sui, qui servaturus erat omnes Gentes, innotesceret omnibus, hunc scribi voluit Hebraicè, Græcè & Latinè. Temporibus Apostolicis Græca lingua ideò magis usitata, quia antiqua magis, & jam exculta à multis sæculis; contra verò sermo Latinus recentior. Ideò omnes Evangelistæ, uno excepto Matthæo,

thæo, Græcè scripserunt. Verùm fieri non poterat, quanquam & sermo Græcus etiam Romæ omnibus Romanis usitatus esset, ut utrumque sædus Latine non redderetur ex Græca lingua: dico ex Græca lingua, vix enim Hebræis sermo Hebræus satis notus; nec forsan alibi quàm in Judæa & in Orientalibus aliquibus plagis Biblia Hebraica legebantur.

Quis verò Scripturas primus Latine interpretatus sit, ignoratur. Id à multis tentatum discimus à Sancto Augustino (*Lib. 2. de Doct. Christ. cap. 11.*) *Qui Scripturas in linguam Græcam verterunt, numerari possunt; Latini autem Interpretes nullo modo. Ut enim cuique primis fidei temporibus in manus venit codex Græcus, & aliquantulum facultatis sibi utriusque lingue habere videbatur, ausus est interpretari.* Inter illas autem versiones Latinas una erat, quæ à Beato Augustino loco allegato (*Cap. 15.*) *Itala*, à Beato Hieronymo *communis & vulgata* appellatur; de qua sic Augustinus: *in ipsis versionibus Latinis, Italaceteris præfertur; est enim verborum tenacior cum perspicuitate sermonis.* Hanc versionem Latinam ex Græco codice, saltem ex parte, ut aliqui volunt, emendaverat Hieronymus adhuc juvenis. Id conjectant ex eo quod scribat ad Sanctum Augustinum, linguæ suæ hominibus emendata Biblia de Græco in Latinum transtulisse. Quidquid sit, cùm Hebræas literas didicisset, variis Judæorum Rabbinis præceptoribus usus, nullis laboribus vel sumptibus parcens, novam Veteris Testamenti versionem ex fonte Hebræo in Latinum sermonem aggressus est; quod opus nullus ante illum tentaverat. His autem causis se impulsus dicit in præfatione Paralipomenorum, Chromatium compellans. *Si, inquit, LXX. Interpretum pura, & ut ab eis in Græcum versa est, editio permaneret, superflue me, Chromati Episcoporum sanctissime, impelleres, ut tibi Hebræorum volumina Latino sermone*



*transferrem. Quod enim semel aures hominum occupaverit, & nascentis Ecclesie roboraverit fidem, justum erat etiam nostro silentio comprobari. Enim verò cum pro varietate regionum diversa ferantur exemplaria, & germana illa & antiqua translatio corrupta sit atque violata; nostri arbitrii putas, aut è pluribus judicare quid verum sit, aut novum opus in veteri cudere. Jam Damasus Papa, cujus jussu Novum Testamentum Hieronymus emendaverat, obiecit mortem. Hunc Pontificem annos supra triginta ille supervixit; quo mortuo, Roma Hierosolymam secessit, & Bethlehemum, ubi per quinquennium in monasterio vixit, ut ex Epistola 99. ad Asellam, & initio Epistolæ 116. ad Paulam & Eustochium colligitur. Post hæc Barrabanum præceptorem habuit, ut ex Epistola 65. ad Pammachium constat. Igitur Hebraicè satis instructus ad versionem ex Hebræo se accinxit. Ex præfationibus, quas singulis libris veteris Testamenti præfixit, discimus omnes qui ab Hebræis pro canonicis recipiuntur; ut & libros Judith & Tobiam, vertisse. Libros verò Sapientiæ, Ecclesiastici, Macchabæorum, Baruch, Epistolam Jeremiæ, additiones ad Estherem, & ad Daniele, quæ Hebraicè non extabant, non vertit. Veterem Latinam versionem novi Testamenti, ut diximus, tantum emendavit. Versio ejus nova Veteris sæderis apertior est versione antiqua Latina, cujus authores non adiecerant fontem Hebræum. Quin & apertior versione Græca LXX. Illi enim, loquitur Hieronymus in Præfatione in Pentateuchum, interpretati sunt ante adventum Christi, & quod nesciebant, dubiis protulere sententiis: nos verò post passionem & resurrectionem ejus, non tam prophetiam, quàm historiam scribimus: aliter enim audita, aliter visa narrantur: quod melius intelligimus, melius & proferimus.*

Attamen non æquis animis excepta est Hieronymi versio ;

versio; ab aliquibus cum applausu; sed plerique Doctores; Ecclesiarum rectores, & Episcopi, etiam B. Augustinus hoc ejus incæptum improbarunt ut temerarium; & ad auctoritatem versionis LXX. convellendam & minuendam factum. Multis ille calumniis imperitus apologias scribere coactus est, in quibus sæpè testatus est se nihil in LXX. versionem molitum esse, sed ex Hebræo fonte in Latinum transtulisse, ut eorum desiderio satisfaceret, qui avebant scire quomodo in Hebræis codicibus legeretur. Judæi approbarunt versionem ejus, ut conformem textui Hebræo; Græci verò illam in Græcam linguam vertebant, teste ipso Hieronymo. Attamen, ut dixi, plerique è Latinis illam improbarunt. Ipse Augustinus, quanquam Hieronymo familiaris, non permissit ut per suam diœcesim legeretur; hisce verbis ad illum scribens (*Epist. 19.*) *Propterea se nolle ejus interpretationem in Ecclesiis legi, ne contra LXX. auctoritatem tanquam novum aliquod proferentes, magno scandalo turbemus plebem Christi, quorum mens & corda interpretationem illorum audire consueverunt, qua etiam ab Apostolis comprobata est.* Post obitum autem B. Hieronymi versio ejus Latina ex Hebræo codice auctoritatem nata est; & apud multos recepta, qui ejus sinceritatem, & cum Hebræo convenientiam deprehenderunt: ita tamen ut tum vetus, tum hæc nova in usu essent usque ad Gregorii magni tempora. Ipse enim in Epistola ad Leandrum ad finem ante libros Moraliū, sic scribit. *Novam translationem differo, sed ut probationis causa exigit, nunc novam, nunc veterem per testimonium assumo, ut quia sedes Apostolica, cui auctore Deo præsideo, utraque utitur, mei quoque labor studii ex utraque fulciatur.* Postea per gradus nova versio prævaluit, tacito potius Ecclesiæ consensu, quàm ullius Synodi vel Pontificis decreto; nam licet Hugo de Sancto Victore asserat

asserat Ecclesiam Latinam, hanc solam versionem legendam & in auctoritate habendam constituisse, constitutionem tamen nullam profert, nec à quo, vel quando facta sit, indicat. Quidquid sit, nova versio prævaluit, non paucis retentis ex veteri, quæ hætenus appellata fuerat communis & vulgata. Nova, inquam, versio ex Hebræo codice tandem obtinuit ut diceretur vulgata, postquam cœpit in Templis, in concionibus, in sacris lectionibus usurpari.

Huic autem versioni illa successit, quam nunc dicimus vulgatam. Partim constat ex veteri Itala, quæ exprimebat Græcam versionem Septuaginta. Etenim, ut dixi, Hieronymus non exposuit nova versione libros quos in Canone Hebræorum non repererat, *Sapientiam, Ecclesiasticum, Macchabeos, Baruch cum Jeremie adjuncta Epistola, appendiculam libri Esther, Danielis duo ultima capitula, & Canticum trium puerorum*. Horum librorum, quos Hieronymus non vertit, vetus versio intacta relicta est in Bibliis Latinis; quæ sic coaluere, mixta ex veteri versione Latina, quæ Italica dicebatur, & ex nova Hieronymiana. À quibus hæc mixtio, & quando facta sit, hætenus nemo demonstravit. Quin extitere qui versionem vulgatam Hieronymo non adscriberent. Certum est Psalmorum librum in vulgata non esse Hieronymi, licèt Psalmos ex Hebræo ipse verterit, & inter ejus opera horum versio extet. Scilicet quia Psalmi decantabantur quotidie, & legebantur præ cæteris Scripturæ partibus, etiam vulgus memoria teneret, mutatio sine gravi offensa populi fieri non poterat. Ideò Psalmi in vulgata secundum antiquam editionem retenti. Quoad reliquos libros attinet, qui in Canone Hebræorum sunt, certum est saltem majori ex parte Hieronymi versionem spirare. Nam si quis contulerit Prophetarum versionem Latinam ex Hebræo, quæ inter ejus opera extat, cum vulgata hodierna, de-

prehen-

prehendet in omnibus ferè ad verbum convenire, eundemque auctorem referre; vix enim per integrum aliquod caput unius verbuli differentiam inveniet.

Vulgatam ex Hebræo factam esse; non ex Græca LXX, ipsa ubique clamat; nam ferè semper Hebræo convenit, ipsumque ad verbum magis exprimit, quàm textus Græcus. Pleraque quæ in antiqua Versione defuerunt, quæque ex Hebræo se supplevisse dicit Hieronymus, exprimuntur in Vulgata. Dixi pleraque, non omnia; etenim aliter vertisse Hieronymum, quàm nunc est in Vulgata, evidenter colligitur ex ejus Commentariis; Ideo statuendum Vulgatam non esse puram Versionem sancti Hieronymi, sed ex Hieronymiana, aliisque, maximè ex Vulgata veteri, quæ dicebatur Itala, mixtam. Etenim, licèt nova editio Hieronymiana à pluribus probata fuerit, tam altas tamen in aliorum animis radices egerat Græcæ LXX. auctoritas, ut per novam vetus aboleri non potuerit, sed utraque tam publicè in Ecclesiis, quàm privatorum Doctorum manibus in usu retenta sit, donec tandem ad conciliandos omnium animos; & ut pax ac unitas servaretur, ex utraque tertia conflata est, quæ maxima quidem ex parte Hieronymum auctorem habere meritò censetur; quod declarat Clemens octavus Pontifex in ea præfatione quæ Bibliis vulgatis solet præfigi; ubi hæc legimus. *Latinam hanc editionem ex Hieronymi translatione, vel emendatione susceptam, partim retentam ex antiqua versione Latina, quam S. Hieronymus communem & vulgatam; S. Augustinus Italam, S. Gregorius veterem translationem appellat, &c.*

Vulgata Latina, quemcumque auctorem habeat, declarata est authentica à Concilio Tridentino, Sessione quarta, Canone secundo. Statuit enim & declarat, *ut hæc ipsa vetus & vulgata editio*; veterem  
dicit

dicit per respectum ad novas editiones; quæ tunc temporis edebantur: nam, ut vidimus, tempore Gregorii magni, tunc Itala censebatur vulgata & vetus; sed tempore Concilii Tridentini, qua nunc utimur Latina versione, habebatur pro vulgata & veteri: ideo Patres Concilii sic de illa loquuntur. Statuunt, inquam *ut hac ipsa vetus & vulgata editio, quæ longo tot sæculorum usu in ipsa Ecclesia probata est, in publicis lectionibus, disputationibus, predicationibus, & expositionibus pro authentica habeatur, & ut nemo eam rejicere quovis prætextu audeat vel presumat.* Scriptura authentica dicitur, quæ ex se fidem facit, & summam habet auctoritatem, ita ut nemo refragari possit, vel ab ipsa provocare. Ipsa Prophetarum & Apostolorum autographa, propriè authentica sunt, ut quæ à spiritu sancto dictata. Apographa verò, sive transcripta, eatenus authentica sunt, quatenus cum autographis consentiunt. Versiones propriè authenticæ non sunt, sed auctoritatem suam habent ex convenientia cum libris originariis.

Quo sensu Vulgata Latina authentica declarata sit, nos docet Bellarminus (*Lib. 2. de Verbo Dei scripto. cap. 10.*) cum melioris notæ Theologis. Patres, loquitur Bellarminus de Tridentinis, *Nullam fontium mentionem faciunt, sed solum ex versionibus Latinis, quæ nunc circumferuntur, unam delegerunt, quam cæteris anteponerent.* Convenit, inquam, inter peritos Theologos Latinam versionem non præpositam fontibus Hebraicis & Græcis, quatenus illi fontes non fuisse turbati librariorum incutia. Ratum fixumque est, *cum diversum aliquod in utrisque codicibus, verba sunt S. Augustini (Lib. 15. de Civit. cap. 13.) invenitur; quandoquidem ad fidem rerum gestarum utrumque esse non potest verum, ei lingua potius credendum, unde est in aliam per Interpretes facta translatio.* Ita & B. Hieronymus sic scribit ad Suniam & Fretellam. *Sicut in*  
*Novo*

*Novo Testamento, si quando apud Latinos questio exorta est, & inter exemplaria varietas, recurrimus ad fontem Græci sermonis, quo novum scriptum est Testamentum: ita in Veteri Testamento, quando inter Græcos Latinosque varietas est, ad Hebraicam recurrimus veritatem, ne quidquid de fonte profisciscitur, hoc quæramus in rivulis. Iterum in Epistola ad Lucinium, quod etiam relatum est à Gratiano in jus Canonicum à Pontifice summo promulgatum, distinctione nona cap. ut veterum. Sic, inquam, loquitur Hieronymus. Ut veterum librorum fides de Hebrais voluminibus examinanda est; ita novorum veritas Græci sermonis normam desiderat.*

Ergo sic Versio vulgata probata est Tridentinis Patribus, ut Græcis & Hebræis fontibus maneat sua auctoritas. *Liberum reliquit*, loquitur Salmero (*Proleg. 2.*) de Concilio Tridentino, cui interfuit, *omnibus qui Scripturas sacras profundius meditantur, fontes Hebraeos & Græcos, quatenus opus est, consulere, quo nostram Latinam, vitio Librariorum vel temporum injuria corruptam, emendare valeant.* Sic recurrendo ad fontes, sanatus est locus in primo libro Esdræ cap. ix. 8. in quo legebatur sine sensu *pax illius pro paxillus*. In Proverbiis cap. xvi. ii. pro *lapides sæculi irrepsērunt lapides sæculi*; quod correctum est, cum post solemnem Concilii Tridentini approbationem, Romani Pontifices operam dederunt ut Vulgata ederet̃ur emendatior. Ita, inquiebat Julius Rugerius Secretarius Apostolicus, libro de *Scripturis Canonicis*, ferri non potest horum imperitia, qui audacter dicunt Hebraicam & Græcam editionem à Spiritu Sancto dictatam, per Tridentinos Patres damnatam, & versionem præpositam vel æquatam suis fontibus. Ab eo tempore quo declarata est authentica Vulgata, jussu Sixti Quinti, & Clementis Octavi Pontificum emendata est. In editione quæ Clementis Octavi jussu fa-

fu facta est, disertè affirmatur: *In illa pervulgata  
 editione, multa quæ mutanda videbantur, immutata  
 relictæ esse. Et postea: Biblia non sunt à nobis accu-  
 ratissime castigata: multa enim iustis de causis per-  
 transivimus ad populi scandalum vitandum. Igitur Vul-  
 gata Latina fontibus Hebræis & Græcis non æquatur,  
 nedum præfertur, ut diximus, per decretum Concilii,  
 sed tantum aliis versionibus Latinis, relictis textibus  
 originariis in eodem statu quo prius. Nihil de illis  
 agebatur, ut ait Salméro. Tantum inter tot editiones  
 Latinas, quas nostra secula parturierant, quenam ex  
 illis præstaret, sermo erat. Visum est Concilio Vete-  
 rem probare præ cæteris, quam usus probaverat secu-  
 riorem, nec aliud statutum voluit. Sic Bellarminus  
 (Lib. 2. c. 11. de Verbo Dei) censet. Ecclesia certos nos  
 reddere voluit, in iis præsertim quæ ad fidem & mores  
 pertinent, nulla esse in hac versione interpretum erra-  
 ta. Et eodem in loco: In iis præsertim quæ ad fidem  
 & mores spectant, nulla esse in hac interpretis errata,  
 sed tuto posse fideles & sine periculo huic Versioni con-  
 fidere. Illud autem animadvertendum, quòd ex ho-  
 diernis exemplaribus Textus Hebraici & Græci, quam-  
 quam prævalere debeat fontium auctoritas, non sem-  
 per corrigenda sit Vulgata Latina; potest enim fieri  
 ut non inferioris notæ Codicibus usus sit ejus auctor,  
 quisquis fuerit: in exemplaria enim Græca & Hebrai-  
 ca irrepere errores potuerunt. Verùm quando liquet  
 non aliter codicem Hebræum vel Græcum lectum fuis-  
 se Latino Interpreti, decet sententiam ejus in ipsis  
 fontibus quærere, si ambiguè locutus sit. Qui con-  
 sultat textus originales, facilè errorem deprehendit in  
 ultimo capite Joannis versu 22. Sic eum volo manere,  
 donec veniam. Videre est in textu Latino pro parti-  
 cula si lectum, deindè scriptum sic. Facilis est lapsus;  
 sed non ita est in Græco nam *ἵνα* & *ὥστε* sic non  
 facilè permutantur. Profert alia exempla Bonfrerius in  
 præ-*

prælegomenis, ostendens quàm necessarium sit ipsos fontes adire, ut constet de veritate textus.

## C A P U T. XII.

*De Pentateucho Samaritano; Paraphrasibus Chaldaicis; tum de cæteris Sacri Codicis versionibus, quoque tempore & quaque lingua elaboratis.*

Pertinet ad institutum nostrum differere de Pentateucho Samaritano. Samaritani, aliquot annis ante Christum natum, relictis idolis, cultui veri Dei, quem Moyses docuerat, dediti erant, ut supra observatum est. Nullos autem Libros sacros præter Pentateuchum pro sacris agnoscebant: nec mirum est; cæteri enim à viris inter Judæos claris scripti sunt, cùm jam odia inter utramque gentem aspera exarsissent. Pentateuchum vero quem solum habent sacrum religiosè hæctenus servant Samaritani. Hunc veritati adstruendæ utilem esse liquet; neque enim in corruptenda veritate eorum quæ gessit & dixit Moyses, cum Judæis Samaritanos convenisse quis jure dixerit. Re idem est Samaritanus Pentateuchus cum Hebræo; utrique enim totidem scriptitant literis, quæ figuris tantum ac apicibus differunt, ait B. Hieronymus scribens in caput ix. Ezechielis; ubi & adstruit Moysen usum Samaritanis caracteribus. Animadversione autem dignum est quod de figura extremæ literæ alphabeti dicit: *Antiquis Hebræorum literis, quibus usque hodiè utuntur Samaritani, extremathau litera, crucis habet similitudinem, quæ in Christianorum frontibus pingitur, & frequenti manus inscriptione signatur.* Verùm hujus literæ figura deflexit in formam, quæ non potest ampliùs similis cruci haberi.

Ex utriusque Pentateuchi comparatione lux affulgere po-



re potest veritati. Etenim inter varias lectiones, quæ occurrunt, licet inde colligere quæ sit antiquior lectio, & idè verior. Tunc enim temporis habemus hoc-cæ Pentateuchum. Joannes Morinus, Congregationis Oratorii presbiter, ex Bibliotheca Oratoriana Parisiensi, quod ex Oriente Harlæus Sancius, *Harlay de Sanci*, ejusdem Congregationis presbiter, attulerat exemplar, Samaritani Pentateuchi, primus edidit Parisiis anno MDLXXXI. quod ab omnibus exceptum est tanquam pretiosum monumentum. Versio antiquitus facta est de textu Hebræo Samaritano in dialectum Samaritanam, sive in linguam Chaldæo-Samaritanam; quæ solet edi cum textu. Plura non adjungam circa hunc Pentateuchum Samaritanum; neque enim hujusce loci est comparare illum cum Pentateucho Hebræo, & observare quæ inter utrumque sit varietas. Tunc temporis discrepant inter se non solis literarum apicibus; sed & rebus, in quibusdam locis. Fieri enim non potuit, dum describuntur, quin varietates inductæ sint.

Originalibus textibus, saltem vetustis eorum versionibus, accenseri debent Chaldaicæ Paraphrases; quarum ea est origo. Cum propriæ linguæ obliti essent Judæi in captivitate Babylonis, & linguam dominorum, cui servierant, didicissent, nempe Chaldaicam, inde contigit ut Biblia necessariò essent Chaldaicè exponenda. *A diebus Esdræ*, inquit Rabbi Maimonides (*Hilch. Tefhi L.L. cap. 12.*) *consueverunt Judæi habere interpretem, qui populo id interpretetur, quod lector ex Lege prælegit.* Ita factum est ut successu temporis adornatæ sint diversæ Paraphrases, vernacula lingua, nempe Chaldaica, quæ non multum discrepabat à Syriaca, sive Hierosolymitana dialecto. Paraphrases illæ vulgò dicuntur *Targumin* in plurali, in singulari verò *Targum*. Vox Chaldaica, idem sonans ac Latine *interpretatio* vel *versio*, quæ non tam verbum de verbo, li-

bo, licet hoc in Targumin sapè fiat, quam sensum ex una lingua in aliam transfert.

Paraphrases Chaldaicæ sive Targumin sic distribuuntur, ex triplici distributione quam faciunt Judæi, ut alia sit paraphrasis Pentateuchi, alia Prophetarum, alia Hagiographorum. Illius in Pentateuchum auctor creditur Onkelos, vel Onkelōsos, qui dicitur vixisse quadraginta annos ante Christum. Unde malè, ob aliquam nominis similitudinem, quidam voluere hunc Onkelos eundem esse ac Aquilam Ponticum, qui 130. annos post Christum vetus Testamentum Græcè interpretatus est. Onkelos primas deferunt Judæi, utpote discipulo magni Hillelis. Jonathan Ben-uziel priores & posteriores Prophetas, excepto Daniele, paraphrasi explicavit. Coætaneus creditur Onkelos; & stili puritate, & ex eo quodd allegatur ejus paraphrasis in antiquis Judæorum libris, habetur in pretio, tanquam certæ antiquitatis. Non ita est de Targum in quinque libros Moysis, quod non à multo tempore sub nomine ejusdem Jonathanis prodiit. Clarum est ex iis quæ allegantur in hoc Targum, non compositum fuisse ante quintum sæculum. In eo fit mentio Talmudis; & ideo Talmude posterius est. Memoratur & Constantinopolis. Prodiierunt paraphrases & in Hagiographos, quæ tribuuntur cuidam Josepho, qui cæcus vel luscus erat. Prodiit anno MDCLXXX. Augustæ Vindelicorum Targum sive paraphrasis Chaldaica in libros Chronicorum sive Paralipomenon, cura atque opera Matthiæ Friderici Beckii. Possunt adhuc latere plures paraphrases: nam ubi lingua Hebræa minùs nota fuit, notior Chaldæa, facti Codices à pluribus Chaldaicè expositi sunt. De paraphrasis Chaldaicis Morinus differit, an habeant antiquitatem quam illis dant Judæi: an sine punctis fuerint exaratæ; & quis puncta, quæ nunc habent, adjecerit: quis cujusque certus fuerit auctor; & ple-

raque alia, quæ expendunt, qui dedita opera de his paraphrasibus loquuntur. De illis apud antiquos Patres altum est silentium, scilicet quia lingua Hebræa illis ignota, nec familiariter utebantur Judæis: apud Flavium Josephum, ob eandem causam; quia Græcis magis quam Hebraicis innutritus, & in Hebraismo & fortè etiam Chaldaismo hospes. Hebraica enim si vel mediocriter delibasset, nunquam חַבֵּל *habel* significare πῖττος scripsisset (*Antiq. lib. 1. c. 3.*) Verbum חָלַל significat *luxit*; quod aliter scribitur quàm חַבֵּל *vanitas*.

Insuper, quominus innotescerent Christianis dictæ paraphrases, in causa erat earum raritas, etiam apud Judæos. *Antequam inveniretur ars typographica*, inquit Elias Levita in præfatione in has paraphrases, *non extabat targum Prophetarum & Hagiographorum, nisi vel unum in tota quadam provincia, vel ad summum duo exemplaria in uno climatè. Propterea nec quisquam erat, qui illud curaret.* Mirum videri posset ex conversatione sua cum Barrabano Tyberienfi, & Lyddæo, quam non dissimulat Sanctus Hieronymus nihil rescivisse de paraphrasibus Chaldaicis, quarum nullam mentionem facit. Verùm videntur dedita opera Judæi ex mera invidia secum illas pressisse, quòd viderent ex illis posse non pauca neque imbellia, contra se ipsos arma desumi. Multa enim occurrunt in illis Paraphrasibus, quæ Christianis favent. Loca complura interpretantur de Messia, quæ nobis extorquere student Judæi. Idcirco meritò à viris doctis pluris fiunt. Concludamus versiones istas antiquissimas fuisse, & eorum auctorum tempore, quorum nomina præferunt, extitisse, saltem Onkelosi & Jonathanis. Etenim non par est credere, cum Chaldaica lingua Judæis vernacula & familiaris esset, versiones Chaldaicas eos neglexisse, & postea; cum nec Hebræam, nec Chaldaicam vulgus intellexerit, easdem

easdem procurasse & compilasse. In multis locis, ut diximus, fidem nostram de Messia confirmant, & contra eos fortissima argumenta suppeditant; quod demonstrat elaboratas antequam Christus nasceretur, & quæ de illo dicunt; protulisse ex antiquis traditionum & expositionum reliquiis; quas ex Prophetis hausserant. De Verbo Dei, per quod cuncta creata sunt, multa habent, quibus mirifice comprobatur illud apud Joannem: *In principio erat verbum, &c.* Tanta auctoritatis sunt apud Judæos Paraphrases Chaldaicæ; ut fermè illæ æqualem habeant cum textu Hebraico; præcipuè Onkelosi & Jonathanis paraphrases. Tradunt Jonathanem suam expositionem accepisse à Prophetis Zacharia, Aggeo, & Malachia; Onkelosum à R. Eliezer & R. Jehosua, qui eam à Prophetis.

Breviter de cæteris versionibus Bibliorum dicam; quæ utiles possunt esse, iis præsertim qui fontes adire non possunt: comparando enim illas quæ sunt ejusdem loci, lector studiosus, etiamsi nec Hebraicè nec Græcè doctus sit, ut cumque potest assequi vim verborum originalium, quibus ille locus exprimitur. Versiones præsertim quæ antiquitùs ab Orthodoxis elaboratæ sunt, multa commoda afferunt. In illis videre est quo olim sensu accepta sit sacra Scriptura, & ex interpretatione faciliè colligitur quæ olim interpretes legerit in fonte Hebræo aut Græco, sic quæ lectio magis probanda sit. Versio Syriaca antiquitate & auctoritate præstat. Hac à primis temporibus Christiani Orientales usi sunt; potissimùm Antiochiæ, unde lingua illa dicta fuit Antiochena. Hujus Syriæ urbis Ecclesiæ, in qua primùm nomen Christianum usurpatum est, subiciebantur aliæ non paucæ; etiam ante Concilium Nicænum, per quas in Sacris usu frequentiori erat dicta dialectus: quæ deinde appellata est *Maronitica*, à Maronitis qui habitant in pagis

montis Libani, & in oppidis Syriæ minoribus, quorum incolæ sacra sua in hac lingua celebrant, sicut & cæteri Christiani per Orientem. Illa, inquam, dialecto exprimunt lectiones suas Bibliorum, & officia divina sive Liturgiam, tum commentarios sive expositiones Scripturarum. Lingua autem Syriaca Chaldaica est, nisi quod phrasi & flexione interdum ab illa discedit; saltem hujus dialectus debet censerī.

Vvidmanstadius Cancellarius Ferdinandi Imperatoris primus in Europa Novum Testamentum Syriacum edidit Viennæ anno 1555. sine versione, quam deinde addiderunt Guido Fabricius Boderianus in Bibliis regiis Antuerpiensibus; & postea Tremellius & Tostius. Linguam Syriacam vernaculam fuisse Christo & Apostolis Vvidmanstadius contendit. Alii negant, & censent eo sermone Dominum & discipulos ejus locutos, quo exaratae sunt Chaldaicae paraphrases, aut mixta alia dialecto quæ tum in Judæa vigeat; quod videntur probare voces quas inseruerunt scriptis suis Evangelistæ, quæ nec purè Hebraicae, nec Chaldaicae, nec Syriacæ sunt. Hebraicas tamen eas Evangelistæ appellant, quia has usurpant Israelitæ orti ex Hebræis; tum etiam ut indicarent voces illas non fuisse Græcas, nec Latinas, sed proprias Hebræorum genti. Syriaca dialectus hodierna scribitur proprio caractere, qui alius est tum ab Hebraicis, tum à Samariticis literis.

Translatio Syriaca Veteris Testamenti ex fonte Hebræo, & Novi ex fonte Græco, omnes post Christum factas translationes antiquitate superat. Verum præter hanc versionem Syriacam, quam simplicem & antiquam appellant Maronitæ, qua sola in officiis divinis publicè utuntur, aliam habent recentiore ex Græco expressam, tam Veteris quàm Novi Testamenti. Hanc ante millenos annos confectam fuisse probant viri docti; undè deducitur vetustissimam  
illam

illam esse, quæ appellatur antiqua & simplex.

Etiam Syri Maronitæ liturgias suas & diurnaliam duplici lingua legunt, Syriaca vetustissima, & Arabica, quia Syriacam soli qui periti sunt intelligunt, Arabicam verò habent vernaculam. In Oriente omnibus ferè populis usitata est Arabica; Ideò Christiani sicut & Judæi & Samaritani Arabicè quique Codices sacros interpretati sunt. Rabbi Saadias circa annum Christi CM. Pentateuchum Arabicè transtulit; quam translationem vir doctus putat non multum differre ab illa quæ reperitur in polyglottis Parisiensibus. In multis libris Veteris Testamenti versio Arabica exprimit versionem Græcam LXX. Interpretum. Apud Christianos Orientales fuit in usu duplex versio Arabica. Quin imò quorundam librorum plures circumferuntur. De omnium harum versionum auctoribus & antiquitate non satis constat. Apud Æthiopes tota Scriptura versa est eorum lingua; sed hætenus tantum pars ejus typis edita est. Pentateuchum Persicè transtulit Jacobus Tavvosus, vel, ut alii, Tavussius aut Tusius Judæus, ab urbe Tus academia celebri denominatus, ex textu Hebræo, in usum Judæorum in Persia degentium, qui Constantinopoli prodiit, anno 1546. Novi Testamenti & Psalmorum susceptæ sunt variæ versiones, sed recentes; & ideò non multæ auctoritatis: sicut pleræque aliæ in linguis quæ in Europa usitatæ sunt.

Sanctes Pagninus è Dominicanorum familia, Verus Testamentum primus ex Catholicis post Hieronymum ex Hebræo Latinè vertit. Editæ hæc versio Lugduni anno 1527. quam postea correxit Arias Montanus, satagens ut textui Hebraico quàm maximè consentanea esset. Sebastianus Munsterus versionem Latinam Bibliorum edidit, sed stilo horrido & Latinis auribus ingrato. Post Pagninum plurimi emerferunt Interpretes, cum lingua Hebræa notior caput es-



se, Leo Judæus, sive Leo Juda, non quidem gentē Hebræus, Hebraismi tamen notitia nec ipsis Hebræis concedens; auspicatus fuerat versionem illam Latinam, quæ postea Tiguri edita est. Mors opus perficere non permisit, quod Theodorus Bibliander absolvi. Ea est versio quam Robertus Stephanus, suppressis Auctorum nominibus, unā cum Vulgata & Francisci Vatabli annotationibus, typis suis mandavit. Emmanuel Tremellius, ex Judæo Christianus, & Franciscus Junius, conjunctis operis, versionem etiam textus Hebræi evulgarunt; quod & tentarant alii, Castalio, Maluenda, & nuper Sebastianus Schmidius. Sunt qui numerant Isidorum Clarium inter eos qui ex fontibus verterunt Latine sacros Codices; sed ille non novam versionem cudit, sed veterem emendavit; in eam quandoque verbis usus acerbioribus. Lucas Osiander non tam novam versionem fecit, quā vulgatam correxit ad mentem Lutheri.

Versiones illæ recentiores multum discrepant ab antiquis versionibus; quod scilicet dicti Interpretes secuti sunt Massoretas, & Grammaticos Judæorum, qui regulas antiquis ignotas adinvenerunt. Ideo non mirum est, si tantum discriminis intercedat inter veteres & novas versiones. Constat enim, etiam ex Talmude, varias olim fuisse lectiones in Bibliis. Aliiter novi, aliter veteres interpretes legebant. Jacobus Angliæ rex Biblia Hebræo fonte vertenda Anglicè curavit, sicut Batavi lingua sibi propria, ex decreto synodi, quam Dodrehtanam vocant. Lutherus Germanicè, sicut Geneenses Gallicè & Italicè, omnes ex fonte interpretati sunt. Judæi Hispanicè quoque verterunt vetus fœdus. Catholici Doctores Vulgatam Latinam versionem lingua sua interpretati sunt: Lovanienses Gallicè. Antè aliquot annos, & Gallico quidem sermone, sed putiori & elegantiori, *Isacius le Maître* vulgò de *Saci*.

## C A P U T XIII.

*De editionibus Bibliorum præcipuis: de Hexaplis antiquis Origenis; & aliis novissimis Polyglottis.*

**T**Radunt Judæi Moysen duodecim exemplaria Legis dedisse duodecim Principibus tribuum, ex quibus singuli Israelitæ legem descripserint. Præcepto enim affirmativo, inquit Maimonides, singuli Israelitæ jubentur sibi scribere librum Legis; & quamvis quis à parentibus suis librum Legis acceperit, sibi tamen ipse proprium scribere jubetur: quem si manu sua scripserit, perinde est ac si accepisset è monte Sinai. Si scribendi peritus non sit, scriptum pretio comparet. Rex quoque jubetur sibi, quatenus rex est, scribere librum Legis, præter eum quem privatus habebat, juxta illud Deuteronomii ( Cap. 17. v. 18. ) *& erit quando fuderit super solium regni sui, scribet sibi exemplar hujus Legis, &c.* In describenda autem Lege maximam curam, ne dicam superstitionem, impendunt Judæi. Viginæ conditiones reconset Maimonides necessarias ut liber Legis sacer habeatur, id est, ut publicè in Synagogis legi possit, quas enumerare supersedeo. Incerta quidem sunt, & nullo argumento possunt probari, quæ Judæi referunt de exemplaribus illis unicuique Tribui daris; sed constat Deum semper providisse ne sic negligenterur Libri sacri, ut in eos irrepererent errores noxii fidei & moribus. Post solutam captivitatem, cum in exilio, non ea qua par erat religione, servatæ essent Scripturæ, codices varios collegerunt, ordinarunt, & in unum corpus redegerunt Esdras, & viri Synagogæ magnæ, hoc est, viri Synedrii; & quæ in Bibliis vitiosa erant, reputarunt, & integritati suæ restituerunt, Canonem con-



stituentes Scripturarum. Erat verò hæc ipsa constitutio divinæ prorsus auctoritatis, cum in isto Synedrio essent non tantum Esdras, sed & Prophetarum ultimi, Aggæus, Zacharias, Malachias, & ut quibusdam videtur Daniel. Auctor libri quarti Esdræ (*Cap. 14. v. 21.*) dicit omnia exemplaria Legis cum Templo incensa esse, & ab Esdra, suggerente Spiritu Sancto, de novo reparata esse: sed liber ille meritò numeratur inter apocryphos; & ista fabula quam narrat, refelli potest ex libro secundo Esdræ, in cujus capite octavo ista legimus. *Congregatus est omnis populus, & dixerunt Esdra scribe, ut adferret librum legis Moyfi, quam praeceperat Dominus Israeli. Attulit ergo Esdras Sacerdos legem coram multitudine virorum & mulierum.* Ibi non dicitur Esdras conscripsisse, sed attulisse librum Deuteronomi, quem apud se, utpote Sacerdos, asservabat.

Verisimile est Judæos non statim fuisse studiosos artis Grammaticæ, quam novissimis temporibus excoluerunt; nec antiquitus satagebant hujus scientiæ, quæ critica appellatur, occupata in corrigendis & restituendis libris huic integritati, qua primum scripti sunt à suis auctoribus. Undè, ut patet ex antiquis versionibus Græcis, complures erant discrepantiæ inter codices, quibus quisque Interpret usus est. Verum quinto vel sexto sæculo, Judæi illi Doctores Academiæ quæ erat in urbe Tiberiade, ad lacum Genesareth, impenderunt operam corrigendo Codici sacro, cui apposuerunt puncta vocalia, ut diximus, ne postea aliter legeretur textus, quàm esse legendum traditio inonebat. Quin. & varias variorum codicum lectiones sategerunt observare notis *Keri* & *Ketib*, quas voces suprâ exposuimus, tum & usum earum. Illud utem studium quod adhibuerunt effecit ut textus, <sup>a</sup>qualem nunc habemus ab illis editum, differat ab eo Textu quem habuerant Interpretes Græci; quos illis

Tibe-

Tiberienſibus Judæis non ubique decet poſtponere. Eſto enim in optimis conquirendis codicibus ſeduli fuerint Maſſoretæ; ſed etiam ſibi nimium forſan ſumpeſerunt, ut correctio eorum non ſemper prævalere debeat. Ante natam Typographiam, celebrabant Judæi quosdam codices, ad quos, ut ad lydium lapidem, exemplaria ſua examinabant. Codices celebriores illi ſunt, codex Hilleliſ, Palæſtinus ſive Hieroſolymitanus, & Babylonicus. Ex quo à Typographis tum Chriſtianis, tum Judæis multoties & ubique textus Hebræus editus eſt, nulla jam in eo diſcrepantia eſt, niſi quam incuria Typographorum inducit.

Quod ad textum Græcum verſionis ſenum, olim multæ & diſcrepantes editiones erant, ut dicit Hieronymus in præfatione in librum Paralip. *Alexandria & Egyptus in LXX. ſuis Heſichium laudat auctorem: Conſtantinopolis uſque Antiochiam Luciani Martyris exemplaria approbat: mediæ inter has provincie Palæſtinos codices legunt, quos ab Origene elaboratos Eufebius & Pamphilus evulgarunt, totuſque orbis hac inter ſe triſaria varietate compugnat.* Editio LXX. procurata à Luciano Martyre, qui paſſus eſt ſub Diocletiano & Maximiano Tyrannis, verſio nova cenſeri poteſt: Cùm ille in Codices Hebræos & in Græcas verſiones indidiſſet, & diligenter quæ vel veritati deerant, vel ſuperflua erant, inſpexiſſet, ſuis quibuſque Scripturarum locis correxit: ita non fuit ampliùs merè ſeptuaginta Interpretum, ſiquidem mutata ſive emendata; de quo B. Hieronymus admonet Suniam & Fretellam in Epiſtola ſua, utriuſque nomine inſcripta. *Ut ſciatis aliam eſſe editionem, quam Origenes & Caſarienſis Eufebius, omneſque Græcie tractatores κοινὴν, id eſt, communem appellant atque vulgatam, & à plerique nunc λυκιανὸς dicitur: aliam ſeptuaginta Interpretum, quæ & in ἐξαπλόις codicibus reperitur, & à nobis in Latinum ſermonem fideliter verſa*

*versa est, & Hierosolyma atque in Orientis Ecclesiis decantatur. Modò videbimus Hexapla illa esse Biblia polyglotta edita ab Origene. Postea addit Hieronymus de differentia quæ erat inter utramque editionem LXX. Interpretum; sed hoc interest inter utramque, quòd *κρίσις* pro locis & temporibus & pro voluntate scriptorum veterum corrupta editio est. Ea autem quæ habetur in *ἑβδομήκοντ*, & quam nos vertimus, ipsa est quæ in eruditorum libris incorrupta & immaculata septuaginta Interpretum translatio reservatur.*

Vidimus supra sæpiùs Græcè versos codices Hebræos, ab Aquila, à Symacho, à Theodotione, & à quinto, sexto & septimo auctoribus, qui ignoti sunt. Origenes suscepit edere Biblia, in quibus textu originalis cum his versionibus exhiberetur. Hæc Biblia dicta sunt Tetrapla, nempe in quibus continebantur quatuor versiones, scilicet 1. Septuaginta Senum, 2. Aquilæ, 3. Symmachi, 4. Theodotionis; quibus postea cum addidisset textum Hebræum, Hebraicis & Græcis characteribus, edidit sua Biblia hexapla, nempe sex habentia paginas; quæ tandem evenerunt octapla; postquam quintam & sextam versionem Græcam, quas repererat in dolio, ut diximus, adjunxit: quod Rufinus libro vi. suæ historiæ Ecclesiasticæ explicat. *Origens*, inquit, *illos famosissimos Codices primus composuit, in quibus per singulas columnulas è regione separatim opus interpretis uniuscujusque descripsit; ita ut primò omnium ipsa Hebræa verba Hebraicis literis poneret; secundo in loca per ordinem Græcis literis è regione Hebræa verba describeret; tertiam Aquilæ editionem subjungeret; quartam Symmachi, quintam septuaginta Interpretum, quæ nostra est; sextam Theodotionis collocaret; & propter hujusmodi compositionem, exemplaria ipsa nominavit Hexapla.* Addam quod dicit B. Hieronymus in caput tertium Epistolæ ad Titum,

tum, de ista Origeniana Bibliorum editione. Nobis cura fuit omnes veteris Legis libros, quos vir doctus Adamentius in Hexapla digesserat, de Casariensi Bibliotheca descriptos, & ipsis authenticis emendare; in quibus & ipsa Hebraea propriis sunt caracteribus verba descripta, & Græcis literis tramite vicino; Aquila, item & Symmachus, Septuaginta, & Theodotion suum ordinem tenent. Nonnulli verò libri, & maxime ii qui apud Hebræos versu compositi sunt, tres alias additas habent, quas quintam & sextam & septimam translationem vocant, auctoritatem sine nominibus interpretum consecutas. Hoc immortale illud ingenium suo nobis labore donavit.

Cum omnium non esset magna illa volumina comparare, aliam editionem elaboravit idem Origenes, in qua scilicet sola versio septuaginta Interpretum esset, cui apposuit asteriscos, obelos & similes notas, ex quibus agnoscerentur quæ ex fonte in ista versione deerant, quæ redundarent; ut dicit Hieronymus in dicta Epistola ad Suniam & Fretellam. Ubi quid minus habetur in Græco ab Hebraica veritate, Origenes de translationem Theodotionis addidit, & signum posuit asteriscum, id est, stellam quæ quod prius absconditum videbatur, illuminet & in medium proferat. Ubi autem in Hebræo non est, in Græcis codicibus invenitur, obelov, id est, jacentem praposuit virgulam, quam nos Latine veru possimus dicere; quo ostenditur jugulandum esse & confodiendum, quod in authenticis libris non inveniunt: quæ signa & in Græcorum Latinorumque poematibus inveniuntur. Ideo Origenes supplevit ex Theodotione, quæ Græci senes omiserant, quia textum Hebræum pressius sequitur; quod additamentum ne confunderetur cum textu, apposuit asteriscos: quæ verò erant in Græca versione, & non in Hebræo textu, non expunxit nec deleuit, sed obelo notavit. Asteriscis utebantur veteres critici, librorumque

que censores, cū vellent admonere lectorem sententiam aliquam esse memorabilem, & sic illam quasi hoc asterisco irradiabant. Adulterina verò & depravata, ne illis lector deciperetur, notula altera, quàm à figura veru representante dixerunt obelum, transfigebant.

Præter omnes illas editiones, quas paravit Origenes, ad revincendos Judæos, qui in congressibus, si-ve privatis, si-ve publicis, Christianis de translatione Græca testimonia mutuantibus exproabant, illa modò non haberi in Hebræo fonte modò aliter explicanda esse; sæpe etiam ex Hebræo quædam objiciebant, quæ in Græco non deprehenderentur: separato opere, ut fusiùs docuit Morinus in exercitationibus Biblicis, translationem Septuaginta edidit cum Hebræo textu comparatam; ita ut textui LXX. sub asterisco inseruerit quæ textus Hebræus addebat, at obelo notaverit quæ LXX. Interpretes textui Hebræo addebant; non quòd illa deesse, hæc verò superesse existimaret, sed ut ostenderet quæ Judæi in Christianorum textu deficere aut abundare dicerent, quæ rescarent, quo ad concertationem cum Judæis instructiores Christiani prodirent; propriisque ipsorum armis illos confoderent, nec non etiam argumenta explicandæ & illustrandæ LXX. Interpretum translationi depromerent. Hæc Morinus.

Sunt & aliæ notulæ, quibus usum volunt Origenem, nempe Lemniscos ac Hypolemniscos. Apud Hesychium *ληνίσκος* seu *λημνίσκος* Syracusana vox est, qua sic apellant angustas tannias. Hinc ad alia significanda usurpata vox fuit, nempe pro fasciis, quibus coronæ circumplicabantur; pro lineamento convoluto vulneribus inferendo; demumque pro nota librorum, de qua Isidorus: *Limniscus, id est, virgula inter geminos punctos jacens, apponitur in iis locis, quæ sacra Scriptura interpretes eodem sensu, sed diversis sermonibus*

bus

*bus transfulerunt.* Inde vocatus lemniscus, sive linea vittæ more depicta, ait Bernardus de *Montfaucon* cum duobus punctis, altero supernè, altero inferne positus sic -- Ideo autem lemniscos ab Origene usurpatos fuisse scribit Epiphanius, ut cum in editione LXX. reperitur aliqua vox non cohærens neque aliis connexa, hoc signo notata, noveris ab uno vel duobus interpretum paribus ita versum fuisse, ab uno scilicet, cum uno solum puncto linea signatur -- tuncque Hypolemniscus dicitur; à duobus verò, quando punctum utrinque ponitur sic -- & tunc lemniscus dicitur. Cæterarum notarum hæc est forma. Asteriscus sic pingebatur \* obelus hac forma -- Cum autem exscriberetur opus Origenis cum istis notis, contigit Librariorum oscitantia, ut siæ permixta sit versio senum LXX. cum Theodotionis versione & aliorum, ut postea vix constiterit, quæ esset horum Senum, quæ Theodotionis; quod apposita signa indicabant, *qua dum per scriptorum negligentiam, queritus Hieronymus in Epistola ad Suniam & Fretellam, à plerisque quasi superflua relinquuntur, magnus in legendo error oboritur.* Hinc, inquam, diversæ editiones LXX. celebrabantur, quas viri docti tentaverant expurgare erroribus Librariorum, & horum virorum nominibus, ut vidimus, Hesichii, Luciani. Ipse Hieronymus Græcam versionem LXX. edidit, admonens quòd pro varietate regionum diversa circumferrentur exemplaria hujus versionis. Inde, inquam, post inventam Typographiam, novissimis sæculis tot diversæ prodierunt ejus editiones, quæ omnes differunt inter se. Editio Complutensis facta anno 1515. impensis Cardinalis Ximenes, differt ab editione Vaticana anni 1587. Nempè cum viri docti, qui editiones Græcas LXX. procurarunt, alii in animo haberent versionem illam concordem facere cum hodierno textu Hebræo, qui fuit scopus Complutensium, alii cum testimoniis ex dicta versione quæ leguntur



guntur apud antiquos Patres, quod intenderunt Romanis, præponebant diversorum codicum lectiones suo consilio magis idoneas. Græca versio primum edita Compluti in Hispalia anno 1515. secunda vice prodiit Venetiis anno 1518. typis Aldi Manutii; quam editionem plerique Typographi Germani secuti sunt. Editionem Romanam sive Vaticanam Cardinalis Carafa ex manuscripto Bibliothecæ Vaticanæ procuravit cum notis & scholiis. Anno subsequenti 1588. nobilius versionem Latinam hujus Græcæ versionis collectam ex scriptis antiquorum Patrum edidit, Græcam Vaticanam & hanc Latinam versionem curavit conjunctim edendas Joannes Morinus Parisiis anno 1628. Ad manuscripti Alexandrini fidem correctæ est editio Græca, quæ in polyglottis Anglicanis reperitur.

Jam dicam editione Vulgatæ Latinæ. Quamquam à nata Typographia sæpius prælo subdita sit, tamen prima ejus notanda editio illa est, quam edendam curavit Sixtus quintus, post Concilium Tridentinum, à quo declarata fuit authentica. Declaratio autem illa non obstat quominus quos novæ editioni præfecerat dictus Pontifex in illa immutaverint non pauca loca, dum student meliorem facere. Quin cùm hæc nova editio non placuisset, Clemens octavus novam denuo procuravit emendatiorem; quæ sæpius recusa est, & in omnium manibus habetur.

De editionibus tum textuum originalium, tum versionum seorsim editis, diximus; nunc paucis perstringam celebres editiones polyglottas. Editiones Bibliorum illæ dicuntur prolyglottæ, in quibus textus originalis cum una versione aut pluribus versionibus in variis linguis exhibetur, ut indicat nomen illud quod Græcum est. Post inveniam Typographiam multæ prodierunt hujusmodi editiones. Franciscus Ximenes Cardinalis & Episcopus Toletanus suis impensis & studio quorundam Academiæ Complutensis Theolo-

gorum

gorum edenda curavit Biblia Complutensia anno 1515. sex tomis comprehensa, continentia Veteris testamenti textum Hebræum, & vulgatam Latinam, versionem LXX. & Onkelosi Targum, id est, Paraphrasim Chaldaicam cum versionibus latinis: Testamentum novum Græco-latinum, & apparatus, in quo quædam Grammaticæ, Lexica, & Indices.

Multis accessionibus & chartæ, atque characterum splendore illustriora sunt polyglotta Hispanica Antuerpiensia regia, sumptibus Philippi II. regis Hispanorum, curante Benedicto Aria Montano octo tomis edita anno Christi 1571. ubi præterea inveniuntur Targum sive Paraphrasis Chaldaica in reliquum Vetus Testamentum cum versione Latina, versio interlinearis Veteris Testamenti speciali tomo, & novi Testamenti versio Syriaca expressa nativis, id est, Syriacis & Hebraicis simul literis. Versionem illam Syriacis characteribus primùm ediderat Viennæ Albertus Vvidmanstadius Ferdinandi Imperatoris Cancellarius. Eandem Hebraico characterē expressit, & in Latinum convertit Guido Fabricius Boderianus, quæ omnia habentur in dictis Bibliis regiis, iis exceptis, quæ initio Syriaco characterē expressa non sunt reperta, ut notat Bonfrerius (*Cap. 19. Sect. 2.*) Non prodire nuda Biblia regia; sed cum magno apparatu. Nimirum simul edita sunt lexica, grammaticæ cum tractatibus philologicis, variis lectionibus indicibus.

Successerunt heptapla Gallica Parisiensia, quæ decem magnis voluminibus anno 1645. impensis viri clarissimi Michaelis de Jay, studio autem & opera Gabrielis Sionitæ, & Abrahamæ Eccheliensis Maronitarum, & Joannis Morini Congregationis Oratorii presbyteri, charta imperiali, elegantissimis characteribus, Parisiis excusa. In hac editione præterea habentur Pentateuchus Samaritanus cum versione Chaldeo-Samaritana, totum Vetus Testamentum Syriacum, &  
utrum-



utrumque Arabicum. Sed desiderantur in hoc opere prolegomena & apparatus; quæ inchoata, non perfecta sunt: certè typis mandata non fuere.

Postmodum edita sunt prioribus omnibus ampliora Biblia polyglotta Anglica, quæ ferè decapla sunt, anno 1657. cura præcipuè Briani Vvaltoni; Persicas enim & Æthiopicas versiones habent, unà cum uberimis prolegomenis & apparatu in sex tomis. Quantum hæc editio à Parisiensi vincitur typorum elegantia & splendore chartæ, tantum maiorem præstat utilitatem; quia cum aperitur, simul exhibet oculis textus originales, versiones, & paraphrases; quæ in distinctis tomis continentur in Parisiensi.

Celebres editiones Bibliorum Venetiis prodierunt, quæ polyglottæ possunt dici, quia cum textu Hebræo reperiuntur paraphrases Chaldaicæ & Commentaria Rabbiorum. Veneta illa editio facta est à Daniele Bombergo, anno 1517. & iterum accuratiùs & auctiùs anno 1528. Nec non à Joanne Buxtorfio Basilæ anno 1618. Ex officina Santadreama anno 1599. prodierunt Biblia cum textu originali & versione Latina Leonis Juda, simul & Græca versione Senum, & ejusdem versionis interpretatione Latina cum notis Francisci Varabli; quæ & inter polyglotta numerari possunt. Prætermitto silentio innumeras alias Bibliorum editiones multiplicibus notis & versionibus auctas; neque enim visum est de instituto nostro esse de omnibus per orbem terrarum variis Bibliorum editionibus differere; quod opus perfecit Pater *le Long*, Congregationis nostræ presbyter.



plura, quæ de eo metaphoricè efferrî liquet. Nempe hæc nomina illi adscribuntur, propter aliquam similitudinem.

Inter metaphoras censentur hæc locutiones: *os gladii*, pro acie: *adeps frumenti* sive medulla, pro eo quod est in frumento præstantissimum: *baculus panis* pro alimento. Præterea cum omnis ferè hominum sermo sit de iis quæ humana sunt, sive nobis conjuncta, & quibus afficimur, sit ut etiam Sacri Scriptores de Deo loquantur, *anthropopathos*, id est, humano more, sive quasi Deus nobis esset similis homo. Tribuunt ei humanam formam, oculos, manus, pedes; quin etiam affectus nostros communicant. Scilicet vix aliter fieri potest, ut quamquam Deus incorporeus sit, non occurrat cum aliquibus imaginibus in mentem nostram, & ideo sermone talis exhibeatur, non qualis ipse est, sed ab humana mente cogitatur, & significari potest.

Præterquam figuratæ locutiones suaviùs & jucundiùs nos afficiant, quàm si eadem sententia planis verbis diceretur, ut dicit B. Augustinus, plerumque verba propria non sufficiunt, quibus clarè exponantur quæ sacri scriptores elucidanda suscipiunt. Quin quandoque etiam sermo obscurandus: puta, cùm res obscenæ exprimendæ sunt. Tunc non decet uti verbis apertis. Honestæ verba quærunt sacri Scriptores: *pedes* vocant id omne quod est infra alvum. Indè *aqua pedum* est urina. Sic illud Exodi (cap. 4. v. 25.) *Tulitque illico Sephora acutissimam petram, & circumcidit præputium filii sui, tetigitque pedes ejus*, id est, partem quæ non nominatur.

Sermo autem ille figuratus Scripturæ occasio errori esse non potest, nisi iis qui potius agrestes sunt & illiterati. Ut plura dicere supersedeam; quæ enim circa usum metaphorarum hic observanda essent, petenda ex Grammaticorum & Rhetorum Scholis. Ea

in re

in re facer Codex non discrepat à profanis codicibus. Utrobique iisdem legibus metaphoræ pariter usurpantur. Verùm id sibi proprium vindicat sacra Pagina, illa præsertim quæ vetus Testamentum continet, ut præter sensum quem litera exhibere videtur, exposita secundùm grammaticæ leges, alium recondat, et si minùs obviùm, attamen proximiorẽ, ut ita dicam, menti loquentis. In veteri Testamento ut fusè dictum est, singulà pœnè omnia typi erant Christi. Itaque quæ de illis narrantur, cum typis conveniant, tum & Christo propria sunt. Duplicem ergo sensum habent Scripturæ veteres: primus ille est; quem proximè ostendunt verba, quæ accommodantur rei præsentis, quam Deus fecerat typum Messie. Dicitur *literalis*, quia hunc subjicit litera; vel *historicus*, quia continet historiam rerum; quæ typi fuerunt; quam cum plerique expositores ignorent, ideo excurrunt in allegorias; partus eorum ingenii. In prologo Abdiæ fatetur Hieronymus in hunc-ce scopulùm se impegisse. *In adolescentia, inquit, mea provocatus ardore & studio Scripturarum, allegoricè interpretatus sum Abdiam Prophetam, ejus nesciebam historiam*: Non idèò minùs agnoscendus alter sensus; quem verba occultant sub cortice; qui ideo solet dici *mysticus*; hoc est, occultus; his verò reclusus, qui traditione avita edocti, noverant ea omnia quæ hæcenus contigerant Israelitis; esse umbras sive delineationes rerum, quæ aliquando fierent regnante Messia.

Typorum tria numerantur genera: Legales; Historici; Naturales. Legales typi sunt ritus & cæremoniæ omnes Mosaicæ, Tabernaculum & omnia quæ ed pertinebant, altare, sacrificia, victimæ, oblationes, sacerdotes, levitæ; purificationes, &c. quæ omnia typica fuisse satis docet author Epistolæ ad Hebræos.

Historicos typos voco omnes res gestas, quarum historiam enarrat præcipuè codex Mosaicus. Has enim esse typicas Paulus apertè dicit, ut Abraham conjugium cum Agare ancilla & Sara libera, susceptosque indè liberos Isaacum & Ismaelem: item Jacobi & Esau nativitatem ex uno Isaaci cum Rebecca concubitu. Christus ipse in Evangelio serpentem æneum sui typum fuisse ait: Petrus baptismum Christianorum dicit fuisse diluvii antitypum,

Pro naturalibus typis potest haberi quæ à Moyse describitur mundi hujus aspectabilis creatio: hæc typus fuit novæ, quæ in Christo est, fidelium creationis, atque Ecclesiæ constitutionis. Undè D. Paulus toties primum & secundum Adamum nobis proponit, atque inter se componit, & quandoque opponit.

Præterea sensus typicus sive mysticus, vel *allegoricus* vel *anagogicus* vel *tropologicus* est. Sensus mysticus ideo nominatur allegoricus, quia res omnes veteris fœderis erant allegoriæ. Scilicet in illo ferè ubique aliud dicitur, aliud intelligendum est. Sub nominibus, exempli causa, Davidis, Salomonis, Christus describitur. Davidi quidem & Salomoni competunt, quæ de illis dicuntur; sed hæc magis Christo conveniunt. De Davide canitur (*Psal. 109.*) *Dixit Dominus Domino meo, sede à dextris meis*, quod possit quispiam interpretari de Davide compellente Salomonem filium suum: sed, ut JESUS CHRISTUS aiebat: quomodo David potuit Salomonem filium appellare Dominum? Ita ipsa plerumque verba sacri Codicis magis apta sunt Christo, quàm rei quæ typus est; ut verior de Christo sit sensus illorum, & magis consonus rebus omnibus quæ dicuntur. Sic liquet, quæ de monte Sinai & de monte in quo condita Jerusalem dicuntur, esse sumenda, ut illi montes jungantur, licet inter se locorum distantia mul-

multum diffiti. *Sinai enim mons est in Arabia*, loquitur Paulus scribens ad Colossenses ( *Cap. 4.* ) *qui conjunctus est ei, quæ nunc est Jerusalem.* In Græco fonte *συροιχῆ*, id est, duo illi montes sunt ejusdem ordinis, in eadem serie, sive versu *σοιχῶ* idem quod *σιχῶ* ordo, *versus*. Unus ad alium relationem habet. Rem futuram indicabant, sicut Agar ancilla & Sara libera.

Sensus mysticus appellatur *Anagogicus*, quando per illum omnia quæ olim facta sunt, referuntur ad Christi tempora, & ad cælestem patriam. Verbi gratia, quæ dicuntur de terra promissa, referuntur ad æternam quietem, ad cælestem Jerusalem, cujus typus erat Jerusalem terrestris. Paulus ( *1. Cor. 15. 45.* ) duplicem esse hominis statum advertit, alterum naturalem & animale in hac vita, alterum supernaturalem in vita futura, ex eo quod primus Adam dicitur factus ex pulvere in animam viventem; secundus verò Adam in spiritum vivificantem. *Primus homo de terra terrenus, secundus homo de calo cælestis.*

Non solum autem Christus, sed & res omnes Christi, nempe leges ejus, & tota Christiana religio indicabatur certis quibusdam rebus tanquam quodam sermonis genere. Sic lex de circumcisione duplicem sensum habet, alterum juxta litteram, quæ circumcisionem solius carnis significat, alterum juxta spiritum, quo notatur cordis circumcisio.

Sensus quo sic explicantur Scripturæ, ut ex illis sumantur leges morum, dicitur *tropologus*. *τροπος* Græcis sonat quod Latinis *mores*. Sic Apostolus ex hoc præcepto Mosaico: *non alligabis os bovi trituranti*, probat non esse neganda ministris Evangelii sufficientia stipendia, undè vivere, seque & familiam alere possint. *Neque enim*, inquit, *de bobus cura est Deo.* De his ce diversis sensibus audiendus B. Hiero-

nymus in Epistola ad Hedibiam. *Triplex, inquit, in corde nostro descriptio, & regula Scripturarum est. Prima ut intelligamus eas, juxta historiam: secunda, juxta tropologiam: tertia, juxta intelligentiam spirituales. In historia, eorum que scripta sunt, ordo servatur. In tropologia, de litera ad majora confargimus; & quicquid in priori populo carnaliter factum est, juxta moralem interpretamur locum, & ad anima nostra emolumenta convertimus. In spirituali theoria, ad sublimiora transimus, terrena dimittimus; de futurorum beatitudine & celestibus disputamus, ut presentis vite meditatio umbra futura beatitudinis sit.*

Propter consolationem nostram exarati sunt libri Sacri; idè Sancti Patres, quorum præcipuum studium erat efformare mores populorum, non semper sectantur quæ suos auditores fecissent doctiores, sed non utique sanctiores. Quem, inquam, litera ostendit sensum, scrutari non semper satagunt; huc verò flectunt Scripturas, ut indè omni modo arripiant occasionem imbuendi sanctioribus moribus Christianos; quod animadvertere operæ pretium est, ne sua laus detrahatur Patribus: scilicet ne quis imprudens velit arguere malos interpretes; dum non attendit; quem intuebantur scopum, Præivit illis summus Magister, cùm historiam pœnitentiæ Ninivitarum, & longum susceptum iter à Regina Austri, ut videret Salomonem ad exprobandam Judæis suam negligentiam, deflexit, inquiens (*Matth. 12.*) *Viri Ninivite surgent in judicio cum generatione hac, & condemnabunt eam, &c. Regina Austri surget in judicio, &c.* Similiter Apostolus historiam Hebræorum, qui in deserto perierunt, ad mores eorum quibus scribit, accommodat. *Patres nostri, inquit (1. Cor. c. 10.) omnes mare transierunt; sed non in omnibus beneplacitum est Deo.* Toti erant Sancti Patres, præsertim cùm ad populum sermonem haberent, in accommodanda

Scriptu-

Scriptura tum captui illius, tum usui. Tropologicorum expositiones distinguendæ ab illis, in quibus adversus veritatis hostes differebant de Scripturarum vero sensu, quem aptis & propriis verbis significatum voluit Deus ad veram-eruditionem.

Pariter ne Evangelistas, & alios Domini Jesu Apostolos, quis putet liberiùs exponere veteres Scripturas, animadvertat eos loqui juxta interpretationes ore traditas, ita ut quæ dicunt, sint deducta ex concessis. Etenim Doctores Hebræi sic illa loca interpretabantur, ex quibus argumenta Apostoli arripiebant. Videre est in paraphrasibus Chaldaicis, alio sensu quam quem ostendebat litera, pleraque loca accepta. Philo, verbi causa, rotus est in explicandis Legis allegoriis. Quin recentiores Judæi distinguunt alium sensum simplicem, alium literalem, alium mysticum. Priorem vocant *peschmh*, id est, *nudum*, veluti detracta veste expoliatum: expositionem autem literalem, vocant *pirusch* & *piruschim*, nempe libros & commentaria, quibus proponitur literalis illa expositio: *midraschim* verò mysticum, sive allegoricas expositiones & commentaria de illis scripta; à verbo *darasch*, quod est *querere*, *formari*, quia sensus mysticus non ita obvius est, ut non quærendus sit. Diversos illos sensus explicat hoc-ec distichum, cujus Lyranus auctor dicitur,

*Littera gesta docet: quid credas, Allegoria.*

*Moralis quid agas: quò tendas anagogia.*

## C A P U T XV.

*De precipuis regulis in exponenda sacra Scriptura servandis.*

**Q**ui de studio Scripturarum agunt, in eo conveniunt, ante omnia mentem adjuvendam sensui literalis; qualem modo definivimus, quem scilicet auctor intendit: neque enim intelligimus solos litera-



rum apices, quibus sacer Codex est exaratus: Solertius pugnat qui utitur notis armis; ita cui nota Scriptura facilius eam vertere poterit in usus necessarios populis, hoc est, eorum moribus illam accommodare. Ut liberè dicam quod sentio, qui sedulam operam dederit studio sacri Codicis, ea diligentia, qua in cujusque auctoris scripta inquiritur: qui rimatus fuerit sensus, quos verè Spiritus Dei indere colligitur ex sermone quo eos exponi voluerit, procul dubio penu paratum habebit, unde copiosas opes effundet populis. Qui eam diligentiam non adhibent, inania concionando effutiunt, ita aliena à vera mente Auctorum Sacrorum, ut nemo dicere possit hos loqui Spiritu Sancto moventes; quos B. Hieronymus in Epistola ad Paulinum carpit: *Quidquid dixerint, hoc legem Dei putant. Nec scire dignantur, quid Prophetæ, quid Apostoli senserint, sed ad sensum suum incongrua aptant testimonia: quasi grande sit, & non vitiosissimum dicendi genus, depravare sententias, & ad voluntatem suam scripturam trahere repugnantem.* Exponendo scripturas hæc regula B. Hilarii tenenda est. *Optimus ille Scripturarum lector est, qui dictorum intelligentiam expectat potius ex dictis, quàm importat, & refert magis quàm affert, neque hoc cogit videri dictis contineri quod ante lectionem præsumpserat intelligendum.* Igitur verborum proprietates semper retinenda est, nisi bona quædam ratio tropum suadeat; juxta id quod dicitur in jure civili: *Non aliter à significatione verborum recedi oportet, quàm cum manifestum est aliud sensisse testatorem.*

Sed antequàm expendamus regulas quas inquiremus, distinguendæ sunt quæstiones, quæ proponi possunt. Sunt nonnullæ monet B. Augustinus (*Lib. 2. contra Pelag. & Calest.*) Quæstiones, in quibus salva fide, qua Christiani sumus, aut ignoratur quid verum sit, & sententia definitiva suspenditur, aut aliter  
quàm

quàm est humana & infirma suspitione conjicitur: veluti cum queritur, qualis vel ubi sit Paradisus, ubi constituit Deus hominem, quem formavit ex pulvere, cum tamen esse illum Paradisum fides Christiana non dubitet; vel cum queritur, ubi sit nunc Elias, vel Enoch, an ibi vel alibi, quos tamen non dubitamus in quibus nati sunt corporibus vivere. Ubi autem agitur de præcipuis doctrinæ Catholicæ articulis, sit ista prima & omium regularum præcipua.

## PRIMA REGULA.

*Ex traditione, vel interpretatione sanctæ Ecclesiæ, nempe ex decretis Conciliorum, ex consensu Sanctorum Patrum intelligenda sunt illa Scripturarum loca, in quibus dogmata fidei Christianæ continentur.*

Ea est conditio Linguae sanctæ, ut non solum vera intelligentia sacri Codicis accipienda sit ex traditione, sed & ipsa lectio; quippe qui sine punctis vocalibus exaratus, rectè legi non possit, nisi ab eo qui jam lectum audiverit, sive ab Ecclesia didicerit quomodo legi debeat. Cavendum autem ne in alios sensus accipiamus verba sacra, quàm quos constat auctores suos habuisse in mente. *Nec periclitor dicere*, aiebat Tertullianus (Cap. 39. *Prescript.*) *ipsas quoque Scripturas sic esse ex Dei voluntate dispositas, ut hæreticis materias subministrarent, cum legam: oportere hæreses esse, quæ sine Scripturis esse non possent.* Patet experientia in diversos sensus distorqueri posse; neque enim, ut ait idem Tertullianus, essent diversæ hæreses, nisi possent perperam intelligi Scripturæ.

Ne hoc contingat, qui Scripturas legit, debet consulere antiquos & fidos testes, qui veram intelligentiam Scripturarum ab earum auctoribus didicerant, ut monet Vincentius Lirinensis. *Forsitan*, inquit

quit ( Cap. 2. ) requirat aliquis: cum sit perfectus Scripturarum canon, sibi que ad omnia satis superque sufficiat, quid opus est, ut ei Ecclesiastica intelligentia jungatur auctoritas; Quia videlicet Scripturam sacram, pro ipsa sua altitudine, non uno, eodemque sensu universi accipiunt: sed ejusdem eloquia aliter atque aliter, alius atque alius interpretatur; ut penè quos homines sunt, tot illinc sententia erui posse videantur: aliter namque illam Novatianus, aliter Photinus, aliter Sabellius, aliter Donatus exponit, aliter Arius, Eunomius, Macedonius, aliter Apollinaris, Priscillianus, aliter Jovinianus, Pelagius, Celestius, aliter postremo Nestorius. Atque idcirco multum necesse est, propter tantos tam varii erroris anfractus, ut prophetice & Apostolica interpretationis linea secundum Ecclesiastici & catholici sensus normam dirigatur. Sategant Apostoli non solum verba tradere, sed & verborum suorum veram mentem explicare iis quos eligebant in successores, ut & ipsi alios doctrinæ suæ facerent hæredes: undè his verbis ad Timotheum scribit Paulus ( 2. Epist. cap. 2. v. 2. ) *Et quæ audisti à me per multos testes, hæc commenda fidelibus hominibus, qui idonei erant & alios docere.*

Ubi verus Scripturarum sensus, five vera & certa illarum interpretatio quæritur, ille potissimum cæus audiendus, in quo secundum ipsas vivitur, juxta illud Tertulliani in præscriptionibus c. 19. *Ubi apparuerit esse veritatem disciplina & fidei Christiana, ibi licet erit veritas Scripturarum & expositionum & omnium traditionum Christianarum.*

## SECUNDA REGULA.

Liquet Scriptores sacros vera scripsisse, & vero sanoque sermone eos usos esse; quapropter servetur hæc regula: *Quoties Scriptura verba, sine aliquo in-*  
*commo-*

*commodo, possunt propriè, ut sonant & jacent, accipi, ita accipienda sunt; neque ad metaphoras aut alios tropos, aut sensus improprios inflectenda, nisi ex iisdem propriè acceptis absurdus aliquis sensus eliceretur. Neque enim, ut jam innui, Spiritus veritatis movit sacros Scriptores ut absurda dicerent; nec illi perperam locuti sunt utentes verbis haudquaquam aptis.*

### TERTIA REGULA.

*Si locus aliquis subindè obscurior occurrat, sed aliis locis per verba claviora proponatur; ad hæc recurrendum, ut prior elucidetur.*

### QUARTA REGULA.

*Ex scopo & intentione scribentis sæpe colligitur mens & sensus verborum illius: verbi gratia, quorsum, quibus, contra quos, ex cuius persona scribat.*

Scopus autem totius veteris Fœderis est annuntiare Christum, & eum variis exprimere typis, donec ipse adveniret; quippe tota lex Moysis umbra erat. Hinc Augustinus (*Lib. 12. cap. 7. contra Faust.*) Omnia, inquit, quæ in illis veteris Testamenti continentur libris, vel de ipso Christo dicta sunt, vel propter ipsum. Novi verò Fœderis scopus est docere quomodo omnia in Christo completa sunt. Ita non solum in libris Apostolorum, sed & in Moysis & Prophetarum ubique quærendus Christus. Mutua luce sese collustrant duo fœdera. Novum explicat Vetus, & ex Vetere intelligitur Novum. In Veteri Testamento est occultatio Novi, ut alibi dicit idem Augustinus, & in Novo manifestatio Veteris.

### QUIN.

## QUINTA REGULA.

*Conferre antecedentia & consequentia in quocumque loco, cujus sensus dubius sit, plurimum juvat ad eum elucidandum.*

## SEXTA REGULA.

*Inevunda concordia inter Scriptores sacros.*

Ne quis temerè credat non semper sibi constare Scripturas, animadvertat quòd cum verba servire debeant significandæ voluntati, ubi hæc eadem apparet in duobus auctoribus; non secum pugnare censendi sunt, etiamsi diversa dicere videantur. Ita cum ex Evangelistis alius dictum à Præcurfore asserit, *quòd non esset dignus portare calceamenta Domini*, alter dictum referat, *quòd non esset dignus corrigias calceamentorum solvere*, non inter se pugnant; ambo enim pariter volunt modestiam Joannis prædicare. Idem homo, eadem res quandoque habent duo diversa nomina. Sæpe ex duobus auctoribus qui rem eandem describunt, ille cursim & ex parte eam declarat, cui declarandæ alter immoratur, ut eam integram exhibeat; nec ideo inter se dissentiunt. Quispiam scriptor ordinem rei gestæ servat, alius recordationis suæ. Hic prætermittit id de quo alius mentionem fecerat. Oratio iisdem verbis expressa non ideo sibi dissidet, cum hic affirmat quòd alibi negat, modo eodem in sensu non esse accipiendam, locus cui inseritur, admoneat. Ita Paulus qui dixit; *nolite effici pueri*, non contradixit consilio Domini, ut *efficeremur parvuli*. Intelligebat enim ne sensibus pueri essemus; Dominus verò, ut *parvuli malitia essemus*.

SEPTI-

## S E P T I M A R E G U L A .

*Lingua, si fieri potest, auctoris, cujus sententia exquiritur, percallenda.*

Interpretibus fidere non omnino securum est. Quamquam enim vicem optimi interpretis impleverint, fieri potest, ut eorum oratio possit rapi in varios sensus: qui autem ipsum fontem consulere potest, non laborat in tollenda æquivocatione; cum enim apparet interpretes non alia legisse in fontibus quàm quæ nunc legimus, liquet ex illis accipiendam esse eorum mentem. Vetus Testamentum Hebraicè scriptum est, novum Græcè. Ideò si fieri potest, addiscenda Hebræa & Græca lingua. Nam, ut ait Hieronymus Epistola ad Lucinium: *Ut veterum librorum fides de Hebraeis voluminibus examinanda est; ita novorum Græci sermonis normam desiderat,*

## C A P U T XVI.

*De variis ad expositionem Scripturarum susceptis operibus; & de claris ejus expositoribus.*

**H**Is regulis instructus & omnibus illis quæ in præfati Apparatu congestimus, quisquis poterit lectionem Sacri Codicis auspiciari. Verùm quantumcunque ingenio suo & paratæ doctrinæ confidat, non debet abnuere duces qui sacrum Codicem jam ante perlustraverunt, & planiorem fecere. Id tentare scriptores Christiani diverso operum genere. Alii simpliciter ea exscripserunt loca, quæ mores spectant, & certis articulis distinxerunt, proponentes tanquàm *specula*, quod nomen excerptis suis inscripserunt. Alii appellavere *synopses*; nempe sub brevi con-

conspectu quasi opposuerunt oculis doctrinam Scripturarum. Alii familiari sermone, ut fieri solet in colloquiis, illas exposuerunt populo, ex pulpito tamen. Has expositiones Græci appellant *Exegeset*, *Homilias*; Latini verò, *sermones*, *Tractatus*, *Enarrationes*. Sunt *collationes*, in quibus mutuis colloquiis ac dialogis sacra Scriptura exponitur. *Meditatio*, *contemplatio* est affectiva expositio Scripturarum; sive ex intimis & ferventibus æstuantis animi affectibus in viva & ardentia verba prorumpens enarratio. Hoc faciunt pii quidam Expositores, qui omnes conatus suos in hunc finem intendunt, ut se ipsos exerceant & provocent in amorem eorum quæ legunt & explanant.

In hisce enumeratis expositionum generibus, Auctores earum maxime occupantur circa ea quæ spectant mores. Diligentiùs autem tractatur Scriptura in *Commentariis*. Ea hujus nominis prima fuit notio, ut in illis diversæ auctorum sententiæ ponerentur, prout mentem subirent. *Commentarii* sive *Commentaria* dicebantur, quidquid ita quis conficiebat, ut memoriæ tantum gratia, non plenæ narrationis facere videretur. Nunc hujus vocis, cum sermo sit de opere quo Scriptura explanatur, alia significatio est. Etenim ab iis qui edunt in Scripturam Commentaria exigitur, ut quæ ipsi primum congesserunt acervatim, ordine disponant, & de his interponant suum judicium. Licuit tamen hætenus consarcinare diversas sententias. Fuere qui colligerent, & simul connecterent, quæ diversi Auctores protulerant in eundem Scripturæ librum. Hæc opera vulgò dicuntur *catene*, quales multæ editæ sunt maxime ex Patribus Græcis in diversos libros Scripturæ. Sæculis superioribus, quæ post textum Sacrum adjungebantur, hujus elucidandi causa, dicebantur *Postilla*. Sic autem appellantur notæ marginales & perpetuæ in sacra Biblia, quæ secundum verba currunt, quasi *post illa verba*; quodd hæc sub-

indè

indè efferrent Magistri qui postillas illas dictabant. Nisi nomen illud derivetur à *posta*, quæ vox aliquando idem sonuit quod *pagina*, ut videre est in Glossario. *Glossæ* nominabantur breves notæ, quæ vicem loquentis interpretis præstarent. *Glossa* nomen Græcum est, quod linguam significat. In mediæ & infimæ latinitatis Scriptoribus *glossare* idem est ac *denudare* & *aperire*.

Non prætermittendæ *paraphrases* sive *metaphrases*, in quibus fusiùs & clariùs exponitur quod brevi nec satis claro sermone in textu continetur. *Propriè paraphrasis* sive *ecphrasis* sive *metaphrasis*, illa est quæ ipsam Sacræ Scripturæ narrationem in aliam vertit narrationem. Nomen *paraphrasis* Græcum est, denotans interpretationem, qua aliquis sermone eodem utens, aliquid latius eloquitur; ut illam definit Fabius (Lib. 10. 5.) *Metaphrasis* propriè mutatio est in aliud orationis genus, sive in aliam formam. *Ecphrasis* est enarratio, descriptio, quasi ob oculos ponens id quod narratur. Denique est quoddam expositionis genus, quod *analyses* vocant, in quibus elucidatur mens auctoris, series qua res componit, ordinat: indicatur scopus quem intuetur, & ratiocinia quibus utitur. Res est immensi laboris studium Scripturarum: nec mirum; infinitas enim opes continet, & thesauros sapientiæ innumerabiles; quos quò magis scrutatus fueris, tibi majores divitias eruendas restare protinus intelliges. Attamen Codex ille sacer, veluti mensa, proponit cibos omni ætati & conditioni idoneos. *Pascit Deus manifestis*, ait Augustinus, *exercet obscuris*. Etenim, ut idem alibi loquitur, *magnificè & salubriter Spiritus Sanctus Scripturas sanctas ita modificavit; ut de locis apertioribus fami occurreret, obscurioribus autem fastidia detergeret*.

Cortice egent, qui nare incipiunt: pariter opus habent adjutore, qui ad sacras Scripturas primùm acce-



accedunt. Pius lector à me exigit, ut saltem nomine recenseam quos præeuntes habere possit in studio Scripturæ. Verùm ista recensio non parvæ operæ, nec minoris molis, quàm totus ille Apparatus, cui insudavimus: Plures texuerunt Catalogos sacrorum Scriptorum, qui in totam Scripturam, vel in aliquos ejus libros ediderunt lucubrationes suas. Guillelmus Crovæus Londini publicavit anno 1672. Elenchum Scriptorum in sacram Scripturam, tam Græcorum, quàm Latinorum; in quo exhibetur gens eorum, patria, professio, religio, librorum tituli, volumina, editiones variæ, quo tempore claruerint vel obierint. Subinde è prælis nova scripta prodeunt; ut jam dictus elenchus multis deficiat; cui ergo plures auctores adderem: sed actum agerem; præmonui enim uberiolem Catalogum, quàm hætenus editus sit, expectandum esse à Patre *le Long*: quo opere frui licebit, cùm de novo prodibit hic Apparatus; nam ad umbilicum perduxit opus suum, & jam partem operis edidit. Paucis indicabo Commentariorum collectiones, quæ instar esse possunt plurium voluminum, quæ nec Regii Plutei omnes complectuntur.

Biblia Sacra cum Glossa ordinaria primùm collegit Strabo, Fuldenfis monachus Benedictinus, quæ postea locupletata sunt Patrum tum Græcorum tum Latinorum explicationibus, cum postillis Nicolai de Lira Franciscani, nec non additionibus Pauli Burgensis Episcopi, & Matthiæ Thoringi replicis, opera & studio Theologorum Duacensium. Iteratis typis editum est opus illud: Editio Antuerpiana, anni 1634. quam habeo præ manibus, nitida est.

Biblia magna Commentariorum literalium, nempe quorum auctores orthodoxi literam brevius & clarius exponunt, Joannes de la Haye Minorita edenda curavit Parisiis, anno 1643. quinque voluminibus; quod opus in immensum auxit idem Collector, ali-

quot

quot post annos recudens novemdecim tomis.

Typographi Londinenses, anno 1660. novem tomis complexi fuerant Criticos sacros, nimirum Auctores omnes quotquot verba & phrasas ac idiotismos Scripturarum sagaciùs indagant. Hoc opus contraxit Matthæus Polus in eadem urbe Londinensi, dictorum Criticorum edens synopsis, non ex his solis auctoribus confarcinatam, sed ex omnibus clarissimis Scripturæ Interpretibus. Collectionem criticorum Londinensem auctam & meliùs digestam Typographi Batavi recuderunt.

Jam egimus de celebrioribus Bibliorum editionibus polyglottis; in quibus exhibetur textus originalis, cum diversarum linguarum versionibus. Quas Latini interpretes versiones elaboraverunt latinas, collectæ sunt & editæ Antuerpiæ tribus tomis 1616. his potissimum necessariæ, qui fontes adire non possunt.

Collatione diversorum locorum, in quibus vox quæpiam vel dictio occurrit in sacro Codice, collustratur. Qui ergo de litteraria suppellectili paranda seriò cogitat, post Biblia ipsa comparet pretio Concordantias, quarum arte citra ullum negotium deprehendere potest quot & quibus locis hæc & illa vox occurrit in sacro Codice. *Ad obscuriores locutiones illustrandas*, inquit B. Augustinus (*Lib. 2. de Doct. Christ. cap. 9.*) *de manifestioribus sumantur exempla, & quedam certarum sententiarum testimonia dubitationem de incertis auferant: in qua re memoria valet plurimum.* Etate B. Augustini nondum erant collectæ & concinnatæ concordantiæ; quarum pretium infinitum est. *Faciliùs enim, ut dicit Origenes Homilia xxiv, in libros Numerorum, in Scripturis quod queritur, agnoscitur, si ex pluribus locis, quæ de eadem re scripta sunt, proferantur.* Ubique prostant Concordantiæ Latinæ sacrorum Bibliorum Latinæ editionis

vulgatæ. Non opus est ut eas indicem. Marius de Calasio Minorita quatuor voluminibus concordantias Bibliorum Hebraicorum Romæ edidit anno 1627. Buxtorfius uno solo volumine concordantias horum Bibliorum complexus est; non enim Latinas versiones apposuit, quas habet opus Marii de Calasio. Concordantias Veteris Testamenti Græcas, Hebræis vocibus respondentes curavit Konradus Kircherus Augustanus, Francofurti anno 1607. Opus immensæ utilitatis. Novi Testamenti Græci concordantias concinnavit Henricus Stephanus; illas perfecit Schmidtus.

Ne quis deterreatur à Lectione Scripturæ, audiens tot Commentatores, qui multa volumina in sacram Scripturam ediderunt, Tostatus Abulensis decem & quatuor, Cornelius à Lapide undecim, & plures alii: tum & varios Tractatus maximè necessarios, quales reperire est in apparatu Biblico Regionum Bibliorum polyglottorum Londinensium, & in duobus postremis tomis criticorum Londinensium & Batavorum. Ne quis, inquam, tot voluminibus deterreatur, dicam, statim ubi studium Scripturæ auspicatus fueris, sufficere tibi unum aut alterum Commentatorem, qui brevitate sua laudari possit, puta Tyrinum aut Menochium. Quin id consilii darem, pervolvere sine ullis commentariis sacros Codices. Judicium est B. Augustini (*Lib. 2. Doct. Christ. cap. 8.*) *Erit igitur divinarum Scripturarum soletissimus indagator, qui primo totas legerit notasque habuerit, etsi nondum intellectu, jam tamen lectione dumtaxat, eas quæ appellantur canonice.* Postea in manus sumendus Franciscus Vatablus hujus editionis, in qua præter notas quæ breves sunt, adjuncta est è regione Vulgatæ latinæ altera versio, quæ exprimit textum originale. Is liber instar erit plurium commentariorum. Robertus Stephanus

phanus suis typis Varabulum vulgavit Parisiis. Recusatus est Salmanticæ & in Germania.

C A P U T XVII.

*Declaratur quantum sit operæ pretium res Scripturæ juxta sua tempora digerere; & inter illas, cum à sacris Scriptoris enarrantur cum aliqua diversitate, concordiam inire sive Harmonias consicere.*

**R** Erum seriem quandoque neglexere Scriptores sacri; sive potius neglecta est ab iis, qui eorum scripta consarcinaverunt. Indè tot tantæque difficultates, potissimum in Prophetarum libris; quæ solvi non possunt, nisi rebus ad sua tempora revocatis. Tum & lux affertur quibusque rebus, cum ex diversis locis omnia quæ illas spectant conferuntur. Etenim ex occasione sive per allusionem quandoque nonnulla dicunt Scriptores sacri, quibus alibi à se vel ab aliis dicta possunt illustrari. Præclarum & utile opus duo Canonici Regulares susceperant, scilicet omnem textum Scripturæ digerere in naturali serie, nempe ratione temporum res ordinare & congerere simul, ut quæ passim & quasi disjectæ erant per totam Scripturam, simul subicerent oculis. Opus quod conjunctis operis erat absolvendum, protinus dissolutum est, auctoribus ad regimen animarum emanatis in diversas provincias; & præmatura morte unius ex illis prorsus abruptum. Si quid in contextu Scripturæ dissidere visum fuisset, dicti operis auctores fatigissent conciliare, & totius Scripturæ harmoniam constare.

Hocce opus Joannes Lightfootus Anglicus, si non confecerat, saltem designaverat in libro, qui ab illo inscriptus est *Chronica temporum & ordo textuum veteris Testamenti*. Ibi præcipuè agit Lightfootus ut

Ff 2      cujus-

cujusque libri capita in illum redacta ordinem & locum compareant, quem naturalis methodus & genuina chronologiæ series requirit. Addit simul rationem transpositionum, ubicumque illæ occurrunt; multasque notas & observationes non contemnendas, ad textus commodiorem intellectionem, explicationem etiam difficultatum, tum & conciliationem illorum, quæ in relatione historiarum videntur dissentire. Sed non ideo & nusquam à recto tramite discedere censendus est, quia susceperit textum Scripturæ ordinare; neque enim omnes scopum assequuntur ad quem collimant. Si quis velit experiri vires ingenii sui, & tentare hanc-ce textuum Biblicorum veram seriem,umat in manus Biblia typis Antonii *Vitrè*, edita Parisiis cum notis chronologicis Lancelotii viri pii & docti. Chronologia, quæ loco appendicis his Bibliis attexitur, seriem rerum ostendit: loca verò Scripturæ parallela indicant notæ marginales; ex quibus locis accersi possunt omnia quæ quamque rem spectant; videlicet quæ hujus rei descriptionem conficere possunt, cui nulla desit linea. Loca parallela quæ prætermissa sunt, supplere quisque poterit ope Concordantiarum nempe horum librorum, in quibus indicatur ubi singulæ voces Scripturarum, & quoties occurrunt. Pluris refert illa adnotare Biblicorum paginis.

Plurimi verò auctores conflavere Harmonias. Paralipomenorum & Regum edidit Joannes Baptista *le Brun* Rothomagensis, anno 1691. Parisiis typis Guillelmi *Desprez*. Rem gratam fecerit omnibus qui Scripturam amant, qui saltem notionem prophetiæ Harmoniæ dederit, revocans vaticinia ad proprium tempus, quo quisquis propheta ea ediderit, & significaverit implenda. Confusa sunt omnia in hac parte scripturæ, ubi pluris intererat omnia ex ordine contexere, juxta naturalem seriem. Putant viri docti

MOIS

moris fuisse Prophetis summam concionum à se habitatum scripto consignare, & valvis Templi legendam attexere; quæ cum per aliquot dies innotuisset, reponebatur à ministris Templi in cartophylacium. Hinc confectos libros Prophetarum dicunt; neque tamen quo par erat ordine; sed ut opportunum fuit his qui colligebant illa vaticinia.

Hic autem iterum animadvertam quod jam innui, populum Israel electum sive factum ut annuntiaret venturum Messiam, prædiceret omnem vitam ejus; & vitæ circumstantias, & sic magna spe potentis Salvatoris impleret mundum. Lex ritibus suis ostendebat quis futurus esset ille Christus. Verum præterea Deus elegit viros pietate & doctrina egregios; quibus ea cura sive religio demandata erat, ut ejus fide imbuerent Israelitas, & donec adveniret, revocarent à crimine, & optimis moribus informarent. Hi fuerunt viri Prophetæ; qui zelo suo non sinebant oblivionem Christi invadere mentes: ita ut quidquid agendum, quidquid ore dicendum susciperent ad illum plebem converterent; quæ & id expectabat ab illis intelligens tale esse eorum munus. Non ergo obscura illis Prophetarum vaticinia, quanquam nunc aliena videantur ab eorum proposito. Sic cum Isaias prophetabat contra Moab, & prædicebat agnos eorum prædam leonum futuros; subird sic Deum rogat cap. xvi. *Emitte agnum dominatorem terre*; nempe Christum, qui agnus est dominaturus orbi. Similiter cap. xlv. *Rorate cæli desuper, & nubes pluant justum; aperiatur terra & germinet Salvatorem*. Non solum Prophetæ Dei, sed & Gentiles Prophetæ, qualis fuit Balaan, Christum oriturum ex Jacob indicebant, huc convertebant vaticinia sua; quod advertere ad illa illustranda interest. Satagam ergo Prophetias reddere suis temporibus; & sic inire inter Prophetas Harmoniam,

non ut perficiam opus, sed ut excitem perficiendum.

Sub Josaphat rege Juda, & sub Achab rege Israel, circa annum mundi conditi 3100. vaticinabatur Elias notus zelo suo; qui igneo curru in cœlum raptus est, & reliquit successorem Elisæum discipulum suum: sed nec ille, neque alii Prophetæ, qui plures ante eum fuere, prophetias suas scriptas reliquerant. Deinceps Prophetarum cohors advenit, qui id fecere: intererat enim gloriæ Dei, ut pateret tot mala, quæ obtigerunt populo suo per tria aut quatuor sæcula, fuisse à Deo præscita & intentata, si fortè resipiscerent à pravis facinoribus; horum minas renovatas, ut saltem posteriores Judæi deterrentur à sequendis Patrum malis exemplis. Decem Tribus primum abductæ fuerant in captivitatem, & regnum Israelis finitum; unde intelligere poterant Judæi, quid ista portenderent, si pergerent iram Dei adversus se concitare. In dies novi exurgebant Prophetæ, quorum vaticinia coram suis oculis completa videbant; ex quibus, inquam, intelligere poterant vanis minis non perterriti.

Primus vaticinia sua scripto mandavit Ozee, sub Jeroboam secundo rege Israel, qui cæpit regnare anno 3179. Prædixit Ozee ruinam regni Israel, quod tunc sub hoc rege maximè florebat. Hanc ruinam à se prædictam vidit Ozee; vixit enim usque ad annum mundi 3283. qui sextus fuit regni Ezechiz, quo regnum Israel finem sortitum est, ut prædixerat Ozee. Ille propheta agit personam Dei, synagogam in adulterio deprehensam objurgantis, punientis, repudiantis, & aliam subinducentis. Ideo in figura Domini nostri Salvatoris Ecclesiam de peccatoribus congregantis, jussus est uxorem meretricem accipere; & accepit, non ob causam luxuriæ. Quod in Propheta carnaliter contigit, in Deo factum est spiritualiter, dum carnem assumpsit nostram. Ozee autem

Syna-

Synagoga excidium repræsentat, & Ecclesiæ vocationem ex gentilismo, dum uxorem ducit Gentilem. Idololatriam, aliæque Israelitarum scelera acriter insectatur: pœnitentibus clementiam promittens & gloriam.

Censent Hebræi Joëlem fuisse Ozee æqualem; cui istum subjiciunt, Nullum habet prænotatum tempus quo vixerit; nisi quod in fine capitis primi prædicat sterilitatem, qua Amos capite quarto conqueritur castigatos copulos, nec ad pœnitentiam adductos. Ita Joel vaticinatus est ante Amos. Vaticinium Joelis spectat potissimum Judæos, quibus excidium Jerosolymæ, totiusque Judææ per Chaldæos pronuntiat: & sub hoc typo excidium universi, & judicium extremum præfiguratur; concludens vaticinia sua promissis pluvie, post siccitatem & depastas arbores à locustis. Occasione autem temporalium benedictionum assurgit ad promissionem benedictionum spiritualium diebus Christi. Prædicat dona linguarum, & miracula quæ Christi mortem essent subsequutura, & præcessura destructionem Hierosolymæ; minatur etiam extrema mala hostibus hujusce urbis. Proximè autem annuntiat destructionem exercitus Sennacherib, adversus quem Dominus robustos suos jussit descendere, nempe Angelos suos, eumque perdidit in valle Josaphat ante Hierosolymam; quod etiam Ozee attigerat in capite primo.

Amos, inter pecuarios Thecuanos in Judæa, ad propheticum munus in regno Israël obeundum semissum testatur ante terræ motum; quem circa annum *xxiii*. Osæ regis factum arbitrantur Judæi; in eo tamen lapsi, quod eundem referunt ad annum quo lepra percussus est Osias jam senex, cum officium sacerdotale usurpare voluisset; quo tempore



Judicabat populum terræ filius ejus Joathan. Nativitatem verò Joathani quinquennio integrò præcessit mors Jeroboami, sub quo tamen motum evenisse affirmat Amos. Annus autem *xxiii*. Osæ regis concurrit cum anno mundi 3216. Hic Propheta Domini ultionem denuntiat in Philisthæos; Tyrum, Idumæam & filios Amon, nempe in vicinas Gentes, in Moabitas, in Samariam. Minatur Israelitis captivitatem & finem regni; simul solatur, quia Deus postea excitaturus sit Tabernaculum David. Amos, ut ipse loquitur, non magister fuerat in scholis Prophetarum, sed bubulcus: & tamen prophetauit adversus sex nationes præter Israelem, quas & universas conclusit sub immutabili decreto destructionis.

Solus ordo codicis Hebræi suadet Abdiam, ut alii appellant, Obdiam fuisse coævum tribus dictis prophetis, nempe Ozee, Joëli & Amos. Vaticinatur exitum adversus Idumæos, qui affligebant & subsanabant filios Israel.

Abdiam sequitur Jonas in codice; undè colligitur huic coævum. Nulla verò superest hujus prophetia adversus Israelem & adversus Judam. Jussus à Domino denunciare Ninivitis, quòd nisi resipiscerent, & pœnitentiam agerent, omnes perituri essent, primo, voluit declinare illud mandatum. Ideò navem conscendit, ut mari fugeret à facie Domini. Cùm navim everfurà esset tempestas propter eum, eò quòd mandato Dei non pareret, projectus est in mare à nautis. Patuit eum causam esse tempestatis; illico enim sedata est. Exceptus autem ventre ceti, post tres dies ejectus est in littus. Typus manifestus Christi, qui tribus diebus jacuit in sepulchro, cùm tempestatem, qua mundus concutiebatur, morte sua compescuisset. Missus Niniven videtur Jonas circa annum mundi 3297.

Hi prophetae & sequentes missi sunt à Deo ad Judæos, ut diximus, cum statuisset evertere Israelis regna & Judææ, propter scelera eorum. Judææ facinus, quo Deus maximè concitatus est adversus populum suum, fuit cædes Zachariæ filii Barachiaë, sive Joiadæ, inter templum & altare, anno mundi 3164. Narratur illa cædes in Patalipomenis (*Lib. 2. cap. 24.*) *Mittebatque eis Prophetas, ut revertèrentur ad Dominum, quos protestantes illi audire nolebant*; inquit horum librorum Scriptor. Ab illo tempore res inclinari capere, tuncque, ut dixi, à pluribus Prophetis admoniti sunt de ira Dei; cujus primum indicium fuit terribilis motus terræ; de quo Amos primo capite, & postea Zacharias capite XIV. loquuntur.

Post hanc plagam alia incessit, quæ plus miseriæ traxit, licet minùs terroris; fuitque terribilium locustarum, bruchorum, & erucarum multitudo; quales qui ætate essent provecti nunquam viderant. Provenerunt ista animalcula sub mensis tempus, in principio sæni-cordi post sœnifecium. Amos cap. VII. Tum agri frumento pleni erant, & fructibus onerabantur arbores & vites. Illa animalcula vineas vastaverunt, ficuum corticem eraserunt, & omnem virorem agri depasta sunt; ut videre est in Joële cap. I. & in 14. capite Osee.

Gravis ista locustarum plaga tandem precibus amota est; sed peccata populi aliam advocavere, nempe maximam siccitatem, ut narrant Amos cap. VII. Joel & Osee cap. IV. quacum commixtæ erant terribiles quædam flammæ igneæ, quæ de cælo decidebant, uti in Ægypto Exod. IX. *Ignis consumpsit omnia pascua deserti*. Etiam quædam civitates subversæ sunt igne cœlesti, sicuti olim Sodoma: Rivi aquarum exsiccati; & ipsi pisces interierunt. Post  
omnia

omnia illa judicia, quando illa frustra fuerunt, Deus libellam disposuit in populo suo, & decrevit ut excelsa Isaaci desolarentur, & Israelis sanctuaria destruerentur. Subinde tamen progeniem Prophetarum suscitabat Deus, qui hanc prædicerent extremam desolationem.

Isaias, septuaginta quinque annis ante deportationem filiorum Israel, cœpit prophetare in diebus Ozia sive Azariae. Hujus regis anno vigesimo quinto, nempe anno M. 3219. auspicatum est munus suum, quod exereuit & sub sequentibus regibus Juda, Joathan, Achaz & Ezechia, per integrum sæculum usque ad Manasse, à quo creditur serra dissectus. *Non tam propheta dicendus, inquit B. Hieronymus, quàm Evangelista: ita enim uniuersa Christi, Ecclesiaeque mysteria ad liquidum persecutus est, ut non putes eum de futuro vaticinari, sed de præteritis historiam conuexere.* Protinùs prædicit initium Evangelii in ultimis diebus Hierosolymæ, & confluxum populorum ad illam legem quæ ex Sione prodiret.

Quamquam Isaias triginta fere annos prophetauerit sub Ozia rege, tamen sola quinque prima capita pertinent ad hocce regnum. Capite sexto, quo dicit Oziam mortuum, visionem Dei describit in Throno sedentis, quæ illi obigit. Quibus temporibus sequentia capita assignanda sint, statui non potest nisi ex conjectura; aded neglectus est ordo ab his qui ejus collegerunt scripta. Ozias ultimo anno regni sui fuerat lepra à Deo percussus, ut dictum est. Interea Joathan filius ejus judicabat populum terræ; leprosi enim excludebantur hominum consortio.

Principio regni Joathan anno M. 3246. Michæas cœpit prophetare. Ille miserè queritur de captiuitate de-

re decem tribuum, cujus tempus appropinquabat; & de calamitate Hierosolymæ, quæ haud longè aberat. Vixit temporibus Isaïæ & Osee prophetarum, sub regibus Ozia, Joathan, Achas, & Ezechia, qui mortuus est anno mundi 3306. Nominatim Michæas designat urbem, ubi Christus nasciturus erat; ac ipsissimis utitur verbis Isaïæ ad describendum confluxum accedentium regno Christi sub Evangelio.

Circa hæc tempora vaticinabatur Nahum, cujus nomen idem quod *Noë*, scilicet *consolator*. Consoletur hic Propheta populum Dei, quem post decem tribus à Salmanassare in Assyriam, cujus metropolis erat Ninive, deportatas, graviter etiam filius ejus Sennacherib (4. Reg. cap. 18. vers. 13.) afflictorum erat.

Achas patri suo Joathan successerat. Phasæ autem filius Romeliæ rex Israel, & Rasin rex Syriæ ascenderunt in Jerusalem, ad præliandum contra eam anno M. 3262. Dum urgerent obsidionem, Isaïas Regi Achas, ob cujus impietatem illi duo reges à Deo adducti fuerant, obtulit signum de virgine paritura, quo certior fieri poterat utrumque regem non prævaliturum. Scilicet Isaïas significavit matrimonium, quod initurus erat, fore in signum ut quæ ex eo proles statim erat nascitura, ostenderet proximam liberationem à jugo Syrorum regis, tum & regis Israel. Hæc Isaïas complectitur capitibus VII. VIII. Quæ autem dicit de matrimonio suo melius conveniunt virgineo partui Christi; à quo confractum est jugum diabolicum. Nativitatem Christi prænuntiat capite IX. qui Prophetarum animo cunctis semper obversaretur, & omnia quæ contingebant Israelitis, typi essent adventus ejus, non mirum est verba Prophetarum duplici sensu interpretanda; tum quatenus rem futuram prædicebant: tum quatenus præ-

præsentem designabant. Matrimonium, verbi causa, Isaïæ, ex quo, ut prædixerat, statim nata est proles, ostentum fuit, quò confirmabatur veritas vaticinii sui.

Ezechias à patre suo Achas consors regni admissus est anno Mundi 3277. anno nono Ozia regis Israel, sexto Ezechiaë, Salmanasar Samariam sub finem tertii anni obsidionis cepit, & decem tribus in captivitatem abduxit. Atque hic finis fuit regni Israel. Tunc post abductas decem tribus, Nahum prophetauit, ut consolatio esset tam his qui jam captivi erant, quàm his qui obsidebantur. Plerique existimant illum prophetasse in diebus Manassis unà cum Habakuc; ita ut cæperit regnante Ezechia, & perseveraverit usque ad tempora Manassis. Mentionem facit mali consilii Sennacherib contra Dominum, & prædicat mortem quam subiturus erat in Templo suo idololatræ. Denuntiat etiam destructionem Ninives, urbis in Assyria primariæ.

Anno M. 3291. regni Ezechiaë 14. Sennacherib regnum Judææ invadit, & obsidet Jerosolymam; quam non expugnaturum Isaïas significavit: Exercitus enim Sennacherib ab Angelo destructus est: quæ narrat capitibus xxxvi. xxxvii. sicut capite xxxviii. quomodo Ezechiaë ex lethali vulnere decumbenti prorogationem regni in quindecim annos promittit signo mirabili umbræ solaris retroactæ. Isaïas plura vaticinia edidit, quæ Gentes spectarent, quæ suis temporibus completa sunt, sed tempus quo illa edidit non indicatur: quod nec potest deduci ex ordine quo collocantur in sacro Codice; si quidem rationem temporis non ubique habent collectores horum vaticiniorum, qui quæ essent adversus vicinas Gentes, pariter & propinquo loco collocaverunt. Observare est magnam partem, quæ historiam Sennache-

nacherib præcedit, minis atque terrore constare ; reliquam verò, quæ historiam illam consequitur , plenam esse solatii & promissionum.

Manasses morienti Ezechia , bono patri impius filius succedit, anno Mundi 3306. & regnavit LV. annis, & tandem incidit in manus Assyriorum, qui vinctum compedibus adduxerunt eum Babylonem anno M. 3327.

Amon impius patri Manassi succedit, & regnat biennio. Josias octennis Amoni patri per domesticorum prodicionem occiso succedit, & annis XXXI. regnat. Anno M. 3375. Josiæ regni XIII. Jeremias adhuc puer ad propheticum munus à Deo vocatur; & huic adjunguntur Sophonias, sive Zephania, Baruch & alii. Prophetia Jeremiæ versatur in acerbissimis reprehensionibus suorum temporum, increpationibus & lamentis. Deinde verò in consolationibus Ecclesiæ graviter afflictæ; quam promissionibus amplissimis de regno Christi, de multiplici gratia Novi Testamenti, reficit & erigit. Spem etiam facit de Gentibus in Ecclesiam inducendis. Catenis & miseriis obrutus, eò quòd instantium calamitatum admoneret Judæos, expressa Christi patientis effigies extitit. Post expugnatam & incensam urbem benè habitus est à Chaldæis, qui eum carcere eduxerant & Babylonem deduxerant; maluit autem cum pauperioribus ad patriam eversam redire,

Per hoc-ce tempus Nechao rex Ægypti Josiam cum occidisset, populus Joachasum juniorem ejus filium in Regem unxit, anno M. 3394. sed post tres menses Nechao constituit in solio Eliakim fratrem ejus seniore, quem Joakim appellavit.

Hoc & tempore, Mundi anno 3327. prophetavit Habacuc, cum jam immissurus esset Deus Chaldæos in Judæam. Statim Nabuchodonosor Judæam invasit,  
& Joa-

& Joakim catenis vinxit. Inde initium captivitatis Babylonicæ ab anno mundi 3398. quam per LXX. annos duraturam prædixit Jeremias cap. xxv. Primis autem sex capitibus historiam texit ab initio regni Nabuchodonosoris ad eversum per Medos & Persas Babylonicum imperium. Daniel his-ce diebus adhuc adulescens & præne puer cum cæteris captivis abductus est Babylonem. Vixit verò usque ad Cyri tempora, hoc est, ad annum vitæ suæ circiter LXXX.

Joakim postquam tribus annis in fide Nabuchodonosoris permansisset, rebellavit, & à Chaldæis captus abjectus est insepultus. Jeremias captivis Judæis miseram sortem, tum & populis qui in Judæa remanserant, nisi subditi essent Babyloniis, denuntiat. Cum verò multi Pseudo-propheta omnia fausta pollicerentur Judæis, si rebellarent, multa mala pertulit. Epistolæ, quam anno M. 3405. scripsit ad Judeos captivos, exemplar exhibet Baruch.

Joakim successit filius ejus Joakin sive Jechonias, qui cum menses tres & dies decem regnasset, captivus abductus est cum matre & proceribus.

Anno ab hac deportatione quinto, Ezechiel prophetare cæpit usque ad annum XXVII. Coætaneus fuit Jeremiæ, & que hic Jerosolymis, ille in Chaldæa prædicavit pariter contra Pseudoprophetas, quò captivus ductus fuerat unà cum Jechonia seu Joachin & Daniele. Hoc anno, qui mundi est 3409. vidit juxta fluvium Chobat celebrem visionem quatuor animalium, à quibus trahebatur currus Dei. Tum & jussus est figurare sive prænuntiare obsidionem Jerusalem. Deus enim per eum & Jeremiam præmonebat Judæos de instantibus malis.

Hoc eodem anno 3409. in locum Jechoniæ substitutus est Mathathias ipsius Josiæ filius, nomine ejus in Sedeciam mutato, qui XI. plenis annis regnavit.

Anno

Anno M. 3414. nono anno Sedeciae, qui sabbaticus fuit, Hierosolymitani, adveniente adversus eos cum copiis Nabuchodonosore, servorum libertatem promulgant (*Jerem. cap. 34. Jerem. c. 39. v. 17.*) Coepit est obsidio mense X. die X. Quo ipso die revelata est Ezechiel in Chaldaea (*cap. 24.*) Chaldaei, cum audissent quoddam Rex Aegypti veniret, in Sedeciae foras suppetias, discedunt Hierosolymis; Jeremias vero reversus & civitatem combusturos praenuntiat capit. xxxvii. Ezechiel cap. xxix. anno decimo deportati Jechoniae, decimo mense, M. 3415. vaticinatus est contra Pharaonem & Aegyptum, quoddam baculus arundineus domui Israel: quod contigit; fugato enim Pharaonis exercitu, Hierosolymitanam obsidionem redintegravit Nabuchodonosor, circa diem XV. tertii mensis, videlicet diebus 390. ante captam urbem, in ex typo quem enarrat Ezechiel capitibus iv. v. viii. colligere est. Tum & Jeremias consultus à Sedecia, responsum dedit urbem in manu Nabuchodonosoris tradendam cap. xxxviii. & cap. xxi. Propterea in foveam conjicitur.

Anno M. 3416. undecimo deportati Jechoniae, prima die mensis, Deus per Ezechielem Tyro exultanti de miserrando Hierosolymae statu, quam Nabuchodonosor jam-jam capturus erat, praenuntiat ab eodem excidium. Eadem occasione & eandem ob causam, & alii Prophetae minabantur Gentibus vicinis similem vastationem, qua Deus Judaeos castigabat; ne de Deo quem Judaei colebant, falsa sentirent. Eodem anno & mense, die vero septima, Deus Ezechielis revelat se regem Babyloniae contra Pharaonem armaturum. Vaticinia Ezechielis, quae spectant nationes, non suo tempore relata ab eo vel ab iis qui haec collegerunt; res ipsa loquitur.

Anno M. 3416. undecimo Sedeciae desinente, mense quar-



se quarto, die nona, perrupta est civitas à Chaldæis. Sedecias aufugiens à Chaldæis captus est (*Jerem. 39. & 52.*) & apud Nabuchodonosorem Riblam adductus; ubi occisis ejus liberis in conspectu ipsius, occæcatus ac catenis vinctus Babylonem deportatus est (*Jerem. ibid.*) In mense quinto ejusdem anni, Nabuzardan, præfectus militiæ regis Babylonis Hierosolymam ingressus est, & sequenti biduo, rebus comparatis, decimo die, ipso sabbato, in quem videtur mandati executionem distulisse, Templum Dei ac palatium regis cum reliquis ædificiis concremavit (*Jer. 52. & 39.*) omnibusque muris Hierosolymorum circumquaque disiectis, populum & opes cum instrumentis domus Dei deportavit Babylonem (*Jer. cap. 29. 52. v. 14.*) Nabuzardan postquam Templum incendit, Ramam locum constituit, ubi de quibusdam captivis statueret, speciatim de Jeremia, quem vinculis solvit; indèque Riblam venit ad Dominum suum.

Anno M. 3417. reliquæ Judæorum, qui remanserant in Judæa, eunt in Ægyptum cum Jeremia & Baruch, qui eorum arguunt idololatriam, & denuntiant regem Babylonis devastaturum terram Ægypti. Sanctus Hieronymus de exitu Jeremiæ scribit, quod apud Thamnus (Taphnes) in Ægypte à populo lapidibus obrutus occubuit, anno M. 3420. Baruch, & ipse propheta, scriba Jeremiæ, collegit Prophetias quas ediderat per quadraginta quinque annos, à decimo tertio anno Josiæ regis, ad quintum annum ex-cisæ Jerusalem & Templi eversi,

Anno M. 3430. ostenditur Ezechieli futura reædificatio Templi & civitatis; quam visionem incipit enarrare in capite xl. & usque ad finem vaticiniorum ejus explicat; simul quibus legibus res administrandæ essent, postquam recuperassent Judæi libertatem suam.

Anno M. 3434. Nabuchodonosor, finitis expeditioni-

tionibus, dum quietus esset & florens in palatio, somnium de arbore excidenda habuit, cujus Daniel interpretationem ei aperuit. *Dan. cap. iv.* Exactis à viso somnio mensibus duodecim, structurarum suarum magnificentiam jactans, mente est alienatus, & à suis depulsus per septem annos cum bestiis vitam egit & poenitentiam: postea regno restitutus est, paulò post obiit: Anno mundi 3442. ei successit filius Evilmero-dac.

Anno M. 3449. Baltasar fit rex Babylonis. Primò hujus regis anno, vidit Daniel visionem de quatuor bestiis, quatuor regna designantibus. Ejusdem regni terriò, Mundi 3451. visionem de ariete duorum cornuum, & hirco uniùs cornu, ac postmodum quatuor cornuum, qui devicit arietem: quorum ille regem Medorum ac Persarum designat nempe Cyrum, hic autem regem Persarum nempe Alexandrum magnum.

Anno Mundi 3466. cùm Baltasar ausus esset in convivio quod celebrabat, pro poculis uti vasis sacris, quæ Nabuchodonosor tulerat de Templo, vidit ignota manu descriptas in pariete literas; quas Daniel solus legere potuit (*Dan. cap. 5.*) Eadem autem nocte à militibus Cyri Baltasar occisus est.

Anno sequenti 3467. primo Darii filii Assueri, de semine Medorum, quo Daniel advertebat septuaginta hebdomadas captivitatis prædictas à Jeremia jam-jam finiendas, habuit revelationem de aliis septuaginta hebdomadibus, quibus, completis Christus occidendus esset. Hoc est, vidit complementum omnium Prophetiarum. Simul & vaticinatus est de regibus Persarum & Græcorum, nempe de Alexandro magno qui invasit regnum Persicum.

Anno M. 3468. Judæi per Cyrum donati libertate in patriam redeunt, cum potestate Templi ædificandi. Cyro autem bellis occupato, vicini Satrapæ, Ju-

dæorum æmuli, ædificationem Templi diu satis impedi-  
erunt.

Anno M. 3481. Aggæus propheta, Darii anno secundo, Judæorum negligentiam in exstruendo Templo cœpit carpere, cap. 1. Ejusdem anni mense octavo, populum ad resipiscenciam hortatus est Zacharias propheta, & ad ædificium Templi excitavit variis visionibus & emblematicis, quibus portendebatur ejus gloria.

Ultimus Prophetarum Malachias, quod nomen Hebraicè sonat *Angelus Dei*. Nehemiæ supparem fuisse colligitur ex eo quod non hortetur populum ad ædificationem Templi, quod Aggæus & Zacharias fecerant, sed eas reprehendat corruptelas, quas Nehemias deprehenderat, nimirum conjugia cum alienigenis inita, decimarum detentionem, & divini cultus depravationem. Cum deinde nulla futura esset Prophetarum successio, Malachias populum hortatus est, ut legi Moysis constanter adhærerent, usque dum adveniret summus Propheta Christus; cujus præcursor Joannes Baptista venturus esset in spiritu & virtute Eliæ. Post, inquam, Malachiam Judæi nullos habere Prophetas: *Voluit nempe Deus ista fame verbi, ut Propheta loquuntur, appetentiores Messia facere Judæos, qui Prophetas omnes miraculis esset superaturus.*

Inter libros Macchabæorum concordiam inire interesset. Eam confecerat Canonicus Regularis, de quo dixi; & ad prælum paratum erat opus, quod vir doctus Toinartius tentaverat, expertus plenum difficultatis. Quippe hisce Macchabæorum temporibus deficit historia. Josephus & alii qui historiam Judæicam scripserunt, aut ipsi veritatem non assecuti sunt, aut non satis expresse-  
runt. Cum dicta Harmonia multum utilis sit, horum auctorum amici non sinent schedas eorum perire.

A pri-

A primis temporibus usque ad ætatem nostram tot Scriptores in quatuor Evangelistarum concinnanda harmonia sese exercuerunt, ut vix eorum numerus iniri possit. Noti Eusebiani Canones, quibus ob oculos ponitur, in quo quisque Evangelista sive consentiat sive dissentiat cum cæteris; quæ dicat indicta ab aliis: quis abundet, quis deficiat; ex quo supplenda sit historia Evangelica. Sanctus Augustinus scripsit de consensu Evangelistarum; quo via aperitur concordie inter illos. Diversa ratione contexti potest ista concordia, ex singulis verbis Evangelistarum, ita ut fiat perpetuus contextus, & ex notulis intelligatur cujus Evangelistæ sint verba. Alii digerunt singulos Evangelistas in columnis, ita dispositis, ut solo conspectu lector advertat, quæ quis solus, vel cum duobus, vel cum tribus dicat vel prætermittat: si duo, vel tres, vel plures consentiant; in quo dissentiant præcipuum, ipsa est vera series rerum & verborum **JESU CHRISTI**, juxta tempora quibus sermones suos habuit & opera sua perfecit.

Inter eos qui scripsere concordias Evangelicas magna discordia: quod ideo mirum, quia paucorum annorum historia est **JESU CHRISTI**; & à Nativitate ad baptismum suum vitam ejus pertexentes, dissentire non possunt. Sed non ita est de annis sequentibus, usque ad mortem ejus. Aperiam causam lapsus, simul cur post tam diversa opera ipse novum opus cuderim. Huic, ut mihi videtur, standum est regulæ, Evangelistas qui visa scripsere, quippe comites **JESU CHRISTI**, potius maluisse res ex ordine referre, quam perturbare. Censendum itaque veram seriem secutos Matthæum & Joannem, qui interfuerunt rebus quas enarrant. Hanc Hieronymus rationem reddit, cur Lucas in Actis Apostolorum digerendis temporis rationem habuerit, quia scilicet visa

scribat; Evangelium verò prout ab aliis acceperat, non secundum veram suam chronologiam proponat.

Attamen eam omnes hactenus præconceperant opinionem de Matthæo, quòd ordinem temporis neglexisset. Hoc patet, dicunt, statim ac in manus sumitur; nam capite quarto memorat Joannem Baptistam conjectum in vincula; constat verò vincula Herodiana, quibus non aliis vinctus est, magis esse serotina. Quapropter cum suis temporibus reddere quis suscipit, quæ Matthæus enarrat, necesse est à capite quarto, omissis intermediis, ut transeat ad decimum quartum.

Temerè, ut puto, ista opinio præconcepta est, quòd Matthæus in suo capite quarto carcerem Herodianum memoraverit. Joannes Baptista malè exceperat Phariseos, sacerdotes, & Sadduceos, hoc est, Judæorum procures. Appellaverat progenies viperarum. Cum ergo incurrisset in odium eorum, penes quos erat summa potestas, non mirum est ab his fuisse in vincula traditum, Matthæus, inquam, traditum scribit; sed neutiquam nominat Herodem: ita ut alius quærendus sit horum vinculorum auctor. Ille statim se prodit; nempe viri præpotentes, quorum odium in se concitaverat, qui rebus religionis præerant. Non mirum ergo est ab his traditum in vincula; quasi se falsò venditaret prophetam & præcursores Messias, nempe Angelum de quo Messias dixerat: *Ecce ego mitto Angelum meum*. Joannes JESU CHRISTO testimonium perhibuerat; quem ergo ut conjunctum cum eo, sive socium, sive amicum, Pharisei, Sacerdotes persecuti fuissent. Ergo Jesus à deserto reversus ad locum ubi Joannes baptizabat, cum audiisset hunc traditum, secessit in Galilæam, quæ alterius principatus erat, nempe Herodi Tetrarchæ subdita.

Non multo post tempore Judæi liberum Joannem  
sive-

siverunt abire, qui & in Galilæam pariter secessit; ubi ausus redarguere illicitas Herodis nuptias cum uxore fratris sui, pariter iram ejus accendit, & ab eo in vincula traditus est, & tandem occisus. Semel ac duo illa vincula Joannis Baptistæ admissa sunt; ordo capitulum Matthæi demonstrat veram seriem historiæ Evangelicæ, ut amice lector experiri poteris, evolvendo nostram Harmoniam Evangelicam; & quas de hisce duobus vinculis dissertationes edidi.

Nescio an Morinus, medicus Parisiensis, Cænomani natus, Actuum Apostolorum cœptam cum Pauli Epistolis harmoniam absolverit. Lucas Actuum Apostolorum scriptor, perpetuus fuit comes Pauli Apostoli; cujus historiam particularem conscribit in Actis, dum videtur omnium Apostolorum scribere. Itaque cum scire referat qua occasione, quo tempore scripserit Paulus suas Epistolas, utilem navabit operam, qui dictam harmoniam Actuum Apostolorum cum Epistolis B. Pauli contexuerit.

His omnibus adjutus quæ in nostro Apparatu præstruimus, quisquis poterit prælegere Scripturas cum voluptate, utinam non temporanea, sed quæ initium sit illius, qua Beati fruuntur in cœlo; ubi non scriptam veritatem, sed rem ipsam intuentur & possident. Quo autem ordine diversæ sacri Codicis partes sint evolvendæ, disci potest ex B. Hieronymo, qui hisce verbis lætam admonet ut filiam benè instituat. *Discat, inquit, primò Psalterium: in his se canticis avocet, & in Proverbiis Salomonis erudiatur ad vitam. In Ecclesiaste consuescat que mundi sunt calcare. In Job virtutis & patientiæ exempla sectetur. Ad Evangelia transeat, nunquam ea positura de manibus. Apostolorum Acta & Epistolas tota cordis imbibat voluntate. Cumque pectoris sui cellarium his opibus locupletaverit, mandet memoriæ Prophetas, Pentateuchum, & Regum*  
*& Pa-*

& Paralipomenorum libros: Esdræ quoque & Esther volumina. Ad ultimum sine periculo discat Canticum Canticorum, ne si in exordio legerit, sub carnalibus verbis spiritualium nuptiarum epithalamium non intelligens vulneretur.

Huic secundæ parti manuuctionis nostræ pro coronide apponam verba illa pia & elegantia B. Bernardi ex Epistola ad fratres de monte Dei. *Fortnita & varia lectio & quasi casu reperta, non adificat, sed reddit animum instabilem; & leviter admissa, levius recedit à memoria: Sed certis ingeniis immorandum est, & assuesaciendus est animus. Quo enim spiritu Scripture factæ sunt, eo spiritu legi desiderant, ipso etiam intelligendæ sunt. Nunquam ingredieris in sensum Pauli, donec usu bonæ intentionis in lectione ejus, & studio assidue meditationis, spiritum ejus imbiberis. Nunquam intelliges David, donec ipsa experientia ipsius Psalmorum indueris affectus.*

## Finis Partis Secundæ.





.

.

.

.

.

.

.

.

.

U

.

**A P P A R A T U S**  
**B I B L I C U S,**

**S I V E M A N U D U C T I O**  
**A D S A C R A M S C R I P T U R A M**

**Tum clarius, tum facilius**  
**intelligendam.**

**A U C T O R E**

**R. P. BERNARDO LAMY**

**Congregationis Oratorii Presbytero.**

**L I B E R T E R T I U S.**



A P P A R A T U S  
B I B L I C U S  
S I V E M A N U D U C T I O  
A D S A C R A M S C R I P T U R A M.  
L I B E R T E R T I U S.

---

C A P U T P R I M U M.

*De exoticis; id est; de extraneis rebus, quarum cognitio Sacris Scripturis intelligendis subservit. Primum de falsis Numinibus; quorum illæ mentionem faciunt: De veri Dei & falsorum deorum nominibus.*



**P**ROPOSITUM est nobis in hoc ce-  
Apparatu omnia congerere quæ sacris  
Scripturis lucem afferre possunt. Plura  
eruiimus ex moribus; ex ritibus, ex do-  
ctrina Judæorum; quibus illustrari pos-  
sunt; & quæ Scripturis sunt veluti pro-  
pria: Judæorum enim causæ exaratae sunt. Nunc ex-  
periri liceat utrum ex exoticis; hoc est, ex iis quæ  
extraneæ sunt; quidpiam adduci possit, quo utili-  
ter noster Apparatus augeatur, & perficiatur incœ-  
pta Manuductio. Multa sunt exotica; quæ in sacro  
Codice occurrunt, & non explicantur, quia tunc  
temporis satis nota. Mentio, verbi causa, in illo fit  
falsorum numinum, & religionis qua colebantur,  
quam dedocendi erant quos alloquebantur Prophetae.  
Itaque sermo Prophetarum non intelligitur, ignota  
Hh 2 pror.

prorsus quam impetebant idololatria. E re igitur visum est non prætermittere silentio falsa Gentium numina, & alia similia exponere, quibus explicandis non immorati sunt Sacri Scriptores, quia aliena erant ab instituto. Neque enim susceperant totam naturam patefacere, texere historiam naturalem animalium, de arboribus, de metallis differere, res omnes sive naturæ, sive artis describere, & quod medicorum est, morbos explicare. Quæ tamen ubi quis nota & perspecta habet, viam, in qua alii hærent, planiorem decurrit. Hæc saltem breviter pestringenda sunt.

Protinus animadvertam homines qui Deo colendo facti sunt, quorum idèd motus omnes & affectus ingeni à natura, ad Deum propendent, Deo carere non posse. Idcirco cum verum ignorarent, ne cultui ejus deessent, quæcumque numina colebant. Statuerant aras ignoto Deo, quas invenit B. Paulus Athenis (*Act. 17. 23.*) Undè & illa gentilium formula precatória: *Dii Deæque omnes*. Nautæ in navi Jonæ invocabant quisque Deum suum, cùm in periculo versarentur (*Jon. 1. 5.*) Forsan cùm verum Deum præterire omnes timerent, excitabant Jonam, ut suo Deo vota quoque redderet. Ubi per peccatum à Deo homines recesserunt, lapsi in corpora, quæ jam sola poterant cogitare, pariter & diligere, inter res corporeas, sive oculis corporis conspicuas, quærere cœperunt (omnem enim Dei notionem peccatum nondum deleverat) quibus naturam divinam affingerent, & pro Deo colerent. Pro utilitate autem, quam ex corporibus percipiebant, & pro potentia quam illis inesse opinabantur, hæc vel illa pro diis habuere & coluere. Constans erat opinio Gentilium, Deos esse habendos, à quibus magna utilitas ad vitæ cultum esset inventa, ipsasque res utiles & salutare Deorum vocabulis nuncupandas; ut non solum censerent inventas à diis, sed & ipsas divinas. Quis nescit

nescit qualia demens Ægyptus portenta colat? Attamen, dicit Cicero, ipsi qui irridentur Ægyptii, nullam belluam nisi ob aliquant utilitatem, quam ex ea caperent, consecraverunt. Solem & lunam, quibus inter corpora nihil excelsius, nihil splendidius, elementa quæ utilia sunt, ignem, terram, aquam, aerem, sicut ea omnia à quibus aliquod grande malum infligi poterat, Deos putavere. *Etenim vani homines*, ut queritur auctor libri Sapientiæ (Cap. 13.) *De his que videntur bona non potuerunt intelligere eum qui est; neque operibus attendentes agnoverunt quis esset artifex, sed aut ignem aut spiritum, aut citatum aerem, aut gyrum stellarum, aut nimiam aquam, aut solem & lunam rectores orbis terrarum Deos putaverunt. Quorum si specie delectati deos putaverunt, sciant quanto his dominator eorum speciosior est; speciei enim generator hec omnia constituit.* Ea innata est animis de Deo opinio, eum esse absolutum, potentem, perfectum, à quo omnia bona & mala profisciscuntur. Dico mala, pœnas quibus malos meritò exercet. Hinc quæ inter causas bonorum & malorum reputata sunt, & inter Deos fuerunt numerata.

Etiam quorundam hominum fraus adjuvit errorem, & invexit falforum numinum religionem, quant exempla propagaverunt. Certum est, & argumentis, si vacaret, probarem, primos homines qui imperium in cæteros usurpaverunt, simul sibi divinos honores arrogasse, aut his mortuis delatos, dum aulici proli eorum adulabantur. Hoc est quod idem Scriptor Sapientiæ (Cap. 14. vers. 15.) docet nos. *Acerbo enim luctu dolens pater, citò sibi rapti filii fecit imaginem, & illum qui tunc quasi homo mortuus fuerat, nunc tanquam Deum colere cœpit; & constituit inter servos suos sacra & sacrificia. Deinde interveniente tempore, convalescente iniqua consuetudine, hic error tanquam lex custoditus est, & Tyrannorum imperio colebatur.*

*lebantur figmenta.* In Ægypto cura & arte, ut nemini ignotum, mortuorum corpora condiebantur, nec obruebantur terra. Viri Principes includebantur arca, quæ imaginem exhiberet alicujus animalis, quo forsan vivus delectatus esset, aut quod pro virtutum ejus symbolo haberetur. Illæ imagines in ædificiis in hunc usum paratis religiosè servabantur: loca cum colerentur, contigit ut sepulchra mortuorum hominum fierent templa vivorum. Labentibus autem annis, cum vera Principum imago non appareret, animalia ipsa quæ oculis subjacebant, habita sunt pro Deo: his oblata sacrificia, & tota impensa est religio, quam vero Deo deberi natura ipsa docet. Hoc attestatur Justinus de quodam Damasco Rege *in cujus honorem Syri sepulchrum Arathis uxoris ejus pro templo coluere, Deamque exinde sanctissimæ religionis habent.* Idem Justinus scribit Hephæstionem, jussu Alexandri Magni, post mortem pro Deo habitum.

Cippis, columnis, stelis, sive pilis ornabantur olim sepulchra; quod & viri pii faciebant. Jacob enim erexit titulum super sepulchrum Rachelis (*Gen. 35. v. 20.*) Tituli autem illi in Hebræo codice dicuntur *Matzeva*, Græcis interpretibus *στίλη*, id est, pila, cippus, columna, pyramis, quandoque saxum quadratum, non aliam speciem, quàm saxi, præ se ferens. Attamen hi tituli, seu cippi, columnæ, pyramides, saxa, eodem modo velut demoniorum seu deorum idola haberi cœptæ sunt. Sol pyramidis specie colebatur Syris; Venus specie pilæ seu quadrati saxi Arabibus. Cum similes tituli pro simulachris essent, idè illos prohibet Deus in Levitico (*Cap. 1. vers. 1.*) *Nec titulos erigetis, nec insignem lapidem ponetis in terra vestra, ut adoretis eum.* Quandoque Latinus interpres vocem Hebræam reddit *statuas*, ut quarto Regum (*Cap. 3. vers. 2.*) *Tulit enim statuas Baal, quas fecerat pater ejus: ibi*

στίλη

statua nihil aliud est quam titulus, pilae saxum.

Quin & Idololatriæ promovendæ non parùm contulit malorum Angelorum invidia. Horum princeps ambierat similem Deo fieri, dicens: *similis ero Altissimo*; quod consequi non potuit, detrusus cœlo in inferiores partes terræ. Ab hominibus autem inferioris naturæ, sedem qua deturbatus erat, occupandam esse ægrè ferens, ut haberet socios suppliciorum, primos hominum parentes ad peccandum illexerat, occultus sub specie serpentis. Nactus ergo occasionem tum ex ambitione principum, tum ex errore vulgi, promovit falsas religiones, usus potestate sua, cui homo subditus est peccando. Divinos honores suffuratus est sibi, & idolis, quæ colenda supposuit: videlicet quæ intelligebat tribuenda esse Deo, aut advertebat tribui à viris piis, quales fuerit Abel, Seth & posterì ejus, hæc omnia curans tribuenda falsis numinibus; Sive sub his & illis simulacris & nominibus se colendum exhibens, *Immolaverunt filios suos & filias suas demoniis*, ut Psalter queritur de Judæis; qui quidem scientes & volentes non colebant dæmonia; sed sub nomine *Moloch*, dæmonia sibi ab illis exigebant divinos honores; & id ubique, ut Deum imitaretur, qui ubique est.

Potissimùm autem loca conspicua, excelsa, montesque elegerant, qui colebant Dæmonia. Moris est Persarum, ut scribit Herodotus, *altissimas montium summitates ascendere, & Jovi hostias ibi immolare, omnem celi gyrum Jovem appellantes*. Verumtamen dæmonia, quoniam pleraque illis oblata sacra turpia erant aut inepta, illa ut subtraherent plurium aspectui, fieri voluerant in lucis, sive abditis locis. Passim legimus in Gentilium libris arbores diis sacras fuisse, & sub earum umbris facta sacrificia. Idèò Deus fatagens populum suum revocare ab illo errore,



præcipit ut non alio in loco quàm quem ipse elegerat, victimas mactarent. Loca excelsa sæpius in Scripturis prohibentur: in Deuteronomio (*Cap. 16. vers. 21.*) admonet Deus ne lucus cujuscunque arboris juxta Aram ejus plantaretur. Contra hanc legem peccavit Manasses (*4. Reg. 6. 21. vers. 23.*) *quæ erexit Aras Baal, & fecit lucos*. Prævaricationem similem exprobrat Isaias Israelitis. *Numquid, inquit (Cap. 57. v. 5.) non vos filii scelesti, semen mendax, qui consolamini in diis, subter omne lignum frondosum immolantes parvulos, in torrentibus subter eminentes petras. Sic Jeremias (Cap. 3. vers. 6.) exprobrat Israelitis eos fornicatos esse, id est, idola coluisse super omnem montem excelsum & sub omni ligno frondoso.*

Non solum montes, valles, lucos, rupes, & omnia quæ naturæ sunt, mali Angeli implebant sacris suis, sed & ipsa artis opera, quæ scilicet manus hominum elaboraverant. Phœnices idola sua in navium suarum proris & puppibus circumferebant, ut discimus ex Herodoto. Hinc aliqui fabulam Jovis rapientis Europam ad prædones trahunt, quorum navis esset sub Jovis tutela, habens effigiem tauri. Inde, inquam, à Jove raptam Europam veteres commenti sunt. Hujus Alexandrinæ navis, qua Paulus à Melita dicitur in Actis (*Cap. 23. v. 11.*) vectus Syracusas, insigne Castores erant; nempe Castoris & Pollucis apposita erat effigies. Cum autem Gentes illæ idololatræ pertimescerent deos quoscunque; ne alicujus sacra negligere viderentur, erigebant altaria diis deabusque omnibus, ut dixi. Talis erat ista ara Athenis, *Diis Asia & Europa & Lybia, Deo ignoto & hospiti*: cujus occasione Paulus Apostolus de uno & vero Deo differens aiebat (*Act. cap. 17. v. 23.*) *quod ergo ignorantes colitis, hoc ego annuntio vobis.*

Omne

Omne honoris genus reddebant Gentiles idolis. Coram incurvabant se, & procumbebant humi. Hoc est quod Latinus interpretis appellat *adorare*. Quia verò *adoratio*, sive cultus qui exhibebatur diis, fieret non solum capite inclinato & flexis genibus, sed & manu ad os admota, idcirco, ut notat B. Hieronymus, Hebræi juxta linguæ suæ proprietatem *deosculationem* pro veneratione ponebant. Ita Psalmo 2. in fonte Hebræo *osculamini filium*, id est, *adorate*. Ad quod alludens Job (*Cap. v. 31. 27.*) & testatus quàm animum haberet alienum ab idololatria, dicit: *Si vidi solem cum fulgeret, & lunam incedentem clarè, & letatum est in abscondito cor meum, & osculatus sum manum meam ore meo.*

Non alienum est ab hoc-ce loco observare quòd Gentiles putarent exaudiri à suis numinibus, cum inanes preces copia verborum abundantes effunderent coram eorum simulacris. Sic prophetæ Baalis (*3. Reg. cap. 18. v. 26.*) *invocabant nomen Baal de mane usque ad meridiem dicentes: Baal, exaudi nos.* Continuo sex horarum spatio & contenta voce iterabant illas preces, si quidem sperarent quòd tandem exorarent falsum numen; ut de illis Dominus dicit (*Matth. cap. 19. ver. 27.*) *Putant enim quod in multiloquio suo exaudiantur.*

Deus, ne Israelitæ idololatræ similes fierent, vetabat uti iisdem institutis; verbi causa, ne quis more illo, quo idololatræ eorumque sacerdotes solebant, extremam cæsariem tonderet (*Levit. cap. 19. v. 27.*) *Neque in rotundum attondebitis comam, nec raderis barbam;* quod facere solebant Arabes, Gentisque vicinæ. *Eodem modo*, inquit Herodotus, *se tonderi aiunt, quo Dionysius tonsus est; tondentur autem in rotundum, tempora subradentes.*

Hoc & adstruit Hieremias (*Cap. 9. vers. 26.*) *Visitabo super Aegyptum & super Juda, & super Edom,*  
*& su-*

& super filios Ammon, & super Moab, & super omnes qui attonsi sunt in comam, habitantes in deserto. Per comam intelligi videtur capillus extimus caput ambiens, ita ut cæsaries resecta esset ad modum coronæ, Non alia ergo ratio est cur hoc Deus vetuerit, nisi quod pronos ad idololatriam Israelitas sciret, & quantò plura cum gentilibus communia haberent, tantò faciliùs in eorum instituta transiuros.

Eandem ob causam Deus interminabatur Israelitis ne carnem inciderent, & stigmatibus notarent (*Lev. cap. 19. v. 26.*) *Et super mortuo non incidetis carnem vestram, neque figuras aliquas aut stigmata facietis vobis.* Stigmata erant in carne incisuræ, quas implebant fuco, atramento, vel aliis coloribus: Hunc enim in modum solebant Gentiles in idoli honorem notare servum, eo indicantes illum venditum. Mos ille invaluerat inter Orientis populos, ut his-ce stigmatibus se signarent; quod asserit Lucianus, loquens de Dea Syria. Omnes notis erant compuncti, alii in vola, alii in cervice. Herodorus autem refert mulieres Ægyptias in luctu, faciem luto illinere solitas, & varia tibi stigmata inurere. De notis inuistis in corpore sic loquitur lib. 2. agens de Templo Herculis in littore maris, versus Nili ostia. *Erat in eo littore Herculis Templum, quod nunc quoque est: ad quod si quis cuiuscumque hominis servus confugiens capiat sacras notas, siquata ipse sese Deo tradens, eum nefas est tangere.* Ad hunc-ce ritum forsan alludebat Paulus in Epistola ad Galatas (*cap. 6. v. 17.*) dicens. *De cetero nemo mihi molestus sit: ego enim stigmata Domini Jesu in corpore meo porto.*

Locus allegatus Levitici prohibet tum stigmata carni suæ incidere, sive carni diversas notas inscribere, tum se lacerare & laniare in luctu; quæ consuetudo erat Gentilium. Rege Scytharum mortuo, illi brachiis circumcidebantur, si fidem Herodoto faciamus. Mos iste pariter

pariter viguit inter illos Sacerdotes Baal, quos dicebamus contenta voce iterasse tandiu importunas preces (3. Reg. 18. v. 28.) *Clamabant ergo voce magna, & incidebant se, juxta ritum suum, cultris & lanceolis donec perfunderentur sanguine.* Sic juxta Lactantium fiebat in Bellonæ sacris: in quibus, inquit, ipsi Sacerdotes non alieno sanguine, sed suo cruore sacrificant; sectis namque humeris, & utraque manu districtos gladios exferentes, currunt, efferuntur, insaniunt. Decuit sapientiam summi Legislatoris revocare Israelitas ab his ce consuetudinibus.

Falsis autem religionibus, quibus mali Angeli mundum impleverant, ut astruerent fidem, conferebant sive potestatem, sive artem mystis suis & magis; quos certum est nonnulla patravisse, quæ ordinarias naturæ vires superant, & ejus legibus adversantur. Etenim quamvis pleraque suspecta sint, quæ leguntur in antiquis scriptis, tamen non possumus singula in dubium revocare, tot testimoniis confirmata. Indubitata sunt quæ narrantur in sacro Codice. Magi Pharaonis victi sunt majori potestate, quam Moyses à Deo acceperat: miracula tamen edebant, signa potestatis plusquam humanæ. Videre est toto eo tempore quod à condito mundo elapsum est, usque ad passionem Christi, quo tempore princeps mundi ejectus est foras, artes magicas exercitas. Nihil tam consuetum erat quàm cantationibus elicere serpentes è cavernis, mulcere illos, & venenum eorum extinguere. Has artes non prohibuisset Deus, si nullæ fuissent (*Deut. cap. 18. v. 11.*) *Nec sit maleficus, nec incantator, nec qui Pythones consulat, nec divinos, aut querat à mortuis veritatem.*

Vaticinii veritas certum est divinitatis argumentum. Intererat ergo dæmonis, quam de se opinionem animis Gentium indiderat confirmare, edendo oracula de venturis temporibus. Habuit suos Prophetas, quibus

bus & concessa quæpiam rerum futurarum cognitio. Ne cui id mirum videatur, animadvertendum est quemcumque malum Angelum non aliam habere potestatem in homine, quam quæ carnifici concedi solet ab æquo & potenti iudice, qui reos damnat supplicio. Deo peccati vindici servit diabolus, cum homines in peccatum impellit. Deus ipsa ejus malitia & arte utebatur, permittens ut contingerent quæ prædicta fuerant à suis Prophetis. Ita voluit Deus ut Balaam falsus propheta, quatenus falsorum Numinum cultor, verè tamen nunciaret fore ut stella oriretur ex Jacob; hoc enim vaticinio vulgabatur etiam inter idololatrias gentes, fore ut aliquando promissus Christus oriretur in terris: Profuere, inquam, suis temporibus Balaami vaticinia; ex iis enim factum est ut Magi Orientis adverterint Christum natum, & in Judæam venerint cum adoraturi, excitati nova stella, qua ortum ejus significari intelligebant ex his vaticiniis.

Angeli, quicumque sint, multa ingenii acie & sagacitate præditi sunt, quippe qui incorporei. Cum ergo plura assequi potuerint conjecturis, non mirum est si inter plurima quæ prænuntiabant, quædam exitum haberent, Deo permittente; errorem enim errore punit; ut qui errant, magis magisque erroribus implicentur; aut saltem fructum non percipiant ex sua scientia. Quid enim profuit Sauli à Samuele, quem excitaverat mulier saga, resciscere proximam suam cladem? (1. Reg. c. 28. v. 7.) Dicitur illa habuisse Pythonem; unde & Pythonissa appellatur. Hebraicè autem *Pytho* dicitur *ob*, in plurali *oboth*, id est, *utres*. Dabatur nomen illud Magis, quòd ventres eorum instar utris intumescerent, cum reddebant oracula, nempe respondebant his qui eos de futuris percontabantur; & ideo ab interpretibus Græcis, & à Josepho illi appellantur *ἰγγασπισυθος* id est, *ex ventre loquentes*: voces eorum videbantur quasi è terra exire. Hodie etiam reperire  
est qui

est qui ea arte valeant, ut intra intimas gutturis partes obscurum sermonem efforment, quem qui proximi astant, ad suas aures è longinquo loco vel è profundo specu pervenire jurarent. Eum fuisse morem Pythonum indicat ille Isaïæ (*cap. 29. v. 4.*) locus. *Humiliaberis, de terra loqueris, & de humo audietur eloquium tuum: & erit quasi Pythonis de terra vox tua: & de humo eloquium tuum mustitabit.*

Circa artem dictæ mulieris, quæ Pythonem habebat, diversæ sunt sententiæ. Alii putant reipsa permisso Dei excitatum à mortuis Samuelem. An verò Deus animam Prophetæ subiecisset artibus mulieris istius? Potuit illa auxilio malorum angelorum illudere Sauli, & speciem inanem Samuelis ponere ante oculos ejus, dum illa subtili voce ex ventre loqueretur, ut diximus, quippe *ὑγασπίμβος* sive *ventriloqua*. Hanc autem vocem putabat Saul ab inani Samuelis imagine proferri. Præterea illa dæmonum oracula semper ambigua sunt, & accommodata cuilibet eventui futuro. Ea omnia quæ umbratilis Samuel prædixit Sauli, à quocumque viro sagacis, & cui res hujus principis notæ, poterant annuntiari. Mulier saga noverat Saulem Deo esse exosum, loco ejus Davidem suffectum à Samuele. Philisthæos, quibuscum bellum gerebat, potentissimos esse. Imago ergo Samuelis, sive mulier ventriloqua denuntiabat illi cladem, quam videbat imminere. Præterea utebatur verbis ambiguis, dicens: *cras morieris*; crastinum enim tempus non unius diei spatium coercetur. Maimonides quærens cur Rachel furata sit idola Labanis patris sui, cùm aufugit cum suo conjugē, respondet id fecisse, ne illa idola patri suo proderent quam occultabat fugam, si fortè, ut solebat, ea consuleret. Divinationibus & auguriis valdè addicti erant Orientales.

Quæcumque fuerit ista origo idololatriæ & falsorum numinum, discimus ex sacris Scripturis non multo tem-

to tempore post mundum conditum, hoc est, statim post lapsum primi parentis, oblivionem Dei cepisse homines; & hac re patuit quantum lapsus ille noxius fuerit. Cum homo, ut dictum est; Deo carere non possit, ubi à vero defecit, illicò ad falsos deos declinavit. Queritur quo tempore id fieri præcisè incepit, locus est in Genesi (*Cap. 4. v. 26.*) quem sic reddidit vulgatus interpres: *Seth natus est filius; quem vocavit Enos; iste cepit invocare nomen Domini.* Ille interpres censuit, cum cæteri homines defecissent à Deo, tunc Enos restituisse cultum ejus; quem illi palam & in piorum cœtu exhibuerit; instituens certas precandi formulas. Quidam addunt nomen magnum Dei Jehova, quod in eo loco Scripturæ reperitur in ipso fonte Hebræo, ab Enos fuisse primitus pronuntiatum. Judæi verò ferè omnes in contrariam sententiam rapiunt hunc-ce locum. Verbum Hebræum *huchal* utrumque sonat, & *prophanatum est*; & *ceptum est*. In hac postrema significatione B. Hieronymus accepit; in prima verò complures alii cum Judæis, qui de Enos malè sentiunt, & sic vertunt. *Tunc prophanatum est in invocando nomen Jehova.* Sic hunc locum Maimonides (*Traët. de idolol. cap. I. n. I.*) interpretatur. *In diebus Enos*, inquit, *errarunt homines errorem magnum, & obmutuit consilium sapientum generationis illius.* Imò ipse etiam *Enos inter errantes fuit.* Hic autem fuit error eorum, ut dicerent, *ecce creavit Deus stellas istas & sphas, ut gubernarent mundum.* Cum verò hæc opinio ipsorum corda invasit, inceperunt adificare stellis Tempia, illisque offerre sacrificia. Ita Maimonides primam idololatriæ originem refert ad tempus Enos. Similiter paraphrastes Chaldæus Onkelos verbum dictum *Huchal* interpretatur in significatione opposita vulgatæ Versioni. *Tunc inquit, in diebus ejus supersederunt filii hominum ab invocando nomen Jehova.* Constat diu ante diluvium

ceptam

cœptam à Deo defectionem; neque enim totum genus humanum, unica excepta familia Noe, aquis diluvii Deus obruisset, si tanto supplicio peccatum ejus non esset ultus.

Quid autem sit illud nomen Domini, quod in fonte Hebræo appellatur *Jehova*, non erit extra operam quærere; tum & differere de Dei nominibus, antequam enumeremus nomina idolorum. Deum quandoque Hebræi appellant *nomen*, scilicet cum sine addito pronuntiant *nomen*, intelligunt illud quod Dei est sanctum & ineffabile. In Levitico cap. xxiv. v. 11, filius mulieris Israelitidis missus est in carcerem, eò quòd, ut loquitur Vulgatus, *blasphemasset nomen & maledixisset ei*: in fonte est *ichob*, à verbo *Nachob*, quod idem sonat ac *maledicere*, sed & *expresse nominare*. Unde LXX. interpretes vertunt: καὶ ὁ ποιοῦν-  
τας ὁ υἱὸς τῆς γυναικὸς τῆς ἰσραηλίδος τὸ ὄνομα κα-  
τηράσατο. Et nominans filius mulieris Israelitidis nomen maledixit. Ita ob prolationem nominis Dei videretur reus factus. Postea abstinuere Israelitæ prolatione nominis divini, quod non efferebatur nisi in Templo à Sacerdote, dum solemnī benedictione benediceret populo: antea enim non vetita ista prolatio videtur; si quidem ad Moysen reus adductus est, & missus in carcerem, donec nossent quid juberet Dominus.

Decem nomina Dei numerat B. Hieronymus in Epistola sua ad Marcellam. Primum & maximum est *Jehova*, dictum *tetragrammatum*, quòd scribatur quatuor his-ce litteris Hebraicis *jod*, *he*, *vau*, *he*, ut supra dictum est. Coniunctarum sonus ille vulgò *Jehova* effertur; Sed de vera ejus pronuntiatione non convenit inter viros doctos. Non auditum est nomen *Jehova* ante Petrum Galatinum, qui vivebat initio superioris sæculi circa annum 1520. Sanctus Hieronymus magnum Dei nomen non effert, sed tantum dicit esse nomen quatuor litterarum. Ex illo Apocalyp-  
plis



plis (cap. 9. v. 12.) loco habens nomen scriptum, quod nemo novit nisi ipse, liquet Deum habuisse nomen ignotum. Quin ipse Deus in Exodo (cap. 6. v. 3.) dicit Moyfi nomen suum *Jehova* antea non indicasse Patriarchis. Quapropter vel ex lege aliqua Dei, vel ex religioso timore, ne ex quotidiano usu vilesceret, & nimis leviter & prophanè usurparetur, Judæi abstinebant dicti nominis prolatione, extra usum sacrum & necessarium. Quare, urbe & templo vastatis, totoque cultu Mosaico abolito, pronuntiatio sancti nominis periit, simul & notitia deleta est. Accessit postea religioni superstitio: nominis enim dicti consonantes extra Biblicum contextum non scribunt Judæi; sed alias substituunt, veluti duo jod ך. Non illud delent nec frangunt, si vasi vel alii instrumento sit insculptum, & penè adorant. Satagunt illud irregulariter scribere, & corrumpere ejus scripturam, ne si liber fœdè & ignominiosè tractetur, prophanatio sancti nominis fiat. Jam ista religio inceserat animos Judæorum, cum LXX. interpretes Biblia verterunt: vidimus enim, quoties occurrebat, subjecisse consonantibus ejus puncta vocalia nominis *Adonai*, quod idem sonat Hebræis ac Κύριος Græcis, Latinis *Dominus*. Hos interpretes Latinus sequitur, nomen Latinum *Dominus* usurpans, dum agitur de nomine ineffabili: cujus cùm pronuntiatio rarior esset, factum est ut diversimodè expressum reperiat in antiquis monumentis, modò *jao*, modò *jave*, modò *jobe*. Samaritani illud pronuntiant *Jahue*, vel *Jeheve*, vel *Jehave*: Græci, *Jao*: Latini, *Jova*; unde derivatur nomen *Jovis*: nam magno Dei nomine dæmones etiam appellari ambiebant. Illud autem nomen idèò reputatum sanctissimum, quia Deo proprium: nam Grammatici Hebræi observant tria tempora verbi substantivi *sum* in eo contineri, præteritum, præsens & futurum, *sum*, *fui*, *ero*. Soli autem Deo hæc tria con-

conveniunt, ut ab æterno in æternum existat, & simul omnia in se tempora comprehendat. Appellatur in Apocalypsi (Cap. i. v. 4.) *qui est, & qui erat, & qui venturus est*. Ibi autem ἐρχόμενος venturus pro εἰσόμενος futurus.

Secundum Dei nomen est *El*, id est, *fortitudo*. In compositione frequens est hujus nominis divini usus; ut in illis nominibus *Eleazar*, *Eliachim*, *Elisabeth*, *Michael*, *Gabriel*, *Raphael*.

Tertium nomen est *Elohim*, quod videtur derivatum ab *El*. Nomen illud communicatum est Judicibus & Angelis, quatenus illi vices Dei agunt, judicant, absolvunt & damnant, prosunt & puniunt. Quartum *Elabe* nomen solo numero differt ab *Elohim*, quod est in numero plurali. Quintum *Tzabaoth* propriè denotat *aciem ordinatam*: Ita Deus *Tzabbaath*, sive Deus virtutum *δυνάμει*, hoc est, *exercituum* nominatur, ut indicetur potentior potentissimis illis regibus quibus magni exercitus parent. Sextum *Elion*, id est, *excelsus*, *supremus*. Septimum *Eheie Ascher Eheie*, id est, *ero qui ero*, vel *sum qui sum*, ut Græci interpretati sunt. Proprium est Dei *esse*. Octavum nomen est *Adonai*, quod idem sonat ac *Dominus*. Vidimus hujus nominis puncta vocalia fuisse subiecta magno nomini Dei tetragrammato; undè in Græca versione, ubi occurrit, legitur Κύριος, & in Latina *Dominus*.

Nonum nomen est *jah*, quod videtur factum ex *Jehova*. Decimum *Saddai*, id est, sufficiens sibi, quod soli divinæ majestati proprium est, ut ipsa suis pollens opibus, nihil indiga nostri sit. Inter nomina Dei Judæi numerant *Hamacum*, hoc est, locus, quia Deus ipse sibi locus est, in omni loco est, & nullo continetur. *Macum* significat locum; sed præponitur *he* pronomen demonstrativum, *hamacum*, quod addit emphasim.

Cùm in Scriptura de falsis nominibus sermo sit, nempe de Dæmonibus qui habentur aut haberi volunt pro Deo, quandoque appellantur *Eloin*, quod unum est ex decem veri Dei nominibus; sæpiùs verò nominibus contumeliosis, quæ illis magis conveniunt. Scriptura appellat idola, id est, imagines ex ære conflatas vel sculptas. Quid enim aliud erant Dii Gentium, puta vitulus ille aureus, cui ut Deo populus sacrificia obtulit, quàm aurum fufum? Ab effectis autem idola appellantur *molestiæ*, *dolor*, *infirmetas*, *horror*, *pudor*. Sic *multiplicate sunt infirmitates eorum* (*Psal. 15. v. 4.*) pro multiplicati eorum Dii, multiplicata idola. Propria eorum nomina Judæi refugiebant suo ore pronuntiare. Ibidem Psalter canit: *Nec memor ero nominum eorum per labia mea*. Ideò alienis utebantur nominibus: vocabant *Elil*, id id est, nihil. Quod facit Paulus (*1. Cor. cap. 8. v. 4.*) *scimus quia nihil est idolum in mundo*, id est, quod omnia idola sint verum *nihil*.

Judæi tres species idololatriæ numerant. Prima qua coluntur Angeli, cultu qui soli Deo debetur. Secunda qua quis universæ militiæ cœli se incurvat, id est, colit solem, lunam, aut aliud aliquod sidus cœleste. Tertia qua coluntur diaboli. Abarbanel plures alias species numerat, qualis est cultus figurarum & imaginum, quæ nunc *Talisman* vocantur, certis horis conflare solitæ, undè virtutem accipiunt. Credebant has figuras posse tum indicare futura, tum multiplicare fructus terræ. Tales figuræ in sacro Codice dicuntur *Theraphin*, ex quibus, ut putabatur, prodibant signa rerum futurarum; & penes quos erant, vel in visione, vel in somnio docebantur quæ averent scire. Talia *Theraphin* habebat Laban, quæ Rachel filia ejus furata est, & secum abstulit. Ideo querebatur de Jacob: *quare furatus es Deos meos*? Infrà iterùm agam de illis *Theraphin*.

Inter

Inter species idololatriæ accensetur divinatio. Erant qui mortuos aut ossa eorum colerent, & quærerent ab eis futura. Qui tali modo futura inquirebat, vocabatur *Ijedoni*, id est, *sciens*; *ariolus*; quandoque ob: Nomen illud Hebræum proptiè significat *utrem*; Interpretes reddunt *Pythonem*. Apollo falsum numeri Græcorum vocabatur *Pythius*; inde mulieres, quarum ore Apollo, id est, *dæmôn* hoc nomine cultus, edebat oracula sua; vocabantur *pythônissæ*; & *ἐγγασπιόδοι ventriloquæ*; quia, ut diximus, à ventre illarum & immundis partibus, nonnumquam ex axillis loquebantur submissa voce, quæ videbatur egredi ex telluris cavitatibus, vel à longinquo loco adventire. Quidquid sit, *Pytho* idem sonat ac *Ariolus*. Lucas scribit in Actis (Cap. 16. v. 16.) puellam *Pythonis* malo spiritu, quo obsidebatur, liberatam fuisse ope B. Pauli. Undè liquet reipsa tales extitisse *Pythônissas*, id est, mulieres sagas, quas malus *dæmôn* implebat, patefaciens illis ventura, quæ scilicet suæ cognitioni subjacerent; quæ multa est; nam idè dictus à Græcis, *Dæmôn*, id est *sciens*. Soli Deo patent futura, quæ causas liberas habent: ut autem deciperet suos cultores *Dæmôn*, sive ut arte occultaret quod deerat scientiæ ejus, *Pythones* ejus responsa ambigua edebant. *Pythonica* describit his verbis *Maimonides* (Cap. 6. num. 2. de Idol.) Cujusmodi est illud opus *Pythonis*, inquit? Ille offert certum suffitus genus, & manu sua vibrat virgam mysticam, ac recepra quedam incantationis verba profert. Mox consilia alium, quasi loquentem secum, & interrogatis respondentem è terra, voce submissa admodum, quam auribus percipere non valeat, sed cogitatione tantum assequatur. Similiter est, qui cranio mortui arrepto, illud suffitu imbuat & incantet, donec præcuntem audiatur vocem admodum submissam quæ exeat ex illis, & respondeatur ei. Hujusmodi omnia sunt *Pythonica*.

Hæc Maimonides. Videre est his operibus multas fraudes subesse potuisse, quibus sibi conciliabant fidem Pythones, etiam apud Judæos; quod illis exprobrat Isaias (Cap. 8. v. 19.) & cum dixerint ad vos, quarite à Pythonibus & à divinis, qui strident in incantationibus suis. Juxta aliam versionem qui pipiunt & mussitant, quod faciunt ventriloqui. Numquid non populus à Deo suo requireret pro vivis à mortuis? Pro vivis mortuos consulat. Vidimus Saulem à mortuo Samuele quæsisisse, quæ esset fors belli, quod gerebat adversus Philisthæos.

Species etiam idololatriæ erat *Nahas*, id est, conjectatio, augurium. Erant qui ex rebus quæ per accidens eveniunt, de futuris judicabant. De illa specie loquitur Ezechiel (Cap. 21. vers. 21.) Stetit enim Rex Babylonis in bivio, in capite duarum viarum, divinationem, id est, augurium, quærens. Commiscens sagittas, &c. Quæ verba sic D. Hieronymus ad hunc modum explicat. Stabit Rex in ipso compito, & ritu Gentis suæ oraculum consulat, & mittet sagittas in pharetram, & commisceat eas inscriptas sive signatas nominibus singulorum, ut videat cujus sagitta exeat, & quam prius civitatem debeat expugnare. Scilicet nominibus diversarum civitatum inscribebantur sagittæ; quibus commixtis, quæ exhibat prima sagitta, inscripta nomine talis civitatis, ostendebat eam primum esse oppugnandam. Alii pro sagittis utebantur baculis, sive virgis; quod divinationis genus appellatur *Πάρομαρτία*, id est, divinatio per virgas, usitata apud Orientales, ut disertè de Medis dicitur in fragmentis Dionysii. Illa auguria insectatur Osee (Cap. 4. v. 12.) Populus meus in ligno suo interrogavit, & baculus ejus annuntiavit ei, spiritus enim fornicationum decepit eos, & fornicati sunt à Deo suo. Cum esset alicui vel iter suscipiendum, vel ducenda uxor, vel quidpiam aliud momenti negotium peragendum, virgas

virgas certis notis inscriptas includebant vasculo. Pro ut autem has vel illas educebant, inde captabant aurguria.

Jam enumerabo diversa numina; quorum nomen reperitur in sacro Codice. Initium sumam ab illis nominibus, quibus præponitur primâ littera Alphabeti: sic ordinem litterarum sequar. *Aaronis vitulus* idolum fuit, quod, ut jam diximus, Aaron confluxit, ut Israëlitis rem gratam faceret. Illi memores Ægypti, ut Deum haberent quem oculis corporeis intuerentur, vitulum sive bovem sibi confluxi voluerunt, juxta munten Ægyptium. Præcipuum idolum Ægyptiorum dicebatur Apis, habens bovis formam. Jeroboam, ad instar vituli aurei, duos vitulos confluxandos curavit, ut avocaret à Templo Hierosolymitano Israelitas, quos à Regibus Juda abduxerat; ne populus reverteretur Jerusalem, ut faceret sacrificia in domo Domini. *Nolite*, inquit (3. Reg. c. 12. v. 28.) *ultra ascendere in Jerusalem; Ecce Dii tui Israel, qui te eduxerunt de terra Ægypti; posuitque unum in Bethel & alterum in Dan*. Nempe unum prope Samariam caput regni, & alterum in extremitate regni.

*Adad* ex Macrobio est nomen *solis*, quod illi dabatur, quia verè est unus in mundo. *Chad* sive *Ad*, quod derivatur ab *achad* vel *aad*, idem Hebræis est ac unus. De Deo *Adad* sic loquitur Macrobius (Lib. 1. Saturnal. cap. 18.) *Assyrii Deo, quem summum maximumque venerantur, ADAD nomen dederunt. Ejus nominis interpretatio significat unus*. Hoc nomen *Ada* sive *Adad* dabatur cuiusdam numini; pluribus autem nominibus inferebatur, ut in illo *Benadad*, quod fuit proprium cuiusdam Regi Syriæ. Sic appellabatur, quasi dicas *filium Dei Adad*. Nomen illud *Adad* pro Deo non reperitur in Latino nostro Codice (Isa. cap. 66. v. 17.) sed in fonte Hebræo, pro eo enim quod habet vulgata: *Qui sanctificabantur, & mundos se puta-*



*bant in hortis, post januam intrinsecus, fontem sic reddit Seldenus: sanctificantes & lustrantes se, in hortis, post unum in medio. In fonte achar achad vel ahad, id est, post ahad. Ex præpositione locali acher, quæ sonat post, liquet de loco fieri sermonem. Igitur achad vel ahad, id est, unum ibi accipiendum pro Templo Idoli, quod unum sive aad appellabatur: ut sensus huius loci Isaïæ sit, lustrationes factas idolo, quem vocabant ahad, post Templum ejus, in medio hortorum illi idolo dicatorum.*

*Adonis. Vide infra in voce Thamuz.*

*Adramelech. Vide infra in voce Moloch.*

*Anamolech. Vide infra ibidem,*

*Asima nomen est idoli, quod viri de Emath, sive Hamathitæ fecerant, ut dicitur, Quale fuerit illud idolum (4. Reg. cap. 17. v. 30.) etiam peritiores fatentur se ignorare. Quidam hircum esse volunt, ut Apis bos erat.*

*Asmodeus, Non quidem erat Deus sive idolum, sed malus dæmon, de quo sermo est apud Tobiam, qui priores conjuges Saræ interfecerat. Nomen illud Hebraicè idem sonat quod destruxit à verbo *hisehmid*, id est, destruxit, interfecit.*

*Astaroth vel Astarte erat idolum Sidoniorum sicut & Philistæorum. Est nomen quidem urbis, sed & idoli. Astaroth propriè denotat gregem; unde quidam colligunt hoc idolum habuisse formam ovis; quod scilicet sub ovis specie colebatur. Constat Deam Astartem non ignotam fuisse Græcis, qui dicunt numen fuisse Sidoniorum, nec aliud quàm lunam. Lucianus & alij id testantur. Cicero dicit esse Venerem. Luna appellatur Venus; quæ Venus & nominatur in Græcorum scriptis *Urania*, id est, cœlestis. Nisi nomen illud accersatur ab Hebræo *Ur*, id est, lux, Jeremias (Cap. 7. vers. 18.) exprobrat Judæis quod facerent placentas *Melecheth Hasamain*, id est,*

id est, Reginae cœli. Quæ regina non alia iudicio Gentilium quàm luna. Idolum Astaroth non in uno loco Scripturæ nominatur.

*Baal* nomen illud idem sonat Hebræis quod *Dominus*. Lubentiùs nomen illud Hebræi tribuebant falsis numinibus, quibus Gentiles Syri serviebant: undè nomen illud averfabantur, licèt conveniret ipsi Deo, qui verè cœli Dominus est; sed alio ejusdem significationis nomine appellabant, nempe *Adonai*. Nomen ergo *Baal* commune est omnibus diis Gentium; sed distinctionis gratia, (plures enim numero dii illi erant) subjungebatur aliud nomen, ut *Baalphegor*, *Beelzebuth*: ex *Baal* enim Hebræorum factum est *Beel*, & contractè *Bel*; undè *Belus*, quo nomine antiqui Assyrii *solem* designabant, quem & *Beelsamen* nominabant, id est, *Dominum cœli*. Sed & *Belus* nomen est vetustissimi Babyloniorum Regis, qui idem est ac Nemrod Babylonis conditor; quem venerati sunt Babylonii, & pro Deo habuerunt, ut mos erat Deos putare primos reges. Nomen *Baal* etiam significat *maritum*, *conjugem* in Hebræa lingua. Deus sibi conjugio sociaverat congregationem Israelis, ut quoties illa declinaret à Deo ad *Baalim*, id est, ad falsa numina, meritò censeretur fornicaria. Ad id alludens & ad vocem ambiguum *Baal*, quæ idem sonat ac nomina illa, *idolum* & *maritus*, sic Deus loquitur apud Osee (Cap. 2. vers. 16.) Prophetam, promittens quod revocaturus esset Ecclesiam Israeliticam, quam priùs repudiaverat. *Et eris in die illa, ait Dominus, vocabit me vir meus, & non vocabit me ultra Baali. Vocabis me aischî, id est, vir meus & non Baali, id est, maritus meus.* Hoc nomine infausito *Baal* non ampliùs uteris, me compellans maritum. *Ex auferam nomina Baalim de ore ejus, & non recordabitur ultra nominis eorum.* Adcè



mentem averſam geret à falſis numinibus, ut omnino abſtineat nominibus eorum.

*Baalberith* Deus erat Sichemitarum, quos legimus in Judicibus (*cap. 9.*) Abimelech dediffe *ſeptuaginta pondo argenti de ſano Baalberith*. Nomen *berith* Hebræis ſonat idem quod *fœdus* Latinis, ut *baalberith* ſit *Deus fœderatus*. De illo dicitur in iisdem iudici-  
bus (*cap. 8.*) *Postquam autem mortuus eſt Gedeon, averſi ſunt filii Iſrael, & fornicati ſunt cum Baalim. Percuſſeruntque cum Baal fœdus, ut eſſet eis in Deum.*

*Baalpeor*. Vide infra *peor* vel *phégor*.

*Baal Zebub*, Vide infra *Zebub*.

*Baal Zephon*. Vide infra *Zephon*.

*Caſtores*. Caſtor & Pollux duo filii Jovis dicebantur, Græcè appellati *Διοσκούροι* *dioſcori*, de quorum nomine menſis apud Græcos cognominatus erat, qui allegatur in libro ſecundo Macchabæorum (*cap. 11. v. 21.*) Navigaturus Paulus (*Act. cap. 28.*) ex inſula Melite in Siciliam conſcenderat navim, cui erat inſigne *Caſtorum* *παρασήμεν Διοσκύροις*: ſcilicet puppi appoſita erat figura Dioſcorum, id eſt, *Caſtoris & Pollucis*, quæ erant duo numina Gentilium.

*Chamanim*. Idolum erat vel ſolis vel ignis, ut ipſa nominis origo indicat. *Chama* Hebræis calor eſt vel ſol. *Chamanim* aliis videntur ſtatux ſubdiales, quaſi ſolares, vel ſoli expoſitæ. Alii dicunt idola illa poſita ſuper ædium teſta; & quia ſoli exponerentur, idedò *Chamanim* dicta. De arabibus ſic Strabo loquitur in libro decimo ſexto. *Solem colunt, ara ſuper domum excitata, & quotidie in ea libant, ac thus adolent*. Alii volunt Chamanim fuiſſe ædes vel ſacella ad cultum ſolis parata. Nomen autem illud à vulgato Interprete (*Levit. cap. 26. v. 30. Iſai. cap. 27. v. 9.*) redditur. *Simulacra ſolis*; ſapiens tantummodò *ſimulachra*. Conſtat ſolem cultum à Judæis idololatris, quem cul-  
tum

tutni Josias (4. Reg. c. 23. v. 11.) sustulit. *Abstulit quoque equos quos dederant Reges Juda soli. Currus aurem solis combussit igni.* Jupiter qui dicebatur *Ammon*, ut quidam volunt, accipiebat nomen suum à nomine Hebræo *chama*, quod & pronuntiatur *Ama*, id est, calor. Volunt sub hoc nomine adoratum solem.

*Chamos* erat Deus Moabitarum. Deducunt Chamos à particula *Caph*, quæ apud Hebræos indicat similitudinem; & à verbo quod sonat *contrectavit*, *palpavit*. Quasi Deus ille *Chamos* dictus sit, quia verè cæcus; oculos enim habens non videbat. *Chamos* exponitur, inquit, Philo, *quasi palpatio*, quod proprium est non vidētis.

*Chium* vel *cium* nomen videtur idoli Ægyptiorum. Legitur in Propheta Amos (cap. 5. v. 26.) quem locum sic exprimit vulgatus Interpres: *& portastis tabernaculum Moloch vestro, & imaginem*, (in fonte Hebræo ibi vox *chium* occurrit, quæ redditur imago) *idolorum vestrorum, sidus Dei vestri, quæ fecistis vobis.* Græci interpretes habent *& stellam Dei vestri Raiphan*; quos sanctus Stephanus videtur sequi in Actis allegans hunc locum Amos (cap. 7. v. 43.) *Et suscepistis Tabernaculum Moloch, & sidus Dei vestri Rempham, figuras quas fecistis, adorare eas.* Multum vexatus est locus iste ab interpretibus. Ut paucis rem absolvam, credo vocem *chium* non esse accipiendam pro idolo, sed in sua significatione, nempe pro *basi*. Nam vox Hebræa est talis significationis. Certum est Gentilibus fuisse templa portatilia, *thensas*, id est, lecticas, sive sacra vehicula, in quibus portabant idola sua, & circumferebant. Igitur propheta exprobrat Israelitis quod honorem exhibuissent *Moloch*; quo nomine designabatur *sol & luna*, sive quodlibet aliud sidus: etenim, ut liquet Stephano interprete, eo in loco Propheta significat ab Israelitis adoratam omnem cœli militiam, id est, omnes stellas.

las. Quasi dicat: portastis tabernacula idoli *Moloch*, & *chium* idolorum vestrorum, id est, basim sive vehiculum idolorum vestrorum, qualiacumque fuerunt. Ad pompam similem paratos equos & currus habebant; quos pius rex Josias sustulit, ut dicitur in 4. Reg. cap. 23. *Abstulit quoque equos, quos dederant Reges Juda soli, in introitu Templi Domini, juxta exhedram Nathamelech eunuchi, qui erat in pharurim. Currus autem solis combussit igni.* Septuaginta autem interpretes, qui in Ægypto scribebant, *Rempham*, sive *Raiphon* nomen alicujus idoli Ægyptii posuerunt. Plerique volunt *chium* denotare lingua Ægyptia *Saturni sidus*. Viris doctis *moloch* idem erat Phœnicibus, quod Græcis *Saturnus*.

*Dagon* idolum erat Philistæorum. Nomen illud derivari potest à *dagan* frumentum, vel à *dag* piscis. Rabbini aiunt *Dagonem* à parte inferiori usque ad umbilicum representasse piscem, ab umbilico unâ cum parte superiori hominem; ita semipiscis erat. Syros pro Diis pisces habuisse testatur Cicero. Potuere Syri, qui ex commercio maris opes multas colligebant, sub illa forma, sive sub hoc symbolo *mare* tanquam numen coluisse. Cum in templo *Dagon* Philistæi Arcam Dei quam ceperant reposuissent, manè semel & iterum invenerunt ejus idolum corruisse, & caput ejus præcisum cum duabus manuum palmis supra limen Templi (1. Reg. cap. 9. cap. 19. v. 28.)

*Diane*, quæ pro luna habetur, mentio fit in Actis quæ magnificentum templum habuit Ephesi; quod fabri argento exprimebant: undè illis plurimus questus.

*Gad* idolum Syrorum. Nomine *Gad* Hebræi intelligunt fortunam bonam, juxta quod vulgatus Interpres sic ait in Genesi (cap. 30. v. 9.) *Sensiens Lia quod parere desisset, Zelpham ancillam suam marito tradidit. Qua post conceptum edente filium, dixit: feliciter, & idcirco vocavit nomen ejus Gad*, Vo-

ccm

cem istam *Gad* quoddam sidus etiam notare ajunt.

*Hanamelech* idem quod *Anamelech*.

*Hercules* potest numerari inter idola, quæ à pravis Judæis in honore habita sunt. *Hercules* potissimum colebatur à Tyriis, qui erant in Judæorum vicinia. Asciverant autem Judæi omnem pravam vicinarum gentium idololatriam. *Misit Jason facinorosus ab Jerosolymis viros peccatores, portantes argenti didrachmas trecentas in sacrificium Herculis*, dicit author secundi *Macchabæorum* cap. 4.

*Melech*, *Moloch*, deus erat Ammonitarum. In fonte dicitur quandoque *Mulcom*, alicubi *Malcum*, sapius *Melech*. Multi nomen illud Hebræicæ originis esse volunt, & propterea derivant ab *Halach* ambulavit, vel à *Malach* regnavit. Notum ex Scriptura templum *Moloch* fuisse in vicinia Jerusalem in valle filiorum Hennon. Scriptura interdicit Israelitis ne de semine suo darent huic *Moloch*; id est, ne illi offerrent filios suos, & ne consecrarent per ignem, sive, ut habet fons Hebræus (4. Reg. cap. 23. v. 19.) ne traducerent eos per ignem *Moloch*. Quæritur utrum infantes in idolo *Moloch* fuerint combusti, an verò per ignem traducti & purgati. Volunt Judæi non mactatos aut combustos, sed duabus pyris extructis per illarum medium infantes traductos solum, & ad eum modum fuisse purgatos. Verum aliam sententiam ingerunt verba *Psalmis* (*Psal.* 105. v. 37. & 38.) *Et immolaverunt filios suos & filias suas Dæmoniis, & effuderunt sanguinem innocentem, sanguinem filiorum suorum & filiarum suarum, quas sacrificaverunt sculptilibus Chanaan*. Ergo verior sententia est illos infantes tandiu ustulatos donec expirarent. Non absimilis erat ille cruciatus huic de quo *Diodorus Siculus* apud *Eusebium* in *Præparatione Evangelicâ* libro quarto narrat juvenes immolatos Saturno, cujus, inquit, simulachrum æreum erat supinis ac pendentibus in terram manibus ut impos-

tus

tus ipsis adolescens subjectam in foveam igneque plenam volveretur & rueret. Id adstruunt Judæi de Moloch. *Quomodo Moloch*, inquiunt, *factus erat? Erat statua ænea, habens faciem vituli, & manus expansas, instar viri palmas aperientis, ad aliquid ab alio accipiendum: ignem in eam subijciebant; excavata enim erat.* Hæc Rabbi Jalkut in Jeremiam. His fidem adstruunt quæ faciebant cultores Baal, qui proprio suo sanguine litabant, ut legimus tertio Regum cap. 18. 28. *Qui incidebant se juxta ritum suum cultris & lanceolis, donec perfunderentur sanguine.*

In valle Hinnon erat locus excelsus, Topheth dictus, in quo hæc crudelia sacrificia fiebant. Nomen vallis illius ducunt à *Toph* tympanum *tuphin* tympana, quia sacrificuli, ne lamenta illa & gravissimi ejulatus filiorum à parentibus exaudirentur, tympana pulsabant. Ab horrendis autem illis cruciatibus & igne perpetuo, postmodum locus impiorum, in quo pœnas æternas sustinebunt, vocatus est *gehenna* Hebraicè *ge-ben hennon*, id est, vallis filiorum Hinnon. Vocem *Hinum*, derivant à *nahem*, id est, *gemit* aut *rugiit*. Pius rex Josias contaminavit illud tophet, quod erat in valle filiorum Hinnon, ne quis amplius traduceret filium suum aut filiam suam per ignem. Divus Hieronymus commentans Hieremiam ad caput VII. dicit tophet locum fuisse artænum & nemorosum, hodieque, inquit, præbet hortorum delicias. Addit hoc-ce nomen lingua Hebræa interpretari *latitudinem*. Non ergo tympana nostra ab hoc-ce loco *topheth* ducta. Primi Arabes qui invaserunt Hispanias, invexere tympana, qualibus nunc utimur. Ergo antiquitus ignota, inquit Scaliger.

Verisimile est nomen *Moloch* fuisse commune pluribus numinibus. Uti igitur *Baal*, id est, *Dominus*, ita & *Melech* seu *Molech* seu *Moloch*, id est, *rex*, nomen erat commune multis idolis. Gentes, inquam, diver-

diversæ suum numen dicebant *Moloch*; ad distinctionem autem addebant prænomena, ut *Adramelech* vox composita ex *Adir*, id est, magnificus, & *Melech*, & *Amamelech* sive *Anamelech* quod nomen significat opulentum regem. Arabibus *Gani* sive *Ani* sonat divitem, ut Vossius observat; *Adramelech* autem & *Hanamelech* nominantur inter idola Assyriorum.

*Mercurius*. Neminem fugit Mercurium unum esse ex diis Gentilium, qui fingitur Jovis nuntius, interpret, & viarum præses; cujus numen succenseret his, qui errantibus viam non comiter monstrarent. In Actis Apostolorum Gentiles vocabant *Barnabam Jo-venem*, *Paulum* verò *Mercurium*, quoniam ipse erat dux verbi. Idem *Mercurii* nomen legitur in Proverbiis (cap. 26. v. 8.) *Sicut qui mittit lapidem in acervum Mercurii; ita qui tribuit insipienti honorem*. Hebraica veritas habet in *Margemach*; ex qua voce potuit formari *Mercurius*. Quid sit acervus *Mercurii* breviter enarrandum; à sacro enim ritu res orta erat, ad quam interpret vulgatus intendit. Erant apud priscos lapidum acervi Mercuriales in viis publicis & compitis, ad itinera demonstranda congesti, quos transeuntes viatores crebro lapidum jactu in *Mercurii* honorem augebant. Talem jactum lapidis in hos acervos Mercuriales *Maimonides* (*De Idol. cap. 3. n. 2.*) numerat inter species idololatriæ. Vidimus saxa grandia fuisse sacra Gentilibus; acervis ergo illis qui primùm congesti erant in gratiam viatorum, indidit nialus Angelus falsam religionem; ut illi postea non potuerint augeri, sine idololatriæ crimine. Significat autem *Salomon* loco allegato Proverbiorum, eum qui stultum honestaverit, tantundem facere, perindè ac si acervum Mercurialem lapidis jactu augetet; neuter sibi beneficia conferri agnoscit.

*Merodach*, nomen quidem est Regis Babyloniorum; sed & idoli apud *Jeremiam* cap. 50. v. 2. *capra est Babylon*,



*bylon, confusus est Bel, victus est Merodach.* In fonte: fractus est Merodach: *confusa sunt sculptilia ejus; superata sunt idola eorum.* In fonte: pudesfacti sunt dolores ejus; fracta sunt stercore ejus, id est, idola, sive simulachra. Nomina esse idolorum paraphrastes Chaldaeus docet. Significatur autem à Jeremia confusos fuisse cultores Beli & Merodach. Neque enim cum Babylon capta est, Belus aut Merodach regnabant. Nomina ergo illa, prius quidem Regum fuere, sed postea diis data; cum scilicet reges illi in album Deorum adscripti sunt.

*Nabo* sive *Navo* nomen erat loci & idoli. *Confractus est Bel, contritus est Nabo: facta sunt simulacra eorum bestiis & jumentis onera* (Isai. 46. 1.) Nempe illa idola ærea confracta sunt; ut veluti præda asportarentur. *Bel* idem est ac *Baal*: *nabo* autem Hebræis idem quod *prophetia*, *divinatio*. Deorum nomina nominibus Principum veluti bona omnia olim adiciebantur. Ergo à *Nabo* formari potuerunt illa Principum nomina *Nabuchadnefer*, *Nabuzardan*, *Nabonassar*, *Nabonidus*, *Nabopolassar*, *Nebucadnezar* seu *Nabognofer*.

*Nergal*, *Nisroch*, *Nibhas*, & *Thirrak* sunt idola Assyriorum. Postquam Salmanasar rex Assyriæ, exciso Samatitanorum regno, incolas captivos abduxerat, migrare jussit in Samariam colonias de Babel, de Cuth, de Ara, de Hamathi, & de Sephar-vaim, ut narratur quarto Regum (cap. 17.) fecerunt autem singulæ Gentes sibi Deos suos, & reposuerunt in templis excelsorum quæ fecerant Samaritæ: Gens quæque in civitatibus suis, in quibus habitabant. *Viri enim Babylonis fecerunt Socoth-Benoth.* Vulgatus sequitur LXX. Interpretes: in fonte enim legitur *Succoth-Benoth*, id est, *tabernacula filiarum*; ut *Socoth-Benoth* non tam Deum aliquem Deam-ve, quam sanum ritusque circa illud sacros denotet. In quo fano, ut ex

Hero-

Herodoto discimus, Veneri Babyloniz prostabant puellæ; quæ in proximis tabernaculis tanquam rem sacram admittebant turpia facinora. *Viri autem Cuthai fecerunt Nergel*, aliter Nergal, & *viri de Emash fecerunt Asima*. Porro *Hevai fecerunt Nekabaz* & *Tharthac*. Hi autem qui erant de *Sepharvaim* comburebant filios suos igni *Adramelech* & *Anamelech*, Diis *Sepharvaim*.

*Peor*, sive *Phegor*, sive *Beelphegor*, sive *Baalphegor*, idolum erat Moabitarum & Madianitarum. Solius vocis *peor* aut *phegor* quærenda origo est. Vox enim præmissa *baal* jam explicata est. Interpretationem hujus nominis, inquit Origenes, cum à viro Judæo requireremus attentius inter Hebræa nomina, hoc responsum accepimus, quod *beelphegor* sit species turpidinis; noluit tamen declarare, quæ vel qualis species, vel cujus turpitudinis, honestati, credo, consulens, ne auditum pollueret audientium. Igitur cum multæ sint turpitudinum species, una quædam ex pluribus *beelphegor* appellatur. *Paar* Hebræis est *aperire*, sive *distendere*. Referunt huic-ce idolo cultum exhibitum à viris obscænis, qui partes inhonestas coram idolo retegerent. Plura scire non eorum interest, quorum Scripturæ castæ sunt deliciae. B. Hieronymus dicit *Beelphegor* posse Latine appellari *Priapum* apud Romanos. *Priapus* erat idolum turpissimum, quod oculi casti non auderent intueri, nec aures pudicæ audire descriptionem formæ ejus. Scilicet repræsentatio erat partium, quas pudor occulit, nec sinit nominari. Nomen illud *Priapus* legitur in vulgata versione (3. Reg. cap. 15. v. 12.) ubi narratur quomodo Asa pius rex abstulit effeminatos de terra, purgavitque universas sordes idolorum quæ fecerant patres ejus. Insuper & *Maacham* matrem suam amovit, ne esset princeps in sacris *Priapi*, & in loco ejus quem consecraverat: subvertitque specum ejus, &

con-



*confregit simulachrum turpissimum, & combussit interrente Cedron.* In fonte legitur, *Miphletzet*, quod ad litteram sonat *terriculum*, vel *idolum horrendum*. Septuaginta Græci Interpretes hanc vocem interpretati sunt *σύνοδον*, id est, *cætum* & *ἰδωλον* *idolum* & *κατάδυσσις* *lustrum*; quibus diversis nominibus eadem res significatur. Scilicet Maacha, ut solebat fieri in spurcis Veneris aut Priapi sacris, turpem iniverat societatem cum impudicis viris & mulieribus; & in lustris sive specubus, sive in remotis lucorum locis colebat *Miphletzet*, libidines & obscæna sacra obtegens. Eadem historia describitur in Paralipomenis (*Lib. 2. cap. 15. v. 16.*) *Sed & Maacham matrem Asa regis ex angusto deposuit imperio, eò quòd fecisset in luo simulachrum Priapi Miphletzet: quod omne contrivit, & in frustra comminuens combussit in torrente Cedron.* Absit ut in hac pagina Priapeis sacris, qualia erant apud gentiles, explicandis diutiùs immorer.

*Raipban* sive *Remphan*. Vide supra in voce *Ghium*.

*Remmon* vel *Remmon* Numen erat Syrorum, cui dicatum templum. Vox illa derivari potest à *Rom*, quod est *altitudo*. Vox *Ram* idem est quod *celsus*, *excelsus*. Ut *Remmon* sit idem quod *excelsus*. Ea Dei notio animo innata est, ut quod quis pro Deo colit, simul reputet excelsum. Alii pronuntiant *Rimmon*; quod nomen significat *malogranatum*, cujus arboris in tota Syria ingens copia est & magnus usus; nam fructus ejus non esu modò suavis est, sed & potu; quippe ex ejus succo mustum conficiebatur, ut videre est in Canticis (*Cap. 8. v. 2.*) Itaque ob magnam utilitatem, quam infra adhuc explicabimus, potuit fieri ut quodpiam idolum diceretur *Rimmon*, ut aliud numen appellabatur *Dagon* à *Dagan* frumento. Ceres apud Græcos & Latinos reputabatur Dea frumenti sive segetum.

*Sesach*, quem Vulgatus interpres appellat *regem Selach*

*Selach* in Jeremia (Cap. 25. v. 26.) numen erat apud Babylonios juxta Seldenum.

*Sirenes* nominantur in fine capitis 13. Isaia; sed ibi non ponuntur loco numinis. Latinus interpres nominavit eas pro quapiam specie terrifici animalis, quod propheta prædicebat statim irrupturum in domos jucundas & delicatas, ubi omnia nitebant.

*Theraphin* inter idola recensentur. Tam de origine vocis, quam de rei forma & usu lites moventur. Incertum an sit vox Hebraica aut Ægyptiaca. In Genesi (Cap. 31. v. 30.) *Theraphin* vocantur Dei. Paraphrastæ Chaldæi interpretantur imagines vel simulacra. Tum in Græcis versionibus tum in Latinis quandoque redduntur *sculptilia*, quandoque *idola*. Itaque verisimile *Theraphin* fuisse idola: five simulacra, quæ, ut putabant cultores eorum, res futuras poterant indicare. Quoquo modo id fieret, ex iis capiebantur auguria. Rabbinii dicunt eos qui *Theraphin* conficerent, respexisse horam certam & annum certum rei convenientem; ut haberi possent pro illis figuris, ex quopiam metallo conflatis, quas astrologi inscribunt certis notis, sub certo planetarum aspectu, & vulgò, ut vidimus, appellant *talismans*. *Theraphin* habuisse figuram humanam ex eo colligitur, quod Michol loco Davidis *Theraphin*, hoc est; imaginem humanam substravit in lecto (1. Samuel. cap. 29.) His autem simulachris, qualiacumque fuerint, dæmon ut foveret errorem, poterat communicare aliquam virtutem, quam illa amiserat, ubi & ipse dæmon suo imperio, excidit.

*Thamuz* idolum erat Ægyptiorum, cui & Israelitas servisse queritur Ezechiel (Cap. 8. v. 14.) Videbat enim in ipso Dei Templo mulieres plangentes *Thamuz*. Sic legimus in fonte Hebræo, pro quo *Adonidem* vulgata habet. *Thamuz* autem vox est Ægyptiaca, quam Manetho apud Plutarchum inter-

pretatur *Abstrusum & occultum*. Nimirum sacra illa erant opertanea. Thamuz dicitur esse Osiris rex Ægyptiorum à Tiphone vita privatus, quem amissum quotannis in Ægypto desleri Isis iusserat. Hæc istis præstigiis suis & incantationibus magicis tantam sibi & marito auctoritatem apud Ægyptios comparaverat, ut pro diis haberentur, & mense quarto colerentur. Assyrii autem & Phœnicii *Thamuz* vocabant *Adonidem*; quam interpretationem Vulgatus interpretes secutus est. Gentes, ut notat B. Hieronymus, putabant *Adonim* interfectum ab apro, idque mense junio; cujus rei in memoriam instituta est annivertaria ei solemnitas, in qua plangebatur à mulieribus quasi mortuus, & postea reviviscens canebatur atque laudabatur. Mulieres illæ *Adonim* lugentes Veneris cultrices erant; quapropter verisimile est illa sacra *Thamuz* fuisse obscæna, qualia fuere harum mulierum quæ lugebant *Adonim*: quare *Adonidis* nomine interpretes noster vocem *Thamuz* reddidit; videtur enim *Adonim* respondere numini *Thamuz*. Maxima pars sacrorum ab Ægypto ad Phœnices, à Phœnicibus ad Græcos & Latinos pervenerunt.

*Thirtak*. Vide supra in voce *Nergal*.

*Zebub*. Huic nomini solet præponi nomen *Baal*, quod erat commune multis idolis. Ita legitur *Beelzebub* vel *Baalzebub*, quod erat idolum Philistæorum, maximè Accaronitarum. Nomen autem *Zebub* denotat *muscam*. Sic vocabatur idolum, quod invocabatur ut abigeret muscas, quale fuit quoddam Jovis idolum apud Græcos. Alii volunt sic dictum, quia infestatum à muscis, cum esset perpetuo sanguine respersum. In ambiguo autem est an re ipsa idolum, de quo fit sermo, appellaretur à suis cultoribus *Muscarum Deus*: an verò illa appellatio fuerit à Judæis in ignominiam; ut idolum quodque dicebatur *deus stercoreus*. Videtur potius à Philistæis sive Phœnicibus

bus

bus appellatum *Beelsamain*, id est, *Dominus cælorum*. Etenim solem illi, quem dicebant cæli Dominum, adorabant. Potuit etiam ab illis nominari *Baalzebain*, id est, sacrificiorum sive victimarum Dominus. Judæi autem per contemptum mutabant nomen honestum in pudendum; appellantes *Beelzebub*; quomodo ex *bet-el*; quod est *domus Dei*; postquam idololatria eo in loco, ad lapidem ubi recubuerat Jacob, exerceri cæpit; fecerunt *Bethaven*, id est, *domus iniquitatis*. In Novo Testamento hoc nomen *Beelzebub* metaphoricè per contemptum diabolo datur. Sicut dicuntur idola *Elilim*, quia sunt nihil. Etenim *Elil* sonat *nihilum*, ut supra observatum est. Etiam *Gillulim*, id est, *stercora* appellantur idola, sive dii stercorei.

*Zephon* aliis videtur nomen regionis, aliis nomen idoli, quod Ægyptii colerent. Præponebatur nomen commune *Baal*; legitur enim *baalzephon*.

## C A P U T II.

*De animantibus sacris; quorum scilicet mentio fit in Sacra Scriptura; & quorum proprietates notas habere interest ad eandem Scripturam intelligendam.*

**Q**ui brevitati in primis studeam, non enumerabo omnium animalium species; quarum aliqua fit mentio in sacro Codice; his solum immoraturus, quorum non satis notæ proprietates.

### I.

*De animalibus in genere.*

Animantia dividuntur ab Hebræis in quatuor summa genera; nempe in quadrupeda, aves, reptilia,

Kk 2 & pi-

& pisces. Graditur quadrupes, avis volat, reptile serpit, piscis natat. Animantium quadrupedum aliud est *solidipes*, ut equus, mulus, asinus; aliud *bifidum*, ut bos, cervus, capra, ovis; aliud *multifidum*, ut canis, leo, lupus, felis. Multifidum dicit Moses ambulare super manus suas, tum quia caret ungula, tum quia pedes habet manuum instar digitatos. Distinguit præterea ille legis-lator fissionem & divisionem ungulæ; scribit enim quædam animantia ungulam simul dividere & findere, ex quorum numero est porcus; alia ungulam dividere quidem, sed non findere, quia cohæret adhuc vel à parte superiori, vel ab inferiori. Exemplo sit camelus, cujus ungula supernè divisa est, & infernè cohæret.

Inter aves quasdam rapaces esse & carnivoras neminem latet, quas Moyses immundas esse declaravit, quibus scilicet nec vesci, nec illas in sacrificium offerre licebat. Moyses reptilibus accenset minima quadrupedum, puta mures, & talpas & exanguia omnia, sive supra ventrem serpent, ut vermes, sive quadrupeda sint, ut quæpiam locusta, sive multipeda, ut scolopendra. His adde volucra; quales sunt, præter locustarum nonnullas, muscæ, papiliones. Notum est serpentes reliquum corpus exponere dum feriuntur, ut caput, in quo vitam omnem suam residere sentiunt, servare possint. Tanta celeritate linguam movent, ut triplicem linguam habere videantur, cum una sit. Eò referendum, quòd maledico, qui linguam in quoscumque exerit & vibrat, more serpentis, lingua triplex tribuitur apud Syrachidem. Serpens in Genesi dicitur supra omnem bestiam callidus; cujus pleraque prudentiæ proferuntur argumenta, puta, quòd cum senium sentit, quærat petram, & in rimam se insinuans, pronusque per foramen transire nifus, senectutem, id est, veterem pellem exuat. Appetitus, ut dixi, videtur unum curare, ut caput servet illæsum. Addunt, cum ad fontem

tem venit ut bibat, ante virus deponere. In rei veritatem non inquiero; sed opinor serpentem symbolum esse prudentiæ, quod corpus flectendo sese insinuet, & per implexas sentes iter sibi expediat.

Pisce nullum est animal fecundius: ita symbolum est fecunditatis. Partes ejus propriæ sunt pinna, squama, & branchia. Alii verò pinnas & squamas habent; alii utroque carent, vel alterutro. Hinc oboritur piscium distinctio legalis in mundos & immundos. Ii scilicet in lege habentur pro immundis, quibus squamæ vel pinnae defunt. Etiam apud Romanos non nisi squamosos pisces pollucere fas erat. Polluctum vocabant sacrificium vel epulum in deorum honorem institutum.

Cetus Hebræis est piscis maximus. Inter cetera alia majora, alia minora sunt. Quædam ex illis papillas habent, quæ in mammis receptæ tanquam in vaginis conduntur; undè illas promunt, ut lactent catulos suos. Tales sunt illæ lamia, de quibus Jeremias loquitur in Lamentationibus (*cap. 3. v. 3.*) *Sed & lamie nudaverunt mammam, lactaverunt catulos suos.* In fonte *tanin*, quod nomen redditur *draco*, *balæna*, *cetus*, *serpens*. Hæc autem animalia non reperiri solent nisi in plagis remotis tum maris tum telluris; ita propheta indicabat magnam fuisse solitudinem in Judæa, in quam secederent illa monstra, & liberè educarent catulos suos. Etiam è cetis alia boant & mugiunt; ut balæna; alia verò gemunt, ut Delphin. Scriptura dicit Deum primo homini adduxisse omnia animantia, quibus propria nomina imposuerit. Bochartus, quem in hoc-ce capite exscribo, ex Hebræis nominibus, quibus illa appellantur in Hebræo fonte, ostendere conatur quod Adam habuerit introspectam eorum naturam, quam Hebræum nomen exprimat. Conatus ille in multorum nominum etymologia feliciter cedit auctori erudito.

## II.

*De domesticis quadrupedibus.*

Hæc de animantibus in genere: nunc de singulis speciebus agendum, & primum de domesticis quadrupedibus. Initium ducit Bochartus supra citatus, & deinceps sæpius allegandus, à camelo, qui nomen habet deductum à verbo Hebræo *Gamal*, quod ablatum & retribuere significat, Nullum est animal, quod acceptæ injuriæ memoriam conservet tenaciùs, vel ultionem persequatur acriùs. Camelos olim in Judæa & vicinis locis fuisse frequentissimos ex Scriptura manifestum est. His homines, sarcinæ, cibi, merces, res pretiosæ vehebantur; etiam jungebantur curribus. Horum pili in vestium usum cedebant, Non opus est ut varia camelorum nomina huc afferam. Qui celeritate pollent, *dromades* à Græcis appellantur. Sunt qui per diem conficiant etiam mille & quingenta stadia.

Diversis nominibus insigniuntur equi in Hebræo codice. Notum illos diversi esse coloris, Sex equorum colores in Zacharia recensentur. Equorum usus erat serè tantum in bello; undè Deus, cum induxit Israelitas in terram Chanaam, jussit ut subnervarent equos devictarum gentium, ne illarum exemplo considerent in curribus & equis.

Vehebantur asinis ipsi Israelitarum magnates. Undè asinus & subjugale sæpius idem sonant. Subjugale autem jumentum illud dicitur quo homines vehi solent. Asinos & arasse constat; sed vetabat lex arare bove & asino simul junctis: ad quod allusum putant ab Apostolo ( 2. *Corinth.* cap. 16. *vers.* 14. ) *Nolite jugum ducere cum infidelibus*; qui nempe quasi diversi generis sunt. Viribus æquales esse debent qui

qui eidem jugo subduntur. Asini & molam circumagebant: inde mola asinaria, ad discrimen hujus quæ manu trudebatur; & ideo dicebatur trusatilis. Prima, inquam, major; quia circumagebatur ab asino, asinaria nominabatur,

Muli inter Hebræos cæperunt esse in multo usu circa tempora Davidis. Videre est in Scriptura filios ejus solitos vehi mulis, Bochartus opinatur ante illa tempora ignotos fuisse in terra Israel. In versionibus quidem Græcis mulorum sit mentio; quod ille auctor dicit factum gratis ab interpretibus, & refellit Hebræos qui mulorum inventum tribuunt cuidam Anæ; de quo hæc in Genesi (cap. 36. v. 24.) leguntur. *Iste est Ana, qui invenit aquas calidas in solitudine, cum pasceret asinas Sebeon patris sui.* Vocem Emim, quam Latinus interpres reddit *aquas calidas*, putant Hebræi significare mulos. Bochartus contendit nomen esse populorum fortium; scilicet *Emaorum*, in quos impune inciderit Ana, idè celebratus. Non licebat Judæis mulorum procreationem procurare, quia lex prohibebat ne animalia heterogenea commiscerentur inter se (Lev. cap. 19. v. 15.) *Tanta fuit sacrarum legum providentia cavendi*, inquit Philo, *ne homines polluerentur coitu nefario, ut disertè cautum sit ne admittatur ullum animal heterogeneum.* Hujusce prohibitionis causam eandem assignat Theodoretus. Verbi causa, coitum prohibet lex, puta equi & asinæ, ne à brutis animalibus ad ratione prædita transeat illegitima commixtio. Fœtus autem qui nascebantur ex heterogeneis, concedebantur ad esum & usum; undè non mirum est Davidem usum esse mulis,

Elephantes dentibus suis, undè ebur, celebres sunt. In Scriptura autem nullus apparet eboris usus ante Salomonis tempora, qui cum ex India elephantos & multum ebur curasset in Judæam advehi, grande folium ex ebore sibi construi jussit, & eburnea palatia,



id est, ebore ornata. Didicit Alexander magnus ab Indis elephantorum usum in bello. Successores ejus, ut Antiochi in Syria, Ptolemæi in Ægypto, in eundem usum adhibuere, ut videre est in historia Machabæorum. Ante autem Alexandri tempora in sola India bellis inservierant hæc quadrupeda.

Boum frequens mentio & multus usus in Scripturis. Laudantur tum ob formam, tum ob fortitudinem. His Judæi urebantur, in frugibus tritrandis: inde cum eo tempore os eorum capistrare lex prohiberet, tunc potissimum pinguescebant, vespentes frugibus ad satietatem usque. Proinde Israelitæ genio indulgentes comparantur vitulæ, quæ soli trituræ assuevit. Boves adhibuere aratro Judæi, ut cæteræ gentes. Usus etiam erat boum in trahendis plaustris. Bovis scæminæ lac utilissimum, ex quo butyrum & casei fiunt. Vituli non solum in cibis, sed & in deliciis veterum Hebræorum erant. Bochartus putat, quod mihi sit verissimile, non arietum, sed bovis cornua in buccinarum usum inservisse. Arietum enim cornu solidum est, neque cavum quidquam habet, in quo flatus recipiatur. Dicit Hebræorum esse commentum, *Jobel*, significare arietem: nullibi enim in Scriptura hoc adstruitur; sed videre est Græcos interpretes per vocem *Jobel* intellexisse quemdam sonitum buccinæ: ita annus *Jobal* ille erat qui certo sonitu tubæ indicabatur. Ille ergo annus originem appellationis suæ non derivat à cornu arietino, quo fingunt Hebræi premulgatum. Verbum Hebræum *Jabal* idem sonat ac afferre, reducere, ut suo loco dictum est. Afferrebat libertatem dictus annus, & veteres possessores in prædia sua reducebat. Boum denique sacer usus erat in sacrificiis.

Quædam sunt vocabula in fonte Hebræo, quæ ovibus & capris communia sunt, ut hæ voces *Tson* & *Sch*. Quanquam autem ubique de illis sermo fiat in sacro Codice, non plura sunt, quæ hic prænotare pre-

pretium sit. Quæcunque enim proferte possemus, nulli sunt incognita. Oves cibum & vestes ministrant. Lanam autem lino miscere vetitum erat; quæ res admonebat Judæos ne duplici corde essent: Pariter ex capris cibus & vestimenta suppetunt. Ex pilis enim caprarum texuntur vestes. Capræ sunt quarum pili pretiosi sunt; indè in Canticis comparantur crines sponsæ gregi caprarum, nempe pilis caprarum. Josephus & alii sic legerunt textum Hebræum, ubi Michol filia Saul statuam sive imaginem in lecto Davidis ad cervical disposuisse narratur ( 1. Reg. 19. vers. 13. ) ut putaverint ab eadem Michol suppositum stragulis jecur capræ, quod subsiliret, ut falleretur Saul dum præsentem Davidem crederet, qui vitæ suæ interim fugâ consulebat. Scilicet tempore Josephi legebatur *cabed*, id est, *jecur*; sed verior lectio est *cebir*, id est, *magnus*, quam probavit B. Hieronymus. *Cebir* sunt pili magni caprarum, quibus usa est Michol, ut mentiretur capillitium Davidis.

Hædum in matris lacte non coquendum esse præcipiebat lex, nempe ut doceremur quàm humani & æqui esse debeamus erga homines, qui nobis sunt similes; quandoquidem in bruta etiam lex ea vetat admitti, quæ speciem habent crudelitatis. Sic illam legem accipiunt Judæi, ut omne lac cum quacumque carne manducare illicitum putent. Undè illi duos semper cultros deferunt, unum ad carnes, alterum ad caseum, tribus incisuris notatum, ut discrimen agnoscat; nec carnes & lacticia coquunt in eodem foco, nec in iisdem vasis.

De quadrupedis animantibus domesticis supersunt canes & sues, de quibus non rarus sermo in Scriptura. Hodie Judæi, ut testatur Cunnæus, quoties de sue loquuntur, non illud nominant, sed patrio sermone dicunt *davar acher*, hoc est, *res alia*. Cæterum ob eandem causam sollicitè cavent ne per dies azymo-

rum

rum vocem *panis* inter loquendum usurpent. Piaculum immane admisisse existimant, qui per eos dies in causa fuerit, ut quisquam de fermento vel leviter cogitet. Consueverant Judæi nec ore tenus usurpare ea quæ cogitata mentem polluisent ( *Ephes. cap. 3. v. 3.* ) *Fornicatio autem & omnis immunditia nec nominetur in vobis, sicut decet sanctos.* Canes quidem laudantur quia fideles sunt & optimi custodes; sed quia gulæ & libidini, etiam in propatulo indulgent, nomine eorum appellantur homines immundi, inverecundi & voraces. Quin canis licet mansuetus & cicur sit, attamen ignotos quoslibet latratu sapè etiam morfu laceffit; nulla injuria provocatus. His de causis homo vilis & maledicus pro cane reputatur. Judæi non alebant sues; idèd in Scripturâ dicitur filium prodigum abiisse in longinquam regionem, ubi porcos pavit. Urbs Gadara, in cujus agro pascabantur porcorum greges, Græca fuit, non Judaica. Potissima autem causa propter quam lex prohibebat carnibus suillis vesci, est fæda porcorum sortitudo. Sus multas sordidasque res comedit; volutatur in luto. Huc ergo spectabat ista interdictio, ut se à peccatis atque immunditiis abstergerent Judæi, Sus lutulentum & immundum animal, ventri semper & pabulo servit. Interdixit ergo Deus, verba sunt Lactantii, ne Judæi porcina carne uterentur, id est, ne vitam porcorum imitarentur, qui ad solam mortem nutriuntur, nec prodesse possunt nisi cum morte efficiuntur.

### III.

#### *De feris quadrupedibus.*

Inter feras quadrupedas primus est leo. Hujus sunt septem nomina in Hebræo fonte, pro totidem ætatibus di-

riſ diverſis gradibus. Scriptura notat illa omnia in leone terribilia, faciem, inceſſum, rugitum, oſſa, dentes, manum denique, vel digitos aduncos. Primatus inter ſeras ei deſertur: cæteriſ robore præſtat. Ferox eſt & ad iracundiam pronus. Habitat in ſolitudinibus; incolis enim regiones viduat. Inhiat prædæ, cui, cum eam arripuit, ſolet accubare. Impavidum eſt animal, cedere neſcium. Ex hiſce leonis proprietatiſ crebræ eruntur in ſacro Codice comparationes per ſe apertæ.

Pardus eſt animal leonî ſimile, niſi quod parvum eſt, & pellem habet nigris maculis diſtinctam. Pardus ad ſaltum valdè agilis eſt, & promptus ad inſiliendum in eos quos inſequitur; inſidioſum enim eſt animal. Sic à Daniele (*Cap. 7, verſ. 6,*) cum pardo conſertur tertia Monarchia, id eſt, Alexandri & Græcorum. Alexander licèt regulus Darium regem vicit, & pernicitate incredibili magnam partem habitati orbis annis duodecim ſubegit. Pardi autem maculæ ſignificant Gentium, quibuſ Alexander imperavit, mores diverſos.

Non omninò conſtat quid à pardo differant, aut cum pardo quomodo conveniant tygris, lynx, panthera, & leopardus. Multi cum leone tygrim conſerunt, quaſi ſit leonis ſpecies, aut animal, exceptiſ maculiſ, leonî quàm ſimillimum. Aliiſ tygris eadem eſt cum panthera & leopardo. Lynx etiam varia eſt, æquè ac pardus & tygris; nec diſſimiliſ pantheræ. Bochartuſ pantheram & pardum pro eodem animali habet, ut juxta illum differant ſolo ſexu, aut candore, non genere. Panthera ſcæmina eſt, cujuſ maſ pardus. Pantherarum autem duplex genus; ut non mirum ſit inter illam & pardum ab aliquibuſ diſcrimen interponi. Leoparduſ, ut vox compoſita notat, naſcitur ex pardo & leæna. Obſervat Bochartuſ vocem illam non ante Conſtantini magni tem-

pōra

pora auditam esse. B. Hieronymus leopardos appellat, qui tantum pardi erant.

Ursus animal est villosum, cujus os patulum, in posteriores pedes insurgens, & priorum amplexu suffocans & conterens quem hostem invasit. Pedes autem anteriores ejus manuum formam imitantur. Inter omnes feras nihil est ursa sævius, cum perdidit catulos, vel indiguerit cibo.

Lupus animal est rapax. Vespere prædatum se confert. Vespertini lupi dicuntur in Scriptura qui actu prædantur, & sæviores sunt nocte vicina; nimirum quia tota die fame ad rabiem concitati sunt. Hyæna animal est lupo simillimum. Pelle autem & oculis varia est hyæna. Mille, inquam, oculis ejus sunt varietates, sive colorum mutationes. Pellis splendidis coloribus, florum instar distincta est. Quod Jeremias (Cap. 12. v. 8.) appellat *Tseboa*, non aliud animal esse quam hyænam contendit Bochartus. Juxta Græcos interpretes, vox illa colorum varietatem indicat. Aliis avis est tincta sive varia, qualis est pavo.

Vulpes animal notum: vescitur cadaveribus; ideo portio dicuntur vulpium hi quorum insepulta cadavera in cibum feris relinquuntur. Vulpes delectantur uvis; hinc in Canticis (Cap. 2. v. 15.) *Capite vulpes, qua demoliuntur vineas*. Habitant in solitariis locis; quin, ut lateant magis, in ipsis terræ visceribus lustra habent sua. Versutas esse & subdolas experimento patet; inde vulpes solent appellari quorum mens versuta & subdola est. Si quis quærat unde Samson trecentas vulpes nactus fuerit, quarum caudæ illigans lampades accensas, messes, oliveta, & vites Philistæorum exussit, respondebo magnam in illis locis fuisse vulpium copiam; aded ut pleraque loca ab illis nomen suum acciperent, ut *terra Sual*, id est, *terra vulpis*, *urbs Hazer Sual*, quasi atrium vulpis.

vulpis. *Schual* Hebræis est quod *vulpes* Latinis. Videtur hoc facinus pervenisse ad aures Romanorum, qui festum celebrare, cujus meminit Ovidius in quarto Fastorum, in memoriam similis eventus: involutas palea & fœno sinebant per circum discurrere, postquam his admoverant ignem.

Animalia quæ in Codice Hebræo dicuntur *Tsim*, habentur à Bocharto pro felibus feris, sicut *Iim* pro animale quod lupo minus est; luporum enim genus est, brevitæ crurum dissimile, velox saltu.

Onagii, ut nomen indicat, sunt asini feri, sive sylvestres, qui domari non possunt, & solitudine delectantur. Indè homo onager ille est qui ferus, rudis & indocilis est.

Cervus habet pedes firmos & agiles, tam in saltu quàm in cursu; undè dicitur in Psalmis Deum præparasse *pedes cervorum* his qui ejus auxilio fugerant ex periculis. Certum est cervas esse difficilis partus: cùm ergo illæ pavore percussæ statim enitantur, inter mirabilia tonitruum effecta regius Psalter (Psalm. 28. v. 9.) enumerat, quòd partum cervarum promoveat. *Vox Domini præparantis cervos*. Tonitru autem appellatur à Psalte *vox Dei*. Cervi in pilis & toto corpore aliquid habent quod mirè placet. Veteres in primis his maximè delectati sunt. Testis cervus ille apud Virgilium, quem pectebat Sylvia, & puro in fonte lavabat, intexens cornua fertis. Ergo non mirum est, si uxor viro suo grata & accepta vocetur à Salomone (Prov. cap. 5. vers. 19. cap. 14. v. 5.) *cerva amorum*.

Vocem *Akko* quæ in Hebræo fonte Deuteronomii legitur, reddunt Græci interpretes & Vulgatus *tragelaphum*, id est, *hirco cervum*. Plerique conveniunt *Akko* esse hirci speciem. Placet Rabbi Salomoni esse *Ibicem*, quod animal vernaculè dicimus *Bouc estain* ital. *stambecco*. In eodem loco Deuteronomii occurrit



rit vox *Dison*, quam Græci interpretes & Vulgaris interpretantur *pigargum*; quod animal est inter damarum aut caprarum genera: Nomen habet, ut vox Hebræa indicat, à colore suo cinereo. Pariter in loco citato Deuteronomii appellatur *zemer* animalis quoddam genus. Græci & B. Hieronymus interpretantur *camelopardalim*: Est autem hoc animal capite camelino; collo equino; pedibus; caudâ & cruribus bubulis; albis virgulis rutilas maculas distinguentibus, quarum gratia inditum est ei nomen *camelopardalis*: Ejus posteriora humilia sunt anterioribus; ita ut à cauda sedere videatur: Collum verò rectum est & in altum erectum. Animal rarum est & serò notum; in iis enim locis procreatur, quæ non remota solum, sed tam inaccessa sunt, ut ea crediderint veteres prorsus esse inhabitata. Cum ergo parum verisimile sit innotuisse Judæis, tempore Moïsis, cur ille animalis ignotum permisisset? Verisimilius est *zemer* capræ esse aliquod genus. Denique in eodem allegato loco Deuteronomii vox *jachmur* redditur à Græcis interpretibus & à Vulgata *βίβαλος bubalus*. Sed advertendum est olim vocem *bubalus* non acceptam pro bove ferò, ut nunc fit. Capræ genus erat; itaque *jachmur* capræ aut cervi genus est.

*Jaal* sive in plurali *jaalim*, alii cervum, alii *damam* exponunt, alii *capream* aut *capreolum*, alii *ibicem*, alii *rupicapram*, alii *tragelaphum*, alii denique *hircum sylvestrem*. Ex iis quæ sacri Codex habet de *jaalim*, colligitur non aliud esse animal quàm ibicem, qui jugâ excelsiora montium incolit; Gallis & Germanis *Bouc eslain*, sive hircus petræ, Italis *Stambecco*. Rupicapræ rupes quidem montium incolunt, sed non summas, ut ibex. Hoc ce animal ingentia cornua habet à capite usque ad nates protensa. Mirandæ pernicietatis est, quamquam oneretur caput vastis cornibus. Ut fugiat venatorem, sese dejicit deorsum ex locis  
excel-

excelsis, sed dorsum admovent rupibus, eum defendunt cornua ejus, à capite ad nates producta.

*Opher* sumitur in Cantico Salomonis pro caprea aut cervæ hinulo.

*Tsebi* Hebræis caprea est; quam vocem Chaldæi efferunt *Tabitha*. Hinc *Tabitha*, puellæ nomen à Luca (*Act. cap. 9. v. 36.*) Græcè redditur *Δορὰς*, *Dorcas*, id est, *capra*. Quæritur cur in Canticis Sponsus cum caprea toties confetatur. Rationem ferè omnes Interpretes reddunt, quia caprea animal sit perspicacissimum; undè Græcum nomen *Δορὰς* illi inditum à verbo *δρᾶν*, quod idem sonat ac *videre*; sed cum hæc allegoria Græci capreae nominis etimologia nitatur, non textu Hebræo, & de sponsi saltibus, aut fuga; aut reditu agatur, nihil aliud puto respici, quàm capreae in cursu aut saltu agilitatem: cui similis sponsi alacritas, & exequendi celeritas ac facilitas, quidquid agat aut molietur.

*Reem* vel *rem* vetustissimi Interpretes *monocerotem* esse voluerunt, id est, animal *unicornu*. Multa autem animalia celebrantur unicornia. Præter rhinocerotem, qui habet cornu in naso, sunt equi & asini, boves Indici, quibus unicum cornu est in fronte, si fides faciendâ sit antiquis Scriptoribus. Neque enim ulli visa sunt illa animalia unicornia in India & aliis regionibus, quæ navigantibus nunc perviæ sunt. A plerisque monocerotes recensentur inter Chimeras. Itaque Scriptura non fecisset toties sermonem de animali ignoto, nec ab eo similitudinemsumeret. Quin nec unum cornu videtur dare animali, quod *reem* appellat; loquitur enim de cornibus ejus in plurali. Cum autem dicat David à Deo exaltandum esse cornu ejus, ut *reem*, supple cornu vel cornua, necesse est ut animal illud, quaecumque fuerit, cornua excelsa habuerit; undè jure colligitur non esse Rhinocerotem, cujus cornu depressissimum. Neque  
etiam



etiam Uri sunt, sive boves sylvestres, ignota animalia in terra Israelis. Ergo *reem* videtur esse bicornis caprea aut *orix*. Vocem illam notat Bochartus accedere ad nomen Arabicum quarumdam caprarum, quarum cornua longa, acuta & fortia sunt, ea re præstantes sive discrepantes à capreis, quæ ordinariæ sunt. Tale est capræ illud genus, quod dicitur *Orix*, cujus cornibus pro armis utuntur Æthiopes, Strabone teste. *Orix* alio hoc-ce nomine appellatur in Scripturâ *Theo*, vel *Tho*.

Quod animal appellatur in Hebræo Codice *porcus de sylva* est aper, qui infestus & noxius est agris, quos vastat, ut patet in apro illo Calydonico, quem Ovidius describit. Psalmista (*Psal. 79. v. 9.*) describens res adversas Judæorum, comparat eos vineæ, quam vastaverat porcus è sylva, id est, aper. Ex Ovidio discimus apros in juncis palustribus degere; quare feras arundinis, de quibus loquitur idem Psalmista (*Pf. 78. v. 31.*) opinor non alias fuisse quàm apros.

*Simias* advexerat in Judæam classis Salomonis. Vocem enim Hebræam *Kaphin* Interpretes reddunt simias magno consensu.

*Arnebeth* Hebræorum est animal immundum & prohibitum. Ipsi Hebræi illud pro lepore habent. Placet aliis esse cuniculum. Lepus ab Arabibus dicitur *arneb*; undè deducit Bochartus *arnabeth* verè esse leporem: putat autem idè prohibitum in lege, quia proclivis est in libidinem.

*Sapham* Hebræorum est cuniculus juxta aliquos: aliis videtur majoris muris genus, aliis chærogryllus, aliis hericius, aut hystrix. Sunt qui sic describunt chærogryllum, quem & erinacium appellant, ut formam habeat porcelli spinosi, vernaculè *porc-espi*, ital. *Riccio*.

*Achbar* Hebræorum murem agrestem sonat, qui agrorum perniciēs est. Ergo mures illi qui Philistæorum,

rum, dum captivam arcam tenerent, agros populati sunt, agrestes erant, nempe ex agris ebullierant; quod non semel contigit. Quin propter multitudinem horum murium agrestium nonnullos populos mutasse sedes historici referunt. Non itaque *achbar*, quivis mus est, sed certa species, nempe muris agrestis. Plerique tamen hoc animal habent pro mure domestico.

*Choled* Hebræum Hieronymo & plerisque aliis mustella est. Bochartus putat esse murem cæcum sive talpam: undè *achbar* & *choled*, ut congeneres, à Moyse conjunguntur. Nomen illud apud Syros & Arabas denotat talpam, & à verbo deducitur quod *fodere* significat. Fodiunt autem sibi larem talpæ sub terra.

*Kippod* Hebræum redditur à B. Hieronymo *hericius*. Alii tamen volunt esse testudinem, hi castorem, alii lutram. Sunt etiam qui contendunt esse avem. In hericiorum autem genere hystrix numeratur, spinas habens missiles; itaque porcus spinosus.

## IV.

*De quadrupedibus oviparis.*

Inter quadrupedia animalia quædam sunt ovipara. Horum sex species recensentur à Moyse, nempe *Tsab*, *Anacha*, *Coach*, *Letaa*, *Chomet*, *Thinsmeth*. Addi possunt *semamith*; sed ab *anacha* solo nomine differt: & *leviatan*, qui crocodilus est, & idè inter aquatica animalia numerandus. Ut de his pauca dicamus, primùm *Tsab* est crocodilus terrestris. Sic Hieronymus & Græci sentiunt. Contendunt alii esse bufonem vel testudinem. Crocodilus autem ille non est bellua Ægyptia magnæ molis, sed genus lacertæ in sepibus & maceriis commorari solitæ. Idè bellua Ægyptia dicta crocodilus, quod crocodilos terrestres similitu-

dine referret. Neque enim nisi mole sua dissimilis est lacertæ.

*Coach* redditur Græcis & Hieronymo Chamæleo. Nomen Hebræum, quod idem sonat ac *robur*, indicat fuisse speciem robustioris lacertæ. Bochartus credit fuisse lacertam viridem, qui pugnax est. Et lacertæ genus est Chamæleo, ut modò dicemus.

*Letaa* juxta vetustos Interpretes *Stellio* est, lacerta maximè venenata, similis salamandræ.

*Chomet* est lacerta in arena degens; undè nomen habet. Hebræis enim *chometon*, quod Græcis *ἀμάρδιον*, arena est, ut sentit Bochartus.

*Thinsmeth* Græcis & Hieronymo talpa est. Bochartus probat esse chamæleonem, nempe lacertæ genus, sic ab Hebræis appellatum, quia ore semper hianti aerem ducat, quo solo vesci creditur, ut referunt auctores. Nomen Hebræum indicat *aspirantem* sive spiritum ducentem. Arabes adstruunt linguam hujusce animalis longam esse, quam emittit ut muscas à se distas capter. Dicitur in horas mutari, prout lux solis est vegetior, aut calor ejus intentior. Sed & in metu, aut si aliquid illi objicitur, alios colores induit.

*Semamith* Græcis interpretibus est *καλαβώτης*, id est, stellio; quod & sequitur B. Hieronymus. Nomen autem habet illud reptile, quia variis quasi stellis, sive stillis, *distinctum* est & varium.

## V.

### *De avibus mundis.*

Jam de avibus agam, primùm de mundis, initium ducens à columba, de qua plura habent Sacri Scriptores, quàm de reliquis omnibus simul sumptis. Si Hebræis credimus, columba erat Assyriis pro vexillo-

xillorum symbolo; undè in Prophetis *ira columba; gladius columba*; ira est & gladius Assyriorum. Ex Gentilium libris discimus columbam fuisse in multo cultu apud Assyrios. Pennæ columbarum tum argenti candorem; tum pallorem auri referunt. Oculi columbarum puri & venusti sunt. Pleraque lacte videntur lotæ; adeò candidæ, sunt aut munda. Undè inter symbola integritatis & munditiæ recensentur. In voce columbæ aliquid querulam & gemebundum sonat; ideò & amoris symbolum est; sicut & simplicitatis; juxta aliquos qui falsò putant columbas carere felle. Ego verò ut alibi evinco; *simplicitas* in Evangelio idem sonat ac *integritas*. Munda est columba; ut qui integer vitæ; scelerisque purus sit, jure huic assimilari possit. Diu & procul volat columba; undè ex Arca emissa à Noacho: quæ docilis & homini amica, ad nidum suum redit ex locis remotissimis; quare pro tabellaria fuere qui uterentur.

Plura dicere de columba non opus est; adeò enim notæ, ut quicumque in Scripturis de illa sermo fiat; obscurus esse non possit. Id unum addam, quod narratur quarto Regum (*Cap. 6. v. 25.*) Samaritæ famis tempore quartam partem cavi stercoreis columbarum venditam fuisse quinque argenteis. Quæritur ad quos usus illud stercus? Alii dicunt Samaritanos urgente fame hoc stercus in cibum adhibuisse; alii pro ligno usos; alii ut stercorearent agros in urbe inclusos, & sic futuræ fami prospicerent; alii stercus illud fuisse pro sale. Bochartus observat quoddam cicere genus appellari ab Arabibus stercus columbinum, quia forma sua illud legumeni forsitan referret stercus columbinum. Cibus tam leguminum quàm frugum, tum & cibi diurni mensura erat. Porro inter cibos usu receptos vix quidquam est cicere vilius. Undè Horatius, *Nec sis quid fristi cicere probat aut macis emptor*. Ergo ingenti fame premebantur qui tanto

pretio mensuram diurnam vilis cibi comparabant,

Quam avem fons Hebræus appellat *deror*, non esse hirundinem, sed columbæ feræ speciem, nempe turturem aut palumbum contendit Bochartus. Ut dicit Jeremias ( *Cap. 8. v. 7.* ) *Milvus in cælo cognovit tempus suum, turtur & hirundo & ciconia custodierunt tempus adventus sui.* Aves migratorias esse indicat Propheta. Experimur singulis annis hirundines vere novo ad nos redire, postquam tota hieme abfuerunt. Plinius observat notabili munditia hirundines egerere excrementa pullorum ex nido; adultioresque circumagi docere, ut foras saturitatem emittant. Hinc factum est, ut ex nido hirundinum dormienti Tobia calida stercorea inciderint in oculos ejus. Nidum enim hirundo sæpius locat intra ipsos ædium thalamos.

Nulla avis grue vocalior est; idè Ezechias in morbo ejulans cum grue confertur.

*Kore*, cujus mentio fit in Scriptura, non significari perdicem, ut hætenus creditum est, sed rusticulæ vel gallinaginis genus Bochartus probat. Ex iis quæ de hac avi innuuntur in sacro Codice ( *1. Reg. cap. 26. v. 20.* ) colligere est avem esse montanam. A Græcis Interpretibus redditur nicticorax, sed huncce locum aliter quàm nunc habet textus Hebræus, illi legebant. Græcus & Latinus Interpres Jeremiæ ( *Cap. 17. v. 11.* ) perdicem reddit, quam plerique sentiunt aliena ova suffurari & fovere, & pullos ex iis natos sibi vindicare tanquam suos.

*Coturnices* alioqui notæ, idè celebres sunt in Scriptura, quia Deus his pavit Israelitas, in quorum castra vento excitato complurimas immisit. Aves sunt migratoriæ, quas ut aquilones autumnò à nobis avehant, ita austri vere ad nos revehant. Miram esse ubertatem coturnicum in Arabico sinu asserit Josephus. Cum advolant in Italiam, ut Plinius adstruit,  
harum

harum numero aliquando merguntur navigia, dum illæ velis insidunt. Non incredibile ergo tantam cornucopiam immixtam fuisse in castra Israelitarum.

De gallo & gallina in Scriptura mentio fit; quid autem de illis dicere possem, prius ignotum?

Aves *thonciim*, quas classis Salomonis singulis trientibus advehebat, sunt pavones, juxta plurimos Interpretes. Alii volunt esse psittacos. Non prætermittendum silentio vocem *tsippor*, quæ qualvis aves significat, accommodari à vulgato Interprete passeri; si ve quod textus originalis dicit de *tsippor*, id est, de omni avi, intelligit de passere; ut *transmigra in montem sicut passer* (Ps. 10. v. 1.) id est; sicut avis. Ita ubi in Vulgata pro leproso offerendi erant passeret, intelligi possunt quæcumque aves munda.

## VI.

### *De immundis avibus.*

Immundas aves eodem ordine proponam, quo Moses de illis differit in Levitico (Cap. 11. v. 13.) & in Deuteronom. (Cap. 14. v. 2.) Prima omnium est aquila, rex avium, rostro & unguibus insignis. Penitus in aquilis renasci insinuat Scriptura non uno in loco, ut *renovabitur ut aquila juvenus tua* (Psal. 102. v. 5.) Alas aquilæ commendat Scriptura à magnitudine. His rapidissime fertur, & summo impetu, maxime cum in prædam ruit. Nulla alia avis sublimius sese effert; & huic proprium est ut maximo sit affectu erga pullos suos, quos dorso suo excipit, dum addocet volare, & illi se credere cælo non audent.

In censu immundarum avium *peres* est ordine secunda. Græci & Hieronymus reddunt *gryphum*. Bo-

*pharrus* vult esse speciem aquilæ, quæ ossifraga appellatur, ut putat à verbo Hebræo *paras*, id est, *frangere*, undè factum est *peres*.

*Ornias* in immundis avibus tertia est; *halicatus* Græcis, B. Hieronymo & pluribus aliis. Bocharto *Melaneatus* est, sive *valeria aquila*, quæ robustissima est.

*Daia* avis, quæ & *Raa* scribitur, juxta Hieronymum & alios, milvus est. *Aja* vultur est. Speciem verò accipitris esse mavult Bochartus, qui *daia*, milvum Hieronymo, habet pro vulture nigro. Vultures aves sunt gregales.

*Corvi* nigredine sua sunt conspicui. Nemini ignotum hos vesci cadaveribus. Pullos suos robustos expellunt nido, qui deinceps victum sibi quærere coguntur. Ad hoc potuit alludere Psalter (Psalm. 146.) cum canit *qui dat jumentis escam ipsorum, & pullis corvorum invocantibus eum*; in fonte, *qui clamant*; nempe clamor ob necessitatem emissus petitionem imitatur. *Coryi* habitant loca deserta; idèd his usus est Deus pascendo Eliæ, dum moraretur in deserto.

*Bath-jaana* est alitis genus amans solitudinem, cujus vox tristis & feralis. A Græcis Interpretibus quandoque redditur *siren*; sed ut plurimum *struthio*. *Bath-jaana* feminam credit Bochartus, cujus mas dicitur à Mose *Thachmas*. Hieronymus verò & Græci *Thachmas* interpretantur *Noctuan*. Avium porò nulla est, quæ nomine impietatis tam malè audiat quàm *struthio*. Cæteris ova fovere & pullos educare curæ est; hæc ova sua, ut Job (Cap. 39.) narrat, derelinquit in terra, ut in pulvere calefiant (Africana autem avis est) nec cogitat futurum ut illa pes conterat, & agri bestia comprimat. Duram se exhibet erga pullos suos, ac si non essent sui. Proinde Jeremias (*Lament. c. 4.*) similis immanitatis à *struthione* sumit exemplum. Harum avium alacritas ex  
alis

alis tota pendet; quamvis enim ad volatum sint iis inutiles, tamen illas dum currunt mirè juvant, & sunt tanquam vela in navi. Indè Job (Cap. 39.) in fonte Hebræo dicit *struthionem exultare aliis*. Nulli alteri avi in pennis tanta pulchritudo, quibus milites galeas suas ornant. Struthio avis procera est. Quando surgit, superat equum & sessorem ejus. Collum habet longissimum, & speciem mixtam ex avibus & camelis. Ex camelo enim collum & pedes sumpsit; ex ave rostrum, alas & plumas.

*Sachaph* Græci, Hieronymus & alii explicant larum, vernaculè *movette*, ital. *folaga*.

*Nets*, id est, accipiter; ita enim reddunt omnes Interpretes summo consensu. ▲

*Chos* nomen avis, aliis nicticorax, aliis upupa, aliis noctua, aliis bubo viderur. Nocturnæ autem aves sunt noctua, bubo ulula, pro quo nomine *ulula* potuit facilè irrepere in Vulgatam *Upupa*. Nocturnæ illæ aves tam sunt inter se similes, ut passim à Scriptoribus promiscuè sumantur. Nomen illud *chos* derivari potest à verbo quod sonat *latere*. Aves nocturnæ per diem latitant. *Chos* etiam Hebræis sonat valis quoddam genus. Avis autem est Latinis & Græcis dicta onocrotalus, cujus in faucibus inest alterius uterique genus. Huc omnia congerit; mox perfecta rapina, sensim indè in os revocat, ruminantis modo. Vocem habet valdè absonam; proindè Græcis dictus est *ὄνοκρόταλος onocrotalus*, quod collum in aqua mergens, spiransque, veluti rudicum asini edat.

*Salach* à Græcis redditur *catarrhaste*. Avis est certe speciei, cui peculiare est hoc nomen. Solet ex alto in aquas se dejicere; undè suum nomen habet. Vescitur piscibus. Hieronymus *salach* interpretatur *mergulum*.

*Janfuph*, de qua Isaias (Cap. 34. v. 11.) redditur



*ibis* à Græcis Interpretibus & ab Hieronymo. Bochartus putat esse bubonem; tum quia Isaias dicat *Jansuph* reperiri in Idumæa: Ibis autem avis est Ægyptia, quæ extra illam non vivit; tum etiam quia *Jansuph* videtur deducendum à *Neseph*, quod crepusculum & tenebras sonat. Prædicabat Isaias Idumæam fore desertam. Deserta autem, inquit Plinius, bubo incolit, nec tantum desolata, sed dira etiam & inaccessa, noctis monstrum. Idem Plinius inter aves inauspicatas corvum & bubonem numerat; quas aves Isaias dicto loco conjungit.

*Thinsmeth*, vox ipsismet Hebræis valdè ambigua. Nam in Levitico (cap. 11. v. 30.) est inter lacertorum species; at ejusdem capituli versu decimo octavo, avis immundæ genus est. Græci *porphiriona* explicant, avem aquaticam, sic dictam à colore rostri & pedum. Hieronymus interpretatur cygnum. Bochartus cum aliquibus Rabbiniis putat esse noctuam, cujus insolita forma reliquæ aves obstupefcunt. Vocem *Thinsmeth* acceptam in hac significatione deducunt à verbo Hebræo *samam*, quod *mirari* significat.

*Kaath* in Psalmo centesimo primo Græcis est pelicanus, & Hieronymo, quamvis alibi reddat onocrotalum. Erymon hujus vocis *Kaath* est verbum *Kaath*, id est, *vomere*. Pelicanus conchas jam absorptas revomit, postquam calore ventris apertæ sunt, ut ex iis esculenta legat. Ardearum generi adnumeratur pelicanus, qui & congener est onocrotalo, de quo suprà diximus, exponentes quid sit *chos*. Has duas aves *chos* & *Kaath* conjungit Psalter loco allegato; ubi ratione planctuum suorum & gemituum, his duabus avibus se confert. Constat Ardeæ esse genus, quæ *Butaurus* vulgò dicitur, quæ boum mugitus imitatur, caput immergens aquis, & spirans, quod & onocrotalos facere vidimus.

*Racham* mentio fit in Deuteronomio (cap. 14. v. 17.)

Græcis

Græcis & Hieronymo est cignus. Bochartus ex Arabica lingua probat *Racham* esse vulturis speciem, qui vultur non multum aquilæ dissimilis.

*Hafida* multis in locis Hieronymus milvum reddit cum Symmacho. Septuaginta Græci Interpretes & Vulgatus interpretantur *Herodiam* vel *Herodionem*, id est, ardeam, quæ est avis aquatica, cujus aliqua species non dissimilis ciconiæ. Nomen *Hafida*, quod sonat misericordiam & benignitatem, convenit ciconiæ, quæ dicitur pia erga parentes, quos alit ubi senescere. Licet autem ardea & ciconiæ sint aves aquaticæ, tamen in celsis locis nidulantur. Ciconiæ sunt aves migratoriæ, quæ certo anni tempore adveniunt; undè laudantur in Scriptura, quod tempora sua noverint; & quia alæ illarum ad volatum instructissimæ sint.

*Anapha* redditur in Vulgata *charadrion*; cui avi nomen fecerunt *χαπάδας*, id est, hiatus prope amnes & torrentes, in quibus nidificat hæc avis. Bochartus ex nomine Hebræo *Anapha* avem esse iracundam colligit; & idèd putat speciem aliquam aquilæ esse. *Anaph* idem Hebræis sonat quod *irasci* Latinis. Alii interpretantur ardeam, milvum.

*Dukiphath* Græci & Latinus Interpres explicant upupam, quæ & alio nomine vocatur gallus sylvestris, aut gallus saxatilis. Syris *dik* est gallus, & *cepha* petra; undè factum nomen *duki-phath*. Idèd autem *upupam* immundam habitam verisimile est, quia nidum facit ex humano stercore, quo nempe pro luto illinit nidum suum; præterquam ex cæno & sordibus passum petit.

*Atalleph*, trajectis litteris *Aphalel*, id est, avis tenebrarum, nempe vespertilio, qui vespere tantum se ad volatum noctis præparat. Alæ ejus pellitæ. Lacte nutrit quos generat; idèd naturæ ambiguae: medium locum tenet inter aves & quadrupedes. Ut ab  
aqui-

aquila regina avium incepit Moyses, ita in vesperatione desit.

Phœnicis avis nulla fit in Scriptura mentio. Attamen sunt qui memoratum contendunt à Job in capite xxiv. vers. 8. ubi in Vulgata est: *in nidulo meo moriar, & sicut palma multiplicabo dies meos*. In versione Græca: *etas mea senescet sicut truncus palme, multo vivam tempore*. In fonte autem Hebræo: *& apud meum nidum expirabo: & sicut arenam multiplicabo dies*. Nomen Hebræum significat quidem arenam; sed Judæi volunt hic accipiendum pro phœnice ave, quæ producit vitam in mille, ut inquit, annos.

## VII.

### De serpentibus.

*Ephe* videtur esse *vipera*, cujus morsus vastissimis etiam belluis sunt lethiferi. Vivipara est. Cæteri serpentes ova pariunt; sed animal parit sola vipera: verum, ut testantur Scriptores, ubi ova intra se peperit mox animalia gignit. Quia in Scriptura vix quidquam de una specie serpentum dicitur, quod non sit omnibus commune, indè fit ut Interpretes non sibi consentiant, dum nomina Hebræa interpretantur. Ergo viperae nomen potuit patere latius, atque indè fieri quòd vocem *ephe* in tam diversa significata distribuunt Interpretes. Conjicit Bochartus voces *chephir* & *sachal* non solum leonum, sed & serpentum esse nomina. *Achsub* est aspis. Illa se contorquet, & describit sinuosa volumina, ex quorum veluti centro pugnat, caput attollens; idè quia spiris suis efficit quasi aspidem, id est, clypeum rotundum, aspis dicitur. De hac in Psalmo cxxxix. dicitur quod habet venenum sub labiis; quod verum est de vipera, quæ circa dentes

tes habet vesicās plenas succo, quem infundit in vulnus, quod mordendo infligit. *Pethen* etiam Interpretes explicant aspidem. Immedicabilem esse aspidis morsum asserunt; unde Psalter canit (*Psal.* 13. v. 3.) *Venenum aspidum sub labiis eorum*, nempe lethiferæ criminationes. Surdam esse aspidem falsum; sed aures obturate, ut vim incantationis prohibeat, antiquitūs creditum; locus autem Psalmi 57. de aspidē obturante aures suas sic intelligi potest, ut ille serpens non magis incantantium carminibus afficiatur, quā si vel surdus esset, vel auribus obtusis. Magos olim carminibus suis sive certis vocibus vim nocendi suam eripere potuisse serpentibus certum est; sed illis quandoque ars non cedebat: tunc magis timendi serpentes. De tali serpente, cuius venenum non posset incantationibus extinguī, loquitur Psalter. Tales illi de quibus Jeremias (*cap.* 8. v. 17) *Mittam vobis serpentes regulos, quibus non est incantatio.*

*Tsebon* est serpens varius, quem hyænam vocarunt Græci & Ægyptii: etenim vox illa Hebræa propriè *tinctum* aut *pietum* sonat; ut serpens alius esse non possit, quā qui variis coloribus distinctus est. Quam *vallem Seboim* appellat Vulgatus Interpres (*1. Reg. c.* 13. v. 28.) alii dicunt *vallem serpentium*, qui *Seboim* dicuntur, nimirum Hyænarum.

*Tsimaon*, quod nomen occurrit in Deuteronomio (*cap.* 8. v. 15.) redditur Hieronymo *dipsas*, qui serpens genus est viperæ; sed hoc-ce nomen *Tsimaon* non esse Dipsadem, sive nomen animalis, sed siticulofum locum probat Bochartus.

*Tsepha* vel *tsiphoni* est Regulus vel Basiliscus, qui non solo morfu, sed visu & sibilo nocet.

*Kippoz*, cuius meminit Isaias (*cap.* 34. v. 15.) redditur à Græcis, ab Hieronymo & pluribus aliis *Herycius*; suadente scilicet soni vicinitate, quia *Kippoz* non multum differt à *Kippod*, quod apud Hebræos nomen

nomen est *Hericii*. Bochartus contendit esse serpentem *Acontiam*, sive *jaculum*; nam nomen Hebræum significat rem subsilientem, qualis est serpens *jaculus*, sic dictus quia jaculorum instar impetu fertur.

*Sephiphon* est *cerastes* & *Hæmorrhous*. *Cerastes* latet in arenis, aut etiam in rotarum orbitis, præpe viam, ut inde viatoribus insidietur. Huic ergo serpenti Jacob assimilat filium suum Dan (*Gen. 39. v. 17.*) *Fiat Dan coluber in via, cerastes in semita, mordens ungulas equi, ut cadat ascensor ejus retro*. *Cerastæ* arenam colore referunt; ut vix dignoscantur, & plerique imprudentes illos calcant. *Hæmorrhous* autem non ab-ümilis est *cerastæ*, uterque species viperæ: utrique color arenosus & maculosus; etiam cornua habet, ut *cerastes*. Quin à cornibus suis Græci denominant.

*Saraph* esse Hydrum & chersydrum, à quibus morsu Israelitæ aspectu ænei serpentis sanati sunt, verisimile est. Latinus Interpres & alii intelligunt *saraph* esse ignitum serpentem, quem Græci *Presterem* sive *causonem* appellant, vel propter igneum colorem, vel quia urit veneno suo. Scilicet post morsum *Presteris*, statim per membra sparguntur pustulæ urentes: Morsus accidit tumor, & dolor continuus & ardens. Hæc conveniunt hydro, qui habitat in paludibus; quæ cum exsiccatae sunt, & in sicco degere cogitur, fit *chersydrus*, id est, hydus ἐν χέρσιν in sicco degens: tunc verè est *saraph*, id est, *ardens*. Loquitur Isaïas de *saraph* volante sive alato. Memorant authores in Ægypto serpentes pennatos, qui hydrorum speciem habeant. Constat certis testimoniis alatos serpentes reperiri, quibus pennæ insunt, quales vespertilionibus. Tales potuit Deus immittere in Israelitarum perniciem. Idèd autem Deus formam horum serpentium ardentium ære jussit exprimendam, quia æs maxime in Oriente ignitum sive fulgidum erat, & idèd idoneum ignitis sive ardentibus serpentibus exprimendis.

Plutar-

Plutarchus in libro VIII. Symposiorum quæstione IX. mentionem facit morbi, quo videntur ægrotasse Israelitæ læsi à serpentibus. *Maris rubri incolæ affectionibus novis & nunquam auditis tentati sunt. Nam draconculi quidam parvi crura & brachia edentes eruperunt, qui si tangebantur, statim emergebant, atque musculis infixi minimè tolerabiles inflammationes pariebant.*

*Thannin* duo significat, nempe *Draconem* & *Cetum*, ac si cetus sit draco marinus. De quovis serpente interdum hoc nomen usurpatur. Porro *Dracones* à serpentibus mole præsertim differunt. Visos *Dracones* longitudinis plusquam sexaginta cubitorum historici asserunt.

## VIII.

### *De insectis animalibus.*

*Locustæ* decem nomina habent in Scriptura. Primum appellantur *Arbe*, nempe à copia, cum nulum animal sit fecundius. Derivatur *Arbe* à *raba*, id est, multum. Secundum locusta dicitur *Gob*, à verbo *gab*, quod apud Arabes sonat *è terra emergere*, seu *scaturire*. Locustæ cum pariunt, primum fiunt vermes ovorum specie, qui terra quadam prætenui tanquam membranula ambiuntur, unde evolant: Tertium locustæ genus dicuntur *Gazam*, à voce *gazaz*, quod *tondere* est & *abscindere*; præacutis enim suis dentibus non solum gramen, sed & segetes atque arborum tenuiores ramusculos ita corrodunt, ac si amputarent. *Gazam* autem interpretatur Hieronymus *Erucam*. Quartum locustæ genus nominatur *Chagah*. Quintum *Chanamal*. Sextum *Chasil*, à verbo *chazal*, quod *consumere* significat. Septimum *Chargol*. Derivat illud Bochartus à verbo Arabico, quod sonat

sonat *longa serie ferri*. Non semel locustarum examina integros Poloniæ tractus devastarunt. Octavum *Jelek* è *lingendo*, quia lingua sua lingit sata & fruges. Nonum *Solam*. Chaldaicè autem *solam* est *vorare*, *absumere*. Decimum *Tsolat-sal*, à *tsallal*, quod est *tinnire*, nempe ab alarum strepitu; vel à *tsellel*, *umbra*. Tanta locustarum examina per aerem visa sunt volitare, ut diem eriperent: Attamen in Deuteronomio (Cap. 28. v. 42.) *Tsclatsal* redditur à Græcis *τρωϊσεν*, à vulgato *Rubigo*.

Hæc decem locustarum nomina indicant diversas species, ut ex Joelis (Cap. 1. v. 4.) textu originali patet ubi residuum *Gazam*, comedit *arbe*; & residuum *τῷ arbe* comedit *Jelek*; & residuum *τῷ Jelek* comedit *chafil*. In Levitico (Cap. 11.) quatuor numerantur locustarum species; nimirum *arbe*, *jolam*, *chargol*, & *chagah*; quibus omnibus hoc commune est, quod sunt *alatae* & *quadrupedes*, & ad esum concessæ. In vulgata nostra occurrit non rarò *bruchus*, qui species est locustæ, à Græco *βρύχος*, quod nomen Græcum fit à verbo *βρύχαιν*, quod sonat *edere*. Etiam in Vulgata inter species locustarum numeratur *Attacus* & *ophiomachus*, id est, *pugnans cum serpentibus*. Porro locustæ tanto volant permarum stridore, ut alites esse credantur; unde Joannes in Apocalypsi (Cap. 9. v. 9.) *vox alarum earum*, loquitur de locustis, *sicut vox currum equorum multorum currentium in bellum*. Quid locustis innumerabilius & fortius, quibus humana industria resistere non potest? Tanto ordine volitant, ut ne puncto quidem ungueve transverso declinent. Hoc nuper in hac Provincia Palæstinæ vidimus, verba sunt B. Hieronymi. Ex iis intelligere est quantum potuerint nocere Ægypto locustæ, quas Moses excitavit. Ventorum autem impetu earum examina huc vel illuc impelluntur, Deo ordinante, qui illis insectis plerumque usus est ad edoman-

edomandos hostes suos. Inter locustas plures munda sunt, ut diximus, & hisce plerique populi in Oriente etiam tunc temporis vescuntur. Ergo Joanni non fuit peculiare, quod locustis & agresti melle, sed quod cibus uteretur, iisque forte oblati. Plurimum de locustis sermonem fecimus, quia creber de illis in sacro Codice sermo.

De muscis pariter loquendum; quarum septem species in Scriptura numerantur. 1. Musca propriè dicta. 2. Apis quæ mel & ceram conficit. 3. Vespa & crabro; sola enim magnitudine differunt; crabro major; utriusque aculeus timendus, venenum enim in vulnus infundunt. 4. Oestrum seu asilus. Solet genus illud muscæ agitare boves, equos, & alia animalia. Bos percussus cestro non amplius sui compos est: omni jugo excusso in devia fertur, tanquam rabie percitus. 5. Canina musca, Græcè *κυνόμυια cunomia*, quæ censetur inter muscarum species. Sed B. Hieronymus vult legi in Græca versione *κοινόμυιαν cenomiam*, quasi dicat omnem muscam, aut mixturam muscarum. In fonte Hebræo est vox *arob*, quæ idem sonat ac *colluvies*, *mixtura*; idè vulgata habet non *cunomiam*, *cenomiam*. 6. Culex, quem tuba & lancea esse armatum Tertullianus eleganter dicit. 7. Sciniphes, qui sunt palustres culices. Mirum est quod hujuscemodi bestiolis utatur Deus, ut vindictam repetat ab hostibus suis. Sic *cunomias*, id est, muscas canes, vel *cœnomias*, id est, colluviem muscarum immisit in Ægyptios. Quæ verò bestiolæ dicuntur in Vulgata nostra *ciniphes* vel *sciniphes*, quibus affecit Deus Ægyptios in fonte *cinnin* (*Exod. cap. 8. v. 17.*) à plerisque non habentur pro muscis, sed pro pediculis, quibus vilibus & contemptis animalibus castigatos voluit Ægyptios, inquit Philo. Pediculos non solis hominibus, sed & pluribus aliis animantibus adhærere certum est.

Puli-



Pulicis & mentionem facit Scriptura, cui se comparat David, se vilem homuncionem dicens ( 1. Reg. cap. 24. v. 15. ) De his-ce insectis & cæteris nihil dici potest quod ignotum sit. Notæ formicæ, & nota sapientia earum, in paranda annona æstatis tempore, pro ventura hieme. Conspicua araneorum in texendis suis cassibus ad capiendas muscas solertia. Casses autem sive fila araneorum, quæ retinent muscas, sed à vespis perrumpuntur, rem nullius pretii indicant. Quis ignorat & quandoque non expertus est à tineis pannos erodi & consumi? Tinea est vermis: verminum autem species diversæ; alii animantibus mortuis, alii arboribus etiam vivis inhærent. Scorpio in cauda aculeum habet, quo cutem aperit, & eadem plaga venenum diffundit. Corpus ejus figura est ovi, in quo caput ita conditum est, ut vix emineat.

## IX.

*De aquaticis animalibus.*

Supereſt ut de animalibus, quæ vivunt in aquis sermo à nobis fiat; & ille brevis, quoniam de paucis aquaticis animantibus agat Scriptura; & ea tantum attingamus, quæ non vulgo nota sunt. Cui autem ignotæ ranæ; & ex iis quæ centies expertus est in illis, sine ulla alia doctrina, non percipiat clarè quæ narrat sacer Codex de ranis, quas Deus excitavit è flumine Nilo, & in Ægyptiorum penetralia induxit?

Cùm Matthæus (cap. 12. v. 40.) dicat Jonam fuisse in ventre ceti, non decet intelligere cetum propriè dictum, quales Balæna, vel Pristis, aut Physeter, quæ ut ut vastæ belluæ, tamen gulæ meatus habent ita angustos, ut solidum hominem deglutire haudquaquam possint. Quin Thomas Bartholinus Danus asserit balænas

lænas nec in mari Mediterraneo, nec in mari Persico reperiri: & omnes balænx, quæ in Gronlandia nostra, inquit ille, & Islandia capiuntur, cujuscumque generis, etiam inusitata corporis mole, vastoque capite, ex cujus lingua sola decem octo tonnæ adipis exprimuntur, tam angustas tamen fauces habent, quæ vix brachium hominis capiant. Proinde ceti nomine piscem aliquem è cetaceis intelligi satius est; nempe piscis magnus erat, qualis canis marinus, cujus tria sunt genera; atque ex iis quidam sunt tantæ magnitudinis, ut cetis robustissimis meritò accenseantur. *Charcarias* alii vocant, ab asperitate dentium & acumine: alii *Lamias* & *Lamnas*, à gulæ vastitate *λαυός gula*. In horum ventriculo loricati homines integri reperti sunt. Citatus Bartholinus vidisse testatur exuvias *Charcariæ* longiores vicens pedibus. Ego ipse vidi caput *charcariæ*, cujus rictus ita amplus erat, sive fauces habebat tam patentes, & tam latum œsophagum, ut facilè hominem deglutire potuerit.

Apud Isaiam (cap. 27. v. 1.) mentio fit *Leviathanis* serpentis, quem Propheta *Veſtem* vocat. Bochartus conjectat esse *zyganam*, qui piscis gerit in capite jugum transversum librile; undè nomen Græcum. Quia verò pariter videtur habere formam mallei, dicitur & *piscis malleus*. *Leviathanis* nomine appellantur pisces cetacei sive magni, etenim magni pisces *cete* appellantur. Itaque de *Zygæna* potuit loqui Isaias; quem piscem vocant *veſtem*, quia ejus caput instar est vestis transversæ.

Cùm Tobias in Tigri flumine ablueret pedes suos, in se irruentem piscem vidit, quem excitatus voce Angeli comitis arripuit, & in siccum traxit; & carne ejus sale condita, cibos in decem dierum sibi & Angelo paravit, servato corde, cujus fumo dæmonium pelleret, & felle, quò albugines ex oculis patris abstergeret. Bochartus sentit piscem illum fuisse *silurum*,

M m

qui

qui inter pisces amnicos ratione molis, roboris & audaciæ faciliè primas obtinet. Immensa scilicet est huic voracitas, rictus oris maximè patens, labia aspera in limæ modum. Omne animal appetit, demergit nantes equos; ut non mirum sit si insurrexerit in Tobiam, & ille ad aspectum ejus expavevit. Carnes Siluri salitæ sufficere potuerunt in viaticum. Fel ejus adhiberi ad oculorum cicatrices, suffusiones & alias hebetudines medici scribunt. Suffitu quorundam piscium dæmones pulsos, sunt qui adstruant.

Sic *Behemoth* & *Leviathan* describit Job (cap. 40. & 41.) ut appareat esse bestias vastæ molis. Undè factum, ut plerique putaverint *Behemoth* esse elephantem: & *Leviathan*, balænam. Bochattus putat *behemoth* esse hippopotamum, & *Leviathan* crocodilum. Utrumque conjungit Job. Nomen *behemoth* significat belluam majoris molis, qualis est hippopotamus, vivens in aquis & in terra: depascitur enim frumentum & fœnum; idè Job de eo dicit, *fœnum ut bos comedit*: addit virtutem sive robur inesse umbilico ventris ejus. Neque enim telis trajici potest pellis ejus. Ossa illi firma sunt. Talis descriptio convenit hippopotamo. Deus applicavit illi, inquit Job, gladium ejus. In fonte *Hereb*, undè facta vox Græca *ἄρα*, latina *Harpe*, quæ significat gladios leviter curvatos, & falcibus similes. Dentes autem exertos habet, molliter flexos, acutos, prælongos, quibus tanquam *Harpe* vel ense curvato in modum falcis fruges demetit & corrumpit. Ideo à Græcis tribuitur illi *ἄρα Harpe*. Non timeret fluviòs, ut de eo dicit sacer Scriptor; videlicet qui & sub aquis vivere possit saltem diu. Capitur dolo: circa cubile ejus fossa excavatur, quæ obtegatur cannis & arena; ibi lateret arca in quam bellua decidens includitur. Hoc est quod dicit Job, *In oculis ejus quasi homo capiet eam*.

*Leviathan* & *Tharîn* promiscuè sumuntur ad significan-

ficandos dracones, quorum formam & flexum aliquo modo referunt, tum quoscunque magnos pisces; phocas, lamias, quorum aliqui mammas habent, & lactant parvulos suos, ut supra vidimus. Crocodilum autem & Leviathanis nomine describi in loco allegato Job, opinatur Bochartus. His quæ diximus de crocodilo addam, quoddam sit quadrupes, lacerto viridi non multum dissimilis: linguam habere brevissimam, & adhaerentem maxillæ inferiori; ideo ab aliquibus elinquis dictus est. Rictum habet immanem: pellem squamatis horrentem & durissimam. Mole sua & robore stupendus. Nostri instituti non est verba singula quibus Job crocodilum sive leviathanem describit, expendere.

*Sanguisuga*, quæ inter aquatica animalia numerari potest, nullam in Scriptura fieri mentionem contendit Bochartus. Notat eam dici ab Hebræis *alaka*; & nomini *aluka*, quod reperitur in Proverbiis (*cap. 30. v. 15.*) & ab Interpretibus *sanguisuga* explicatur, esse intelligendum de fato, sive de eo quod appensum est unicuique ex decreto Dei; quo modo Arabes sumunt illam vocem. Salomon ait in Vulgata: *sanguisuga duæ sunt filie; dicentes affer; affer*. Quas filias sanguisuga habeat vix concipitur; verum decreti divini duæ filiæ sunt, infernus & perditio; quæ numquam implentur, ut loquitur idem Salomon (*Prov. cap. 27. v. 20.*)

X.

*De animalibus dubiis vel fabulosis.*

Ut saltem brevi sermone perstringam omnia quæ Bochartus fuso & docto opere persecutus est, subjiciam quæ habet de dubiis & fabulosis animantibus. In Deuteronomio (*cap. 14. v. 5.*) in fonte nominatur quoddam animal *akko*. Græca & Vulgata versio red-

sunt *Tragelaphum*, id est, hircocervum. Plerisque visum est fabulosum animal; sed oculati testes Parisiis & in Germania se vidisse referunt.

*Gryphes* aves auritas, quadrupedes, rostro & alis aquilæ, lupi vel pardi corpore, leonis unguibus, finxit antiquitas & ipsa explosit. Tamen nominantur *Gryphes* in Levitico & in Deuteronomio. Vocem Hebræam *Peres* Græci verterunt *γρύπα*, sed verisimile est eos intellexisse *γρυπαῖσιν* *gryphaquilam*, nempe speciem aquilæ, cujus nasi vel rostri notabilis est aduncitas. Sic illi Interpretes fictitias illas *gryphes* nequam nobis proponunt credendas.

*Raa* vel *Daa* avis in immundatum avium censu ponitur. Vulgatus (*Deut. cap. 14. v. 13.*) ponit *ixion*, cujus nominis nulla est avis. Bochartus, mutato litterarum ordine, legendum putat non *ixion* sed *oxyn*. Avis autem est quæ Græcè dicitur *ὄξυς*; quæ visu pollet & volatu. *Raa* idem est ac *vidit*. Quæ avis in Deuteronomio *Raa* appellatur, in Levitico dicitur *Daa*, quod verbum sonat *volavit*.

In Græca versione Job (*cap. 4. v. 11.*) fit mentio *Mirmecoleontis*. Putatum est id animal esse speciem *Scarabæi*, qui infestus est formicis; undè appellatur *formica-leo*. Sepelit se arena, & dum formicæ transiliunt, prodiens ab insidiis eas necat, & his se pascit. Verùm de illo animalculo nec cogitabant Græci Interpretes. In fonte est *laisch*, quod nomen proprium est leonibus quibusdam; inter quos constat aliquos dictos *mirmecoleontes*. Vocem *laisch* de leonibus Vulgatus Interpres explicat.

Constat phœnicem avem, quæ per mille annos vivat, & ipsa suis ex cineribus renascatur, figmentum esse. Verùm quia *פִּינִיץ* nomen hujus avis, & cujusdam arboris est, nempe palmæ, qui septuaginta Sæculis vertere in Latinam linguam, putavere mentionem avis phœnicis fieri; sed agitur de patria arbore, quæ

quæ dicitur. Vulgatus Interpres in hunc errorem non lapsus est.

In ipsa autem Vulgata nostra monstrorum, quæ ficticia sunt, nomina leguntur; verum non proponuntur ut animalia quæ verè existant, sed tanquam spectra *Damonum*, in solitariis locis apparere solita. Vocem *jim* faunos ficarios interpretatur B. Hieronymus in Jeremia (cap. 50. v. 39.) quæ significat spectra quæcumque terribilia; quales fauni; quibus tribuebant Romani terrores panicos; & quæcumque alia spectra, quæ varias induentia formas in hominum conspectu veniunt, & metum ipsis incutiunt. Faunus scilicet idem Deus qui *Pan*. Itaque nomine Fauni reddidit Hieronymus vocem Hebræam *jim*; undè *Eima*, terror; quia nomen illud inderet notionem alicujus terribuli. Cur verò Fauni dicerentur *Ficarii*, non ita liquet. Ficus præter fructum denotat tumores, ulcus durum, callosum & rotundum, sive glandulosas eminentias, quibus opplebatur facies Satyrorum, qui iidem sunt ac Fauni. Ficarii ergo illi appellabantur, à turpi eorum facie.

Fauni & Satyri finguntur hircipedes & pilosi. Hircus est animal hirsutissimum. Cum ergo Ægypti inter deos hircum retulissent, idè idola & dæmones *sahirim* appellantur, id est, hirci sive pilosi. In Vulgata nostra Isaia *ibi pilosi saltabunt* (Cap. 13. v. 2.) id est, dæmones, qui in specie hircorum apparere Beato Antonio.

In versione Græca & Latina Isaia (Cap. 13. v. 22.) occurrit Sirenum nomen in his locis. Scripturæ ubi agitur de luctuoso & ferali in solitariis cantu, qualem Ethnici fingebant esse Sirenum, quarum cantu illecti nautæ incidebant in scopulos. Interpretes nomen illud rei significandæ aptum crediderunt, etiam si nullæ unquam existerint Sirenes, quarum scilicet superiora essent virginum, inferiora piscium.

Dubitatur quid sit *lilith* Isaïæ (Cap. 34. v. 14.) Alii putant esse avem nocturnam. *Lilith* venit à nomine Hebræo *lil* sive *lail*, quod noctem significat. Spectri genus esse Veteres summo consensu docent, et si de specie non constet. Senes Græci reddunt *τροχενταύρος* *onocentauras*, Vulgatus Interpres *lamiam*, qui piscis est. Terrorem quidem potest incutere piscis ille, quia forma ejus extraordinaria. Quoquo nomine exponatur *lilith*, indicare voluit Isaïas rem quæ terrere potest, cujus formidine justus liberatur. *Non timebit à timore nocturno*, ut canit Psalter (Psal. 90.) Onocentauri autem sunt mixtum animal ex asino & homine, quale liquet nullum extare, nisi aliquando biformes esse partus contingat. Certum enim est monstra generari; sed illa diu non vivunt. Quid ergo ipse Vulgatus Interpres usurpat onocentaurorum nomen, dicto loco Isaïæ: *& occurrent demonia onocentauris*? In fonte vox jam exposita *lilm* legitur, Ibi ergo apud Interpretem vulgatum onocentauri nihil aliud sunt quam dæmonum spectra. Describit Propheta locum solitarium & ignotum, in quo faciliè percellitur animus inani formidine monstrorum, quæ plerumque credit metu potius quam visu. Ibi, inquam, onocentauri ponuntur pro quibuscumque terrificis spectris.

### C A P U T III.

*De re herbaria, frumentis, leguminibus, arboribus, fructibus & plantis sacri Codicis.*

**P**Lantas omnes, de quibus fit aliqua mentio in Sacris Codicibus, enumerabo brevi sermone; neque enim de illis plura occurrunt fusiùs exponenda, sive quia difficilia sunt, sive quia scitu utilia. Nomi-  
ne plantarum complector omnes arbores, frutices,  
fru-

frumenta, legumina, olera, omnem rem herbariam. Notum est plantas semine provenire, aut plantæ aliqujus radice aut propagine, aut avulsione, aut surculo, aut insito & confecto arboris trunco. In Scripturis autem nomen seminis latè accipitur pro quocumque principio, ex quo plantæ nascantur. Significat illud nomen supra dictos omnes nascendi modos. In Genesi (Cap. I. v. 11.) sic loquitur Deus. *Germinet terra herbam virentem facientem semen, & lignum pomiferum faciens fructum juxta genus suum, cujus semen in semetipso sit super terram.* Ibi semen intelligi debet principium illud quo planta ex planta nascitur, quoquo modo id fiat; sunt enim arbores, quæ semine carent, aut saltem sine semine nascuntur. Quæ autem similitudines in sacro Codice peruntur ex agrorum cultura, ex satione vel insitione, tam apertæ sunt, ut nullum operæ pretium esset his explicandis immorari. Attamen si occurrat quæpiam difficultas circa hæc omnia quæ præsens caput complectitur, licet concito cursu feramur, non prætermitemus.

Priusquam suscipiam enumerandas diversas plantarum species, præcipuas cujusque plantæ partes in genere exponam; ex quibus multæ ducuntur similitudines in sacro Codice. Primum *radix* est ima pars stirpis in terra defixa, origo & fundamentum totius, per quam alimentum trahitur & coquitur. E radice *caudex* prodit sive stipes, alimentum in ramos & frondes deferens. In herbis *caulis* dicitur *caudex*. Finditur & funditur in *palmites* sive *ramos*, qui quasi brachia sunt. His innascuntur *gemma*, *flores*, *fructus*, *folia*, & *surculi novella planta*. In vulgata nostra surculus nominatur *virga*; ut *virga de radice David*, pro surculus de radice David. *Stolones* & *propagines* adnascuntur velut soboles. Hæc nemini ignota sunt. Ordine alphabetico recensabo omnes



plantas, de quibus in sacro Codice mentio fit.

*Abies* est arbor altissima, rectissimaque, cujus pars inferior enodis: Gallicè *sapin*, Italicè, *abete*, Hebraicè *berosch*, Græcà ἐλάτη *elate*; quod nomen etiam datur à vulgato Interprete trunco cæterarum arborum. In Canticis (*Cap. 5. v. 11.*) *coma ejus sicut elata palmarum*.

*Absynthium*. Herba insignis amaritudinis, *absynthe*, *assenzio*. Ex hoc amarissimo frutice Scriptores sacri passim similitudines desumunt, easque impiis accommodant. Sic cum Deus apud Jeremiam (*Cap. 9.*) improbis tristitia, acerba, amarulenta minitatur, ac calamitates denuntiat: *Ecce ego*, inquit, *cibabo populum absynthio*. Ubicumque Scripturarum absynthii fit mentio, maximam atque acerbissimam calamitatem, animique tormentum instare indicatur. Undè stella illa Apocalypscos, qua cadente omnia amaritudine imbuta sunt appellatur *absynthium*.

*Ahaloth* redditur à vulgato Interprete *Aloe*, quæ herba est amarissimi saporis. Alii *ahaloth* interpretantur *santalum*. Plures sunt nominis arbores crescentes in India, quæ diversi sunt coloris, Gallicè *des santaux*, Italicè *sandali*. Sed & est arbor dicta *aloe*, saltem in officinis mercatorum. *Voyez Pomet histoire dres drogues*. Vide Pometi Historiam Aromatum.

*Amygdalus*. Arbor, *amandier*, *mandorlo*, quæ mense Januario, aut paulò seriùs, statu cæli adhuc rigido, florescit. Undè ab Hebræis appellatur *schaked*, à verbo *schakad*, id est, *maturavit*, *ad-vigilavit*; quia scilicet inter arbores amygdalus prima flores edit; quò allusum est à Jeremia (*cap. 1. v. 11.*) Ubi in Vulgata est, *virgam vigilantem video*, in fonte est, *baculum amygdali video*. Quemadmodum amygdalus maturat & accelerat florere verno tempore; sic & Dominus declarat se acceleraturum mala inferre populo. Similiter in Ecclesiaste (*Cap. 12. v. 5.*)

cùm

cùm Salomon de sene agens dicit: & *florabit amygdalus*, significat senem canos accelerare sapè priusquam putarât. Incautis enim nec opinantibus obrepit senectus. Vel admonetur homo quòd citò albescet canitie, quemadmodum amygdalus, quæ candidissimos in summitate flores producit, ac longè se spectandam exhibet. Ideò cùm vellet Deus insigni miraculo ostendere Aaronem à se electum, fecit ut virga Aaronis florem pulcherrimum emitteret, qualem amygdalus. Ex illa enim, turgentibus gemmis, flores emerferunt; qui foliis dilatatis amygdala protulerunt (*Num. cap. 17. v. 8.*)

Arborem Hebræis dictam *luz*, quam Judæi habent pro *corylo*, Gallicè *condrier*, Ital. *Nocciuolo*, Latinus interpret in Genesi (*Cap. 30. v. 37.*) interpretatur *amygdalum*, Græci *καρύδην*, id est, *juglandem*, nempe arborem ferentem nuces. Gallicum *condrier* à nucibus suis etiam *noiselier* dicitur.

*Anethum* herba boni odoris, *Anet* qui ressemble au fenouil, italicè *Aneto*, *pianta simile al finocchio*.

*Arundo*, aquaticus frutex, *roseau*, *canna*. Nutanti est cacumine, auraque levissima hinc indè impellitur. Ergo fulcire non potest, nec præsidio esse. In Scriptura dicuntur baculo arundineo inniti, qui spem suam ac fiduciam collocant in illo à quo fulciri non possunt; vel quia summitas ejus acuta perforat manum quæ huic innititur. Nascuntur arundines in locis uliginosis & desertis, quæ non coluntur; ita *feræ arundinis* sunt agrestes feræ. Facili negotio arundo frangitur; ita fragilitatis symbolum est: quò autem Isaias indicet futuram mansuetudinem Christi, qui oneri non esset, nec pede superbo pretereret hostes suos, dicit (*Capit. 42. versic. 3.*) *calamum quassatum non conteret*; calamus autem & erundo sunt idem frutex. Undè in Matthæo (*Cap. 12. vers. 20.*) *arundinem quassatam non confringet*;

adco

adèd lenis erit incessus ejus; id est, adèd se geremitem.

*Bdellium*. Nomen illud reperitur in Latino Interprete, sicut in Græca versione; Græcis autem & Latinis est arbor nigra, gummi genus exsudans, quod & ipsum bdellium vocatur. Verùm alibi observamus Hebræum nomen *Bedolach* non arborem aut gummi, sed gemmam significare.

*Borith* nomen est Hebræum, quod vulgatus Interpres in Jeremia (*Cap. 2. vers. 22.*) expressit tantùm Latinis characteribus; in Malachia (*Cap. 2. v. 2.*) verò interpretatur herbam fullonum, id est, *smegma*; quod nomen est Græcæ originis, significans, quidquid emaculat & abstergit sordes, Gallicè *du savon*, italicè *sapone*. Interpres Vulgatus *Borith* accepit pro herba, nempe qualis ista est quæ nascitur juxta littora maris, vernaculè dicitur *de la soude*, ital. *soda*. Hæc comburitur, & ex cineribus ejus educitur sal beneficio aquæ. Nimirum hi cineres eluuntur aqua; quæ horum sale sese imbuat. Imbuta commiscetur cum oleo vel cum alia materia pingui, in ollis quibus subjicitur ignis. Concoquuntur aquæ illæ, & in fumos abeuntibus, cum sale oleum concrevit, & conficitur sapo. Operæ autem pretium est advertere fullonem in Scriptura artificem esse, qui purganda, polienda vestimenta accipit. Unde Marcus Evangelista (*Cap. 9. v. 2.*) dicit de vestimentis JESU CHRISTI in Transfiguratione: *qualia fullo non potest super terram candida facere*.

*Buxus*. Arbor exigua, semper virens, *bouis, bosso*. Lignum adèd durum, ut cariem non sentiat, & tam ponderosum, ut in aqua subsidat. Ita fit ut si quid illi insculpatur, non facilè obliteretur aut exoleat. Isaias (*Cap. 30. vers. 8.*) à Domino jussus est scelera Judæorum describere, atque asservare in monumentis publicis. Non definitur in fonte qua ex

ma-

materia Propheta iussus sit assumere tabulas; sed quia buxum idoneum erat, sic loquitur noster Interpres. *Nunc ergo ingressus scribe ei super buxum.*

*Calamus* idem quod canna & arundo; sed est calamus odoratus, qui est arundini similis aspectu, multis geniculatus nodis, casæ sapore, & tactu mollis, & cum frangitur scissilis, intus araneosus, locum in quo nascitur suavissimo replens odore. Provenit in Arabia, in India, & in Syria juxta Libanum montem,

*Capparis* frutex est firmioris ligni, senticosus & humilis, cujus flos & baccæ des capres, capperi, in ciborum condimentis laudantur eo quod appetitum excitent. Nomen hujus fruticis usurpat Ecclesiastes (Cap. 32. v. 5.) tempus senectutis describens. *Et dissipabitur*, inquit, *capparis*. Nomen Hebræum significat appetitum sive appetendi facultatem, quæ in senibus elanguescit, simul & dictum fruticem. Senibus autem nec *capparis* restituere potest appetitum,

*Carduus* (\*) è numero est stirpium, quæ sponte atque invitis colonis quandoque erumpunt, aculeis infe-

(\*) Siquidem Versionibus habenda sit fides, nusquam in Genesi carduus reperitur. Occurrit sane in fonte דרדר dardar; sed hoc genus est spinarum, quod Interpretes fere omnes tribulum vertunt, quibus & Paulus epistola ad Hebræos cap. 6. v. 8. insinuat. Solum quod sciam in Bereschith Rabbab exponitur carduus. Locus ab Antiocho nostro hic allegatus in Vulgata sic legitur: Maledicta terra in opere tuo, in labore comedes ex ea cunctis diebus vitæ tuæ; spinas & tribulos germinabit tibi, & comedes herbas terræ. In sudore vultus tui vesceris pane, quæ ad verbum ex LXX. videtur expressa. Cæterum duplici in loco cardui meminit Vulgatus interpreti; primo bis 4. Reg. cap. 14. ubi LXX. habent voces ἀνὰ, & ἀνὰ, tum bis pariter 2. Paralip. cap. 25. ubi apud LXX. semel & iterum vox occurrit ἀνὰ, græcis litteris ex hebraica מן מן transcripta, quæ quædam in fonte utrobique legitur.

infestæ ac sementi noxiæ. Quo-circa cùm Deus maledictionem Adamo transgressori atque ærumnas & vitam laboriosam impendere denuntiat: *maledicta terra*, inquit Genes. (Cap. 3.) *in opere tuo, in sudore vultus tui vesceris pane tuo, spinas & tribulos, sentes & cardaos germinabit tibi*. Carduorum multæ species, quæ nullum præstant commodum, nisi cardui quorum aculei, quibus omnes horrent, cum firmiores sunt, pectendis pannis serviunt.

*Carex*. Herba acuta & durissima, uliginosis & palustribus locis plurima nascens. Indè fit *carectum*, locus caricibus plenus, quales sunt ripæ fluminum, puta Nili, in cùjus ripa Moyses expositus est à parentibus.

*Carica*. Vide *figus*.

*Cedrus* arbor est proceræ, perpetuò virens, folio duro, acuto mucrone, medulla rubente & odorata. Huic æterna materies, cariem non sentiens; undè classibus & domorum tectis ædificandis imprimis est idonea. Proverbialiter *digna cedro* dicuntur, quæ promerentur immortalitatem. Sunt qui putant ligna quæ *sethim* in sacro Codice dicuntur, esse ipsam cedrum. Poma fert similia abietum pomis, *Pomme de pin*, *pine*. Ex cedro defluit resina.

*Cicer*. Genus leguminis, Gallicè *pois chiche*, italicè *cece*.

*Cocus* vel *coccum* frutex est habens exiles ramos & folia aculeata, quibus adnascitur *coccus* seu granum tinctorium, quod colorem rubrum ac rutilantem exhibet aspectu gratissimum. Huic, inquam, frutici parvo & surculoso grana ut lentes adnascuntur; quæ scatent intùs parvis vermiculis, quorum sanies cocchino tingendo præclara est, & parit eximium illum colorem *l'ecarlate*, *chermisi*, quem nòs miramur & adorant veteres, quo induti reges & viri divites superbiebant. Coccus in Scriptura sumitur pro ligno ex quo

quo decerpuntur grana cocci; ut in Levitico (cap. 14. v. 6.) ubi ex cocco & cedro & hyssopo conficitur fasciculus, ad respergendum leprosum sanguine passeris. Ibi autem lignum *coccus* appellatur *vermiculus*. Nimirum in fonte Hebræo *coccus* appellatur modo *schani*, modo *Thalaath*. Postremum illud nomen vermiculum norat. Cur *coccus* dicatur vermiculus apertum est, quia grana ejus vermiculis scatent. Nomen autem *schani* derivavit vulgatus Interpres à verbo *sehana*, iteravit sive *secundo fecit*; undè sæpiùs coccum appellat *dibaphum* sive *bistinctum*. Reipsa purpura bis tincta celebratur à veteribus; sed non idèò aspernanda est conjectura virorum doctorum, qui *Schani* deducunt à verbo *Sehanan*, *acuere*: ut *Schani* propriè significet fruticem aculeatum, cui adhæreant grana tinctoria, sive cujus in granis nascantur vermiculi, quorum sanie efficiebatur color coccineus ille, de quo sæpiùs sermo in sacro Codice, qui modò *schani*, modò *Thalaath*, modò simul utroque nomine significatur, Nascitur in Gallia arbuscula, cujus folia sunt pariter aculeata qualia sunt *paliuri*, vernaculè *du bonx, agrifoglio*: illa producit grana, quæ vulgò dicuntur *de la graine d'écarrlate, grana*. An sit Hebræorum *coccus* alii quærant.

*Colocynthis*: cucurbita sylvestris est, *courge sauvage, coloquinte, zucca salvatica, collaquintida*. Mali citrii sive aurangii magnitudine est. Si extima putaminis pars florens cultro adimatur, eximie nec prorsus ferendæ amaritudinis. Quod indicatur in Regum historia (Lib. 4. cap. 4.) Cum enim Elisæi famulus inter alias herbas ignarus in ollam coquinariam colocynthida conjecisset; & Discipulis Prophetæ apposuisset in cibum; *Mors in olla*, hi exclamavere ad illum; injecta autem farina in ollam, omnem ejus amaritudinem mutavit.

*Copher, cyprus* aut *cyperus* arbor odorata, cujus fructus

fructus racemorum ad formam succrescit. Frequentissimum est in Palestina hoc arbutum. Ad mali puniceæ proceritatem assurgit. Fertur cyprus similis esse ligustro Gallicè *Troesne*, Italicè *Ligustro*; sed alia arbor est, aromaticum quid maximèquè odoratum spirans, cujus nunquam decidunt folia; quæ proprietates non conveniunt ligustro.

*Coriandrum*, herbæ genus est, Gallicè *coriandre* Italicè *curiandolo*, grana ferens, quæ saccharo integuntur. Agri Parisini, maximè in Albert villa *Aubervilliers*, abundant coriandro.

*Crocus*, vernaculè *safran*, *zafferano*, emittit flosculum cærulei coloris, in cujus medio velut crocea stamina ac filamenta se proferunt fragrantissimi odoris. *Crocus* cor recreat, idèd non sine ratione in sponsæ hortulo ac viridariis, cùm odoratissimis aliis herbis interfitur (*Cantic. cap. 4.*) Croceus color, *couleur jaune, rougeatre, color giallo, rosseggiante*, dicitur à croco. Ubi in vulgata legimus in Lamentationibus (*Cap. 4. vers. 5.*) *Qui nutriebantur in croceis*, id est, qui crocei coloris vestimentis utebantur, *anplexati sunt stercore*: in coccino, ut habet fons. Coccinæ vestes erant vestimenta regia, quas qui priùs inducebant, aniplexaturi erant sordidas, nempe sortem aliam experti.

*Cucumer* sive *cucumeris* herba est notâ, *concombre*; *cocomero* olim Hebræis usui & Ægyptiis, qui abundabant cucumeribus, peponibus, porris, cæpis, & aliis, de quibus non opus est ut plurima dicamus. Cucumerarium locus est cucumeribus consitus.

*Cyminum* aut *cuminum*, herba notissima quæ sceniculo *fenouil*, *finocchio*, non dissimilis est foliis suis; Gallicè *cumin*, ou *anis aigre*; Italicè *comino*.

*Cupressus* aut *cypressus*, arbor procera, caudice oblongo & recto, folio pini, sed molliore, neque ita pungente, odore vehementi. Babylonia. regio abundat

dat cupressis, quæ cum sint picatæ arbores, non ita putredini cedunt. Ex cupressis Arcam à Noe conflata esse sunt qui credant. Hebraicè *cupressus* vel *cypressus* dicitur *gopher*, ut plerique putant; mihi enim nomen illud Hebræum videtur in genere significare arbores quæ picem habent. Undè quod in Genesi (cap. 6. v. 14.) Arca Noe dicitur facta ex lignis *gopher*, Vulgatus rectè reddit *ex lignis bituminatis*. Verbum Hebræum *Caphar* significat *picavit*, *pice obduxit*; nec multum dissimile est *Gophrith*, id est, sulphur.

*Dudaim*. Vide *mandragora*.

*Faba* genus leguminis notissimum.

*Ficus* nota arbor; *figuier*, *fico*. Fici autem arboris fructus duplicis est differentiæ. Caricæ ficus sunt tempestivæ, quæ ab arbore decerpuntur antequam prorsus arescant. Grossi verò sunt quæ non maturescant, & quas hyems in arbore deprehendit. Dicuntur ab Hebræis *Paggim*; quod nomen de omni acerbo & non excocto fructu usurpatur. Terra promissa laudatur quod sit *terra frumenti & hordei, & vinearum, in qua ficus & malogranata; terra olei olivarum & mellis*. (Deut. cap. 8. v. 8.) Itaque inter gravissimas calamitates est, si vel bello, vel solis æstu, vel grandine, vel per locustas & insecta ista bona auferantur: Si comedant hostes ficum & vineam (Jer. cap. 15. v. 17. & cap. 8. v. 17.) Abjiciunt ficus non folia tantum arida, sed & fructus; undè ficui deciduæ comparantur quæ ex se dicuntur corruere (Apoc. cap. 6. v. 13.) & *stellæ de cælo ceciderunt super terram, sicut ficus emittit*, potius abjicit grossos suos. Gratiam præbet ficus umbram, sub eaque habitare solebant Israelitæ in pace.

*Fœnum*, Hebraicè *chazir*, ponitur pro gramine, quale sub dio crescit in atriis ex pluviis.

*Gith*, genus seminis, Græcis *melanthion*, Latinis *nigella*, Galliis *nielle* ou *poivrete*, Italis *nigella*, *gitterone*.



*rone*. Quasi minutum piper, eò quòd paupereuli hoc femine cibos condire soleant vice piperis.

*Grossus*, vide *ficus*.

*Hedera* arbor est, quæ cum per se stare non possit, arboribus murisve adhæret. Perpetuò viret. Illa umbraculum adversus solis æstum præbuit Jonæ Prophetæ, ut quidam autumant; sed verisimilius est fuisse aliam plantam, quæ in fonte Hebræo appellatur *Kikaion*, de qua infra sermo fiet.

*Hordeum*, Gallicè *orge*, Italicè *orzo*. Sic dictum putatur ab oriendi celeritate, quòd ante omnia frumenta sit aridum; ideò in omnium frugum primitias secunda die post magnum azymorum diem offerebatur in Templo manipulus messis hordeaceæ. Hordeum madefactum, deinde siccatum & tostum, appellatur à Latinis *polenta*. Hoc nomine Latinus Interpres reddidit vocem Hebræam *Kali*, quæ significat simpliciter quod tostum est. Ex hordeo potissimùm fiebat id quod in Scripturis appellatur *prisana*. Hordeum aqua prius perfusum, in sole postea siccabant; mox ligneo pistillo tantisper tundeant, donec corticem, glutinamque exueret. Ita *prisane* sacri Codicis sunt id quod vernaculè dicimus *de l'orge mondé*; italicè *orzata*.

*Hyacinthus*, Gallicè *vaciet*, ou *hyacinthe*, ital. *giacinto*. Est genus violæ vernæ colore obscuræ. Sæpius fit mentio in Scriptura *hyacinthini coloris*, qui nomen sumpsit ab illo flore, aut gemma ejusdem coloris, quæ hyacinthus pariter dicitur, & perinde ac flos exuberanti cæruleo colore purpurascit.

*Hyssopus*, Hebraicè *Ezob*. Ambigitur an illud *Ezob* sit hyssopus Latina Gallica *hyssope*, Italica *isopo* herba notissima. Loca Scripturarum ubi de *Ezob* sermo fit, videntur aborem indicare. Jungitur cum cedro & cocco, ut ex conjunctis fiat fasciculus sive aspergillum, quo aspergatur leprosus. Vidimus supra coccum esse arborem. Salomon dicitur disseruisse de plantis, à

tis, à cedro quæ est in Libano usque ad *Ezob* quæ nascitur in pariete. De omni arbore disseruit, inquit Josephus. Ita scriptor historiæ Regum proceras cedros opponit humili arbusculo, quod appellaretur *Ezob*; ut quantum cæteras arbores proceritate sua vinceret cedrus, tantum *Ezob* vinceretur, siue humilior esset cæteris arboribus. Sed nec humilis erat *Ezob*, ad instar herbæ. Dicitur enim apud Joannem (*Cap. 19. vers. 29.*) quod milites spongiam hyssopo componentes admovent ori Jesu. Olim qui in magna turba in exemplum statuebantur, sublimes evehebantur, ut essent conspicui omnibus. Itaque quia Jesus in cruce sublimis erat, nec sola manu milites poterant ad illius os pertingere, spongiam cauli hyssopi circumposuerunt, qui caulis à Matthæo & Marco calamus appellatur. Ita *Ezob* verè lignum, & hyssopo nostrati non similis nisi nomine tenus. Ex hyssopo, qualiscumque fuerit, fiebant aspergilla, quibus lustrabantur immundi; undè aiebat David.  
*Asperges me hyssopo & mundabor.*

*Ilex* arbor est glandifera, magnitudine roboris, folio aculeato, lævi cortice. *Especie de cheno qu'on appelle yense ou euse en Languedoc*: Hebraicè *Elah*: Italicè *Leccio*, *albero ghiandifero*.

*Juniperus*, Gallicè *genevre*, Italicè *ginepro*, arbuscula quæ pro foliis spinas habet perpetuo virentes; undè & topiario operi idonea est, quod sit vitandi æstus causa: *proprie à des ouvrages de verdure, accôncio a lavori di giardino*. Ita dicitur quod Elias quieverit sub umbra juniperi (*3. Reg. cap. 19. v. 5.*) Etenim hæ arbores nonnullis in locis haud humiles sunt, quales videmus nasci in Gallia. In multam altitudinem assurgunt in Orientalibus plagis. Ex juniperi truncis majoribus incisis defluit per æstatem quedam resinæ species.

*Juncus*, frutex notissimus, cujus multæ species.

Nn

Kika.

*Kikaion*. Planta illa est de qua Jonas (Cap. 4. v. 6.) loquitur quam Vulgatus interpretatur *hederam*; Bochartus verò conjicit esse *ricinum*. Etenim non videtur differre ab Ægyptio *Kiki*, de qua planta sic Dioscorides: *Kiki* sive *ricinus* *ῥικίνος* (aliqui *sesamum sylvestre*, alii *seseli Cyprium* nominant) appellatur ob similitudinem seminis sui cum ricino animali, quod genus vermis est. Ricinus itaque arbuscula est, parvæ fici altitudinem habens, grana ferens *ricinis* animalibus similia, folia verò platano similia, semenque in uvis asperis, quoddam decorticatum representat *ricinum* animal. Ex hoc exprimitur oleum, quod dicitur oleum *Kikinum*. Judæi dicunt *Kikaion* ab Arabibus appellari *Alkerot*. De ista arbore dicit Kimchi citò illam crescere, & ante officinarum fenestras feri, iis ut umbram præstet. Eadem adstruit B. Hieronymus, ut non dubitandi sit locus, quin ista arbor præbuerit umbraculum Prophetæ. Vetustis tamen Interpretibus *Kikaion* redditum est *κισσός hederæ*, quia, inquit B. Hieronymus, aliud quod dicerent non habebant. Etiam quidam interpretati sunt *cucurbitam*; cujus, juxta Plinium, duplex est genus, aliud plebeium humi repens, aliud camerarium, quod nempe facili flexibilibique ramorum curvitate recta, pergulas operit. Citò crescit; sic umbraculum potuit citò præbere Prophetæ.

*Labrusca*, vitis agrestis, uvam proferens gustatu peracerbam, quæ non maturescit. Hunc fructum Deus moribus Judæorum depravatis accommodat apud Isaiam (Cap. 5.) Cum enim eos excoluisset, ut agricola vitem, loco racemorum protulere ei labruscas, id est, pro bonis mala opera.

*Lactuca agrestis*, sive *sylvestris*, Gallicè *laitue sauvage ou amère*, Ital. *lattuga salvatica*, o *amara*. Nomen Hebræum *meror* vulgatus Interpres reddit *lactucam agrestem*; sed significat tantummodo herbam amar-

ram.

ram. Judæi numerant quinque species talium herbarum, quibuscum Agnus Paschalis comedendus erat.

*Legumina*. Frugum duo sunt genera *frumenta* & *legumina*. Leguminum autem esus antiquissimus, & frugalissimus. Quare Daniel his vesci voluit cum sociis suis; tum etiam quia abstinere volebat carnibus, ne sanguinem comederet, quem maciando pecudes non satis cautè Gentes effundebant. Legumina, inquam, illa semina sunt quæ aqua coquantur, & facile esui parantur, non ut cæteræ fruges, ex quibus panis conficitur.

*Lentis*, genus leguminis, colore rufum, Gallicè *lentille*; Ital. *Lente*.

*Lentiscus* arbor est patula, perpetuò virens, acinis rubentibus, maturitate nigris, quæ ut terebinthus guminosum liquorem fundit, quem in insula Chio *massichem* vocant. Ex hac arbore cuspides conficiuntur, extergendis poliendisque dentibus accommodæ. Lentiscus habetur pro *schino*, cujus mentionem facit scriptor historię Sufannæ. Vide ad vocem *pinus*.

*Lignum*. Nomen illud latam significationem in sacra Scriptura habet. Propriè lignum est pars arboris; sed apud Hebræos totam arborem significat. In descriptione iusti dicitur Psalmo primo quoddam *erit tamquam lignum quod plantationem est secus decursus aquarum*, id est, sicut arbor quæ ab aquis irrigata semper vivet.

*Lilium* flos est notissimus, proximam à rosa nobilitatem obtinens, eximio candore; idèò sæpius lili mentio fit in Scriptura tanquam floris præstantissimi. Olim, ut videtur, congregato tritico in acervos, hi acervi vallabantur liliis; ut perfecto ædificio apponuntur coronæ. Quapropter cum tales acervi, tumentes tritico & sic ornati, res essent jucunda; de Sponsa dicitur in Canticis (Cap. 7. v. 2.) quoddammodo *ut ejus esset sicut acervus tritici, vallatus liliis*. Li-

lilium dicitur ab Hebræis *Sofanna*, à *sehes*, id est, *sex*; quod sex foliis constet. *Lilium convallium*, de quo in Canticis (Cap. 2. v. 1.) fit sermo, est vulgare lilium; neque enim aliud nomen habet in Hebræo Codice. Hisce nostris regionibus lilia nascuntur tantum in hortis excultis; sed in Judæa, Syria, Ægypto, Sossiana, passim in agris crescunt. Unde JESUS CHRISTUS Dominus noster *lilia agri vocat*. Sunt qui lilium convallium vertunt Gallicè *muquet*; sed forma non convenit.

*Linum*, herba notissima, *du lin*, *lino*, quæ cannabis modo in lanæ molliem confusa *broyè comme on fait le chanvre*, *gramolata come la canape*, netur in usum intimarum vestium. Est linum quod dicitur *xilinum*, aliter *Gossypium*, quod colligitur ex fruticis pomo sive nuce, quæ plena est specie quadam lanæ molliculæ, quod vulgò appellamus *du coton*, *bambagia*. Scriptura non loquitur de illo ligno sive frutice, & idedò xilinum ἀπὸ τοῦ ἑύλου appellatur.

*Malum punicum*, sive *malum granatum*, Gallicè *grenadier*, Italicè *melagrana*, est malus arbor, cujus fructus est malum notissimum, pomi genus, dictum punicum à Punica Carthaginensi regione, & *granata*, quod rubentibus granis scateat. Unde genæ sponsæ in Canticis (Cap. 8.) comparantur malo punico: *ut fragmen mali punici, ita & genæ tue*: hoc est, sicut dimidiatus cortex mali granati confracti aut dissecti grana eximii ruboris spectanda exhibet; sic malæ tuæ, ò sponsa, amabili ac gratioso rubore perfusæ sunt. *Rimmon* Hebraicè dicitur pomum illud ex quo mustum conficiebatur. Primus pomi hujus partus flore incipientis *κυτίνος cytinus* vocatur Græcis, in quo cytino flosculi sunt, antequam ipsum malum prodeat erumpentes, quos *balaustia* vocant. Ea medicinis idonea, & tingendis vestibus. Corticis etiam magnus fit usus ad conficiendum corium.

riam. Nucleis ipsis acinorum utuntur medici, ut & radice & semine. Ob utilitatem quam arbor illa præstaret, conjicit Bochartus, idolum, quod dicebatur *Remmum*, nomen suum accepisse. Tintinnabula fiebant forma haud multum dissimilia malo granato; ita hæc tintinnabula *malogranata* appellabantur. Saltem tintinnabulis permiscebantur in simbria tunicæ Sacerdotalis; quia, ut dixi, par utrisque forma.

*Mandragora*, cujus sunt duæ species. Prima foliis suis similis lactucæ est; sed angustioribus, umbrosique viroris. Pomum verò emergit è stirpis medietate, quod herbaceo stilo incumbit, avellanæ nucis, nonnunquam aut castanæ magnitudine. Hæc species nomine fœminæ insignitur: Mas verò foliorum magnitudine luxuriat. Pomum quod à media stirpe prodit; orbiculatum est, ovi gallinæ vitello prorsus affine; odore non sine gravitate quadam soporata jucundo; radice crassa, pilosaque, atque in humanæ coxendicis aut curis formam bifureata. Fert vulgaris opinio pomum mandragoræ conciliare gratiam & amorem. Hujus pomi fuisse avidam Rachelem sacri Codices referunt (*Gen. c. 30. v. 14.*) Cum enim triticæ mæssis tempore Ruben Liæ matri attulisset mandragoras, Rachel sterilis, & sororiæ fœcunditatis æmula, eas sibi concedi offerrique postulavit. Canticum Salomonis (*Cap. 7. v. 13.*) indicat mandragoras odoris fragrantia ac suavitate recreasse olim Hebræos, ac manibus contrectari solitas. De mandragoris Græci & Latini interpretati sunt nomen Hebræum *Dudaim*; cujus origo *Dod*, id est, *amor* aut *dilectus amicus*. Ita certum est *Dudaim* esse flores amabiles colore suo & odore; nam dubitare licet an re ipsa fuerint mandragoræ nostræ *des mandragores*, *mandragole*. Etenim plurima poma, sicut & plurimi flores, aspectu, odore, gustu placere possunt, & excitare sui desiderium; quæ omnia denotat nomen

*Dudaïm*. Quidam observant mandragoras gustu esse jucundas, & tantum in medicamentis adhibitas, quin in venenis conficiendis: unde concludunt mandragoras nostras non à Rachele desideratas ad comedendum; ideo illa *Dudaïm* alium quemdam fructum esse; & hocce nomine Hebræo significari tubera, Gallicè *des trufes*, Ital. *tartufi*. Redarguit eos Bochartus, quia tubera sunt fructus veris; triticea autem messis erat, cum Ruben Liæ matri attulit *Dudaïm*. Quidquid sint, odorem emittebant; tubera autem nullum habent, qui eminens feriat ambulantium nares,

*Mentha*, herba suavissimi odoris, Gallicè *menthe*, Ital. *menta*.

*Milium* genus frugis. *A millo* dictum est, propter multitudinem granorum: Gallicè *mil* ou *millat*, Italianè *Miglio*.

*Morus*, arbor, Gallicè *meurier*, Ital. *gelso*, Arborum omnium postremò floret, nec in folia; floresque se expandit, nisi ver stabile sit, quasi nolit ferre ullam hyemis injuriam aut aeris inclementiam, David (*Psal.* 77.) complectitur illam arborem inter vitæ delicias. *Consumpsit bruchus & locusta fruges illorum, grando vites, & pruina moros eorum*. Fructus ejus, ubi maturuit, manus sanguinolento colore inficit. Antiochus rex Syriæ, ut elephantos quos produxerat in aciem adversus Judæos faceret magis efferos & in pugna ferociores, his obijcienda curavit rubicunda velamina mororum, atque uvarum rubentium succo perfusa. Nam sanguinolento colore exasperantur elephantes, atque in hostem majori impetu feruntur. *Et elephantis ostenderunt sanguinem uva & mori, ad acuendos eos in prælium* (1. *Adach.* cap. 6. v. 34.)

*Myrica*, genus humilis virgulti, Gallicè *bruyere*, Italianè *tamerigia*. Crescit in locis desertis, quæ nullis arboribus confita sunt, nullis frequentata hominibus, raris ac prope nullis culta ædificiis. Indè Jeremias

(Cap.

(Cap. 48. v. 6.) denuntians calamitates & tristitia quæque obventura, *Eritis*, inquit, *quasi myrice in deserto*.

*Myrtus* arbuscula, sed in Gallia tantum frutex atque virgultum, perpetuo vitens. Amabilis atque odorata est; idem olim dicata Veneri à Gentilibus. Oleum ex ejus foliis vel ex ejus floribus exprimitur suavissimi odoris, quo Esther delibuta regi Assuero in matrimonium assumpta est. Hujus arbusci ramis Judæos adornasse ædes suas ac vestibula in encensis videre est in Esdra (Lib. 2. c. 8. v. 15.) Idcirco cum Isaias significatum vellet sortem Judæorum futuram meliorem, & pro noxiis infestisque fruticibus, sæcundos, amabiles, salutarés, frugiferosq; substituendos: hoc est, pro vitiis virtutes, pro servitute libertatem, pro exilio reditum, ait (Cap. 55. v. 13.) *pro artica crescet myrtus*.

*Nardus* nomen tum herbæ tum fruticis. *Nardus* herba & *nardus* frutex folia & cacumina sua spargunt in aristas sive spicas; unde *nardus spicata*. *Nardi* etiam herbæ plures species numerantur. Nostra lavendula, *lavande*, *spigo*, Latine appellatur *nardus spicata*; unde oleum exprimitur, quod vulgus appellat *aspicm*, vernaculè *huile d'aspic*, *olio di spigo*. Ex nardo tam herba quam frutice unguentum pretiosum suavissimi odoris conficiebatur, quod dicebatur *pisticm*, quando ex vera nardo erat; *πῖστις* enim Græcis *fidem* sonat. *Nardus* celebratur in Sac. Codice ob odorem suum & pretium.

*Nux*, arbor nota, Gallicè *noyer*, Ital. *noco*. *Nucum* autem, quæ fructus sunt, plurimæ species. In genere, poma quorum pars edulis cortice duro tegitur, appellantur nuces.

*Olea* & *oliva* tam de fructu dicuntur quam de arbore. *Oleaster* est *olea sylvestris*. *Olea* autem quæ excolitur fructifera est, fecunda numerosis bacis, oblonga forma atque ovali, quæ ubi maturescunt, atque nigrescere incipiunt, oleoso pinguique succo turgescunt, ex quo oleum articulis firmandis, sœven-



disque membris, tum mitigandis doloribus accommodatum. Eo, inquam, corpora perfusa, non modò nitefcunt, sed robur etiam concipiunt, atque ad obeundos labores redduntur habiliora. Ita David (*Psal.* 103. *vers.* 15.) dona Dei recensens memorat oleum datum homini, *ut exhalaret faciem in oleo*. Uberrimus erat proventus olearum in Judæa; undè idem Psalmista (*Psal.* 51.) cùm descripsisset miseram sortem impij, deinde sic explicat felicitatem viri qui Deo confidit. *Ego autem sicut oliva fructifera in domo Dei, speravi in misericordia Dei*. Similiter Osee (*Cap.* 14.) *& erit quasi oliva gloria ejus*. Creber de oleo & de oliva sermo in Scripturis. Olivetum locus est in quo olivæ confitæ sunt.

Olus dicitur omnis herba sativa, quæ in usu cibario est, ab alendo, quòd oleribus alerentur homines, antequam fruges repertæ essent. Omnes insuper herbæ hortenses, etiam quæ non apponuntur mensis, solent olera nominari. Ita *mentha* & *ruta* numerantur in Evangelio inter olera.

*Paliurus*, frutex spinosus & asper, qui nascitur in locis incultis. Undè Isaias (*Cap.* 34. *v.* 13.) paliuro indicat regionem desertam; sic enim loquitur: *& orientur in domibus ejus spina & urtica, & paliurus in munitiõibus ejus*. Malos qui nihil nisi malefacere norunt, assimilat Michæas (*Cap.* 7. *v.* 4.) paliuro, *qui optimus in eis est, quasi paliurus*. Quibusdam videtur *paliurus* esse illa arbuscula, quam nos Galli appellamus *houx*, Itali *agrisoglio*. Aliis habetur pro *oxyacantha* sive acuta spina, quæ mense Maio spectatissimè floret, exiguo quidem & minutissimo flosculo, cui in medio rubicundissimæ quædam festuæ insident, quæ candore & suavitate eximia commendabiles sunt, vernaculè *epine blanche*, *officianta*.

*Palma* arbor in cacumine habet ramos in digitorum modum protensos; ita palmæ manus similis videtur:

detur: unde Latinum nomen: Græci appellant *φοίνιξ*, quia in Phœnicia frequentissima. Judæa maximè incluta est palmis. Sunt quidem & in Europa, ut in Italia, sed steriles: fructum in maritimis Hispaniæ ferunt, verùm immitem: dulcem in Africa, sed statim evanescentem. Itaque palma meritò fuit insigne symbolum Judææ; undè ubique in Templo expressæ palmæ, & in nummis vetustis, quos eudendos Romani curavere, ut in nummis Vespasiani & Titi videre est arborem palmam, sub qua sedet mulier nicta cum his-ce litteris *JUD. CAP.* hoc est, *Judæa capta*. Hæc arbor oneri renititur, nec prementibus urgentibusque cedit; idè insigne in certaminibus victori decerni solet, quod invictum animi robur palma referat. Præterea uti ea arbor non patitur foliorum defluvium, semperque viret; similiter nec marcessit nomen & gloria eorum qui res magnas gessere. Canit igitur Psalter regius (*Psal. 91.*) *Justus ut palma florebit*. In Apocalypsi (*Cap. 7.*) Martyres qui invicto infractoque animo adversus Tyrannorum sævitiam substiterant, amicti stolis albis palmas manibus gestare leguntur, in victoriæ argumentum. Cacumen palmæ maximè aspectu jucundum. In Vulgata versione coma Sponsi (*Cap. 5. v. 11.*) huic assimilatur. *Coma ejus sicut elata palmarum*. Latinus Interpres parùm secutus est Græcos. *βότρυχοι αὐτῆς ἐλάται*: sed non addunt *palmarum*. Fons Hebræus reddi potest: *cincinnati ejus crispi*. In versione septuaginta Interpretum *ἐλάτη elates* modò est *Berosch* species cedri, quam iidem quandoque habent pro abiete, modò pro cupresso, modò pro junipero, modò pro pino. Elate *ἐλάτη* iis qui de plantis diligentius scripserunt, est tenerum palmæ germen, quoddamque profluentis fructus operimentum. In genere *ἐλάτη*, ut origo Græca ostendit, est arbor quæ in altum assurgit. Quidquid sit *elate*, huic-ce comam Sponsi fuit.

fuisse similem Græci dicunt. Interpretes verò Latini addidit *elate palmarum*, quoniam vox *elata* obscura incertaque erat. Job (Cap. 29. v. 18.) dicit *in nidula meo moriar, & sicut palma multiplicabo dies meos*. Juxta fontem *sicut arenam*; nempe anni mei numerari non poterunt. Quidam Hebræi exponunt vocem Hebræam *cachol* de phœnice ave. Equivocatio est in nomine Græco. Phœnix enim Græcis avis est & palma. Ferunt hanc avem esse annosam; quod & creditur de phœnice arbore sive palma.

*Papyrus*. Ut scirpus, juncus, arundo apud nos, ita in paludosis Nili aquis papyrus nascebatur, ex qua in tenuissimas membranas dissecta chartæ olim conficiebantur. Inde ob similem usum nomine *papyri* donavimus hanc nostratam chartam, quæ novo invento fit ex linteolis minutatim contulis, atque aqua maceratis. Ex papyro Nili lembos, scaphas, cymbas, aliaque navigia pice oblita construebant Ægyptii, ut ex Plinio discimus: tum ex Isaia (Cap. 18. v. 1.) qui sic loquitur insectans Ægyptios. *Ve terra cymbalo alarum, que est trans flumina Æthiopia: væ terræ umbræ alarum, id est, quæ navibus abundat, quæ recipit umbram multorum velorum*. In codice Hebræo nomen est *Tsiltsal*, quod quidem significare potest *cymbalum*, quidpiam quod tinniat; sed & *Tsel* umbram denotat. Græci verterunt: *Οὐαὶ γὰρ τῶν αἰμάτων τῶν πτερυγίων*. *Que mittit in mare legatos, & in vasis papyri super aquas*. Secundum aliam versionem *in instrumentis scirpis*. Assurgit papyri frutex nonnunquam in octo aut decem cubitorum altitudinem.

*Pepones*, cucumeris genus notum, Gallicè *melon*, Ital. *pepone*.

*Pinus*, nota arbor, *pin*, pino.

*Platanus*, Gallicè *plane* ou *platane*, Italicè *platano*. Arbor latè spargens ramos, umbræ tantum gratia ex-

stia expetita, ὡς τὸ πλάτυς, hoc est, à latitudine, nomen sortita est. Folia ejus insuper lata sunt, Gaudet locis irriguis; undè Sapiencia Ecclesiastici (Cap. 24. v. 19.) de se dicit, *quasi platanus exaltata sum juxta aquam*, cùm vellet significare virum, sapientem conspicuum & gratum esse. Platanus ab Ezechiele (Cap. 31. v. 8.) numeratur inter arbores proceras. Sed vox *Armon*, quam Latinus interpres reddit *platanum*, in eo loco Ezechielis (Cap. 30. vers. 37.) redditur à Septuaginta ἐλάτη ελάε. Sed in Genesi ubi eadem vox *Armon* occurrit, illam Latini & Græci pariter interpretantur *platanum*, Hebræi verò *Armon* habent pro castanea arbore.

*Pomum* generale nomen est omnium fructuum, qui ex arboribus esui apti proveniunt, sive mollium, sive durorum. Quod moneo, ne quis accipiat pro nomine specialis illius fructus, qui Latine *malum*, deceptus similitudine nominis Gallici *pomme*.

*Populus* caudicis est proceri & erecti. Duo ejus sunt genera; alba una dicitur ab Hebræis *libneh*, id est, candidi coloris. Populus alba numerosiora habet folia & tremula; Idè vernaculè dicta *Tremble*. Fureterius dicit arborem dictum à nobis *tremble* esse *populum nigrum* Latinorum.

*Porrum*, genus oleris notissimi.

*Prinus* nomen est Græcum πρίνος, *ilex*, arbor notissima de qua supra diximus, Scriptor historię Susannæ narrat Daniele arguisse falsi senes in quos judices Susannæ, cùm primus asseruisset se deprehensam, dum rem turpem faceret, sub *schino*, alter verò sub *prino*; undè Daniel alludens ad etymologiam *schini* τὸ χίτυ, à verbo χίζεν, *scindo*, *feco*, & τὸ πρίν, à verbo πρίζεν, *ferra feco*, *divide*, dixerit primo; *Angelus Dei scindet te medium*; & secundo, *fecet te medium*. Hisce allusionibus Africanus antiquus scriptor conabatur probare non Hebræum, sed Græcum esse illum Scriptorem,

ptorem, qui Susannæ historiam commentus esset. Respondebant Origenes hisce nominibus non quidem usum Danieli, neque iisdem arboribus; sed ut rem exprimeret Græcus Interpres Danielis, pro arboribus quæ nominarentur in textu ejus originali, qui perierat, usurpasse alias arbores, quorum nomen idoneum fuerat simili allusioni faciendæ. *Prinus* autem & *schinus* non sunt arborum nomina in lingua Latina; sed interpres ut mentem eruditi lectoris deduceret ad allusiones, quæ erant in textu Græco, Latinis characteribus Græca nomina expressit.

*Quercus* nota arbor, vernaculè *chene*, ital. *quer-cia*, multas habet species.

*Rhamnus*, Hebraicè *Athad*, Gallicè *bouc-epine*, ou *noirprun*, italicè *ranno*, Rubi genus est candidius & fructicosius, ramos spargens rectis aculeis, non ut cæteri rubi, aduncis. Baccas fert primùm virides, quæ nigrae fiunt maturescendo. Videtur *rhamnus* sive *Athad* in Scriptura poni pro quibuscumque spinis, quæ facilè ignem concipiunt.

*Rosa* flos è spina nascens, res notâ.

*Ruta*, herba hortensis notissima, vernaculè *rue*, ital. *ruta*.

*Saliunca*, quam nonnulli *celticam* *nardum* existimant; pusillus est frutex, non in eam altitudinem asurgens, in quam nostra lavendula, *la lavande*, ital. *spigo*, si quidem ab humo se non attollit: quod Virgilius annotavit.

*Lenta salix quantum pallenti cedit oliva,*

*Puniceis humilis quantum saliunca rosetis;*

*Judicio nostro tantum tibi cedit Amyntas.*

In Vulgata versione sic loquitur Isaïas (Cap. 55. vers. 13.) *Pro saliunca ascendet abies, & pro urtica crescet myrtus.* Non dubito quin interpres Latinus hæc scribens intueretur versus illos Virgilli. Nomen Hebræum *naatzonuz*, quod reddit *saliunca*, non aliud est quam

est quam *uepretum* sive *uirgultum*, nempe genus arboris vilis. Ita mentem Prophetæ Interpres vulgatus expressit.

*Salix* arbor nota, à saliendi hoc est, crescendi celeritate dicta. Juxta aquas conferi solet; undè in Psalmo 136. dicitur: quòd Israelitæ captivi sedentes super flumina Babylonis organa, id est, instrumenta musica, puta citharas suspenderint ad salices. Celeriter assiluit, & confestim arborescit salix, ut dictum est; indè Isaias (cap. 44.) justos, quos proximè Deus cumulaturus esset bonis, assimilat salici. *Et germinabunt inter herbas, quasi salices juxta perfluentes aquas.*

*Schinus*. Vide supra *lentiscus* & in voce *pinus*.

*Scirpus* species junci.

*Sentes* species spinarum.

*Setim*. Nomen lignorum ex quibus Deus Arcam fœderis conficiendam præcepit. Septuaginta interpretantur *ξύλα ἀσυνία*, id est, ligna imputribilia; ita ut ligna *setim* plurima sint, sive accipi possint pro cedro, cupresso, buxo, & aliis lignis quæ cariei non sunt obnoxia.

*Siliqua* est folliculus, seu integumentum, cui grana leguminum includuntur & si quid leguminibus simile est. Item siliqua *καράτιον* sive siliqua Græca fructus est arboris, qui non comeditur nisi à pauperibus, ut indicat illud carmen Horatii.

... *vivit siliquis, & pane secundo.*

Talibus siliquis impleri optabat miser ille juvenis, qui cum deseruisset domum paternam, dilapidatis suis bonis, inopia coactus pascebat gregem porcorum.

*Sinapi* herba est semen ferens tanta acrimonia, ut cieat lacrymas comedenti. In hybernis condimentis usitatissimum est: *senevè, moutarde* italica *senape*. Semen ejus dicitur in Evangelio Matth.

(cap. 13.

(cap. 13. v. 31.) *minimum omnibus olivibus*. Sic habebatur eo tempore quo Dominus in terris versabatur. Sive sic loqui solebant Judæi; granum enim sinapis pro re minima dicitur apud Rabbinos. Præterea minimum appellari potest proportionem; nullum enim tant parvum semen tantam rem producit.

*Sycomorus* Hebræis *sebhikema* Gallis *sycomore* Italis *ficomoro*. Appellatur etiam ficus Ægyptia. Arbor est fico similis, foliis mori. Ut amplissima describitur à Plinio; non mirum ergo si in sycomorum ascenderit Zachæus, ut qui statura humili esset; posset Jesum transeuntem videre. Obvia arbor erat in Judæa. Isaias (cap. 9. v. 10.) inducit superbos Samaritanos his verbis loquentes: *Lateres ceciderunt, sed quadris lapidibus ædificabimus: sycomoros succiderunt, sed cedros immutabimus*. Quasi dicerent exiguum nulliusque momenti damnum ac detrimentum quod perpeSSI sumus, minimo negotio parvisque sumptibus refarciatur. Inò omnia magnificentius instaurabuntur ac spectabilius. Pro lateritiis marmoreas ædes erigemus: pro sycomoro, hoc est, vulgari passimque obvio ligno, cedrina laquearia omniaque operosius perfici curabimus. Sycomorus fructus edit ignavi gustus insipidos & immaturos, quos non ramis, ut ficus, sed caudice ipso gerit; unde pauperum cibus, vel potius boum pabulum. Quare ita se pauperem describit Amos (cap. 7. v. 14.) *Non sum Propheta, & filius Propheta: sed armentarius ego sum, vellicans sycomoros*, id est, stringens ferreis unguibus, ad decerpandos fructus in boum pabulum.

*Terebinthus* arbor in Syria ac Palæstina spectabilis & amœna, folio ferè lauri, flore oleæ, coloris puniceo, baccis primum herbaceis, mox rubris, maturitate nigris. Fundit hæc æstivis caloribus terebinthi-

nam

nam resinam præstantissimam, mirè odoratam. Israelitas, quorum fors futura erat melior, huic-ce spectabili arbori assimilatur Isaias (cap. 6. v. 13.) *Multiplicabitur*, inquit, *qua derelicta fuerat in medio terra; & adhuc in ea decimatio, & converteretur, & erit in ostensionem, ut cerebinthus, & sicut quercus, qua expandit ramos suos.*

*Thyina ligna.* Hæc advehebantur in Judæam classibus Salomonicis. Fiebant ex illis instrumenta musica, ut nunc fieri solent ex lignis pretiosis colorum diversorum, quæ mittit India, vocantur *Algummim* (3. Reg. cap. 10.) & in Paralipomenis (Lib. 2. cap. 8.) *Almugim* ex *Al* & *mog* composito nomine, id est, ligna quæ non faciliè computrescunt ac dissolvuntur. Græci habent ligna *αλμυρα*, id est, picea. *Thyinarum* lignorum mentio fit in Apocalypsi (cap. 18. v. 12.) ut mercis pretiosæ. Plinius inter arbores boni odoris recenset *Thyam*. An inde thyina ligna.

*Tribulus* species est cardui.

*Triticum*, optimum frumenti genus, vernaculè *le blé-froment*, *frumento*. Res notior quam ut expositione egeat.

*Vepreum* est ubi species quædam vepri nascitur.

*Vicia*, leguminis genus jumentorum pabulo destinatum Gallicè *vesse*, Italice *veccia*.

*Vitis*, quid vite notius?

*Urtica* notissimum herbæ genus ab urendo dictum, quod ejus folia tacta acerrimè urant: Gallicè *ortie* Ital. *ortica*. Locis neglectis innascitur.

*Zizania*. Vox illa non alibi occurrit primitus, quam apud Matthæum; ut non possit definiri quæ herba sit, an lolium quod vernaculè dicimus *ieroye* italicè *loglio*, aut aliquid aliud non dissimile. Tamen constat zizaniorum nomine designari omnem inutilem, viciosam, noxiamque plantam, quæ sementi ac frugum incremento officiat; quod convenit lolio.

Ante-



Antequam caput istud de plantis concludam, breviter dicam quid intelligat Apostolus Judas in Epistola sua ( v. 12. ) per *arbores autumnales*. Græcè scripsit *ξύδρα θεινοπώρα*, quod est ex usu vocabuli *ligna autumnalia*; nimirum ligna quæ florent & fructus conantur parere autumnino jam præcipiti, quod tempus dicitur τὸ θεινόπωρον: quia verò superveniens hyems non sinit ad maturitatem pervenire, acerbi cadunt illi, & humi putrescunt. Sic quanquam floribus & foliis superbiant seductores, fructus tamen, quos specie promittunt, non præstant. Ligna planè tandem *ἔκαρπα*, imò bis emortua, ut spes reviviscendi nulla superfit.

Inter alia miranda monumenta vindictæ cælestis de spurcis libidinibus Sodomitarum, contigit ut in Pentapoli, ubi olim Sodoma & aliæ urbes, nullæ nascentur arbores, aut fructu, in speciem quidem optimis simili, sed si carpas, in pulverem fædosque vapores evanido. Testis Josephus ( *Lib. 5. de Bello Judaico c. 5.* ) *Adhuc, inquit, divini ignis reliquias, oppidorum quinque videre licet imagines, & renascentes in fructibus cineres: qui colore quidem sunt edulibus similes, carpentium verò manibus in fumum dissolvuntur & cinerem; vel ut loquitur Tacitus de iisdem fructibus: atra & inania velut in cinerem vanescunt.* Hosce fructus intuebatur auctor libri Sapientiæ ( *cap. 10. v. 7.* ) ubi in vulgato Interprete dicit: *Arbores incerto tempore fructus habentes; non suo tempore fructus habentes, ut dicit fons Græcus ἀτελείων ὄρου καρπορῶντα φυτά*: videlicet arbores quæ producant fructus imperfectos, necdum planè formatos, qui nunquam ad maturitatem perveniunt. Ibi autem loquitur de arboribus Sodomiticis, quæ nunc crescunt in Pentapoli, quæ ibi nominatur: fons Græcus: *Hæc justum, pereuntibus impiis, liberavit fugientem à descendente igne in Pentapolim.*

C A P U T IV.

*De gemmis sive pretiosis lapidibus, de quibus loquitur Scriptura.*

**P**ER gemmas intelligimus lapides pretiosos: illas autem gemmas exponendas suscipimus, de quibus Scriptura sermonem facit; sive agimus de veris nominibus lapidum pretiosorum, quos memorat & exprimit veritas Hebraica. Res magnæ difficultatis est, ne dicam dubia & incerta. Etenim nulla est certa ratio interpretandi hos lapides, ut ipsi Judæi fatentur. Etenim non adjuvant vetusti Interpretes, qui pro lubitu videntur interdum originalia nomina verisse. Omnes gemmas paucis exceptis, fascia pectoralis summi Pontificis continebat, nec de pluribus aliis sermo fit in sacro Codice; idcirco primus & ferè unicus labor versatur circa pontificias gemmas. In genere autem raritas commendat omnem gemmam, tum & materies. Hæc quæ durior, lucidior, & à maculis purior est, censetur magis pretiosa. Circa gemmas & lapides pretiosos advertendum quod dicit Salmasius, qui magna solertia, si quis alius; rem expendit in exercitationibus Plinianis ad Solinum. *Illud scio, ait, incerta illa omnium lapidum nomina esse, nec satis nota magistris ipsis.*

I.

*De duodecim lapidibus pretiosis pectoralis fasciæ summi Pontificis.*

Gemmæ illæ, quibus ornabatur pannus appositus pectori Pontificis summi, duodecimi numero erant, quatuor ordinibus dispositæ. Hunc ordinem exponit

O o

Moy-

Moyſes, & quamque gemmam nominat, plura alia non addens de his-ce gemmis, nec diverſitates illarum ſermone explicans, cùm conſpectui paterent. Quæquæ gemma inſcripta erat nomine proprio aliqujus ex duodecim filiis Jacob. Vulgò dicunt Judæi quod ſingulæ referrent colorem vexilli, quo Tribus cujus nomen gerebant, à cæteris Tribubus diſtinguebatur. Quod ad inſtitutum pertinet, ſedulus quæro quibus nominibus Græcis, Latinis-ve, id eſt, quæ nobis ſint nota, respondeant duodecim illi lapides, quos Moyſes nominibus Hebraicis expreſſit.

B. Joannes in Apocalypſi ſua mentionem facit duodecim lapidum pretioſorum; cùm ergo de ejus expoſitione minimè dubitandum ſit, ſi ad veſtimentum Aaronis reſpexiſſet, ſive ſuſcep-iſſet eodem ordine quo Moyſes Hebraicè expreſſit, Græcis nominibus explicare hos lapides, id quod quærimus conſectum eſſet. Certò, inquam, ſciremus quibus nominibus Græcis & idèò Latinis congruerent nomina Hebræa gemmarum Pectoraliſ. Sed incertum eſt utrum has gemmas ille intellexerit. Præterea inverſo ordine omnes recenſet: ita ex Apocalypſi (cap. 14.) conſtare non poteſt quibus Græcis nominibus reddendū ſint lapides ſacri, id eſt, in ſacro Codice Hebræo expreſſi. Ezechiel enumerat multos lapides pretioſos, qui idèò non ſunt notiores. Utaſ verbis B. Hieronymi. *In Ezechiele, in Exodo, & in Apocalypſi, & in Iſaia, ſibi omnes lapides & lapidum ordines comparati magnam & legenti & diſſerenti faciunt queſtionem.*

In his-ce & ſimilibus errare non eſt magnum periculum. Attamen errare non prodeſt, & quantum fieri poteſt, ſaltem multo intervallo à veritate non aberrandum. Itaque cùm, uti diximus, & manifeſtum eſt, Interpretes nonnunquam pro habitu nomina Hebræa reddant nominibus lapidum qui ſibi innotſcebant, fontes ipſi adeundi. Nempe expendenda ipſa nomi-

nōmina, quibus expressi sunt in fonte; deinde quātendum quæ istis nōminibus Græca vel Latina magis vel minùs conveniunt, & qui & quales fuerint ipsi duodecim lapides pretiosi. Exscribam hīc Joannem Braunium; quī de vestitu Sacerdotum Hebræorum lūculentum commentarium edidit. Methodum sequar quā res ipsa quæ tractatur exhibet. Scilicet de gemmis eo ordine differam, quo dispositæ erant in fascia pectorali Aaronis. Ea erat dispositio sive ordo duodecim gemmarum in dicta fascia Pectorali: 1. *Odem*, 2. *Phisad*; 3. & *BareKeth*, in ordine primo. Secundus ordo continebat 4. *Nophech*, 5. *Sapphir*, 6. *Jacalon*. Tertius ordo 7. *Leschem*, 8. *Schebo*, 9. *Achlama*, & quartus ordo 10. *Tarschisch*, 11. *Schoham*, & 12. *Jaspeh*. De singulis juxta hunc ordinem fiet à nobis sermo.

1. *Odem*. Prima littera consonans hujus nominis Hebraici est *Aleph*. Radix ejus est verbum *Adam*; undè videretur lapidem illum non alium esse quàm *admantem*, qui nulli lapidi cedit pretio. Solet quidē *Adamas* derivari à Græco *adamas*, quasi diceret *indomitus*, quia nulla vi distringi potest lapis ille, ut etiā ferrum utrinque dissulcet, incudesque insuper ipsæ dissiliant; ut ait Plinius. Verum hæc gratis dici lapidarii nostri contendunt. Nomen *Adam*, undè factum *Odem*, idem sonat ac *rubere*, aut *rubrum esse*; undè reddi solet ab Hebræis *pyropus* aut *rubinus*. Latinius interpres cum Græcis interpretatur *sardium*, qui ex Theophrasto lapis est perlucidus, qui dum clarius rubet vocatur *sarda*, quasi *sardii* fœmina; pellucidior autē & saturatior, mas dicitur. Est igneus sardius, inquit S. Epiphanius, & speciem sanguinis refert, similis sardio pisci sale condito, & exsiccato instar nostrorum salmonum, qui intus egregiè rubent. Latini volunt hunc lapidem sic dictum, quia in Sardinia nascitur. Braunius etymon

ducit à *Sered*, quod nomen in Hebræa lingua significat *rubrum colorem*. Talem colorem fuisse sardii lapidis colligitur ex Apocalypsi ( *cap. 4. v. 3.* ) ubi facies Dei dicitur similis lapidi sardio, quod Veteres explicant de facie Dei irata, quam dicunt ardentem instar ignis, sive propter terrorem Dei, cum Sardius sit igneus. Cæterum varia sunt sardiorum genera; non enim sunt omnes ejusdem coloris. Inter sardiorum genera ponitur etiam *sardoniches*. Quando sardius rubet, sed non est saturatus, palloris aliquid admixtum habens, *corneolus* vulgò dicitur, quasi *carneolus*, à carne humana, vel à carne sanguinolenta, vernaculè *cornaline*, *corniola*. Dux ergo sunt circa *Odem* opiniones. Aliis videtur *adamas*, propter similem nominis sonum. Alii verò ex etymo sive ex significatione nominis Hebræi *Odem* à verbo *Adam*, habent *Odem* pro gemma rubei coloris, sive pro rubino, sive pro sardio.

II. *Phitad* vertitur *topazius* ab omnibus serè Interpretibus, Josepho, Septuaginta, Hieronymo, Vulgato & aliis. Topazium autem veterum viridem fuisse clamant auctores omnes, nempe porri succum non malè exhiberi à colore topazii; ita ut sit è viridi pallens, sicut & *chrysoprasius*, qui est ex genere topaziorum. Alii dicunt esse vitrei coloris, sive similem vitro, cujus color æstimatur viridis. Viridem fuisse lapidem *Phitad* sentiunt Rabbini. Appellatur in libro Job ( *cap. 28. v. 19.* ) *cusch*. Auctores autem omnes consentiunt esse in Arabia insulam, quæ olim diceretur *Chitis*, ubi effoderetur topazius. *Cusch* regio non alia est quam Arabia, inter cujus insulas celebratur, quæ ab hoc lapide appellata est *Topazion*, si hæc insula lapidi nomen non indidit. Lapis *topazius* veterum, qui viridis sit, alius est ab eo, quem nunc gemmatii appellant vernaculè *ropaze*, ital. *ropazio*; nam hujusce color est aureus.

III. Ba-

III. *BareKeth*. Septuaginta, Iosephus, Vulgatus & alii *smaragdum*, Gallicè *émeraude*, Ital. *sméraldo*, verterunt. *Smaragdus* nomen suum habet à fulgore. Non mutatur sole, non umbra; non lucernis; sed semper est radians, inquit Plinius. *BaraK* autem, undè venit *BareKeth*, Hebræis sonat *splendere, coruscare, fulgurare*. Colores smaragdorū varii sunt, secundum varia genera; omnes tamen virides perhibentur. Omnium gemmarum virentium principatus deferretur *smaragdo*. Idè in Apocal. (cap. 4. v. 3.) iris dicitur similis smaragdo; scilicet quia nullus color in iride magis est conspicuus, quàm viridis. Smaragdorū Plinius dicit eos esse probatissimos, qui viriditatem puri maris imitantur. In hoc-ec loco Apocalypseos, ubi thronus Dei videtur describi media in iride, tres gemmæ memorantur, *sardius, jaspis*, & *smaragdus*. Tres in iride colores apparent, rubeus qui competit sardio, viridis quem certò habet smaragdus; & cæruleus quo colore lucet beryllus; cuius nomine B. Hieronymus reddit gemmam quæ in fonte Hebræo Exodi appellatur *jaspheh*, quod infra expendemus. Ex hoc autem loco Joannis videtur jaspidi tribuendum colorem cæruleum, cui non omnino dissimilis est viridis color, qui multum vergit in nigredinem.

IV. *Nophiech*. Septuaginta Græcis Interpretibus est *ἀρπαξ*, id est *carbunculus*, ut redditur ab Interprete vulgato, vernaculè *escarboncle*, ital. *carbunchio*. Carbunculus lapis sic dictus est, quia rubore lucet instar ignis aut ardentis carbonis. A similitudine ignium sic appellatur, inquit Plinius. Carbunculorum autem censet ille eos esse optimos *amethystizontas*, hoc est, quorum extremus igniculus in *amethysti* violam exit, quales carbunculi vocantur *rubini*, Gallicè *rubis*, Italice *rubini*. Lapis qui Chalchedonius vocatur in Apocalypsi (cap. 22.) idem est quem

quem Veteres vocavere *carchedonium*, quem Plinius dicit sic dictum ab urbe *Carthagine*, quæ & dicebatur *Carchedon*. De lapide calchedonio apud antiquos auctores qui de gemmis disserunt, nihil invenitur, cum è contra de carchedonio multa illi dicant: Undè aliqui suspicantur Scriptorum incuria Græca & Latina exemplaria Apocalypseos olim vitiata esse, & *calchedonium* pro *carchedonio* irrepsisse: idè autem carbunculus dicebatur carchedonius, quia ex India mercatoribus Carthaginiensibus adveheretur, ut idem Plinius adstruit. Est aliquod genus carbunculi, qui *granatus*, vernaculè *granato*, à pomi punici granis nominatur.

V. *Saphir*. Nomen illud Græci Græcis litteris, sicut Latini Latinis expresserunt. Et nos Galli pariter *saphir*, Itali *zaffiro*. Sapphiros nostras esse cæruleas scimus. Plinius sapphiros veterum hunc colorem habuisse testatur, & purpuræ nigræ illas fuisse similes; nempe quia cæruleus color illarum saturus. Sapphiris autem, quarum non uno loco mentio fit in sacro Codice, talis inerat color, ut videre est in hoc loco Exodi (cap. 24. v. 10.) *Et viderunt Deum Israel, & sub pedibus ejus quasi opus lapidis sapphirini id est, quasi fundamentum, & quasi cælum cum serenum est*. Sic apud Ezechielem (cap. 1. v. 26.) expansum cœli, quod vocatur solium Dei, dicitur simile lapidi sapphiro. At cœli color cæruleus est. Præterea sapphirus in Scriptura assimilatur quoad colorem venis sanguine repletis in albiissimo corpore; quæ sciliceturgent sanguine & apparent sub pelle candida. Harum venarum aspectus similis est colori cæruleo. Indè Braunius feliciter, ut mihi videtur, lucem accersit huic loco Lamentationum Jeremiæ, (cap. 4. v. 7.) ubi in Vulgato legimus: *Candidiores Nazarai ejus nive, nitidiores lacte, rubicundiores, id est, magis splendidi & rutilantes ebore antiquo*,

alii



alii reddunt *margaritis*, *saphiro pulchriores*. Nimirum Nazaræi erant corpore sano & eleganti, & venæ sanguine plenæ carnem eorum variè intersecabant, instar rutilarum sapphirorum. Corpora eorum erant candida instar nivis & lactis, imò splendentia tanquam margaritæ, intercurrentibus venulis sanguine plenis, sapphiri instar, cæruleo colore gratissima. Descriptio est pulcherrimi & elegantissimi corporis. Similiter in Canticis (*cap. 4. v. 14.*) venter sponsi dicitur *eburneus*, id est, candidus, *distinctus sapphis*, id est venis sanguine plenis, quæ colorem sapphiri habent. Et species sapphiti, quæ aspersa est pulvere aureo, sive notatur certis quibusdam punctis aureis. De hac sapphiro videtur loqui Job (*cap. 28. v. 6.*) *Locus sapphiri lapides ejus, & glebæ illius aurum*. Tales autem sapphiri minùs pellucidæ sunt & sculpturæ inutiles, ut à gemmariis discimus.

VI. *Jahalon*. Septuaginta & Vulgatus interpretantur *Jaspidem*, Josephus sapphirum; Braunius verò credit esse adamantem, qui cum omnes gemmas reliquas splendore & pretio superet, in Pectorali non tum deerat. Dicit non alteri gemmæ convenire nomen *jachalon*. Deducit autem nomen *adamas* à verbo Hebræo *Halam*, absorpto *jod*, quod apud Hebræos non est insolens. Certum quòd ex *Halam* potuit fieri *almas*; undè postea *adamas*. Verbum autem *Halam* significat *confringere*, *contundere*; undè *Halmuth*, quod est *malleus*. Duritiæ sua *adamas*, vulgò *le diamant*, *diamante*, omnes lapides confringit; sed & facile malleo diffringitur: quod suo damno sæpius gemmarios experiri dicit Braunius, arguens antiquos Scriptores qui affirmant incudes dissilire, cum *adamas* percutitur.

Non præmittam argumentum quo nititur conjectura Braunii & aliorum, qui opinantur tempore



Moyſis non ignotum fuiſſe adamantem : Etenim ; ſine adamante aut pulvere ejus artiſices non potuiſſent duodecim lapidibus nomina duodecim Tribuum inſculpere. Res nunc conſtat de ſapphiro, quæ abſque adamante non poteſt expoliri, & ulla nota inſcribi. Verùm reponi poteſt olim uſitatum fuiſſe pulverem *ſemir*, quo expoliebantur lapides pretioſi. De illo pulvere inſtrà agemus ; authores autem qui illum pulverem celebrant, non videntur eum habuiſſe pro adamante. Præterea Joannes, qui veriſimiliter alludebat ad duodecim lapides Pectoralis, nullo modo mentionem facit adamantis. Ambigerem ergo an *jachalom* verè ſit *adamas*; ſed non poſſum illum habere pro jaſpide, quoniam nomen illud videatur magis convenire lapidi qui in fonte Hebræo appellatur *jaſpeh*.

VII. *Leſchem* lapis alibi non reperitur quàm in Exodo, ubi deſcribitur Pectorale cum ſuis duodecim lapidibus. Septuaginta & Vulgatus Interpres cum aliis plerisque interpretantur lapidem *Lyncurium*, quem aliqui putarunt nihil aliud eſſe quàm optimum ſuccinum. Alii volunt gemmam eſſe maculis depictam inſtar *lynxis*. Alii ſic appellatam hanc gemmam, quia ex *lynxis* urina oriatur. Contendunt enim hoc ce animal urinam ſuam in terra occultare, quæ ubi concreverit, fiat lapis. Sed iſta adnumerare decet fabulis. Notum eſt olim ſuccinum appellatum *ligurium*, quod crederetur naſci in Liguria, quæ Italiæ regio eſt. Conjicit Braunius lapidem de quo nunc fit ſermo, eſſe *hiacynthum*. Etenim ſi B. Joannes reſpexit in Apocalyſi ad lapides Pectoralis, *hiacynthus* in eo reperiri debuit, cum expreſſè illum nominet. Sed cum hiacynthorum varia ſint genera, credibile eſt noſtrum *leſchem* ex illis fuiſſe qui colore ſuo accedunt ad ſuccinum; qua de cauſa *lyncurius* paſſim ab authoribus vocatur *ſuccinum* & *electrum*. Eoſdem ſe-

re co-

re colores quos animadvertimus in flore hiacyntho attribuunt hiacyntho gemmæ, nempe cæruleos, rubros, flavos, aureos, & id genus alia. Gemmæ hodie à nostris gemmariis dictæ *hiacynthi*, sunt aureo colore collucescentes: qualis est color succini.

VIII. *Scebo* alibi quàm in Exodo non reperitur. Septuaginta Græcis & Vulgato Interpretibus *achates* est, quem Gallicè dicimus *agate*, Italicè *agata*. Nulla notior gemma quàm *achates*. Lapis ille pulcherrimus variis coloribus imaginibusque decoratus est; ut, ferè nihil extet, quod natura in hoc lapide non depinxerit. Ideò potest origo illius nominis derivari à voce Hebræa *akud*, quæ significat *punctatum*, aut punctis & maculis notatum, quales fuerunt hirci Jacob. Si B. Joannes respexit ad lapides Pectoralis, cum nominat *beryllum*, Braunius sentit esse ipsum *scebo*, de quo nunc loquimur. Est autem *beryllus* una ex vitentibus lucidisque gemmis. Inter beryllos quædam gemmæ appellantur *chryso-berylli*, paulò languidiore; fulgore in aurum vergentes. Sculpuntur berylli singulæ forma sexangula, quò color, alioqui hebes & languidus, angulorum excitetur percussu: vix namque fulgent aliter politæ.

IX. *Achlama*. Septuaginta & Vulgatus Interpretes & alii complures intelligunt lapidem *amethystum*, Gallicè *amethyste*, Italicè *amatista*. Lapis ille Plinio violacei coloris est, nomen habens à vini colore, qui in violam desinit. Fulgor purpuræ est in hac gemma: non ex toto igneus, sed in vini colorem deficiens. Vulgò creditur huic gemmæ nomen datum à præsidio profligandæ temulentia; scilicet quia faciat homines *aquidus*. Quidquid sit, vineo colore est. B. Joannes in Apocalypsi memorat Amethystum; ut si ad lapides Pectoralis respexerit, credibile sit intellexisse *achlama*.

X. *Tarschisch*. Sæpius occurrat in sacro Codice lapis

lapis ille. In Exodo, ubi agitur de lapidibus Pectoralis, à septuaginta Interpretibus & Vulgato redditur *chrysolithus*. Sed iidem Græci Interpretes alibi vertunt *ἀνθραξ*, id est, *carbunculum*. Aded & ipsi dubii erant circa illos lapides, nisi quis suspicetur tota Biblia Hebraica ab iis solis Græcè non reddita fuisse, sed sola quinque Mosis volumina; & ided non putandos secus pugnare, si iisdem Græcis nominibus quæ extra Pentateuchum occurrunt, res eædem non reperiantur expressæ. B. Joannes in Apocalypsi memorat *chrysolithum*; quæ gemma illi est dicta *Tarchisch*; si ad duodecim gemmas in Pectorali respexit. *Chrysolithus* autem juxta Plinium gemma est aureo colore translucens. Sic dicta est *ἡ τῆ χρυσοῦ* ab aureo: quasi diceret *aureus lapis*. Hanc gemmam hodierni gemmarii quidem non *chrysolithum*, ut veteres, sed *topazium* vocant. At malè, cùm veterum *topazius* non aureus sed viridis fuerit, uti supra dictum est.

Nomen illud *Chrysolithi*, potuit esse generale & plurimis gemmis attribui; ut omnis lapis, cui aliquis color aureus inesset, *chrysolithus* dictus fuerit. Nam illæ gemmæ quæ in electri colorem declinant, *chryselestri* dicuntur, & tales sunt fortassis hiacynthi moderni. Nihilominus illæ quæ aureo colore maximè translucent, & quibus nullum vitium nec alius color immixtus est, verè sunt *chrysolithi*. Talem fuisse lapidem *Tarschisch* videtur posse colligi ex Daniele (cap. 10. v. 5. & 6.) Et levavi oculos meos, inquit ille Propheta, & vidi, & ecce vir unus vestitus lineis, & renes ejus accincti auro obrizo, id est, electo, & corpus ejus quasi *chrysolithus*: in fonte, quasi *Tarschisch*; & vultus ejus quasi species fulguris, & oculi ejus ut lampas ardens, & brachia ejus, & quæ deorsum sunt usque ad pedes, quasi species aris candentis. Ibi videtur Daniel nihil aliud intelligere quàm

quàm corpus viri, qui apparebat fuisse instar optimi & fulgidissimi auri. Idem probari potest ex Canticis ( cap. 5. v. 14. ) ubi sic loquitur Vulgatus Interpres . *Manus illius tornatiles, aurea plena hyacinthis*. Hebraeus verò codex habet, *manus ejus sunt globuli aurei, ornati sive repleti Tarschisch*. Hic iterum aurum & *Tarschich* junguntur. Ergo voce *Tarchisch* intelligitur *chrysolithus*, gemma quæ tota est aurea, & manum instar splendidissimi auri rutilare facit, neque enim manus ejus tantum dicuntur globuli aurei, sed & ratio statim additur, ob quam ita dicantur, nempe propter annulos aureos, sed præcipuè propter eximias chrysolithos, quibus & annuli, ideoque manus sponsi ornatae erant.

Nomen quidem *Tarschisch* à plerisque recensetur inter nomina maris, ut supra alicubi dictum est. Indè aliqui volunt gemmam, de qua quæstio est, fuisse marini coloris, Verum satius est *Tarschis* interpretari regionem. Constat tempore Salomonis fuisse terram in orientalibus orbis plagis, quæ hoc nomine appellaretur, undè optimum aurum & aliæ merces multi pretii advehebantur. Forsan & Chrysolithi, gemmæ quæ referrent colorem metalli, nempe auri, cujus ferax esset *Tarschis*, appellatae sunt hoc nomine. Urbs quidem erat in Hispania dicta Tharsis; sed illa, ut videtur, non condita fuit nisi post obitum Moysis, cum Cananæi fugientes à facie Josue, patria relicta, alias sedes quæssiverunt in Affrica, in Hispania & alibi.

XI. *Schoham*. Pluribus in locis Scripturæ nomen hujus gemmæ occurrit, quod diversis nominibus Græcis expresse runt Septuaginta Interpretes. Ad eod dubii videntur fuisse circa illam gemmam, sicut circa plures alias. In Genesi enim reddunt *lapidem prasinum*, in Exodo tribus in locis *smaragdum*, & in altero loco *sardinum*. In versione Græca libri Job reddi-

redditur *onyx*, & in Ezechiele *saphirus*. Ubique verò noster Latinus Interpres intellexit esse *onychem*. Gemma *onyx* candorem præfert unguis humani similitudine : undè illi nomen ; ὄνυξ enim Latine sonat *unguis*. Braunius opinatur *schoham* esse *sardonychem*, quæ mixtum nomen habet à *sardio* & *onyche*. Sardius, ut vidimus, gemma est rubri coloris, sive carnei coloris; ita, ut loquitur Plinius (*Lib. 38. cap. 6.*) *Sardonyches olim, ut ex ipso nomine apparet intelligebantur candore in sarda*, cujus mas dicitur sardius, hoc est veluti carnibus ungue hominis imposito & utroque translucido. Idè autem Braunius *schoham* pro *sardoniche* habet, quia B. Joannes in Apolypsi numerat *sardonichem*, qua voce videtur denotare nostrum *schoham*, saltem si respexit ad duodecim gemmas Pectoralis. Objici posset *Schoham* haberi in sacro Codice, ut in libro Job (*cap. 28. v. 16.*) & in Ezechiele (*cap. 28. v. 13.*) pro gemma pretiosa; Plinius autem docet *sardonichem* non fuisse magni pretii. Sed præterquam raritas pretium addat rebus, & idcirco gemmæ certis temporibus fiant viliores quia minus raræ, constat veterum testimoniis quæ profert Braunius, inter gemmas pretiosas semper *sardonichem* habitam.

XII. *Jaspeh*: Septuaginta senes reddunt *onychem*, Vulgatus *beryllum*, Plinius & Solinus putant *beryllum* cum *smaragdo* communis naturæ esse colore furdo. Est & *beryllus* cærulei coloris, etiam violacei. Inter duodecim lapides qui erant fundamenta civitatis sanctæ, juxta visionem factam B. Joanni, numeratur *beryllus*, sed non tacetur *jaspis*; quare miratur Braunius cur gemmam *Jaspeh*, quæ duodecima erat in Pectorali, non intellexerint interpretes esse *jaspidem*, sive *jaspim*. Optima autem *jaspis* viridis est, & ad *smaragdum* accedit: *Viret & sapè translucet jaspis*, ut Plinius (*Lib. 37. c. 9.*) loquitur; sed non omnis

jaspis

jaspis viridis est; variis punctis, lineis & coloribus sepius notata reperitur. Forſan quia ſmaragdo ſimilis eſt *jaspis*, & beryllo ſimilis ſit ſmaragdus, *jaspidem* Vulgatus Interpres appellavit beryllum tum in Exodo (cap. 28. v. 13.) tum in Ezechiele, contra verò, ut vidimus, ſextum lapidem Pectoralis videlicet *Jahalon* interpretatus eſt *jaspidem*. Eſt autem genus marmoris quod ſolet appellari *jaspis*, ut puto, quia referat colorem gemmæ *jaspidis*.

## II.

## De duodecim lapidibus pretioſis Apocalypſeos.

His ita poſitis, duodecim lapides Pectoralis ſerè omnes Joannes in Apocalypſi expreſſit. Etenim vidimus lapidem, quem vocat *calchedonium*, eſſe ipſum *carbunculum*, qui olim dicebatur *carchedonius*. Quam gemmam Græci Interpretes & Latinus dicunt *achatem*, vidimus haberi poſſe pro *beryllo*. Reſtaret itaque, ſi B. Joannes voluerit complecti omnes duodecim lapides Pectoralis, ut gemma quæ in fonte Hebræo nominatur *Jahalon*, & quam Braunius habet pro adamante, ſit *chryſopraſus* Apocalypſeos. Undecim enim aliæ gemmæ memoratæ à Joanne reſpondent, ut vidimus, aliis undecim nominibus gemmarum quæ inſertæ erant Pectorali. Nullam autem *adamantis* mentionem facit Joannes; nec ejus nomen uſurpat. In verſione quidem Græca & in verſione Latina Bibliorum, non ſemel nominatur *adamas*, quo nomine redditur nomen Hebræum *ſamir*; ſed illud *ſamir*, unde factum nomen Græcum *quique*, nihil aliud denotat quàm lapidem duriffimum; nec in his locis ubi ponitur, indicat lapidem pretioſum, ut apud Zachariam (cap. 7. v. 12.) & cor ſuum poſuerunt ut *adamantem*; ſic in Vulgata, ſed in fonte eſt ut

est ut *samir*. In aliis locis ubi vox illa occurrit, aliud non significat. Pulvis autem in quem reducitur *smiris*, ex Dioscoride, Hesychio, & aliis, adhibebatur à gemmariis ad gemmas expoliendas; unde factum ut *samir* potuerit haberi pro adamante, quia lapis pariter durus esset, quanquam non pretiosus.

Ut apertiora sint quæ hætenus dicta sunt, nec omnino ambiguum & incertum lectorem dimittam tum circa lapides fasciæ Pectoralis summi Pontificis, tum circa hos duodecim lapides pretiosos, quibus fundamenta cælestis Civitatis ornata fuisse dicit B. Joannes in Apocalypsi (cap. 21.) exprimam duodecim nominibus Hebræis hoc duodecim Joannis lapides, nimirum dicam quibus lapidibus fasciæ Pectoralis responderent; saltem verisimilius est respondisse, ut ex dictis colligitur. 1. Jaspis est Hebræum *Jaspeh*. 2. Sapphirus *Sapphir*. 3. Calcedonius, *Nophech*. 4. Smaragdus *Bareketh*. 5. Sardönix *Schoham*. 6. Sardiùs *Odein*. 7. Chrysolithus *Tarschisth*. 8. Beryllus *Schebo*. 9. Topazius *Pithad*. 10. Chryso-prasus *Jachalon*. 11. Hiacynthus *Leschem*. 12. Amethystus *Achlama*.

### III.

#### De Margaritis.

Matthæus, Paulus, Joannes, adeoque Christus ipse non semel meminit *margaritarum*. In vetustis autem versionibus veteris fœderis nusquam illæ nominantur; semel Versio *margarita* nomen usurpat. Proverb. cap. xxv. 12. pro quo in fonte est *Choli Ketem*, id est, *ornamentum aureum*, in genere, omne ornamentum. Mirum omnes Prophetas de re tam eximia siluisse, maxime cum in novo Testamento celeberrimæ habeantur. Nemo nescit *margaritas*, quæ gemmis

mis annumerantur, esse uniones, vernaculè *des perles*, *perle* nempe baccas candentes, quæ nascuntur in conchis marinis. Illæ conchæ petuntur ex mari, præsertim ex illo quod Eriothreum sive Rubrum appellant; undè margaritæ appellantur *Eriothreo-lapilli*. Tales verò lapillos non ignotos fuisse temporibus Prophetarum contendit Bochartus, & arguit Interpretes quod margaritæ nomine non reddiderint nomina Hebræa, quæ aliis gemmis tribui non possunt, & conveniunt *margaritis*. Loca si requirantur, primus se offeret Moses ( *Gen. 2. v. 12.* ) ubi voce *Bedolach*, cujus proventu celebratur regio Havila, nec bdellium nec crySTALLUS videntur significari, quomodo multi exponunt, sed *margaritæ*, quæ in illis locis felicius proveniunt, quàm terrarum uspiam. Eodem facit quod Num. ( *cap. 11. v. 7.* ) *Bedolach* confertur manna, quia erat album, & rotundum: quæ duo in margaritis sunt maxime insignia.

In libro Esther ( *cap. 1. v. 6.* ) inter lapides pretiosos, quibus stratum fuisse legitur Assueri cœnaculum, nominatur in fonte Hebræo *dar*, & in paraphrasi Chaldæa *dura*. Bochartus opinatur *margaritam* ibi significari à spherica forma sic dictam; *dar* enim Arabibus est *unio*. Vulgò tamen *dar* Estheris habetur pro marmore pretioso. In Jobo & in Proverbijs *Peninim* inter res pretiosas censetur aliquoties. Margaritas intelligit quoque Bochartus, & dicit nomen illud semper in plurali occurrere, quia margaritæ plures conferi solent in armillis & monilibus. Quin & prolatis testimonijs docet *πινικὸν Pinicum*, quod ut liquet, derivatur à *Peninim*, in Græcis authoribus accipi pro margarita. Piscatio *pinicâ* illis est extractio *margaritarum* è fundo maris. In libro Job ( *Cap. 26. v. 18.* ) ubi in Vulgato legimus: *Trahitur autem sapientia de occultis*, fons habet, *extractio sapientiæ præ Peninim*. Id est, melior quàm *Peninim*, ut liquet



quet ex iis quæ præcedunt & subsequuntur. Cùm igitur ibi extractio sapientiæ præfertur extractioni ~~et~~ *Peninim*, quis non videt alludi ad modum quo margaritæ ex mari extrahuntur; neque enim lapides preciosos reperias ex maris abyssis simili modo extrahi. In re tam clara Interpretes idè cæcutierunt, quia de Nazaræis dicitur in Lamentationibus ( *Cap. 4. v. 7.* ) *corpore rubuerunt plusquam Peninim*, ubi Vulgatus dicit *rubicundiores ebore antiquo*, & alii Interpretes *rubebant corpore magis quàm carbunculi*. Indè scilicet collegerunt *Peninim* non esse margaritas, quæ à candore commendantur, sed rubræ gemmæ aliquod genus. Verùm eo in loco verbum *Adam* non decebat accipere pro *rubere*, sed pro *summo candore esse*; præcedit enim in eodem versu, *nive puriores fuerunt & lacte candidiores*, quibus hæc non cohærebunt, *corpore rubuerunt plusquam peninim*, nisi ad candorem referantur. Etenim idem corpus non potest candidum esse nivis & lactis instar, & simul in modum carbunculi rubere. Ne autem putes novum loquendi genus esse, scias verbum *Adam*, quod quidem *rubere* sonat, quandoque usurpari in alia significatione. Expende quod dicitur in Levitico ( *Cap. 13. vers. 19.* ) Lepra ibi describitur in fonte alba ruberrima, id est, ut liquet, summè candida. Similiter in Canticis ( *Cap. 5. v. 10.* ) sponsus legitur *candidus & rubicundus*, id est, eximiè candidus. Poetæ quoque purpurea vocant quæ sunt summè candida, Horatius enim cygnos appellat purpureos. Bochartus insuper notat verbo *Adam* in Arabica lingua, quæ Hebraicæ dialectus est, significari *candidum esse*.

In loco Estheris *dar* habendum esse pro *margarita* idem Auctor evincit, quia redditur à Græco Interprete *πρινον*, qui Interpres, ut apertum est, respexit ad *Peninim* nomen margaritarum. Mirum autem esse non debet *margaritam* numerari inter lapides

des pavimento destinatos in Affueri regia, quasi sit res sine exemplo, ut tam pretiosa merx substernatur pedibus conculcanda. Ex Plinio discimus Pompeium habuisse musæum ex margaritis. Queritur Seneca gemmas calcari.

Ni fallor, sermone attigi omnes lapides pretiosos, de quibus loquitur Codex sacer. Restat explicandum nomen Hebræum *chodchod*, quod legitur apud Ezechielem (Cap. 27. v. 16.) Græci Interpretes & Vulgatus intactum reliquerunt eo in loco; non illud interpretati sunt. Apertum est ibi *chodchod* esse quampiam ex pretiosis mercibus, quas Tyrii mercatores adveherent. Sunt qui derivant ex *chidod*, quod est *scintilla ignis*; unde habent pro *pyrapo*, lapide pretioso qui videtur scintillare. Idem *chodchod* reperitur apud Isaiam (Cap. 54. v. 12.) ubi à Septuaginta Interpretibus redditur *jaspis*, à Vulgato *sapphirus*.

Vice appendicis adtexam gemmis olim mulieres caput exornasse. *Inaures* Hebraicè *nesamim* & *nisme* nimirum gemmæ ab auribus earum dependebant. Juvat hic afferre quod dicit B. Hieronymus in caput xvi. Ezechielis. *Verbum Hebraicum* *nesem*, excepto *Symmacho*, qui interpretatus est ὀφθαλμοί, omnes in aurem transtulerunt, non quòd in aures ponantur naribus, quæ ex eo quòd de auribus pendeant in aures vocantur; sed quòd circulus in similitudinem factus inaurium, eodem vocabulo nuncupetur. Et usque hodie inter cetera ornamenta mulierum solent aurei circuli in os ex fronte pendere, & imminere naribus. Sic gemmis & aureis circulis ornatas olim mulierum nates discimus ex his Ezechielis (Cap. 12. vers. 16.) verbis, & *dedi in aurem super os tuum*; & *circulos auribus tuis*, &c. Videtur nomen *nesamin* fuisse commune omnibus gemmis, quibus tum omnis facies ornabatur. Facies autem interdum designatur nomine *narium*; ut per gemmas intelligi possint illæ gemmæ quibuscum-

P p

que

que facies exornatur. Id moris fuit potissimum Mauris, ut adstruit B. Augustinus, apud quos sœmina sic faciem exornare solita, ut super illam ex superiori capite dependerent gemmæ, quæ ornamenta dici possunt in aures, ut pyxis aurea dicitur, quanquam propriè sit vasculum ex buxo.

## C A P U T V.

*De cæteris rebus naturalibus, quæ cælo & terra continentur; de cælo, de metallis; de re vestiaria & cibaria; de aromatibus; quorum omnium prænotionem aliquam habere utile est ad sacras Scripturas intelligendas.*

### I.

#### *De Cælo.*

**I**UVAT hoc ce capite complecti cæteras res naturales, de quibus hætenus mentionem non fecimus; quas tamen non ignorasse utile erit huic qui se accingit ad lectionem factorum Codicum. Initium sumere lubet ab ipso cælo, quo omnia continentur. Primum hoc cum cæteris quæ complectitur è nihilo eductum fuisse, eo tempore quod Scriptura adstruit, non suscipimus comprobandum. Etenim omnium scriptorum & monumentorum auctoritas evincit cepisse, nec ab æterno conditum, ut contendebat Aristoteles, non diffitens in eo se ab omnium fide dissentire. Nempe sua ætate vulgaris erat opinio non à compluribus annis ortum accepisse. Vulgò quidem opinabantur Philosophi è *nihilo nihil* *gigni*; nimirum considerabant hominis potestatem; sed cum Deus omnia possit, & ejus virtute sit quod omnia corpora actus sunt, ad imperium suum è nihilo oriri potuerunt. Mundus, inquam, opus est Dei, quod exponit Genesios

neſcos liber: ſic dictus ille liber, quia generationes  
cœli & terræ explicat. Non autem expectanda dili-  
genti & expoſitio rerum Phyſicarum; à qua etiam nos  
ſancti Patres revocant. *Mulſi enim, inquit B. Angu-  
ſtinus (Lib. 11. de Geneſi ad litt. cap. 9.) diſputant  
de iis rebus, quas majore prudentia noſtri auctores omi-  
ſerunt, ad beatam vitam non profuturas diſcentibus,  
& occupantes, quod pejus eſt, multum pretioſa, &  
rebus ſalubribus impendenda temporum ſpatia.*

Animadvertendum ſacros Scriptores in iis quæ non  
erant de iſtituto ſuo, & in quibus error non præ-  
cavendus viro qui id unum ſatagit ut à virtutis via  
non aberret: Animadvertendum, inquam, ſacros  
Scriptores eas opiniones ſequi, quas primus rerum  
conſpectus ingerit animis, & ideo quas vulgus pro-  
bat. Scilicet ſæpius loquuntur de rebus naturalibus  
prout apparent, non prout ſunt, quia non ſuſcipie-  
bant pateſaciendas, & ab iſtituto alienum eſſet hiſ-  
ce explicandis immorari. Ita ſol & luna appellantur  
duo luminaria magna, quanquam conſtet lunam ma-  
gnitudine ſua eſſe minorem pluribus ſtellis & planetis;  
ſed iudicio oculorum major eſt: ideo & primis tem-  
poribus non aliter ſentiebatur; quam ſententiam tunc  
Scriptores ſacri ſecuti ſunt. Etenim, ut ait B. Hiero-  
nymus in caput 28. Hieremiæ: *Multa in Scripturis  
ſanctis dicuntur juxta opinionem illius temporis quo ge-  
ſta reſeruntur, & non juxta quod rei veritas contine-  
bat.*

Inviſtis argumentis evinci poteſt cœlos, ſive ſpa-  
tium illud quo planetæ & cometæ divagantur, eſſe  
liberum; alioquin motus ſuos obire non poſſent: ne-  
que enim materiem cœlorum, ſi illa eſſet ſolida, pe-  
netrare poſſent, quæ moventur & tranſeunt è cœlo  
in cœlum. Non ideo minus dicitur in libro Job  
(cap. 37. v. 18.) *Tu forſan cum eo fabricatus es cœ-  
los, qui ſolidiſſimi quaſi ære ſuſa ſunt.* Aut ut fons

reddi potest: *An expanderes cum eo cœlos, junctos superioribus nubibus, firmos ut speculum fûsum.* Antiquitûs non alia erant specula, quam quæ fierent ex ære terfo & polito. Cœlum quod supra nubes est, oculis apparet quasi sphæra concava. Quanquam enim non iisdem intervallis sidera quæ dicuntur fixa & errantia, sive planetæ à terra distent; tamen videntur veluti uni sphæræ concavæ affixa; quæ sphæra sit terfa & polita, instar speculi ænei & splendentis.

Quin & ipsi primi Interpretes, nempe septuaginta senes, qui fontes Græcè reddiderunt, ex vulgi opinione illos interpretati sunt. Cùm enim veluti pro speculo æneo & concavo haberent cœlos, id quod Hebræi appellant *expansum*, sive *expansionem*, nempe cœlum illud diffusum quod omnia complectitur: Cœlum, inquam, cogitantes firinum quasi æneum, semper vocem Hebræam *Kakia*, id est, *expansionem* reddunt *σπίσμα*, & Latinus Interpretes Græcos sequens, *firmamentum*; undè facta vox Gallica *le firmament*, & Ital. *firmamento*, pro cœlo cui sidera videntur inhærere, sive pro extremo illo ambitu cœlorum quem oculi nostri attingunt. Nomen autem Hebræum significat tantum *expansionem*, id est, quasi magni velaminis sive tapetis expansi. Itaque ex eo quod dicitur in Ecclesiaste: *Terra autem in æternum stat: oritur sol & occidit*; non concluditur quies vel motus terræ. Si oculorum iudicio stamus, terra stat, sol movetur: An reipsa, & non solum secundum apparentiam, Scriptores sacri non dijudicant.

Eos ex oculorum sensu loqui indicat quod dicunt aquas supra cœlos esse. Imbres certè defluunt cœlo. Sed notum è terra humenti & tepenti aquas resolutas in vapores ascendere, ex quibus, cùm coguntur, nubes fiunt, & dum liquefcunt, effundunt imbres. Regius Psalter ( *Psal. 103. v. 3.* ) mentes imbuiere doctrina non ambiebat, unum sollicitus in Deum cor amore

amore incendere, dum canebat describens Dei opera prout illa conspicua sunt: *Extendens cælum sicut pellem: qui regis aquis superiora ejus.* Quasi imbrium scaturigo esset in ipsis cælis: Sed qualiscumque sit illa scaturigo, imbres cælo decidunt, & hoc ex Dei dispositione: quæ licet minus nota sit, constat tamen Deum mirum esse artificem. Dum reciprocos maris fluxus advertimus certis & perpetuis legibus astrictos, non ideò incerta est nobis Dei potestas, quia fieri potest ut hæcenus naturalis causa reciprocationis hujus ignota fuerit.

Scriptura facta non solis sapientibus parata est, iis nempe qui artes profitentur, & studio litterarum dediti sunt, sed tenuioribus, nec acuto ingenio præditis. Scriptores facti se illis attemperant, nec res subjiciunt nisi eo modo quo captui erant idoneæ. Ergo, ut verbis magni Augustini utar, cum omnibus ferè ea sit consuetudo intelligendi, quæ illis cernendi est; & ideò oratores res omnes quas describunt, rebus notis & expertis assimilent: pariter sacri Scriptores quando de rerum natura sermonem faciunt, eam etiam similem faciunt operibus artis. Ita Deus exhibetur in libro Job ( *cap. 38.* ) terram condens quasi artifex, qui ædes fabricaturus, primùm fundamenta locat. Ne longum faciam, sermo sacri Codicis, ut linguæ populi qui compellatur, sic opinioni convenit. Scilicet in iis quæ spectant res phycas, puta in systemate mundi ( qualecumque sit verum systema ) quia sol videtur moveri, non est hujus loci definire auster. Quia, inquam, sermo quotidianus accommodatus est nostris sensibus, decuit sacros Scriptores, qui sibi non proposuerant differere de rebus astronomicis, loqui de sole tanquam de gigante qui viam initam celeriter emitteretur. Etiam jure dixit Josue, *sta sol, ne movearis*, cum colligendæ victoriæ opus haberet longiori die. Neque enim Josue aliter locutus esset, quanquam re-

ipsa non esset certum terram stare; etenim ipsi etiam qui impugnant quietem terræ, aliter non loquerentur.

Utrum verò verè sol steterit, sive sol, sive terra, plerique quaerunt. Modò enim complendæ victoriæ suffecerit tempus, sunt qui putant non opus fuisse tanto miraculo, quo rerum vices cessassent, & tota natura fuisset perturbata. Non tanti erat, aiunt, à Josue una die vinci Amorrhæos, quos postea poterat delere. Verùm & pariter dici posset quòd transitus Jordanis siccati, & casus murorum Jericho adsonitum buccinæ omnino non erant necessarii, placuerit autem Deo sic demonstrare potentiam suam, & favorem erga Israelitas, quos cum tantis portentis volebat inducere in terram quam patribus eorum promiserat. Si dies victoriæ hujus idèò censeretur productus, quia de loco certaminis non defecerit insolitus splendor, certè aut ipse Josue delusus esset, aut nos luderet; loquitur enim de reali statione solis. Dixit ille: *Sol contra Gabaon ne movearis, & luna contra vallem Ajalon, Steteruntque sol & luna donec ulcisceretur se gens de inimicis suis. Nonne scriptum est hoc in libro Justorum? Stetit itaque sol in medio caeli, & non festinavit occumbere spatio unius diei. Non fuit antea nec postea tam longa dies, obediens Domino voci hominis, & pugnante pro Israel.* Quomodo id factum sit si à me requiratur, respondebo id factum volente Domino qui fecit solem & lunam: qui omnia de nihilo fecit, & de omnibus facit quæcunque vult.

Ut revertar ad id quod dicebam, non pertinere ad religionem opiniones physicas, observabo sive stet sol, & moveatur terra, sol vero giret circa eam; cum utriusque status firmus sit & hæcenus perseveret, merito supremus artifex laudandus ob summam potentiam & constantiam.

Non

Non autem mirum videri debet si interpres Latinus stellas cæli designet nominibus, quorum Gentiles authores sunt, hanc *arcturum*, illam *orionem* appellans; neque enim aliis nominibus uti potuit quàm notis, & usitatis. Pisces videtur ille Interpres locare sub terra, in illo Deuteronomii (*cap. 4.*) *sive piscium qui sub terra moventur in aquis*. Sed liquet aquas piscium habitaculum dici sub terra, quia aquæ depressiores sunt. Nemo est aded oratoriæ artis nescius, qui non advertat facundiam & energiam sacrorum Scriptorum, maximè in Psalmis. Haud carent illo decore poetico, quo excultus sermo jucundior est, & magis aptus ciendis affectibus. Gentium poetæ falsò fingunt Neptunum regem ventorum, quos ille claustris & carcere coerceret. Verius & elegantius Deum ventis imperantem cecinit Psalter regius: *qui educit ventos de thesauris suis*. Quia quæ vivunt magis nos commovent, ided ut vividior sit sermo, ipsis inanimis rebus vitam tribuunt Poetæ & Oratores. Sic in sacra Scriptura animalia cognitione prædita dicuntur: bos dicitur *cognoscere Dominum suum*: mare & venti dicuntur Deo obedire; quanquam obedientia sit virtus creaturæ quæ cognitione prædita est. Sanguis dicitur anima viventium, quia potissimum vita constat sanguine: anima autem idem sæpius sonat in sacro Codice quod vita, ita de animalibus non aliud inquit hic Codex, nisi vitam in illis esse motum sanguinis.

In genere multa dicuntur de animalibus, quæ illis tribuuntur, tanquam symbolis. Verbi causa, serpens ante lapsum hominis ventre serpebat; postea ex quo diabolus delituit sub forma ejus, dicitur coëpisse serpere, quia quod à rerum initio natura ejus erat, postea symbolum fieri potuit animalis maledicti à Deo: sicut iris erat in cælo ante diluvium: necesse est enim ut appareat arcus ille, quoties nubes roseida opposi-



tur radiis solis: sed post diluvium, pro signo constitutus est, quòd Deus non ampliùs obrueret aquis diluvii omnem creaturam. De hoc-*ce* arcu Scriptor facer loquitur, quasi positus sit post diluvium. Vir peritus advertit arcum illum per se signum esse quòd ea die qua apparet, non debeat timeri diluvium. Etenim ut fiat iris necesse est huic partem oppositam cœli esse serenam, quam solis radii penetrare possint usque ad nubem in qua arcus formandus est; itaque totus aer non satis nubibus densatur, ut fiat aquarum diluvium. Arcus, inquam, ille denuntiat serenum tempus.

Pertineret ad hunc locum quærere quomodo in horologio Achaz sol regressus sit decem gradibus, sive lineis, ut hoc portento Isaias confirmaret Ezechiam regem de veritate promissi quod ei nomine Dei faciebat, convaliturum ex morbo quo decumbebat, & de manu regis Assyriorum liberatum iri (4. *Reg. cap.* 33.) Portentum est, sive miraculum, cujus nulla ratio reddi potest, nisi absoluta potestas, cujus in virtute Isaias operabatur; sive potiùs ipse Deus, qui ergo omne id quod perturbaret rerum naturam faciliè ipse impediabat.

Ad rem non pertinet expendere, an illud artificium quo, prout lubebat Jacobo, oves pariebant agnos varios, sive maculatos, fuerit omnino naturale. Deus quidem potuit artem Jacobi etiam divinitùs secundare; sed certum est magnam esse vim facultatis ejus, qua in cerebro variæ delineantur formæ. Pars matris est proles dum in utero ejus concluditur, & cum cerebro ejus colligatur. Idèò videmus tum forinam tum colorem in prole referri rerum quarum imagine mater vehementer commota fuerit. Ergo cum his-*ce* temporibus, quibus fœtus conciperent & prægnarent oves, in canalibus, ubi adaquabantur, Jacob disposeret virgas diverfi coloris, non mirum est si fœtus  
variis

variis distincti maculis nasceretur. Revocabo ad pauca capita quæ prænotanda supersunt circa res naturales, de quibus fit aliquis sermo in sacro Codice.

## II.

*De Metallis.*

De metallis differentes considerabimus in genere opera ex illis fieri ope mallei, vel admoto igne quo liquefunt. Etenim non sic coherent eorum partes, ut malleo non possint extendi, & ex illis tenuia fila deduci. Ars autem artificum potissimum animadvertenda est, qua portione qualibet metalli norunt res planas, cavas, gibbas, rotundas, patulas facere repetitis mallei ictibus, contrahentes, aperientes, ut videre est in hujus artis operibus. Illa opera solent dici facta ex metallo ductili; cum verò conflatum metallum, sive fustum liquefcit, & infunditur in typum, formam hujus recipit. Candelabrum Mosis factum est ex auro ductili: mare æneum ex ære fustum est.

Omniun metallorum præstantissimum est aurum. Varia auri genera memorantur in Scripturis, sive sint quæpiam diversa genera, sive varia ejus nomina, à natura, à colore, à loco unde eruitur. 1. Dicitur *Tob*, id est, *bonum*, quia revera bonum est & utile. 2. *Thaor*, id est, purissimum, quando scilicet nihil admixtum habet. 3. in lib. 3. Reg. (Cap. 10. v. 17.) nominatur aurum *Sagur*, à verbo Hebræo quod sonat *claudere*, quia aurum claudatur ob pretium. Septuaginta interpretati sunt *aurum purum* (3. Reg. cap. 10.) 4. Aurum appellatur *mupaz*, à quodam loco dicto *Uphe*, vel quia est instar *Paz*, id est, quia micat; *Pazaz* enim Hebraicè est *subsilire*. Septuaginta interpretantur *aurum probatum* (Jer. c. 10. v. 9.) 5. *Mesukak*

*sukak* quia hoc auro obducuntur parietes, inquiunt Judæi. Septuaginta appellant aurum de *mophaz*, & Latinus de *Oppaz*, quod 1. Paralipom. (Cap. 28. v. 18.) appellant *aurum purum probatum*. 6. Schachut, quia netur instar fili, vel quia ducitur instar ceræ. Latinus Interpres appellat *aurum probatum* (3. Reg. c. 10 v. 17.) Septuaginta verò *aurum ductile*. 7. nominatur aurum *Parvain*; Latinus Interpres iterum reddit *aurum probatum* (2. Paral. cap. 3.) Græci verò locum esse aliquem putaverunt, unde aurum adveheretur, puta à *Taprobane* insula quæ videtur derivare suum nomen à *Taph*, id est, littus & *Parvain*, quasi dicas *littus Parvain*. Alibi dictum etiam de Ophir adductum aurum, quæ regio Ophir forsan non alia quàm *Taprobane*, quæ nunc *Sumatra* dicitur auro feracissima.

In Scripturis, ut in Apocalypsi, opera quæ Hebræus & Græcus codex dicunt facta ex ære polito sive purgato, hæc Latinus interpres dicit facta ex *aurichalco*. Sunt autem qui distinguant *aurichalcum* ab *oricalcho*. Vulgò creditur *oricalchum* dici illud æs quod foditur in montibus; unde quod Latinus Interpres appellat in Apocalypsi *aurichalcum*, in fonte Græco dicitur *χαλκολίβατον*, quasi ibi fieret sermo de ære effosso in monte Libani. Verum certis veterum testimoniis constat *orichalcum* esse quidem genus aliquod æris, sed quod fiat quadam admixtione album. Itaque Bocharto *χαλκολίβατον* non est *as montis Libani*, sed æs album; *Lebana* enim Hebræicè idem sonat quod *album*. *Aurichalcum* autem, ut nominis origo aperta indicat, est metallum mixtione auri & æris constatum. Olim ex auro, quod certe portione cum argento permiscebatur, fiebat *ἤλεκτρον* *electrum*. Nomen quidem illud, solet tribui succino, & crystallo; verum capite 1. v. 4. versionis Græcæ Ezechielis, ubi ponitur pro verbo Hebræo *Hafmal*,

*mal*, interpretandum est de aliquo metallo; neque enim ibi *electrum* potest sumi pro succino & cry-  
 stallo. Non etenim succinus & crystallus splendent, quod Ezechiel dicit de *Hafmal*, cum ponuntur in igne. Succinus in resinam liquescit, crystallus verò amittit splendorem suum. *Hafmal* non fuisse electrum, prout nomen illud significat metallum partim aureum, partim argenteum, sentit Bochartus, sed potius aurichaleum. Probat etymologia nominis *Hafmal*, quod accersit ex Chaldaea lingua, in qua *metat* est aurum, & in lingua Hebraea *Nechas* est *as*. Ex *Nechasmatal* fieri potest per apocopem *Hafmal*. Præterea allegat vetustos testes, qui scripsere apud Babylonios fuisse *as* lucidum & purum, rubiginis expers, quod colore ab auro non dignosceretur, idèdque aurichaleum sive *as* aureum dici potuerit.

## III.

*De Stibio & Nitro,*

Non semel in Vulgata nostra sic mentio stibii, quo videre est olim Israelitidas mulieres colorem vultus fucasse. Græcè dicitur *sîkus*, quod nomen respondet Hebræo *Phuch*, quod *fucus* est. Stribium autem, sive *sîkus*, sive *sîbi*, utrumque habent. Septuaginta, lapis est candicans & nitens, qui in argenti metallis invenitur, vulgò *antimoine*, *antimonio*; quo mulieres utebantur in vultu pingendo: non ut candidiores apparerent; imò ut fucarent oculos. Vetus lexica docent *stibium* esse colorem metallicum & nigrum. Fucabant se olim mulieres purpurisso ut conciliarent genis & labiis ruborem, cerussa candorem ori & collo, & stibio nigrorem oculis; quos B. Hieronymus in Epistola ad Furiam appellat *orbes stibio fuliginatos*. Una ex filiabus Jobi (Cap. 42. v. 14.) nomi-

nominata fuerat *cornustibium*, in fonte *Kerenhapuch*. Nomen Hebræum *Puch* idem sonat ac Latinum *fuscus*; sed & vertitur *stibium*: nomen *Keren* radium & cornu significat; *Karan*, radios splendoris instar cornu emittere. Filia illa Jobi *Cornustibium* nigris oculis forsan spectanda erat.

Nitrum Hebraicè dicitur *Nether*. Constat ex Jeremia (*Cap. 2. v. 21.*) fuisse rem aptam sordibus abstergendis: *si laveris te nitro*. Græci Interpretes & Latinus noster illud non vertunt. Quæritur an illud nitrum habendum sit pro nostrate nitro, quod salpetra dicitur *du salpetre*, *salnitro*. Peritiores volunt aliud esse genus salis; & salem petrae ignotum veteribus, novitiumque inventum ad bellicorum tormentorum usum.

#### IV.

#### *De re vestiaria.*

Suo loco disseruimus de vestitu Sacerdotum; tum & de iis quæ in vestitu omnium Judæorum attinebant ad religionem, sive quæ præcipiebantur legibus observanda. Sermo ergo ille quem suscipimus, spectat primùm diversa opera quibus conficiebantur vestes & ornabantur. Est opus *Taschbetz* aut *Mischketzeth*, quod *tessellatum*, vel *scutatum*, vel denique *reticulatum* dicere possis; cùm scilicet sic textitur pannus, ut distinctus sit variis maculis, vel orbiculis, quasi totidem oculis. Hoc-ce opus appellatur *ocellatura*. Ocelli illi erant quasi fossæ quæ fiunt in annulis aureis, quibus infiguntur lapides pretiosi. In Psal. 44. v. 14. Sponsa Christi dicitur vestita *in simbrisiis aureis*. Fons benè vertitur *in fundis aureis*, quatenus nomen illud *funda* denotat partem annuli, quo gemmae nectuntur. Scilicet vestis illa sponsæ erat *ocella*.

*ocellata* sive *reticulata*, distincta talibus *fundis aureis*. Tales vestes rigentes auro vix poterant transfigi. In secundo Regum (Cap. 1. v. 9.) ubi Saul queritur non posse sibi necem inferre, & ab Amalecita auxilium ad id postulat: *tenent me angustia*, inquit, *& adhuc tota anima mea in me est*. Sensus fontis videtur talis esse: *tunica illa ocellata*, facta opere de quo quaestio, *me retinet vel impedit* quominus possim me transfigere gladio.

Est aliud opus dictum *Choscheb*, quod ut etymologia nominis indicat, est opus artificiosissimum, quod ingeniosè excogitatum est, à verbo *Chaschab*, quod est *cogitavit*, sive quod multa indiget cogitatione. Consistebat autem in certis quibusdam figuris & varietate colorum, quare vestes hoc opere confectæ dicebantur *varia*. Vulgatus illas appellat *polymitas*, id est, plurimis liciis textas, ut nomen illud quod Græcum est, notat: *μίτρον* est filamentum; sed & significat vestes pluribus coloribus & grata aliqua varietate colorum atque figurarum distinctas & ornatas. Tale opus & *plumarium* vocat idem Vulgatus, quod nomen significat id quod varium est. *Plumare* est *ποικιλῆν*, nempe *variare*.

Opus *Rokem*, undè *Rekamet*, Vulgatus Interpres pariter interpretatur *opus plumarium*. Ex voce Hebræa Itali formarunt suum *recamare*, pro *acu pingere*. Differunt tamen *Choscheb* & *Rochem*, inquiunt, quod *Choscheb* textum sit nulla adhibita acu; *Rokem* verò acu pictum sit, quod opus *Phrygionicum* dicitur; quia hujus Phryges inventores creduntur. Quæ pectine sunt opera, difficiliora sunt acu pictis; idèò opera *Choscheb* censentur, id est, artificis excogitantis, nimirum qui non vulgarem solertiam adhibet. Antequam ultra progrediar, observabo vestem, quam Hebræi nominant *Passim*, qualis fuit Josephi, (quam Vulgatus appellat *polymitam*) fuisse ex diversis fru-

lia frustis, sive portuanculis, quod indicat nomen Hebræum, contextam. Scilicet variata erat tunica Josephi, & multis coloribus distincta, quales erant hominum Gallorum vestes, quos Virgilium (*Aeneid. Lib. 8. v. 660.*) dicebat *luere virgatis sagulis*: Nempe sagula eorum habebant in virgarum morem deductas vias. Ad hæc ornamenta alludebat Tibullus dum lib. 2. eleg. 3. canit.

*Ille gerat vestes tennes, quas sæmina Con-  
Texuit, aratas disposuitque vias.*

Indè lucem accerso obscuro loco Canticorum (*cap. 8. v. 5.*) ubi describitur decòr Sponsæ: *Coma capitis tui sicut purpura regis vineta canalibus*. Scilicet capilli tui implexi; vernacule *les tresses, le treccie*, non minus placent, quam viæ quæ sunt in purpurea veste regis. Verbum fontis *Rehatim* indicat ambulacra, canales, vias per quas discurretur.

Est quantum opus, quod fons Hebræus appellat *Schesch maxschar*. Vulgatus Interpres accipit *Schesch* pro bysso, *Maxschar* verò intelligit filum retortum; ideo reddit *byssum resortam*. Sed *Schesch* est etiam nomen numeri *sex*; ideo volunt quæ opere illo contexta essent velamina, facta esse ex sex filamentis retortis, sive ex sextuplici filo.

Sola quæ difficilia sunt attingimus, & quæ circa materiam vestium minùs nota. Ergo non opus est dicere primum homines foliis, deinde pellibus, sive animalium exuviis se induisse. Pelles erant vestimentum Prophetarum, ut indicat Epistola ad Hebræos (*cap. 11. v. 37.*) *Circuierunt in melotis, in pellibus caprinis*. Ex Suida melote *μελωτή* est ovina pellis, vel pera confecta ex ovina pelle. Nulla res alia maiorem usum unquam habuit in vestimentis, quàm lana & linum, quibus terra Israelis abundabat. Linum à cannabo differt. Linum notatur in fonte hoc-ce nomine *Schech* vel illo *Bad*. In Græca versione

sione appellatur *byssus*; in Latina scriptis *byssus*, quandoque *linum*.

Non una species est lini; præterquàm certis regionibus linum pretiosius nascitur. *Gossipium* vernaculè *coron*, ital. *bambagia*, etiam appellatur *linum Xilinum*, quatenus ex frutice venit, qui poma fert, quibus continetur gossipium. Frutex ille non viti dissimilis est; unde gossipium appellatur *lanæ vitis*. Jam supra de hoc ce genere lini mentionem feceramus.

Certis pinnis sive cochleis marinis innascitur species lanæ quæ appellatur *byssus*. Hoc ce nomine etiam appellatur linum illud quod Indi ex arboribus legunt. Quæritur ergo utrum Hebræum *Schosch* sive *Bad*, sive *byssus* Græcæ versionis, sive *linum* vulgari Interpretis sit linum, quale est illud cui id nominis damus. Puto non aliud fuisse, adductus hoc argumento, quod linum nostrum, ex quo fiunt retia & funes validiores, dicatur ab Hebræis *Pischthim*; quo nomine *Schosch* & *Bad* intelliguntur. Certum est autem non ex gossipio funes fieri. Ex cannabo quidem etiam torquentur funes; sed vestes lineæ Sacerdotum ex pretiosiori materia fuisse confectas verisimile est.

Et capræ ministrabant pilos, ex quibus vestes conficiebantur; ut discimus ex Varrone. In Cilicia tondebantur, ut oves apud alias gentes. Indè sunt qui putant cilicia sive saccos quos viri pii induebant, ex caprarum pilis fuisse factos, non quidem ex tenuioribus sed crassioribus; quales illi sunt quibus mercatores solet involvere suas merces. Nigri erant illi sacci; etenim pili candidi in majori pretio erant: indè dicitur in Scriptura cælum indui nigredine & sacco sive cilicio, cum nubibus atris obducitur. *Cilicium* est vestis rudior & vilis; undè induebatur in signum luctus. Ex villis capræ videtur Michol parasse capillitium, quo simulavit Davidem ægrum decumbere in lecto.



lecto. Legerant Græci Interpretes ( 1. Reg. 19. v. 13. ) *Caved*, id est, *jecur*; undè sic interpretati sunt hunc locum quasi Michol jecur recens capræ exemplum supposuerit stragulis; cujus, ut dicit Josephus, palpitatione viderentur illa moveri. Sic creditum quòd verè in lecto David decumberet. Fons verò hodiernus sicut & tempore B. Hieronymi habebat *Cabir*, id est, *magnum, validum, multum*. Sic ergo in vulgata nostra legimus: *Tulit autem Michol statnam imaginem, & posuit eam super lectum, & pellem pilosam caprarum*. Cappillitium nempe ex magnis & multis villis capræ, *posuit ad caput ejus & operuit eam vestimentis*.

Vestium sericarum usum ignotum fuisse tempore Moysis constare debet, cùm apud Romanos nec sericum cœperit innotescere nisi sub Augusto. Apud Ezechielem ( *cap. 16. v. 10.* ) legitur vox illa *Meschi*, quam nonnulli interpretantur *sericum*; verùm Propheta indicat tantummodo vestimentum, aliquod subtile & pretiosum. Etiam vocem *Scherichoth* apud Isaiam ( *cap. 16. v. 8.* ) aliqui habent pro veste serica; sed & illa vox derivari potest à verbo Hebræo *Sarach*, quod idem sonat ac *pellere*, ut *Scherichoth* sint lina benè pexa, quod probar Braunius in docto opere de vestitu Sacerdotum Hebræorum. Inter pretiosas vestes Scriptura sacra solùm numerat byssum & purpuram. Quid sit purpura dicturus sum.

Lana, prout diversimodè tincta erat, dicebatur Hebræis vel *Thechelet*, vel *Argaman* vel *Tholaat schani*. Constat *Thechelet* esse hiacynthum, nempe colorem violaceum sive cæruleum, qui color est cœli sereni, & maris, & aeris nigricantis, quem Galli vocamus *bleu-mourant*, Itali *azzurro*. Sunt qui contendunt colorem *Thechelet* non alium esse à conchylio, nempe à sanguine conchyliorum, quo conchyliatæ vestes inficiebantur. Purpura autem nomen est commune

mune non uni pretioso colori. Erat quippe purpura violacea apud veteres; ut purpura sit omnis vestis coloris pretiosi; undè, ut jam observatum est, *byssus & purpura indumenta ejus*, id est, pretiosa sunt ejus indumenta. Attamen purpura sæpius sumitur pro rubro colore; undè sanguis dicitur purpureus. Nomen Hebræum *Argaman* redditur à Græcis *purpura*; ita *Argaman* decet intelligere fuisse rubrum colorem, qualis est in rosa nigricante, aut in sanguine concreto. Purpuræ quæ dicebatur *Tholaat schani*, erat quidam color rubeus, sed rubedine florida, & acuto lumine splendens instar micantis rosæ sine nigrizia & saturitate. Græci *Tholat schani* interpretantur colorem coccineum, cui inest igneus fulgor, Gallicè *rouge cramoisy*, Ital. *chermisi*. Vidimus *schani* esse fruticem, in cujus sanie panni tincti dicuntur habere colorem coccineum; qui idèd dicitur vermiculus, undè Gallicè *vermillon*, Italicè *vermiglio*. Arabes animal quod in cocco reperitur appellant *Kermes*; undè procul dubio factum nomen Gallicum *cramoisy*.

Dum loqueremur de cocco frutice, vidimus illum ab Hebræis dici *Schani*, quod nomen datur colori qui educitur è cocco. Quia autem vox Hebræa non multum differt à *Scheni*, quod idem sonat ac *secundus* vel *duplex*, ideo Latinus Interpres cum Græcis in Proverbiis (cap. 31. v. 21.) intelligit vestem *Schani* esse vestem duplicem, cum sit vestis coccinea. Etiam observatum est vestem *Tholaat* sonare Hebræis quod *vermis* Latinis, & *Tholaat Schani* esse vermiculum fruticis hujus qui *Schani* dicitur, cujus sanie tingebantur vestes coccinæ; ut hodie color, quem vernaculè appellamus *escarlato*, *chermisi*; sit ex vermiculis sive ex quadam specie muscarum, quæ materies, qualiscumque sit, nominatur vernaculè *cochenille conchiglia*: de illa enim materia tinctoria audio lites moveri.

Non prætermittendum est Judæos delectatos vesti-

bus lanceis albi coloris; quæ vestes cùm facilè sordescant, ideo fullonibus crebro committendæ erant; quorum ars versatur in lavandis & dealbandis lanceis vestibus creta, &, ut hodie fit, sulphure. Indè apud Marcum ( *cap. 9. v. 2.* ) & *vestimenta ejus facta sunt splendentia, & candida nimis velut nix, qualia fullo non potest super terram candida facere.* Cùm nobiles Hebræorum albas vestes sibi deligerent, idèd qui præclaro aliquo stemmate erant insignes vocabantur *chorim*, quasi dicas *albatos*; illi autem qui obscuro loco editi erant, *Chaschuchim*, id est, *obscuri*, *obscuri*. Parantur vestes, quibus corpus adversus frigus & aeris injurias præcingatur; idèd illæ dicuntur *שַׁמְרֵי זֶרֶם* *aperizomata*, id est, *succinctoria*, quæ Adam & Eva sibi fecerunt ad tegendam nuditatem ( *Gen. cap. 3. v. 7.* ) Vestis totum corpus tegebat, sed *semicinium* partem. Nimirum pannus erat, quod partem anteriorem corporis à cingulo ad pedes præcingebant pauperiores qui forsitan ex inopia tunicam integram non habebant.

*Penula* erat vestimenti genus, quo iter facientes & nebuloso seu pluvioso tempore utebantur antiqui. Talis erat *penula* quam Paulus Troade reliquerat apud Carpum. Non dicam fuisse vestes proprias gaudio, luctui, conviviis, nuptiis: alias talares, laxas, quæ ideo dum fieret iter, altè accingendæ erant. Locus autem Levitici ( *cap. 19. v. 19.* ) exponendus est: *Veste qua ex duobus texta est, non indueris*, nempe ex lino & lana. Hac lege, ut alibi diximus, Deus ab omni mala permixtione revocabat Israelitas. In illorum gratiam patraverat insigne miraculum, quod Moyses eis in memoriam revocat in Deuteronomio VIII. 4. *Vestimentum tuum quo operiebaris, nequaquam vetustate defecit, & pes tuus non est subtritus, en quadragesimus annus est.* Quod & legimus in secundo Eldræ IX. 21. *Quadragesinta annis pavisti eos in de-*

in deserto, nihilque eis defuit: vestimenta eorum non inveteraverunt, & pedes eorum non sunt attriti: Non solum necesse fuerat ut in deserto non veterascerent eorum vestimenta, sed ut una cum eorum statura crescerent; debebant enim successive parvulis & adultioribus viris quadrare, quod pro magno miraculo habendum est.

V.

De re cibaria:

Rem cibariam ordiamur ab eo pane cœlesti quo Deus pavit Israelitas in deserto, qui dictus est *Manna* aut *Man*, mellei saporis, & similis bdellio, ut ait Scriptura. Vidimus autem de gemmis differentes ibi bdellium accipiendum pro *margaritis*, quarum similitudinem tum candore, tum rotunditate sua *Man* referebat, ut loquitur Vulgatus Interpres (cap. 16. v. 31.) quod erat quasi semen coriandri, fons dicit, ut semen *Gad*, quod Græci reddunt *ρογίς*. Omnes interpretes intellexerunt *coriandrum*, herbæ genus, cuius semen saccharo convestitum inter bellaria locum obtinet, ut suo loco diximus.

Salmasius contendit nomen *Man* jam usitatum fuisse Hebræis, antequam pane illo cœlesti nutrentur. Scilicet jam hoc nomine appellabatur ros cœli pinguior, matutino tempore cœlo disfluens, & herbis arboribusque insidens ac concreescens. Igitur quo tempore primum Israelitis in deserto morantibus cœlestis ille ros cœpit impluere, qui divino munere in alimentum eorum mittebatur, cum ignorarent quid esset, ex similitudine quam videbant habere cum *Manna* sibi nota, dicebat alter ad alterum Mannam esse, *Man hou*, nimirum *Man hoc*, sive *Man est*: granæ enim erant rotunda, minuta, alba, quæ more pruinæ à cœlo descendeant matutinis temporibus, sole

demum orto liquecebant evanescebantque. Non igitur Israelitæ quasi quærentes & interrogantes *quid esset*, quæ communis etymologia est vocis *Man*, sed *Man* esse verè pronuntiabant. Vox *Man* non sonat *quid* sed *quis*. Ut vulgata etymologia probari non possit. Ergo, inquiet aliquis, Manna illud Moyſis sic describitur, ut sit ejusdem prorsus coloris, ejusdem figuræ, ejusdem consistentiæ, ejusdemque saporis cum naturali *Manna*; eodem ipso modo, iidemque horis stiller, eademque demum ratione ad solis radios evanescat; ex quibus sequeretur Moyſis manna purè fuisse naturale, saltem quoad substantiam. Etsi conjectura Salmasii vera esset, illud in manna Moyſis singulare erat ac mirabile, quod primum tanta copia circa Israelitarum castra decideret, ut multis hominum myriadibus unoquoque die alendis sufficeret. Secundò quòd singulis Sabbatis intermittenda, die proximè superiori in duplum afflueret. Tertiò quòd hyberna pariter ac æstiva tempestate allaberetur; & corpus nullo alio adhibito cibo sustentaret. Quartò quòd ad solem liqueſcens non secus ac vulgaris manna, nihilominus tamen induraretur igni admota; adeo ut foret in mortario conterenda. Quintò denique ex uniuscujusque desiderio, erat hujus vel alterius saporis, ut adstruitur in libro Sapientiæ ( *Cap. 16. vers. 20.* ) *Angelorum esca nutritivisti populum tuum, & paratum panem de cælo prestitisti illis sine labore, omne delectamentum in se habentem, & omnis saporis suavitatem. Substantia enim tua dulcedinem tuam, quam in filios habes, ostendebat: & deserviens uniuscujusque voluntati, ad quod quisque volebat, convertebatur.* Cessavit manna cum in terram promissam Israelitæ ingressi sunt, & cœperunt comedere de frugibus ejus. Jussus est Moyſes asservare in urna aurea, quam reposuit in Sancto Sanctorum, manna ad memoriam tanti mira-

mira-

miraculi conservandam; & hoc est manna quod in Apocalypsi 11. 17. JESUS CHRISTUS dicit se daturum vincentibus. *Vincenti dabo manna absconditum*; hoc est, pascha; verum manna, quale illud fuit quod abscondidit Moyses in urna aurea.

Pertinent ad rem cibariam, molendinæ: Primitus fruges tostæ in mortario terebantur; postea inventæ molæ versatiles & trusatiles. Majores quidem circumagebantur à jumentis, asinis, ideo dicebantur asinariæ; minores ab hominibus & frequenter servis, qui flagitium aliquod commiserant. Molas trusatiles habebant etiam Hebræi, quæ constabant lapide superiori & inferiori. His utebantur etiam pauperiores; ut videre est in Deuteronomio (Cap. 24. v. 6.) *Non accipies loco pignoris inferiorem & superiorem molam, quia animam suam opposuit tibi*: Sine illis non potest sibi panem conficere; ergo nec vitam sustinere.

Plura addere non opus est in hoc-ce sermone de re cibaria. Neque enim, verbi causa, ignotum quid sit panis *azymus*, hoc est, qui sine fermento paratur. Nota vis fermenti, quo modico farina, cui immiscetur, acescit & calefcit. Indè tot petitæ à fermento comparationes. Cum autem pane fermentando plusculum temporis requiratur, ideo Dominus accelerans egressum Israelitarum ex Ægypto præcepit ut uterentur pane azymo, cujus usus voluit ut retineretur, in rei memoriam; tum etiam ut intelligerent veri Israelitæ esse integram renovationem, quæ non sit in pane fermentato; fermentum enim sit ex veteri massa, quæ acida est. Panis subcineritius dicebatur, qui non in clibano coquebatur, sed super carbones, aut in foco sub cineribus calefcientibus; indè habet nomen. Tota res cibaria Hebræorum caret difficultate, quia parabili cibo utebantur. Nondum ad inventa illa gulæ hodierna irritamenta, quæ vix explicari possunt.

Non indictum autem prætermittam nomen illud *butyrum*, quia video ambiguum esse. Nunc butyrum nobis est portio lactis pinguior, quæ frequenti agitatione à sero separatur. Verùm cum Plinius ( *Lib. 18. cap. 9.* ) asserat barbararum Gentium cibum esse; & comperit nobis sit in Italia, & ideo in Judæa talis butyri usum tam ignotum fuisse quàm usitatum est in regionibus septentrionalibus, quæ frigidiores sunt, cum in sacro Codice nominatur *butyrum*, accipi debet illud nomen in sua propria significatione, pro bubulo caseo. Græcum nomen est hujusce significationis. Quod Hebræi *chemea* appellant à Græcis redditur *Butyrum* *butyrum*. Itaque non aliud est quam ipsa pinguedo lactis, ex qua tum caseus, tum id quod *butyrum* appellamus, conficitur, quam pinguedinem sic appellant Hebræi, quia semper calet, & nunquam congelatur.

Non alienum est ab hoc loco, in quo de re cibaria agimus, observare veteribus fuisse multiplicem morem triturationis frumentorum. Tribulis, hoc est, rabula clavis ferreis exasperata & ponderosa utebantur, quam ducerent boves supra segetem: sic excutiebant grana ex palea. Lex autem vetabat ne bobus qui tunc tribula traherent, os alligaretur, ne possent degustare fruges quas terebant. Alibi gressibus equorum, aut perticis, sive flagellis exterebantur fruges. Ad triturandi modum alludit Michæas ( *Cap. 4. v. 13.* ) *Surge & tritura filia Sion, quia cornu tuum ponam ferreum, & ungulas tuas ponam areas, & comminues populos multos.* Similiter Isaias xxv. 10. *Et triturabitur Moab sub eo, sicut teruntur palea in planstro.* Ad quem locum Hieronymus. *Hoc juxta ritum loquitur Palæstina, & multarum Orientis provinciarum, quæ ob pratorum & feni penuriam paleas preparant esui animalium.* Sunt autem carpenta ferrata, rotis in sarracorum modum revolvensibus, quæ stipu-

*stipulam conterunt & comminuunt.* His tribulis stramen comminutum redigebatur in paleam; ut esset aptum pabulum jumentis. In hoc-ce articulo de re cibaria observabo olim militibus Romanis acerum in potum datum; undè his qui servabant cruces in monte Calvariae, suppetiit acerum, quod Christo Domino obtulerunt cum felle mixtum. Temperabatur acerum alio aliquo liquore. Embamma condimentum quoddam erat, quo intingebantur opsonia.

## VI.

*De aromatibus.*

De aromatibus sive de unguentis, quorum mentio fit in Scriptura sacra, dicturus admonebo nomen illud *unguentum* non esse medicamentum, ut vulgus existimat, & tenacem illam compositionem, qua Chirurghi utuntur ad vulnera sananda; sed commixtionem diversorum odorum, addito oleo, aut balsamo, aut alio aliquo pingui, ad ungenda corpora, deliciarum & luxuriæ causa, inventam. De unguentis loquor, quatenus describuntur in sacro Codice. Etenim erat commixtio odorum à Deo præscripta, ad ungendum Tabernaculum cum vasis ejus; quæ & commixtio propria esset unctioni Summi Pontificis. Demùm alia erat aromatum compositio; quæ incendebatur in altari odoramentorum, sive thymiamatis; de quibus commixtionibus sive unguentis seorsim dicendum est.

Compositio unguenti, quo Tabernaculum cum vasis suis ungendum erat, his verbis præscribitur in Vulgata versione Exod. (Cap. 31. v. 23.) *Sume tibi aromata*, id est, res boni odoris, *prime myrrha & electe quingentos siclos.* Hebræis *myrrha* dicitur *Mor*. Fons sic reddi potest. *Accipe tibi aromatum caput,*

Qq 4 hoc



hoc est, quod præstantissimum sit, *myrrha ingenuæ quingentos siclos*. Quid autem sit *myrrha* intellige. Arbuscula est in Arabia præcipuè nascens, cujus cortice inciso defluit lacryma sive *stacte*, id est, *gutta*, sive stilla, viridis & amara, quæ eodem nomine vocatur *myrrha*. Ejus virtus est ut corpora imputribilia reddat: Pergit Deus præscribere compositionem dicti unguenti: & *cinnamomi medium*, id est, *ducentos quinquaginta siclos*. Fons addit cinnamomum sumendum, quod odoratum sit. Nomen illud Latinum vix differt ab Hebræo, nisi forma characterum. *Cinnamomum* autem frutetum est nascens in Æthiopia, cujus cortex odoratus est. Cinnamomi multæ species recensentur, quarum unam vulgus appellat *canellam*, *de la canelle*, ut Galli loquimur, Itali *cannella*. *Calami similiter ducentos quinquaginta*, in fonte, & *canna boni odoris*. Constat esse speciem sive *arundinis*, sive *calami*, sive *canna*, (idem enim significant tria illa nomina) quæ species boni est odoris, locum in quo nascitur suavissimo replens odore. Provenit in Arabia, India, & in Syria juxta Libanum montem. *Cassia autem quingentos siclos*. Hebræicè *cassia* dicitur *Kiddah*. Quod nomen redditur à Septuaginta Interpretibus *ἴπρις*. Frutex est multis furculosque brachiatus ramis, solo suo cortice commendatus. Hæc aromata miscebantur cum oleo, ut ex his fieret unguentum inungendo Tabernaculo cum suppellectili sua. Quo & unguendus erat Aaron & filii ejus.

Alterum thymia, sive compositionem plurium aromatum, sic ordinat Deus in eodem loco Exodi (cap. 38. v. 34.) Siccum erat illud alterum thymia, quod parabatur incendendum in altari incensorum; idè appellabatur altare thymiamatis. *Sume tibi aromata, stactem, & onycha, galbanum boni odoris, & thus lucidissimum: equalis ponderis erunt omnia: facies-*

*faciesque thymiana*. Hæc in pulverem contusa incendebantur in dicto altari. Ibi autem *stacte* dicitur in fonte *Nathaph*, quod idem sonat ac *stacte*. Etenim *Nathaph* Hebraicè dicit quod Græcum *stacte*, nimirum stillam sive guttam. Pinguedo est recentis myrrhæ, sive stillæ quæ ex myrrha arbore sponte defluunt. *Onyx* Latinus Interpres sequens Septuaginta Interpretes reddit Hebræam vocem *Schechelet*, quæ est species aromatis. Cum hæc semel nominata sit in Scriptura, fides adhibenda Græcis Interpretibus, qui interpretati sunt *onychem*. Onyx autem, ut diximus differentes de gemmis, lapis est pretiosus, ex quo antiqui vasa unguentaria faciebant ad ornatum. Undè etiam onyx pro eodem vase sumi cœpit. Sed & onyx est concha cujusdam conchylii, ex quo educitur purpura, quod reperitur in India in paludibus his quæ nardum ferunt. Itaque concha illa odores suavissimos afflat, quoniam conchylium quæ tegit, vescantur nardo. Conchæ illæ sive testæ dictæ sunt *onychæ*, Græcè *ὄνυχες*, id est, *ungues*, quia nihil in illis rugosum, nihil asperum; sed omnia, ut in ungue, levia & polita. Ergo *onyx* aroma nihil aliud est quàm concha cujusdam conchylii.

*Galbanus*, Hebræis *Chelbna* à *Cheleb*, quod est *pinguedo*, *adeps*. Nimirum *galbanus* succus est sive lacryma ex ferula cujusdam herbæ in Syria nascentis. In lingua nostra nomen suum retinet *du galbanum*, *galbano*.

Thus omnibus notum est.

Ad hæc omnia thymiamata alludebat Sapientia in Ecclesiastico ubi sic loquitur in vulgata versione (cap. 24. v. 21.) *Sicut cinnamomum & balsamum aromatizans odorem dedi, quasi myrrha electa dedi suavitatem odoris, & quasi storax*. Hæc spectant primam illam commixtionem, qua fiebat unguentum unctionis Tabernaculi, nimirum ex myrrha electa,

ex ca-

ex calamo odorifero, ex casia & oleo. Ponitque eodem in loco Vulgatus *balsamum aromatizans & storax*, non nominatis *calamo*, *casia*, & *oleo*. Sed advertendum est in fonte Græco non reperiri vocem *storax*, sicut nec *balsamum*. Sic Sapiencia Græcè loquitur ὡς πάλατ' ἀρωμάτων, id est, ut *massa aromatum*. Scilicet non expressit omnia aromata quibus dictum thymiama componebatur. Quid sit *storax*, quid *balsamum* modò exponam. Quæ autem Sapiencia addit, alterum thymiama spectant. Et *galbanus*; particula *quasi* subintelligenda est. Et *ungula & gutta*, & *quasi Libanus non incisus vaporavi habitationem meam*, Fons Græcus multò limpidior est. ὡς γαλβάνη & ὄνυξ & σάκκη & ὡς λιβάνη ἀτμός ἐν σκηνῇ; id est, *quasi galbanus & onyx & sacce & quasi thuris vapor in Tabernaculo*. His omnibus aromatibus constabat thymiama quod adolebant in Tabernaculo, ut liquet ex dictis. Ibi Vulgatus *ungulam* appellat quod *onychen* dixerat, quia ὄνυξ est *unguis*; & *gut-tam* dicit quod in Exodo nominaverat *sacchem*; utrumque autem nomen ejusdem significationis est. *Gutta* Latinum, *sacche* Græcum. Denique pro thure Vulgatus ponit *libanum*, quoddam Hebræi & Græci *thus* sic appellant.

*Storax* autem, cujus mentionem facit Vulgatus Interpres in dicto libro Ecclesiastici, est quædam species resinæ. Resina in genere humor est tenax ex arboribus defluens, aut ex ferulis quarundam herbarum. Ita diversæ sunt species resinæ: aliæ aridæ; aliæ humidæ sunt. *Storax* autem in vulgata versione Geneleos (cap. 43. v. 11.) respondet nomini Hebræo *Tsori*; quod Septuaginta Interpretes, & sæpè Latinus reddunt *resinam*; & reipsa *storax* resina est. Aquila Interpres Græcus *Tsori* reddidit *storacem*, nec locus est dubitandi litterarum transpositione ex *Tsori* factum *Stori*, & deinde *Storacem*, sive *Styracem*, ut hanc resi-

resinam Plinius appellat, quam scribit gigni in Judæa; idè Jacob inter munera terræ misit *Tſori*, id est, *Styracem*, sive *Storacem* ad Principem Ægypti. Resina illa retinet nomen suum in nostra lingua; *du storax*, *storace*. Resina autem illa defluit ex arbore quæ cotoneæ malo similis est, fructu majore quàm avellana, specie candidi pruni. Resina illa est perseverantis odoris,

Animadversione dignum est quòd in fonte Græco Ecclesiastici (cap. 24.) non legitur ut in Vulgato, *quasi balsamum*; nec in fonte Hebræo Ezechielis (cap. 27. v. 17. ut in Græca versione. Etenim tantum legitur *oleum*. In eam opinionem adduco animum, ut credam quòd cùm balsamum succus sit suavissimi odoris, fluens ex arbuscula, quæ in sola Judæa cresceret, Vulgatus Interpres noluerit abesse à Scriptura *balsamum*. Nomen illud videtur significare Hebraicè præcipuum odoramentum, seu princeps odoramentorum, Compositum est ex *Baal*, quòd est *Princeps*, *Dominus*, & *Schemen*, nimirum *unguentum*. Nec mirum est si in antiqui fœderis primis libris balsami non facta sit mentio; Josephus enim plantam, ex qua deflueret balsamum, numerat inter munera oblata Salomoni à Regina Saba. Ita primis temporibus Judæa non fuit balsami ferax.

Unum aroma de quo mentionem non fecimus. *Aloe* explicandum restat. Hoc-ce nomine Vulgatus reddit nomen Hebræum *Ahaloth*. Judæi vero volunt *Ahaloth* esse arbores præstantissimas, quorum ligna siccata aut fructus sunt odoris grati: *Santalum* appellant hanc arborum speciem, ut vidimus. Idem Vulgatus (in Ps. 44. v. 9.) *Ahaloth* interpretatur *gut-tam*. Scilicet *Ahaloth*, habet pro stilla defluente ex aliqua arbore. In hoc eodem Psalmo legitur nomen *Kersior*, quod idem Vulgatus accipit pro *casia*. *Myrrha* & *gutta*, & *casia* à vestimentis suis. Quidquid

quid autem sit *Ahaloth*, certum est *Aloen* quæ in Evangelio nominatur, esse speciem aromatis. Herba hujus nominis habet succum amarissimum, quæ resistit vermibus & putredini, idèò condiendis corporibus idonea.

## C A P U T V I.

*De morbis quorum mentio fit in sacro Codice.*

**P**Luribus morbis homines subjacent, & his exercentur tanquam pœnis, quas ut peccatores merentur. Plurimorum fit mentio in sacro Codice. Quidam autem olim acrius & frequentius sæviebant; nunc verò quasi deferbuerunt, ita minùs noti. Morbi etiam vulgati possunt habere aliquid reconditi, quod soli medicorum discipuli retegere valent.

*Quod medicorum est*

*Promittunt medici; tractant fabrilia fabri.*

Idcirco non ausus essem artes in experta tractare, nisi res ipsa jam ex parte esset confecta à viris medicis, à Guillelmo Ader, qui de morbis Evangelicis elegantem libellum composuit; & à Thoma Bartolino, qui de biblicis morbis disseruit. Ex utriusque scripto, tum ex alio penu licuit mihi excerpere quæ Apparatus nostro conveniunt.

Nemo miser nisi reus, & omnis pœna quæ iusta est, peccati alicujus pœna est. Ergo homo innocens neque morti, neque morbis quibus mors acceleratur, subditus fuisset. Ex Scriptura Deus plantaverat in medio Paradisi lignum vitæ, quo vescens Adam potuissent morbos, & mortem propellere. Quale sit illud lignum, id est, quæ sit illa arbor, non quæro anxius, nec qui fieri possit ut homo non moriatur; Deus enim qui ex nihilo hominem & totum mundum

dum

dum eduxit, potest, si voluerit, nos servare ab inferitu; sicut vestes & calceamenta Israelitarum in deserto, ut dicam, non senuere, nec usu detrita sunt. Diu est quod didici occultiores causas operum Dei non tentandas esse; & cum posse omnia quaecumque vult. Cum autem servare possit, non querere decet an possit perdere. Certum est post lapsum Adæ, cum cœpit soboles ejus in vitium ruere, tandem necessitatem lethi corripuisse gradum, & novam febrium, cæterorumque morborum cohortem terris incubuisse. Vidimus quædam peccatis irrogari supplicia per manum cæli, ut Doctores Judæorum loquuntur. Nempe ipse Deus plerumque immisit morbos, quibus peccata coercerentur. Sic ulturus peccatum quod David admiserat, recensens Israelitas & numerans eos, peste populum afflixit. Sic videre est in Actis Apostolorum ( *Cap. 12. vers. 23.* ) cum Herodes oblatos à populo divinos honores non respuerit; percussus ab Angelo, & consumptum à vermibus expirasse. Simili morbo, sed diuturniori consumptus periit Joram ( *2. Paralipom. cap. 21. vers. 18.* ) *Et super hac omnia percussit eum Dominus gravi languore insanabili; cùmque diei succederet dies, & temporum spatia volverentur, duorum annorum expletus est circulus: & sic longa consumptus tabe, ita ut egeret etiam viscera sua, languore pariter & vita caruit.*

Eo in sensu non est malum in civitate quod non fecerit Dominus, quia vel immitat morbos in pœnam peccati, vel permittat contingere etiam vitis piis, qui pœnis revocandi sunt ab illecebris mundi. *Non permanebit spiritus meus in homine in æternum quia caro est, eruntque dies illius centum viginti annorum.* Loquitur Deus capite sexto Geneseos: Nempe contraxit Deus annos vitæ nostræ. Noluit spiritum vitæ, id est, flatum, sive spiraculum vitæ indicium,

cium, quem infuderat Adæ, permanere cum homine per plures annos; quia caro est, videlicet quia pronus ad res corporeas & totus in illis. Ita fit ut ipsa senectus morbus sit; *& vita nostra sit septuaginta annorum: si autem in potentatibus octoginta anni*, ut canit Psalter (Psal. 89. vers. 10.) id est, vita diuturnior potest esse octoginta annorum, sed postea acerba est. *Et amplius eorum labor & dolor.*

Utitur Deus malis Angelis, ut iudex tortore, ad cruciandos malos. Tradit ergo, quod olim frequentius erat, peccatores torquendos diabolo; qui sæpius sub morborum naturalium specie latet. Etenim videre est plerosque in Evangelio ægros tum à morbis, tum à dæmonibus qui corpora eorum captiva tenebant. Sed & ipse Angelus Dei quandoque etiam bonos dolore affecit; nam in Genesi (Cap. 32. v. 26.) juxta Vulgatum Interpretem & Josephum historicum, Angelus tetigit nervum femoris Jacob, qui nervus statim emarcuit. Juxta quidem Græcos interpretes percussa est latitudo femoris Patriarchæ; id est, ut plerique sentiunt, percussum caput ossis femoris, quod suo sinu seu vasto coxendicis acetabulo excidit. Etenim cni similis casus acciderit, licet os illud non malè reponatur, tamen toto vitæ cursu claudicat. Hoc morbo laboravit, de quo Scriptura dicit: *ipse verò claudicabat pede*. In piscina probatica Angelus movebat aquas, iis vim sanandi conferens. Sic utitur Deus sive bonis sive malis Angelis, & qualibet re, tum in pœnam, tum in salutem; ut ostendat potestatem suam consuetis naturæ legibus non coerceri. Anima cum semel è corpore egressa est, non in illud revocari potest ulla arte; attamen Elisæus fovens calore suo puerum mortuum, excitavit à morte (4. Reg. cap. 4.) Naaman Syrus, jussu ejusdem Prophetæ, corpus septies ablueris in Jordane, mundatus est lepra sua (ibid. cap. 5.) Quis cataplasmati ex massa  
ficorum

ficorum tantam vim conferat, ut illud appositum protinus sanare potuerit Ezechiam, ut legimus eum sanatum ab Isaia? (4. Reg. c. 20.) Medici quidem cataplasmata parant abscessibus, qui non facile maturi sunt, ex ficibus coctis cum hordeacea & triticea farina; sed morbus Ezechiae videtur fuisse acutior & periculosior, ut tam citò sanari potuerit curatione naturali.

Lutum non aptum iungendis oculis, ut saniores sint. Cæco tamen visum restituit Dominus, luto illiniens oculos ejus: demonstrans sibi propriam potestatem competere faciendi quodcumque vult; neque enim ea fuit potestas luti, quo aperti sunt oculi hominis cæci. Denique in utroque Testamento, ubi legimus à Deo vitæ redditos, aut à morbis liberatos, virtus divina se prodidit eo aperto indicio, quòd auxiliis ejus segnis mora non fuerit, ut contingit, quando medicina naturalis adhibetur. Protinus claudi saliebant, cæci videbant, audiebant surdi, loquebantur muti, leprosi mundabantur, mortui resurgebant. Ut hæc tribui non possint alicui virtuti, quæ divina non esset. Hæc præmittenda putavi iis quæ habeo de morbis dicenda; quos ordine alphabetico exponam, quantum necesse est ad elucidanda Scripturæ loca ubi de illis sermo fit.

*Ariditas manus* idem est quod macies manus. Fit autem manus arida & emaciata, defectu alimenti; cum scilicet exhaustis sensim venis & arteriis defraudatur alimento; undè ob inanitionem siccata & arida facta, non possunt ejus nervi & musculi contrahi & contendere. Ita ille cujus manus erat arida, nonnisi postquam à Christo mundatus est, potuit manum extendere (Math. cap. 12.)

*Cæcitas*. Nulla alia pars corporis magis quàm oculus potest morbis infestari & obsideri. Cæcitas multas causas habere potest, quas explicare non est de  
insti-



instituto. Idem autem cæcis quos sanavit Christus, visus restitutus majus miraculum fuit, quod cæcitas exsuperet artem medicorum. Cum venit ex suffusione, quam vulgus Chirurgorum *cataractam* appellat, sanari quidem potest, quando cataracta deprimitur chalibea acicula; sed solo suo verbo, nec medicamentis adhibitis, JESUS CHRISTUS Dominus noster aperuit oculos cæcorum. Si cataractæ depressæ liberos oculos reliquerunt, illæ verbo Domini paruerunt. Solius Dei verbum potest esse tam efficax.

*Cancer*, tumor durus, inæqualis, aspectu teter, venis in ambitu turgentibus, colore livescens; cui nisi obfistatur, serpit longius.

*Utque malum latè solet immedicabile cancer*

*Serpere, & illasas vitiatas addere partes.*

Unde factum ut pro eo quod Paulus ad Timotheum secundò scribens ( *cap. 2. v. 17.* ) dixit in fonte, sermo hæreticorum *ut gangræna serpit*, posuerit Interpres Latinus, *ut cancer*, sensum, non rem secutus; nam gangræna non idem morbus est ac cancer.

*Cicatrix* est signum quod ex vulnere vel ulcere remanet.

*Circumcisio*. Illa non fiebat sine gravi dolore, quo & morbus excitabatur, maximè si fieret in ætate pro-  
 vecta. Etenim circumcidebatur sive amputabatur pellicula, quæ tegit glandem partis corporis quam verecundia occultamus nec nominamus. Dolor autem qui ex illo vulnere nascebatur, solebat esse intensior ubi tertia dies advenerat; quod de omnibus est observatum vulneribus ab Hippocrate. *Tertio & quarto die*, inquit ille, *vulnera omnia minimè sunt exagitanda. Et in summa dicam, specilli, vernaculè fonde, italicè tenta, quoque omnes admotiones vitanda his diebus sunt, omniaque alia quibus vulnera irritantur: in totum enim tertius & quartus dies in plerisque vulneribus*

neribus exacerbationes parit, & quæ in inflammationes & sordes incitantur, & quæcumque in febres tendunt. Id ignotum haud fuit fratribus Dinæ, qui tertio die ex quo Sichimitæ fuerant circumcisi, ferro eos invaserunt, & facilem de illis victoriam reportarunt, ut narratur trigésimo quarto capite Geneseos.

*Eunuchi.* Horum alii fiebant excisione testium; quidam verettri etiam cum testibus, qui mingeabant fistula ænea. Alii testiculorum attritione. Nimirum puellulo paulatim testiculi atterebantur, usque dum veluti dissipati evanescerent. Contorquebantur, ut vena quæ alimentum illis defert, velut nodo interciperetur, atque ita illi tabescerent. Hæc observatio lucem affert nonnullis locis Scripturarum (*Levit. cap. 22. v. 24.*) *Omne animal quod vel contritis, vel tussis, vel sectis, ablatisque testiculis est, non offeretis Domino.* (*Dent. cap. 23. v. 1.*) *Non intrabit Eunuchus attritis vel amputatis testiculis, & abscisso veretro, in Ecclesiam Domini.* Nomen Eunuchi non est semper vitii naturalis sive morbi, sed officii aulici, maximè apud Orientis principes.

*Febris* dicitur à fervore. Calor est immoderatus, præter naturam in corde existens, & per arterias toti corpori communicatus.

*Gangræna.* Hujus morbi nomen occurrit in fonte Græco secundæ Epistolæ ad Timotheum (*cap. 2. v. 17.*) ut supra dixi, in voce *cancer*. Gangræna autem definitur incipiens partis affectæ corruptela, quæ latè serpit, & nisi compescatur, citò invadit præcordia.

*Gonorrhœa.* Morbus est, quem Vulgatus Interpres solet appellare *fluxum seminis*; quem qui paterentur lege Moysis ut immundi arcebantur à Templo; eo nimirum tempore quo fieret illud genitalis seminis profluvium.

*Hæmorrhoides* sunt effluvium sanguinis per venas  
R r quæ

quæ in ano sunt, dum illæ nimium dilatantur. Morbus ille vel apertus vel cæcus est. Nempe aliæ hæmorrhoides latent intus; scilicet venæ intra anum. valdè tumentes dolorem ingentem excitant. In his quæ apertæ sunt, tumor est conspicuus. Hunc ce morbum in miserat Deus in Philistinos, Azotios, quos, ut dicitur in primo Regum cap. 5. Deus percusserat in secretiori parte narium. Sicut propter Hæmorrhagiam narium, cuius nulla est scæditas aut turpitudine; ita propter defluxum à venis hæmorrhoidalibus quæ sedem perreptant, aliquos sive viros sive mulieres hominum consortio explosos fuisse non legimus in Scripturis: etenim hic defluxus non tanti est momenti, nec tam assuetus mulieribus aut importunus & meticulosus quàm ab utero, quo solo defluxu mulier immunda censetur. Igitur non verisimile est mulierem, quæ in Evangelio dicitur *Hæmorroissa*, tali à venis hæmorrhoidalibus defluxu laborasse, cum removeretur à consortio hominum, ut circumstantiæ docent. Nam extra urbem occurrit Domino, & oram vestimenti ejus clam attingit, quia sibi non idlicitum esse conscia erat. Nomen illud *Hæmorroissa* indicat tantum quod hæc mulier profluvium pateretur sanguinis; quod triplex est in mulieribus: unum menstruum, in partu alterum, tertium inordinatum. Quodnam fuerit in muliere Evangelica ignoramus.

*Hydrops* aqua intercus est, sive aquosus humor, aut aquosus languor. *Hydropisis* non una species. Ille *hydropicus*, cui salutem à Domino redditam narrat B. Lucas (cap. 14.) ea procul dubio laborabat specie quæ maxime oculis innotescit conspicua; vel ea quæ dicitur *ascites*, quæ aquis utris in modum inflat, aut flatu tympani more distendit & amplificat, tanta tensione, ut ad ejus intuitum territi homines toto corpore perhorrescant.

*Inclinata mulier.* Non definimus quo genere morbi ægra

bi ægra erat illa mulier de qua loquitur Beatus Lucas (cap. 15.) *quæ habebat spiritum infirmitatis annis octo-  
decim, & erat inclinata, nec poterat sursum respice-  
re.* Non; inquam; refero ad aliquod morbi ge-  
nus illam ægritudinem: Constat quidem quòd malus  
dæmon, velut immanis tortor, spinam suapte natu-  
ra in muliere antea erectam contorqueret: Erat in-  
clinata igitur; vel gibbosa simplici illa gibbositate  
vulgari, quæ fit à semotione & luxatione vertebra-  
rum dorsi: Utrumque enim vitium spinam dorsi in-  
flectere & inclinare potest: Convulsio autem muscu-  
lorum affectio est; quæ non est interrupta motibus,  
nec accessionibus distincta, ut epilepsia; quæ corpo-  
ris convulsio est non perpetua: Dictam autem mu-  
lierem convulsam fuisse id suadet quòd graviter affi-  
ceretur à morbo; angeretur cruciatibus & dolore;  
qui sunt assidui veræ & primariæ convulsionis comi-  
tes. Et ideo dicitur agitata à spiritu infirmitatis; id  
est, à doloris & morbi auctore dæmone. At illi qui  
simpliciter gibbi sunt, non ita urgentur; in iis ete-  
nim spinæ dorsi in situ solùm & naturali positu affi-  
ciuntur, sed musculosæ illorum partes non convul-  
santur cum dolore; quanquam non ritè suo fungan-  
tur officio & munere.

*Lepra* morbus est foedissimus & turpissimus, quo  
affecti ab hominum cætu & necessitudine excludeban-  
tur. *Lepræ* autem nomen *λεπροῦς*, quod sca-  
brum fieri & albescere significat; aut *λεπιδῶν*  
à squammis, quibus sæpè corpus leprosum scatet.  
Morbis ille elephantiasis etiam appellatur ab elephan-  
to, ob cutis similitudinem. Contagium habet lepra:  
leprosus alios tactu & respiratione olida inficere  
potest. *Ideo omni tempore quo leprosus est & immun-  
dus, solus habitabit extra castra:* ut præcipitur in  
Levitico (cap. 13. v. 46.) *Expulsi sunt,* ait Iosephus,  
3. Antiquit. (cap. 13.) *omni à civitate, cum nullo pe-*

*nitius convivantes, & nihil à mortuis dissidentes.* Notabantur leprosi proprio amictu, lacera veste & pannosa; insuper nudato capite, os habentes veste contextum incedebant juxta præceptum Moysis (*Levit. cap. 13. cap. 45.*) Antequam ultra progrediamur, advertendum lepram alium morbum esse quàm impetiginem, Gallicè *feu volage*, Ital. *volatica*; alium quàm *Pforam* sive feram scabiem, *galle*, ou *maladie de S. Mein*, Italicè *scabbia*, o *rogna*; alium quàm pruriginem, *demangeaison*, *gratelle*, Ital. *prurito*, *pizzicore*; alium quàm vitiliginem, quæ cutis vitium est.

Pertinebat ad Sacerdotem discernere inter lepram & lepram, nimirum statuere quæ vera esset lepra distincta à simplici scabie. Nota autem lepræ lucidus candor, qualis cernitur in impetigine, sive lichene, *feu volage*, *volatica*. Facies leproforum quasi furfure plena candescebat; idèd Giezi, quòd oblata à Naaman Syro dona non respuisset, dicitur exiisse leprosus quasi nix (*4. Reg. cap. 5. v. 27.*) Pars quæ lepra afficiebatur, reliqua cute erat humilior. Etenim medici observant lepram nasci ex pituita falsa; ita pars morbo affecta siccior fit & candidior; & qui in ea crescunt pili, fiunt ex nigris candidi. Præterea leprosi maculis distinguebantur; quæ enim lepra totam cutem occupabat, minùs periculosa. Verùm non solum cutem inficiebat, sed vivam carnem; ita ut transfixa cute sanguis non exiret, aut fricata cute non appareret rubor. Cùm verò in cæteris partibus corporis malè affectis pili nigri mutarentur in albos, in capite & barba fiebant flavi & tenues; quod contingit iis qui tinea laborant, quorum ex ulceribus manat quidam succus liquidiori melli non dissimilis. Lepra, qui contagiosus esset morbus, vestes & parietes ædium poterat inficere; ut in peste accidit. Nec mirum est id ex indiciis agnosci potuisse; vestes enim ob saniem contractam poterant putrescere, & putredinis maculis di-

lis distingui. Quin experimur vaporibus & exhalationibus etiam puriora vasa argentea proxinùs nigrescere. Poterant ergo parietes mutare colorem suum infecto aere, quem leprosus halitu suo & fœtore corrumpere. Id nunc experiri non licet, quia morbo illo Deus nos liberavit; sed nefas dubitare quin hisce notis olim Sacerdotes in veteri Lege lepram à lepra distinguere potuerint, cum liquidis verbis id dicat Scriptura. Videtur hic morbus specialiter Judæis immixtus, quos Deus vellet punire. Lepra enim ædium & vestium, quidquid dicatur, præter naturam est.

*Lunaticus* est qui statis lunæ temporibus vexatur. Ille verò puer sanatus à Domino qui dicitur Lunaticus (*Matth. cap. 1.*) procul dubio comitiali morbo sive epilepsia laborabat. Etenim (*Marc. 9. Luc. 9.*) convellebatur, dentibus stridebat, cadebat frequenter, & interim spumabat ore; quæ symptomata epilepsiam consequi medicis est in confesso. Lunaticus deinde factus fuerat puer ille; nimirum ad lunæ motum compositus erat morbus ejus. Epilepsia lunæ certis temporibus eadem sævitie, & statis recurrit periodis. Corpora lunæ mutationibus obnoxia experimur, sive diversa pati, prout illa mutatur. Lunaticus Evangelii non simplici morbo laborabat: arreptitius erat, sive occupabatur à maligno spiritu, qui prout sapiùs ab eo fit, ipsis naturalibus morbis, utitur, ut vim suam exerat vel abscondat.

*Lycanthropia*. Quamquam hoc-ce nomen non legitur in Scripturis, quoniam occurrit res cui hoc nomen convenit, juvat explicare quis sit morbus lycanthropia dictus. Lycanthropos vernaculè appellamus, *des Loups garoux*, italice *malinconici*. Hi mania melancholica afficiuntur, sive atra bili, quæ intus in corpore pererrans, canctos occultos excitat, & dolores implacabiles, mentem excruciat, ossa exedit:

exteriùs totam faciem deturpat, exulcerat, tumefacit cum deformitate, & quod magis calamitosum, mentem hominis transuersam agit, uno verbo ex homine belluam facit. Hoc morbo, ut videtur, correptus est Nabuchodonosor, quem Daniel (*cap. 4.*) dicit ex hominum abjectum consortio comedisse scœnum more bovis, in sylvis degentem cum feris. Non fera, non canis, non lupo factus erat, sed vitam agebat in sylvis, & herbis vescebat. Dæmoniacus ille homo, quem Lucas (*cap. 8.*) dicit vinctum catenas dirupisse, erat lycanthropicus; sed & altero morbo afficiebatur, nempe obsidione dæmonis. Qui effera mania arrepti sunt, dicuntur lycanthropi, quia aliquando reperiuntur, quorum atra bilis phantasiam affecerat, ut se in lupos conuersos imaginarentur. Illi noctu domo egressi lupos in omnibus imitantur, & donec dies illuscescat, circa defunctorum monumenta vagantur, lupina insania, ut dicitur, laborantes.

*Menstrua.* Muliebre est profluvium mensibus recurrens. Ea est mulierum constitutio, ut plurimo abundent sanguine, cum & fœtum in utero conceptum fovere, & natum enutrire debeant. Quapropter verulæ, quæ generationi non ampliùs idonea est, menstrua fluere desinunt. Eo ergo genio mulierum corpus natura composuit non perspirabile, ut detentus sanguis in uterum conflueret, futura fœtus alimonia; quæ edito fœtu ad mammas resflueret eosdem in usus, essetque summo naturæ beneficio nutrix illa, quæ mater fuit, scilicet ne advena & alienigena nutrix dulcissimum matris nomen sibi arrogare posset. Ubi ergo mulier nec habet in utero, nec editi fœtus nutritioni incumbit, abundat sanguine, qui statis lunæ periodis singulisque mensibus per uteri venas delabatur, magnòque salutis commodo semel in mense expellitur. Verùm si immoderatiùs id fiat, & extra constitutos naturæ limites tertium diem in viraginibus  
& ro-

& robustioribus, quantum in mollioribus excedat, fluxus inordinatus sit, qui morbus est: quali forsitan ægrotabat mulier hæmorrhoida Evangelii. Toto eo tempore quo menstrua fluere illis, mulieres erant immundæ, ut jam dictum est. Abstinebant Templo, & ab illarum concubitu mariti. Etenim mulieres in profluvio sanguinis polluebant quicquid attingerent; inde grande placulum ad illas accedere.

*Muti.* De mutis & surdis id unum observare juvat, quod ea aurium & linguæ sit affinitas & societas, ut qui surdi nascuntur, simul & muti sint. Etenim sic à natura facti sumus, ut non solum quos videmus affectus induamus, sed & motus facile exprimamus. Sic, inquam, disponitur & movetur lingua, ut sine multo negotio exprimat sive edat sonum, quo aures afficiuntur. Itaque ubi illæ impediuntur, nec afficiuntur sono, lingua non movetur, ut aerem qui ex pulmonibus erumpit, id est, vocem fingat in sermonem. Idè videre est in Evangelio hunc qui surdus sit, pariter & mutum esse; & in eo potestatem Christi elucere, quod cujus aperiret aures, simul & loqueretur; nam fieri non poterat ut protinùs lingua, quod consuetudine non didicerat, efformaret sermonem. Potest quidem fieri ut lingua quibusdam vinculis impediatur, & organa vocis non aptè sint disposita. Hoc quidem linguæ impedimentum non nascitur ex surditate.

*Paralysis* est nervorum resolutio. Anima quasi nervorum habenis movere & flectit sui corporis membra, & percipit quæcumque illi accidunt; Paralytici autem nec movere partes affectas, nec sentire possunt. Igitur Paralysis definitur motus & sensus privatio partium corporis infra caput, à crasso & frigido humore musculos imbuente & obstruente. Itaque verè paralyticus erat ille qui à triginta & octo annis jacebat juxta Probaticam piscinam, expectans à quo dimitteretur in

R r 4

hanc



hanc piscinam; quippè qui plantis suis insistere & movere pedes non poterat, omninò paralyticus. Similiter & paralyticus erat qui in lecto à quatuor viris demissus est per regulas in domum ubi Jesus Christus Dominus noster versabatur, cùm porta à turbis astantibus obsideretur.

Quæritur autem an ille puer Centurionis, de quo dicebat ille Centurio ( *Math. 8.* ) *Domine puer meus jacet in domo paralyticus, & malè torquetur*, re ipsa paralyticus erat; observant enim medici paralytism esse affectionem sine sensu & sine motu. Potius ergo convulsione confictabatur, in qua motus non aboleri, sed depravari certum est. Etenim convulsio est nervorum, rigor importunus & acutus, qui modò mentum pectori annectit, modò rectam & immobilem cervicem intendit. Convulsionis comes est inflammatio principii nervorum, cerebri videlicet aut spinalis medullæ; undè tantus dolor. Nervi enim dum præter naturam contorquentur, aut distenduntur, gravissimos sanè excitant dolores. Hæc vera esse possunt; sed cùm mos usitatus loquendi dicat paralyticos quoscunque qui motu capri sunt, quod accidit in convulsionibus, Centurio dixit puerum suum paralyticum esse, cum vellet significare ad Dominum non posse accedere causa petendæ salutis.

*Podagra*. Ideo non premitto hunc-ce morbum, quia in secundo Paralipomenorum ( *cap. 16. v. 12.* ) dicitur rex Asa ægorasse vehementissimo dolore pedum, & obiisse. *Ποδάγρα* nihil aliud est quàm arthritidis pedum. Cùm enim pedum tantùm articulos noxius humor infestat, articularis quidem morbus sit, sed qui nomen ab affecta parte accipiat. Sic si manuum articulos idem morbus occupet, *χειράγρα* vocatur.

*Sterilitas* inter morbos numerari potest. Olim opprobrium erat non posse augere aliqua prole populum Dei.

*Stigma*

*Stigma* est nota qua quis inuritur, sive pungitur in carne. Stigmata notæ erant infames, quales inurebantur servis, ex quibus cujus essent agnoscebantur. Paulus Apostolus Epist. ad Gal. ( cap. 6. v. 17. ) dicit portare in corpore suo stigmata Christi. Sic vocat res omnes suas adversas, quas religionis ergo pertulerat; & quibus agnosci poterat illum esse Christi servum. Hæc stigmata sive notas opponit circumcisionis cicatrici.

*Tabes*, idem morbus ac *Phthisis*, id est, consumptio sive corruptio. Totum corpus tabescendo consumitur, & tandem deficit; neque enim protinus mors accidit: quo morbi genere periit impius Joram, quem supra vidimus percussum à Domino. Morbus ejus haud dubiè fuit *Diarrhœa* seu alvi profluvium, adeò diuturnum & malignum, ut ad tabem & ad mortem deduxerit virum Deo exosum.

*Vermes* inter genera morborum jurè recensemus à quibus erosus Herodes Agrippa obiit, maximis obortis torminibus, ut notat Josephus. Hunc vidimus ab Angelo Domini percussum. Mortuus est *σκαληκόβρωτος* id est à vermibus erosus; tum extra, tum intra; patiebatur enim tormina. In ipso sanguine putridarum febrium sæpius medici observaverunt vermes: Hinc corrupto sanguine & verminoso, non mirum si totum corpus fiat verminosum. Vermes autem aliud sunt morbi genus, quam pediculi erumpentes acervim per cutem; cujus non in superficie tantum, ut furfures, sed in ejus profundo nascuntur. Morbus ille dicitur Græcis *φθειρίασις*. Hujus pedicularis morbi sicut & verminantis occurrunt exempla. Herodem enim avum Herodis Agrippæ, alii vermibus ex inguine prorumpentibus, alii pediculari morbo excessisse ferunt.

Morbus Jobi. Quis ille fuerit quærunt Interpretes. Sentiant plerique eam intemperiem à malo dæmone indu-

inductam in ejus carnem, ut ei omnia acciderint mala, quæ in omni lue etiam pudenda deprehenduntur; nec mirum, si quidem datam à Deo potestatem dæmon exercebat, ut magis patientia Jobi cerneretur, quo erat miserior. ( *Job. 11. 7.* ) *Ulcus erat*, ut dicit Scriptura, *à planta pedis usque ad verticem ejus: qui testa saniem radebat sedens in sterquilinio*. In fonte Hebræo nominatur *Schechin* à verbo *Schichan*, Chaldeis *calere*. Ita morbus erat inflammatio. Percussum, inquam, erat corpus Jobi sicca ardentique prurigine, atque odore intolerabili, ut ungues scabendo non sufficerent, sed testa se scaberet. Hocce morbo ( *Exod. 9. 8.* ) percussit Deus Ægyptios, cum jussit Moysen cinerem de camino spargere in cælum, qui pervolavit super viros & animantia; *factaque sunt ulcera vesicarum turgentium in hominibus & jumentis*. Ægyptii vexati sunt intolerabili pruritu & intolerabili dolore: pruritu impellente eos ad scabendum, prohibente autem ulcerum dolore.

*Morbus Jude*. Ambigitur quis fuerit. Laqueo se suspendisse dicit Matthæus; sed & in Actis adstruitur quod *pronus factus crepuerit medius*. Quidam, ut concilient Matthæum cum Actuum scriptore volunt abrupto laqueo cecidisse in petram, qua cum percussus fuisset venter, effusa sunt viscera ejus. Alii verò illa sic atra bile efferbuisset, ut disruptus sit venter, qui intra paucas horas intumuit; & hac disruptione sonus editus est; *crepuit enim medius*, quod verbum Græcum *λίσσιν* denotat. Distentus in hydropse venter vel membrana vesica inflata sic disrupti potest; quod & fit atra bili, ut dicit illud Virgilianum carmen:

*Invidia rampantur ut ilia Codro.*

*Tremor* numeratur inter varia morborum genera, quo qui corripuntur, tremuli sunt: agitantur: commoventur motibus haud spontaneis. Causa tremoris plerum-

plerumque est pavor, ardens febris, facultatis mortificis imbecillitas. Deus posuit Cain signum ( *Gen. 4. v. 15.* ) ut non interficeret eum omnis qui invenisset eum. Signum illud fuit totius corporis tremor. In nostra Vulgata dicitur: *Egressusque Cain à facie Domini habitavit profugus in terra.* Septuaginta Interpretes transtulerunt & *habitavit in terra Naid.* In fonte Hebræo *Nod*, quod verbum idem sonat quod *σαλδύρρρ*, id est fluctuans & instabilis ac sedis incertæ. *Non est igitur*, inquit Hieronymus, *Terra Naid*, ut vulgatus nostrum putat: sed expletur sententia Dei, quod huc atque illuc vagus & profugus oberravit.

C A P U T VII.

*De Theatris, ludis Gentilium, de re Gymnastica, si-  
ve Athletica, Athletarum moribus, exercitiis, un-  
de crebra comparationes petuntur in sacro Codice.  
Nonnulla etiam de veteri militia & de re nova-  
li.*

**N**ihil magis alienum videtur ab Israelitarum & Christianorum institutis, quàm theatra, ludi & illa gymnasia, in quibus certabatur à viris nudis cum periculo vitæ, ut turbam spectantem oblectarent. At tamen cùm in sacro Codice occurrant indè petitæ comparationes, & id crebrò, de præsentì instituto est saltem eos vetustos Gentium ritus perstringere; & eò magis, quia minùs apud nos usitati sunt. Etenim his prorsus ignoratis, comparationes quas de re gymnastica accersunt Scriptores sacri, ut pote è tenebris erutæ, non possunt nisi tenebrosæ esse.

Primo ergo animadvertendum est ludis exercendis fuisse loca destinata, quæ theatra dicebantur: Ea forma, ut omnis multitudo ludos spectaret. Cùm his de-  
lecta-

lectarentur Gentiles, idcirco frequentia erant; etiam in Judæa, ex quo alienigenis principibus subdita fuerat. Videre est in Actis Cap. XIX. 29. raptos Pauli comites Ephesi in Theatrum, cohibitum verò illum ab amicis ne se daret in Theatrum, concitatam turbam sedaturus. In Epist. 1. ad Corinth. (cap. 4. v. 9.) ubi in Codice Latino dicit: *Puto enim quòd Deus nos Apostolos novissimos ostendit tanquam morti destinatos; quia spectaculum facti sumus mundo & Angelis & hominibus*: In Græco fonte usurpat vocem *θεάτρον* Theatrum, pro quo Latinus interpres posuit *spectaculum*. Hoc-ce sensu in Epistola ad Hebræos scribit capite X. 33. *Et in altero quidem, opprobriis & tribulationibus spectaculum facti*, in fonte *θεατριζόμενοι*, id est, expositi quasi in Theatro, ut essemus ludibrio, & pateremur omnes dolores in omnium conspectu; sicut plebis oblectandæ causa rei ad mortem destinati prodibant in theatra, ut eam certando subirent.

Theatrum in genere spectandi locus est. Nunc apud nos nomen illud accipitur pro loco in quo aguntur dramata, hoc est, tragædiæ, comædiæ; qui Græcis & Latinis dicebatur scena, sive umbraculum sub quo agebant histriones. Præter carminum recitationem erant multa alia ludicra, quæ hoc-ce nomen *Pentathlum* comprehendit, hoc est, quinque exercitia, quæ constabant his quinque artibus jactu disci, cursu, saltu, jaculatione, luctatione. His-ce quinque exercitiis quandoque erant distincta loca. In stadiis velocitate pedum contendebatur, in hippodromis equorum celeritate, in circo agilitate curruum, in Xistis fiebat lucta, tum & in theatris & in amphitheatris, ubi pugnæ edebantur gladiatorum; sed in his diversorum nominum locis diversa peragebantur. In stadiis enim equi hominesve currebant. Xistus erat porticus, in qua Athletæ per hyberna tempora exercebantur. Hippodromus erat dispositus ad cur-

ad cursus equorum, in quem qui intraret, totus simul offerebatur oculis ejus, ut currentes equos intueri posset, & judicare de celeritate eorum. Circus omne est spatium quod circuire equi solent: sic ergo dictus circus à circuitu equorum, eo inquam quòd ibi circum metas equi currerent. In circo igitur contentio erat & de pernecitate equorum, tum & de industria aurigarum, qui circa metas impunè flectebant. Amphitheatra distinguebantur à theatris forma quæ omnino rotunda. Constabant amphitheatra velut duobus theatris.

Nudi Athletæ pugnabant; indè dicta *gymnasia* ædificia in quibus aut se accingebant ad exercitia, aut jam exerciti depugnabant. Græcis *γυμνὰς* sonat quod Latinis *nudus*: indè *γυμνάζω* *exerceo*, quia primitus fiebant exercitia à viris nudis: indè *gymnasium* pro loco exercitationis; & *ars gymnastica*, quæ pertineret ad exercitationem maximè palæstricam sive luctatoriam. Antiochus Epiphanes, ut narratur in libro I. Macchab. Græcos mores induxerat in Judæam, coquebatque Judæos ut ephebos sive juniores, qui essent valido & præstanti corpore, imbuerent arte gymnastica. In illis gymnasiis cum exuerent vestes conspiciantur: pudebat autem eos apparere circumcisos; quapropter præputium adducebant, nempe arte medica satagebant ut pellis quam amputaverant, renasceretur. Hoc adstruit scriptor Macchabæorum (*Lib. I. cap. I.*)

XV. Et edificaverunt gymnasium in Jerosolymis secundum leges nationum.

XVI. Et fecerunt sibi præputia, & recesserunt à testamento sancto, & juncti sunt nationibus, & venundati sunt ut facerent malum.

Aded erat Solemne pugilibus in lucta vestes exuere, ut verbum illud *exuere*, ubi de lucta sermo est, idem sit ac *exerceri*. Undè Tacitus in libro XIV.

Cap. 20.

Cap. 20. Cùm refert quàm varia fama exceptum sit quinquennale ludicium, quod Nero Romæ instituit, ad morem Græci certaminis. Hæc, inquam, queritur Tacitus: *Ceterum abolitos paulatim patrios mores, funditus everti per accitam lasciviam, ut quod usquam corrumpi & corrumpere queat, in urbe visatur, degeneretque studiis externis juvenus, Gymnasia & ora, & turpes amores exercendo, principe & senatoribus auctoribus; qui non modo licentiam vitiiis permiserint; sed vim adhibeant: procures Romani specie orationum & carminum scena polluantur. Quid superesse, nisi ut corpora quoque nudent, & castus assumant, easque pugnas pro militia & armis meditentur.*

Postrema verba Taciti potissimum animadvertenda sunt. Illa indicant morem vetustum pugilum, luctatorum, cursorum, & forsan omnium qui in Gymnasiis sese exercebant; ad quem inhonestum morem Paulus alludere potuit, & ex eo petere comparationem, sicut ipse Dominus parabolam à villico iniquitatis apud Lucam Cap. XVI. Sic Hebræos compellat Paulus capite XII. *Deponentes omne pondus & circumstans nos peccatum, per patientiam curramus ad propositum certamen.* Comparat vitam Christianam Paulus huicce certamini, quo contendebatur de pernecitate pedum in stadio. In fonte Græco est *τρέχοντες τὸν ἀποκείμενον ἡμῶν ἀγῶνα* curramus propositum nobis certamen, quasi diceret: cursum curramus, certemus certamen; ideò, ut curramus expediti, omne deponamus pondus *ὄγκον* carnis obestitatem, scilicet *circumstans nos peccatum*, veluti laciniosam & talarem vestem, quæ currentis cruribus circumplicatur.

Ad Artem Gymnasticam liquidò alludit Paulus in prima Epistola ad Corinthios capite nono v. 24. *Nescitis quod ii qui in stadio currunt, omnes quidem currunt, sed unus accipit bravium? Sic currite ut comprehendatis.* Diximus stadia fuisse curricula, in quibus equi

equi homines-ve currenter, dicta à statione, quia Hercules post confectum uno spiritu tale spatium, constitisset. Qui hoc-ce stadium emensus erat velociori gressu, emerebatur palmam, coronam, præmium, quod Græci appellabant *σπαρτήν*. Interpres Latinus tantum expressit Latinis literis Græcam vocem, qua intelligendam esse coronam indicant sequentia.

XXV. *Omnis autem qui in agone contendit, ab omnibus se abstinet: & illi quidem ut corruptibilem coronam accipiat, nos autem incorruptam.* Illud in agone ostendit sermonem fieri de certaminibus publicis veluti palæstra, lucta, aut cursu; in quibus qui se exercerent, certa victus ratione utebantur, & corpus variis exercitiis ad certamen præparabant, ut asserit Horatius:

*Qui studet optatam cursu contingere Metam:*

*Multa tulit, fecitque puer, sudavit & alsit,*

*Abstinit venere, & baccho.*

Inde & argumentum sumebat Tertullianus scribens ad Martyres. *Nempè enim, aiebat, & athleta segregantur ad strictiorem disciplinam, ut robori edificando vacent: continentur à luxuria, à cibis latioribus, à potu iucundiore: cruciantur, fatigantur.* Prosequamur quæ dicit Paulus, alludens ad morem Athletarum qui contendebant de velocitate cursus, de robore, de industria; hæc enim quæ sequuntur & pugilatum respiciunt.

XXVI. *Ego igitur sic curro, non quasi in incertum: sic pugno non quasi aerem verberans.*

Prima pars hujus commatis spectat cursus certamen; in quo proponebatur meta; ad quam cursores dirigerent cursum; nempè in quam quasi in scopum collimarent, non currentes via incerta. Hoc est quod dicit Apostolus *curro non quasi in incertum* *ὡς ἐν ἀδύνατος*. Etenim mihi proposita est meta quam intueor, ad quam dirigo cursum, scilicet omnia ad Deum referens. Quæ sequuntur attinent ad pugilatum. *Sic pu-*

*gno,*



gno, in fonte πύξδα, id est, sic pugilem ago, cæstibus depugno, *non quasi aerem verberans* irrito conatu verbera intentans, aut ictibus oberrans, ut qui pugnae imperiti sunt, aut qui tantum sese parant. Reipsa faciebat Paulus quod pugiles serio in certamine; ut de Darete pugile canit poeta:

*Alternaque jactat*

*Brachia protendens, & verberat ictibus auras.*

Paulus loquitur. 27. *Sed castigo corpus meum & in servitutem redigo: ne forte cum aliis predicavero, ipse reprobus efficiar.*

Qui crudo cæstu pugnabant, contundebant plagis adversarios; ita corpus eorum lividum reddebant, vibicibus ex plaga relictis. Paulus cum dixisset pugnam à se committi, & innuisset aliquem adversarium, declarat quis ille sit, nempe propriam carnem, quippe quæ adversetur spiritui. Dicit, inquam, acriter pugnare cum corpore suo; *castigo corpus meum*: In fonte Græco, ὑπαγιάζω, quod verbum idem est ac Latinum *contundo*, *sugillo*, *lividum facio sanguinis nota*. ὑπάγια sunt vibices, tumores orti ex plagis. Sic subdebat sibi corpus suum Apostolus, ne rebellaret adversus spiritum.

Obversabatur etiam animo Pauli stadium, sive potius subibat cogitationem illius quod audierat de cursu in stadiis, dum sic scriberet ad Philipenses III. capite.

11. *Si quommodo occurram ad resurrectionem, quæ est ex mortuis.*

Omnia se perferre significat, ut perveniat ad metam, quæ illi proposita est, scilicet resurrectio.

12. *Non quod jam acceperim, aut jam perfectus sim: sequor autem, si quo modo comprehendam in quo & comprehensus sum à Christo Jesu.*

Quasi dicat Paulus: nondum enim implevi cursum: non attingi metam, ut præmium acciperem.

*Aut*

*Aut jam perfectus sum*, nempe quasi jam consummaverim cursum. *Sequor autem*, nempe pergo currere, *διώκω*, id est, prosequor, non deficio, ut tandem comprehendam præmium, assequar Jesum Christum, quem accipiam ut præmium, sive ipse me accipiat, qui me vocans ad currendum, adscripsit Catalogo eorum qui contenderent de præmio.

13. *Eratres, ego me non arbitror comprehendisse. Unum autem quæ quidem retrò sunt obliuiscens, ad ea verò quæ sunt priora extendens meipsum.*

Perlsistit in metaphora cursorum, qui aliquò usque progressi sunt, sed nondum metam attigerunt, qui non observantes passus quos fecerunt, totos se protendunt ad anteriora, sive ad illud quod restat conficiendum.

14. *Ad destinatum persequor, ad bravium superne vocationis Dei in Christo Jesu.*

Cursus quem decurrebat Paulus *bravium*, id est præmium, non alius erat quam Jesus Christus.

Non semel allusit Paulus ad *agones* illos, id est, certamina quibus contendebatur in stadiis de præmio cursus velocioris. Hos intuens agones dicebat iterum scribens Timotheo capite IV.

7. *Bonum certamen certavi, cursum consummavi, fidem servavi.*

8. *In reliquo reposita est mihi corona justitiæ, quam reddet mihi Dominus in illa die justus judex.*

In illa die quæ finis erit vitæ meæ, tanquam meta cursus mei. Agonothetæ, sive judices certaminum, palmam adjudicabant victoribus. Ita Paulus perseverans in metaphora Deum considerat quasi agonothetam, qui illi adjudicabit palmam quam meretur. Dum de athleticis sermo est, non præmittendum eos corpus unxisse oleo, cum sui roboris periculum essent facturi: idè in symbolum roboris spiritualis in agone mortis, cum quis infirmaretur,

S f                      voluit

voluit Deus presbyteros ungere Christianum, qui tunc luctabatur cum Dæmone. Tota vita hominis perpetuus est *agon*, id est certamen; idèd Paulus se habet pro athleta, in fonte Græco scribens Philippensibus cap. IV.

3. *Etiā rogo & te, germane compar, adjuva illas quæ tecum laboraverunt in Evangelio.*

In fonte Græco *συνήλθοσαν*, simul deterraverunt.

Sæpius etiā ad militiam Paulus alludit. Flavius Vegetius Leges militiæ explicat. Christianus & pius Lector perleget cum voluptate quæ ille Scriptor de Romanis militibus dicit. *Milites Romani*, ait, *nullis voluptatibus, nullis deliciis frangebantur. Sudorem cursu & campestri exercitio collectum nando juvenis abluebat in Tyberi. Idem bellator, idem agricola, genera tantum mutabat armorum. Quod usque adeo verum est, ut aranti Quintio Cincinnato, viro optimo, dictaturam constet oblatam. Ex agris ergo supplendum robur præcipue videtur exercitus. Nescio enim quomodo minus mortem timet, qui minus deliciarum novit in vita.*

Ex Legibus militiæ deducebat Apostolus, eum qui se Christo addixisset, decere ut mentem omninò avocaret à curis terrenis. Ita compellat Timotheum in secunda Epistola capite XI.

3. *Labora sicut bonus miles Christi Jesu.*

4. *Nemo militans Deo implicat se negotiis secularibus, ut ei placeat, cui se probavit.*

Ut placeat huic à quo in Catalogum militum adscriptus est, *σπαρολογησάντι*, ut fons Græcus habet, quod Interpres vulgatus reddit *cui se probavit*. Hanc autem legem adstruit Flavius Vegetius in libro II. cap. XIX. *Nec aliquibus milites instituti deputabantur obsequiis, nec privata iisdem negotia mandabantur.* Hanc legem confirmavit Leo Imperator. *Milites qui à republica armantur & aluntur, solis debent*

bent utilitatibus publicis occupari, nec agrorum cultui, & custodia animalium, vel mercimoniis quaestui, sed propria munus insudare militia. Quid & nubere; prolemque suscipere vetabantur milites, ut in voto pro pace evincit Grotius; allegans Dionem Cassium in libro LX. & quod dixit Tacitus in XIV. Annalium; veteranos neque conjugii suscipiendis, neque alendis liberis suctos: Tertullianus respondebat his qui matrimonio opus esse dicebant ad domos regendas, ut loquitur in libro de exhortatione ad castitatem: scio quibus causationibus coloremus insatiabilem carnis cupiditatem: pretendimus necessitates administrandorum; domum administrandam, familiam regendam; loculos; claves custodiendas, lanificium dispensandum; victum procurandum; curas communiendas. Scilicet solis maritorum domibus bene est: Perierunt celibum familia, res spadonum, fortuna militum, aut peregrinantium sine uxoribus.

Id omne quod militibus dabatur pro salario, appellabatur Latine *stipendium*, Græce *ὀψώνιον*; quod ita constabat tum cibario tum pecunia. Indè factum ut salarium quod debetur ministris Ecclesiæ, qui nempe militant Deo, sit appellatum stipendium. Qui militant sub principibus, stipendia ab illis accipiunt; indè Apostolus dicebat eos qui peccato deservirent, etiam recepisse stipendia, sed heu qualia! si quidem peccati stipendium mors, ut ait Apostolus ad Rom. VI. 23. *stipendia enim peccati mors*. Et i. Corinth. cap. IX. 7. *quis militat suis stipendiis?* alitur enim miles publico sumptu, quo & ministri Ecclesiæ alendi sunt.

Paulus in Epistola ad Ephesios capite VI. admonet virum Christianum decere ut exhibeat se verum militem, qui armis induitur & rebus ad præliandum idoneis.

13. *Propterea accipite armaturam Dei, ut possis re-*

St x

sis re-

*ris resistere in die malo, & in omnibus perfecti stare.*

Non est nobis colluctatio adversus carnem & sanguinem, dixerat suprâ Paulus, nempe homines qui caro sunt & sanguis, sed adversus spirituales nequitas, nempe adversus dæmones malos Angelos. Quapropter, inquit Paulus, accipite, assumite *πανοπλίαν τοῦ θεοῦ*, omne armaturæ genus, ut possitis in tentationum periculis sustinere hostium impetum.

Vestes veterum erant laxæ, ne essent impedimento, parabant se certamini, has accingendo, & induentes arma. Ad quod alludens Paulus ait:

14. *State ergo succincti lumbos vestros in veritate, & induti lorica[m] justitiæ.*

Nempe sic instituendo vitam, ut argui non possitis alicujus mendacii, nec cujuscunque vitii.

15. *Et calceati pedes, in preparatione Evangelii pacis.*

*Ἰποπόδια ἔχοντες*, calceos habentes vinculis colligatos, ne pedes in illis vacillarent. Milites ocreis pedes & tibias muniebant, tum adversus ictus hostiles, tum adversus incommoda viæ asperæ, confragosæ, spinis horridæ. *In preparatione*, ut sitis parati ad suscipiendum iter, per dura & per aspera Evangelium annuntietis. *Evangelii pacis*. Quasi dicat: ut ad bellum estote parati; sed quo reconciliemur Deo, & cum eo pacem habeamus.

16. *In omnibus sumentes scutum fidei, in quo possitis omnia tela nequissimi ignea extinguere.*

Scuto milites excipiebant tela immissa ab hostibus & repellebant. *Tela nequissimi τοῦ πονηροῦ*, nempe diaboli, qui appellatur *πονηρὸς*, spiritus nequam. Scuto non exstinguebantur tela ignita; sed quia sermo est de telis diaboli, quibus homines vel ad libidinem vel ad iram accendit, benè dicuntur illa tela extinguui, quando superantur tentationes.

17. *Et*

17. *Et galeam salutis assumite; & gladium spiritus, quod est verbum Dei.*

Galea tuetur caput; ideo verè est salutaris: Christus autem verè salus est nostra; in quo omnis spes nostra ponenda est. *Et gladium spiritus*. Finiens hanc armaturam militarem, Paulus admonet pugnandum esse verbo Dei. Non alio armaturæ genere decet Evangelistam uti.

De militia addam, quòd exercitus in Scriptura appellantur *Tsabaoth*, quæ vox dicit ordinem; unde egregia cœlorum & stellarum dispositio appellatur *Tsabaoth*, & ipse Deus Cœlorum, Deus *Tsabaoth*. In exercitibus omnia ordine disponuntur: agmina constant certo numero militum; ut cùm dicitur, vel quinos vel quinquagenos iter habuisse, intelligendi sint more militum sive in exercitu incessisse. Ita in Exodo (Cap. 13. v. 18.) *armati* ascenderunt filii Israel de terra Ægypti; in fonte *quini* vel *quinquageni*, id est, ordine militari ascendebant. Goliath in capite XVII. Samuelis in fonte vocatur *vir medietatis*, id est, quasi sequester & duellio, pugnam monomachia dirempturus.

Attingam brevi sermone rem navalem, ex qua cognita lux accedit Sacris Scripturis; quæ de navibus & de navigatione non semel loquuntur. Naves constant prora & puppi. Hæc pars est navis quasi postica, prora verò antica, ubi rostrum est sive pars navis acuminata, qua fuleat aquas. Puppis quasi obesa est & latior, ut excipiat imperum ventorum, à quibus impellitur. Extat aquis puppis magis quam cæteræ partes navis, & in ea ad clavum, sive ad gubernaculum sedet naucerus, & dirigit cursum navis, prout torquet gubernaculum. Cùm enim illa sit in æquilibrio, innatans aquis quas sulcat, vel minimo motu dirigitur ad quem locum voluerit naucerus, ut dicit B. Jacobus II. 14. *Ecce, inquit, & na-*

*ves cum magna sint, & à ventis validis minentur, circumferuntur à modico gubernaculo ubi impetus dirigentis voluerit.*

In puppis summitate pictura erat, quæ repræsentabat numen in cuius tutela erat navis, vel insigne quodcumque quo internosci illa poterat & distingui. Græci appellant *παράσημον*, id est, *insigne*, quo significabatur, ut ita dicam, quæ esset navis. Aliis pro insigni erat aquila, aliis equus marinus. Apud Ethnicos vulgò insignia navium sive tutela erat quispian Deus; sicut apud Christianos aliquis è numero sanctorum. Navi Alexandrinæ, quam D. Paulus conscenderat Romam petens, in Actis Apostolorum cap. XXVIII. ubi navigatio ejus describitur, *erat insigne Castorum* *παράσημον Διοσκύποis*, nempe Castor & Pollux, quos Ethnici filios Jovis faciunt.

Per latera navis, inter quæ dicitur Jonas descendisse, cum orta tempestate timuit, intelligendæ sunt partes, interiora navis, alvus, carina. Naves constratæ sive tectæ erant. Catastromata, sive constrata navium nobis dicuntur, *le tillac du vaisseau*, *les ponts*, Italis *la coverta*, o *il palco della nave*. In fundo navis sentina est, in quam ut in partes imas confluent omnes sordes, & aquæ quæ per rimas perfluere possunt: undè necesse est continuò exhauriri sentina; faceret enim neglecta quod fluctus irruens, ut loquitur Augustinus. Ad hoc faciunt antliæ. Non vacat omnes partes navium enumerare & usum explicare. Vix sufficeret complurium paginarum liber. Annotanda Bolis, qua cognoscitur profundum maris, in quo navis deprehenditur. Ita nautæ cum quibus vehebatur Paulus in Actis XXVII. 28. *summitentes bolidem invenerunt passus viginti.*

In primis necessariae sunt anchoræ adversus vim ventorum, ne navis abripiatur in loca aspera, & illidat cautibus, & conteratur. Undè spei symbolum est, ut

est, ut videre est in Epistola ad Hebræos, ubi sermo est de spe. VI. 19. *quam*, inquit Paulus, *sicūt anchoram habemus animæ tutam ac firmam*. Plures anchoræ necessariæ sunt. Nam vi tempestatis funes quibus illigantur sæpius rumpuntur; præterea quod plures sunt anchoræ, minùs vi ventorum concutiuntur naves. In navigatione Pauli quæ in Actis XXVII. describitur, nautæ *timentes autem ne in aspera loca incidere-mus, de puppi mittentes anchoras quatuor, optabant diem fieri*.

Subjicit Actuum Scriptor: *Nautis verò querentibus fugere de navi, cū misissent scapham in mare, sub obtentu quasi inciperent à prora anchoras extendere*. Scapha exiguum est & leve navigium in navi paratum, quo, dum illa est in alto, nautæ ad quæcumque littora impunè accedant, quod impunè non possent ipsa navi; nam pondere solo magnitudinis suæ multum demergitur ut fluitare non possit, ubi non multa aquæ copia est. Miserunt ergo nautæ scapham in mare; specie fingentes se in scapham descendere, non fugiendi causa; sed velut anchoras à prora extensuri, sive ut anchoras longius à prora figerent, fune eò usquè prolato; ita navis longius removeretur à terra.

Vento vel remis naves feruntur; sed modò pondus oneris earum infra sit pondus aquæ, cujus occupant spatium, sive volumen, in æquilibrio sunt immotæ, nisi vento moveantur, aut proprio aliquo motu aquæ intra quam sunt, vel denique remis qui instar pedum sunt. Remigès dum incumbunt remis, quos in aquas immittunt, & illæ resistunt, navis repellitur & movetur in partem oppositam. Naves verò quarum latera celsiora sunt, *les vaisseaux de haut bord, le navi d'alto bordo*, non possunt impelli remis, quia illi subjectas aquas attingere non possunt, nisi ob longitudinem ponderosiores evadant. Vento



autem id genus navium movetur; præterquam enim aqua multum exrent, & sic vento exponantur, asurgunt in illis arbores proceræ, nempe malus, cui adhæret antenna, ex qua vela pendent. Antenna autem non immobilis, sed attolli & torqueri potest, ut vento, quo nihil mobilius est, & mutationi magis obnoxium vela semper opponantur.

Verùm cum validior est ventus, quàm cursus navis regi possit, tunc vela colligenda sunt, nempe subducenda tempestati: dimittendæ antennæ; & cædendus malus, ut nulla res restet, in quam ventus agere liceat; quod factum est in navigatione Pauli, quæ describitur Actuum capite xxvii. *Cumque arrepta esset navis, & non posset conari in ventum, data navi flatibus, ferebatur.* Id est, cum abrepta esset navis à loco quò tendebamus; & non posset conari: in fonte ἀντοβαλμῆν, propriè est *contra tueri*; impropriè *obniti*, resistere vento, cui cedere coacti sumus, & sequi ejus impetum.

16. *In insulam autem quandam decurrentes, qua vocatur cauda, potuimus vix obtinere scapham.*

Scaphæ vix compotes fieri, vel scapham ex mari in navem attollere; cum eam demississent in mare, causa alicujus necessitatis.

17. *Qua sublata, adjutoriis utebantur, accingentes navem, timentes ne in Syrtim incidèrent, summisso vase sic ferebantur.*

Adjutoria sunt funes, catenæ, unci, instrumenta. Intelligendi etiam milites, qui adjuvabant nautas; qui timentes ne ventus navim abriperet in Syrtim, id est, in locum vadosum & arenosum, *summisso vase*, χαλάσας τὸ σκῆϛ (malus, antennæ, vela intelligi possunt: σκῆϛ enim in genere quodvis utensile significat) omnia tempestati subduxerunt, ne aliqua parte ventus navem urgeret, sic ferebantur sine malo, sine velis. Illud autem *accingentes* ἀσζωνῶντες, sive

sive *succingentes* indicat nautas funibus utrinque sub fundum navis adductis latera ejus constrinxisse, ne vi ventorum & fluctuum dissiliret.

18. *Valida autem nobis tempestate jactatis, sequenti die jactum fecerunt.*

Jactum fecerunt nempe mercium & sarcinarum in mare, levandæ navis gratia. Primum jaciuntur merces; deindè armamenta, ut statim sequitur; postremo & cibaria, ut infra satiati cibo jactaverunt triticum in mare.

19. *Et tertia die suis manibus armamenta navis projecerunt.*

Τὸν οὐδὼν, nempe id omne quo instruebatur navis. Quoniam jam projecta erant instrumenta navis, intelligenda sunt illa armamenta, sive instrumenta, quæ servantur in supplementum *les agrez de rechange, arnesi di riserva*.

Artem nauticam docere non suscepi; ideo breviter de ventis loquat. *Veteres quatuor omnino servare*, inquit Plinius libro II. cap. XLVII. *per totidem mundi partes. Sequuta ætas octo addidit, nimis subtili & concisa ratione. Proximis inter utramque media placuit, ad brevem ex numerosa additis quatuor. Sunt ergo bini in quatuor cæli partibus, ab oriente æquinoctiali subsolanus, ab oriente brumali Vultur; illum Apeliotem, hunc Eurum Græci appellant. A meridie Auster, & ab occasu brumali Africanus, Noton & liba nominant. Ab occasu æquinoctiali Favonius: Ab occasu solstitiali Corus: Zephyrum & Argestem vocant. A septentrionibus, septentrio; interque eum & exortum solstialem Aquilo: Aparctias & Boreas dicti. Jam diu est quod nautæ numerant triginta duos ventos. In navigatione Pauli nominantur Διῖ Africanus & Corus, qui duo venti sunt occidentales, Africanus ab occasu brumali, corus ab æstivo aut solstitiali. In loco Actuum (v. 14.)*

circa

circa quem potissimum nunc versamur, ventus nominatur Typhonicus, nempe secum omnia rapiens, qui vocatur Euro-aquilo, ait Vulgatus Interpres. In fonte Εὐροκλύδων, id est, tempestates ciens. Euro-aquilo ventus est flans ab Oriente & ab Aquilone.

In veteri navigatione, cum nondum pixis nautica nota esset, ubi neque sol neque sidera apparebant, & imminebat periculum gravioris tempestatis, navium cursus sistendus erat; quod in navigatione Pauli contigit. 20. *Neque autem sole, neque sideribus apparentibus per plures dies, & tempestate non exigua imminente, jam ablata erat spes omnis salutis nostræ*, Olim nautæ legebant littora, & ex cognitione horum littorum dirigebant cursus navis. Subdit Actuum scriptor 39. *Cum autem dies factus esset, terram non agnoscebant; sinum vero quemdam considerabant habentem litus, in quem cogitabant si possent ejicere navem*. Nesciebant an terra esset continens, an insula; aut potius quæ esset ista terra. Olim, ut dixi, legebantur littora quæ nota essent. Adverterunt autem sinum, *une baye où il y avoit un rivage, un golfo dov' eravi una spiaggia*, scilicet non ibi profundum mare; huc ergo navem, quæ ejectis armamentis & mercibus non onerata appellere poterat, cogitabant ejicere, ut Gallicè loquimur, *le faire échouer dans ce lieu*, Italicè *farla rompere in questo luogo*.

40. *Et cum anchoras sustulissent, committebant se mari, simul laxantes juncturas gubernaculorum, & levato artemone secundum auræ flatum tendebant ad litus*. Sublatis è mari anchoris se huic commiserunt. Sinebant se ferri motu aquarum. In antiquis navibus quandoque erant duo gubernacula ad utrumque latus puppis. Laxant autem nautæ juncturas Gubernaculorum ζαγκρίας, id est vincula, quando nolunt navem gubernaculo regere, sed permittunt mari, ven-

ri, ventis, quibus laxata gubernacula non obstant, Artemon sive artimon hodiernæ artis nauticæ vocabulum est usitatum. Quid verò significet apud antiquos incertum est. Aliis malus est in postica parte navis, aliis velum est; quòd cùm modicum superesset, tamen sustulerunt ad flatum, ut propelleretur navis versùs littus. Etenim jam submiserant malum, & omnia armamenta in mare projecerant. Vento ergo quocumque impulsâ navis, satagebant ut ad terram accedere posset.

41. *Et cùm incidissemus in locum dithalassum, impegerunt navem, & prora quidem fixa manebat immobilis, puppis verò solvebatur à vi maris.* Locus δὶ δάλαος bimaris, qui utrinque mari alloitur, isthmus. Intelligendæ sunt tæniæ, quales multæ solent esse non procul à littore, ita tamen ut inter eas & littus mare interluat. Tæniæ propriè dicuntur fasciæ *des bandelettes longues & étroites*, Italicè *benda*, o fascia, *che s'avvolge al capo, più stretta, che lunga*; sed & lapides sub aquis candicantes, in longum porrecti à fasciarum similitudine, qui territabant nautas, Attamen in tales tæniâs impegerunt navem, cujus prora arenoso loco impacta manebat immota; puppis verò, quæ restabat in mari, quia subvehi non poterat in terram, solvebatur à fluctibus. Ita non appulerat navis ad littus, sed ad locum vadosum, ex quo enatandum erat ad terram.

42. *Militum autem, à quibus servabatur Paulus, consilium fuit ut custodias τὸς δεσφώτας les prisonniers, i prigioni, vinctos occiderent; ne quis cùm enasset, effugeret.*

43. *Centurio autem volens servare Paulum, prohibuit fieri: iussitque eos qui possent natâre, emittere se primos evadere & ad terram exire.*

44. *Et ceteros alios in tabulis ferebant: hoc est, permisit Centurio cæteros hos in tabulis ferri, quos-*  
*dam*

*dam super ea quæ de navi erant, nempe in fragmentis navis. Et sic factum est ut omnes anime evaderent ad terram. Hæc de re navali placuit perstringere, ut pertinentia ad Biblicum apparatus.*

## C A P U T VIII.

*Exponuntur pleraque nomina, quorum etymum siue veram originem scrutari interest, ad rerum sacrarum veritatem cognoscendam.*

**C**ongessimus in hunc-ce Apparatum ea omnia quæ saltem delibasse debet Lector, quem tenet studium sacrarum litterarum, ut pleno earum haustu possit se proluere. Collecta & parata sunt quibus indigeat, viam per illas decurrens; modo codices eos summat qui sermone sibi noto sint exarati; neque enim suscepimus eum imbuere cognitione omnium linguarum, tum earum quibus primitus Codices illi olim exarati sunt, tum aliarum quibus postea redditi. Non agimus Grammaticos.

Juvabit autem te, quisquis es, de fontibus ipsis potare. Quin & religionis partem aliquam putaverunt viri pii ediscere linguam Hebræam, qua Deus olim in veteri Testamento uti voluit quos afflabat, tum & Græcam, qua Evangelistæ & Apostoli novum Testamentum expresse-  
 runt. Lingua Latina notior. Etenim vicinia quasi conjungitur cum Gallica, ut non pariter necessarium sit differere de idiotismis siue proprietatibus ejus, in gratiam eorum qui sacras Litteras vernaculè redditas legunt. Ne te longo sermone morer, Lector, de nostro instituto non est Grammaticas Hebræas, Græcas, Latinas struere, condere harum linguarum lexica. Quid ergo huic-ce Apparatus nostro jam deesse potest, quod spectet tres illas linguas, quas in crucis titulo possumus dicere sanctifica-

ficatas, nisi quasdam voces minùs usitatas exponere; quæ peregrina veste adhuc sunt indutæ, hoc est, non fuere expressæ notis vocibus, sic soni sunt inanes, licet illis mysteria subsint? Verbi causa, nullius est significationis vox illa *Michael*, cùm advertitur à Gallo solus hujus nominis Hebraici sonus. In Hebræo idiomate nobile indicatur facinus; & hoc-ce nomen instar est complurium verborum. Nomen, inquam, hujus est Angeli, qui his obstitens malis angelis, qui in Deum rebellaverant, & ambiverant huic esse similes, hoc-ce sermone coercuit: *quis ut Deus?* indè dictus *Michael*, idem Hebraicè sonans. Nomina pleraque vel Latina vel Gallica, sive personarum sive rerum, vulgò sunt imposita temerè, & nullius ex se significationis. Sed non ita de multis Hebræis Græcisque nominibus. Habent ex se congruas aptasque significationes: soni sunt, sed qui deserviunt aptè designandis personis & rebus; sicut nomen illud *Michael*, cùm tribuitur dicto Angelo.

Pleraque nomina huc afferam & exponam: sed primùm audiendus B. Hieronýmus, cujus hæc præmonitio nunc temporis nobis necessaria est. Sic ille loquitur in præfatione libri de Interpretatione nominum Hebraicorum. *Non statim ubicumque ex A littera qua apud Hebræos dicitur Aleph, ponuntur nomina, æstimandum est ipsam solam esse qua ponitur. Nam interdum ex Ain, sæpè ex He, nonnunquam ex Heth litteris, qua aspirationes suas vocesque commutant, habent exordium.* Quin pleræque litteræ Hebræorum, ut jam diximus, diversimodè efferuntur. Eadem enim littera *Ain* aliis *a*, aliis *o*, aliis *gna* sonat. In quibusdam Græcis & Latinis nominibus hæc littera sonat *e*. Idem est de littera *heeth*, quæ aliis est *cheth*. Undè apud interpretes non eodem modo scribuntur nomina Hebræa. Quibusdam *jeschahija* dicitur, qui in Vulgata nostra Isaias est: *Chizkija*, qui Eze-

Ezechias. Sic pro *Hierusalem* dicunt asperiore sonò *jeruschalaima*. Advertendum etiam eadem littera Latina nos compelli exprimere diversas litteras Hebræas, licet figura & sono diversas, sed diversitate, quam nobis non licet exprimere. Tales sunt litteræ *caph*, *coph*, etiam plerumque *cherh*. Has tres litteras eodem elemento C exprimimus. Sæpius etiam littera *gimel* aut *ghimel* & *ain* sive *gnain* elemento nostro G notantur. Elementum S servit latinè scribendis his tribus litteris Hebraicis *samech*, *tzade*, *schin* & *scin*. Tum etiam in plerisque nominibus quæ in interpretatione à T incipiunt, habere possunt initio vel litteram *terh* vel litteram *thau*. Quod animadvertendum erat, ne diversitas quæ nomina Hebræa redduntur, perturbaret.

Quorundam nominum, quæ frequentiora sunt in sacro Codice, etymologias Hebraicas & Græcas proponam, undè cæteris lux affulgeat, primum indagans origines ex quibus nomina frequentius derivantur. Nomen quandoque proprium personæ augetur adjuncto alio nomine, sive coalescit ex duobus vel tribus nominibus; quorum unum crebrò divinum est, nimirum unum ex divinis nominibus. Illa sunt decem numero, ut dictum est; non singula autem pariter in compositionem nominum veniunt. *Jah* est diminutivum nomen à *Jehova*. Addebatur plerisque nominibus, ut *Isaias*, id est, *salus jah*, id est, *salus Dei*. Sed præ cæteris usurpabatur nomen *el*; undè factum *Michael* quis ut Deus. *Gabriel* fortis Dei, & alia complura nomina, quæ modò recensebimus. Et Deus vocatur *Adonai*; undè factum *Adonias* dominator sive Dominus. Sed plerisque aliis nominibus quam Dei augebantur nomina personarum; maxime illis: *ab*, quod Hebraicè sonat *pater*; undè *Abram* pater excelsus, & *Abraham* pater multitudinis, sive pater multi populi. *Abda* servus; ut *Abdias*

*dias* servus Domini: *Ben*, id est, filius; ex quo *Banaias*, filius Domini: *Bar* idem etiam sonat quoddam *Ben* filius; inde *Barjona* filius columbæ. Nominibus locorum adjungebatur *Beth*, id est, domus. *Beth-aven* domus iniquitatis. Hebræis *Cariath* est civitas; hujus-ce nominis additamento quædam loca distinguiebantur. Et in nominum compositione non raro advertuntur voces illæ, *isch*, id est, vir; *Isca-riotes* vir vici Carioth: *melech* rex; unde *Abimelech* pater rex: *Nathan* donum, unde *Nathanael* donum Dei.

Sufficiat hæc in genere advertisse; celebriorum autem nominum etymologias, ordine alphabetico proferam, eas nempe quas animadvertere operæ pretium est. Sed & in genere circa etymologias considerandum est plerasque litteras Hebræicas, licet pariter Græcis & Latinis idem sonent, figura & potestate diversas esse. Nam, verbi causa, *Abel*, cum prima littera est *aleph* sive A, significat *luctum*; & nomen est *Abelis* quem Adamus suscepit ex Eva: cum autem prima littera est *he*, significat *vanitatem*. Ita Amos, si prima littera ejus est *aleph*, idem sonat quod fortis: si verò *ain*, idem quod *manipulus*. Hæc littera quandoque effertur *am*; & non aliter sonat quàm A Latinorum. Sic appellatur Hebræicè *populus*; ex quo factum *Aminadab*, populus spontaneus, *Ammon* populus ejus; sed *Ammon*, quando in principio est littera *aleph*, reddendum est *fidelis* aut *verax*. Littera Hebræa, quam alii *Heeth*, alii *cheth* appellant, & quæ in gutture formatur, eodem nostro elemento *a* exprimitur in plerisque nominibus. Nam *Anna* sonat idem quod gratiosa, à *channan* sive *Annam*, Hebræicè *gratiam fecit*, *misericors*, *gratiosus fuit*. Ita nomina ejusdem soni non ideo habent easdem origines sive significationes, quia non iisdem signis sive litteris in fonte Hebræo exprimuntur.

*Abel*



*Abel* per aleph appellatus est, quia futurus erat luctui. Pater enim ejus Adam eum luxit interfectum à Cain fratre. Sic non rarò nomina omen & vaticinium erant rerum futurarum.

*Ab* id est, *pater*. Ex *Ab* factum *Abba*, quod erat nomen honoris; unde filiis servorum non licebat patres suos hac voce compellare. Patrem-familias potissimum designabat; unde Paulus ad Ephesios ( *cap. 5.* ) dicit de Deo patre: *ex quo omnis paternitas in caelis & in terra nominatur*. A quo non solum Judæi, sed omnes homines ortum ducunt; ut omnium sit caput. Judæis *Ab* dicitur quod in omni re præcipuum est, principale, generale, alias species sub se complectens. Ita dum loquuntur de prohibitis operibus die sabbati, vocant prima opera expressa in lege, quasi patres, quæ comprehendunt omnia etiam minutissima opera, quæ in sabbato prohibita sunt.

Nomen *Ab* pluribus nominibus præponitur. *Abia* pater Domini: *Abessalon* pater pacis aut pater retributionis. *Abiathar* pater excellens: *Abram* pater excelsus, *Abraham* pater multorum populorum: quo videre est non temerè imposita nomina huic Patriarchæ. Antequam vocaretur à Deo erat quidem pater excelsus, sive vir magni nominis; postquam autem Deo obediens patriam deseruit, & in terram Chanaan transivit meruit ut fieret pater numerosæ prolis, *pater multi populi*.

*Abaddon* in Apocalypsi ( *cap. 9. v. 11.* ) sic Angelus exterminans Hebraicè appellatur à verbo quod significat perdidit; ejusdem significationis ac Græcum apollyon, quo ibi Græcè appellari dicitur.

*Achab* sonat idem quod frater; & plerisque nominibus affuitur: ita *Achab* est frater patris: *Achia* frater Domini: *Achimelech* frater meus rex.

*Adam*, id est, ruber. Sic vocatus est primus homo, quia de terra rubra sumptus.

*Ado-*

*Adonibezech* Domini fulgur,

*Anna*, id est, gratiosa.

*Annas* nomen est ferè ejusdem soni ac *Anna*; sed habet in principio litteram *ain*, & sonat respondens, affligens. *Ania* est responsio Domini aut afflictio Domini.

*Ariel*: sic appellabatur altare, id est, leo Dei, quia igne suo devoraret oblatas victimas.

*Armagedon*. Nomen est Hebræum, quo in Apocalypsi (cap. 16. v. 16.) appellatur quidam locus; etymum ejus incertum. Deduci potest ex *Ar* mons & *Chorema* internecio, quasi mons internecionis, perditionis. *Azarias* auxilium Dei.

*Baal* idolum. Sonat hoc-ce nomen dominans aut possidens. Addebantur huic-ce nomini alia nomina, quibus distinguebantur idola diversa. *Baalgad* idolum fortunæ. *Baalhamon* idolum populi: *Baali* idolum meum: *Baal-meon* idolum habitaculi vel idolum ex peccato; & alia pleraque. Nomen *Baal* & sæpius effertur *Beel*, *Belus*; indè *Beelzebub* idolum muscæ, & alia.

*Bala* inveterata sive defluens. Indè *Balaan* vetustas populi, sive absque populo. Indè idolum *Bel* sic dictum, quasi defluens sive nihil. Idola dicebantur *nihila*. Vox *Beli* Hebraicè significat *absque* & contermina est voci *Balah*. Nomen *Belial* sonat *absque* iugo, filius perversus.

*Banaias*, filius Domini. Vox *Ben* filius reperitur conjuncta cum multis aliis nominibus; sicut & *Bar*, filius: *Barjona* filius columbæ. *Barrabas* filius patris: *Barnabas* filius prophetæ: *Bartholomæus* filius suspendentis aquas. *Ben* pronuntiatur etiam *Bon* indè *Boanerges* filius tonitruï. *Beniamin* filius dexteræ; & alia plura nomina.

*Baruch*, id est, benedictus. Hinc derivantur multa nomina ut *Barachias* benedicens Domino. *Barachel*.

Tr bene

dicens Domino: *Berech* Hebraicè benedixit.

*Beer* Hebraicè est puteus, ex quo plurima nomina componuntur. *Beerelim*, id est, fors arietum vel sortium. *Bersabee* puteus fons-ve juramenti: appellatur ab Hebræis *Batscha*; *Bath* autem est filia; ita *Bathscha* est filia juramenti: uxor Uriæ quæ in vulgata *Bersabee* appellatur.

*Beth* domus multis nominibus loci adjungitur. *Bethabara* domus transitus; nempe locus ubi vadum in Jordane, & frequens erat trajectum *Bethel* domus Dei: *Beth-Dagon* domus frumenti: *Beth-lehem* domus panis.

*Beth-sames* domus solis; & alia quàm plurima.

*Cadem*, id est, oriens; undè *Cadamin* antiqui, Orientales.

*Cariath* urbs; in plerisque urbium nominibus occurrit: *Cariatharim* civitas civitatum. *Cariath-sarim* civitas sylvarum.

*Cephas* nomen est Syrium, quod *petram* significat; nomen principis Apostolorum.

*Dan* judicans; indè *Daniel*, judicans Deus.

*David* dilectus.

*Dibon* abundans; indè *Dibon-gad* abundantia filii felicitis; & quæpiam alia.

*Edom* rufus.

*Elcana* Deus zelotes.

*Eliezer* Dei adiutorium.

*El* & *Jah* Dominus conjunguntur.

*Elisabeth*, id est, Deus juramenti, vel saturitatis.

*Elifeus* Dei salus vel Deus salvans.

*Emanuel* nobiscum Deus.

*En* fons sapiens nominibus locorum adjungitur.

*Engaddi*, id est, fons hœdi: *Endor* fons habitationis.

*Engannim* fons hortorum.

*Esa-*

*Esaias* salus Domini.

*Esaü* faciens vel operans.

*Esdras* adiutor.

*Esther* occulta.

*Ezechias* fortitudo Domini.

*Gaba* collis; quo quædam nomina locorum componuntur, *Gabata*, *Gabaon*.

*Gabriel* vir Dei, vel fortitudo Dei.

*Gavaliel* retributio Dei.

*Geth* torcular; & hoc nomine quædam nomina augentur: *Geth-remoni* torcular mali punici: *Gethsemani* est vallis pinguium sive olei: Nam venire potest à *Gath*, quod est torcular; vel à *Ghe*, quod est vallis.

*Hanan* graciosus; pius, misericors, intrat in compositionem complurium nominum: *Hananias*, gratia Domini sive misericordia.

*Hebraus*, id est, transitor; à verbo *Avar* transivit. Sic Abraham & posteri ejus videntur dicti Hebræi, quia Euphratem transierant venientes in terram Chananæam.

*Hen* Hebræis fons est; quod nomen multis aliis nominibus præponitur; ut illis: *Hendor* fons generationis: *Hen-gannim* fons hortorum: *Hen-gadi* fons felicitatis.

*Idumæi* ab *Edom* quasi *Edomæi*, id est, rufi.

*Jad* manus, *Jada* confiteri. Ex his-ce nominibus alia componuntur: *Jeddu* manus ejus, vel confitemini.

*Judens*, id est, confitens, laudans.

*Jerusalem* visio pacis.

*Iesus* servator, quod nomen pronunciatum est diversimodè, *Jesue*, *Josue*.

*Jether* excellens.

*Joachim* Domini præparatio: *Joachim* Domini resurrectio.

*Job* dolens.

*Johannes* gratia Dei.

*Jordanes* componitur ex *Jor* rivus & *Dan* nomen loci ex quo fluebat fluvius *Jordanes*,

*Josapha* Domini iudex.

*Joseph* augmentum.

*Josue* Dominus salvator.

*Isaac* risus. Sic appellatus est puer, quem *Sara* peperit; quem cum illi promitteret Angelus, riserat; quippe non putabat se idoneam partui, ob ætatem.

*Ismael* exauditis Dei.

*Israel* prævalens Deo; quo nomine Deus ipse appellavit Jacob, postquam prævaluit, luctans cum Angelo suo.

*Lazarus* cui auxilio est Deus.

*Libanus* albus, candidus.

*Maria* amaritudinis mare, id est, amaritudo amarissima.

*Mathat* donum; quod nomen frequens est in nominum compositione; *Mathanias* donum Dei; *Matthæus* donatus.

*Melech* rex; inde multa derivantur nomina.

*Melchisedech* rex justitiæ.

*Melchias* rex Dominus; *Melchiel* rex meus Deus.

*Melchom* rex eorum, *Moloch* regnans.

*Messias* unctus, Græcè *Christus*.

*Nathanael* donum Dei.

*Nazareus* separatus.

*Obed* servus, sive *Ebed*. Hinc *Obadias* servus Domini.

*Obededom* servus hominis.

*Ochosias* possessio Domini.

*Phares* divisio; inde *Pharisæi*, quasi divisi sive separati.

*Rab* multus; unde *Rabbi* præcipuus doctor.

*Ram*

*Ram* excelsus; undè *Rama* excelsa: indè *Ramatha* urbs Syriæ in monte Ephraim.

*Rapha* medicina: *Raphael* medicina Dei.

*Salem* pax, perfectio, retributio; indè *Salomon* pacificus, perfectus, & pleraque alia nomina.

*Samuel* positus à Deo.

*Sara* Domina, princeps. *Sarai* domina mea.

*Satan* adversarius.

*Saul* postulatus, commodatus: *Saulus* non aliud nomen est.

*Sedechias* iustitia Domini.

*Semei* audiens, obediens. *Semeia* sive *Semeias* audiens Dominum; indè & *Simon* audiens.

*Thomas* geminus; idèd & appellatus est *Sidymus* quod nomen ejusdem est significationis.

*Tob* bonus; à quo *Tobias* bonus Dominus.

*Urias* ignis Domini.

*Zacharias* memoria Domini.

Omnium nominum quæ in sacro Codice certis rebus & personis propria sunt, origines non suscepimus omnes exponendas; sed cum sint partes Biblici apparatus, volui aliquas perstringere. Bibliæ vulgatæ subicitur interpretatio Hebræicorum, Chaldæorum, Græcorum nominum; sed origines illæ certò dignosci non possunt nisi nativis Characteribus descriptæ. Nam, ut observatum est, plures litteræ Hebræicæ, licèt figura & potestate multum differant, non possunt tamen nisi iisdem latinis litteris exprimi; ita ut uno & eodem nomine exponantur plura nomina Hebræica diversæ significationis. Quapropter necesse est ut quem juvat propius introspicere origines de quibus est sermo, degustet Hebræicam linguam. Tunc adeat apparatus Bibliorum regionum Antuerpensium, in quo est catalogus nominum propriorum cum eorum origine. Nomina autem illa propriis suis characteribus scripta sunt, Hebræica Hebræicè, Græca Græcè; quin &

Hebraica etiam Græcè, quia Latinus interpret sequitur LXX, Interpretes Græcos, efferens illa nomina Hebraica. Igitur absolutissimus est ille dictus catalogus. Subtexam interpretationem quarundam vocum Hebraicarum, quæ usurpabantur in rebus sacris, & idèd frequenter occurrunt in sacro Codice.

*Amen* vox Hebraica est, quam Græci retinuerunt, reddentes *ἀμήν*. Hebræis sonat idem quod *verè, certè, profectò, constanter*. Particula est asseverantis, assentientis, confirmantis; quasi dicas *firmum esto, verè fiat, sit ita, ita mihi contingat*. In novo Testamento notat asseverationem & attestationem, iurando ratione veritatis & firmitudinis æquipollentem; ut sæpiùs apud Joannem *amen amen dico vobis*. In fine orationis vox conclusiva est, & claudit vel precationem, vel gratiarum actionem, aut votum, aut confessionem, & quamcumque orationem. Videtur propriè esse adverbium affirmandi ab *Aman* fidelis, verax fuit. Christus Dominus ea voce & ea repetita sæpè utitur pro certa asseveratione, fermè jurandi loco. Paulus 2. Corinth. cap. 1, v. 20. dicit promissiones Dei esse *Na & Amen*, id est, certas & veras: *vai* Græcum & *amen* Hebraicum idem significant; idèd interpret Latinus uno verbo *est* utramque vocem reddidit. LXX. Græci interpretantur quandoque *fiat*; ita signaculum est affirmationis simul & voti, sive optantis.

*Alleluia* sive potius *Halleluia* vox crebra in Psalmis, quam vulgata Versio sæpè retinuit. Crebrò erat in ore Israelitarum, qui sese ad laudandum Deum invicem excitabant, *Laudate Dominum*, quæ est significatio *Halleluia*.

*Cherubim* Josepho sunt ignota animalia; nempe forma composita ex multis animalibus, quæ vix representari potest. *Cherubim* jussu Dei apposuit Moyses propitiaculo sive operculo Arcæ; quasi illa Arca fuisset cur-

set currus, qui Hebraicè dicitur *Recabb*, cum particula similitudinis Hebraica *caph*; ut *Cherubim* essent quasi currus sive vehiculum. Cherubim formam describit Ezechiel compositam ex quatuor formis. Plurisque videntur Cherubim habuisse formam puerorum, & indè nomen; nam Chaldaicè *Rub* sive *Ravia*, cum particula servili sive similitudinis *caph*, redditur *sicut pueri*. Cherubini appellantur Angeli, quales fuere custodes Paradisi, postquam ex eo ejectus est Adam prohibentes ne in illum regrederetur. Ejecitque Adam Deus, & collocavit ante paradisum voluptatis Cherubim, & flammæum gladium atque versatilem ad custodiendam viam ligni vite (Gen. cap. 3. v. 24.)

*Gehenna* componitur ex *Ghe* vallis & *Hennon* nomen proprium viri qui vallem illam occupabat, in qua idolum Moloch colebatur, & Israelitæ filios suos diis adolebant. Indè factum ut acciperetur pro loco cruciandis in æternum reprobis destinato, atque adeò pro ipso supplicio & cruciatu quo afficiuntur cum Satana & angelis ipsius.

*Hosanna*, Hebraicè *Hoschiana*, id est, o Deus serva sive ser opem: frequentata exclamatio in diebus lætitiæ, cum cuipiam ut novo regi omnia fausta adprecarentur populi. In Psalmo 117. occurrit; repetita à Judæis etiam nunc in festo Tabernaculorum: undè & ramus quem manu præferunt, appellatur ab eis *Hosanna*. In hujus festi lætitia recordantur liberationis Israel per Messiam, pro quo Jesum habuere eo die quo Hierosolymam ingressus est, cum excipientes cum ramis & acclamatione Hosannæ.

*Messias* nomen illud venit ab Hebræo *Maschah*, *unxit*. Sic appellatur ab ipsis Judæis, quem uncti Reges & Sacerdotes in veteri Testamento repræsentarunt. Sic pronuntiant Judæi illud nomen sæpius cum hac additione *Melech Hamaschiach*, id est, rex Messias. Græcis verò & Latinis, eliso per syncopem



elemento *chet*, & addito sigma formativo nominis, dicitur *Meonias Messias*. *χριστός* sive *Christus* à *χρίω*, itidem *ungere* significante. Jesus Dominus noster, natus ex Maria Virgine, se multis argumentis probavit esse Messiam, quem promiserat Deus.

*Pascha*. Origo hujus nominis est *Pasach*, id est, *transiit*. Nomen Hebraum *Pesah* à quibusdam, ut à Theodotione, sic exprimitur *πασιχ*; quos Latinus Interpres sequens sæpius vertit *Phase*. Syri & Chaldaei more suo addentes *aleph* vertunt *Pischa* vel *Pascha*; quos LXX. Interpretes Græci sequuntur, quia Judæi ex Babylonia servitute redeuntes sic loquebantur. *Pascha* sonat Hebræis *transitus*. Nimirum, ut alibi dictum est, festum erat sive recordatio transitus Angeli, qui transiens per domos Ægypti, his solis pepercit, quæ respersæ fuerant sanguine agnorum, quos mandaverat Deus occidendos; qui agni ideò dicebantur *Pascha*.

*Raca* vox Syra est à *Rech*, id est, vacuus, inanis; cerebro vacuus, mente & judicio carens, ita vox erat convitii.

*Sabaoth* sive *Tsebaoth* à verbo *Tsaba* quod est *milavit*. Nomen *Tsaba* significat militiam, congregationem populi, exercitum; inde per metaphoram, quæ sunt ordinata, ut cæli sidera, tanto cum decore.

*Sabbaton* venit à *Sabath* quievit, cessavit, destitit, non sic quidem ab omnibus operibus, ut postea nihil prorsus agatur; Indicat tantum quietem & cessationem ab illo opere, quod antea agebatur.

*Sela* est symbolum seu memoriale non modò patissæ musicæ, sed & attentionis, appositum ad excitandam devotionem, in locis Psalmorum, quæ præ cæteris melius essent decantanda.

*Seraphim* nomen illud significat quod ignitum est. Isaias hoc ce nomine designavit Angelos, qui carbone igneo

ne igneo os ejus tetigerunt. Appellavit eos *Seraphim* propter illud opus; vel ab aspectus splendore, quia apparebant igniti.

*Teraphim* sunt imagines, simulacra, idola domestica, quæ Ethnici appellabant deos *penates*, qui ad tuendam amplificandamque rem domesticam colebantur.

Transeamus ad voces Græcas, quæ quanquam publico nostro usu terantur in Gallia, tamen peregrinæ sunt & nullius sensus his qui etymologias earum non possunt accersere ex lingua Græca, si eam non percalleant. Prodest autem nullam vocem ore & aure usurpare, quæ cum suo sono non simul inferat menti claram notionem. Græcâ lingua cæteris linguis in eo præstat, quod nomina ejus non temerè sed cum industria cusa sint. Non, inquam, voces ejus signa sunt rerum, solummodò quia sic placuit; sed causa apparet cur unam præ altera primi linguæ conditores vocem delegerint: quapropter Græca lingua facta est significantior. In gratiam eorum qui non delibaverunt hanc-cæ linguam, explicabo voces, quas in sua peregrina veste interpretes reliquerunt; in quo peccaverunt, ut apud Ezechielem in cap. 46. v. 14. *Et faciet sacrificium super eo cata mane mane sextam partem ephi, & de oleo tertiam partem hin, ut misceatur simila sacrificium Domino legitimum, jure, atque perpetuum.* Ibi vox *cata* præpositio est Græca *κατά*, id est, *secundum*. Præcipitur sacrificium secundum *mane mane*, nimirum singulis diebus mane. Voces Græcas quæ sine interpretatione in Bibliis occurrunt, exponam ordine suo.

*Abyssus*. Nomen illud significat immensum quoddam aquarum profundum & voraginem: eo in sensu accipitur à Judæis, qui Græcè Biblia interpretati sunt. *Ἀβυσσος* infinitæ profunditatis vorago, ex alpha privativo & *βυσς* pro *βυθός* fundum.

Apo-

*Aspoſuria præputium* ex *אַפְסוּרָה* extremum & *בְּמָה* te-  
go: nempe præputium pellis est, quæ extremam pu-  
dendi partem tegit.

*Anathema* à verbo derivatur quod significat separa-  
rare, devovere. Vocabulum denotat id quod ab usu  
hominum est segregatum, Deoque consecratum, cum  
adjuncta execratione in illos qui in proprium usum  
rem essent conversuri, ut iram Dei vindicem expe-  
riantur, Apostolus optabat anathema esse à Christo  
pro fratribus, hoc est, se devovebat ut in se veni-  
rent pœnæ omnes, quæ alioquin in caput fratrum  
suorum immitti potuissent à Deo.

*Angelus*. Vox Græca est, nuntius, à verbo *ἀγγέλλω* nuntio: Hebraicè *maleach*. Significat autem mi-  
nistros potentum, præsertim ad perferenda mandata  
& expedienda aliqua longiùs à suo Domino remota  
negotia missos. Ministri Dei, sive quos de cœlo mit-  
tit in terras, sive quos in terris præficit sacris rebus,  
appellantur Angeli, quibus utitur tum ad benefacien-  
dum tum ad puniendum. Inter autem illos Angelos  
alii rebellaverunt in Deum, & facti sunt mali: alii  
perstiterunt parentes Dei mandatis & huic ministran-  
tes.

*Anti-Christus*. Vocula *anti* Græca est, & vulgò  
indicat oppositionem, contrarietatem; ita ut *antichri-  
stus* ille censeatur qui contrarium & se inimicum ge-  
rit adversùs Christum; qualis iste describitur qui an-  
te postremum Christi adventum excitabit in terris a-  
trox bellum adversùs omnes qui Christianas leges ser-  
vabunt.

*Apocalypsis* est patefactio, revelatio occultarum re-  
rum. Nomen illud proprium libro Scripturæ qui con-  
tinet multas revelationes Joanni Apostolo patefactas.

*Apostata* ille est qui deficit à vera fide. *Apostasia*  
Latine est *defectio*.

*Apostolus*. Vocabulum illud Græcum in genere si-  
gnifi-

significat legatum quemdam seu internuntium ; missum ad peragenda negotia Ecclesiæ aut Reipublicæ. Atheniensibus usitatum in hoc sensu nomen illud. Christianis denotat extraordinarios illos ministros , immediatè ab ipso Christo vocatos.

*Archisynagogus*. Nomen illud compositum est ex *archi* princeps. Nempe *archisynagogus* erat princeps Synagogæ, primarius vir, caput; Sic Angeli principes appellantur *Archangeli*.

*Architriclinus* est princeps triclinii sive loci in quo apparabatur convivium.

*Arcopagus* locus erat magni Atheniensium confessus.

*Azymus*, id est, infermentatus ex *zumos* fermentum, & alpha privativo, ut loquuntur Græci grammatici, locum tenente præpositionis *absque*.

*Baptismus* lotio est & mundatio, à verbo quod significat tingere, immergere in aqua; & quia qui ex aquis emergunt, loti & candidi & mundi apparent, idèd baptismus sumitur pro lotione & mundatione.

*Bravium* nomen illud Græcum significat præmium quod datur certantibus ac vincentibus, qui dicuntur meruisse palmam.

*Cataractæ* sunt in domibus aperturæ sive fenestræ, quibus apertis quæ superiore in loco sunt dejiciuntur, aut effunduntur deorsum. Indè Scriptura utens sermone humano dicit Deum cataractas cœli aperuisse, cùm effudit aquas de cœlis in terras.

*Catechesis*. *Catechismus*. Nomina Græca sunt, quorum origo est verbum quod significat vivà voce instituire, insonare auribus, resonare tanquam echo.

*Catechumeni* sunt illi quibus viva voce traduntur prima fidei elementa.

*Catholicus* idem sonat Græcis quod Latinis universalis.

*Chri-*

*Christus*, id est, unctus. Ita idem qui Judæis dicebatur *Messias* à Græcis appellatur *Christus*.

*Clerus* propriè sors est, sive portio quæ sorte obtingit; inde & pro hæreditate sumitur. Nomen illud tribuitur his qui quasi sorte Deo obtigerunt, facti sunt portio ejus; sive potius quorum Deus factus est portio, hæreditas.

*Conopseum* erat velum quoddam quod Alexandrini obtendebant lectis suis, ut se se defenderent à culicibus; qui Græcè *conopes* dicuntur. In Ægypto propter stagna & lacus plurimi sunt culices. Qui Græcè scripserunt historiam Judith, forsitan more patrio dixerunt Holofernem dormiisse in conopseo suo; quia sic solebant reges Ægypti propter culices molestos.

*Dæmon* Græcè significat eum qui multa scit; ita in bonam & malam partem sumitur. Homerus omnes suos Deos vocat dæmones; inde nomen illud datum malis angelis; qui conabantur suffurari divinos honores.

*Deuteronomium*, id est, secunda lex. Nomen libri in quo Moyses jam expositam legem Dei iterat, sive secundò proponit.

*Diabolus* est *calumniator*, sive falsus accusator. Apud Græcos diabolus dicitur de homine summo peccare impio; inde hoc nomen accommodatum est pessimo Angelo.

*Diaconus* à verbo quod significat ministrare. Ita idem est quod minister.

*Diadema* propriè significat spiram contortam circa caput, qua contenti erant antiqui reges.

*Ecclesia*. Nomen illud apud Græcos usurpabatur de hominum multitudine, quæ jussu magistratus conveniebat vocata; inde cæterus ille universus ad vitam æternam vocatus nomen suum habet.

*Ecclesiastes* ille est qui in Ecclesia concionem habet ad populum.

Enca-

*Encenia* venit à verbo Græco quod propriè significat innovare; quo verbo Græci Scripturarum Interpretes reddunt verbum Hebræum *chanak*, quod de quavis dedicatione, sive prima, sive instaurata usurpatur.

*Episcopus* idem sonat Græcis quod Latinis inspector, qui superintendit; supervigilat.

*Ethnicus* idem est quod Gentilis. Judæi solebant se dicere populum Dei; alios omnes appellabant *Goim*, id est Gentes; inde Gentiles, Græcè *Ethnici*. Hoc nomine appellati sunt qui colebant idola, & ignorabant verum Deum, quippe qui in sola Judæa notus erat.

*Evangelium* est lætum, felix, faustum nuntium; quale fuit illud quo nuntiavere Angeli natum esse JESUM CHRISTUM mundi servatorem.

*Eucharistia*, id est, *gratiarum actio*.

*Exodus* est exitus. Hoc ce nomine liber secundus Moysis dictus est *Exodus*, quia ipsius prima materia est exitus Israel ex Ægypto.

*Gazophylacium* erat propriè locus in quo servabatur *gaza* sive thesaurus Templi, à verbo Græco *φυλάσσω* custodio, servo. Hoc etiam nomine appellabatur arca in quam dona mittebantur.

*Genealogia* sermo est quo recensentur & enumerantur majores, à quibus quispiam genus suum ducit.

*Hæresis*. Ab initio nomen illud denotabat generaliter quamcumque opinionem sive bonam sive malam, quam quis sequi eligeret. *Hæresis* idem sonabat ac *secta*. Postquam verò Apostoli formam doctrinæ tradiderunt, quam omnes qui Christo dabant nomen, amplexabantur; qui aliam doctrinam elegerunt, *hæretici* appellati sunt, in discrimen eorum qui quod sibi traditum erat sive traditione erat instillatum tenebant. Indè nomen hæresis sumptum fuit in malam par-

partem, non tantum pro secta, sed pro rebellionē adversus Christi Ecclesiam.

*Holocausium* venit ex ὅλας omne & ἅγιον uro. Nempe erat sacrificium in quo tota victima Deo adolebatur: Hoc tamen nomine appellantur quædam sacrificia, quibus pars victimæ cedebat ministris.

*Idolum* propriè *simulacrum* est sive *imago*; sed usu tributum est illud nomen statuis falsorum deorum, qui & ipsi dicuntur *idola*, quia nihil sint quàm simulacrum aureum, argenteum, lapideum, ligneum. Non sunt aliud quidquam. Ideò cùm nomen illud *idolum* sumitur pro ipso falso Deo quod dicitur repræsentare, jure in Scriptura *idola* dicuntur nihilum. Deus unus & verus censetur esse: Dii Gentium non sunt. Eo sensu scribebat Paulus: *Scimus quia idolum nihil est in mundo*. Ex idolo derivantur illa nomina, *idololatria*, id est, idolorum cultus: *idololatra*, qui colunt idola. *idolothyta*; Sic nominabantur carnes victimarum, quæ idolis mactabantur.

*Jota* nomen est litteræ Græci alphabeti, quæ exprimit litteram quam Hebræi appellant *jod*, quæ omnium minima, & quasi dimidiata littera est. Ergo cùm dicit Dominus apud Matthæum (cap. 5. v. 18.) *Donec transeat cælum & terra, jota unum aut unius apex non prateribit à lege, donec omnia fiant*, alludebat ad *jod* Hebræum; quasi diceret: nec dimidiata littera omittetur quin impleatur quod Scriptura prænuntiavit, ἢ *jota* καραία aut *unus apex*. Intelligenda sunt illa cornicula, apices, quibus litteræ Hebræorum distinguuntur; puta *daleth* ד & *resch*, ר *nun* נ & *ghimel*. ג Sed quid sint illa καραία illi apices, viri docti disputant. Sunt qui interpretantur *lineolas*, *incisuras*: alii quædam ornamenta, quæ litteris scribæ appingebant.

*Laici*. λαοὶ populus. Ita panes *laici* sunt panes promiscui, quos populo licebat edere.

Mar-

*Martyr* sonat Græcis testis. Nomen illud dicitur de illo qui Christi doctrinam suo testimonio confirmavit, non oris modo confessione, sed etiam suo sanguine. Nemo velit mortem subire pro doctrina quam putaret falsam; ita Martyres veram credebant Christianam doctrinam, quam suo signabant sanguine.

*Mysterium μυστήριον*. Vox illa venit à verbo *μύω* claudio, occludo, comprimio. Mysteria sunt res occultæ, quales sunt sacræ, & quæ non enuntiabantur in vulgus.

*Neophytus νεόφυτος*, nova planta. Ii dicebantur neophyti, qui quasi recens plantati in Ecclesia erant; idèò nondum benè edocti omnem doctrinam.

*Paradisus* Græcis est septum, in quo voluptatis causa tum plantæ excoluntur, tum etiam vivæ feræ pascuntur; nempe voluptuarii horti: quo ergo nomine Græci Interpretes vocarunt illum hortum in Eden plantatum, in quo locatus fuerat Adam ante peccatum. Factum indè ut beata illa gloriæ Dei sedes hoc nomine appellata sit.

*Parasceve* est præparatio: nomen certi dici, nempe antefabbati, quo edulia coquebantur & apparabantur ex lege.

*Pentateuchus*. Eo nomine quinque libri Moysis appellantur ex *pente* quinque & *teuchos* volumen; ut Pentateuchus sit quintuplex volumen, sive constans quinque libris.

*Pentecoste* est quinquagesima dies, quæ numerabatur à postridie Paschatis; quæ quinquagesima dies erat festum solemne ab isto numero quinquaginta dierum nomen accipiens; Latine dici posset *quinquagesima*.

*Peripsema*. Nomen illud Græcum propriè denotat sordes, ramentum, pulverem qui detergitur; sed & apud Græcos piaculum erat; nimirum ille *peripsema*



*psēma* dicebatur qui in piaculum addicebatur morti, immolabatur, desiciebatur ex prærupto loco. Apostolus se dicit *Peripsēma*, hoc est, se æquè contemptum & infensum populo ac qui morti addicebatur; immolabantur per modum publicæ expiationis.

*Phylacteria* Græcè sonant conservatoria. Membrulæ erant, in quibus servabantur quædam verba legis. De his-ce phylacteriis copiosum fecimus sermonem.

*Presbyter* *πρεσβύτερος*, id est, senior: est nomen quod tribuitur ministris Ecclesiæ, sive quia olim ministri Ecclesiæ, plerumque deligebantur, qui jam essent grandioris ætatis, sive potius quia ministri Ecclesiæ moribus senes referre debent, iisque honor debet tribui, ut solet tribui senibus. Est igitur nomen non ætatis, sed officii & dignitatis.

*Propheta*, id est, *qui ante dicit*, nempe qui prædicat res futuras. Ea est vocis Græcæ significatio; sed Hebræis Græcè loquentibus idem sonabat quod Latinis doctor, litteratus, etiam poeta; undè Paulus scribens ad Titum (*cap. i. v. 12.*) de poeta Græco, qui dixerat Cretenses mendaces esse, hac voce utitur *dixit quidam ex illis proprius ipsorum prophetæ*. Prophetæ nominantur, qui psalmos, hymnos pangebant.

*Profelytus*. Hoc-ce Græco vocabulo nuncupabantur qui relicta patria & superstitione; Judaïsmum erant amplexi; quasi adventitios dicas. *Profelytus* idem sonat quod *advena*.

*Pseudo* vox est Græca idem sonans quod fallax; falsus. *Pseudo-Apostoli*, id est, falsi Apostoli, sive falsi doctores. *Pseudo-Christi*, id est, falsi Christi. *Pseudo-propheta*, id est, falsi prophetæ.

*Pythonissa*, Mulier habens spiritum Pythonis, nempe hujus dæmonis qui sub nomine Pithonis celebratur.

tur. Appellabatur Apollo Deus *Pytho*, quòd Pythium serpentem interfecisset. Sed hoc nomen veriùs deducitur à voce quæ & *serpentem* & *magum* significat. *Nachasch* Hebræis est augurari, conjectare; unde mulier quæ conjectationem, augurium, incantationem, magiam exercebat, dicitur *Pythonissa*.

*Schisma* & schismatici à verbo quod significat *scissionem*. Schismatici sunt qui se scindunt à cœtu fidelium.

*Synagoga* sonat congregationem & cœtum, & congregationis locum, in quem conveniebant Judæi ad audiendum verbum Dei, à *synago*, quod est congrego.

*Synedrium* confessus, ex illis duabus vocibus *syn* cum, & *edra* sella, sessio, sedes. Propriè confessus erat Judicum, sive locus ubi illi conveniebant. De Judæorum Synedrio sermonem fecimus cùm de Magistratibus loqueremur; & vidimus majoris synedrii locum fuisse in Templo.

*Tetrarchia* est quarta pars alicujus principatus, ut Tetrarcha esset penes quem esset quarta portio; sed videtur fuisse potiùs quasi dignitas, quæ esset in quarto gradu, Rege & Ethnarca inferior, sed toparcha superior.

Observandum est in sacro Codice novi Testamenti quandoque adjungi interpretationem Græcam nominis Hebræi; sic ubi nominatur *Thomas*, additur qui & Didymus dicebatur: nempe Thomas sonabat Hebræis quod Græcis *δίδυμος* *didymus*, id est, gemellus. Sic idem Apostolus, qui *Cephas*, & dicitur *Petrus*; quò nomine significatur Hebraicè & Græcè petra. Sic eadem mulier nominatur *Tabitha* & *Dorcas*, id est, Hebraicè & Græcè capra. Sic idem homo dicitur *Elymas* & *magus*: primum nomen Hebræum est, secundum est Græcum.

## C A P U T IX.

*De partitione Codicis sacri, qua integer ex ordine  
legi possit spatio annuo.*

**V**iro qui occupatur circa lautioris convivii apparatus, vix huic interdum vacat quidpiam ex hoc convivio degustare: melior est sanè conditio eorum qui ad dapes paratas advocantur. Id mihi ex parte contingit; dum enim totus sum in instruendo copioso Apparatu, in conquiritendis, in evolvendis, in exscribendis libris, interea multum temporis abiit, quod alii uberiori fructu, & suavibus magis deliciis impenderunt soli Codici sacro. Verum necesse erat ab aliquo frangi nucem, ut omnes manderent nucleum, nempe quod tenerum in nuce includitur. Nam, ut spero, jam erit intellectu facilior Scriptura, & idè lectu jucundior. Sumatur ergo in manus nunquam deponenda. Cum semel petcepta erit ejus suavitas, quispiam non sinat lectionem ejus ullis terminis coerceri. Attamen quoniam omnia ex ordine fieri debent, & viris piis consuetum sit, ut se astringant certis Scripturarum particulis qualibet die perlegendis antequam operi coronidem apponam, quarum quis lectionis sacræ ordo sit sanctior & idoneus magis ut totus codex Scripturarum intra annum evolvatur.

Ante omnia animadvertendum, quòd licet omnis Scriptura divinitus inspirata sit; sicut in Templo sancto erant recessus, alii aliis sanctiores; ita sacrum Codicem habere quasdam partes sanctiores, quas qui frequentant id est, qui sæpius perlegunt, sanctiores sunt. Partem sanctissimam Scripturarum reputo Evangelium, quo continentur verba Christi, & summa doctrinæ ejus, deinde libros Psalmorum. Quotidiè  
vaca-

vacamus operibus, de quibus sermo Evangelii, ut scripsimus Magister præmonuit; iudicabit. Ergo opera nostra quotidie componenda cum Evangelio, ne imprudenter declinando aberremus: Artifex semper præmanibus habet normam quæ opus dirigit. Singulis, inquam; diebus legendum Evangelium; ne ulla pars anni illo vacet; hoc est, ne ullum opus nostrum distortum sit.

Pariter in omnium ore Psalmi versari debent: Homo Deo colendo factus est: Ab eo creatus, sanguine ejus emptus totum huic se debet: Non totum autem se redderet Deo; si vel unum diem elabi pareretur, in quo debitum cultum non ei persolveret. Nullus cultus præstantior est oratione; si tamen excipias sacrificium, quo Christus victima Patri offertur. Etenim oratio est colloquium cum Deo, quod fit, aut cum Deum laudamus intuentes mirabilia opera ejus, aut pressi inopia & deficientes viribus, opem ejus imploramus. Pauci sunt qui norint Deum compellere aptis laudibus & votis: *Nam quid oramus sicut oportet nescimus; spiritus adjuvat infirmitatem nostram.* Scilicet Spiritus Dei implevit mentem David; & movit linguam ejus, ut laudes Dei aptè concineret ab omnibus decantandas, & oraret Deum eo modo quo exorandus est.

Psalmi ergo sunt Dei encomia. Deus ubique Psalteræ menti obversatur cum virtutibus suis, magnificentia, potestate, sanctitate, majestate. Psalter laudat Deum ab operibus suis, à condito mundo, à cælorum ornatu, à splendore & motu solis, lunæ, & siderum, à ventorum vi, à tonitru, à procellis, à glacie, frigore, & calore. Prædicat Deum mundi opificem, rectorem, vindicem scelerum, remuneratorem bonorum. Enumerat beneficia ejus, quæ olim contulit, quæ confert qualibet die: quæ mirabilia fecit in terra, in mari: potissimum astruendo in libertatem Israelitas; & id

decore poetico, quo non vincitur à Græcis Latinis-ve poetis. Israelitarum historiam sic texit, ut in ea appareant typi Messie. Quin & prophetam ejus agit; quasi enim præsens mortem crucis describit, ut carmina ejus non magis veteribus Israelitis quam nobis Christianis, non minùs Ecclesiæ quam Synagagæ conveniant, suo legitimo sensu accepta.

Quæ ergo laudatio dignior Deo, quàm ipsæ laudes quibus ipse laudari voluit à suo Psalmista? sive quis possit digniùs Deum laudare, quàm recitando laudes Dei, Deo inspirante compositas, & animum occupando vivis illis imaginibus omnium Dei virtutum & operum, quas Psalmi ingerunt? Nec possunt aliæ orationes cogitari, veniæ obtinendæ, impetrandò auxilio magis idoneæ. Exoramus, cùm auxilio nos indigere, tum & quem advocamus auxiliaturum, id posse significamus. Qui, inquam, miserum se fatetur coram Deo, cui supplex procumbit, movet ad misericordiam. An ullibi homo magis exhibetur miser & auxilio indigus, quam in Psalmis? An aliquis est ad Deum aditus, ut flecti possit impervius Psaltæ? *propter nomen tuum propitiaberis peccato meo*, canit ille Deum compellans. Scilicet se indignum reputat qui adjuvetur; & idèò adjutorium Dei magis potentiam suam & misericordiam indicabit impiis, qui bonis illudebant quos putabant à Deo desertos. *Propter gloriam nominis tui Domine libera nos; & propitius esto peccatis nostris propter nomen tuum: ne fortè dicant in Gentibus, ubi est Deus eorum, &c. (Psalm. 78.)*

Gentes Israelitis infensæ typos gerebant dæmonum & peccatorum, quibuscum bella gerenda sunt nobis. Adversùs hos hostes egemus auxilio diurno, sed & indulgentia, qui quotidie peccemus. Olim manibus Dei flagella excusserunt, qui de pœnitentia inscribuntur Psalmi hodie non minùs efficaces. Itaque non  
solum

solum in hebdomade, qui fuit mos Ecclesiæ à primis temporibus, integrum Psalterium esset recitandum; sed singulis diebus ædes publicæ & privatæ, plateæ, urbes, campi à summo mane ad noctem, quin & nocte personare deberent divinis Psalmis.

Igitur quatuor Evangelia & Psalmorum libri demum debent de numero librorum, qui certis anni diebus legi debent: quo ordine, quærimus hoc-ce capite, sive potius exponimus ordinem quem vir pius & eruditus sequendum proposuit. Modò meliores horæ collocentur in lectione sacra, videtur non omnino referte, qui libri his vel illis temporibus perlegantur. Sunt qui, quantum licet à negotiis, certam partem diei Bibliis impendunt, nulla alia lege astricti, nisi ut posteaquam incæptum cursum emensi sunt, novum ineant, quem annuo curriculo absolvere conantur. Verum cum omnium Christianorum cor unum esse debeat & una anima; & quæ sunt à publico cœtū orationes, sint quasi facta conjuratio, qua vincitur Deus, ut votis annuat; quæ vis illi grata est, ut ait Tertullianus; decet nos, si id fieri potest, omnes iisdem diebus eadem legere & orare.

Ex quo in cœtum coaluere Israelitæ, legem quæ illis data est, ex ordine legerunt in sabbatis (*Act. cap. 15. vers. 21.*) *Moses enim à temporibus habet in singulis civitatibus qui cum prædicent in Synagogis, ubi per omne Sabbatum legitur.* In Calendario Hebræorum quod supra proposuimus, videre est quam partem Bibliorum legerent quoquo Sabbato. Diximus in hunc-ce finem Biblia Hebraica divisa esse in diversas sectiones. Ecclesia ea in re Synagogam imitari studuit. Olim de ipso Codice Libri sacri legebantur; nondum illi contracti, & quasi mutilati, quales sunt in Breviario. Integer, inquam, Bibliorum codex legebatur sine ullius partis prætermissione. Nunc enim soli, ut ita dicam, quorundam librorum tituli de-

libantur; quasi sufficeret totum Codicem perstringere,

Quo revocetur antiqua illa consuetudo annuo spatio evolvendi sacrum Codicem, simul ut lectiones privatæ cum publicis Ecclesiæ consentiant, vir pietate & doctrina insignis novam Bibliorum dispositionem proposuerat in libello eleganti, quem Gallicè edidit anno 1669. typis Caroli Savreux. In hac nova dispositione lectio privata cum publica lectione congruit, quantum fieri poterat. Provisum autem est, ne quæpiam lectio oneri sit; quia præ cæteris longior. Quin & diebus solemnibus nulla proponitur, quia tempus non vacat, ob publicas preces & conciones, quibus necesse est interesse, Nihilominus tota Scriptura legitur, nisi quod quædam genealogiæ & enumerationes omitri possunt. Ut autem quisquis uti possit illa nova dispositione, primùm docendus est quædam spectantia formam anni civilis & Ecclesiastici. Auctor rem ab initio sumit: ego verò paucis expediam; quia jam in majorem molem, quam par erat, opus crevit.

Quemadmodum annus civilis constat certo dierum numero; ita Ecclesiasticus hebdomadarum. Utque civilis eo anno qui bissextilis appellatur, una die crescit; ita quandoque Ecclesiasticus una hebdomada; habet enim, ut plurimum, quinquaginta duas hebdomadas, aliquando quinquaginta tres. Civilis inchoatur prima die Januarii; Ecclesiasticus dominica illa, quæ dicitur prima Adventus, semper proximior festo Sancti Andreæ, quod incidit in diem trigesimam Novembris. Itaque Dominica prima Adventus nunquam inchoatur ante vigesimam septimam diem Novembris, nec post tertiam diem Decembris.

Quæ cum ita sint, quolibet anno facile est deprehendere initium anni Ecclesiastici. Cætera vero quæ ad annum Ecclesiasticum pertinent, pendent ex die quo sanctum Pascha celebrandum est. Dies ille Pascha-

chalis est Dominica, quæ prima contigit post decimam quartam diem lunæ, quam diem præcedit æquinoctium vernum, quatenus illud fixum est ab Ecclesia in die vigesima prima Martii. Ita dies Paschatis definiri non potest nisi à viris non imperitis Astronomiæ; sed illa dies notatur in publicis Ephemeridibus, & in ordine recitandi Breviarii. Omnibus Breviariis præponuntur tabulæ, in quibus reperire est illum diem. Has tabulas ad calcem operis apponendas curavimus. Ubi notum est festum Paschatis, cætera nota sunt. Quinquagesimo enim die post Dominicam Paschatis, agitur dies Pentecostes, qui pariter Dominicus est. Ab hoc festo ad Dominicam primam Adventus saltem intercurrent viginti quatuor dies Dominicales; quandoque enim augetur ille numerus, Etenim cum Pascha non iisdem diebus recurat; nunc in mense Martio; nunc in Aprili celebretur, quia, ut dixi, id fieri debet Dominica die, quæ sequitur decimam quartam diem lunæ, si ve post plenilunium illud quod proximè contingit post æquinoctium vernum: plenilunium autem illud, non iisdem diebus fit per singulos annos; ergo cum Pascha citius occurrit, plures hebdomadæ inter Pentecostem & festum sancti Andreæ interlabuntur.

Licet Adventus non semper constet quatuor integris hebdomadibus, habet tamen quatuor Dominicas. Dies verò pœnitentiæ dicati in officio Ecclesiastico, sunt septem hebdomadarum, quæ finiuntur ante Dominicam Passionis. Harum hebdomadarum prima dicitur Septuagesima; quæ sequitur, Sexagesima; deinde ex ordine Quinquagesima; post, Quadragesima. Tempus autem quod interfluit inter Adventum & Septuagesimam, modò longius est, modò brevius, prout Pascha seriùs ocyrus venit. Sed tempus illud non est infra tres Dominicas: sicut plures quàm septem Dominicas habere non potest. Ita spatium quod



elabitur à Pentecoste ad Adventum, non excedit numerum viginti octo Dominicarum.

Quatuor autem Dominicæ Adventus, tres quæ semper occurrunt inter Adventum & Septuagesimam, septem à Septuagesima ad Dominicam primam Passionis, duæ Dominicæ Passionis cum Paschate, sex aliæ post Pascha usque ad Pentecostem, & ipsa Pentecoste, & viginti tres post Pentecostem: dicam postea cur ibi viginti trium Dominicarum mentionem faciam. Hæ, inquam, omnes Dominicæ efficiunt quadraginta septem hebdomadas, quæ ideò fixæ dici possunt, quia semper eodem ordine se subsequuntur.

Quinque autem quæ supersunt, annus enim Ecclesiasticus habet, ut minimum, quinquaginta duas hebdomadas, modò Adventum præcedunt, modò subsequuntur; ideò illæ Hebdomadæ dicuntur *errantes*. Modò ante Adventum numerantur tantummodo viginti quatuor Dominicæ, modò viginti octo; sicut ante Septuagesimam ab Adventu modo tres, modò septem.

Sola ergo difficultas in distribuendo sacro Codice cuique parti anni Ecclesiastici, oritur ex festis quæ mobilia appellari solent, quia moventur loco, sive non stant in iisdem locis. Verùm huc redit ista difficultas, ut lectiones quæ assignantur hebdomadibus erraticis, fiant vel post Adventum, vel ante Adventum, post Dominicam vigesimam tertiam post Pentecostem. Dico post vigesimam tertiam Dominicam, non post Dominicam vigesimam quartam, cujus lectiones semper postremam hebdomadam occupant harum quæ à Pentecoste ad Adventum labuntur. Ordo quem hic exponimus, multum simplicior est illo ordine quem tenet Breviarium, in quo dum cuique Dominicæ harum quæ Pentecostem sequuntur, & Adventum antecedunt, lectiones proprias assignat, non omnes illæ Dominicæ numerantur à Pentecoste, sed novus singulis mensibus numerus initur, cujus prima cens-

censetur Dominica quæ proximior est Kalendis mensis præsentis: cum autem juxta hanc regulam menses quandoque quinque Dominicas habeant quandoque tantum quatuor Dominicas, sit ut integri libri certis annis non legantur, quibus menses carent ea Dominica, cui hi libri tributebantur.

Ne hoc contingeret, viginti tribus Dominicis post Pentecostem assignantur propriæ lectiones, nulla mensum habita ratione. Et cum Dominicæ plures sunt, sive plures quam viginti tres hebdomades, tunc addendæ, quas erraticæ habent lectiones. A prima Dominica Adventus annus Ecclesiasticus inchoatur. Adventus habet quatuor Dominicas, licet non constet quatuor hebdomadibus semper integris. Dies Dominica, quæ incidit in Octavam natalitiam Domini, appellatur Dominica natalitiorum. Omnibus annis semper tres dies Dominicæ post Dominicam illam Natalitiorum intercurrunt usque ad Septuagesimam. Quæ plures Dominicæ sive hebdomades certis annis recurrunt in hoc intervallo, accensentur erraticis, quas quinque numeramus. Ergo cum advenit Septuagesima, antequam omnes hebdomades erraticæ intercurrerint, quæ lectiones illis tribuuntur, nec hoc tempore leguntur, in aliud tempus differuntur, nempe post elapsam vigesimam tertiam hebdomadam a Pentecoste; eodem enim hebdomadarum numero crescit illud intervallum, quo minuitur illud quod præcedit Septuagesimam.

Hæc annos ordinarios spectant. Vidimus annum Ecclesiasticum interdum crescere una hebdomade; hoc contingit quolibet quinto vel sexto anno. Hæc hebdomas, quæ anni quinquagesima tertia dici potest, semper reputatur postrema occurrere; ita lectiones ejus hebdomadis extraordinariæ fieri debent ante Dominicam primam Adventus. Habet lectiones quidem proprias, sed ex hisce libris qui jam lecti sunt; alioquin enim singulis annis tota Biblia non legerentur.

Ite-

Iterum dicam, ne cui obscura sint quæ dicta sunt, cum post vigesimam tertiam Dominicam post Pentecostem, plures hebdomadæ supersunt usque ad primam Adventus, accersendæ totidem numero sunt ex erraticis, ut impleatur spatium illud vacuum. Sic unus labor erit singulis annis ad lectiones sacras aptè disponendas, advertere numerum hebdomadarum erraticarum, sive quæ post Dominicam tertiam Dominicarum mensis Januarii usque ad septuagesimam occurrunt; nam tres Dominicæ primæ quæ in mense Januario contingunt, pro fixis habendæ. Tres illæ, inquam, Dominicæ semper præcedunt Dominicam quæ Septuagesima appellatur. Si duæ, verbi causa, tunc intercurrent hebdomades ex quinque erraticis; ergo post vigesimam tertiam Dominicam à Pentecoste, adjungendæ erunt tres reliquæ ex erraticis; sive lectiones assumendæ erunt ex illis erraticis, nisi insuper adjungenda quæ extraordinaria est hebdomas.

Plura dicere non opus est; etenim qui intelligere non possunt hæc quæ dicta sunt, fusiori sermone potius turbarentur. Viva voce se tradant docendos huius, qui in similibus doctrinis percipiendis magis exercitati sunt. Pius & eruditus auctor dispositionis hujus quam exponimus rationem reddit, cur hanc aut alteram partem Scripturarum certis temporibus adscribens, diversos libros simul conjungat. Ecclesia tempore Adventus proponit Isaiam legendum, qui vaticiniis suis Adventum Christi celebravit. Deinde B. Paulum, cujus lectio in ea dispositione incipit quarta Dominica Adventus. Connectit auctor cum Paulo librum Levitici, qui in Breviario Romano non legitur. Agit ille liber de sacrificiis, quæ omnia typi fuisse hujus in quod offerendum natus est Christus. Hæc legi possunt in auctore circa novam suam sacrarum lectionum dispositionem. Et tamen non ille evincat aliam dispositionem haud posse excogitari meliorem, attamen certum

rum est quam proponit multa sapientia doctrina, & pietate fuisse digestam; Non opus est ut ultra morer studiosum lectorem; qui hactenus maru deductus sacrum Codicem legendum sumere in manu expetit. Ita finem dicendi faciam, cum paucis docuero usum sequentium tabularum,

Supra quamque columnam harum tabularum cerne re est anni tempora; & in margine columnæ Dominicas dies, & ex ordine ferias hebdomadis. In ipsa columna, è regione Dominicæ & feriarum subsequen- tium, dispositi sunt numeri, qui indicant quæ parti- culæ libri, cujus præfertur titulus, tunc legendæ sint. Si verò occurrat sub illis numeris, alios numeros mi- nori charactere subnotari, quorum alter superior, al- ter inferior est, & characteres inferioris numeri distin- guuntur linea interposita; quales hi numeri 38. in- telligendum est quod in trigesimo octavo 9-21. ca- pite à versu nono transitur ad vigesimum primum, mediis, ut lubet, prætermiſſis aut cursim perlectis. Si tales numeri plures superponantur, ut in hoc casu 36 quæ his-ce numeris velut parenthesi includuntur, 0-6 esse prætermittenda, cætera verò perlegenda. Ze- 9-0 ro autem positum ante lineam docet initia capitis præ- termittenda, & illud inchoari à versu quem subsequens numerus notat: exempli causa 0-27. inchoandum esse caput à 27. versu: contra verò si zero subsequatur li- neam 23-0. docet finiendum caput in 23. versu.

In ordine numerorum quorum forma major, & qui- bus capita indicantur, cum zero occurrit sine ullo alio charactere, signum est aut prætermitti capita quæ non indicantur, verbi causa, caput duodecesimum Isaia, quod non legitur, qui canticum continet, quod fe- ria secunda in laudibus canitur; aut hac-ce die de hoc-ce libro sub quo zero ponitur, nullam partem legi.

*F I N I S.*

TA-

## T A B U L Æ

In quibus exhibetur nova Codicis Sacri  
dispositio.

<i>Tempore Advenius.</i>									
I.		Isaias.			III.		Isaias.		
Domin.	I.	Cap.	1.	2. 3.	Domin.	I.	Cap.	45.	46. 47.
Feria.	II.		4.	5. 6. 7.	Fer.	II.		48.	49. 50.
	III.		8.	9. 10.		III.		51.	52. 53. 54.
	IV.		11.	12. 13. 14.		IV.		55.	56. 57.
	V.		15.	16. 17. 18.		V.		58.	59. 60.
	VI.		19.	20. 21.		VI.		61.	62. 63.
	Sab.		22.	23. 24.		Sab.		64.	65. 66.
								S. Pau. Rom. Levit.	
II.	I.		25.	26. 27.	IV.	I.	Cap.	1.	2.
Domin.	II.		28.	29.	Domin.	II.		3.	4.
Fer.	III.		30.	31. 32.	Fer.	III.		5.	6.
	IV.		33.	34. 35.		IV.		7.	8.
	V.		36.	37. 38.		V.		9.	10.
				9. 21.		VI.		11.	12.
	VI.		39.	40. 41.		Sab.		in die natali interpellatur divina, & consueta Lectio; qui dies si ante hoc sabbatum contingat, præcedentes Lectiones moventur suo loco, ut illud impleant. Si subsequens Dominica sit dies natalis, Lectio quæ huic Dominicæ propria est, fit in eo Sabbato.	
	Sab.		42.	43. 44.					

Tem-

*Tempore Nativitatis.**Hebdomades erraticæ.*

<i>Tempore Nativitatis.</i>				<i>Hebdomades erraticæ.</i>			
1. Dom. Nativ. Fer.	I. II. III. IV. V. VI. Sab.	ad Rom. C. 13. 14. 15. 16. 1. Corin. 1. 2. 3. 4. 5. 6. 7. 8. 9. 10.	Lev. C. 7. 8. 9. 10. 11. 12. 13.	Domin. Fer.	I. II. III. IV. V. VI. Sab.	ad Phil. cap. 1. 2. 3. 4. ad Col. loff. 1. 2. 3. 4.	Tobias. cap. 1. 2. 3. 4. 5. 6. 7. 8. 9. 10. 11. 12. 13.
2. Dom. 1. Anni Civilis. Fer.	I. II. III. IV. V. VI. Sab.	11. 12. 13. 14. 15. 16. 2. Co- rinth. 1. 2. 3. 4. 5. 6. 7. 8. 9.	14. 15. 16. 17. 18. 19. 20.	Domin. Fer.	I. II. III. IV. V. VI. Sab.	1. Thef. ca. 1. 2. 3. 4. 5. 2. Thef. 1. 9. 10. 11. 2. 12. 13.	Judith. ca. 1. 2. 3. 4. 5. 6. 7. 8. 9. 10. 11. 12. 13. 14. 15.
3. Dom. 2. Anni Civilis. Fer.	I. II. III. IV. V. VI. Sab.	10. 11. 12. 13. ad Galat. 1. 2. 3. 4. 5. 6. ad Eph. 1. 2. 3. 4. 5. 6.	21. 22. 23. 24. 25. 26. 27.	Domin. Fer.	I. II. III. IV. V. VI. Sab.	1. Tim. cap. 1. 2. 3. 4. 5. 6.	Esther. c. 1. 2. 3. 4. 5. 6. 7. 8. 9. 10. 11. 12. 13. 14. 15. 16.

*Heb.*

*Hebdomades erratica.*

		2. Tim.	Oseas.
Domin.	I.	cap. 1.	ca. 1. 2.
Fer.	I I.	2.	3. 4.
	III.	3.	5. 6.
4. Hebdomas.	IV.	4.	7. 8.
		ad Tit.	
	V.	1.	9. 10.
	VI.	2. 3.	11. 12.
	Sab.	ad Phi- lem.	13. 14.

		ad Heb.	Joel.
Domin.	I.	ca. 1. 2.	cap. 1.
Fer.	I I.	3. 4.	2.
	III.	5. 6.	3.
5. Hebdomas.			Malac.
	IV.	7. 8.	1.
	V.	9. 10.	2.
	VI.	11.	3.
	Sab.	11. 13.	4.

*Monitum.*

Si citius Septuagesima occurrat, Lectiones assignatæ hebdomadis erraticis, quæ absolutæ non fuerint, differantur post vigesimam tertiam Dominicam, quæ Pentecostem subsequitur.

*Tempore Septuagesima.*

		Genesis.
Domin.	I.	1. 2. 3.
Septuag.	I I.	4. 5. 6. 7.
Fer.	III.	8. 9. 10. 11.
		2-32.
	IV.	12. 13. 14. 15.
	V.	16. 17. 18.
	VI.	19. 20. 21. 22.
	Sab.	23. 24. 25.
		2-5.
		13-19.

Domin.	I.	26. 27. 28.
Sexages.	II.	29. 30. 31.
Fer.	III.	32. 33. 34. 35.
	IV.	36. 37. 38. 39.
		0-6.
	V.	9. 10. 40. 41. 42.
	VI.	43. 44. 45. 46.
		9-26.
	Sab.	47. 48. 49. 50.
		Exodus.

Domin.	I.	Cap. 1. 2. 3.
Quinq.	II.	4. 5. 6. 7.
Fer.		14-26.
	III.	8. 9. 10. 11.
	IV.	12. 13. 14.
	V.	15. 16. 17. 18.
		2-19.
	VI.	19. 20. 21. 22.
	Sab.	23. 24. 25.

*In Quadragesima.**In Quadrages. & Passione.*

Exodus.			Deuteronom.		
Domin.	I.	Cap. 26. 27. 28.	IV. Domin.	I.	Cap. 22. 23. 24.
Fer.	II.	29. 30. 31.	Fer.	II.	25. 26. 27.
	III.	32. 33. 34.		III.	28. 29. 30.
	IV.	35. 36. 37.		IV.	31. 32. 33. 34.
	V.	38. 39. 40.			0-44.
quin-		Numeri.			Jeremias.
que	VI.	1. 2. 3. 4.		V.	1. 2. 3. 4.
plagæ.	Sab.	5. 44. 3. 32. 18-32.		VI.	5. 6. 7. 8.
		5. 6. 7. 8.		Sab.	9. 10. 11. 12.
		18-84.			
I I.		9. 10. 11. 12.	Domin.	I.	13. 14. 15. 16.
Domin.	I.	14-29.	Passion.	II.	17. 18. 19. 20. 21.
Fer.	II.	13. 14. 15. 16.	Fer.	III.	22. 23. 24. 25.
		5-18.		IV.	26. 27. 28. 29.
	III.	17. 18. 19. 20.		V.	30. 31. 32.
	IV.	21. 22. 23. 24.			0-46.
	V.	25. 26. 27. 28.		VI.	33. 34. 35.
		5-51.		Sab.	36. 37. 38. 39.
	VI.	29. 30. 31. 32.	Domin.		
		usque ad versu 8.	Palma-	I.	40. 41. 42.
		deinde addit. ver.	rum.	II.	43. 44. 45. 46. 47.
		12. 13. 17. 20. 23.	Fer.	III.	48. 49. 50.
		26. 29. 32. 35. 39.		IV.	51. 52.
	Sab.	33. 34. 35. 36.			Lamentationes
		7-37. 19-0.		V.	1. 2. 3.
		41-48.		VI.	45. Baruc. 1. 2. 3.
		Deuteron.		Sab.	4. 5. 6.
	I.	1. 2. 3.			
III.	II.	4. 5. 6.			
Domin.	III.	7. 8. 9.			
Fer.	IV.	10. 11. 12.			
	V.	13. 14. 15.			
	VI.	16. 17. 18.			
	Sab.	19. 20. 21.			

*Tem-*



*Tempus Paschatis.*

Domin. Pasch.	I.	Apoc. I Josue.	
		<i>Hac die non alia fit Lectio, quàm qua so- lemnis est in Ecclesia.</i>	
Fer.	II.	Cap. 1.	Cap. 1.
	III.	2.	2.
	IV.	3.	3.
	V.	4.	4.
	VI.	6.	5.
	Sab.	7.	6.
I. Domin. in Alb. Fer.	I.	8.	7.
	II.	9.	8.
	III.	10.	9.
	IV.	12.	10.
	V.	13.	11.
	VI.	14.	12.
II. Domin. post Pascha. Fer.	Sab.	15.	13.
	I.	16.	14.
	II.	17.	15.
	III.	18.	16.
	IV.	19.	17.
	V.	20.	18.
	VI.	21.	19.
	Sab.	22.	20.
			21.

*Tempus Paschatis.*

III. Domin. Fer.	I.	Actus.		Josue.	
		Cap. 1.	2.	Cap. 23.	24.
	I I.			Judices.	
	III.		3.		1.
	IV.		4.		2.
	V.		5.		3.
	VI.		6.		4.
	Sab.		7.		5.
IV. Domin. Fer.	I.		8.		6.
	II.		9.		7.
	III.		10.		8.
	IV.		11.		9.
	V.		12.		10.
	VI.		13.		11.
V. Domin. Fer.	Sab.		14.		12.
	L.		15.		13.
	II.		16.		14.
	III.		17.		15.
	IV.		18.		16.
	V.		19.		17.
Ascens.	VI.		20.		18.
	Sab.		21.		19.

*Tem-*

<i>Tempus Ascensionis, &amp; Pentecostes.</i>				<i>Post Pentecostem.</i>			
		Actus.	Josue.			I. Reg.	Prov.
VI.				II.			
Domin.	I.	Cap. 22.	Cap. 19.	Domin.	I.	C. 15. 16.	1.
Fer.	II.	23.	20.	Fer.	II.	17. 18.	2.
	III.	24.	21.		III.	19. 20.	3.
			Ruth		IV.	21. 22.	4.
	IV.	25.	1.	Octava	V.	23. 24.	0.
	V.	26.	2.		VI.	25. 26.	5.
	VI.	27.	3.		Sab.	27. 28. 29.	6.
	Sab.	28.	4.				
Domin.	I.	Fit Lectio quæ solemnis est in Ecclesia.		III.	I.	30. 31.	7.
Pentec.		Epist. S. Jacobi.				2. Reg.	
		Cap.		Fer.	II.	1. 2.	8.
Fer.	II.		1.		III.	3. 4.	9.
	III.		2. 3.		IV.	5. 6.	10.
	IV.		4. 5.		V.	7. 8. 9.	11.
	V.	I. Epist. S. Petr. I.			VI.	10. 11.	12.
	VI.		2. 3.		Sab.	12. 13.	13.
	Sab.		4. 5.				
I.		i. Reg. 2. Ep. S. Pet		IV.	I.	14. 15.	14.
Do. post				Domin.			
Pent.	I.	Cap. 1. 2.	1.	Fer.	II.	16. 17.	15.
Trinit.		0-11.			III.	18. 19.	16.
Fer.	II.	3. 4. 5.	2. 3.		IV.	20. 21.	17.
			I. S. Joa.		V.	22. 23. 24.	18.
	III.	6. 7. 8.	1. 2. 3.			24-0.	
	IV.	9. 10.	4. 5.			3. Reg.	
F. Corp.		Fit Lectio solemn-		VI.	I.	Cap. 1. 2.	19.
Christi.	V.	nis ex Breviario.		Sab.		3. 4. 5.	20.
	VI.	11. 12. 13.	2. & 3. E-			0-21.	
			pist. S. Jo				
	Sab.	14.	Epist. S.				
			Judæ.				

X x

*Post*

Post Pentecostem.				Post Pentecostem.			
		3. Reg.	Prov.			1. Paralip.	Eccl.
V.				VIII.			
Domin.	I.	Cap. 6. 7.	C. 21.	Domin.	I.	C. 10. 11. 12.	C. 11.
Fer.	II.	8.	22.			26. 0. 3. 7.	
	III.	9. 10.	23.			9. 14.	
	IV.	11. 12.	24.			24. 37.	
	V.	13. 14.	25.	Fer.	II.	13. 14. 15.	12.
	VI.	15. 16.	26.			5. 11.	Sap.
	Sab.	17. 18.	27.		III.	16. 17. 18.	1.
						9. 15.	
					IV.	19. 20. 21.	2.
					V.	22. 23. 24.	3.
VI.	I.	19. 20.	28.			7. 24. 7. 0.	
Domin.	II.	21. 22.	29.		VI.	0. 28. 29.	4.
Fer.		4. Reg.			Sab.	2. Paralip.	
	III.	1. 2.	30.			1. 3. 3.	5.
	IV.	3. 4.	31.				
			Eccl.	IX.	I.	4. 5.	6.
	V.	5. 6.	1.	Domin.	II.	6. 7.	7.
	VI.	7. 8.	2.	Fer.	III.	8. 9. 10.	8.
	Sab.	9. 10.	3.		IV.	11. 12. 13.	9.
					V.	14. 15. 16.	10.
VII.	I.	11. 12. 13.	4.		VI.	17. 18. 19.	11.
Domin.	II.	14. 15.	5.		Sab.	20. 21.	12.
Fer.	III.	16. 17.	6.				
	IV.	18. 19.	7.				
	V.	20. 21.	8.	X.	I.	22. 23.	13.
	VI.	22. 23.	9.	Domin.	II.	24. 25.	14.
	Sab.	24. 25.	10.	Fer.	III.	26. 27. 28.	15.
					IV.	29. 30.	16.
					V.	31. 32.	17.
					VI.	33. 34.	18.
					Sab.	35. 36.	19.
						22. 0.	

Post

## Post Pentecostem.

		Daniel.
XI. Domin. Fer.	I.	Cap. 1. 13.
	II.	2.
	III.	Ezechiel.
	IV.	1. 2. 3.
	V.	4. 5. 6.
	VI.	7. 8. 9.
	Sab.	10. 11. 12.
XII. Domin. Fer.	I.	13. 14. 15.
	II.	16. 17. 18.
	III.	19. 20. 21.
	IV.	22. 23. 24.
	V.	25. 26. 27.
	VI.	28. 29. 30.
	Sab.	31. 32. 33.
XIII. Domin. Fer.	I.	34. 35.
	II.	36. 37.
	III.	Daniel.
	IV.	3.
	V.	57. 88.
	VI.	4. 14.
	Sab.	7. 8.
	I.	5. 9.
	II.	6. 10.
	III.	11. 12.
	IV.	
	V.	
	VI.	
	Sab.	

Per Octavam Assumptionis in quacumque Hebdomadam incidat,  
singulis diebus unum caput ex Cantico Canticorum legitor.

## Post Pentecostem.

		Ezechiel.	Eccles.
XIV. Domin. Feria.	I.	Ca. 38. 39.	C. 1. 2.
	II.	40. 41.	3.
	III.	42. 43.	4. 5.
	IV.	44. 45.	6. 7.
	V.	46. 47. 48.	8.
	VI.	15. 21. 28.	
	Sab.	Esdas.	
XV. Domin. Fer.	I.	1. 2. 3. 4.	9.
	II.	5. 6. 7.	10.
	III.		
	IV.		
	V.		
	VI.		
	Sab.		
XVI. Domin. Fer.	I.	8. 9. 10.	11.
	II.	2. 15. 20. 30.	
	III.	Nehem.	
	IV.	1. 2.	12. 13.
	V.	3. 4.	14. 15.
	VI.	5. 6.	16.
	Sab.	7. 8.	17. 18.
	I.	8. 63.	
	II.	9. 10. 11.	19.
	III.	2. 28. 4. 0.	
	IV.	12. 13.	20. 21.
	V.	2. 27.	
	VI.	33. 36.	
	Sab.	Job.	
	I.	1. 2. 3.	
	II.	4. 5. 6.	
	III.	7. 8. 9.	
	IV.	10. 11. 12.	
	V.	13. 14. 15.	
	VI.	16. 17. 18.	
	Sab.	19. 20. 21.	

Post Pentecostem.				Post Pentecostem.			
		Job.				2. Macc.	Eccles.
XVII. Domin. Fer.	I.	c. 22. 23. 24.		XX. Domin. Fer.	I.	Cap. 1.	Cap. 38.
	II.	25. 26. 27.			II.	2.	39.
	III.	28. 29. 30.			III.	3.	40.
	IV.	31. 32. 33.			IV.	4.	41.
	V.	34. 35. 36.			V.	5.	42.
	VI.	37. 38. 39.			VI.	6.	43.
	Sab.	40. 41. 42.			Sab.	7.	44.
XVIII. Domin. Fer.	I.	1. Maccab.	Eccles.	XXI. Domin. Fer.	I.	8.	45.
	II.	2.	22.		II.	9. 10.	46.
	III.	3.	23.		III.	11.	47.
	IV.	4.	24.		IV.	12.	48.
	V.	5.	25.		V.	13.	49.
	VI.	6.	26. 27.		VI.	14.	50.
	Sab.	7. 8.	28. 29.		Sab.	15.	51.
						Amos.	
XIX. Domin. Fer.	I.			XXII. Domin. Fer.	I.	Cap.	1. 2. 3.
	II.	9.	31.		II.		4. 5. 6.
	III.	10.	32.		III.	7. 8. 9.	1. Abdias I.
	IV.	11.	33.				Jonas.
	V.	12.	34.		IV.	1. 2. 3. 4.	
	VI.	13.	35.				Michas.
	Sab.	13.	36.		V.		1. 2. 3.
		14.	37.		VI.	4. 5. 6. 7.	
		15. 16.			Sab.		Nahum.
						1. 2. 3.	

Post

<i>Post Pentecostem.</i>				<i>Hebdomas extraordinarias.</i>			
XXIII.		Habaccuc.				I. Ep. S. Pe.	Apoc.
Domin.	I.	Cap. 1. 2. 3.		Domin.	I.	Cap. 1.	C. 4. 5.
		Sophonias.		Fer.	II.	2.	6. 7.
Fer.	I I.	I. 2. 3.			III.	3.	8. 9.
		Aggeus Zachar.			I V.	I. Ep. S. Jo:	
	III.	1. 2.	1.		V.	1. 2.	10. 11.
	I V.	2. 3. 4. 5.			V I.	3.	12. 13.
	V.	6. 7. 8.			Sab.	4.	14. 20.
	V I.	9. 10. 11.				5.	21. 22.
	Sab.	12. 13. 14.					

## Tabulæ Festorum Mobilium.

Anni Dñi	Lett. Dñic.	Septua- gesima.	Pascha.	Pente- costes.	Dñica post Pétec.	Dñica I. Adv.
1733	d	1. Feb.	5. Apr.	24. Maji	26	29. Nov.
1734	c	21. Feb.	25. Apr.	23. Junii	23	28. Nov.
1735	b	6. Feb.	10. Apr.	29. Maji	25	27. Nov.
1736	A g	29. Jan.	1. Apr.	20. Maji	27	2. Dec.
1737	f	17. Feb.	21. Apr.	9. Jun.	24	1. Dec.
1738	e	2. Feb.	6. Apr.	25. Maji	26	30. Nov.
1739	d	25. Jan.	29. Mar.	17. Maji	27	29. Nov.
1740	c b	14. Feb.	17. Apr.	5. Junii	24	27. Nov.
1741	A	29. Jan.	2. Apr.	21. Maji	27	3. Dec.
1742	g	21. Jan.	25. Mar.	13. Maji	28	2. Dec.
1743	f	10. Feb.	14. Apr.	2. Junii	25	1. Dec.
1744	e d	2. Feb.	5. Apr.	24. Maji	26	29. Nov.
1745	c	14. Feb.	18. Apr.	6. Junii	24	28. Nov.
1746	b	6. Feb.	10. Apr.	29. Maji	25	27. Nov.
1747	A	29. Jan.	2. Apr.	21. Maji	27	3. Dec.
1748	g f	11. Feb.	14. Apr.	2. Junii	25	1. Dec.
1749	e	2. Feb.	6. Apr.	25. Maji	26	30. Nov.
1750	d	25. Jan.	29. Mar.	17. Maji	27	29. Nov.
1751	c	7. Feb.	11. Apr.	30. Maji	25	28. Nov.
1752	b A	30. Jan.	2. Apr.	21. Maji	27	2. Dec.
1753	g	18. Feb.	22. Apr.	10. Junii	24	2. Dec.
1754	f	10. Feb.	14. Apr.	2. Junii	25	1. Dec.
1755	e	26. Jan.	30. Mar.	18. Maji	27	30. Nov.
1756	d c	15. Feb.	18. Apr.	6. Junii	24	28. Nov.
1757	b	6. Feb.	10. Apr.	29. Maji	25	27. Nov.
1758	A	22. Jan.	26. Mar.	14. Maji	28	3. Dec.
1759	g	11. Feb.	15. Apr.	3. Junii	25	2. Dec.
1760	f c	3. Feb.	6. Apr.	25. Maji	26	30. Nov.
1761	d	18. Jan.	22. Mar.	10. Maji	28	29. Nov.
1762	c	7. Feb.	11. Apr.	30. Maji	25	28. Nov.
1763	b	30. Jan.	3. Apr.	22. Maji	26	27. Nov.
1764	A g	19. Feb.	22. Apr.	10. Junii	24	2. Dec.

I N.

# INDEX

TESTIMONIORUM SACRÆ SCRIPTURÆ

QUÆ IN HOC APPARATU

EXPLICANTUR AUT CITANTUR.

EX GENESI.

Cap. I. **G**ERMINET terra herbam virentem & facientem semen, & lignum pomiferum faciens fructum juxta genus suum, cujus semen in semetipso sit super terram. 543

II. 7. 8. Plantaverat autem Dominus Deus Paradisum voluptatis à principio: in quo posuit hominem quem formaverat.

7. 10. Et fluvius egrediebatur de loco voluptatis ad irrigandum Paradisum, qui inde dividitur in quatuor capita. 56

7. 11. Nomen uni Phison: ipse est qui circuit omnem terram Hevilath, ubi nascitur aurum.

7. 12. Et aurum terræ illius optimum est: ibi invenitur bdellium, & lapis onychinus. 57

7. 13. Et nomen fluvii secundi Gehon: ipse est qui circumit omnem terram Æthiopia. 58

7. 14. Nomen verò fluminis tertii, Tygris: ipse vadit contra Assyrios. Fluvius autem quartus, ipse est Euphrates. 58

7. 16. Ex omni ligno Paradisi comede.

7. 17. De ligno autem scientiæ boni & mali ne comedas. In quacumque enim die comederis ex eo, morte morieris. 147

III. 7. 18. Spinæ & tribulos germinabit tibi. 548

Xx 4

7. 24. Eje-



- †. 24. Ejecitque Adam, & collocavit ante Paradisum  
velutatis Cherubim, & flammæum gladium atque  
versatilem, ad custodiendam viam ligni vite. 535
- IV. †. 14. Ecce ejicis me hodie à facie terra, & à  
facie tua obscondar.
- †. 16. Egressusque Cain à facie Domini habitavit pro-  
fugus in terra, ad Orientalem plagam Eden. 149 627
- †. 23. Dixitque Lamech. uxoribus suis Ada & Sel-  
le: ... *Auscultate sermonem meum: quoniam occidi*  
*virum in vulnus meum.*
- †. 24. Septuplum ultio dabitur de Cain, de Lamech  
verò septuagies septies. 17
- †. 26. Seth; natus est filius, quem vocavit Enos: iste  
cœpit invocare nomen Domini. 486
- VI. †. 3. Non permanebit spiritus meus in homine in  
eternum, quia caro est; eruntque dies illius centum  
viginti annorum. 613
- VIII. †. 20. *Ædificavit autem Noe altare Domino; &*  
*tollens de cunctis pecoribus & volucribus mundis,*  
*obtulit holocausta super altare.* 143
- XVII. †. 14. *Masculus, cujus præputii caro circumcisa*  
*non fuerit, delebitur anima illa de populo suo.* 11.  
& 243.
- XXX. †. 9. *Sentiens Lia quod parere desisset. Zel-*  
*pham ancillam suam marito tradidit.*
- †. 10. *Qua post conceptum edente filium.*
- †. 11. *Dixit: Feliciter. Et idcirco vocavit nomen*  
*ejus, Gad.* 498
- XXXIV. †. 14. *Non possumus facere quod petitis, nec*  
*dare sororem nostram homini incircumciso: quod il-*  
*licitum est & nefarium apud nos.* 6
- XXXVI. †. 24. *Iste est Ana qui invenit aquas cali-*  
*das in solitudine, cum pasceret asinos Sebeon patris*  
*sui.* 511
- XLIX. †. 10. *Non auferetur sceptrum de Juda, & de*  
*femore ejus, donec venias qui mittendus est, & ipse*  
*erit*

erit expectatio gentium. 226

7. 17. Fiat Dan coluber in via, terastes in semita,  
mordens ungulas equi, ut cadat ascensor ejus retro:

532

EX EXODO.

I. 7. 21. Edificavit eis domos. 25

II. 7. 10. Vocavitque nomen ejus Moyses, dicens:  
Quia de aqua tuli eum. 362

IV. 7. 25. Tulit illico Sephora acutissimam petram,  
& circumcidit preputium filii sui, tetigitque pedes  
ejus, & ait: Sponsus sanguinum tu mihi es. 3. & 434

VI. 7. 3. Et nomen meum ADONAI non indicavi  
eis. 488

XX. 7. 8. Memento ut diem sabbati sanctifices. 16

XXIII. 7. 1. Non suscipies vocem mendacii.

7. 3. Pauperis quoque non misereberis in judicio.

7. 8. Nec accipies munera, quæ etiam excæcant pru-  
dentes. 236

7. 19. Non coques hædum in lacte matris sue. 279

XXIV. 7. 10. Et viderunt Deum Israel: Et sub pedi-  
bus ejus quasi opus lapidis sapphirini, & quasi ca-  
lum, cum serenum est. 574

XXV. 7. 8. Facientque mihi sanctuarium, & habitabo  
in medio eorum:

7. 9. Juxta omnem similitudinem Tabernaculi quod  
ostendam tibi, & omnium vasorum in cultum ejus. 92

7. 22. Loquar ad te supra propitiatorium, ac de me-  
dio duorum Cherubim, qui erunt super Arcam te-  
stimonii, cuncta quæ mandabo per te filiis Israel.  
184.

XXVII. 7. 30. Pones autem in rationali judicii Do-  
ctrinam & veritatem, quæ erunt in pectore Aaron  
quando ingreditur coram Domino. 174

XXX. 7. 32. Sume tibi aromata, primæ myrrhæ, &  
electæ quingentos siclos, & cinnamomi medium, id  
est, ducentos & quinquaginta siclos, calami simili-  
ter

ter ducentos quinquaginta:

†. 24. *Casia autem quingentos siclos in pondere sanctuarii, olei de olivetis mensuram hin.* 607

†. 34.... *Sume tibi aromata, stacten & onycha, galbanum boni odoris, & thus lucidissimum, equalis ponderis erunt omnia:*

†. 35. *Faciesque thymiana.* 608

## EX LEVITICO.

L. †. 1. *Immolabitque vitulum coram Domino, & offerent filii Aaron sacerdotes sanguinem ejus, fundentes per altaris circuitum.* 156

V. †. 17. *Anima si peccaverit per ignorantiam, feceritque unum ex his que Domini lege prohibentur, & peccati rea intellexerit iniquitatem suam.*

†. 18. *Offeret arietem immaculatum de gregibus sacerdoti, juxta mensuram estimationemque peccati: qui orabit pro eo, quia nesciens fecerit: & dimittetur ei.* 160

X. †. 8. *Dixitque Dominus ad Aaron.*

†. 9. *Vinum & omne quod inebriare potest non bibetis tu & filii tui, quando intratis in tabernaculum testimonii, ne moriamini.* 172

XIII. †. 46. *Omni tempore quo leprosus est & immunus, solus habitabit extra castra.* 619

XVII. †. 11. *Quia anima carnis in sanguine est; & ego dedi illum vobis ut super altare in eo expietis pro animabus vestris, & sanguis pro anima piaculo sit.* 146

XIX. †. 9. *Cum messueris segetes terrae tuae, non tondebis usque ad solum superficiem terra, nec remanentes spicas colliges.*

†. 10. *Neque in vinea tua racemos & grana decidentia congregabis, sed pauperibus & peregrinis carpenda dimittes.* 165

†. 19..... *Veste, qua ex duobus texta est, non indueris.* 602

XXI. v. 1.... Non contaminetur sacerdos in mortibus civium suorum.

v. 2. Nisi tantum in consanguineis ac propinquis.

v. 7. Scortum & velle prostibulum non ducent uxorem, nec etiam qua repudiata est a marito....

v. 9. Sacerdotis filia si deprehensa fuerit in stupro, & violaverit nomen patris sui, flammis exuretur.

172

XXII. v. 22. Si cæcum fuerit, si fractum, si cicatricem habens, si papulas aut scabiem, aut impetiginem; non offeretis ea Domino.

153

v. 24. Omne animal, quod vel contritis, vel tuis, vel sectis ablatisque testiculis est, non offeretis Domino.

617

v. 27. Bos, ovis, & capra, cum genita fuerint septem diebus erunt sub ubere matris sue: die autem octavo, & deinceps, offerri poterunt Domino.

6

XXIII. v. 40. Sumetisque vobis die primo fructus arboris pulcherrima, spatulasque palmarum, & ramos ligni densarum frondium, & salices de torrente, & letamini coram Domino Deo vestro.

140

v. 43. Ut discant posteræ vestri quod in tabernaculis habitare fecerim filios Israel, cum educerem eos de Terra Egypti.

141

XXIV. v. 11. Cumque blasphemasset nomen, & maledixisset ei.

v. 12. Miseruntque eum in carcerem.

487.

v. 14. Educ Blasphemum extra castra, & ponent omnes qui audierunt manus suas super caput ejus, & lapidet eum populus universus.

v. 15. Et ad filios Israel loqueris. Homo qui maledixerit Deo suo, portabit peccatum suum:

v. 16. Et qui blasphemaverit nomen Domini, morte moriatur: lapidibus opprimet eum omnis multitudo, siue ille civis, siue peregrinus fuerit.

247

XXV. v. 20. Quid comedemus anno septimo, si non seve-

## 692 INDEX TESTIMONIORUM

*seuerimus, neque collegerimus fruges nostras:*

7. 21. *Dabo benedictionem meam vobis anno sexto, & faciet fructum trium annorum.* 110

XXVI. 7. 1. *Nec titulos erigetis, nec insignem lapidem ponetis in terra vestra, ut adoretis eum.* 478

XXVII. 7. 32. *Omnium decimarum bovis & ovis; & capra, quæ sub pastoris virgæ transeunt, quidquid decimum venerit, sanctificabitur Domino.* 165

### EX NUMERIS.

IV. 7. 3. *A trigesimo anno & supra, usque ad quinquagesimum annum.* 167

VIII. 7. 6. *Tolle Levitas de medio filiorum Israel, & purificabis eos.*

7. 7. *Juxta hunc ritum. Aspergantur aqua lustrationis, & radant omnes pilos carnis suæ. Cumque laverint vestimenta sua, & mandati fuerint.*

7. 8. *Tollent bovem de armentis, &c.* 166

7. 24. *A viginti quinque, omnis & supra, ingredientur ut ministrent in tabernaculo fœderis.* 167

IX. 7. 13. *Exterminabitur anima illa de populis suis.* 243

7. 23. *Per verbum Domini figebant tentoria, & per verbum illius proficiscebantur iterantque in excubiis Domini ejus permanum Moysi.* 221

X. 7. 2. *Fac tibi duas tubas argenteas ductiles, quibus convocare possis multitudinem quando movenda sunt castra.*

7. 3. *Cumque intrepueris tubis, congregabitur ad te omnis turba ad ostium tabernaculi fœderis.*

7. 4. *Si semel clangueris, venient ad te principes, & capita multitudinis Israel:*

7. 5. *Si autem proluxior atque concisus clangor increpuerit, movebunt castra primi qui sunt ad orientalem plagam.* 230

XXI. 7. 6. *Misit Dominus in populum ignitos serpentes.* 532

XXVII.

XXVII. §. 21. Eleazar sacerdos consulat Dominum.  
175

XXXI. §. 23. Omne quod potest transire per flammam,  
igne purgabitur, quidquid autem ignem non potest  
sustinere, aqua expiationis sanctificabitur. 278

# EX DEUTERONOMIO.

I. §. 12. Non valeo solus negotia vestra sustinere, &  
pondus ac iurgia.

§. 13. Date ex vobis viros sapientes & gnaros, &  
quorum conversatio sit probata in tribubus vestris,  
ut ponam eos vobis principes.

§. 14. Tunc respondistis mihi: Bonares est, quam vis  
facere.

§. 15. Tulique de tribubus vestris viros sapientes &  
nobiles, & constitui eos principes, tribunas, & cen-  
turiones, & quinquagenarios ac decanos, qui doce-  
rent vos singula.

§. 16. Præcepique eis, dicens: Audite illos, & quod  
justum est iudicate: siue civis sit ille, siue peregrini-  
nus.

§. 17. Nulla erit distantia personarum, ita parvum  
audietis ut magnum: nec accipietis cuiusque perso-  
nam, quia Dei iudicium est. Quod si difficile vobis  
visum aliquid fuerit, referte ad me, & ego au-  
diam. 227

VIII. §. 4. Vestimentum tuum, quo operiebaris, ne-  
quaquam vetustate defecit, & pestis non est subtri-  
tus, en quadragesimus annus est. 602

§. 8. Terram frumenti, hordei, ac vinearum, in qua  
ficus & malogranata, & oliveta nascuntur; terram  
olei & mellis. 551

XIII. §. 8. Non acquiescas ei, nec audias, neque pa-  
reat ei oculus tuus ut miserearis, & occultes eum,

§. 9. Sed statim interficies. Sit primum manus tua su-  
per eum, & postea omnis populus mittat manum.

§. 10. Lapidibus obrutus necabitur. 248



XIV. §. 28. Anno tertio separabis aliam decimam ex omnibus quæ nascuntur tibi eo tempore: Et repones intra januas tuas.

§. 29. Venietque Levites qui aliam non habet partem nec possessionem tecum, & peregrinus ac pupillus & vidua, qui intra portas tuas sunt, & comedent, & saturabuntur. 164

XVI. §. 13. Solemnitatem quoque tabernaculorum celebrabis per septem dies, quando collegeris de area & torculari fruges tuas.

§. 14. Et epulaberis in festivitate tua, tu, filius tuus, & filia, servus tuus, & ancilla, Levites quoque & advena, pupillus ac vidua qui intra portas tuas sunt. 141

XVII. §. 2. Cum reperti fuerint apud te intra unam portarum tuarum, quas Dominus Deus tuus dabit tibi, vir aut mulier qui faciant malum in conspectu Domini Dei tui, & transgrediantur pactum illius.

§. 3. Ut vadant, & serviant diis alienis, & adorent eos.

§. 4. Et hoc tibi fuerit nuntiatum audiensque inquisieris diligenter, & verum esse reperieris, & abominatio facta est in Israel.

§. 5. Educes virum ac mulierem, qui rem sceleratissimam perpetrarunt, ad portas civitatis tue, & lapidibus obruentur.

§. 6. In ore duorum, aut trium testium peribit qui interficietur: Nemo occidatur uno contra se dicente testimonium.

§. 7. Manus testium prima interficiet eum, & manus reliqui populi extrema mittetur: ut auferas malum de medio tui. 248

§. 8. Si difficile & ambiguum apud te iudicium esse perspexeris inter sanguinem, & sanguinem, causam & causam, lepram & lepram, & iudicium intra portas tuas videris verba variari: surge, & ascende ad

de ad locum quem elegerit Dominus Deus tuus.

†. 9. Veniesque ad sacerdotes Leviticis generis, & ad judicem, qui fuerit illo tempore: quaresque ab eis, qui indicabunt tibi iudicii veritatem.

†. 10. Et facies quodcumque dixerint qui presunt loco, quem elegerit Dominus, & docuerint te.

†. 11. Juxta legem ejus, sequerisque sententiam eorum, nec declinabis ad dexteram, neque ad sinistram. 231

†. 16. Cumque fuerit constitutus, non multiplicabit sibi equos, nec reducet populum in Ægyptum, equitatus numero sublevatus.

†. 17. Non habebit uxores plurimas.

259

XVIII. †. 10. Nec sit maleficus.

†. 11. Nec incantator, nec qui Pythones consulat, nec divinos, aut querat à mortuis veritatem. 483

XXI. †. 22. Quando peccaverit homo quod morte plerendum est, & adjudicatus morti appensus fuerit in patibulo:

†. 23. Non permanebit cadaver ejus in ligno, sed in eadem die sepelietur quia maledictus à Deo est qui pendet in ligno: Et nequaquam contaminabis Terram tuam quam Dominus Deus tuus dederit tibi in possessionem.

245

XXIII. †. 1. Non intrabit eunuchus attritis vel amputatis testiculis, & abscisso veretro, Ecclesiam Domini.

617

XXIV. †. 6. Non accipies loco pignoris inferiorem & superiorem molam: quia animam suam opposuit tibi.

605

XXXII. †. 38. De quorum victimis comedebant adipēs, & bibebant vinum libaminum.

280

XXXIII. †. 8. Levi quoque ait: Perfectio tua, & doctrina tua viro sancto tuo, quem probasti in tentatione.

175



- I. 4.** *A deserto & Libano usque ad fluvium magnum Euphratem, omnis terra Hethæorum usque ad mare magnum contra solis occasum erit terminus vester.* 68
- 7.** *Confortare igitur & esto robustus valde: ut custodias, & facias omnem legem, quam præcepit tibi Moyses servus meus: ne declines ab ea ad dexteram vel ad sinistram, ut intelligas cuncta que agis.* 223
- 16.** *Omnia que præcepisti nobis, faciemus: Et quocumque miseris, ibimus.*
- 17.** *Sicut obedivimus in cunctis Moysi, ita obediemus & tibi.* 223
- IX. 9.** *Et sunt ibi usque in presentem diem.* 340
- V. 2.** *Et circumcide secundo filios Israel.* 3
- 9.** *Hodie abstuli opprobrium Ægypti à vobis. Vocatamque est nomen loci illius Galgala usque in presentem diem.* 8. & 340
- VII. 19.** *Fili mi, da gloriam Domino Deo Israel, & confitere, atque indica mihi quid feceris; ne abscondas.* 238
- VIII. 29.** *Regem quoque ejus suspendit in patibulo usque ad vesperam & solis occasum. Præcepitque Josue & deposuerunt cadaver ejus de cruce: projeceruntque in ipso introitu civitatis.* 245
- X. 12.** *Dixitque coram eis: Sol contra Gabaon ne movearis, & luna contra vallem Ajalon,*
- 13.** *Steteruntque Sol & Luna, donec ulcisceretur se gens de inimicis suis. Nonne scriptum est hoc in libro justorum? Stetit itaque sol in medio cali non cessavit occumbere spatio unius diei.*
- 14.** *Non fuit ante nec postea tam longa dies, obediante Domino voci hominis, & pugnante pro Israel.* 340 & 590
- 26.** *Atque suspendit super quinque stipites, fueruntque*

que suspensi usque ad vesperum.

†. 27. Cumque occumberet sol, præcepit sociis ut deponerent eos de patibulis. 245

XIII. †. 2. Omnis videlicet Galilæa Philistiim. 78

XXIV. †. 26. Scripsit quoque omnia verba hæc in volumine legis Domini. 340

## EX LIBRO JUDICUM.

I. †. 21. Jebuseum autem habitatorem Jerusalem non deleverunt filii Benjamin: habitavitque Jebuseus cum filiis Benjamin in Jerusalem, usque in præsentem diem. 340

II. †. 7. Servieruntque Domino cunctis diebus ejus, & seniorum, qui longo post eum vixerunt tempore, & noverant omnia opera Domini, quæ fecerat cum Israel. 223

VIII. †. 23. Non dominabor vestri, nec dominabitur in vos filius meus, sed dominabitur vobis Dominus. 224

V. 27. Fecitque ex eo Gedeon Ephod, & posuit illud in civitate sua Ephra. Et factum est Gedeoni & omni domui ejus in ruinam. 174

†. 33. Postquam autem mortuus est Gedeon, aversi sunt filii Israel, & fornicati sunt cum Baalim. Percusseruntque cum Baal fœdus, ut esset eis in Deum. 496

IX. †. 4. Dederuntque illi septuaginta pondo argenti de fano Baalberit. 496

XVI. †. 27. De recto & solario circiter tria millia utriusque sexus spectantes ludentem Samson. 277

XVII. †. 5. Qui adiculam quoque in ea Deo separavit, & fecit Ephod, & theraphim, id est, vestem sacerdotalem, & idola: implevitque unius filiorum suorum manum, & factus est ei sacerdos. 174

†. 6. In diebus illis non erat rex in Israel, sed unusquisque quod sibi rectum videbatur, hoc faciebat. 319

- III. **7.** 20. Et cognovit universus Israel à Dan, usque Bersabee, quod fidelis Samuel Propheta esset Domini. 70
- VIII. **7.** **5.** Constitue nobis regem ut iudicet **nos**, sicut & universa habent nationes. 224
- 7.** **7.** Audi vocem populi in omnibus, quæ loquuntur tibi, non enim te abjecerunt, sed me, ne regnem super eos. 224
- 7.** **9.** Verumtamen contestare eos, & prædic eis jus regis, qui regnaturus est super eos. 224
- X. **7.** **5.** Post hac veniens in collem Dei, **ubi** est statio Philistinorum: Et cùm ingressus fueris ibi urbem, obvium habebis gregem Prophetarum descendantium de excelso, & ante eos psalterium & tympanum, & tibiam & citharam, ipsosque prophetantes.
- 7.** 10. Veneruntque ad prædictum collem, & ecce cuneus prophetarum obvius ei. 184
- XIV. **1.** 32. Comeditque populus cum sanguine.
- 7.** 31. Nuntiaveruntque Sauli..... qui ait: Prævaricati estis: voluite ad me jam nunc saxum grande. 281
- XIX. **7.** **13.** Tulit autem Michol statuam & posuit eam super lectum & pellem pilosam caprarum posuit ad caput ejus, & operuit eam vestimentis. 599
- XXIII. **7.** **9.....** Dixit ad Abiathar sacerdotem: Applica Ephod. 174
- XXVIII. **1.** **6.** Consuluitque Dominum, & non respondit ei neque per somnia neque per sacerdotes, neque per prophetas. 176

- I. **7.** **9....** Quoniam tenent me angustia, & adhuc tota anima mea in me est. 597
- XV. **7.** **30.** Porro David ascendebat Clivum olivarum, scandens & flens, nudis pedibus incedens et operto capite, sed et omnis populus qui erat cum eo, operto ca-

to capite ascendebat plorans. 281

XVI. *†. 22.* Tetenderunt ergo Absalom tabernaculum in solario. 277

XXI. *v. 9.* Et dedit eos in manus Gabaonitarum: qui crucifixerunt eos in monte coram Domino. 245

### EX III. REGUM.

IV. *†. 5.* Habitabatque Juda et Israel absque timore ullo, unusquisque sub vite sua, et sub ficu sua. 551

IX. *†. 26.* Classem quoque fecit rex Salomon in Asiongaber, quæ est juxta Ailath in littore Maris rubri, in Terra Idumææ. 62

X. *†. 22.* Classis regis per mare cum classe Hiram semel per tres annos ibat in Tharsis, deferens inde aurum, et argentum, et dentes Elephantorum, et simias, et pavos. 62

XII. *†. 14.* Pater meus cecidit vos flagellis, ego autem cedam vos scorpionibus. 244

*†. 28.* ... Nolite ultra ascendere in Jerusalem: Ecce dii tui Israel, qui te eduxerunt de Terra Ægypti. 493

XV. *†. 12.* Et abstulit effeminatos de terra, purgavitque universas sordes idolorum, quæ fecerant patres ejus.

*†. 13.* Insuper & Maacham matrem suam amovit, ne esset princeps in sacris Priapi, & in luco ejus, quem consecraverat: subvertitque specum ejus, & confregit simulachrum turpissimum, & combussit in Torrente Cedron. 503

XVIII. *†. 26.* Invocabant nomen Baal de mane usque ad meridiem, dicentes: Baal exaudi nos. 481

*†. 28.* Clamabant ergo voce magna & incidebant se, juxta ritum suum cultris & lanceolis, donec perfunderentur sanguine. 483 & 500

### EX IV. REGUM.

II. *†. 2.* Sede hic, quia Dominus me misit usque in Bethel.

- †. 4. *Sede hic, quia Dominus misit me in Jericho.*
- †. 6. *Sede hic, quia Dominus misit me usque ad Jordanem... ierunt igitur ambo pariter.*
- †. 7. *Et quinquaginta viri de filiis prophetarum secuti sunt eos.* 184
- †. 9. *Obsecro ut fiat in me duplex spiritus tuus.* 272
- III. †. 2.... *Tulit enim statuas Baal, quas fecerat pater ejus.* 478
- IV. †. 40.... *Cumque gustassent de coctione, clamaverunt, dicentes: Mors in olla, vir Dei.* 549
- VI. †. 25.... *Donec venundaretur... quarta pars cabi stercoris columbarum quinque argenteis.* 523
- XVI. †. 8. *Et cum collegisset argentum et aurum, quod inveniri potuit in domo Domini, & in thesauris regis, misit regi Assyriorum munera.* 344
- XVII. †. 30. *Viri Babylonii fecerunt Sochoth Benoth: viri autem Chutai fecerunt Nergel, et viri de Emath fecerunt Asima.*
- †. 31. *Porro Hevai fecerunt Nababaz et Tharthac. Hi autem qui erant de Sepharvaim comburebant filios suos igni Adramelech et Anamelech diis Sepharvaim.* 503
- XXI. †. 3.... *Et crexit aras Baal, & fecit lucos sicut fecerat Achab rex Israel....* 480
- XXIII. †. 11. *Abstulit quoque equos, quos dederant reges Juda, Soli, in introitu Templi Domini juxta exedram Nathanmelech Eunuchi, qui erat in Phaurim: currus autem Solis combussit igni.* 498
- EX L P A R A L I P O M E N O N.
- II. †. 55.... *Hi sunt Cinai, qui venerunt de Calore patris domus Rechab.* 179
- XII. †. 5. *Congregavit ergo David cunctum Israel à Sihor Ægypti, usque dum ingrediatis Emath, ut adduceret Arcam Dei de Cariathiarim.* 68
- XXIII. †. 4. *Ex his electi sunt, & distributi in ministerium domus Domini viginti quatuor millia; pre-*  
posi-



positorum autem & judicum sex millia.

Y. 5. Porro quatuor millia janitores: & totidem Psalta canentes Domino in organis, quæ fecerat ad canendum.

Y. 6. Et distribuit eos David per vices filiorum Levi...

Y. 27. Juxta præcepta quoque David novissima supputabitur numerus filiorum Levi à viginti annis & supra.

Y. 28. Et erunt sub manu filiorum Aaron in cultum domus Domini, in vestibulis & in exedris, & in loco purificationis, & in Sanctuario, & in universis operibus ministerii templi Domini.

Y. 29. Sacerdotes autem super panes propositionis, & ad simile sacrificium & ad lagana azyma, & sargaginem & ad torrendum, & super omne pondus atque mensuram.

Y. 30. Levite verò ut stent manò ad confitendum & canendum Domino: similiterque ad vesperam.

Y. 31. Tam in oblatione holocaustorum Domini, quàm in Sabbatis & Calendis, & solemnitatibus reliquis juxta numerum, & caremonias uniuscujusque rei, jugiter coram Domino.

Y. 32. Et custodiant observationes tabernaculi fœderis, & ritum sanctuarii, & observationem filiorum Aaron fratrum suorum, ut ministrent in domo Domini.

167 168

## EX II. PARALIPOMENON.

VII. Y. 8.... Et omnis Israel cum eo, Ecclesia magna valdè, ab introitu Emath usque ad Torrentem Ægypti.

XV. Y. 16. Sed & Maacham matrem regis ex augusto deposuit imperio, eò quòd fecisset in luo simulachrum Priapi: quod omne contrivit, & in frustra comminuens combussit in Torrente Cedron.

504

Yy 3

XXI.

XXI. *§. 18.* Et super hac omnia percussit eum Dominus alvi languore insanabili.

*§. 19.* Cumque diei succederet dies, & temporum spatia volverentur, duorum annorum expletus est circulus: & sic longa consumptus tabe, ita ut egeret etiam viscera sua, languore pariter & vita caruit. 613

XXVIII. *+. 21.* Igitur Achaz spoliata domo Domini, & domo regum, ac principum, dedit Regi Assyriorum munera, 344

XXXII. *+. 27.* Fuit autem Ezechias dives & inclitus valde, & thesauros sibi plurimos congregavit argenti, &c. 344

#### EX I. ESDRÆ.

VI. *§. 12.* A me ergo positum est decretum: Ut omnis homo qui hanc mutaverit iussionem, tollatur lignum de domo ipsius, & erigatur, & configatur in eo, domus autem ejus publicetur. 245

#### EX II. ESDRÆ.

IV. *§. 22.* Ego autem & fratres mei, & pueri mei, & custodes qui erant post me, non deponebamus vestimenta nostra: unusquisque tantum nudabatur ad baptismum. 279

VIII. *§. 1....* Congregatusque est omnis populus quasi vir unus . . . . & dixerunt Esdras scribe ut afferret librum Legis Moysi, quam praeceperat Dominus Israeli.

*§. 2.* Attulit ergo Esdras sacerdos Legem coram multitudine virorum, ac mulierum.... 424

*§. 8.* Et legerunt in libro Legis Dei distinctè & aperte ad intelligendum. 370

IX. *§. 21.* Quadraginta annis pavisti eos in deserto, nihilque eis defuit: vestimenta eorum non inveteraverunt, & pedes eorum non sunt attriti. 602

SACRÆ SCRIPTURÆ. 703  
EX LIBRO JUDITH.

XIII. 7. 10.... *Abstulit conopaeum ejus à columnis....*  
660.

XIV. 7. 6. *Tunc Achior.... & circumcidit carnem  
præputii sui, & appositus est ad populum Israel....*

II

EX LIBRO ESTHER.

I. 7. 6.... *Super pavimentum smaragdino & pario  
stratum lapide.* 583

EX LIBRO JOB.

XX. 7. 17. *Non videat rivulos fluminis, torrentes  
mellis & butyri.* 606

XXVIII. 7. 6. *Locus sapphiri lapides ejus, & gleba  
illius aurum.* 575

7. 18.... *Trahitur autem sapientia de occultis.* 583

XXIX. 7. 6. *Quando lavabam pedes meos butyro....*  
606

7. 18.... *In nidula mea moriar, & sicut palma mul-  
tiplicabo dies.* 562

XXXI. 7. 10. *Sortum alterius sit uxor mea, & su-  
per illam incurventur alii.* 281

7. 26. *Si vidi solem cum fulgeret, & lunam inceden-  
tem clarè:*

7. 27. *Et letatum est in abscondito cor meum, & of-  
culatus sum manum meam ore meo.* 481

XXVII. 7. 18. *Tu forsitan cum eo fabricatus es ce-  
los, qui solidissimi quasi ære fusi sunt.* 587

XXXVII. 7. 4. *Ubi eras quando ponebam fundamenta  
terræ? &c.* 589

XXXIX. 7. 14. *Quando derelinquit ova sua in terra,  
tu forsitan in pulvere calefacies ea.* 526

7. 18. *Cum tempus fuerit, in altum alas erigit.* 527

XL. 7. 10. *Ecce Behemot quem feci tecum, fœnum  
quasi bos comedet.* 538

XLII. 7. 14. . . . . *Nomen tertiæ Cornustibii.* 596



704 INDEX TESTIMONIORUM  
EX LIBRO PSALMORUM.

- III. †. 3. Et erit tanquam lignum, quod plantatum est secus decursus aquarum. 555
- †. 5. Ideò non resurgent impii in iudicio; neque peccatores in concilio iustorum. 231
- XIII. †. 3. . . . . Venenum aspidum sub labiis eorum. 531
- XV. †. 4. Multiplicata sunt infirmitates eorum. 490  
Nec memor ero nominum eorum per labia mea. 490
- XXVIII. †. 9. Vox Domini preparantis cervos... 517
- XXXIX. †. 7.... Aures autem perfecisti mihi. 257
- XLIV. †. 14. Omnis gloria ejus filia regis ab intus, in fimbriis aureis. 596
- †. 15. Circumamicta varietatibus... 596
- L. †. 9. Asperges me hyssopo, & mundabor. 553
- LI. †. 10. Ego autem, sicut oliva fructifera in domo Dei, speravi in misericordia Dei. 560
- LVII. †. 5. Sicut aspidis surda, & obturantis aures suas, 545
- †. 6. Quæ non exaudiet vocem incantantium: & venefici incantantis sapienter. 531
- LXVII. †. 31. Increpa feras arundinis... 545
- LXXIX. †. 2. Qui sedes super Cherubim, manifestare. 545
- †. 3. Coram Ephraim, Benjamin & Manasse, excita potentiam tuam. 89
- †. 12. Extendit palmites suos usque ad mare; & usque ad propaggines ejus. 70
- †. 14. Exterminavit eam aper de sylva. 520
- LXXX. †. 4. Buccinate in Neomenia tuba, in insigni die solemnitatis vestra. 105
- LXXXIX. †. 10. Dies annorum nostrorum in ipsis, septuaginta anni. Si autem in potentatibus octoginta anni: & amplius eorum, labor & dolor. 614
- XCI. †. 13. Iustus ut palma florebit... 561

CIII.

CIII. *†. 2. Extendens calum sicut pellem: qui regis  
aquis superiora ejus.* 589

*†. 14. . . . Ut exhilaret faciem in oleo.* 560

CV. *†. 37. Et immolaverunt filios suos, & filias suas  
demoniis.* 479 & 499.

*†. 38. Et effuderunt sanguinem innocentem: sanguinem  
filiorum suorum & filiarum suarum, quas sacrificaverunt  
sculptilibus Chanaam.* 499

CVI. *†. 3. A solis ortu & occasu; ab aquilone &  
mari.* 86

CIX. *†. 1. Dixit Dominus Domino meo: Sede à dex-  
tris meis.* 436

CXV. *†. 10. Credidi, propter quod locutus sum.* 374

CXVII. *†. 8. Bonum est confidere in Domino, quam  
confidere in homine.* 374

*†. 27. Constituite diem solemnem in condensis, usque  
ad cornu altaris.* 140

CXXVI. *†. 5. . . . Non confundetur cum loquetur  
inimicis suis in porta.* 234

CXXXII. *†. 2. Sicut unguentum in capite, quod de-  
scendit in barbam, barbam Aaron.* 171

CXLVI. *†. 9. Qui dat jumentis escam ipsorum: &  
pullis corvorum invocantibus eum.* 526

#### EX LIBRO PROVERBIORUM.

XVI. *†. 11. Pondus & statera judicia Domini sunt,  
& opera ejus omnes lapides sacculi.* 298

XXV. *†. 1. Hæ quoque parabole Salomonis, quas trans-  
tulerunt viri Ezechie . . .* 343

XXVI. *†. 8. Sicut qui mittit lapidem in acervum Mer-  
curii: ita qui tribuit insipienti honorem.* 501

XXX. *†. 1. Verba Congregantis filii Vomentis. Visio,  
quam locutus est vir, cum quo est Deus, & qui  
Deo secum morante confortatus, ait:* 343

*†. 15. Sanguisuga due sunt filia, dicentes: affer, af-  
fer.* 539

XXXI. *†. 1. Verba Lamuelis regis. Visio qua erudi-  
vit*

- vit eum mater sua. 344  
 7. 6. Date siceram mœrentibus, & vinum his, qui amaro sunt animo. 247  
 7. 21. Omnes enim domestici ejus vestiti sunt duplicibus. 601  
 7. 22. Byssus & purpura indumentum ejus. 601  
 7. 23. Nobilis in portis vir ejus, quando sederit cum senatoribus terra. 234

## EX LIBRO ECCLESIASTÆ.

- I. 7. 3. Terra... in aeternum stat. 7. 4. Oritur sol & occidit. 588  
 XII. 7. 5. . . . Florebit amygdalus. 545. Dissipabitur capparitis. 547

## EX CANTICO CANTICORUM.

- I. 7. 4. Nigra sum, sed formosa, filie Jerusalem, sicut tabernacula Cedar. 61  
 II. 7. 15. Capite nobis vulpes parvulas, quæ demoliuntur vineas. 516  
 IV. 7. 3. Sicut fragmen mali punici, ita gene tue... 556  
 V. . . 10. Dilectus meus candidus & rubicundus. 584  
 7. 11. . . . Comæ ejus sicut elatæ palmarum. 562  
 7. 14. Manus illius tornatiles aurea, plena hyacinthis. 579  
 Venter ejus eburneus distinctus sapphiris. 575  
 VII. 7. 2. . . . Venter tuus sicut acervus tritici, vallatus liliis. 555  
 7. 5. . . . Comæ capitis tui, sicut purpura regis vinctæ canalibus. 598

## EX LIBRO SAPIENTIÆ.

- X. 7. 7. . . . Incerto tempore fructus habentes arbores... 568  
 XIII. 7. 1. Vanî autem sunt omnes homines, in quibus non subest scientia Dei, & de his quæ videntur bona non potuerunt intelligere cum, quiescit, neque operibus attendentes agnoverunt qui esset artifex: 7. 2. Sed

¶. 2. Sed aut ignem, aut spiritum, aut citatum aerem, aut gyrum stellarum, aut nimiam aquam, aut solem & lunam, rectores orbis terrarum deos putaverunt.

¶. 3. Quorum si specie delectati, deos putaverunt: sciant quanto his dominator eorum speciosior est; speciei enim generator hæc omnia constituit. 477

XIV. ¶. 15. Acerbo enim luctu dolens pater, cito rapti sibi filii fecit imaginem: & illum, qui tunc quasi homo mortuus fuerat, nunc tanquam Deum colere cepit, & constituit inter servos suos sacra & sacrificia.

¶. 16. Deinde interveniente tempore, convalescente iniqua consuetudine, hic error tanquam lex custoditus est, & tyrannorum imperio colebantur figmenta. 477

XVI. ¶. 20. Pro quibus Angelorum esca. nutritivisti populum tuum, & paratum panem de cælo præstitisti illis sine labore, omne delectamentum in se habentem, & omnis saporis suavitatem.

¶. 21. Substantia enim tua dulcedinem tuam, quam in filios habes, ostendebat: & deserviens unusquisque voluntati, ad quod quisque volebat convertebatur.

604

## EX LIBRO ECCLESIASTICI.

XXIV. ¶. 20. Sicut cinnamomum, & balsamum aromatizans odorem dedi: quasi myrrha electa dedi suavitatem odoris.

¶. 21. Et quasi storax, & galbanus, & ungula & gutta, & quasi libanus non incisus vaporavi habitationem meam, & quasi balsamum non mistum odor meus. 609

## EX ISAIA.

I. ¶. 11. Quò mihi multitudinem victimarum vestrarum, dicit Dominus? plenus sum; holocausta arietum, & adipem pinguium, & sanguinem vitulorum, et agnorum et hircorum, nolui. 151

VI. ¶. 12.

- VI. **Y. 12...** Et multiplicabitur quæ derelicta fuerat in medio terra. 567
- Y. 13.** Et adhuc in **ca** decimatio, et convertetur, et erit in ostensionem sicut terebinthus, et sicut quercus, quæ expandit ramos suos. 567
- VIII. **Y. 19.** Et cum dixerint ad vos: Quarite à Pythionibus, et à divinis, qui strident in incantationibus suis: Numquid non populus à Deo suo requireret pro vivis à mortuis? 492
- IX. **Y. 10.** Lateres ceciderunt, sed quadris lapidibus edificabimus: sycomoros succiderunt, sed cedros immutabimus. 566
- XI. **Y. 1.** Et egredietur virga de radice Jesse. 543
- XII. **Y. 3.** Haurietis aquas in gaudio de fontibus salvatoris. 141
- XIII. **Y. 21...** Et pilosi saltabunt ibi. 541
- XVI. **Y. 1.** Emitte agnum, Domine, dominatorem terræ. 453
- XVIII. **Y. 1.** *Va* terra cymbalo alarum, quæ est trans flumina Æthiopia. 562
- Y. 2.** Qui mittit in mare legatos, et in vasis papyri super aquas. 282
- XX. **Y. 2...** Vade et solve saccum de lumbis tuis, et calceamenta tua tolle de pedibus tuis: et fecit sic, vadens nudus et discalceatus. 282
- XXV. **Y. 10.** Quia requiescet manus Domini in monte isto: et triturbabitur Moab sub eo, sicuti teruntur palea in planstro. 281 et 646
- XXVII. **Y. 12...** In die illa percutiet Dominus ab alveo fluminis usque ad Torrentem Ægypti. 69
- XXVIII. **Y. 1.** *Va...* ebriis Ephraim. 81
- Y. 27.** Non enim in ferris triturbabitur gith, nec rota planstri super cyminum circuibit: sed in virga excutietur gith, & cyminum in baculo.
- Y. 28.** Panis autem comminuetur, verum non in perpetuum triturans, triturbabit illum neque vexabit cum



cum rota plaustrī, nec unguis suis comminuet eum.

281

XXIX. *†. 4.* Humiliaberis, de terra loqueris, & de humo audietur eloquium tuum: & erit quasi pythōnis de terra vox tua, & de humo eloquium tuum missitabit.

485

XXX. *†. 8.* Nunc ergo ingressus scribe ei super buxum.

547

XXXIV. *†. 13.* Et orientur in domibus ejus spina & urtica, & paliurus in munitionibus ejus.

560

*†. 14.* Occurrent demonia onocentauris.

542

XLII. *†. 3.* Calamum quassatum non conteret...

545

XLIV. *†. 4.* Germinabunt inter herbas quasi salices juxta præterfluentes aquas.

565

XLV. *†. 8.* Rorate cali desuper, & nubes pluant iustum: aperiatur terra, & germinet salvatorem.

453

XLVI. *†. 1.* Confractus est Bel, contritus est Nabo: facta sunt simulachra eorum bestiis & jumentis onera.

520

LV. *†. 13.* Pro salicunca ascendet abies, & pro urtica crescet myrthus.

559 564

LVII. *†. 4....* Nunquid non *vos* filii scelesti, semen mendax.

*†. 5.* Qui consolamini in diis, subter omne lignum frondosum, immolantes parvulos in torrentibus, subter eminentes petras?

480

LXVI. *†. 17.* Qui sanctificabantur, & mundos se putabant in hortis, post januam intrinsecus.

493

## EX JEREMIA.

I. *†. 11....* Virgam vigilantem ego video.

544

II. *†. 18.* Et nunc quid tibi vis in via Ægypti ut bibas aquam turbidam? & quid tibi cum via Assyriorum, ut bibas aquam fluminis.

69

III. *†. 6....* Numquid vidisti quæ fecerit aversatrix Israel?

*Israël? abiit sibimet super omnem montem excelsum, & sub omni ligno frondoso, & fornicata est ibi.*

480

VIII. *Ps. 7. Milvus in calo cognovit tempus suum, turtur, & hirundo, et ciconia custodierunt tempus adventus sui.* 524

*Ps. 17. Quia ecce ego mittam vobis serpentes regulos, quibus non est incantatio...* 531

IX. *Ps. 15... Ecce ego cibabo populum istum absinthio.*

544

*Ps. 17... Vocate lamentatrices et veniant, et ad eas que sapientes sunt, mittite et properent:*

*Ps. 18. Festinent, et assumant super nos lamentum.*

283

*Ps. 26. Visitabo super Ægyptum, et super Juda, et super Edom et super filios Ammon, et super Moab, et super omnes qui attonsi sunt in comam, habitantes in deserto.* 481

XIX. *Ps. 13... Omnes domus, in quarum domatibus sacrificaverunt omni militia celi, et libaverunt libamina diis alienis.* 277

XLVIII. *Ps. 6... Et eritis quasi myrica in deserto.*

558

L. *Ps. 2... Capta est Babylon, confusus est Bel, victus est Merodach, confusa sunt sculptilia ejus, superata sunt idola eorum.* 501

## EX LAMENTATIONIBUS.

IV. *Ps. 3. Sed & lamia nudaverunt mammam, lactaverunt catulos suos.* 509

*Filia populi mei crudelis, quasi struthio in deserto.* 526

*Ps. 5... Qui nutriebantur in croceis, amplexati sunt stercora.* 550

*Ps. 7. Candidiores Nazaraei ejus nive, nitidiores lacte, rubicundiores ebore antiquo, sapphiro pulchriores.*

574 584

SACRÆ SCRIPTURÆ. 711  
EX EZECHIELE.

V. *ſ. 5.* *Hac dicit Dominus Deus: Iſta eſt Jeruſalem, in medio Gentium poſui eam, & in circuitu ejus terras.* *71*

VIII. *ſ. 14.* *Et introduxit me per oſtium porta domus Domini, quod reſpiciebat ad Aquilonem: & ecce ibi mulieres ſedebant plangentes Adonidem.* *ſ05*

XIII. *ſ. 18....* *Va qui conſuunt pulvillos ſub omni cubito manus:* *279*

XVI. *ſ. 12.* *Et dedi in aurem ſuper os tuum, & circulos auribus tuis, & coronam decoris in capite tuo.* *ſ85*

XXI. *ſ. 21.* *Stetit enim rex Babylonis in bivio, in capite duarum viarum, divinationem quarens, commiſcens ſagittas: interrogavit idola.* *175 492*

XLVI. *ſ. 14.* *Et faciet ſacrificium ſuper eo cata mane ſextam partem Ephæ, & de oleo tertiam partem hin, ut miſceatur ſimila: ſacrificium Domino legitimum, juge atque perpetuum.* *657*

EX DANIELE.

IV. *ſ. 30...* *Completus eſt ſermo ſuper Nabuchodonofor, & ex hominibus abjeſtus eſt, & ſœnum ut bos comedit...* *622*

X. *ſ. 5.* *Et levavi oculos meos, & vidi: & ecce vir unus veſtitus lineis, & renes ejus accincti auro obrizo:*

*ſ. 6.* *Et corpus ejus quaſi Chryſolithus, & facies ejus velut ſpecies fulguris, & oculi ejus ut lampas ardens: & brachia ejus, & quæ deorſum ſunt uſque ad pedes, quaſi ſpecies æris candentis: & vox ſermonum ejus ut vox multitudinis.* *ſ78*

XIII. *ſ. 54...* *Qui ait: Sub ſchino.* *ſ63*  
*ſ. 58...* *qui ait: ſub prino.* *ibid.*

EX OSEE.

II. *ſ. 16.* *Et erit in die illa, ait Dominus: vocabit me: Vir meus: et non vocabit me ultra, Baali.*

*ſ. 17.*



712 INDEX TESTIMONIORUM

V. 17. Et auferam nomina Baalim de ore ejus, et non recordabitur ultra nominis eorum. 495

III. V. 4. Quia dies multos sedebunt filii Israel sine rege, et sine principe, et sine sacrificio, et sine altari, et sine Ephod et sine theraphim. 175

IV. V. 12. Populus meus in ligno suo interrogavit, et baculus ejus annuntiavit ei: spiritus enim fornicationum decepit eos, et fornicati sunt à Deo suo.

492

X. V. 5. Vaccas Bethaven coluerunt habitatores Samariae. 79

XIV. V. 7.... Et erit quasi oliva gloria ejus... 560

EX IOELE.

I. V. 4. Residuum cruce comedit locusta, et residuum locustæ comedit bruchus, et residuum bruchi comedit rubigo. 534

EX AMOS.

V. V. 26. Et portastis tabernaculum Moloch vestro, et imaginem idolorum vestrorum, sidus Dei vestri quæ fecistis vobis. 497

VII. †. 14... Non sum propheta, et non sum filius prophetae; sed armentarius ego sum vellicans sycamoros. 566

EX IONA.

I. †. 5... Et clamaverunt viri ad deum suum. 476

IV. †. 6. Et preparavit Dominus Deus hederam, & ascendit super caput Jonæ. 554

EX MICHÆA.

IV. †. 13. Surge & tritura filia Sion; quia cornutum ponam ferreum, & ungulas tuas ponam areas, & comminues populos multos. 606

V. †. 2. Et tu Bethlechem Ephrata parvulus es in milibus Juda. 228

VII. †. 4. Qui optimus in eis est, quasi paliurus. 560

SACRÆ SCRIPTURÆ. 713  
EX ZACHARIA.

VII. *z. 12.* Et cor suum posuerunt ut adamantem....

581

X. *z. 2.* Quia simulachra locuta sunt inutile. 175

EX I. MACHABÆORUM.

I. *z. 15.* Et edificaverunt gymnasium in Jerosolymis secundum leges nationum:

*z. 16.* Et fecerunt sibi praputia, & recesserunt à testamento sancto, & juncti sunt nationibus, & venundati sunt ut facerent malum. 629

VI. *z. 34.* Et elephantis ostenderunt sanguinem uve & mori, ad acuendos eos in praelium. 558

EX II. MACHABÆORUM.

IV. *z. 19.* Misit Jason facinorosus ab Jerosolymis viros peccatores, portantes argenti didrachmas trecentas in sacrificium Herculis. 499

XII. *z. 43.* Et facta collatione duodecim millia drachmas argenti misit Jerosolymam offerre pro peccatis mortuorum sacrificium, bene & religiose de resurrectione cogitans:

*z. 44.* Nisi enim eos quiceciderant resurrekturos speraret, superfluum videretur, & vanum orare pro mortuis.

*z. 45.* Et quia considerabat quod hi, qui cum pietate dormitionem acceperant, optimam haberent repositam gratiam.

*z. 46.* Sancta ergo, & salubris est cogitatio pro defunctis exorare, ut à peccatis solvantur. 284

EX MATHÆO.

V. *z. 22....* Omnis qui irascitur fratri suo, reus erit iudicio. Qui autem dixerit fratri suo, raca: reus erit concilio... 230

*z. 25.* Esto consentiens adversario tuo citò dum es in via... 237

VIII. *z. 6....* Domine, puer meus jacet in domo paralyticus, & malè torquetur. 624

VI. *z. 7.....* Putant enim quod in multiloquio suo

Zz

cxv-

exandiantur.

481

X. †. 27.... Quod in aure auditis predicate super te-  
sta. 277

XI. †. 19.... Et justificata est sapientia à filiis suis.  
183

XII. †. 41. Viri Ninivite surgent in iudicio cum ge-  
neratione ista...

†. 42. Regina Austri surget in iudicio cum generatio-  
ne ista. 438

XV. †. 2. Quare discipuli tui transgrediuntur tradi-  
tionem seniorum? Non enim lavant manus suas cum  
panem manducant. 192

†. 5. Vos autem dicitis: quicumque dixerit patri vel  
matri, munus quodcumque est ex me tibi proderit.  
162

XVII. †. 14..... Domine, miserere filio meo, quia lu-  
naticus est, & male patitur: nam sepe cadit in  
ignem, & crebrò in aquam. 621

XVIII. †. 3... Nisi... efficiamini sicut parvuli, non  
intrabitis in regnum celorum. 444

XX. †. 21... Dic ut sedeant hi duo filii mei, unus ad  
dexteram tuam, & unus ad sinistram in regno tuo.  
232

XXI. †. 44. Et qui ceciderit super lapidem istum con-  
fringetur; super quem verò ceciderit, conteret eum.  
247

XXIII. †. 75.... Quia circuitis mare & aridam, ut  
faciatis unum profelytum. 11

XXIV. †. 16. Et qui in tecto, non descendat tollere  
aliquid de domo sua. 86

XXVII. †. 25.... Sanguis ejus super nos, & super fi-  
lios nostros. 238

†. 34. Et dederunt ei vinum bibere cum felle mistum:  
Et cum gustasset, noluit bibere. 247

E X M A R C O.

XII. †. 3.... Nisi crebrò laverint manus, non mandu-  
cant,

# SACRÆ SCRIPTURÆ. 713

- cant, tenentes traditionem seniorum.* 193
- †. 11. *Vos autem dicitis: Si dixerit homo patri aut matri: Corban (quod est donum) quodcumque ex me tibi profuerit.* 162
- IX. †. 2. .... *Qualia fullō non potest super terram candida facere.* 546
- XIII. †. 1. ... *Magister, aspice quales lapides, & quales structura.* 99
- XV. †. 23. *Et dabant ei bibere myrrhatum vinum: & non accepit.* 247

## EX L U C A.

- I. †. 9. .... *Sorte exiit ut incensum poneret, ingressus in Templum Domini.* 170
- VI. †. 1. *Factum est autem in Sabbato secundo primo..* 135
- XI. †. 12. *Aut si petierit ovum, nunquid porriget illi scorpionem?* 536
- XIII. †. 33. .... *Quia non capit prophetam perire extra Jerusalem.* 157
- XVIII. †. 12. *Jejuno bis in Sabbato.* 103
- XX. †. 2. *Et aiunt ad illum: Dic nobis in qua potestate facis?* 233
- XXII. †. 66. *Et ut factus est dies, convenerunt seniores plebis, & principes sacerdotum & scriba, & duxerunt illum in concilium suum, dicentes:* 236
- XXIV. †. 44. .... *Quoniam necesse est impleri omnia, quæ scripta sunt in lege Moysi, & Prophetis, & Psalmis de me.* 333

## EX J O A N N E.

- I. †. 27. .... *Cujus ego non sum dignus ut solvam ejus corrigiam calceamenti.* 276. 14 144
- II. †. 1. *Et die tertia nuptia facta sunt in Cana Galilæe:* 272
- †. 20. .... *Quadraginta & sex annis edificatum est templum hoc.* 47
- III. †. 4. .... *Quomodo potest homo nasci, cum sit senex?*

numquid potest in ventrem matris sue iteratò introire, & renasci? 12

VII. §. 22. Propterea Moyses dedit vobis circumcissionem; non quia ex Moyse est, sed ex patribus. 102.

§. 37. In novissimo autem die magno festivitatis stabat Jesus, & clamabat, dicens: si quis sitit, veniat ad me, & bibat. 141

§. 51. Numquid lex nostra judicat hominem, nisi prius audierit ab ipso, & cognoverit quid faciat. 238

VIII. §. 7.... Qui sine peccato est vestrum, primus in illam lapidem mittat. 248

§. 56. Abraham pater vester exultavit ut videret diem meum: vidit, & gavisus est. 20

XI. §. 9. Respondit Jesus: Nonne sunt duodecim hora diei. 102

XVIII. §. 31.... Nobis non licet interficere quemquam. 233

XXI. §. 22..... Sic enim *vole* manere donec veniam. 414

## EX ACTIBUS APOSTOLORUM.

I. §. 12. Tunc reversi sunt Jerosolymam à monte qui vocatur Oliveti, qui est juxta Jerusalem, Sabbathi habens iter. 130

§. 18..... Et suspensus crepuit medius, & diffusa sunt omnia viscera ejus. 626

II. §. 23. Hunc definito consilio, & præscentia Dei traditum, per manus iniquorum affigentes interemisistis. 138

VII. §. 43. Et suscepistis tabernaculum Moloch & simulacrum Dei vestri Rempham, figuras, quas fecistis, adorare eas. 497

XII. §. 22. Populus autem acclamabat: Dei voces & non hominis.

§. 23. Confestim autem percussit eum Angelus Domini, eo quòd non dedisset honorem Deo; & consumptus ver-

vermibus, expiravit.

52. 629

XV. 7. 20. Sed scribere ad eos ut abstineant se à contaminationibus simulachrorum, & fornicatione, & suffocatis & sanguine.

252

XVI. 7. 13. Die autem Sabbatorum egressi sumus foras portam juxta flumen, ubi videbatur oratio esse.

100

7. 22. .... Et magistratus, scissis tunicis eorum, jusserunt eos virgis cedi;

7. 23. Et cum multas plagas eis imposuissent, miserunt eos in carcerem.

244

XVII. 7. 23. Prateriens enim, & videns simulachra vestra, inveni & aram in qua scriptum erat: **IGNOTO DEO.** Quod ergo ignorantes colitis, hoc ego annuntio vobis.

480

XIX. 7. 29. Et impleta est civitas confusione, & impetum fecerunt uno animo in theatrum, rapto Gaio & Aristarcho Macedonibus, comitibus Pauli.

7. 30. Paulo autem volente intrare in populum, non permiserunt discipuli.

7. 31. Quidam autem & de Asia principibus, qui erant amici ejus, miserunt ad eum, rogantes ne se daret in theatrum:

XXI. 7. 24. His assumptis, sanctifica te cum illis: & impende illis ut radant capita: & scient omnes quia qua de te audierunt, falsa sunt, sed ambulas & ipse custodiens legem.

7. 26. Tunc Paulus assumptis viris, postera die purificatus cum illis intravit in templum, annuntians expletionem dierum purificationis, donec afferretur pro unoquoque eorum oblatio.

179

XXII. 7. 3. Et dicit: Ego sum vir Judeus.... secus pedes Gamaliel eruditus juxta veritatem paternæ legis...

178

XXVII. 7. 9.... Et cum jam non esset tuta navigatio, eo quod & jejunium jam praterisset...

137

Zz 3

V. 14.



718 INDEX TESTIMONIORUM

- †. 14. Non post multum autem misit se contra ipsam  
ventus Typhonicus, qui vocatur euro-aquilo. 642
- †. 15. Cumque arrepta esset navis, & non posset co-  
nari in ventum, data nave flatibus, ferebamur.
- †. 16. In insulam autem quamdam decurrentes, qua  
vocatur cauda, potuimus vix abstinere scapham.
- †. 17. Qua sublata, adjutoriis utebantur, accingentes  
navem, timentes ne in syrtim inciderent, summisso  
vase sic ferebantur, 640
- †. 18. Valida autem nobis tempestate jactatis, sequen-  
ti die jactum fecerunt.
- †. 19. Et tertia die suis manibus armamenta navis  
projecerunt, 641
- †. 20. Neque autem sole, neque sideribus apparenti-  
bus per plures dies, & tempestate non exigua im-  
minente, jam ablata erat spes omnis salutis nostrae.  
642
- †. 28. Qui & summittentes bolidem, invenerunt pas-  
sus viginti: & pusillum inde separati, invenerunt  
passus quindecim, 638
- †. 29. Timentes autem ne in aspera loca incideremus,  
de puppi mittentes anchoras quatuor, optabant diem  
fieri.
- †. 30. Nautis quarentibus fugere de navi, cum misis-  
sent scapham in mare, sub obtentu quasi inciperent  
à prora anchoras extendere. 639
- †. 29. Cum autem dies factus esset, terram non agno-  
scebant: sinum verò quemdam considerabant habon-  
tem littus, in quem cogitabant, si possent ejicere  
navem.
- †. 40. Et cum anchoras sustulissent, mittebant se  
mari, simul laxantes juncturas gubernaculorum: &  
levato artemone secundum auræ flatum tendebant  
ad littus.
- †. 41. Et cum incidissemus in locum dihalassum, im-  
pegerunt navem: & prora quidem fixa manebat im-  
mobi-

*mobilis, puppis verò solvebatur à vi maris.* 642

Ÿ. 42. *Militum autem consilium fuit ut custodias occiderent: ne quis cum enatasset, effugeret.*

Ÿ. 43. *Centurio autem volens servare Paulum, prohibuit fieri: iussitque eos, qui possent natare, emittere se primos & evadere, & ad terram exire:*

Ÿ. 44. *Et ceteros alios in tabulis ferebant: quosdam super ea, quæ de navi erant. Et sic factum est ut omnes animæ evaderent ad terram.* 643

XXVIII. Ÿ. 11.... *Navigavimus in navi Alexandrina... cui erat insigne Castorum.* 638

## EX EPISTOLA AD ROMANOS.

VI. Ÿ. 23. *Stipendia enim peccati, mors.* 635

VIII. Ÿ. 3.... *Deus filium suum mittens in similitudinem carnis peccati, & de peccato damnavit peccatum in carne.* 159

IX. Ÿ. 3. *Optabam enim ego ipse anathema esse à Christo profratribus meis.* 242. 241 658

XI. Ÿ. 16. *Quod si delibatio sancta est, & massa.* 163

XII. Ÿ. 20..... *Hoc enim faciens, carbones ignis congeres super caput ejus* 376

XIV. Ÿ. 22..... *Beatus qui non judicat semeptisum in eo, quod probat.* 239

## EX I. AD CORINTHIOS.

VI. Ÿ. 9. *Puto enim quod Deus nos Apostolos novissimos ostendit, tanquam morti destinatos, quia spectaculum facti sumus mundo, & Angelis, & hominibus.* 628

Ÿ. 13..... *Tanquam purgamenta hujus mundi facti sumus omnium peripsēma usque adhuc.* 242

V. Ÿ. 2.... *Et non magis luctum habuistis ut tollatur à medio vestrum qui hoc opus fecit.* 240

Ÿ. 5. *Tradere hujusmodi satanæ in interitum carnis, ut spiritus salvus fiat.* 240

Ÿ. 7. *Expurgate vetus fermentum.* 133



- §. 11. .... Si is qui frater nominatur, est fornicator, aut avarus, aut idolis serviens, aut maledicus, aut ebriosus, aut rapax; cum ejusmodi nec cibum sumere. 240
- VI. §. 5. Sic non est inter vos sapiens quisquam, qui possit judicare inter fratrem suum. 177
- VII. §. 18. Circumcisis aliquis vocatus est? non adducat præputium. In præputio aliquis vocatus est? non circumcidatur.
- §. 19. Circumcisio nihil est, & præputium nihil est: sed observatio mandatorum Dei. 4. 270
- VIII. §. 4. .... Scimus quia nihil est idolum in mundo. 490
- IX. §. 7. Quis militat suis stipendiis unquam? 635
- §. 13. Nescitis quoniam qui in sacrario operantur, quæ de sacrario sunt, edunt: & qui altari deserviunt, cum altari participant? 161
- §. 24. Nescitis quod ii, qui in stadio currunt, omnes quidem currunt, sed unus accipit bravium? sic currite ut comprehendatis.
- §. 25. Omnis autem qui in agone contendit, ab omnibus se abstinere, & illi quidem ut corruptibilem coronam accipiant; nos autem incorruptam.
- §. 26. Ego igitur sic curro, non quasi in incertum: sic pugno non quasi aerem verberans. 630
- §. 27. Sed castigo corpus meum, & in servitutem reddo: ne forte cum aliis prædicaverim, ipse reprobus efficiar. 632
- X. §. 21. Non potestis mensa Domini participes esse, & demoniorum. 161
- §. 31. Sive ergo manducatis, sive bibitis, sive aliud quid facitis; omnia in gloriam Dei facite. 219
- XI. §. 30. Ideò inter vos multi infirmi & imbecilles, & dormiunt multi. 239
- XII. §. 3. .... Nemo in spiritu Dei loquens, dicit anathema Jesu. 240

XIII. 7. 12.... Tunc autem cognoscam, sicut & cognovimus sum. 375

XIV. 7. 20. Fratres nolite pueri effici sensibus.... 444

XVI. 7. 1. De collectis autem, quæ sunt in sanctos, sicut ordinavi Ecclesiis Galatia, ita et vos facite.

7. 2. Per unam sabbati unusquisque vestrum apud se seponat, recondens quod ei bene placuerit ut non, cum venero, tunc collecta fiant.

7. 3. Cum autem presens fuero: quos probaveritis per Epistolas, hos mittam perferre gratiam vestram in Jerusalem.

# EX II. AD CORINTHIOS.

I. 7. 20. Quotquot enim promissiones Dei sunt, in illo EST: ideo et per ipsum AMEN Deo ad gloriam nostram. 654

V. 7. 21. Eum, qui non noverat peccatum, pro nobis peccatum fecit, ut nos efficeremur iustitia Dei in ipso. 159

VI. 7. 14. Nolite jugum ducere cum infidelibus... :

# EX EPISTOLA AD GALATAS.

V. 7. 3. Testificor autem rursus omni homini circumcidenti se, quoniam debitor est universe legis facienda. 11

7. 12. Utinam & abscindantur qui vos conturbant. 240

VI. 7. 17. De cetero nemo mihi molestus sit: ego enim stigmata Domini JESU in corpore meo porto. 482  
625

# EX EPISTOLA AD EPHESIOS.

V. 7. 3. Fornicatio autem & omnis immunditia aut avaritia nec nominetur in vobis, sicut decet sanctos. 514

VI. 7. 13. Propterea accipite armaturam Dei, ut possitis resistere in die malo, & in omnibus perfecti stare.

†. 14. *State ergo succincti lumbos vestros in veritate , & induti loriceam justitie .*

†. 15. *Et calceati pedes in preparatione Evangelii pacis .*

†. 16. *In omnibus sumentes scutum fidei , in quo positis omnia tela nequissimi ignea extinguere .*

†. 17. *Et galeam salutis assumite , & gladium spiritus ( quod est verbum Dei . )*

## EX EPISTOLA AD PHILIPPENSES.

III. †. 5. *Circumcisis octavo die , ex genere Israel , de tribu Benjamin ; Hebraus ex Hebrais , secundum legem Phariseus .*

†. 11. *Si quomodo occurram ad resurrectionem qua est ex mortuis .*

†. 12. *Non quod jam acceperim aut jam perfectus sim : sequor autem , si quo modo comprehendam in quo & comprehensus sum à Christo Jesu .*

†. 13. *Fratres , ego me non arbitror comprehendisse . Unum autem , qua quidem retro sunt obliviscens , ad ea vero qua priora , extendens me ipsum .*

†. 14. *Ad destinatum persequor , ad bravium supernae vocationis Dei in Christo Jesu .*

IV. †. 3. *Etiam rogo & te germane compar , adjuva illas , qua mecum laboraverunt in Evangelio .*

## EX II. AD TIMOTHEUM.

II. †. 2. *Et qua audisti à me per multos testes , hac commenda fidelibus hominibus , qui idonei erunt & alios docere .*

†. 3. *Labora sicut bonus miles Christi Jesu .*

†. 4. *Nemo militans Deo , implicat se negotiis secularibus : ut ei placeat , cui se probavit .*

IV. †. 7. *Bonum certamen certavi , cursum consummavi , fidem servavi .*

†. 8. *In reliquo reposita est mihi corona justitie , quam reddet mihi Dominus in illa die justus iudex .*

EX EPISTOLA AD TITUM.

III. †. 11. *Sciens quia subversus est, qui ejusmodi est, & dereliquit, cum sit proprio judicio condemnatus.*

239

EX EPISTOLA AD HEBRÆOS.

I. †. 1. *Multifariam multisque modis olim Deus loquens patribus in Prophetis; novissime*

†. 2. *Diebus istis locutus est nobis in Filio...* 182

VI. †. 19. *Quam sicut anchoram habemus animæ tutam ac firmam...* 639

IX. †. 16. *Ubi enim testamentum est; mors necesse est intercedat testatoris.* 314

†. 22.... *Et sine sanguinis effusione non fit remissio.* 149

†. 28.... *Sine peccato apparebit expectantibus se, in salutem.* 159

X. †. 5... *Hostiam & oblationem noluit: corpus autem aptasti mihi.* 257

†. 6. *Holocautomata pro peccato non tibi placuerunt.* 159

†. 7. *Tunc dixi: Ecce venio: in capite libri scriptum est de me: ut faciam, Deus, voluntatem tuam.* 337

†. 33. *Et in altero quidem, opprobriis, & tribulationibus spectaculum facti.* 625

XI. †. 4. *Fide plurimam hostiam Abel, quàm Cain, obtulit Deo, per quam testimonium consecutus est esse justus, testimonium perhibente muneribus ejus Deo..* 149

†. 37. *Lapidati sunt, secti sunt, tentati sunt... circue- runt in melotis, in pellibus caprinis.* 250 598

XII. †. 1.... *Deponentes omne pondus, & circumstans nos peccatum, per patientiam curramus ad propositum nobis certamen.* 630

EX EPISTOLA B. JACOBI.

III. †. 4. *Ecce & naves cum magna sint, & à ventis vali-*

724 INDEX TESTIMON. SAC. SCRIPT.

*validis minentur, circumferuntur à modico gubernaculo, ubi impetus dirigentis voluerit.* 637

EX EPISTOLA B. JUDÆ.

7. 12. *Hi sunt .... arbores autumnales, infructuose, his mortue.* 568

EX APOCALYPSI.

II. 7. 17... *Vincenti dato manna absconditum & dabo illi calculum candidum: & in calculo nomen novum scriptum...* 238

III. 7. 5. *Qui vicerit sic vestietur vestimentis albis, & non delebo nomen ejus de libro vite.* 170

VI. 7. 13. *Et stelle de calo ceciderunt super terram sicut ficus emittit grossos suos, cum à vento magno movetur.* 551

VII. 7. 9... *Amicti stolis albis, et palmae in manibus eorum.* 561

IX. 7. 9... *Et vox alarum earum sicut vox currum equorum multorum currentium in bellum.* 534

XIX. 7. 12... *Habens nomen scriptum, quod nemo novit nisi ipse.* 488

Finis indicis Testimoniorum S. Scripturæ.

## I N D E X

## R E R U M &amp; V E R B O R U M.

**A** *ARON*. Summus Dei sacerdos; ad filios ejus sacerdotium pertinuit. **7.** Juxta Arcam virga ejus apposita. **91**

*Abel* à fratre invidia occisus Christum à Judæis occidendum significabat. **16**

*Abraham*, Vocatus à Deo. **18.** Duplex vocatio distinguenda *ibid.* Quare dictus *Hebraeus*. **361.** Huic renovatur promissio de numerosa prole. **19.** Videt diem Christi. *ibid.* Genuit Ismael. **21.** Præceptum accipit de circumcisione. *ibid.* Huic nascitur Isaac, futurus hæres. **21.** moritur. **22**

*Adam*. Ejus & Evæ lapsus. **16.** Non omnes filii Adam à Moyse sunt enumerati **16.** Cur? **17**

*Ægyptus*. Descriptio ejus, & deserti per quod Israelitæ peregrinati sunt. **64**

*Ære*. Variæ apud Judæos. **111**

*Æs*. Pretium æris mutationibus subjacet **292.** Nummi æreorum valor quomodo inquirendus. **293**

*Ætas*. Prima mundi ætas à creatione ad diluvium. **16.** Secunda à diluvio ad vocationem Abrahæ. **18.** Tertia à vocatione Abrahæ ad Exodum ex Ægypto. **19.** Quarta ab Exodo ad constructionem Templi. **26.** Quinta à constructione Templi ad finem captivitatis Babylonicæ **32.** Sexta à libertate donata per Cyrum ad Christum natum **43.** Novissima ætas à Christo nato ad everisionem Templi.

**49**  
*Africa*. Descriptio ejus. **64**

*Agnus Paschalis*. Qua die legendus. In Templo ma-  
ctan-

ſtandus quo loco, tempore & ritu comedendus.

133. Figura Chriſti immolandi. 132. Agnus in quotidiano ſacrificio.

157

*Agraria lex.* 257. V. *Jubileus.*

*Alexandrini.* V. *Schiſma.*

*Altare.* Altare æneum in Tabernaculo. 89. Dimenſio altaris in Templo. 96. In eo macſtabantur. *ibid.* Ad illud gradibus aſcendere non licebat. *ibid.* In eo ignis perpetuus alendus. 89. 96. Altaris aurei ſitus in Tabernaculo. 91. In Templo. 95

*Amphora.* Figura ejus & capacitas. 285

*Anima.* Hanc immortalẽ eſſe fuit Judæorum fides. 284

*Animalia.* Eorum genera varia diſtincta à Judæis. 507. Animalium, quorum in ſcripturis mentio fit, nomina & proprietates 510. De quadrupedibus oviparis. 521. De animalibus infectis. 533. De animalibus aquaticis. 536. De animalibus dubiis vel fabuloſis. 539

*Annus.* Annorum initium quadruplex. 110. Multiplex annus apud Judæos. *ibid.* Annus ſabbatarius. 110. 129. Annus Jubileus *ibid.* Judæorum religio circa annorum initium. 105

*Apoſtolus.* Origo hujus nominis. 271

*Aquila.* Tres aquilæ ſpecies. 525 526

*Arca Noe.* Figura Eccleſiæ. 17. Ubi conſtructa. 59 Ubi requievit *ibid.*

*Arca fœderis.* Figura ejus. 90. Locus ejus Sanctum ſanctorum. *ibid.* & 95. Juxta illam Aaronis virga, & urna in qua erat manna appoſitæ. 91. Poſtquam ſepties circumlata eſt, cadunt muri ac turres urbis Jericho 30. Vocatur à Pſalmiſta *ſcabellum pedum Domini.* 221. Cherubim huic adhærentia quadriformia erant. *ibid.*

*Archelaus.* Regnat. 49. In exilium mittitur. *ibid.* & 85

*Archi-*

# RERUM & VERBORUM. 727

- Archisynagogus*. Unde sic dictus. 177
- Argentum*. In eo duodecim puritatis gradus, seu denarii notantur. 292
- Arioli*. Variis nominibus vocabantur. 491
- Aromata*. Quorum mentio fit in Scriptura. 607. & seqq.
- Ars*. Artes non ignoravere Judæi. 282. Divites & nobiles artem aliquam profitebantur. *ibid.*
- As*. Vilis nummus. 293. Quomodo dividatur. 286. Pondus Assis. 294
- Asia*. Limites ejus. 59. Ab initio nobilis. 55. Patriarcharum sedes. 59
- Asphaltites Lacus*. Ubi situs. 72. Mare mortuum & mate salis dicitur. *ibid.*
- Astronomia*. Astronomiæ imperiti Judæi. 104. Astronomiæ principia. 103 106
- Assamonei*. V. *Macchabei*.
- Atrium*. Multiplex juxta Tabernaculum & Templum. 89. & 95. Atrium Israelis ulla immunditiæ pollutum attingere nefas erat. 96
- Aves*. De quibus disseritur in Scriptura. Aves mundæ. 522. Aves immundæ. 525
- Augurium*. Species Idololatriæ. 492
- Augustus*. Finem bellis civilibus imponit. 47. Herodis testamentum confirmat. 47. Edictum ejus ut describeretur universus orbis. 48. Moritur. 49. Hujus decretum in gratiam Judæorum. 103
- Aurum*. In auro viginti quatuor puritatis gradus seu caractæ distinguuntur. 291. Auri ratio ad argentum non semper, nec ubique eadem 292. Varia auri nomina in Scripturis. 593
- Azyna*. Lex Azymorum. 133. Quot essent ex lege dies Azymorum. *ibid.* Quæ esset prima. 134. Primitiæ Messis oblata post magnam diem Azymorum. 134



**B** *ALAAM.* Vaticinatur de Messia ut stella orituro .  
29

*Baptismus.* Rituum ejus origo. 11

*Bdellium.* Quid sit? 58

*Behemot.* Descriptio ejus. 538

*Benedictiones.* Quot quisque Judæus teneatur recitare  
in die. 218

*Benjamin* Tribus ferro fere absumpta. 30

*Biblia.* Judæorum religio erga Biblia. 213. 383. Bi-  
bliorum divisio 314. & seqq. V. *Scriptura* . S.  
*Lex.*

*Bissexus.* Quid? 108

*Boos.* V. *Columna.*

*Butyrum.* Quid *butyri* nomine intelligendum sit .  
606

**C** *ABALA.* In quo differat à *massora* 392. Caba-  
la multiplex. *ibid.* cabala practica. Cabalistarum  
ineptiæ. *ibid.* 392

*Calceamenta.* V. *Sandalia.*

*Calvarius.* Unde mons ille nomen habuit. 86

*Candelabrum aureum.* 91. 95

*Canonici libri.* V. *Libri.*

*Canticum Canticorum.* Legere ante annum trigesium  
non licebat Judæis. 382

*Captivitas.* Initium lxx. annorum captivitatis Babylo-  
nicæ. 41. Finis ejus 43. Captivitatis Principes. 227

*Caracta.* Vulgò *carats.* Quid sit. 291

*Carmelus.* In hoc monte ara sine simulacro & tem-  
plo. 72

*Castra* Levitarum & aliarum tribuum quadrata erant.  
88. 92. Dispositio tribuum in castris. *ibid.* Vexilla  
tribuum quæ castris præerant. *ibid.*

*Cedron.* Unde torrens ille sic dictus. 85

*Cete.* Varia sunt; alia majora alia minora. 509

*Chanaam.* V. *Terra promissionis.*

*Cherubim.* Nominis origo. 90 584  
*Chri-*

*Christus*. V. *Messias*.

*Cibus*. Consuetudines circa cibum & potum. 279.

280. De re cibaria. 603. & seqq.

*Circumcisio*. Hac distinguebantur Hebræi à cæteris Gentibus. 2. Signum fœderis inter Deum & Hebræos. *ibid.* Circumcisione quisque fiebat de Populo Dei. 253. Omissa per quadraginta annos peregrinationis in deserto. 5. Repetita à Josue priusquam Populus Pascha comederet in Terra Chanaan. *ibid.* Octavus dies circumcisioni destinatus.

8. Post mortem Christi vim suam perdidit. 3. Judæos adducentes præputium culpat Apostolus. 4. Hieronymi interpretatio allegorica. *ibid.*

*Concilia* Gentis Hebraicæ diversa. 230. Fiebat clangore tubarum. *ibid.*

*Columba*. Symbolum integritatis & munditiæ. 523. Erat Assyriis pro symbolo vexillorum. *ibid.* Docilis & homini amica. *ibid.* Stercus columbæ quid. *ibid.*

*Columnæ* Jachim & Boos in introitu Templi. 95

*Comam* in rotundum non tondent Judæi. 276

*Commentarii*. V. *Scriptura*.

*Concordiæ* seu *harmonie* variorum Librorum S. Scripturæ 451 & seqq.

*Concordiarum* Evangelicarum autores varii. 467

*Concordantiæ*. Harum authores. 449

*Congius*. Capacitas ejus. 285 300

*Corpus* totum lavare tenebantur Judæi. 279

*Crucifixio* non usitata apud Judæos. 245. Christus Romano non Judaico more cruci affixus. 246

*Cupiditas*. Adversatur societati. 256. Legibus Hebræorum coercebatur. 256

**DÆMON**. Certum est nonnulla patrasse Dæmones quæ ordinarias naturæ vires superant. 483. Plurima prænuntiabant quæ habuerunt exitum. 484

- Daniel.** Sagacitate commendatus. 43. A Judæis eximitur è numero Prophetarum. 333
- David.** Ab eo Goliath interfectus est. 37. Huic renovata promissio de futuro orbis redemptore. 32. Moritur. *ibid.*
- Decalogus** summam Legis continet. 253. Præcepta triusque Tabulæ. 254
- Decapolis.** Unde sic dicta. 82
- Decima.** Unde numeratur annus decimandi pecoris, & plantationis arborum 110. 164. Decimarum genus quadruplex. 163. Decimæ Hierosolymam ad Templum delatæ. 164. Redimi poterant decimæ. *ibid.* Ratio decimandi pecoris. 165
- Dedicatio.** V. *Templum.*
- Demersio** supplicii genus. 249
- Denarius.** Unde nomen habeat? 287. Valor ejus. *ibid.* Non semper ejusdem ponderis. *ibid.* Denarius seu puritas argenti, quid? 291
- Deus.** Existentia Dei probatur. 15. Hebræorum Rex & Imperator. 91. Varia Dei nomina usitata in Scripturis. 487. & *seqq.* Judæorum Religio circa nomen tetragrammatum. 487
- Deuteronomium.** Summa totius libri. 317. Author. *ibid.* Quid sentiendum de octo ultimis versiculis. *ibid.* & 340
- Dies.** Diei antiqua divisio 101. In unaquaque die distinguebatur duplex vespera 102. Dies angariarum. 112
- Divinatio.** Species Idololatriæ. 491
- Domus.** Usus circa domorum ædificationem. 207. Tecta erant plana. 86. 277. Domus procerum peristyllo ornabantur, 87. 277. Domus non conducebantur in urbe Jerusalem, sed patebant advenis. 86. 278. Clave non obserabantur. 278. Quomodo in postibus ædium verba legis inscriberent. 277

*Drachma* quid?

188

**E**CCLESIA. *Authoritas ejus circa Scripturam.*

351

*Editiones Scripturæ. Traditio de præcepto scribendi sibi librum Legis. 423. Varii Textus Hebræi codices. 423. Editiones versionis LXX. senum. 430. Vulgatæ latinæ. 425. Polyglottorum. 426. 430. & seqq.**Ephod, vestimentum proprium summo Sacerdoti. 173. Eo indutus perfecta cognitione veritatis donabatur à Deo.*

173

*Esau. Nascitur. 22. Vendit primogenita. 22. Fratri reconciliatur.*

23

*Essenii. V. Secta.**Ethnarcha quis?*

84

*Evangelium. Pars Scripturarum sanctissima 666. Quotidie legendum.*

667

*Europa. Limites. 55. Insulæ.*

ibid.

*Excelsa. V. Sacrificia.**Excommunicatio. Quid? 239. Pro excommunicatis habebantur Ethnici, Samaritani, &c. 240. Excommunicatio pœna Ecclesiastica & civilis. 239. Status hominis excommunicati. 240. Tres excommunicationis species.*

242

*Expiatio. Expiationis festum etiam Jejunium dictum. 137. Hac die summus sacerdos intrabat in sanctum sanctorum. 138. Sacrificium hac die oblatum. 138. hac die decimi mensis Tisri reparata à Moyse Tabulæ quas confregerat iratus.*

139

**F**ERMENTUM ab altari amovendum. 136. 155. Fermento purgandæ domus in festo Paschatis.

133

*Ferta multiplicis erant generis. 155. Quomodo fierent. ibid. Quomodo coquerentur.*

ibid.

*Festa. Eorum genus triplex. 129. Festa majora celebranda Hierosolymis in Templo. 131. Festi cusu-*

A a a

2

que

que celebrandi ritus.

131. & seqq.

*Figure. V. Typus.*

*Fimbria.* Fimbrias per quatuor angulos palliorum ponebant Judæi. 274. Usus hodiernus circa fimbrias. *ibid.*

*Fluvius.* Fluvii terræ Israel.

72

*Funus.* Usus Judæorum circa funera defunctorum. 282.

*Furtum.* Furti poena.

257

**G** *ABAONITÆ.* A Josue addicti ut ligna & aquas in ministerium Templi & altaris comportarent.

177

*Galilæa.* Duplex 79. Galilæa Gentium.

82

*Gemma. V. Lapides.*

*Gemara* quid?

268

*Genealogia.* Duplex, legalis & naturalis. 273. Genealogiarum libri qua cura servati. *ibid.*

*Genezareth* lacus unde nomen habeat.

83

*Genesis.* Primus Bibliorum liber; unde sic inscriptus.

315

*Gigantes,* incolæ terræ Israel.

73

*Gracia.* Pars Europæ. Populi in ea celebres.

55

**H** *EBDOMAS.* Hebdomadum diversæ species. 103. etiam *Sabbatum. ibid. &*

216

*Lingua Hebræa.* Omnium antiquissima. 360. Unde dicta Hebræa. 361. Aliarum linguarum mater.

364. Maximam mutationem subiit in captivitate Babylonica. *ibid.* Quando desierit esse vernacula.

364. Hujus idiotismi sive proprietates. 374. Veteris Testamenti libri plerique primum Hebraicè scripti. 360. Ipsi characteres in captivitate mutati. 365.

Alphabetum Hebraicum. 371. Puncta vocalia quando & à quibus inventa. 367. Unde versionum

Textus Hebraici tanta diversitas. 373. Correctiones scribarum, quid?

385

*Hebrai.* Eorum origo. 1. Nomina varia. 2. Circumcisio-

cissione ab aliis distincti. 2. Divisio in Tribus & familias. 7. Hebræi nati, Hebræi facti, seu proselyti. 9. V. *Proselyti. Israelita. Judei.*

*Heli* judicavit Populum Dei. 31. Moritur fracta cer- vice. *ibid.*

*Hellenista.* Unde dicti. 202. 401. Diffidia inter Hel- lenistas & Hebræos. 203

*Herodes.* Huic Galilæa curanda committitur. 46. Rex Judæorum appellatus. *ibid.* Proprium filium suffocari jubet. 47. In regno confirmatur ab Au- gusto. 47. Templum instaurat. *ibid.* Moritur. *ibid.* & 84. Progenies ejus omnis eversa. 52

*Herodiani.* V. *Setta.*

*Hevilath* seu *Cavilath.* Duplex hujus nominis ori- go. 57

*Hippopotamus.* Descriptio ejus. 538

*Hircus emissarius.* Unde dictus. 138. Figura Chri- sti. 139

*Holocaustum.* Species sacrificii. 158. Unde dictum. 158

**J**ACHIM V. *Columna.*

*Jacob.* Duodecim filiorum pater. 2. Colluctatur cum fratre in utero matris. 22. Subripuit fratri patris benedictionem. 22. Fugit ad Laban. 23. Liam & Rachelem in uxores accepit. *ibid.* Unde dictus Israel. *ibid.* Descendit in Ægyptum cum tota fami- lia. 24. Moritur, prius edens vaticinium de Mes- sia orituro. *ibid.* V. *Israel.*

*Idola.* Dicuntur *vanitas* & *falsitas.* 81. Nomina Ido- lorum quorum fit mentio in Scriptura. 493. & *seqq.*

*Idololatria.* Hebræi Idololatriæ dediti iram Dei in se concitant. 30. Origo Idololatriæ. 476. & *seqq.* Ex ambitione principum & errore vulgi orta est. 477. Quo tempore homines à vero Deo deficientes ad falsos declinaverint. 486. Triplex Idolola- triæ species. 486. 490

*Idumæi*. Ab Hircano devicti Judaicos ritus admittunt, 78. *Idumæa* unde sic dicta, *ibid.* *Idumææ* descriptio, 85

*Jericho*. Muri ejus ac turres spontè cadunt. 30

*Jejunium*. Quomodo observatum à Judæis. 219. Quenam vetita in solemnibus jejuniis. 219. V. *Expiatio*, 219

*Jerusalem*, Descriptio ejus 85. Fundata in quatuor montibus. *ibid.* A Davide condita in monte Sion.

77. Dicta *urbs sancta*. *ibid.* Hujus restituendæ veniam obtinet Nehemias. 44. In ea non conducebantur domus, sed singulæ advenis patebant. 86.

278. Nec clave obserabantur. 278. Tecta earum plana. 86. 277. Procerum domus peristylis ornatæ. 87. 277. Jerusalem caput terræ Israel. 72. Caput Religionis. 77. In confinio trium partium orbis tunc noti posita. 71. Ejus & Templi everfusio à Romanis Imperatoribus. 52. Orbis plagas, seu climata, Scriptura assignat comparatione urbis Jerusalem. 86. Non capiebat Christum occidi extra Jerusalem. 157

*Jesus-Christus*. Nascitur, 48. Hominibus se conspicuum præbet. 50. Præcepta ejus & exempla, *ibid.* Moritur, *ibid.* Resurgit; cælos ingreditur, 50. Omni religionis Judaicæ cultu adumbratus. 17. Inde divinitas ejus probatur. 16

*Incole Terræ Israel*, 73

*Insecta*. Insectorum, de quibus loquitur Scriptura, nomina & proprietates. 533

*Joannes-Baptista*. Nascitur. 48. Ortus ejus miraculis insignitus. *ibid.* Cœpit prædicare. 49. Baptizat Christum. 49

*Job*. Patria ejus. 66. 325. Videtur natus ex posteris Nachor fratris Abraham, 326. Ab Hebræis plebisque creditur in rerum natura non fuisse. 325. Auctor libri ejus ignoratur. *ibid.*

*Jonas*.

- Jonas*. Quo tempore prophetaverit. 36. Mittitur Niniven. 37. A nautis projicitur in mare. *ibid.* Excipitur ventre ceti, & post tres dies ejicitur in littus. 37. Typus manifestus Christi. *ibid.*
- Jordanis*. Unde nomen acceperit. 72. In terra Israel pænè unicus. *ibid.* Fontes & cursus ejus. *ibid.* Nomen amittit in lacu Asphaltite. 72
- Joseph*. Nascitur, Venditur in Ægyptum, & in ea re figura Christi. 23. Conjicitur in carcerem, unde in aulam Pharaonis advocatur. 24. Somnia interpretatur. *ibid.* A fratribus agnitus patrem cum tota familia accersit in Ægyptum. *ibid.* Moritur. *ibid.*
- Josue*. Inter exploratores missus, populum contra exploratorum testimonium confirmat. 29. Solus cum Caleb Terram promissam ingreditur. 29. Præficitur Israeli. *ibid.* Urbes plurimas uno impetu capit. 30. Terram per duodecim Tribus partitur, moritur *ibid.* Quid sentiendum de autore libri *Josue*. 340
- Isaac*. Nascitur ex patre Centenario & matre Nonagenaria. 1. Ex eo oriunda benedicta proles. 1. Isaac figura Christi oblati tantum non mactatus. 22. Rebeccam ducit uxorem. 22. Moritur. 24
- Ismael*. Nascitur Abraham ex ancilla. 21. Non fuit heres. *ibid.* Circumciditur. *ibid.* Cum matre expellitur. 22
- Israel*. Hoc nomen accepit Jacob. 2. 23. Inde posterii dicti Israelitæ. 2. Regnum Juda, Regnum Israel. 32. Finis regni Israel. 38. V. *Israelita*. *Terra promissa*. *Castra*.
- Israelita*. Unde dicti. 2. 23. Descendunt in Ægyptum. 24. Duram experiuntur servitutem. *ibid.* Duce Moysè liberantur. 25. Ingressi eremum aquæ penuria laborant. 26. Manna pascuntur. *ibid.* Legem accipiunt in monte Sinai 28. 65. Territi ab



- exploratoribus in Ægyptum regressum parant. 29.  
 Quadraginta annis peregrinantur in Deserto. 28.  
 & 65. Terram promissam ingrediuntur duce Jo-  
 sue. 29. Idola colunt. 30. Vincuntur ab hostibus.  
 30. Judices Israelis. 30. Regem postulant. 31. Res-  
 publica Israelitarum primo Theocratia fuit. 220.  
 Nata & formata in monte Sinai. 222. Dein fuit  
 Aristocratia. 223. Postea Monarchia facta est.  
 225. Israelitæ desierunt esse populus, extorres fa-  
 cti. 226. V. *Judæi*.  
*Iter Sabbati*. V. *Sabbatum*.  
*Ishamar*. Posterij ejus. 8  
*Ituræa*. Errant qui in Peræa collocant Ituræos. 81.  
 Adjuncta fuit Tetrarchiæ Philippi. 84  
*Jubilæus annus*. 110. Unde dictus. 110. 512. Sole-  
 mnis & festivus apud Judæos. 110. & 129. Quo-  
 modo & quo tempore fieret servorum manumif-  
 sio. 129. Judæi tempora numerabant Jubilæis. 111  
*Juda* seu Tribus Juda; Dux belli mortuo Josue. 30  
*Judas* Galilæus. V. *Seffa*.  
*Judæa*. Hanc procurabat Pilatus cùm Joannes-Bapti-  
 sta cœpit prædicare. 49. 85. Provincia Imperii  
 Romani facta. 85. 226. V. *Palestina*, *Terra pro-*  
*missa*.  
*Judæi*. Unde dicti. 2. Quo nomine distinguerentur  
 à cæteris Gentibus. 2. Captivi per annos septua-  
 ginta. 41. Eis benignum se præbuit Cyrus. 41.  
 Soluti captivitate redeunt Jerosolymam duce Zo-  
 robabele. *ibid.* Per annos ducentos subditi Persis.  
 43. Ab Antiocho vexati. 44. Mathathias filios ho-  
 ratur ad tuendam libertatem. 44. Unde dicti Ma-  
 chabæi. *ibid.* Penes hos fuit regimen Judæorum.  
 44. Judæi facti Romanorum tributarii. 45. Spolia  
 eorum in templo Pacis à Vespasiano congesta. 53.  
 Quot perierint in obsidione Jerosolymitana. 53.  
 Pastoritiam vitam egere Principes Judæi. 281. Di-  
 vites

- vites & nobiles artem aliquam profitebantur. 282.  
 Discrimen inter veteres Judæos & Christianos.  
 208. Eorum opinio de diebus Messie. 211

**Judices.** Varius erat eorum numerus pro ut variabantur judicia. 232. Judicum numerus impar. 231. Regulæ ab iis servandæ. 236. Quomodo apud ipsos res perageretur. 237. Tam judices quam testes condemnatorum capiti manus imponebant. 238. Formula qua reus adjurabatur ut rem de qua querebatur proferret. 238. Tres Scribæ judicum sententias scribebant. 239. V. *Tribunal.*

**Juramentum.** Abstinebant Judæi Dei nomine in Juramentis. 211. Juramenta per creaturas impunè violari posse opinabantur. *ibid.*

**KALENDARIVM** Judaicum, & in eo multa notatu digna. 112. & *seqq.*

**Kalende.** Prima dies cujusque mensis apud Latinos. 104

**Karrai** unde dicti. Judæis infensi, & ipsis Judæi. 203. Unde orta eorum divisio. *ibid.*

**LANA** variis nominibus appellabatur prout diversimodè tincta. 600

**Lapidatio** supplicii genus. 246. Quo modo exigere-  
 tur. *ibid.* Locus lapidationis. 247. Loca. V. *T.*  
 Ubi de lapidatione agitur. *ibid.*

**Lapides** pretiosi. De duodecim lapidibus pretiosis pectoralis fasciæ summi Pontificis. 569. & *seqq.*  
 Apocalypseos. 581

**Leo.** Septem ejus nomina in fonte Hebræo. 514.  
 Terribilia in eo notata in Scripturis. 515. Proprietates ejus. *ibid.*

**Levi.** Filii Levi soli Deo vacabant; in tres cognationes divisi. 7. & 166

**Leviathan.** Descriptio ejus. 538

**Levite.** Nullam possederunt terram. 74. & 166. Decimis alebantur. *ibid.* Decimas ipsi Sacerdotibus pen-

pendebant. 166. In cæteris portionibus habebant urbes sibi assignatas. 74. Quoties movebantur castra cuique Levitæ assignatum erat quas partes Tabernaculi portaret. 91. Quibus ritibus consecrandi. 166. Qua ætate idonei obeundis officiis suis. 167. Variæ Levitarum classes. *ibid.* Eorum numerus ætate Davidis Regis. *ibid.* Cum omnibus jus connubii habebant. 272. Levitarum ministri, V. *Gabaonite.*

*Lex.* Legem accipiunt Judæi. 28. 65. Lex non legebatur nisi Hebraicè. 178. 214. Lex Moysis ulcus tegebat, non sanabat. 251. Zelus Judæorum adversus Legis divinæ violatores. 248. Variis temporibus varias Leges posuit Deus. 251. Leges Noe positæ. *ibid.* Testimonium Maimonidis de Legibus positis Adamo, Noe, Abraham, & cæteris Patriarchis. 252. Leges à Deo datæ Israelitis numero non paucæ. 253. Decalogus. *ibid.* Leges variæ civiles. 257. & *seqq.* Leges Judæorum allegoricæ. 250. 260. Lex Agraria. V. *Jubilæus.* Lex Oralis sive Traditio. 261. Testimonium Maimonidis de Lege Orali. 262. & *seqq.* In quo potissimum posita lex oralis. 264. Dubia circa Legem quomodo solvenda. 265. Legis oralis autor Rabbi Juda. 267. Singuli Judæi tenebantur sibi scribere librum Legis. 423. Vide *Talmud.*

*Libamentum* quid. 155. Semper adjiciebatur sacrificiis. *ibid.* V. *Ferta.*

*Liber.* Forma librorum apud antiquos. 213. Unde liber dictus volumen. 213. Forma librorum quibus utuntur in Synagogis: sine punctis leguntur. *ibid.* Qua cura scribantur. 214. Vel in unica littera error totum librum profanum reddit. *ibid.* Judæorum Religio circa librum Legis. *ibid.* Distinctio in *Paraschas* 215. & 334. In *Petuchot.*

# RERUM & VERBORUM. 737

335. In *Sethumoth*, 335. Paraschis respondent Hattaræ, 335
- Libri Canonici*. Quot apud Judæos. 332. Divisio eorum. 333. & *seqq.* Authores. 339. & *seqq.* Quo tempore scripti. *ibid.* Non omnes eadem lingua. 348. Unde cuique libro sua autoritas. 353. Autoritas Ecclesiæ circa Libros Canonicos. 351. Triplex ordo librorum Sacrorum. 354. Enumerantur singuli cujusque ordinis. 355. Quo tempore conditus Canon librorum Sacrorum. 357. Libri Apocryphi, 359
- Libra* in quo differat libra Romana à Parisiensi. 286
- Lictores*. Eorum munus. 249
- Linum* multiplex. 556
- Lites*. Quomodo peragebantur apud judices. 238. Tres Scribæ sententias judicum scribebant. 239
- Litteræ*. Litteras in Græciam ex Phœnicia primus Cadmus intulit. 71. 364. Græcæ litteræ ab Hebræis facile deducuntur. *ibid.* & 372. In quo differant. *ibid.* Characteres Hebraici immutati tempore captivitatis. 365. Characteres Samaritani antiquiores. 366. Veterum versionum diversitas ab hodiernis fontibus petenda ex similitudine litterarum Hebraicarum. 373. Alphabetum Hebraicum & Græcum. 373
- Locustæ*. Earum varia genera & nomina. 533. Inter illas plures mundæ sunt, quibus in Oriente plerique populi vescuntur. 535
- Loth*. Sodomam se recipit. 19. Abductus captivus liberatur ab Abraham. *ibid.* E peritura Sodoma educitur. 20. Pater Moab & Ammon. 21
- Luctus*. Quomodo se gerent Judæi occasione mortis vel cujusque rei luctuosæ. 282
- Luna*. Lunæ cursus in quo differat à cursu solis. 103. Menstrua tempora lunæ circuitu describebant Judæi. 104. Initium mensium à prima lunæ phasi, seu

- seu visione, fumebant. 104. Vocatur Neomenia.  
*ibid.* & *seqq.* Duplex lunæ mensis. 105  
*Lupus.* Animal rapax. 516

**M** *ACHABÆI.* V. *Judei.*  
*Magistratus.* V. *Judices.*

*Malum.* Quo sensu non est malum in civitate quod non fecerit Dominus. 613

*Manna* usi sunt Israelitæ in deserto per annos quadraginta. 26. Origo hujus nominis. *ibid.* & 603.  
 & *seqq.* Urna in qua Manna juxta Arcam appositâ. 91

*Mare aneum.* Situs ejus in Templo. 96. Quæ fuerit ejus forma. 303. *Mare Galilee.* V. *Genezareth.*

*Mare mortuum.* V. *Asphaltites.* Hebræi nomen maris tribuunt cuique loco ubi est aquæ copia. 72

*Margarita.* 583

*Massora* quid? 386. Massoretarum diligentia. 387.  
 A Massoretis puncta inventa. *ibid.* Præcipuæ Massoræ partes. 389

*Mel.* Cautum erat ne quid Mellis altari superponeretur. 155

*Melchisedech.* Abraham revertenti à cæde Codorlahomor benedicit, & ab eo decimas recipit. In ea re typus Christi. 19

*Mensa.* Usus Hebræorum circa mensam & comestionem. 279

*Mensa Panum Propositionis.* Situs ejus in Tabernaculo & Templo. 91. 95

*Mensis.* Juxta lunæ cursum menses primùm distributi 104. Initium mensium apud Judæos qua religione observatum & annuntiatum. 105. Quid mensis Periodici, & Mensis Synodici nomine intelligendum. 105. Mensium nomina apud Judæos. 106. Quis primus mensis anni Ecclesiastici 109. Mensis Embolimæus. *ibid.*

*Mensura.* Discrimen inter Mensuras Romanas & Parisien-

- risienses. 298. Alia etiam via scrutari potest. 298.  
 Mensuræ cavæ Romanorum, Græcorum, & Hebræorum. 300. 305. Hebræarum reductio difficilis ad Romanas & Græcas. 301. Mensuræ longæ Romanorum Græcorum & Hebræorum. 307  
*Mercatura.* Ad ea Judæi alieni. 281  
*Messias.* Origo hujus nominis. 2. 16. 655. Omnibus quæ Patriarchis & Hebræis contigerunt adumbratus. 16. 314. Duos distinguunt Judæi. 211. Eorum, opinio de temporibus Messiae. *ibid.* Quem futurum cogitabant Judæi carnales. *ibid.* V. *Jesus Christus.*  
*Messis.* Primitiæ Messis offerebantur post magnam diem azymorum 134. Ex quo frumenti genere *ibid.* Falx non poterat mitti in Messiem ante hanc oblationem 135. Ab hac die dies Pentecostes numerati. *ibid.*  
*Metallum.* Metalla de quibus mentio fit in Scriptura. 593. Discrimen inter Auricalchum & Oricalchum. 594  
*Metempsychosis* credita à Pharisæis. 212  
*Mina.* Quale pondus. 287. Mina aut Mna Hebræorum. *ibid.* Mina Attica. 288  
*Mischna* volumen magnitudine parvum, quo tempore scriptum. 268  
*Molendi* ratio apud Judæos. 281 605  
*Mons.* Urbs Jerusalem in quatuor montibus. 85. Palæstinæ Montes. 72. Lex data in Monte Sinai. 28. In excelsis & Montibus Dæmoniorum sacra fiebant. 479. Mons Garizim in quo Templum extructum à Sannabalat. 92  
*Moria.* In hoc monte Abraham paratus fuit immolare filium Isaac. 22. 85. In eo postea Templum ædificatus. 95. Everso Templo Salomonis aliud in eodem monte ædificavit Zorobabel. 99  
*Morbi.* Homo innocens morbis non fuisset obnoxius.

- xius.** 612. Morbos plerumque immisit Deus quibus peccata coercerentur. Morbi de quibus mentio fit in Scriptura. 615
- Mortui.** Judæorum fides de mortuis. 212. 284
- Moyſes.** Natus occultatur à parentibus ſuis. 25. Circumciditur. 3. & 434. Ex aquis eductus educatur in aula Regia. 25. Juſſus eſt à Deo populum liberare: *ibid.* Murmur populi in Moyſen. 26. Petram virga percutit. 27. Soceri conſilio ordines populi diſtribuit. 27. Cum Deo colloquitur, legem accipit *ibid.* Exploratores mittit. 29. Moritur in deſerto conſpecta eminens Terra promiſſa. 29
- Mulieres.** In Synagogy & in Templo à conſortio hominum remotæ. 97. & 100. Mulierem teſtem eſſe non licebat. 256
- Muli.** Cœperunt in uſu eſſe circa tempora Davidis. 511. Ana mulorum inventor ſecundum Hebræos. *ibid.*
- Mundus** per Verbum & propter Verbum conditus. 15. Ipſi ethnici mundum incepſiſſe fatentur. 15. Qua anni tempeſtate mundus conditus. 106
- Muſce.** Earum ſeptem ſpecies enumerantur. 535
- NATHINÆI.** V. *Gabaoniſæ.*
- Nazaræi.** Sanctioris vitæ genere diverſi à populo. 178. Leges Nazaræorum. *ibid.* Nazaræi nati, Nazaræi votivi. *ibid.* Votivi ad tempus conſecrabantur *ibid.* Nazaræatus votum non conceperat Paulus. (Act. 21.) Nazaræorum ſecta. 194. Chriſtiani per deſpectum dicti Nazaræi. 195
- Neomenia.** Quam religioſè obſervata. 104 131
- Nero.** Claudium excipit, Chriſtianos multum exagitat. Omnibus exoſus ſe interimit. 52
- Nitrum.** Res apta ſordibus abſtergendis. 596
- Noë.** Arca Noë Eccleſiæ typus. 17. A tribus filiis Noë orti omnes populi. 18
- Nomen.** Dum circumcidebatur puer, nomen ei imponebatur.

nebatur. 270. Quædam notanda circa nominis impositionem. *ibid.*

Nox in quatuor partes divisa apud Judæos. 102

Namen. V. *Idola. Idololatra.*

Nummi. Prodest non ignorare quæ fuerit species nummorum apud Græcos & Romanos. 285. Nummi & pondera primis temporibus non distinguendi. 287. Nummi Attici. Nummi Hebræi. 288. Quia veteres nummi cum nostratibus componantur. 289. Caracta quid? 291. Denarius quid? 291. Nummi ærei 293. Pondus nummorum aureorum & argenteorum quorum in Europa frequens usus. 295

Nuptia quomodo contrahantur. 272. Leges circa nuptias & puerperas. 258. 272

**O**BLATIO. Discrimen inter oblationem & sacrificium. 155. 162. Oblationum genus multiplex. 162

Octavianus. V. *Augustus.*

Odiu Judæorum in reliquos homines. 211

Omer, primitiæ Messis. 134. V. *Messis.*

Onager Asinus silvestris. 517

Onocentaurus, Animal mixtum ex homine & Asino 542

Oraculum. Consulebatur Deus per Oraculum. 184. Eo nomine appellabatur pars illa Templi in qua Arca. 95. 184

Oralis Lex. V. *Lex. Traditio.*

Oratio. V. *Synagoga.*

Orichalchi & auricalchi differentia. 594

Ozee. Figura Christi 454. Vaticinium à se editum de ruina regni Israel impletum vidit. *ibid.*

**P**ALÆSTINA. Unde dicta 72. Limites ejus. 66. Idonea unde verbum Domini exiret in orbem Terrarum. 70. Nomina varia. 72. Incolæ ejus. 72. Montes, lacus, flumina, Torrentes. 72. Partitio



- titio in duodecim Tribus. 73. Diversi Principes. 77. Descriptio ejus. *ibid.* & *seqq.* V. *Terra promissa.*
- Palma* mensura. Discrimen inter *Palmam* & *Palmum.* 306
- Palma* arbor. Descriptio ejus. 560
- Panes propositionis.* Quadrati erant. 91. Unde dicti *ibid.* Inter eos dispositi calami aurei fissi. *ibid.* Singulis Sabbatis renovandi. *ibid.*
- Paradisus terrestris.* In eo Adamus & Eva collocati. 16. Situs ejus. 56. & *seqq.*
- Paraphrasis.* Paraphrasum Chaldaicarum origo. 416 Triplices distinguuntur à Judæis. 417. Earum varii auctores. 417
- Parasceve.* 104
- Pardus.* Animal Leoni simile. 515
- Pascha.* Origo nominis. 132. 656. Quo tempore, quo ritu hoc festum celebrabant Judæi 131. & *seqq.* Dies celeberrima. 132. Qui legitimè impediti non potuerant primo mense celebrare *Pascha*, id facere tenebantur altero. 135. Incircumcisi aut pollutus non impunè *Pascha* comedisset. *ibid.* Nos christiani *Pascha* celebramus die Dominica post decimam quartam diem Lunæ, quam diem præcedit æquinoctium vernum. 671
- Patriarcha* inter personas sacras censendi. 181
- Peccata.* Agnoscunt Judæi peccatum originis. 210. Peccata duplicis generis. 212. Canones pœnitentiales Judæorum. 212. Confessio Peccatorum necessaria. 212. Sacrificium pro peccato. 159. 212
- Pecunia.* V. *Nummi.*
- Pentateuchus.* Origo nominis. 315. Dicitur etiam Lex, cur? *ibid.* Autor. 318. 339. Quid sentiendum de ultimis octo versiculis. 318. 339. Solum *Pentateuchum* inter libros Sacros admittunt Samaritani. 202. 415. V. *Versio.*

*Pentecoste*. Quo tempore celebratum sit Festum Pentecostes. 136. vocat Josephus *conclusionem*. *ibid.* Christianorum Pentecoste. *ibid.* Lex data in monte Sinai die Pentecostes. 136. Sine octava Pentecoste celebrabatur. 136. Placentæ ex novis frugibus & fermentatæ offerebantur. *ibid.*

*Pes* Parisiensis major Romano. 299

*Petri & Pauli* Martyrium. 52

*Phylacteria*, quomodo Judæi dilatarent *Phylacteria*. 275

*Piscina probatica*. Unde dicta. 85

*Plumarium opus*. 597

*Piscis*. Nullum animal fecundius pisce. 509. Distinctio in pisces mundos & immundos. *ibid.* Pisces de quibus fit mentio in Scripturis. 536

*Planta*. Seminis nomine intelligitur principium illud quo planta ex planta nascitur. 543. Enumerantur simul & exponuntur diversæ plantarum species de quibus in sacro Codice fit mentio. 544 & *seqq.*

*Pœna*. Corporeæ variæ 244. & *seqq.* Sontes virgis cædebantur, sed non ultra quadraginta ictus. *ibid.* Quomodo fieret flagellatio. 244. Pœnæ capitales quadruplices. 245. Crucifixio non erat in usu apud Judæos. *ibid.* Pœnæ non capitales. 249

*Polymita vestis*. 597

*Pondus*. V. *Nummi*.

*Potus*. V. *Cibus*.

*Preces* Judæorum variis nominibus distinctæ. 218. Bis quotidie fundendæ. *ibid.* Preces pro mortuis. 212. 284

*Primitiæ*. Omnes Deo debebantur, tam de animalibus quam de fructibus. 163. Ante primitias oblatas omnia immunda 163. Etiam de Massa fermentata primitiæ debebantur. *ibid.* De hominibus & animalibus immundis primitiæ redimebantur. 163

*Rechabite*, Certo vitæ genere distincti à Judæis: 179

*Redemptor*: V. *Messias*.

*Refugii urbes* duplices generis.

74

*Reptilia*: V. *Serpens*.

*Respublica* Judæorum Theocratia fuit. 220. In monte Sinai nata & formata. 222. Dein Aristocratia & Monarchia: 223. Moyses viros electos & strenuos constituit Principes populi; &c. 227. Quædam notanda in administratione Reipublicæ Judæorum. 228

*Reges Juda & Israel* à divisione regnorum ad eorum eversionem. 32. & *seqq.* auctores Librorum Regum. 322

*Roma* condita.

38

**SABBATUM**. Dies omnibus fere Gentibus sacer. 16. Qua Religione apud Judæos. 102. 130. 215. Videtur cœpisse ab origine mundi. 102. Festa omnia dicebantur Sabbata. 215. Quando inciperet; & quando desineret Sabbatum. 101. Nugæ & superstitiones Rabbitorum circa Sabbati observationem. 215. Quâ arte se liberant à Sabbati legibus. 216. Iter sabbati. 130. 216. 308. Annus Sabbaticus. 110. 129

*Sacerdotium*: *Sacerdos*. Ad filios Aaronis Eleazarum & Ithamarum Sacerdotium pertinuit. 7. 166. A Sabbato ad Sabbatum vices suas obibant. 7. & 170. Ad dies solemnes nulla classis aberat. 170. Sacerdotum classes xxiv. 169. Delectus. 170. Vitia quibus affecti Sacerdotes revocabantur ab altari. 169. Summus Sacerdos aliis præfectus. 173. Summum Sacerdotium primitus ad primogenitum hæreditate perveniebat. *ibid.* Sagan summi Sacerdotis. 171. Leges positæ Sacerdotibus. 172. Sacerdotum vestes communes. 172. Propriæ summo Sacerdoti. 172. & *seqq.* Sacerdotum omnium munera. 176. Pro-

- prium summo Sacerdoti munus. 177. Levitæ Sacerdotum ministri. *ibid.*
- Sacrificium.* Definitio, & origo sacrificiorum. 144. 153. Ritus. 148. Christi fides sacrificiorum finis. 151. De sacrificiis doctrina tradita ab Adamo ad Moysen. 160. & *seqq.* Sacrificia figura Christi. 144. Sacrificii essentia 151. Ex quibus fierent sacrificia. 153. Modus offerendi. 153. Modus jugulandi victimam. 154. Sacrificiorum ministri. 156. Loca sacrificiis destinata ante collectos in populum Abrahæ posteros. 87. A tempore Moysis ante & post extructum Templum. 88. & 156. Tempus offerendi sacrificii. 157. Sacrificiorum diversæ species. 158. Holocaustum unde dictum. *ibid.* Sacrificia Pacifica; Eucharistia. 159. Sacrificium pro peccato. 159. Pro delicto. 160. Consecrationis; emundationis expiationis. *ibid.* Sacrificia festis diebus propria. 160. Modus participandi sacrificiis. 161. V. *Oblationes.*
- Sal.* In ascensu altaris saliebatur victima. 155
- Salomon.* Templum in monte Moria extruxit. 32. Falsas religiones mulierum quas duxerat amplectitur. 32. Regnum ejus scissum sub Roboam filio ejus. *ibid.*
- Samaria.* A quo condita. 78. Diruta sæpius & restaurata & dicta *Sebasta*. 79. Tempore quo degbat Christus in terris dicta *Sichem*, & *Sichar* per opprobrium. 78. 81. Samaria nomen regionis. 81. Samaria plena idolis. *ibid.* A quibus habitata post abductas decem Tribus. 200
- Samaritani.* V. *Schisma.*
- Samson.* Auxilio ejus Israelitæ vindicati à Philistæis. 30. Privatus oculis Philistæos obruit, & suo sepelitur triumpho. 31
- Samuel.* Judicat Hebræos. Ungit Saulem in Regem,

gem, & postea Davidem. 31

*Sandalia*. Sandalia more Capucinatorum utebantur Judæi. 276

*Saul*. Ungitur in Regem. 31. Ejus in Davidem invidia. *ibid.*

*Schisma*. Samaritanorum schismatis origo. 199. Primum idololatræ. 200. Deinde schismatici. *ibid.*

Eos inter & Judæos contentio de loco divino cultui destinato. 201. Odia inter eos. 201. Samaritanorum errores. 202. Schisma Alexandrinorum. *ibidem*. Hellenistarum. *ibid.* Karaorum. 203

*Scenopegia* seu *Festum Tabernaculorum*. Unde dictum illud festum Scenopexiæ. 139. Per dies octo celebrabatur. 141. Quo ritu. 139. Octava dies pariter sollemnis. 141. In tribus festis Paschæ, Pentecostes, & Tabernaculorum tenebantur viri omnes Jerosolymam convenire. 141

*Scriba*. Origine nominis. Eorum munera. 187. Quando orti Scribæ. 188. Scribarum correctiones. 385

*Scriptura sacra*. Preces ante lectionem Scripturarum. 214. Deus Autor Scripturarum. 311. Eorum sunt libri quorum nomina præferunt. 312. Compendium & finis Scripturarum. 314. Dicuntur *Testamentum*. 314. Librorum sacrorum nomina, Autores & historia brevis. 315. & *seqq.* 339. & *seqq.* Divisio. 332. Distinctio in sectiones majores & minores. 334. In capitula & versiculos. 336. Qualilingua scripti libri sacri. 339. & *seqq.* Quæ sit cujusque libri autoritas. 349. & *seqq.* Variantes lectiones non obstant textuum integritati. 381. Quo sensu veteres Patres Judæos accusarunt de textus Hebraici voluntaria corruptione. 382. Zelus Judæorum erga legis integritatem. 383. In

- Sepultura.* Usus circa sepulturam mortuorum. Con-  
diebantur, non cremabantur cadavera divitum ;  
pauperum condebantur in terra. 283
- Serpens.* Serpentum quorum mentio fit in Scriptu-  
ris nomina & proprietates. 530. Erigitur serpens  
æneus à Moyse, figura Christi crucifixi, 29. Ser-  
pentes igniti. 532
- Servus.* Servorum munera. 14. Servum testem esse  
non licebat. 256. Servis restituta libertas anno Ju-  
bilæo. 111. 129. Quando & quo ritu fieret illa  
manumissio. 129
- Sestertius* quid? 287
- Siclus.* Pondus Hebræorum. 287. 288. Valor ejus.  
288
- Silurus.* Piscis irrui in Tobiam. 537
- Sodoma.* Ob nefarias incolarum libidines igne cæle-  
sti consumpta. 20
- Sol.* V. *Luna.* *Mensis.*
- Sortium* Festum à Judæis non à Lege institutum. 142.  
Quando, & quomodo celebratum. *ibid.*
- Superstitio* Judæorum in observanda Lege. 215. V.  
*Idola.* *Idololatra.* 215
- Supplicium.* Suppliciorum varia genera apud Roma-  
nos. 250. V. *Pœna.*
- Synagoga.* Earum origo & usus. 100. In eadem ci-  
vitate complures. 100. Iis usus Deus ut J. C. no-  
men Gentibus innotesceret. 101. Synagogarum mi-  
nistri. 177. Eorum autoritas. 187. In iis Lex non  
legebatur nisi Hebraicè. 178. 213. Scholæ publi-  
cæ. 178. Synagogas ingredi mulieribus vetitum.  
217
- Synedrium.* Synedria minora in singulis civitatibus.  
231. Synedrium. Majus antiquitus à Moyse insti-  
tutum. 232. Locus ejus 232. Potestas *ibid.* & 233.  
Non poterat alibi quam in Templo collocari, 235.

In eo Christus reus mortis judicatus. . . . . 237

**T**ABERNACULUM. In medio castrorum  
Israel erectum. 88. Situs ejus in castris 88. De-  
scriptio ejus. 89. Miracula in Tabernaculo pa-  
trata . . 93. Templum succedit loco Tabernaculi.

94

*Tabernaculum* Festum. V. *Scenopegia*.

*Tabule* Legis. Inclusæ in Arca. 91. Reparatæ à Moy-  
se qua die? . . . . . 139

*Talentum*. Valor ejus. . . . . 289

*Talmud*. Quid? 268. Duplex est. . . . . 269

*Templum*. A Salomone extructum. 32. 94. Forma  
ejus. 95. Templum secundum à Zorobabele re-  
stauratum. 99. Ornamenta Templi Salomonis qui-  
bus caruit secundum. 99. Altare Templi. Atria  
Gentium, Israelitarum, Sacerdotum. 96. Tempia  
in monte Garizim & in Ægypto ædificata. 99.  
Encænæ, sive Dedicaciones Templi. 142. Mini-  
stri Templi. 166. & *seqq.* Magistratus Templi .  
168. Usus & consuetudines circa Templum. 217.  
Eversio Templi & urbis Jerusalem à Romanis Prin-  
cipibus. 52. Templum Ægypti demolitum. . . 53

*Tempus*, Quid? 101. Tempus anni à quo decimæ  
computabantur. . . . . 164

*Teraphim*. . . . . 305

*Terra*. Instar sphaeræ rotunda. 54. Divisio ejus .  
*ibid.* Partes præcipuæ. . . . . 55

*Terra promissa*. Dimensiones ejus. 66. Limites .  
68. Incolæ. 74. Hanc ingrediuntur Israelitæ duce  
Josue. 29. Miracula in expugnatione urbium facta .  
30. Partitio ejus in duodecim Tribus. 74. & *seqq.*  
V. *Judæa*. *Palestina*.

*Testamentum*. V. *Biblia*, *Libri*. *Canonici*. Scriptura  
*sacra*.

*Testes*. Adjurati per nomen Dei. 237. Eorum erat  
pri-

# RERUM & VERBORUM. 751

primum in reos lapidem mittere. 248. Mulierem aut servum testes esse non licebat. 257. testi fides non habenda. *ibid.*

*Tetrarchia.* Nomen dignitatis infra regiam. 47

*Thannin.* 538

*Theatrum* quid? 627. Theatra ludis exercendis loca destinata. *ibid.* Nudi athletæ pugnabant. 629. Eorum temperantia. 631

*Tiara* summi Sacerdotis. Descriptio ejus. 172 176

*Tiberius.* Augusti successor. 49. Pilatum ad se navigare jussit. 51. Moritur, huic succedit Caligula. *ibid.*

*Tobias.* V. *Silurus.*

*Torrens Egypti.* 69

*Traditio.* V. *Lex Oralis.*

*Tribunal.* Diversa Tribunalium genera. 230. Tribunal in unaquaque civitate. 231. Synedrium magnum 231. Judicium pro pecuniis agebatur per tres judices. 232. Judicium animarum per viginti tres. 232. Majores causæ ad Synedrium referebantur. *ibid.* Minorum Tribunalium subsellia in portis civitatum. 234. Tribunal viginti trium in porta atrii Templi. 234. Synedrium magnum in Templo. 235. V. *Synedrium.*

*Tribus.* Divisio populi per tribus duodecim. 7. Inter eas non numerabantur filii Levi. 7. Divisio Terræ promissæ per duodecim Tribus 30. 74. & *seqq.* Decem Tribus abductæ captivæ. 39. 77. Tribus Juda septuaginta annis captiva apud Babylonios 42. 77. Dispositio duodecim Tribuum in castris. 88. Vexilla castrorum. *ibid.*

*Trinitas* Personarum in Deo uno. 15. Trinitatis divinæ mens humana præfert imaginem. 15

*Tuba.* Tubarum festum. 137. Quare sic dictum.



RERUM & VERBORUM. 757

*Uxor*. Plures uxores habere licitum, præterquam summo Pontifici. 273. Libellus repudii ad duriciem cordis concessus. *ibid.* Ad menstruatam aut gravidam accedere nefas. 273

**Z** *ELOTYPIA*. Aquæ Zelotypiæ. 258

*Finis Indicum.*

## L I B R I

NUOVAMENTE STAMPATI

D A

LORENZO B A S E G G I O.

**A**llen (J.) *Synopsis Universæ medicinae practicae, sive doctissimorum Virorum de Morbis, eorumque causis, ac remediis judicia.* 8. tomi 2. 1732.  
 Bidermanni ( Jacobi è Soc. Jesu ) *Epigrammata* 12. 1732.

Cabassutii (Jo.) *Notitia Ecclesiastica Historiarum, Conciliorum, Canonum, & Ecclesiæ rituum.* fol. 1729.  
 Istoria della Volgar Poesià, Comentarj intorno alla medesima, e altre Opere di Gio. Mario Crescimbeni 4. tomi 6. fig. 1731.

Lettere del fu Signore di Chanterefme tradotte dal P. Alessandro Pompeo Berti 12. tomi 2. 1733.

Manuale Theologiae Dogmaticæ sive ad tritissimam in fidei controversiis questionem *Ubi scriptum est?* Catholicorum vera, A catholicorum falsa responsio a quodam Soc. Jesu Theologo collecta 24. 1726.

Melchiori ( Bart. ) *Omnium Homicidiorum examen* 8. 1728.

Natalis Alexandri O. P. *Institutio Concionatorum cum ideis Concionum per totum annum* 4. 1731.

Petavii ( Dionysii è Soc. Jesu ) *Rationarium temporum cum appendice usque ad annum 1732.* 8. tomi 2. 1733.

Ragion Poetica, e della Tragedia di Vincenzo Gravina. 4. 1731.

Stradae ( Famiani è Soc. Jesu ) *de Bello Belgico* 8. tomi 2. cum fig. 1730.

Torti ( Francisci ) *Opera Medica* 4. Editio nova aucta 1732.

F I N I S.







